







FRATRIS

PETRI MARIE GAZZANIGA

PRÆLECTIONES THEOLOGICÆ

IN NOVEM TOMOS DISTRIBUÆ



F R A T R I S  
**PETRI MARLÆ GAZZANIGA**

ORD. PRÆD.

PRÆLECTIONES THEOLOGICÆ

HABITÆ

IN VINDOBONENSI UNIVERSITATE

NUNC VERO METHODO DISPOSITÆ

EMENDATÆ ET AUCTÆ

ACCEDIT TRACTATUS DE SACRAMENTIS EJUSDEM AUCTORIS

*TOMUS PRIMUS*

DE FUNDAMENTIS RELIGIONIS REVELATÆ CONTRA INGREDULOS  
ATQUE HETERODOXOS



BASSANI 1831.

SUIS TYPIS REMONDINI

EDIDIT

*Vicetiae ex Cancell. Episc. die 14. Maji 1830*

Admittitur

ALEX. VALLE CAN. VIC. GENER.

JO. BAPT. SANSON CANCELL. EPISCOP.

# PRAEFATIO GENERALIS

## IN QUA RATIO AC METHODUS TOTIUS OPERIS

### BREVITER EXPONITUR

Ut quid opus erat in tanta librorum theologicorum farragine, quibus omnes bibliothecarum plutei redundant, novis his voluminibus litterariam rempublicam onerare potius, quam ditare? Et si his opus erat, annon toties jam repetitæ tuarum Prælectionum, ultra, citraque montes editiones plane sufficiebant, quin nova hæc præla nostra fatigaretur? Quid boni, aut quid novi nobis es allaturus, ut proinde labores tuos, aut aliis utilitatem, aut tibi decus, ac gloriam allaturos esse, sperare possis? Ita, et fortasse etiam pejus ut primum hæc meæ Prælectiones in publicum prodierint, mihi bene multos succensuros, certo certius præsentio. Horum autem molestis, importunisque interpellationibus non illa utar responsione, *Sic placitum fuit*; et cum nemo ad hæc mea legenda cogatur, neminem proinde me juste culpare, aut reprehendere posse, quod ea denuo publicaverim; sed veras hujus mei propositi rationes afferam, quibus sin minus omnibus consilium meum probare, meipsum saltem ab omni temeritatis nota liberare posse, confido.

Tenuitatis meæ intime conscius numquam certe in tanta litterarum luce, ac litteratorum hominum frequentia de aliquo edendo libro cogitassem, nisi Augustæ MARIÆ THERESIÆ, quæ ad Theologicam cathedram in celeberrima, et antiquissima Vindobonensi Universitate moderandam, me singulari clementia vocaverat, multisque, ac magnis exornaverat beneficiis, compulisset auctoritas. Supremis tantæ MAJESTATIS jussis obtemperavi, sed admodum invitus; postea tamen obtemperasse me nunquam pœnituit, cum aliis de causis, tum etiam quia labores meos tanto favore excipi vidi, ut intra paucos annos hæc Prælectiones sæpius in lucem publicam prodierint, neque in Germania solum, sed etiam in cultissima nostra Italia; atque omnia eorum exemplaria ita brevi distracta fuere, ut Venetus Bibliopola non semel ad novam, amplioremque earundem editionem faciendam me sollicitaret.

Ego vero eo libentius ipsius, et quorundam etiam Amicorum sollicitationibus morem gerendum putabam, quod jamdiu summopere cuperem extremam iis manum apponere, ut a quibusdam niendis expurgatæ, et multo auctiores prodirent, quo Theologiæ studiosis, quorum usui elaboratæ erant, utiliores essent. Id autem jam dudum perfecissem, nisi meis desideriis gravia, et multa se se opposuissent obstacula. Primo enim variis, assiduisque Scholæ exercitiis occupato non multum temporis supererat, illudque ipsum in aliis quibusdam libris scribendis AUGUSTISSIMÆ IMPERATR-  
RA-

RATRICIS, ac REGINÆ jussu impendere debui (a). Non raro etiam adversa valetudine diu, multumque conflictatus, consueta, mihiq; gratissima studia intermittere coactus fui, ac demum crudeli ~~oppressione~~ <sup>oppressione</sup>, seu, ut Medici loquuntur, oculorum *suffusione* ad cæcitatem plane reductus de meo complendo desiderio jam desperassem, nisi mihi, Deo operi ferente, expertissimi Ocularii Medici ars singularis visum utcumque restituisset. Recuperatis igitur aliquantisper corporis, oculorumque viribus, aliisque permolestis curis liberatus, tandem aliquando opportunum mea sum otium, quo exoptatæ, et a meipso, et a quibusdam aliis Prælectionum mearum emendationi, ac locupletiori editioni totus incumberem. En, amice Lector, quænam fuerint hujus novi mei laboris, ejusdem tam diuturnæ procrastinationis causæ. Nunc vero earumdem methodum, ac seriem paucis accipe.

Multa, quæ in præcedentibus desiderabantur, huic postremæ editioni addita sunt, ut mox declarabitur. Sed ipsum etiam rerum tractandarum ordinem immutandum duxi, ut meliore adhibita methodo Sanctissima Religionis nostræ dogmata et dilucidius exponerentur, et solidius confirmarentur. Necessarium igitur visum est, ab ipsis primis christianæ doctrinæ principiis, et fundamentis exoriri, ut iis bene, firmiterque constitutis ad theologica dogmata explicanda, stabilienda, ac vindicanda tuto progredi possemus. Duo autem sunt hostium genera, quibuscum dimicare oportebit. Primi sunt *Naturalistæ*, et ceteri increduli, qui omnia prorsus Theologiæ *revelata* principia ad aniles fabulas, atque infantiliæ præjudicia amandant. Alii sunt Heterodoxi, qui divinam quidem nostræ Religionis revelationem agnoscere se profitentur, dum tamen ipsam Revelationem pravis interpretationibus suo arbitratu explicant, ejusdem fundamenta non solum labefaciunt, sed plane evertunt; eam enim ita obscuram, atque ancipitem reddunt, ut impiis ansam præbeant eam omnino tollendi.

Hæc cum ita sint, facile quisque videt, non posse nos in disciplinis theologicis tuto procedere, nisi prius et divinam revelationem hominibus factam esse, et certam, atque immobilem ejusdem cognoscendæ regulam a Deo fuisse constitutam, invictè demonstretur. Utrumque autem pro virili nostra Deo opitulante præstabimus in primo hoc Prælectionum volumine, quod *Isagogicum* appellabimus, quia ad penitiores Theologiæ aditus nos introducit.

Porro cum infelici hac nostra ætate irreligiosa incredulorum turba late admodum serpat, magnaque jam prodierit, majorque in singulos fere dies prodeat pestiferorum librorum sæda colluvies, manifeste apparet, quanta hodie sit hujus materiæ in ipso primo Theologiæ limine accurate, copioseque pertractandæ necessitas; qua necessitate cum felicioribus Religionis temporibus non premerentur Majores nostri, hinc factum puto, ut has primas veritates contra Incredulos non una simul, sed sparsim variis in locis, molliorque brachio attingerent; neque multam impendendam esse operam crederent in diversis impiorum classibus distinguendis, et una simul colligendis, ac diligentius euucleandis his difficultatibus, quas nos ex cineribus, quibus merito sepultæ erant, infelicitè excitarunt, aut de novo opera male sedula excogitarunt.

Hæc cum ita sint, utilius mihi visum est, omnia, aut saltem potissima irreligiosorum hominum systemata ( si tamen hoc nomine appellare licet eam male consarcinatam sophismatum, et cavillationum molem, qua nostræ potius destruere, quam sua ædificare student ) simul collecta ob oculos nostrorum lectorum ponere, ut uno

ve-

(a) Hi sunt *Theologia Dogmatica in systema redacta* Viennæ typis Jo. Th. de Trattneri 1776. Vol. I. in 8., & *Theologia polemica* Viennæ apud eundem Trattneri 1778. Vol. 2. in 8.

veluti obtutu et vanos incredulorum conatus, et inexpugnabilem victricis Religionis firmitatem aspicere possent. Accedit etiam, quod mirabilis nostrarum veritatum nexus non modicam, et sibi invicem, et toti simul Sanctissimæ Religioni lucem affundit; quod ad bonorum fidem magis magisque confirmandam plurimum confert. His potissimum de causis primam hujus voluminis Isagogici partem, non solum utilem, sed plane necessariam reputavi, ut contra *Atheos*, *Deistas*, et *Naturalistas*, et Deum creatorem, ac provisorum omnium existere, ac divinam religiosi cultus revelationem possibilem esse, nobisque omnino necessariam, et demum singulari Dei beneficio factam esse demonstraretur.

Huic postea altera pars succedet, in qua cum iis manus conferendæ erunt, qui supernam quidem Religionis nostræ revelationem se venerari profitentur, nullum tamen certum, atque infallibilem agnoscunt ejusdem interpretem; quo fit, ut velint, nolint, in impium Naturalismum delabantur. Parum quippe, aut nihil prodest divinam fateri revelationem, si verum germanumque illius sensum nullus vivus, ac supremus iudex indubia, certaque fide proponere, ac determinare possit, ac fidenter dixerim, magis sibi cohærere, qui solam naturalem rationem in Religionis negotio audiendam esse contendunt; quam qui Deum ipsum nobis per Prophetas, ac per unigenitum Filium suum arcanam, et ineffabilia suæ Divinitatis mysteria manifestasse credunt; et postea cujusmodi ea sint, et qualis eorumdem intelligentia, incertæ, et fallaci hominum disputationi relictum fuisse arbitrantur.

Nullum certe absurdius paradoxum excogitari potuisse videtur; et tamen hoc est, imo teste S. Augustino (a), hoc fuit semper omnium hæreticorum *πρότερον κίνημα*, hic primus, et capitalis error, nolle supremum, et infallibile Ecclesiæ Tribunali fasses humiliter submittere, infallibili autem Ecclesiæ judicio repudiato, quid aliud restat, quam doctrinæ revelatæ interpretationem, vano, inconstanti, erroribusque pleno cussiliet hominis privato iudicio permittere? Quod quanquam per se absurdissimum vel ipso primo adpectu videatur, pertinaciter tamen a Novatoribus defenditur; ac tot, ac tantis, ac tam acutis sophismatibus ita controversia hæc obscurata fuit, ut non modico labore opus sit ad hanc fundamentalem Religionis revelatæ veritatem clara in luce ponendam, ac vindicandam, quod nos omni diligentia præstabimus, primo funditus evertendo varia a Sectariis excogitata, et male constituta principia, deinde ex perpetua, invariataque Majorum nostrorum doctrina supremam Pastoribus Ecclesiæ fidei, morumque controversias definiendi potestatem asseremus; quod unicuique est medium nobis a Dei providentia datum ad lites finiendas, ad fidei unitatem servandam, ad errores eliminandos, atque ut quilibet nostrum sit in fide stabilis, ac securus. Quo in loco etiam de Rom. Pontificis in universa Ecclesia primatu jurisdictionis, in quo D. N. J. C. posuit Ecclesiasticæ unitatis centrum, multa dicere oportebit. Eo enim sollicitus hæc suprema Apostolica Sedis auctoritas modo defendenda est, quo eam non solum ab hæreticis et schismaticis aperte negari, sed (quod minime expectandum erat) a quibusdam etiam, qui catholico nomine gloriantur, quasi per cuniculos insidiosè oppugnari, et quod pejus est, factis etiam tolli, magnopere dolemus.

(a) Epist. 118. c. 5. T. II., ubi ait: "Illi, qui cum in unitate, atque communionem catholicam non sint, Christiano tamen nomine gloriantur, coguntur adversari credentibus. Sed hoc facere coguntur, ut dixi, quia jacere se abjectissime sentiunt, si eorum auctoritas cum auctoritate catholica conferatur. Conantur ergo auctoritatem stabilissimam fundatissimam Ecclesiæ, quasi rationis nomine, & pollicitatione superare. Omnium enim hæreticorum quasi regularis est ista temeritas."

Et quidem si misericors, atque omnipotens Deus infirmos nostros conatus ita adjuvare dignaretur, ut Adversarii has veritates, quæ totius Religionis bases sunt, ac fundamenta, tandem agnoscerent, debitamque Ecclesiæ Pastoribus, imprimis autem visibili ejusdem Ecclesiæ capiti R. P. obedientiam præstarent, jam totum confectum esset negotium; supervacanei fortasse viderentur fusiores Theologiæ tractatus; ac brevius sufficeret omnium nostrorum dogmatum expositio, qualis in bene ordinatis divinis Ecclesiæ suæ sponsæ revelatas, ab eaque Spiritu S. assistente solemniter definitas inconcussis divini verbi oraculis communire, oppositosque, ac damnatos errores omni argumentorum genere confutare. Qua quidem in re, consuetam fere aliorum Scholasticorum methodum sequentes, ita totam Theologiam partiemur.

Primo de Dei essentia, deque iis divinis attributis agemus, quæ *absoluta* dicuntur, ubi amplam subtiliter disputandi materiam nobis suppeditabunt Pantheistæ, eorumque sureuli Spinozistæ, Polytheistæ, Anthropomorphitæ, Hobbesiani. Post autem se se nobis offerret faustissima æternæ nostræ felicitatis causa, scilicet visio Dei, perquam Eunomiani, Palamitæ veteres, novique Chiliastæ suis erroribus obscuræ perperam conati sunt. Sequentur deinde salebrosæ illæ, ac perdifficiles controversiæ de Dei scientia, voluntate, prædestinatione, ac reprobatione, quæ Scholas etiam catholicas inter se dividerunt. Has penitus omittere piaculum videretur; easdem tamen qua majori fieri poterit brevitate, ac sobrietate tractabimus, ut in fidei dogmatibus contra hæreticos tuendis tempus utilius impendamus. Atque hæc omnia secundum Prælectionum volumen complectetur.

Tertio vero ea continebuntur, quæ ad augustissimam divinarum Personarum Trinitatem pertinent; contra quam omni tempore ferocissimos adversarios infernus suscitavit. Nam præter Judæos, etiam inter Christianos Sabelliani, Ariani, Semi-Ariani, et Macædoniani; post autem Græci Photiani, omniumque pestilentissimi Sociniani illam aperto Marte oppugnare aggressi sunt. Postremi autem successerunt Arminiani, et Tolerantes, qui gravissimum hoc, et tam necessarium Religionis nostræ mysterium inervadiaphoras Scholæ opinionones (quis crederet?) relegari posse docuerunt; ut proinde qui illud blasphemio ore inficiantur, aut fæde corrumpunt, inter Christianos tolerari posse arbitrentur. Ita purum putumque pyrrhonismum invehere conantur. Hæc modo est apud Heterodoxos dominans secta: hucusque tolerantia, quæ tantopere sæculo nostro prædicatur, progressa est. Id dolendum quidem, sed minime mirandum; hoc enim erat necessarium pseudo-reformationis consecrarium, ut invecta quilibet examinandi, ac rejiciendi libertate, nihil amplius fixum in Religionem, ratumque superesset. Contra hanc pestem, quæ sub falso quodam humanitatis nomine quotidie magis dilatatur, Theologiæ candidati omni studio muniendi sunt.

Sanctissimo Trinitatis mysterio exposito, atque confirmato, in quarto volumine ea omnia simul colligemus, quæ ad creationem rerum ex nihilo, a veteribus Philosophis ignoratam, a novis autem pseudo-philosophis procacissime negatam pertinent; tum de Angelorum creatione, omnibusque iis, quæ de his nobilissimis spiritibus, aut divina revelatio, aut Sancti Patrum traditio nos docuit, non indiligenter agemus; videlicet de eorum incorporea natura, de variis eorum choris, atque officiis, de bonorum, ac malorum distinctione, de istorum peccato, et pœnis; ac demum de illa ipsorum perversitate, qua nostris animis, atque etiam corporibus insidiantur; ubi quædam addere oportebit de energumenis, ac de magicis artibus, quæ recentiorum quo-



quorundam palatui minus fortasse sapient, sunt tamen doctissimorum hominum omnium ævi auctoritate probata. Denique hunc tractatum iis concludemus, quæ pertinent ad felicem illum primævæ innocentiae statum; unde protoparentes nostri infeliciter deciderunt, totamque eorum posteritatem in eandem calamitatem omnium certe maximam secum traxerunt. Hoc peccati originalis mysterium, nemo profundius perscrutatus est, et nemo operosius contra Pelagianos defendit, quam magnus Augustinus, cujus proinde doctrinam fideliter sectabimur, ac diligentiam pro virili nostra imitabimur.

Vix Adam suo illo peccato, *grandi* nimis, totum humanum genus infecerat, cum misericordissimus Deus Liberatorem illico promittere dignatus est, quod Interpretes concorditer fere sententia paucis refragantibus colligunt ex c. 3. Geneseos 15. et seq.; quæ divini Liberatoris promissio ore Prophetarum et sæpius, et clarius postea repetita fuit, ac demum in plenitudine temporum adimpleta. Quocirca et nos salutis ordinem sequentes, post exposita gravissima peccati originalis damna, ad explicandam uberrimam salutiferæ Incarnationis doctrinam festinabimus; et postquam contra pervicacissimam Judæorum cæcitatem ostenderimus, Jesum Christum esse Messiam toties in Lege promissum, et a sanctis Patriarchis magno cum desiderio expectatum, haud parum nobis laborandum erit, ut abstrusissimum hoc mysterium ab innumeris Photinianorum, Nestorianorum, Eutychianorum, Monothelitarum, aliarumque hujusmodi pestium erroribus liberemus; maxime autem Socinianorum, qui omnium aliorum blasphemias in sua hæresi, quasi in foetidissima sentina collegerunt, et cunctos suos prædecessores malitia superarunt. Isque erit quintus Prælectionum Tomus.

In Sexto autem de immensis salutiferæ Incarnationis fructibus tractare incipiemus, scilicet de *gratia Salvatoris*, tam *actuali*, quam *habituali*, per quam vetere peccati homine in nobis destructo ad imaginem, et similitudinem Dei renovamur. Magna autem cautione opus erit, ut declinatis duobus oppositis scopulis Pelagianæ, et Prædestinariæ hæreseos medium, et tutissimum cursum cum Catholica Ecclesia tenamus; quod eadem opitulante Dei gratia nobis prospere eventurum certo confidimus.

Non erimus autem culpandi, si a solita nostra methodo, parum scilicet in domesticis Scholarum dissidiis immorandi, tantisper discedamus, ut Majorum nostrorum placita contra nuperas quorundam Theologorum opiniones strenue tueamur. Cum istis tamen tanquam fratres cum fratribus amice disputabimus, memores illius S. Augustini moniti: *Qui scholas habemus diversas, templa habemus communia. Pro eadem Religione*, inquebat Facundus Hermianensis lib. 7., *non solum dissentire a se invicem, verum etiam pugnare adversus se religiosi, et rectissimi possunt.*

His sobrie, temperanterque expeditis multo libentius vires nobis a Deo benigne concessas contra eos Jansenii patronos, vel assecclas impendemus, qui ut novis Molinistarum conatibus sese acrius opponerent, ad oppositam Prædestinariam sectam declinarunt. Quorum errores eo diligentius a Thomistis et vitandos, et refellendos arbitror, quo illi ineaute persuadere nitantur, damnata sua dogmata non alia esse, quam quæ sanctissimi nostri Magistri et Duces, Augustinus et Thomas, in aureis suis scriptis quasi hæreditario jure nobis reliquerunt, causamque suam nobiscum communem facere vellent.

Qua in re, ne quid dissimulem, magnam ipsis ansam quidam Molinistæ dederunt, qui ad invidiam Scholæ nostræ sententiis conflandam ipsis teterrimam Calvinismi, Bajanismi, Jansenismi dicam scribere imprudenter ausi sunt: tum illi, qui veneranda gravissimorum Scriptorum nomina proscriptæ in Jansenio hæresis, aut aperta accusatione, aut saltem maligna suspicione infamare non sunt veriti; quod Nori-

sio, Bertio, Contensonio, Serio, aliisque contigisse, nemo ignorat. Imprudentes isti accusatores minime advertunt, causam Jansenistarum, saltem apud imperitorum multitudinem, non parum juvari; quippe qui his testimoniis facile abutuntur, ut inde concludant, suas sententias, ut Apostolico Romanæ Sedis fulmine ictas, suorum hostium aperta confessione ab inconcusso, tutissimoque Scholæ nostræ systemate non differre. Et oh utinam nostris etiam temporibus hæc calumniandi prurigo non identidem renovaretur! *Haud ignota loquor.*

Ego vero ita animo sum comparatus, ut a damnatis quibuscumque erroribus longe abhorream, atque omnia Ecclesiæ, summorumque Pontificum decreta, qua decet reverentia, atque obedientia ore, et corde recipiam; simul tamen minime verear inanes illorum clamores, qui privata sua placita cum sacrosanctis fidei nostræ articulis inscite, vel malitiose confundunt, et qui iisdem refragantur, statim violatæ Religionis accusant. Nova minime est apud quosdam dolosa hæc pugnandi ars, quasi scilicet etiam in theologicis certaminibus illud locum habeat: *doctus, an virtus quis in hoste requirat?* Sed contra hanc quorundam ex nostris adversariis artem jamdiu nos præmonuit Sanctissimus Pontifex Benedictus XIII., cum in literis in forma Brevis, anno 1724. ita suos Dominicanos hortatus est: „Magno animo *contemni-* „*te*, dilecti filii, *calumnias intentatas* sententiis vestris de gratia præsertim per se, ab „intrinsicco efficaci, ac de prædestinatione ad gloriam absque ulla prævisione me- „ritorum, quas *laudabiliter* hactenus docuistis, et quas ab ipsis sanctis Doctoribus „Augustino, et Thomæ se hausisse Schola vestra *commendabili studio gloriatur*“. Hoc mihi propositum est, hoc Deo juvante servabo. Imo ut tutius in salebrosis istis controversiis incedam, ab illa sapientissimi Thomæ de Lemos doctrina ne latum quidem unguem discedam, quam in celeberrimis Romanis Congregationibus coram Clemente VIII. et Paulo V. cum tanta nominis sui gloria invicte propugnavit, post autem in doctissima sua *Gratæ Panoplia* fusissime exposuit, et confirmavit. Cumque hæc doctrina fuerit toties Romanæ Censuræ judicio probata, nonnisi iis suspecta esse poterit, qui obtenta debita ecclesiasticis decretis obedientiæ orthodoxas aliorum opinionum vellicare, suspectasque reddere præsumunt. Sed ad methodum nostram exponendam redeamus.

Nempe his omnibus postremum volumen addemus, quo Tractatus continebuntur de virtutibus theologicis, de actibus humanis, ac de ultimo fine hominis, Optarem vero etiam copiosissimam de re sacramentaria materiem aggredi, ut sin minus totam, quæ nimis late patet, præcipuas saltem Theologiæ partes complecteremur; sed ea ætate jam sum, ut sperare minime liceat, me tantum vitæ, viriæque a Deo obtenturum, ut id perficere possim; neque exiguum divinæ misericordiæ munus reputabo, si quæ in hac præfatione promisi, et prælo jam parata sunt, in publicam lucem tandem prodiiisse videbo (a).

Non adeo ineptus sum, ut mihi ipsi blandiâr, vel aliis persuadere velim, me novam attulisse, quibus theologicam scientiam aut ditaverim, aut peregrina eruditione illustraverim: imo candide fateor, quæ sparsim apud multos egregios Scriptores inveni, præcipue autem in iis Angelici Præceptoris mei operibus, quæ tot Romano-Pontificum, aliorumque summorum virorum laudibus commendari meruerunt,

et

(a) *Postulata hujus piissimi ac doctissimi Viri exceptit Deus. Ætatem sustinuit, viresque dedidit, ut Opus omnino perficeret. Duo enim volumina composuit, in quibus eodem ingenio, eademque eruditione Sacramentorum materiem pertraxit, quæque octavum, & novum Tomos efformantia, nunc primum eduntur.*

et quæ nocturna versare manu, versare diurna in more habui, quanta opus erat brevitale, et quanta maxime potui perspicuitate, me contraxisse; illud magnopere cavens, ne Juvenes in theologica palestra nondum exerceat, aut nimia rerum, verborumque copia obruerentur, aut fastidiosa obscuritate repellerentur. Quæ duo tamen evitare, quam difficile sit, omnes periti norunt: *Dum brevis esse laboro, obscurus fio.*

In verborum delectu illud potius curavi, ut ab inculata quorundam Scholasticorum barbarie declinarem, quam ut exquisitam, sublimemque sermonis elegantiam consecrarem; tum quod *ornari res ipsa negat, contenta doceri*, ut recte ille præcipiebat; tum etiam quia longo rerum usu comperi, medioeria ingenia, quorum major semper esse solet in Scholis numerus, sublimiore dicendi genere a rebus ipsis probe intelligendis, multoque magis ab ipsis facile, expediteque exponendis multoties retardari. Eadem etiam experientia didici, verissimam esse illam Clementis Alexandrini observationem initio Libri II. *Stromatum*: *Eos qui inherent, et in eis sunt occupati, res ipsas effugere.*

Ex immensa autem theologicarum questionum copia eas potissimum seligendas duxi, quæ ad capitalia, et ab Ecclesia jam definita sanctissimæ Religionis nostræ dogmata pertinent, aut quæ ad ea proximius accedunt: ex quorum numero eas opiniones semper esse putavi, quas de scientia Dei, de prædestinatione hominum, et de gratia Salvatoris Schola nostra constanti studio tuetur; in iis enim errare, nendum turpe, sed etiam summopere perniciosum, aut saltem valde periculosum est. Alias vero scholasticas controversias, quæ ingeniose et subtiliter in utramque partem agitantur, aut penitus prætermisi, aut tantum indigitavi, aut breviter, mollique brachio discussi. Quoniam enim earum pleræque sua utilitate non carent, æquum tamen non est, ut aliis multo utilioribus, aut plane necessariis locum, et tempus præcipiant.

Ut Tyronum commodo melius consultum esset, fontes eisdem patefeci, ex quibus hortulos meos irrigavi; quos proinde et ipsi adire possent, si quando majus otium nacti profundiorum, et ampliorem earum rerum, quas ego breviter pertractare coactus sum, notitiam habere desiderent. Eos autem Scriptores præcipue nominavi, qui peculiare de aliqua materia tractatus edidit, in quibus proinde uberius, atque enucleatius eandem expendunt, quique utiliores esse solent, dummodo cum debito rerum selectu legantur; plerumque enim fusiore stylo utentes, cum tantum studere videantur, ne aliquid prætermittant, nimia rerum copia fastidium generant, et lectoris patientiam defatigant. Eos autem celeberrimos Scriptores, qui totam Theologiam spissis suis voluminibus complexi sunt, aut nunquam, aut rarissime appellavi. Ii enim nemini ignoti sunt, ut supervacaneum esset eosdem Auditoribus indicare.

Sæpius vero anceps hæsi, an etiam Heterodoxorum, imo et impiorum libros, eorumque præsertim, quorum lectio a supremis Potestatibus interdicta est, locis opportunis citarem. Timui enim, ne propter nimiam eosdem legendi curiositatem plus ex eorum notitia detrimenti, quam emolumenti in juvenes redundaret. Sed præterquam præsto sunt clarissimorum vivorum exempla, aliquibus ad id faciendum non levibus rationibus permotus sum, quas in *Monito quodam discipulis pernecessario* in T. I. ad calcem III. Diss. P. I. p. 231. breviter exposui (a).

Te-

(a) S. Hieron. in ep. LXX. ad Magnum Oratorem urbis Romæ multis illustrium virorum exemplis contra Ruffinum se purgat, quod Ethnicorum, atque etiam Hæreticorum libris sæpius usus fuerit.

Testimonia aliorum, quantum maxime potui, accurate et fideliter exscripsi; collatione fere semper usus, et raro admodum necessitate adactus aliis fidens, quotidiana experientia edoctus, quam sæpe vel typographorum incuria, vel aliis de causis hac in parte errari contingat. Neque etiam hac in re veritus sum, ne mihi illud exprobraretur, quod Diogenes Laertius Lib. VII. num. 181. Chrysippo ab Apollodoro Atheniensi exprobratum refert, videlicet si quis tolleret de ejus libris, quæ aliena sunt, *καὶ τὰ ὀφέλιμα καταλείψει*: *vacua illi charta relinqueretur*. Neque enim in gravissimis his rebus ingenio meo arroganter indulsi, sed aliorum tectus auctoritate tutius procedere volui.

Illud postremo oro, obtestorque, ne mihi vitio vertatur, quod errores, in quos Scriptores etiam doctissimi nonnunquam lapsi sunt (homines enim erant) non vaga tantum eruditione, sed plane ipsorum nominibus appellatis notaverim. Absit enim, ut quispiam ad eorum gloriam minuendam, vel ad meam captandam id a me factum fuisse suspicetur; novi enim, Hieronymo monente ep. 102. ad S. Augustinum (T. I. p. 627.), *puerilis esse jactantia... accusando illustres viros suo nomini famam quærere*. Sed et hoc ad Auditorum meorum utilitatem pertinere putavi, si nedom esse syrtes, et scopulos ipsis dicerem, sed etiam ubi latent, quasi digito commonstrarem, ut eos facilius declinarent, nec magnorum nominum auctoritate sibi imponi paterentur. Neque tamen propterea eorundem existimationi aliquid detractum iri, arbitratus sum. Quis enim homines, qui in republica litteraria prima occupant subsellia, parvi faciat, quod alicubi dormitaverint, vel cespitaverint? Scilicet *ac veniam petimusque, damusque vicissim*; eoque facilius, ac libentius aliis damus, quo magis ea nos ipsos indigere probe conscii sumus.

Hanc brevem præfationem concludo, ita quemlibet Lectorem verbis S. Augustini (De vera Relig. cap. 10. Tomo I.) rogando: *Quæ vera esse perspexeris, tene, et Ecclesiæ Catholicæ tribue: quæ falsa, respue, et mihi; qui homo sum, ignosce: quæ dubia, crede, donec aut respuenda esse, aut vera esse, aut semper credenda esse, vel ratio doceat, vel præcipiat auctoritas. Intende igitur in hæc, quæ sequuntur, diligenter, et pie quantum potes; tales enim adjuvat Deus.*

## I N D E X

## CAPITUM ET PROPOSITIONUM

Q U Æ

IN HOC VOLUME I. CONTINENTUR

## P A R S P R I M A

DISSERT. I. in qua demonstratur, Deum esse, omnia ab ipso fuisse creata, perpetuo conservari, atque ejus providentia administrari. Pag.	2	veræ ejusdem divinæ revelationis notæ proponuntur.	41
Cap. I. Naturalibus rationibus demonstrari potest, Deum esse.	3	Cap. I. Quid sit religio, & quotuplex Dei cultus ab ea præscriptus.	ibid.
Cap. II. Deum reipsa existere variis argumentis ostenditur; & primo quia res omnes hujus universi contingentes sunt, luculenter demonstratur, esse præter illa aliud ens summe, & omnino necessarium, nempe Deum infinitis perfeccionibus cumulatissimum.	9	Cap. II. Ostenditur, cultum internum, & externum Deo deberi, illique esse acceptum.	42
Cap. III. Ex motu, qui in rerum natura apparet, demonstratur Deum esse.	12	Cap. III. Ostenditur, potuisse Deum hominibus religionem revelare.	44
Cap. IV. Deum esse, ex mirabili hujus mundi structura demonstratur.	16	Cap. IV. Demonstratur divinæ revelationis necessitas ad perfectam legis naturalis cognitionem; vel ut alii loquuntur, ad cognitionem religionis naturalis.	46
Cap. V. Deum esse confirmatur ex unanimi hominum consensione.	23	Cap. V. Nonnullis argumentis ostenditur necessitas divinæ revelationis quarundam veritatum supernaturalium.	52
Cap. VI. Asseritur summa illa, ac generalis providentia, qua Deus res omnes conservat, & sapientissime administrat.	32	§. I. Primum argumentum pro necessitate revelationis supernaturalis desumptum ex interna hominis corruptione, cujus corruptionis originem, causam, & remedium nonnisi Deo revelante cognoscere possumus.	53
DISSERT. II. In qua ostenditur potuisse Deum hominibus religionem revelare: tum hanc revelationem fuisse hominibus necessariam, ac demum		§. II. Alterum argumentum pro necessitate divinæ revelationis petiitum ab ignorantia mediæ necessariæ ad obtinendam peccatorum remissionem.	57
		§. III. Tertium argumentum pro necessitate	

- supernaturalis revelationis depromptum ex cultu Dei externo, quem sola ratio non potest certo determinare. ibid.*
- §. IV. Quartum argumentum pro necessitate supernaturalis revelationis depromptum ex ignorantia cultus interni Deo debiti. 60
- Cap. VI. Solvuntur quædam difficultates contra necessitatem revelationis veritatum supernaturalium. 61
- Cap. VII. Demonstratur, in religione supernaturali a Deo revelata contineri posse mysteria, quæ rationem nostram longe superant, non tamen ipsi opponuntur. 62
- Cap. VIII. De notis veræ revelationis, & primo de miraculis. 67
- §. I. Ostenditur, vera miracula esse certas divinæ revelationis notas. ibid.
- §. II. De confictis Gentilium miraculis. 74
- §. III. Solvuntur quædam alia argumenta contra notam divinæ revelationis ex miraculis depromptam. 77
- Cap. IX. Ostenditur, prophetias esse divinæ revelationis notas. 78
- DISSERT. III. Quæ ostenditur, divinam revelationem tam in veteri, quam in novo testamento factam esse. 85
- Cap. I. Divinam revelationem factam fuisse Moysi, atque in Pentateucho existere, tum ex miraculis, tum ex prophetiis in eo contentis evincitur. 86
- Cap. II. Præcluditur illorum effugium, qui certitudinem miraculorum Moysi elevare conantur, dicentes Pentateuchum fuisse longe post tempora Moysis conscriptum, aut graviter corruptum. 99
- Cap. III. Ostenditur, divinam revelationem existere in N. T. potissimum ex miraculis, & prophetiis Jesu Christi in eo contentis. 106
- Cap. IV. Ex aliis miraculis post Christi ascensionem in cælum in Ecclesia editis ostenditur veritas divinæ revelationis in N. T. 125
- Appendix. De quatuor Evangeliorum Apostolica origine. 127
- Monitum discipulis pernecessarium. 133

## PARS SECUNDA.

- D**e fundamentis religionis Catholice Romanæ contra Heterodoxos. Pag. 135
- DISSERT. I. In qua demonstratur contra Heterodoxos, divinam revelationem non solum in sacris litteris, sed etiam in divinis traditionibus contineri. ibid.
- Cap. I. Quid sit traditio, & quod duplex; & quinam ejus hostes. 136
- Cap. II. Præter verbum Dei scriptum, admittendum est etiam verbum Dei ore traditum; atque hoc necessarium est tum ad orthodoxum sacræ scripturæ sensum determinandum, tum etiam ad quædam fidei, morumque dogmata, quæ in sacris litteris non continentur. 137
- Cap. III. De notis, quibus veræ traditiones divinæ a falsis distinguuntur. 150
- DISSERT. II. Exponitur systema A Catholicorum de judicandis controversiis fidei. 151
- Cap. I. Ostenditur, viam examinis in determinandis articulis fidei nec esse omnibus possibilem, nec tutam. 152
- Cap. II. Ostenditur, perperam Heterodoxos ad Scripturæ sacræ perspicuitatem confugere, ut viam examinis omnibus possibilem reddant. 157
- Cap. III. Solvuntur quædam objectiones, quibus Heterodoxi probare nituntur,



- solam sacram Scripturam esse omnium controversiarum fidei, morumque iudicem.* 163
- Cap. IV. Ostenditur, spiritum privatum non esse tutum sacræ Scripturæ interpretem. 164
- Cap. V. Demonstratur, humanam rationem esse non posse sacrarum Scripturarum interpretem. 166
- Cap. VI. Demonstratur, eos, qui viam examinis in fidei controversiis institui volunt, necessario in Tolerantismum, seu Indifferentismum labi. 169
- Cap. VII. Ostenditur contra Jurium, aliosque Tolerantes, nemini licere citra salutis dispendium Fidei dogmata ab Ecclesia definita rejicere, quæcumque ea sint. 173
- DISSERT. III. Demonstratur, Ecclesiam esse legitimam, supremam, & infallibilem Fidei controversiarum iudicem. 180
- Cap. I. De nomine, & definitione Ecclesiæ. *ibid.*
- Cap. II. Vera Christi Ecclesia debet esse visibilis. 181
- Cap. III. Ostenditur Ecclesiam Christi visibilem nec defecisse unquam, nec deficere posse. 184
- Cap. IV. Ex demonstrata hætenus Ecclesiæ visibilis perpetuitate colligitur, Scias, quæ ab Ecclesia Romano-Catholica se separarunt, esse extra Ecclesiam Christi. 191
- Cap. V. Asseritur summa, & infallibilis Ecclesiæ auctoritas in definiendis quæstionibus fidei, & morum. 195
- Cap. VI. Ostenditur, Concilia generalia rite, ac legitime celebrata in fidei, morumque definitionibus errare non posse. 201
- Appendix De Concilio Tridentino. 209
- Cap. VII. De notis Ecclesiæ. 211
- Art. I. Exponuntur, & rejiciantur notæ, quibus veram Christi Ecclesiam cognosci oportere, A catholici contendunt. 212
- Art. II. Proponuntur veræ notæ, quibus facile ab unoquoque possit Ecclesia Christi cognosci. Earum autem prima est unitas. 215
- Prop. Vera Christi Ecclesia debet esse una, maxime vero unitate fidei, & regiminis: hæc proinde unitas est veræ Ecclesiæ nota. *ibid.*
- Art. III. De nota sanctitatis Ecclesiæ. 222
- Prop. Ecclesiam Catholico-Romanam esse sanctam, ostendunt sanctitas doctrinæ, sanctitas plurium ipsius membrorum, & gloriæ miraculorum. *ibid.*
- Art. IV. Probatur veram Ecclesiam debere esse catholicam, atque hanc notam soli nostræ Ecclesiæ convenire. 229
- Prop. Vera Christi Ecclesia debet esse catholica, idest toto orbe diffusa. Id autem soli Ecclesiæ nostræ convenit. *ibid.*
- Art. V. Ostenditur, veram Ecclesiam Christi debere esse Apostolicam, atque hanc notam soli Ecclesiæ Romano-Catholicæ convenire. 232
- DISSERT. IV. De Romani Pontificis Primatu. 252
- Cap. I. Ostenditur S. Petrum fuisse a Christo Domino Apostolorum, totiusque Ecclesiæ caput, ac Principem constitutum. 253
- Prop. S. Petrus fuit a Christo Apostolorum Princeps constitutus, quæ obrem jure divino Primatu jurisdictionis in tota Ecclesia potius est. *ibid.*
- Cap. II. Solvuntur argumenta, quibus aliqui probare nituntur, S. Paulum fuisse Petro æqualem. 261
- Cap. III. Ostenditur, S. Petrum Apostolorum Principem Romæ fuisse, ac in ea Ecclesia Episcopatum usque ad mortem tenuisse. 263
- Cap. IV. Asseritur Romano Pontifici Primatus honoris, & jurisdictionis. 269





PRIMA PARS  
ISAGOGICA

DE FUNDAMENTIS

RELIGIONIS REVELATÆ



**A**n tequam ad explicandos ordine consue-  
to dogmaticæ Theologiæ tractatus accedamus,  
e re visum est, animos Tyronum præpara-  
re, atque contra eos præmunire, qui prima  
ipsa sanctissimæ religionis principia convelle-  
re impio, atque iasano conatu nituntur. Mul-  
tiplex autem horum genus est. Sunt enim  
primo, quamquam non multi, qui Deum ip-  
sum primum, & potissimum theologiæ scien-  
tiæ objectum stulte non minus, quam im-  
pie esse negant. Sequuntur alii, qui nimia  
evidentia coacti a tanto scelere recedunt; e-  
jus tamen infinitam, & sapientissimam provi-  
dentiam simul cum Epicuro sublatam, aut  
angustis quibusdam limitibus coarctatam vel-  
lent, ut ita nullo existente criminum vindice  
Deo, liberius possint in omne se vitiorum  
genus effundere. Sunt demum alii, qui &  
providentiam divinam, & aliquam etiam reli-  
gionem se agnoscere, vel profitentur, vel si-  
mulant, sed nonnisi eam, quam nativum ra-  
tionis lumen ipsis pro arbitrio suppeditat;  
atque oculis sibi ipsis eruant, ne supernæ  
revelationis fulgentissimos radios aspiciant. I-

mo eo audaciæ progrediuntur, ut religionem  
supernaturali revelatione nobis a Deo tradi-  
tam inter fanaticorum hominum deliria sacri-  
lego ore recenseant.

Horum omnium divinæ revelationis hostium  
perniciossissima commenta eo diligentius nobis  
refutanda sunt, quo major succrescit pesti-  
lentium librorum colluvies, ad eam cavillis,  
subtilibusque fallaciis impugnandam. Tribus  
itaque Dissertationibus hanc primam partem  
de fundamentis religionis revelatæ complecte-  
mur; in quarum priore multis, atque invi-  
ctis argumentis, contra veteres, recentesque  
Atheos Deum esse, ostendemus. In altera  
Dei providentiam ad omnes, & singulas res  
creatas se extendentem vindicabimus. In ter-  
tia demum supernam religionis nostræ reve-  
lationem & possibilem esse, & necessariam,  
ac singulari Dei beneficio hominibus factam,  
tam manifeste evincemus, ut nullus plane Na-  
turalistis de ea dubitandi locus relinquatur.  
Qua in dissertatione, utpote omnium præcipua,  
argumenti potius dignitati ac gravitati, quam  
brevitati inservire coacti erimus. Sit itaque

# DISSERTATIO I.

*In qua demonstratur, Deum esse, omnia ab ipso fuisse creata, ac perpetuo conservari, atque ejus providentia administrari.*

1. Recte observavit S. Thomas L. I. de veritate catholice Religionis contra gentiles c. 9. in rerum Theologicarum tractatione primo quasi totius operis necessarium fundamentum, demonstrari oportere Deum esse; hoc enim non habito, nihil prorsus de rebus divinis loqui possumus, ut proinde tota theologia tollatur.

2. Nominem autem Dei, pergit ibidem S. Doctor cap. 10. id intelligimus, quo majus cogitari non potest, seu ens a seipso, adeoque summum, & omnino necessarium, infinitis perfectionibus cumulatisimum, quodque prima est, atque universalis omnium rerum causa.

3. Qui ad tantum impietatis culmen perveniunt, ut hoc ens existere negent, *ἀποὶ* græca voce noncupantur, hoc est *sine Deo*. Triplex autem illorum classis distingui solet. Si qui enim sunt, qui mentis tarditate, aut incredibili prorsus incogitantia Deum esse ignorent, hi *atheï negativi* appellantur; quos tamen inter homines ratione utentes nullos esse arbitror. Qui Deum ab aliis agnoscit, & adorari non ignorat, ipsi tamen summa intellectus excecatione, ac cordis corruptione eundem agnoscere nolunt, aut, quod pejus est,

argutiis, & cavillationibus tollere nituntur, vocantur *atheï positivi*, vel etiam *dogmatici*. Qui demum dubitare se dicunt, sit necne Deus, ut Protagoras fecit (a), appellari possunt *atheï sceptici*, vel *pyrrhonic*.

4. Addunt aliqui quartum *atheorum* genus, eorum nempe, qui atheismi viam quasi ingredienti, talia adoptant principia, ex quibus recte fluit, nullum esse Deum. Hac tamen in re maxime cavendum est, ne atheismi crimen, quo nullus atrocior esse potest, immerito cuiquam tribuatur; sæpe enim contingit, ut alicujus systematis consequentiæ aut ignorentur, aut saltem negentur (b).

5. His igitur missis, nos proprie atheos eos solos intelligimus, qui aut Deum esse ignorant, aut procaciter negant, aut saltem in dubium stulte revocant. Porro haud facile est, accuratam eorum historiam texere (c). Veterum *ἀσθεῖς*, seu *atheorum* catalogum olim dederat Lysippus Epirota, memoratus a Scholiaste Apollonii (apud Jo. Alb. Fabricium Toim. I. *Bibliothecæ græcæ* pag. 817.), qui modo desideratur. Nostra autem, Patrumque nostrorum memoria non pauci

(a) Refert Diogenes Laertius Lib. IX. Scd. 91. Protagoram hoc libro initium posuisse: *de Diis quidem statuere nequeo, neque an sint, neque an non sint*; hacque de causa fuisse ab Atheniensibus agro exterminatum, ejusque libros in concione combustos. Idem refert Cicero Lib. I. de natura Deorum, & Sextus Empiricus *Adversus Mathematicos*.

(b) Sic, ut aliqua ponamus exempla. Possidonius apud Ciceronem L. I. de natura Deorum fidenter affirmabat, nullos esse Deos Epicuro videri, quæque is de Diis immortalibus dixerit, invidie detestanda gratia dixisse, quia neque ex ipsis systemate consequencebatur, nullum esse Deum. Epicurum tamen ab atheismo purgant Petrus Gassendus de vita & moribus Epicuri L. IV. c. 3., & Jac. Bruckerus in *Historia Philosophiæ* T. I. ubi etiam sæculo inquit de atheismo Anaximandri, Anaxagoræ, Theodori, Evhemeri, Bionis Borysthenitis, Silponis, Platonis, Clitomachi, Aristotelis, Stratonis, Stoicorum, Aristonis Chii, Christippi, Pythagoræ, Empedoclis, Ocelli Lencani, Parmenidis, Melissi, & Diagoræ Melii. Mirari postea subdit (ut id obiter observemus) hunc scriptorem, qui ethnicos Philosophos a tetra atheismi nota liberare studeat, in ejusdem atheismi suspicionem vocasse Leonem X. Card. Petrum Bembum, aliosque non paucos Catholicæ communionis celebres viros, & quidem sine ullo prorsus tantæ accusationis probabili argumento, aut

teste fide digno, ne quilibet videre poterit ex iis, quæ habet T. IV. P. I. Lib. II. Cap. 3. §. 63. & seq.

(c) Aliqui inter Protestantes atheismi historiam illustrare conati sunt, ut Jenkins Thomasius in *Hist. atheismi breviter delineata* Aldorfi 1713. 8. qui postea eandem historiam a se recognitam iterum edidit Londini 1717. 8. hoc titulo *Diss. historico-philosophicæ de atheismo, sive historia atheismi, in qua Scriptores vetustis, & recentiores impietatis falso postulati liberantur a turpi atheismi stigmate: alii vero, qui de supremo Numine sentire videntur minus recte, corripuntur merito*. Ant. item Reiserus *Diss. editit epistolarem ad Theophilum Spiseliem, de origine, progressu, & incremento antitheismi, seu atheismi, in qua atheismi originem a Caino, aliisque antediluvianis frustra repetere conatur*. Jacobus etiam Frid. Raimannus *Historiam* nobis dedit *atheismi, & atheorum* Hildesie 1725. 8. Nonnulli denique hac de re exhibet Franc. Buddeus in *Thesibus de atheismo, & superstitione* c. 2. ac Joach. Langius in *causa Dei, & religionis naturalis adversus atheismum* T. I. p. 81. & seq. editionis secundæ Hale Saxoniæ 1727. in 12. Hi tamen, aliique Heterodoxorum libri alimodum cante a tyrionibus legendi sunt, propter sæpe præjudicia hand raro in iis inspersa; ac propter intolerabilem pruriginem Rom. Ecclesiæ scriptores atheismi accusandi.

recensentur hujus gravissimæ impietatis rei, sed nescio an omnes proprie athei dici debeant (a).

6. Sæpius enim vocatos atheos invenimus omnes eos, qui verum Deum non agnoscebant, aut non colebant; ut cum S. Paulus Ephes. II. 12. Ephesii dicit: *eratis illo tempore* (quando scilicet idolis serviebant) *sine Christo, & sine Deo* (αθεοι) in hoc mundo. Et S. Ignatius Martyr in epist. ad Trallianos n. 10. *quidam athei*, inquit, *hoc est infideles* (b).

7. Quamquam vero nunquam multos fuisse veri nominis atheos existimo; quia tamen aliqui semper fuerunt, & forte adhuc sunt tantæ impietatis rei, ideo hac de re accurate disputandum est, & dicere possumus cum Platone (Lib. X. de Legibus): *Nisi sermones ii inter omnes, ut ita dicam, homines vulgati essent, nihil opus esset argumentis demonstrare esse Deum; nunc autem necesse est*. Præterea materia hæc tanti mo-

menti est, ut contineat primum totius religionis fundamentum, quæ nulla sine Deo esse potest, ideoque nullatenus est præternitenda.

## CAPUT PRIMUM.

*Naturalibus rationibus demonstrari potest, Deum esse.*

8. Nedium Athei, verum etiam nonnulli alii id negarunt, sed diversa prorsus ratione: isti enim Deum esse confitebantur, non naturali aliquo ratiocinio, sed sola ejusdem Dei superna revelatione convicti: quomobrem hoc dogma non inter veritates naturales, sed inter articulos fidei, quos sine ratione credere oportet, numerabant (c).

9. Communior tamen, & modo jam plane con-  
~~cors~~ est Theologorum omnium sententia, posse  
~~certum~~ demonstrari, Deum esse, non quidem

(a) Inter atheos recentioris ævi famosus fuit Lucilius, seu (ut vanissimus homo vocari amabat Julius Cæsar) Vanini Tolosæ an. 1619. flammis ob atheismum damnatus. Ejus apologiam admodum ingeniosam adornavit Petrus Frid. Arpe, quæ anonyma prodit in 8. Cosmopoli, seu verius Amstelodami 1712. Eum item purgare conatus est Petrus Bælius in impio opere *Pensées sur les Comètes* g. 174. & seq. Istis tamen certe præferri mereretur Gabriel Bart. Gramondus Senatus Tolosani Præses in Lib. III. *Historiarum Gallie*, qui auctor cœvius, imo testis fuit oculatus supplicii, quo Vaninus affectus est. Durandus Minister Calvinianus Roterodami edidit *La vie & les sentiments de Lucilio Vanini* in 8. 1717-5 sed eum præcesserat Joann. Gottl. Olearius in duabus diss. de Luc. Cæsari Vanini vita; *factis*, & *scriptis*, & *opinionibus*, Jenæ 1709. in 4. ac Joan. Mauritius Schrammius de *vita*, & *scriptis famosis athei Julii Cæs. Vanini*, Cnstrin 1709., & 1715. Inter Atheos etiam non immerito numeratur Benedictus Spinoza, & qui ejus impium systema amplexi sunt; de quibus suo loco dicitur. Nec levem atheismi suspitionem dedit Jo. Tolandus Hibernus in duabus dissertationibus, quarum una inscribitur *Atheismus sive Titius Lucretius a superstitione vindicatus*, altera de originibus Judaicis, tum etiam in *Epistolis ad Sirenam in Pantheismo*, aliisque impiis suis operibus. Demum atheismum aperte professus est nuperus auctor pestilentissimi libri, cui titulus *Système de la nature*; cuius auctoris etiam esse putantur duo ejusdem furfuris opuscula: *Contagion sacrée de M. Trenchard*, & *essai sur les préjugés*; in quibus omni larva deposita puris continetur atheismus.

(b) Notatū digna sunt, quæ Clemens Alexandrinus in *Cohortatione ad Gentes* num. 2. de veteribus quibusdam Philosophis atheismi postulatis habet. *Mirari auid*, inquit, *(neque enim id tacere possum)* quod Echemerum Agrigentinum, & Nicaeorem Cyrium, & Diagoram, & Hipponem Melium, & his paullo juniorum Theodorum Cyrenæum, multosque alios, qui sobrie, sapienterque vitam instituerunt, & ad pravæ de *Dei* opiniones perspicuiores reliquis hominibus fuere, atheos cognominant. Quæ locum Clementis illustrant inter alios Ant. Muretus L. X. *Variarum Lett.* cap. 17.

& Theophilus Raynaudus T. V. Opp. edit. Lugdun. in *Theol. Natur.* Diss. quæst. 1. art. 8. Ut autem revertamur ad eos, qui numerum atheorum augere studuerunt, jure reprehendendi Bælius, qui non solum plurimos scriptores, præsertim Rom. Ecclesiam, sed plane integras, populosque nationes iis adjunxit, imo vel ipsos Scotistas *à Deo* nos expostulavit, propter ipsorum *universale formæ a parte rei*, quod cum Spinozæ systemate collimate contendit in *Dictionary art. Abailard* rem. C. Non solum autem reprehendendum, sed plane ridendum se exhibuit Jo. Harduinus, dum in libello inscripto *Athei detecti* (qui inter opera ejus cæria, & *posthuma* Amstelodami prodit in fol. an. 1733.) in atheis stultè recensuit Corn. Jansenium, Andr. Martinum, Land. Thomassinum, Franc. Malebranchium, Pasch. Quesnellum, Ant. Arnaldum, Petr. Nicodemum, Blasium Pascalem, Ren. Carthesium, Ant. Grandiun, & Sylvanum Regis. Sed jam prius Harduini cancellia Pillonerius an. 1715. opusculum in Hollandia ediderat, cui titulus *L'athéisme decouvert par le R. P. Hardouin Jésuite dans les écrits de tous les Pères de l'Eglise, & des Philosophes modernes*. vid. *les Lettres théologiques de M. l'Abbé Gultier* T. III. Lettre 16. De veritate, ac de religione ipsa bene meriti illi fuere, qui plurimorum falso atheismi accusatorum vindicias egere, ut Christophorus Wolfius in Diss. de *atheismi falso suspectis*; & Jac. Hesæus *De Gentilibus Philosophis atheismi falso suspectis*. Multorum fidem hac in re vindicavit etiam Jacob. Bruckerus sup. laud. in nota ad n. 4.

(c) Ræ nonnulli apud S. Thomam Lib. I. *Summæ contra Gentiles* cap. 12. & quæst. 10. de veritate art. 12. Iia etiam opinatus fuit Cardinalis Petrus de Alliaco sæc. XVI. in 1. part. quæst. 3. art. 8. & ante eum Gabriel Biel Lib. I. *Sentent.* dist. 2. quæst. 20. art. 2. quos postea secuti sunt Fanstus Socinus *Prælectionum Theolog.* cap. 2. & Christophorus Ostorodius *Instit. Christ. religionis* c. 1. Præterea celebris fuit sæc. XVI. ea quorundam opinio in Patavino Lyceo, unum medium Philosopho naturali ad demonstrandum, dari primum motorem a materia distinctum, esse motus æternitatem, quæ quia non datur, ut fide divina certum, sequitur, primum demonstrari non posse natu-

dem *a priori*, sed *per causam*, eum Dei nulla sit causa; sed *a posteriori*, seu *ex effectibus*.

10. Nec desunt etiam, qui contendunt *a priori* ostendi posse, Deum esse, nempe ab existendi necessitate, quæ in idea Dei, seu entis perfectissimi continetur, & concipitur a nobis veluti fons, & essentia ipsius deitatis, quæ recte definitur *ens a se*. Volunt tamen alii, hoc demonstrationis genus non esse appellandum *a priori*, sed potius a *simultaneo*, quatenus hæc existendi necessitas non est proprie causa, ut Deus sit, potius ad ejusdem Dei essentiam pertineat. Sed quidquid de peculiari horum opinione sit:

11. Posse Deum ex effectibus perspicue colligi, etiam in Sacris Litteris aperte insinatur.

Hæc enim nos sæpius monent, ut a rebus istis, quæ sensus nostros percillant, ad Deum omnium auctorem cognoscendum, venerandissime assurgamus. Job XII. 7. *Interroga jumentum, & docebit te, & volatilia cæli, & indicabunt tibi, & narrabunt pisces maris. Quis ignorat, quod omnia hæc manus Domini fecerit?* Psalm. XVIII. *Cæli enarrant gloriam Dei, & opera manuum ejus annuntiant firmamentum.* Psalm. XCIX. ita David homines alloquitur: *scitote, quoniam Dominus ipse est Deus: ipse fecit nos & non ipsi nos.*

12. Disertius autem Sapientia XIII. 1. dicitur, *Vani sunt omnes homines, in quibus non subest scientia Dei; & de his, quæ videtur bona, non potuerunt intelligere eum, qui est; neque operibus attendentes agnoscerunt, quis esset artifex ... a magnitudine enim speciei, & creaturæ cognoscibiliter poterit Creator horum videri.* Ac denique, ut alia loca præteream, S. Paulus Rom. I. 20. ait, *invisibilia ipsius (Dei) a creatura mundi per ea, quæ facta sunt, intellecta conspiciuntur, sempiterna quoque ejus virtus, & divinitas, ita ut sint inexcusabiles.*

13. Augustinus L. X. Confessionum cap. 6. hæc Apostoli verba etiam de amore, quæ Deum prosequi tenemur, merito interpretatur, quia Dei cognitio ad ejusdem Dei amorem nos ducere de-

bet. *Cælum, inquit S. Pater, & terra, & omnia, quæ in eis sunt, ecce undique mihi dicunt, ut te timeam, nec cessant omnibus, ut sint inexcusabiles.*

14. Hæc, atque id genus alia Scripturæ Sacre loca eos saltem convincere debent, qui divinam revelationem agnoscunt, negant tamen posse ex creaturis ostendi, Deum esse. Sunt quidem aliqui, qui ea Sacr. litterarum testimonia non de cognitione demonstrativa, sed de probabili tantum conjectura, quæ possumus ad aliquam Dei cognitionem assurgere, commode explicari posse, arbitrantur (a); bona tamen, & melior Interpretum pars de certa, ac demonstrativa Dei notitia ea intelligit.

15. Prob. 2. ratione S. Thomæ I. P. quæst. 2. art. 2. *Demonstratio a posteriori*, seu ut eam appellat Angelicus post Aristotelem demonstratio *quia (a)* est, quando ex effectu, prius cognito, procedimus ad cognoscendam existentiam causæ: effectus enim sine causa existere nequit. Cum itaque contemplamur hoc universum, quod a Dei virtute creatrix dependet, estque ipsius effectus, facile ex hac contemplatione ad cognoscendam existentiam primæ illius causæ, nempe Dei, pervenire possumus.

16. Accedit 3. unanims Sanctorum Patrum (b) ac omnium pene Theologorum, paucissimis demtis, consensus, quem tantæ auctoritatis esse putat Melchior Canus L. VIII. de locis Theologicis cap. 4. ut sine temeritatis nota contemni non possit (c).

17. Accedit denique & Philosophorum suffragium, qui iuvistis argumentis Deum esse demonstrant; & si qui hoc nostro ævo contra sentiunt, jam communis vocabulo non Philosophi merito nuncupantur.

18. Nostra etiam sententia videtur ad pietatem non parum conferre, ut nempe *invisibilem Deum per visibilia opera miremur, & ... etiam illum invisibiliter videre cupiamus*, quemadmodum inquit S. Augustinus Tract. XXIV. in Joan. 1. Tom. III.

19.

*videtur: sed ad hoc opus esse Dei contactu peculiari.* Hæc Claudius Berigardus in præmio Circulo Pisani. Illius autem sententiæ patronum dicitur fuisse Jac. Zabarella, illustrem illum viri Philosophum in suo opere de rebus naturalibus. Ridentis autem potius, quam confutandus est Voltairius dum in Epist. XXV. *sur les péchés de M. Paschal* temerarium esse dicit, & perniciosum naturalibus rationibus ostendere, Deum esse.

(a) Confer Franc. Sylvium in I. P. S. Thomæ quæst. 2. art. 2. & Gabriel. Vasquezium in eundem I. P. quæst. 2. dispnt. 20. cap. 3. In quodam etiam libro gallico, cui titulus *Analysis divina providentia*, ita aperte asseritur quantumcumque elucet creaturæ, Deum esse, *vident*, non *probant*, & *problematicè tantum rationes*

*ex earum aspectu sumi possunt. Quæ sententia omnino damnanda, & explosenda est.*

(b) Vid. Guill. Estius in L. I. Sententiarum dist. 3. §. 3. S. Augustinus inter alios hoc sæpius commemorat; ut cum Lib. XV. De Trinitate c. 4. (T. VIII.) ita ait: *neque enim divinarum librorum tantammodo auctoritas esse Deum prædicat, sed omnis, quæ nos circumstat, ad quam nos etiam pertinemus; universa ipsa rerum natura proclamat, habere se præstantissimum conditorem, qui nobis mentem rationemque naturalem dedit &c.*

(c) Non desunt, qui scientiæ contrariæ potam hæreses inurant. Videri possunt Bannes in I. P. Sancti Thomæ quæst. 2. art. 2. & P. Marinus Marsenus in Quæst. & Comment. in Genesis c. 1. vers. 1. 42.

19. Obijcies 1. ( cum Socino in *Prælect.* cap. 2. ) Religionis nostræ dogmata non rationibus monstrari, sed humiliter mentis obsequio credi, & adorari debent; atqui primum & ac fundamentale Religionis nostræ dogma est credere, Deum esse: ergo &c. Major est certa præcipue ad mentem Thomistarum, qui negant, posse fidem cum evidentiâ componi. Minore autem prob. 1. ex Apostolo Hebr. XI. 6. dicente: *Sine fide impossibile est placere Deo: credere enim oportet accedentem ad Deum, quia est.* Secundo ex Apostolorum symbolo, cuius primus articulus est: *Credo in Deum Patrem Creatorem cæli, & terræ;* atque hæc fidei confessio non solum a rudibus, sed etiam a Theologis exigitur. Tertio ex S. Athanasio, qui in epist. I. ad Serapionem n. 20. *Divinitas, inquit, non demonstratione rationum traditur, sed fide, & pia cogitatione cum religione.* Quarto ex S. Augustino, qui, Lib. XI. de *Civitate Dei*, cap. 4. Tit. VII. *Mundum, inquit, esse conspicimus, Deum esse credimus.* Demum ex Clemente Alexandrino, qui frequenter in libris *Stromatum* docet, Deum esse, fide credi oportere, ratione demonstrari non posse.

20. Resp. S. Thomas I. P. q. art. 2. ad 1. *Deum esse, & alia ejusmodi, quæ per rationem naturalem nota possunt esse de Deo, ut dicitur Rom. I., non esse articulos fidei, sed præambula ad articulos; nempe respectu eorum, qui horum demonstrationem habent. Nihil tamen prohibet, subdit Angelicus, illud, quod in se est demonstrabile, & scibile, ab aliquo accipi, ut credibile, qui demonstrationem non capit.*

21. Apostolus autem Hebr. XI. loquitur de cognitione Dei, non solum prout auctor est naturæ, sed etiam, immo multo magis prout est auctor gratiæ, & largitor gloriæ, quomodo nonnisi per revelationem innotescit. Loquitur enim de illa fide salutari, sine qua impossibile est placere Deo, & per quam veteres Patriarchæ justificati, & salvati sunt; quæ certe fides est supernaturalis, & habet pro objecto Deum gratiæ & gloriæ largitorem.

22. Idem dicendum est de primo symboli articulo, ubi statim additur: *Patrem*, quod duobus modis potest intelligi, videlicet vel respectu nostrum, quibus per gratiam datum est, ut *filius Dei nominemur, & simus* (epist. I. S. Joann. III. 1.) vel ad designandum primam sanctissimæ Trinitatis personam, unde postea in altero symboli articulo subditur: *& in Jesum Christum Filium ejus unicum* ( confer Catechismum Rom. de primo symboli articulo ).

25. Idem etiam dicatur de S. Athanasio, quem

plurimum certum est ibi agere de Deo, prout comprehendit Trinitatis mysterium. Reprimit enim Paetumatonachorum vitiligaudi pruriginem, qui, ut Spiritus Sancti divinitatem impugnavant, plures vanasque in medio ponebant philosophicas cavillationes; quibus proinde merito respondet: *Divinitas, hoc est divinum Trinitatis mysterium, non demonstratione &c.* Caterum S. Athanasius in eloquenti illa *Oratione contra Græcos* ex creaturis plura, & fortissima argumenta elicit, ut evincat, Deum esse.

24. S. Augustinus non videtur ibi sumere fidem, prout opponitur demonstrationi; sed prout opponitur visioni corporali, quæ mundum oculis conspicimus, & quæ certe Deum intueri non possumus. Respectu etiam multitudinis hominum, qui subtiles demonstrationes non intelligunt, vere dici potest, ab iis Deum credi, non autem videri.

25. Clemens demum Alex., & fortasse nonnulli alii dixerunt, Deum demonstrari non posse, scilicet demonstratione a priori, & per causas, quam solam veram & propriam demonstrationem nominabant (a). Unde idem Clemens lib. V. *Stromatum* scientiam demonstrativam definit, quæ ex prioribus constat, & certioribus: & postea subdit: *nihil est autem ante illud, quod ingenitum est.* Demonstratio tamen a posteriori, & ex effectibus vera demonstratio est, nempe talis, quæ firmissimam in nobis pariat certitudinem.

26. Inst. I. Apostolus loquens de Philosophis, quos naturali rationis lumine Deum cognovisse nos dicimus, inquit Rom. I. 19. *quod notum est Dei, manifestum est in illis; Deus enim illis manifestavit: non aliunde igitur, quam ex divina revelatione in Dei cognitionem venerunt.* Quomobrem etiam S. Prosper in epist. ad *Demetrium* negat, contemplationem creaturarum quidquam prodesse ad cognoscendum Deum nisi summus, & verus agricola ( nempe Deus ) potentiam sui operis adhibuerit (b).

27. Resp., Hæc Scripturæ Sacræ, & Sanctorum Patrum dicta esse intelligenda non de revelatione vera, & propria, quasi sine illa non possumus certo cognoscere, Deum esse, sed de auxilio aliquo divino, sine quo nihil possumus. Vel etiam nonnumquam agitur de cognitione Dei pura ab omni errore, & quoad fieri potest, perfecta: qualis certe sine divinæ revelationis lumine haberi non potest. Hinc veteres Philosophi eo lumine destituti, quamvis Deum esse certo cognoverint, de ejus tamen natura admodum pauca cognoverunt, immo in maximos, turpissimosque errores, lapsi sunt.

28.

(a) Aristoteles Lib. I. *Analiticorum posteriorum* cap. 2. necesse est, inquit, demonstrationem scientiam esse, & primam, & immediatam, & notioribus,

& prioribus, & causis conclusionis.

(b) Alia Script. Sacræ, Sanctorum Patrum loca affert Estius in Lib. I. *Sententiarum* dist. 3. §. 6.



28. Inst. 2. Si ita res se habet, inelius erit hominis illiterati conditio, qui Deum esse fide supernaturali eredit, quam Theologi: aut Philosophi, qui enim demonstratione cognoscit, certitudo enim fidei est multo nobilior, & longe major qualibet alia certitudine morali. Ulterius magnum est fidei meritum: nullum autem scientiæ.

29. Resp. Id non consequi; neque enim putandum est, Theologo, aut Philosopho deesse certitudinem fidei, quia creditur, Deum esse. Non habent illi quidem fidem, quæ cum obscuritate coniuncta est, habent tamen certitudinem fidei, quæ non pugnat cum certitudine evidentiam, sed illam confirmat. Neque etiam caret merito fidei, dummodo ita animo sint comparati, ut etiamsi evidentiæ demonstrationis deesset, intellectum tamen captivarent in obsequium fidei (a).

30. Obj. secundo. Nulla est Deum iater, & creaturas proportio: Deus enim est ens necessarium, & infinitum, creaturæ autem sunt contingentes, & finitæ: ergo &c.

31. Resp. cum S. Thoma I. P. quæst. 2. art. 2. ad 3. *per effectum non proportionatos causæ non posse perfectum cognitionem de causa haberi, sed tamen ex quocunque effectu posse manifeste nobis demonstrari, causam esse: & sic ex effectibus Dei posse demonstrari Deum esse, licet per eos non perfecte possimus eum cognoscere secundum suam essentiam.*

32. Inst. primo. Major est proportio inter Angelum, & hominem, quam Deum inter, & creaturas: atqui ex quo homines existant, non potest colligi, esse Angelos; ergo etiam &c.

33. Resp. Inter hominem, & Angelos esse majorem proportionem, seu similitudinem charitatis non autem habitudinis effectus ad causam, quia Angeli non sunt causæ hominum, sicuti est Deus causa creaturarum. Hinc fit, ut ex creaturis possimus evidenter cognoscere, Deum esse, quia Deus est illarum causa effectrix.

34. Inst. secundo. Non possumus ex creaturis cognoscere naturam Dei: ergo neque existentiam ipsius Dei, quæ unum, idemque est cum ejus natura.

35. Resp. cum S. Thom. Lib. I. *contra Gentiles* cap. 12. non posse nos ex creaturis assurgere ad cognoscendum illud esse, quod Deus in seipso subsistit; quod nobis, quale sit, ignotum est, sicut ejus natura; posse tamen nos cognosce-

re, Deum esse, saltem eo modo, quo illum existere rationibus convincimur. Deum existere scimus; quomodo autem existat, tum solum cognoscimus, quando *vulebimus eum, sicuti est* (1. epist. S. Joan. III. 2.). Et si hoc argumentum valeret, id valeret etiam, ut neque revelatione Deum esse, cognosceremus. Neque enim revelatio satis clare nos docet, cujusmodi sit illud Dei esse, quod cum ejus natura tum idemque est. Vide etiam S. Thom. quæst. VII. de potentia art. 3. ad 1.

36. Inst. tertio. Creaturæ, ut existant, non exigunt causam infinitam, & necessariam, cujusmodi est Deus, sed finitam, & contingentem: ergo &c.

37. Resp. Creaturas non exigere quidem causam proximam, & *immediatam*, quæ infinita sit, & necessaria; exigere tamen, ut prima sui ipsarum causa sit necessaria, & infinita, ut infra uberius ostendetur.

38. Obj. tertio. Deus & creaturæ sunt duo correlata; atqui unum correlatum non potest demonstrari per aliud: demonstratio enim est progressus de re nota ad ignotam; *relativa autem sunt simul tempore, & cognitione*, ut habet philosophicum effectum: ergo &c.

39. Resp. Creaturas *reduplicative* ut tales, relationem utique involvere ad Deum creatorem; eam proinde ita consideratas non posse prius cognosci, quam Deum creatorem: nihil tamen prohibet, quin creaturas consideremus in seipsis, ut res contingentes, quæ cum a seipsis esse non possunt, nos manducant ad cognoscendam primam earum, deum causam, nempe Deum.

40. Obj. quarto. Prima veritas non demonstratur, & Aristoteles ajebat (Lib. II. *Physicorum* Cap. 1. textu 6.), ridiculum esse, naturam vel demonstrari; atqui Deus est prima veritas: ergo &c.

41. Resp. Non demonstrari primas veritates, seu prima scientiarum principia, quæ ex se ipsis minis evidenter patent; demonstrari autem posse, Deum esse contra eos, qui id negare audent, saltem demonstratione *a posteriori*. Et hoc modo etiam naturam demonstrari posse, non dubito; quamvis propter nimiam evidentiam hæc demonstratio esset supervacanea.

42. Obj. ultimo. Vera demonstratio procedere debet ex præmissis necessariis, sed nihil eorum, quæ

(a) S. Thomas 2. 2. quæst. 2. art. 10. *Cum homo, inquit, habet promptam voluntatem ad credendam, diligit veritatem creditam, & super ea excoquit, & amplectitur, si quas rationes ad hoc invenire potest, & quantum ad hoc ratio humana non excludit meritum fidei, sed est signum majoris meriti.* Et ad I. explicans illud S. Gregorii M. *fides non habet meritum, cui humana ratio præbet experimentum, inquit, hoc esse in-*

telligendum, quando homo non habet voluntatem credendi ea, quæ sunt fidei, nisi propter rationem indultam. Quando autem homo habet voluntatem credendi ea, quæ sunt fidei, ex sola auctoritate divina, etiamsi habeat rationem demonstrativam ad aliquid eorum, puta ad hoc, quod est, Deum esse, non propter hoc tollitur, vel diminuitur meritum fidei.

quæ nostris sensibus obijciuntur, est necessarium: ergo &c.

43. Resp. Res hujus mundi non esse quidem necessarias *absoluta*, ita ut omnino repugnet, eas non esse; habere tamen necessitatem saltem *hypotheticam*, impossibile est enim ut simul sint, & non sint; & hoc sufficit, ut possimus ex iis nos ipsos attollere ad cognoscendum primum earum auctorem, nempe Deum.

## CAPUT II.

*Deum reipsa existere variis argumentis ostenditur, & primo quia res omnes hujus universi contingentes sunt, luculenter demonstratur, esse præter illas aliud ens summe, & omnino necessarium, nempe Deum infinitis perfectionibus cumulatissimum.*

44. Duo in demonstrationibus, quibus ostenditur contra Atheos, Deum esse, vitia sedulo vitanda sunt: alterum eorum, qui novas, sed minus firmas, solidasque rationes afferunt, quæ non immerito ab aliis repudiantur. Dum enim argumenta mutant, quibus aliqua veritas innititur, etiam veritas ipsa aliquibus minus peritis, vel ejus oratoribus nutare videtur (a).

45. Alterum vitium adhuc perniciosius est eorum, qui ut novis demonstrationibus majorem auctoritatem conciliant, antiquas aliorum rationes vel ipsa vetustate corroboratas parvi pendere, immo & rejicere audent. Facile enim quisque intelligit, quantum ex domesticis istis dissidiis communes hostes lucentur (b).

(a) S. Augustinus in libro de *duabus animabus contra Manichæos* c. 9. (Tom. VII.) de se ipso fatetur, ex imperitia Christianorum, quibusdam disputabat, fuisse se aliquando in suis erroribus confirmatum. Unde merito monet Anglicus in *Quodlibeto* III. art. ult. in rebus fidei probandis ab infirmis argumentis esse omnino abstinendum. Sed ut ad rem nostram propius accedamus, nemo ignorat, quas turbas inter Theologos, & Philosophos excitavit illa demonstratio Cartesii, qua Deum esse probat ex ipsa entis summe perfecti idea; in ea enim necessario existentiæ respicit. Illam multo antea sibi proposuerat, & refutaverat S. Thomas I. P. quest. 2. art. 1. ad 2. & Lib. 17. contra Gentiles c. 10. & 11. quod etiam a Leibnizio observatum est in *Attiis Bructiorum* 1694. mense Novembri pag. 539. Eandem postea impugnarunt Garrendus T. III. *Disquisitionum metaphysicarum* contra Cartesii meditationem V. dñbit. 2. Petrus Daniel Huetius in *Censura Philosophiæ Cartesianæ* c. 4. §. 8. Laur. Mosheimus in notis ad *Systema hujus universi intellectuale* Rad. Cudworthi ad cap. 5. sect. 1. §. 100. Aliique recensiti a Jo. Alb. Fabricio in *Delectu argumentorum, & syllabo Scriptorum de veritate Religionis Christianæ* cap. 10. Præcipue autem commemorandus venit Sam. Werenfelsius, Professor Basileensis, qui cum penulam hac de re edidisset disputationem, ejus *Opusculis Theologico-philologico-philosophicis* postea insertam,

46. His igitur declinatis vitiis, ac veterum vestigiis insistentes, quatuor argumentis Deum esse ostendemus, scilicet primo ex quo res omnes in hoc mundo sint contingentes; secundo ex motu; tertio ex mirabili hujus mundi structura; postremo ex unanimi hominum consensu.

Et primum quidem argumentum in hoc capite expendemus, reliqua in sequentibus. Adsit nobis propitius Deus ipse, ut hanc veritatem, quæ totius Religionis primum caput est ac fundamentum, plena in luce collocemus, & ab Atheorum cavillis perspicue vindicemus.

## PROPOSITIO

*Deum esse, demonstratur ex omnium rerum, quæ in mundo sunt, contingentia.*

47. Prob. Adeo certum & evidens est, exitisse a tota æternitate aliquod ens *increatum*, & a se, *intrinsece, absolute*, & omnino necessarium, ut nemo sanæ mentis id possit inficiari, aut in dubium revocare; atqui hoc ens *æternum, increatum*, a se, nihil eorum est, aut esse potest, quæ in hac rerum universitate continentur: esse igitur debet aliud quiddam a tota hac rerum massa diversum, nempe princeps illa, atque infinita omnium causa, quam Deum nominamus.

48. Major propositio probatione non indiget, sed declaratione. Dicitur primo, *aliquod ens a tota æternitate fuisse*: quia si nihil omnino aliquando fuisset, etiam modo nihil esset: quoniam ex nihilo, & a nihilo nihil prorsus nasci, & effici.

gravem habuit cum Swicero Professore Tigurino atque etiam cum Jaquelotio concertationem. Cartesii partes defendendas quoque susceperunt Ant. le Grand. *Instit. Philosoph.* Quest. 11. art. 3. Herin. Alexand. *Rovellus de religione naturali*, alique non pauci. Ceteras de novo inventas rationes contra Atheos, utpote minus celebres, commemorare operæ pretium non est.

(b) Nic. L'Herminier communiter reprehenditur, quod in *Traité de Deo* quatuor demonstrationes, quibus S. Thomas I. P. quest. 2. art. 3. Deum esse evincit, nullius roboris esse contendit, quæ tamen omnium fere Theologorum calculis promerite fuerunt. Etiam Christianus Wolfius in *Ratione Prælectionum in Math. & Phil. Univers.* Edition. sec. Halæ Magdeb. 1745. in 8. cap. 3. sect. 2. nonnisi illud argumentum, quod ex rebus contingentibus deponitur, efficax esse putavit, in cæteris omnibus aliud vitium sibi adinvenisse visus est; quæ etiam de causa vapulavit ab infensissimo ejus hoste Joach. Langio in *modesta disquisitione novæ philosophiæ æternitatis de Deo, mundo, & homine* &c. tum passim in *Causa Dei, & Religionis naturalis adversus Atheismum*. Misso facio nonnullos alios minorum gentium Theologos, ac Philosophos, qui veteribus firmissimis demonstrationibus novas suas, minusque solidas substituentes, Athei gloriamdi ansam præbuerunt, quasi inoffensis argumentis impugnari nequeant.

fici potest (a). Dicitur secundo, hoc ens, quod a tota aeternitate existit, debere esse increatum, & a se, seu a nulla causa productum; quandoquidem si ab aliqua alia causa processisset, aliquando non esset: non igitur aeternum. Ulterius vel illa hujus entis causa, esset increata, & a se, vel non: si primum, existit igitur a tota aeternitate aliquod ens increatum, & a se: si secundum, esset progrediendum in infinitum, ita ut singulae res in hac serie infinita aliquam causam haberent, omnes autem simul sumptae nullas prorsus: quod si bene perpendatur, manifestam involvit repugnantiam, quod infra uberius ostendetur. Dicitur denique hoc ens absolute intrinsece, & omnino necessarium; si enim dicatur esse contingens, potuit esse, & non esse, atque ad utrumlibet erat indifferens (ita enim communiter accipitur, & definitur ens contingens): ab alia igitur causa debuit determinari, ut esset. Confer S. Thomam Lib. II. contra Gentiles cap. 13.

49. Probanda itaque non superest nisi propositio minor primi syllogismi, quae sola ab Atheis negari potest. Id dicimus absolute, intrinsece, & omnino necessarium, quod tale est, ut ejus oppositum ne fingi quidem possit; sic ex gr. triangulum tribus lineis, totidemque angulis necessario constare dicimus, quia oppositum ne in cognitionem quidem cadit; ac vero nihil eorum, quae in hac rerum universitate reperiuntur, est hujusmodi. Etenim haec absoluta existendi necessitas vel toti mundo tribuitur, vel materiae, ex qua mundus constituitur; neutri autem convenire, facile ostenditur.

50. Ex mundo quidem non convenire, vel ex eo solo liquet, quod mundus nihil est aliud, quam tota singulorum entium complexio: at vero plurima hujus mundi entia mutabilia esse, corruptioni, generationique obnoxia, res est longe manifestissima, & quotidiana experientia nobis comprobata. Immanes etiam factas esse hujus terrae globi variationes, & ex historiis discimus,

& ostracea altissimorum montium visceribus repleta, atque integra, inagorae civitates terrae hiatus olim absorptae, post autem detectae luculenter ostendunt: unde facile concipimus, etiam totam mundi faciem posse mutari, & sudeoque verti, quin ullum inde sequatur absurdum; adeoque mundum contingentem esse, non necessarium. Adde, multis argumentis nobis suaderi, mundum hunc non solum aeternum non esse, sed nec admodum multa saecula numerare; qua de re loco opportuniore redibit sermo.

51. Multo autem minus haec existendi necessitas unde materiae, ex qua mundus conflatus est, tribui potest. Nam primo nulla in idea materiae relucet existendi necessitas, & tam facile imaginari possumus materiam non existere, sicuti imaginamur, mundum in antiquum chaos, vel in nihilum redigi. Praeterea, ut recte colligit Cardinalis de Polignac, non repugnat unam partem materiae seorsum acceptam non existere: ergo etiam non repugnabit, alias successive, atque alias partes, ac demum totam materiae massam, ut ut immanem destitui; quandoquidem nulla major existendi necessitas apparet in tota materiae massa, quam in partibus (b). Terio ens absolute, & omnino necessarium, quod a seipso existit, omni debet esse perfectionum genere cumulatum, & undequaque infinitum. Ut enim S. Thomas I. P. qu. 4. art. 2. profunde observat, cum Deus sit ipsum esse per se subsistens, oportet, quod totam perfectionem essendi in se contineat. Quis enim huic entis limites, aut modum imponere potest? Quis definire, ut certos habeat perfectionum numeros, plures majoresque non habeat, cum a nulla omnino causa deindeat, ut existat? At vero ridiculum plane esset, atque omnino insanum, materiam dicere omni possibili perfectionum genere donatam, cum potius ens sit informe, homogeneum, iners, passivum, omniique perfectione carens. Ulterius quis ignorat, materiam esse perpetuis mutationibus obnoxiam? Quae certe mutatio in ens perfectissimum non cadit (c).

(a) S. Thomas I. P. quest. 2. art. 5. Si omnia, inquit, sunt possibilia non esse, aliquando nihil fuit in rebus. Sed si hoc est verum, etiam nunc nihil esset: quia quod non est, non incipit esse, nisi per aliquid, quod est. Si igitur nihil fuit ens, impossibile fuit quod aliquid ineiperet esse, & sic modo nihil esset, quod patet esse constat. Nec controversia cum Atheis est, aut esse potest, an aliquid a tota aeternitate existerit, sed an hoc, quod dicimus semper fuisse, sit illud ens perfectissimum, quod Deum nominamus.

(b) In Anti Lucretio Lib. III. v. 157.

... Haec atomus, quae nunc mihi jungitur, esse. Ut sine me poterat, poteram sic esse sine illa. Quod si unam e rerum natura erumpere possum, Erumpam geminas, expungam quatuor, omnes Denique. Namque omnes nihil excellentius in se,

Naturam, quod speñat, habent, quam parvula quiddam Ac simplex atomus revera possidet omnes. Nulla igitur per se, et per se non fuit una.

(c) Isaac Beausobrinus in Histoire critique des dogmes de Manichée P. II. lib. 3. ch. n. 4. vult, ut credamus, veteres Ecclesiae Patres, uno excepto Dionysio Alexandrino, hanc omnium perfectionum cum ente necessario & per se subsistente connexionem ignorasse. Sed se in operibus Sancti Patrum peregrinum ostendit. Hanc enim connexionem quamplurimi eorum agnoverunt. Dionysius vulgo Aroagita in c. 13. de divinis nominibus hanc asseri rationem, ear Deus summe perfectus sit; quia seipso perfectus, & per se a seipso uniformiter definitur. S. Justinus in Dialogo cum Thyphone num. 5. solus Deus est, inquit, qui nec genitus sit, nec corruptioni obnoxius, ac propterea Deus est...



52. Neque huic invidiæ rationi obest, essentialium rerum esse omnino, & absolute necessarias, quin tamen inde sequatur eas esse omni perfectione donatas. Non inquam id obest. Neque enim essentialium rerum sunt *sum esse*, vel a seipsis existunt; ut proinde nihil de perfectione essendi possit eis deficere. Sed pendat a causa prima, nempe Deo, ut existant, a quo proinde potuit, & debuit earum perfectio certis limitibus determinari. Uno verbo essentialium rerum sunt necessariæ quantum ad internam attributorum nexum, qui destrui non potest, nisi anblatis ipsis essentialibus; non autem quantum ad existentiam, quam non habent a se, neque a se habere poterunt. Ens autem a se existens totam perfectionem essendi in se continet; adeoque &c.

53. Dices. Hæc alienius entis necessitas potest inveniri in natura rerum contingentium sumpta indeterminate; licet enim singula res sint contingentes, si determinate sumantur; possunt tamen esse necessariæ, si indeterminate accipiantur. Sic dicere possumus, neque oculum dextrum, neque sinistram esse determinate necessariam ad videndum; inde tamen non consequitur, neutrum oculum indeterminate esse ad videndum necessarium.

54. Resp. Id verum esse de rebus, quæ tantum hypotheticæ sunt necessariæ, ut apparet in allato oculorum exemplo, qui non sunt absolute, & omnino in se necessari, sed solum in hypothesi ad videndum. Longe vero aliter est philosophandum de rebus, quæ statuuntur in se omnino & absolute necessariæ, qua necessitate debuit aliquod ens a tota æternitate a seipso existere, ut ostensum est.

55. Obi. primo. In nostra demonstratione probatur, hoc universum esse contingens, quia singula ejus partes sunt contingentes; atqui vitiosa est inductio a partibus ad totum; seu ut loquuntur Logici: a sensu distributivo ad collectivum: quemadmodum vitiose quis ita ratiocinaretur: qui-

libet miles non est exercitus: ergo nec tota militum multitudo non est exercitus. Ex quo igitur singula mundi partes sint contingentes, colligi non potest, totum hoc universum esse contingens.

56. Resp. Vitiosam esse inductionem a partibus ad totum, seu a particularibus ad universale in prædicatis accidentalibus, maxime vero quantitatis, ubi attributum crescit multiplicatis subiectis; non autem in prædicatis essentialibus, quæ ad ipsam rei naturam spectant, & ita singulis individuis conveniunt, ut ab iis nec tunc separari possint, quando in unam veluti massam coeunt, totamque collectionem componunt. Collectio enim omnium partium in unam earundem naturam non tollit, aut mutat. Jam vero bene perpensa cujuslibet rei in hoc universo natura, illam videmus contingenter existere, ita ut a seipsa neque extiterit, neque existere poterit, nec illius destructio repugnat: quidni ergo etiam contingens dicatur totum hoc universum, quod nihil est aliud, quam immanis contingentium individuum collectio?

57. Inst. Etiam in prædicatis essentialibus vitiosa est inductio a particularibus ad universale: nam quavis hæc, aut illa determinata extensio, vel figura, sit corpori contingens, & possit ab eo auferri, non tamen inde fit, omnem omnino extensionem, aut figuram esse contingentem, ut possit corpus sine extensione, aut figura existere: ergo similiter, quamquam concedatur, singula entia hujus mundi esse contingentia, non inde sequitur, etiam esse contingentem totam euntium collectionem.

58. Resp. neg. consequ. quia extensio, seu quantitas dimensiva, quam figura consequitur, quamquam non est attributum corporis essentialia, est tamen ut loquitur S. Thomas III. P. quest. 77. art. 2. prima dispositio materiæ, ac proinde naturaliter nequit a corpore separari (a). Determinata autem dimensio, aut certa figura corpori est omnino accidentalis, ac proinde a corpore tolli potest.

Hoc ipsum causa est, cur anima & moriantur, & puniantur; nam si ingenta essent, nec peccarent, nec rursum feroces &c. id est nullam omnino imperfectionem haberent. Tertullianus autem in libro contra Iheronem eos, qui materiam increatam, æternamque fingebant, inde præcipue refellit, quod sequeretur, materiam parum esse Deo, & inter alia hæc addit c. 28. Certe imperfectum non potest esse, nisi quod factum est... ergo materia, quæ facta non erat, in totum imperfecta esse non potuit. Theophilus Antiochenus Libro II. ad Autochthonem n. 4. probat, materiam, si ingenta est, futurum immutabilem, & Deo æqualem. Quemadmodum Deus, inquit, quatenus ingentus, etiam immutabilis est, ita & materia si esset ingenta, immutabilis quoque, & Deo æqualis foret. Quod enim genitum est, vult, & mutari potest: ingentum autem nec vult potest, nec mutari. Methodius etiam apud S. Euphrasianum Heresi LXV. Quod nunquam productum est, inquit, huic inesse hæc omnia necesse est. Denique, ut plures alios omittam, Lactantius Lib. II. divinarum

institutionum c. 9. Deus, inquit, ex seipso est... & id eo talis est, qualem se esse voluit, impassibilis, immutabilis, incorruptus, beatus, æternus. Addi potest etiam Procopius Gæzæus Scripserit sœc. VI. qui in suis Comment. in Oisacum p. 8. inde probat, celum non esse æternum, quia æternum quiddam incorporeum est, & formâ carens: præterea nec compositum est, nec circumscriptum. Et sane mirabile esset, id non vidisse antiquos Patres, quod vel ipso Bello teste per obviunt est, & evidentiissimum. In diffin. artic. Epicureæ rem illustrevit.

(a) Dixi naturaliter; nam absolute posse a Deo, corpus sua dimensione locali, & figura privari, ostenditur exemplo Corporis Christi in Sacramento altaris, quamquam, ut profunde docet S. Thomas III. P. quest. 75. art. 4. etiam quantitas dimensiva Corporis Christi tota est in hoc Sacramento, non quidem, ex vi Sacramenti, sed ratione realis concomitantia; ex vi enim Sacramenti nonnisi substantia Corporis Christi est in hoc Sacramento.

Hoc ipsum causa est, cur anima & moriantur, & puniantur; nam si ingenta essent, nec peccarent, nec rursum feroces &c. id est nullam omnino imperfectionem haberent. Tertullianus autem in libro contra Iheronem eos, qui materiam increatam, æternamque fingebant, inde præcipue refellit, quod sequeretur, materiam parum esse Deo, & inter alia hæc addit c. 28. Certe imperfectum non potest esse, nisi quod factum est... ergo materia, quæ facta non erat, in totum imperfecta esse non potuit. Theophilus Antiochenus Libro II. ad Autochthonem n. 4. probat, materiam, si ingenta est, futurum immutabilem, & Deo æqualem. Quemadmodum Deus, inquit, quatenus ingentus, etiam immutabilis est, ita & materia si esset ingenta, immutabilis quoque, & Deo æqualis foret. Quod enim genitum est, vult, & mutari potest: ingentum autem nec vult potest, nec mutari. Methodius etiam apud S. Euphrasianum Heresi LXV. Quod nunquam productum est, inquit, huic inesse hæc omnia necesse est. Denique, ut plures alios omittam, Lactantius Lib. II. divinarum Guzzaniga Theol. Tom. I.

potest. Quemadmodum igitur ita possumus recte colligere; *quælibet determinata extensio, aut figura a corpore tolli potest: ergo nulla certa dimensio, aut certa figura est corpori essentialis: ita possumus etiam similiter dicere; nulla hujus universi pars est necessaria: ergo nec totum universum est necessarium.*

59. Inst. secundo. Prædicatum *essentiale* intrinsecum cujuslibet entis compositi est posse corrumpi, atqui tamen concludi non potest, totam simul entium compositorum collectionem posse corrumpi, nam totidem alia entia illico generarentur, quia *corruptio unus est generatio alterius*, ut loquuntur Philosophi: ergo etiam in prædicatis *essentialibus* &c. Item in ratione *essentiali* singulorum possibilitum est, ut creati a Deo possint, nec tamen inde efficitur, totam simul entium possibilitum multitudinem, quæ est infinita, creati posse: ergo etiam in prædicatis *essentialibus* vitiosa est argumentatio a sensu distributivo ad collectivum.

60. Resp. primæ difficultati, eandem prorsus esse rationem corruptionis omnium entium compositorum *distributive*, ac *collective*. Sicut enim nullum singulare ens corrumpi potest, quin aliud inde generetur, ita omnium collectio corrumpi non potest, quin nova aliarum formarum collectio inde exsurgat. Cæterum nulla est repugnantia, ut omnia simul entia composita nedum corrumpantur, sed in nihilum plane redigantur ea divina omnipotentia, quæ olim ex nihilo extracta sunt.

61. Respondeo secundæ difficultati, non posse totam possibilitum collectionem a Deo simul creati ob aliquas rationes extrinsecas, potissimum autem, quia hæc possibilitum collectio est infinita: unde si produceretur, existeret *actu* numerus entium infinitus, quod fieri non posse philosophi docent (a).

62. Obijciæ secundo. Non repugnat, mundum ab æterno fuisse; ad vero in hac hypothesi non oporteret devenire ad aliquod primum eius necessarium, & increatum, sed una res esset ab alia, & hæc rursus ab alia, quin ad primam causam nunquam perveniretur: ergo &c. Prob. major, primo, quia bene multi philosophi, mundum ab æterno fuisse dixerunt (b): id autem iis in men-

tem nunquam venisset, si mundi æternitas repugnaret. Secundo ad probandam mundi æternitatem non pauca, nec infirma afferuntur argumenta, quæ saltem evincunt, mundum potuisse ab æterno esse (c). Tertio. Multo plures sunt, qui mundi æternitatem possibilem esse credunt. Immo S. Thomas I. P. quæst. 46. art. 2. probat, esse articulum fidei, non autem *demonstrabile*, vel *scibile*, quod mundus incepit aliquando esse; & Lib. II. contra *Geniles* cap. 38. data opera respondit illorum rationibus qui mundum non esse æternum conantur ostendere.

63. Resp. Dist. maj. Non repugnat mundum ab æterno fuisse increatum, & a se, *negō*; creatum tamen ab omnipotenti Deo, *omitto*. Ut ex S. August. (Lib. XI. de *Civitate Dei* cap. 4. S. Thomas observat I. P. quæst. 46. art. 2. ad 1.) *Philosophorum* ponentium æternitatem mundi duplex fuit opinio. Quidam enim posuerunt, quod substantia mundi non sit a Deo; & horum est intollerabilis error, & ideo ex necessitate refellitur. Quidam autem sic posuerunt mundum æternum, quod tamen mundum a Deo factum dixerunt; non enim mundum temporis volunt habere, sed suæ creationis initium, ut quodam modo *vix intelligibili sit factus*. Id autem quomodo intelligam, innuerunt, ut idem dicit S. Augustinus (Lib. X. de *Civitate Dei* cap. 31.) Sicut enim, inquit, si pes ex æternitate semper fuisset in pulvere, semper subesset vestigium quod a calcante factum nemo dubitaret, sic & mundus semper fuit, semper existente, qui fecit (d).

64. Quamquam non desunt, qui hujus mundi æternitatem prorsus impossibilem putant. Et ipse S. Thomas non omnino improbat eos, qui dicunt non potuisse ab æterno homines creati. I. P. quæst. 46. art. 2. ad 8. Unde etiam Card. Cajetanus monet ibidem, concedendum non esse, potuisse mundum esse æternum quantum ad generationes humanas; quæ si ponantur æternæ, & infinitæ, necessum erit, infinitum in actu ponere. Sed de mundi æternitate disseretur suo loco.

65. Inst. Philosophi bene multi demonstrant, in

(a) S. Thomas I. P. quæst. 7. art. 4. probat impossibile esse infinitum in rebus secundum multitudinem; quia omnem multitudinem oportet esse in aliqua specie multitudinis: species autem multitudinis sunt secundum species numerorum: nulla autem species numeri est infinita, quia quilibet numerus est multitudine mensuratus per unum. Unde impossibile est, esse multitudinem infinitam actu, sive per se, sive per accidens. Sed esse multitudinem infinitam in potentia possibile est, quia augmentum multitudinis consequitur divisionem magnitudinis. Quanto enim plus aliquid dividitur, tanto plura secundum numerum resultant. Unde sicut infinitum invenitur in potentia in divisione continui, quia proceditur ad materiam, ut supra

ostensum est (art. præced.), eadem ratione etiam invenitur in potentia in additione multitudinis.

(b) Id ostendit Moshemius in Diss. de Creatione ex nihilo apud Rad. Gndworthum Tom. II. *System. intellectualis hujus universi* ad sect. 2. cap.

(c) Vide apud S. Thomam Lib. II. Contra *Geniles* c. 32. & seq. tum apud Bened. Pereritium Lib. XV. De communibus principiis.

(d) Macrobius Libro II. de Somnio Scipionis cap. 10. Mundum quidem, inquit, fuisse semper, Philosophia auctor est, conditor quidem Deo, sed non ex tempore. Consule Petr. Dan. Huetium in Lib. II. Quæst. almetanarum c. 5. & Sam. Clarkium de l'existence de Dieu T. I. c. 4.

in divisione *continui* progressum fieri in infinitum, ita ut nunquam perveniat ad partem, quæ sit omnium prima, vel ultima: ergo similiter non repugnabit progressus in infinitum in rebus hujus mundi, ut una ex alia procedat, & nulla inveniat prima omnium causa.

65. Resp. neg. conseq. Partes enim in *continuo* non sunt inter se colligatæ, ut una ex altera tanquam a causa sua pendeat, ac una sine altera esse nequeat. Contra sese habent res hujus universi; cum enim sint *contingentes*, aliquam sui causam exposcunt: oportet igitur, ut ex una causa ad aliam ascendamus, donec ad aliquam primam perveniamus, & necessariam, a qua cæteræ omnes originem trahunt. Quemadmodum si fingamus catenam ex alto suspensam, frustra quis diceret, unum anulum sustineri a superiore, illumque rursus ab alio usque in infinitum: oportet enim necessario concipere unum primum anulum, qui fulcro aliquo sustentetur, cæteros autem ipse sustentet, & quanto major fingitur anulorum multitudo, tanto fortius debet esse fulcrum, quo omnes simul sustentantur. Ita quo major est in hoc universo effectuum, eorumque cansarum series, eo major esset debet prima alienius causæ, nempe Dei summi, vis, & efficacia, a qua omnia dependent.

67. Obijciat tertio. Nullam nobis possumus efformare ideam hujus entis infiniti, quod Deum nominamus, tum quia omnis nostra idea, utpote finita, ætisque limitibus conclusa, non potest ens infinitum exhibere; tum etiam quia omnis nostra cognitio oritur a sensibus, ut multi docent cum Peripateticis. Deus autem in sensus incurre nullo modo potest. Si igitur nullam Dei notionem habere possumus, reipsa ignoramus, Deum esse. Addit autem auctor *impiæ naturæ systematicæ* (P. II. cap. 5.): Theologos ex iis attributis, quæ naturam constituunt, personam Dei effinxisse, eique postea aliquas proprietates tribuisse, quæ negativæ tantummodo sunt, infinitatem nempe, immaterialitatem, immortalitatem, immutabilitatem &c.

68. Resp. Nullam certe claram, distinctam, & adæquatam ideam infinitæ Dei naturæ nobis inesse; unde recte S. August. (in Psalm. LXXXV. n. 12.) observabat, facilius nos dicere, quid Deus

non sit quam quid sit. Non tamen inde sequi, nullam prorsus Dei notionem nos habere, ut nulla est rei non existentis notio. Cognoscimus ens infinitum, sed non in tota sua latitudine, quemadmodum qui cælum intuetur, verissime dicit, se cælum videre, non tamen totam, quæ late patet ejus amplitudinem. Ut autem aliquam infinitarum ejus perfectionum nobis imaginem efformemus, utimur *via remotionis*, removendo scilicet a Deo eas imperfectiones, quas in creaturis animadvertimus. Conf. S. Thomam Lib. 1. cont. *Gentiles* cap. 14. Sed ab adversariis, qui omnia clari, distinctisque ideis metienda esse volunt, aciscitur, ut nobis clarum, distinctumque notionem exhibeat ejus inæternæ, quam volunt esse improdictam: aut æternitatis, in qua hæc materiam improdictam existisse comminiscuntur.

69. Porro hæc qualiscunque, quam Dei habemus, idea ortum habet a sensibus, Non quidem *immediate*, cum Deus sub sensu non cadat, sed *mediate*, quatenus omnes creaturæ in sensus nostros incurrentes non cessant suo modo nos admonere, querendum esse aliorei, & primam earundem causam, quæ alia esse non potest, quam Deus infinite sapiens, & potens, qui pro sua ineffabili bonitate eas existere voluit (a).

70. Tam falsum est autem, quam quod maxime, quod nuperus atheus (auctor *systematis naturæ*) tanta confidentia asserit, non Dei personam ex iis attributis effingere, quæ naturam constituunt (b). Immo contra, quia manifeste videmus, omnium harum rerum naturam nec dici posse, nec esse *ens a se*, immensum, & infinite perfectum, eo tandem perducimur, ut cognoscamus, esse Deum naturæ ipsius auctorem, si ne quo nec ipsa esset, quam athei adeo decantant, natura; quin tamen ipsi probe acient quid hoc nomine exprimat. Quod si infinitas Dei perfectiones negativis tantum vocabulis enunciare cogimur, id oritur ex nostri intellectus imbecillitate, qua non valemus infinitum comprehendere; intelligimus tamen, sub hac negatione aliquid positivum contineri, quamvis illud verbis exprimere non possimus. Sic ex. gr. cum dicimus *ens infinitum*, immensum, immateriale, concipimus ens, quod omnes perfectiones complectitur, omnia loca replet, & unum, simplexque est (c). Ceterum

(a) Non desunt tamen, qui ideam Dei nobis ingenitam esse doceant; quam sententiam illustravit eruditiss. Car. Witasse Tom. I. *ant. Theol. de Deo* quest. 2. art. 1. & seq.

(b) Hac de re more suo nugatur P. II. cap. 2. not. 12. contendens, non hominem esse factum ad imaginem Dei, sed potius Deum ad imaginem hominis. Addit etiam infœctam observationem, quam tribuit Xenophani, hominem scilicet, aut elephantem, si artem pingendi aut sculpendi cæderent, non aliam Dei imaginem effecuros, quam suam ipsorum propriam. Nugatur in-

quam impius ille athens; quis enim sapiens, nisi anthropomorphia fuerit, imaginem humanam Deo tribueris? Quod autem in sacris litteris dicitur, *hominem esse factum ad imaginem Dei*, explicabitur, ubi de hominis creatione agitur.

(c) Ineptè prorsus Robinsonus in suo opere *De la nature* P. V. eam analogiam, quæ inter infinitas Dei perfectiones & finitas virtutes hominum intercedere videtur, appellat *anthropomorphismum spirituale*; nam ipsæ sacre Litteræ eadem analogia quam sepiissime utitur ad infinitas Dei perfectiones explicandas.

rum Intempestivum est nobis hæc obijci ab Atheis, qui suam materiam isdem nominibus, quibus nos Deum, appellant, nempe *infinitam, improducibilem, indestructibilem, &c.*

71. Obj. ult. Deus, cujusmodi esse dicitur, est aggregatum perfectionum, quæ secum ipsis pugnant. Est enim sui ipsius principium, & finis, utroque carens, neutrius egens, utriusque parens, & auctor: regnat ubique sine loco; immobilis absque statu, pænit sine motu, bonus sine qualitate, sine quantitate magnus, totus sine partibus &c. (ita enim desinebat Lucilius Varroni, ut nihil esse persuaderet). Quis ulterius mente concipere valeat infinita ejusdem Dei attributa, quæ sibi contraria sunt, nec tamen se mutuo destruant? Quomodo Dei misericordia, quæ infinita est in pariendo, possit cum justitia, quæ similiter est in puniendo infinita, coalescere? Quomodo perfectissima libertas cum omnimoda immutabilitate componatur? Qui itaque Deum ponit, videntur chæram inducere, cujus nulla similis fuit unquam a poetis, vel somniantibus conficta.

72. Resp. apparentes esse, non veras has contradictiones, quas Athei in Dei natura sibi fingunt, quæque inde oriuntur, quod materiale sibi efformant Dei ideam. Sed si a sensibus aliquantisper mentis cogitatione recedamus, facile intelligemus, quomodo ens increatum, summæque perfectum possit dici diverso sensu & sui ipsius principium, nempe *ens a se*, & simul omni principio carens, quia æternum est: quomodo immensitate sua omnia repleat, nec tamen ullo circumscribitur loco: omnia nutu suæ voluntatis moveat, quin moveatur ipse: ens sit omni perfectione cumulativissimum, sed sine ulla compositione, quæ sectin affert imperfectionem.

73. Neque etiam aliqua pugna est inter infinita Dei attributa, quorum objecta diversa sunt, & sibi ipsis videntur contraria, neque enim hæc Dei attributa infinito modo esse exerunt, ut proinde eorum effectus, quavis oppositi, simul existere nequeant. Sic misericordia Dei est infinita, non tamen infinito modo se exerit in pariendo; unde locum non præcipit justitiæ punienti,

quin illa quoque in peccatoribus pertinacibus relineat. Quod si aliqua sint, quæ nostra infirma ratio simul conciliare non possit, cogitemus, id mirum non esse, quandoquidem in infinita, & incomprehensibili Dei natura nonnisi paucissima intelligere possumus. Videmus tunc Deum per speculum in enigmate; sed speramus enim postea nos visuros facie ad faciem, & sicuti est. 1. Corinth. XII. 12. & 1. Joann. 2. & tunc omnia simul mirifice componi, beatifica visione contemplabimur.

### C A P U T III.

*Ex motu, qui in rerum natura apparet, demonstratur, Deum esse.*

74. Motum esse in materia, nemo nisi Scepticus negaverit; nam ut taceam de motu, quem in terra conspicimus, quis non videat, & non admiretur rapidissimas cælestium corporum conversiones, quæ vel minore, vel majore temporis intervallo ordinatissime absolvuntur? Immo tanta est in rerum natura motus necessitas, ut si ille tantisper cessaret, tota hujus mundi machina illico dissolveretur; atqui hujus motus origo nonnisi a Deo repeti potest, qui immobilis cum sit, omnibus rebus motum impertitur. Si enim Deus non est primus, & generalis omnium corporum motor, necesse erit dicere, aut corpora ab aliis moveri, & hæc rursum ab aliis usque in infinitum (a), aut motum esse materie congenitum (b); at vero utrumque repugnat.

75. Repugnat primo, corpora moveri unum ab altero usque in infinitum, quia ut moveretur aliquid corpus, necessario præcedere debuisset motus infinitus aliorum; at vero cum *infinitum sit impertransibile*, ut commune habet Philosophorum effatum, nullum corpus reipsa moveri posset. Alterius nulla esse ponitur causa istius motus infiniti; at vero absurdum est alicujus effectus nullam esse causam.

76. Nec etiam fingi potest, motum esse materie ingenitum, atque *essentialem*. Primo enim &

(a) Id dicit Benedi. Spinoza P. II. *Ethica* prop. 12. Item. 3. his verbis: *Corpus motum, vel quiescens, ad motum debuit determinari, vel quietem ab alio corpore, quod etiam ad motum, vel quietem determinatum fuit ab alio, & illud iterum ab alio, & sic in infinitum.*

(b) Hermogenes, ut materiam increatam, ita & motum materie ingenitum ponebat. His verbis ejus sententiam exhibet Tertullianus in Lib. adversus ipsum c. 36. *Corporale enim materia vult esse, de quo corpori eduntur, incorporale vero inconditum motum ejus.* Multo ante Hermogenem motum esse materie ingenitam asseruerunt Democritus, Epicurus, & ii etiam Philosophi, qui materiam esse vita præditam arbitrabantur, didi propterea *Hylosaita* ex Schola Stratonis;

de quibus videri potest Rad. Cudworthus in *systematæ intellectuali hujus universi* c. 1. §. & alibi. Hanc absurdam opinionem vetustate jam collapsam restaurare conatus est Jo. Tolandus in ep. 4. & 5. ad *Sirenæ*, contendens; motum, aut saltem nistum ad motum esse materie essentialem, nullam proinde esse necessitatem Deum motus auctorem constitutiendi. Hunc eundem errorem Athei fere omnes adoptare coguntur. Reipsa Auctor *Systematis nature* totum suum atheisticum systema illi superstruere videtur, volens primis materie elementis motum esse ingenitum, ex materia autem & motu totum hoc universum ortum esse. T. I. c. 2. p. 21. edit. Lond. 1771.



& intellectum concipi potest, & fortasse etiam est aliqua saltem materiæ pars perfecte quiescens, quod nec esse, nec intelligi potest, si motus esset materiæ coexistentis, ac essentialis.

77. Repugnat quidem auctor *system. naturæ*, omnino contendens, nullam materiæ partem esse sine ullo prorsus motu, imo vult materiam sine motu concipi non posse. Sed communiter a Physicis materia dicitur indifferens ad motum, & quietem, ac utriusque capax. Unde etiam sunt leges motus, quas constantes, & invariabiles esse Philosophi demonstrant. Nullam esse materiæ partem quiescentem, asseri quidem fateri potest, ostendi autem luculenter non potest.

78. Præterea vel iste motus materiæ essentialis ad unam directionem tantum est, vel ad quamcunque. Si primum, debet esse aliqua ratio, cur motus materiæ ad hanc potius partem, quam ad aliam ingentis sit: quæ certe ratio cum in materia ipsa esse non possit, utpote quæ seipsa indifferens est; an ad unum potius, quam ad alterum locum transferatur, debet ab aliqua causa extrinseca repeti, quæ nulla alia esse poterit, quam ea, quæ primo materiæ motum impertita est. Si vero quis dicat materiæ motum esse ad quamenique directionem, tunc non poterit materia suum locum mutare; nam hoc semper evenit, quotiescunque corpus a pluribus viribus contrariis, & æqualibus urgetur.

79. Sciscitor etiam ab Adversariis, cur non omnes materiæ partes eadem motus quantitate præditæ sint? Cur aliquæ citius, tardius alix moveantur? Hujus certe varietatis nulla reddi potest ratio, si motus materiæ ingentis esse dicatur (a).

80. Restat ergo, ut ad aliquam primam cau-

sam confugiamus, quæ motum materiæ impresserit, tantum quantum voluit, & versus eam partem, quam voluit. Ipsa autem prima causa movens debet esse immobilis, ne scilicet si eam quoque motam dicamus, debeamus iterum aliam ipsius motus originem querere sine ullo fine. Hæc autem prima causa motus non est nisi Deus omnipotens, & sapientissimus, qui ut omnia creavit, ita omnibus certam motus quantitatem, certisque legibus impressit, ac conservat, ut pulchra hæc mundi structura fieret, & conservaretur, & in quo omnes vivimus, & movemur, & sumus, ut inquit Apostolus Act. XVII. 28. (b).

81. Neque deum est, ut Athei confugiant ad *nisum*, seu *constatum* ad motum, qui sit materiæ ingentis. Nam præterquamquod nullam hæcenus attulerint solidam rationem, qua demonstrarent, hunc *nisum* oriri ex essentia materiæ, non autem illi esse ab aliqua externa causa impressum; ex hoc solo nisi nunquam sequetur motus, nisi alicujus agentis actio externa accedat: huic enim visui semper correspondet æqualis aliorum corporum reactio, seu resistentia; unde oritur virium æquilibrium, & corporum quies (c). Si autem ad movenda corpora præter *nisum* materiæ requiritur aliud agens externum, tandem ad primum, & universalissimum, nempe Deum, erit deveniendum, ne cogamus abire in infinitum.

82. Accedit, hunc *nisum* debere aliquam directionem certam habere, quæ utique certa directio a materiæ natura oriri non potest, utpote quæ est ad omnem directionem ex se indifferens.

83. Obj. primo. Ideo repugnare dicimus, unum corpus ab alio moveri, & hoc rursus ab alio in infinitum, quia infinita corporum motorum series pertransiri non potest; hoc autem falsum

es-

(a) Hoc argumentum eleganter versibus exornavit Carl. Melchior de Polignac in suo *Anti-Lucretio* Lib. IV. v. 1393. & seq.

*Quidni, respondes, natio jure moveri*

*Omnia dicantur? ....*

*Si natus erit per se in corpore motus,*

*Ut dos materiæ, qualis quantitas, regabo.*

*Quam versus partem? lentiusne, citiusne,*

*Rectus, an obliquus? forsitan curvatus in orbem?*

*Nam cunctis esse simul nequeant: unum esse necesse est.*

*Si talem, aut talem dicas, alium esse repugnat.*

*Nam secus esse nequit, natura quod ipsa poposuit.*

*Sed motus nulla species cum corpore pugnat.*

*Cur ergo hanc per se præ cunctis corpus habebit,*

*Æquo jure aliam per se cum possit habere?*

*Hanc etiam cum per se habeat, variare nequit;*

*Nam quod natura est, nulla est mutabile causa.*

*Sed motum semper variari posse videmus?*

*Ergo materia nativum haud esse videtur.*

Vid. etiam Sam. Clarkeius De l'existence, de Dieu

cap. 4. Et mirum profecto est, andorem *Systematis* naturæ hoc argumentum, quod palmare est, atque omnibus obvium, dissimulasse, dum perpetuo inculcat, motum esse materiæ insitum, & circulum esse æternum motus dati, & recepti.

(b) Leibnitiani tribuunt quidem suis monadibus aliquem *nisum*, quem Leibnitius vocat *attractione* *active*, & Newtonus ponit in materia vim attrahentem. Sed hi omnes ab impietate Atheorum quam longissime abstant. *Nisus* enim monadibus a Deo impressus supponitur, quemadmodum etiam materiæ data dicitur vis attrahens. Neque Leibnitiani nequam docuerunt, potuisse his solis viribus mundum sine ulla alia causa formari.

(c) Vel ipse recentium atheorum dux, atque scilicet *systematis naturæ*, id agnovit, si ille arrivit un instant, que tout fut in *nisus*, tout resteroit éternellement dans cet état, & il n'y auroit plus de toute éternité qu'une matière, & un effort, un *nisus*; ce qui seroit une mort éternelle, & universelle, l. pag. ch. 2. p. 33. edit. London 1771.

esse deprehenditur vel in ipsa mundi creatione, qualis a nobis supponitur; in hac enim nostra hypothese Deus post infinitum tempus mundum ē nihilo extraxit, ita ut nos simus veluti in medio duarum æternitatum, scilicet illius, quæ præcessit, & alterius, quæ subsequetur.

84. Resp. Dici nullatenus posse, Deum post infinitum tempus creasse mundum, quasi infinita sæcula mundi creationem præcesserint; quod falsum omnino est, uno plane repugnans; sæcula enim potuerunt infinita, quorum finis haberetur in illo puncto, quo mundus conditus est. Neque etiam recte dicitur, nos esse intra duas æternitates, quarum una præcessit, altera sequitur; quis enim non videat manifestam repugnantiam, sive cum æternitate præteritis dicitur, sive cum ei initium tribuitur? Æternitas enim & principio caret, & fine. Non itaque possumus concipere æternitatem ut tempus infinitum, quod per partes, evolvatur, & successionem habeat, ac durationem infinitam, ut proinde consequatur, Deum creasse mundum, postquam tempus infinitum fluxerat: sed potius dicendum est, Deum creasse mundum simul cum tempore quod tunc solum incepit.

85. Cæterum facilius dixerit, quid non sit, quam quid sit æternitas. Hæc post Boetium (*De consolatione Philosophiæ* Lib. V. prosa 6.) communiter definitur solet *interminabilis vitæ tota simul, ac perfecta possessio*: non est itaque quid successivum, sicuti est tempus, sed sicut loquitur Sanctus Thomas Lib. II. contra Gentiles capit. 45. *est duratio non habens partes, & simplex omnino, non habens prius, aut posterius, cum Deus sit immobilis* (a).

86. Obj. secundo. Motus in idea materiæ necessario includitur: ergo est ipsi essentialis. Probant primo quia in idea materiæ relucet, ut di-

vidi possit, quod non potest concipi sine motu. Secundo. Materia est subiectum qualitatum sensibilium, quibus sit ipsa sensibilis; omnes autem qualitates sensibiles ex motu oriuntur (b).

87. Resp. primæ diffice. Ut materia sit dividua, non requiri motum ipsum, vel conatum ad motum, sed tantum potentiam ad motum, ut nempe partes seijungi queant, divisionem autem ipsam, quando fit, siue motu vel discessu partium fieri non posse; ita tamen, ut motus sit causa divisionis, non divisionis effectus, quo fit, ut motus non possit dici materiæ *essentialis*, quia materia est dividua, sed potius dicere debeamus, materiam esse dividuam, quia ejus partes moveri possunt, & a se ipsis divelli.

88. Resp. secundæ difficultati: posito etiam, qualitates sensibiles ex motu oriri, aut saltem non haberi sine motu, omnemque materiam semper moveri, non tamen sequi, motum esse eidem materiæ sua natura inditum. Si enim hoc esset, ratio nulla reddi posset, cur diversi motus pro varietate, & intensione qualitatum sensibilium in eadem materia essent: cur eadem materiæ pars modo citius, modo tardius, modo ad unam, modo aut alteram plagam traheretur. Sane quia inertia, gravitas, extensio &c. proprietates sunt materiæ inseparabiles ejusdem etiam materiæ quantitati semper debita ratione respondens.

89. Dices primo. Omnes ejusdemque corporis partes sunt in perpetuo motu; ut enim Newton demonstravit, corpora omnium darissima, minus habent materiæ, quam pororum, per quos magnæ, & perennes sunt exhalationes: motus ergo est materiæ *essentialis*, utpote ab ejus partibus inseparabilis, quemadmodum extensio materiæ essentialis esse dicitur, quia nulla est materiæ pars extensionis experta.

90.

(a) Huic communi fere omnium sententiæ (de qua inter alios consulti potest Dionysius Petavius T. I. *Theol. Dogmaticum* L. III. c. 3. & 4.) respondent in primis Societati apud Jo. Adam. Scherzerum in *Collegio anti-Sociniano* disp. 5. thesi 4. deinde Arminiani, præcipue autem Sinco Episcopum Institutionum theol. c. 9. T. I. Operum, Sieph. Curcellenus in *Institutionibus religionis Christianæ* L. II. cap. 3. & Jo. Clericus in *Ontologia* c. 5. His adhi possunt Petrus Gassendus L. I. *Physicæ* c. 2. Sam. Clarke's *Demonstration of l'existence de Dieu* c. 6. Tillotsonius ibidem citatus in nota. Hi omnes æternitatem successionis expertem concipere se posse negant. At si ita est, dicitur Deus modo plures annos, vel sæcula vixisse, quam quando mundum creavit; verum erit, infinitam instantium successionem in hoc, quo vivimus, instanti finem habuisse. Et si ultimum æternæ hujus successionis instantis invenimus, cur non poterimus invenire primum? Hæc aliæque sunt absurda, in quæ delabantur necesse est, qui antiquam Scholasticorum, imo & Patrum definitionem æternitatis deserunt, quia non adeo facilis

intellectus est. Sed quis sibi blandiatur, rem propterea incomprehensibilem clara, distinctaque definitione compleri? Difficilis laus controversiæ brevem aliquam notionem tradit Laur. Moschenius in nota 2. ad c. 5. sedæ 1. §. 24. *Systematis intellectus hujus universi* Rad. Colworthi. Bellum nihil moror, qui in suo *Discr. art. Zubarella* rem H. Boetianam æternitatis definitionem multo magis incomprehensibilem dicit, quam *transsubstantiationis* dogma. Rectius dixeris utrumque esse mysterium, quod nostræ rationis lumen quam longissime superat.

(b) Ita post Tolandum in Epist. v. ad Sirenam §. 4. nuperius andor *Systematis naturæ*, qui ut fugum imperitis faciat, naturam cum materia confundit, & cum natura, qualis nunc est, non possit sine motu esse, concludit, etiam materiam nec concipi posse sine motu. Natura certe, prout hoc nomine venit omnium causarum complexio, non potest esse, aut concipi sine vi motrice, & activa, quam illi Deus in creatione indidit: sed materia ex se est iners, & ut iners a nobis concipitur.

90. Resp. etiamsi concedatur, omnes ejusdemque corporis partes esse in perpetuo motu, non inde elici, hunc motum esse materię ingenitum; sed potius dicere debemus, eundem esse materię partibus communicatam. Et quamvis facile non sit causas in medium afferre, a quibus motus isto communicetur, cum tamen experientia constet, partes materię sensibiles non moveri, nisi ab aliqua causa impellantur ad motum, a qua causa etiam pendet & directio, & celeritas, inde certa analogia concludere possumus, etiam partes subtiliores, & insensibiles non ingenta vi, sed aliarum causarum impulsu determinari ad motum; a quibus etiam causis repetenda erit quantitas, & directio motus. Cum autem hujusmodi causarum series non possit esse infinita, oportebit tandem ad aliquam primam devenire, quæ sit totius motus origo, nempe ad Deum, qui omnia movet, ipse immobilis manens.

91. Dices secundo. Cum materia constet ex indivisibilibus omnino heterogeneis, ita ut nec duo inveniri possint sibi perfecte similia, necesse omnino est, ut in eorum mixtione motus oriatur, cum nempe ita adaptantur, ut in se mutuo agere, & reagere possint. Sic videmus, miscendo limaturam ferri, sulphur, & aquam, totum hoc mixtum primo calefieri, ac deinde inflammari. Hæc, aliæque id genus experimenta ostendunt, motum materię produci, atque augeri sine alicujus externi agentis concursu.

92. Resp. In hujusmodi fermentationibus originem motus semper esse externam (a). Nam primo semper opus est aliquo externo agente, a quo corpora illa heterogenea misceantur: ex se enim corpora illa nunquam sibi appropinquabunt ut unum agere possint in aliud. Deinde fermentationes istæ fieri creduntur mutua particularum attractione, quam attractionem esse in corporibus scimus, non tamen credimus, esse materię ingenitam; & melioris notæ philosophi fatentur, illam a Deo esse inditam materię, & esse naturæ phenomenon omnium obscurissimum.

93. Dices tertio. Cum non omnes materię proprietates essentielles nobis notæ sint, fieri pot-

est, aliquam esse inter ignotas, ex qua necessario fluat ejusdem materię motus, vel conatus ad motum.

94. Resp. Frustra queri motum in proprietatibus materię nobis ignotis, cum constet materiam ex sua natura esse indifferentem ad motum, vel ad quietem, & cum experientia nos doceat, materiam nunquam moveri nisi ab aliqua causa exterius impellente motum recipiat; a qua etiam causa oritur & directio, & quantitas motus: Frustra etiam auctor *systematis naturæ* distinguit motum totius massæ a motu particularum insensibilium, & contendit, primum oriri ab externis impulsibus, alium vero esse innatum; potius enim ex analogia colligere debemus, ut primum, ita etiam secundum ab externa aliqua causa semper esse communicatum; & quamvis non semper in promptu sit, hanc externam causam designare, debemus tamen altem assurgere ad primam causam, nempe Deum, qui ad hujus universi pulchritudinem, motum materię & primo impressit, & perpetuo in ea conservat, varieque distribuit, & dirigit pro infinita sua sapientia, & potentia.

95. Obj. tertio. Si verum esse hoc effatum: *quodcumque movetur, ab alio movetur*, nullum potest esse principium motus, sed erit usque in infinitum progrediendum, ut nulla sit prima causa movens, & non mota.

96. Resp. Hoc totum esse verum, si nihil sit præter hujus universi entia finita, & circumscripta; non autem si egredientes ab hoc universo causam inveniamus omnis motus infinitam, & omnipotentem, nempe Deum, qui immobilis ipse permanens omnia vult suo ad motum impellit. Immo in hoc ipso vis nostri argumenti posita est, ut quoniam non possumus in motibus corporum usque in infinitum progredi, debeamus tandem ad aliquam principem causam pervenire, quæ immobilis ipsa permanens omnibus rebus motum arbitratu suo communicat (b).

CA-

(a) Bene observant, qui *systema naturæ* ad trutinam revocant, ejus auctorem, ut in pluribus aliis, ita in hoc capite, sibi apertissime contradicere. Nam I. P. cap. 2. & sæpe alibi, omnino statuit, nullum esse in natura motum spontaneum, sed quemlibet esse acquisitum, seu ab aliqua causa communicatum. Videri possunt inter alios Bergier *Examen du materialisme* à Paris 1775. vol. 1. in 12. T. I. cap. 3. & Job. de Castillon *Observations sur le livre intitulé système de la nature* c. 5. Berolini 1781. vol. 1. in 8.

(b) De hac demonstratione, quæ ex motu ostenditur, esse Deum, agit S. Thomas L. I. *contra Gentiles* c. 13. & I. P. quæst. 2. art. 3. ubi etiam vocat *viam ma-*

nifestiorem ad probandum, Deum esse. Ex recentioribus autem videri possunt P. Thomas Vinc. Moniglia in *Diss. contra Materialistas* T. I. sect. 2. §. 5. tum P. II. sect. 3. ubi multa eruditione hoc argumentum a veteribus Ecclesiæ Patribus traditum ostendit; ac iterum P. III. sect. 2. Cheyne in suis *Principiis Philosophicis Religionis naturalis*, Bergier dans *l'examen du materialisme* T. I. c. 1. Clarkius aliique fere omnes, qui ex effectibus Deum esse demonstrare aggressi sunt. Sophismata autem, quibus auctor *systematis naturæ* probare conatus est, motum esse materię ingenitum, egregie detexit, & exposuit J. de Castillon in opere super. nota laudato cap. 5.

## CAPUT IV.

*Deum esse ex mirabili hujus mundi  
structura demonstratur.*

97. Tanta in hac rerum universitate relict varietas, pulchritudo, concinnitas, ordo, & constantia, ut vel ratione carere dicendum sit, qui eam non admiretur, vel cum ratione insanire, qui eam sine aliqua sapientissima & potentissima causa aut oriri potuisse, aut conservari, & regi commiscetur. Si enim oculos attollamus, cælestium corporum magnitudo, lux, constantes conversiones, & motus nobis obversantur: si autem eosdem oculos circa nos revolvamus, varia elementa, & mixta conspiciamus, quorum utilitatem nunquam melius cognoscimus, quam cum eis carere nostro isofortuno contingit. Præterea summam, & incredibilem animalium multitudinem videmus, sive per aera volitantium, sive natantium in aquis, sive inhabitantium in terra, atque etiam sub terra delitescunt; vegetabilium autem prope infinitas species; metalla insuper diversa; lapides variorum generum, aliaque multa, quæ vel nostris necessitatibus aut utilitatibus presto sunt, aut saltem mira nos voluptate afficiunt. Hæc, & cætera longe plura contemplant quid aliud concludere possumus, quam esse aliquod Numen præstantissimum, infinitum, a quo hæc primum condita sunt, ac perpetuo conserventur, & providentissime administrantur? Recte Cicero Lib. 2. *De divinatione*, inquit: *esse præstantem aliquam, æternamque naturam (scilicet Deum) . . . pulchritudo mundi ordoque rerum cælestium cogit confiteri.*

98. Quod si ab externis objectis ad nos ipsos cogitationem convertamus, nullam esse in toto cor-

pore partem inveniemus, quæ adificanda organorum structura, & harmonia insituta supreni artificis sapientiam non manifestet: Maxime autem summa Dei Creatoris virtus apparet in aulima nostra, cujus incredibilis est facilitas in cogitando, subtilitas & perspicacitas in intelligendo, in volendo libertas, tantaque aliarum perfectionum congeries, ut nihil sit eo præstantius; ac merito proinde Sancti Augustinus hominem appellaverit *miraculum omni miraculo majus*, Lib. X. *de Civitate Dei*, cap. 13. Tom. VIII. (a).

99. Jam vero post levein hanc velut perstrationem universi, potissimum autem post considerationem hominis, qui *μικρός καὶ καί* parvus mundus non immerito dicitur, ita colligo. Vel Deus est sapientissimus, & omnipotens, qui hæc omnia ex nihilo extraxit, mire disposuit, ac perpetuo gubernat; vel cæco atomorum concursu, aut plastica innata virtute, in nescio qua alia ignota vi naturæ pulcherrima, & ordinatissima hujus mundi facies emerit: atqui hoc secundum somniantis potius, ac plane delirantis est, quam philosophantis: primum ergo tenendum est. Sane ridiculum esset inagiorari, ex fortuito litterarum jactu, aut quocumque alio naturali concursu græcam *Iliadem* Homeri, aut latinam Virgilli *Æneidem* prodixisse: emotæ mentis homo haberetur. qui artificiosum horologium, aut elegantem picturam, aut magnificum templum tumultuaria partium combinatione, aut ingenta quadam vi plastica sine ullo artifice confici potuisse, somniaret: annon ergo multo pejus delirare dicatur, qui non carmen, aut horologium, non picturam, aut ædificium, sed plane totum hoc universum omnibus numeris absolutum sine ullo artifice, fortuna duce, rectore casu, congmentatum esse communiicatur? *Ergo quidem vereor*, apposite inquit Laërtius de

(a) Tota, quæ late patet, Physica excurrenda esset, ad hoc argumentum, quæ par est, dignitate, & copia pertrahendum. Legatur divinis Job c. xxxvii. & sequenti ubi Deus esse, eumque sapientissime omnia administrare ex multiplici creaturarum enumeratione mirabiliter exponit. Ex Philosophis autem fere nonnulli, qui ex peculiari consideratione unius, vel alterius mundi partis Deum esse existere ingeniose admodum demonstrant. Sic e. g. inter Catholicos Greg. Stengelius *de monstris*, & *monstris*, quam mirabilis bonus, & iustus in mundo administrandus sit Deus, monstrantibus. Ingolstadii 1647. in 8. item Mundus, & mundi partes divina bonitatis, ac justitie divine præcones. Ingolstadii 1645. in 8. Card. Bellarminus *De ascensione mentis in Deum per scalas creaturarum*; & qui in hoc argumenti genere multos præcellit Ludovicus Granatensis Ord. Præd. in *Introductione ad Symbolum fidei*, in quo opere pietas cum eruditione certat, illudque magni olim faciebat Joseph Du Guet Lettre 31. T. III. ubi etiam sapienter observat, esse huic Scriptori quasdam simplicitates condonandas, quibus

virtus edificatur, dum eas superbia quorundam lektorum contemnit; sicuti etiam quasdam historias Martiurum, quorum agra non satis probata sunt, sed quæ antea pro sinceris habebantur. Quanti etiam Granatensis opera fecerit S. Franciscus Salesius, liquet ex ejus epist. 24. L. I. ubi Episcopo sibi amicaliter ita scribit: *Lud. Granatensem integrum habeo, tibique Breviarium sit alterum. Card. Borromeus alia ad concionandum theologia non utebatur &c.* Sed ad rem nostram. Multi etiam inter Heterodoxos in hac parte incluserunt, quorum nomina invenientur apud J. Ath. Fabricium in *Syllabo Scriptorum*, qui veritatem Religionis Christi adeo Atheos &c. Incredulitatem suis asseruerunt c. 7. Ante hec omnes Claudius Galenus celeberrimus sec. II. B. G. Medicus, licet ethnicæ superstitioni addictus, Deum existere, & rebus omnibus providere, non minus eleganter, quam nervose demonstravit in *L. de usu partium corporis humani*, ut probe audiri non debeat, qui cum atheismi, aut Epicureismi accusare non sunt veriti, ut ostendit Reimanus in *Hist. Atheismi* c. 35.



ira Dei cap. 10. nā non minus delirare videatur, qui hoc puet refellenda (a).

100. Nec vero fingi potest, ut quidam male philosophati sunt, ex solis gravitatis legibus potuisse corpora inter se ita disponi, ut pulcherrimam hujus universi faciem exhiberent, quandoquidem potius contra has ipsas gravitatis leges a potentiore aliqua vi omnia elementa simul permixta esse videmus, ut nisi eadem vi jugiter colligata detinerentur, tota hujus mundi forma dissolveretur. Terra enim, atque aliis elementis specificæ gravior, centrale spatium occuparet, huic superincumberet aqua: aquam autem circumambiret aer, ac supremum locum occupare deberet ignis. Hinc nisi Deus omnipotens, qui hæc omnia nostro beneficio sapientissimè permiscuit, etiam permixta jugiter detineret, illud consequeretur, quod solis attentis naturæ viribus futurum esse olim ominabatur Lucretius L. V. de rerum natura vers. 97.

... multosque per annos  
Sustentata ruet moles & machina mundi (b).

101. Obj. primo (cum auctore des pensées philosophiques n. 21.). Materia hujus universi, quamvis finita sit, infinitas tamen habere potest suarum partium conformationes; atque inter infinitas partium materiæ conformationes etiam illa continebatur, quæ hanc pulcherrimam universi formam exhiberet: potuit ergo hoc universum ex fortuita materiæ compositione efformari. Nec solum

potuit, sed probabilius id contingere debuit; cum enim materiæ conformationes, a tota æternitate factæ, infinitas fuerint, multo probabilius est, ut hæc tandem conformatio prodiret, quam ut non prodiret; quemadmodum si quis ingentem litterarum alphabeti massam diversis modis infinito versaret, & compoeret, contingere tandem aliquando posset, & deberet, ut iude Virgili, aut Homeri carmen prodiret, rei videlicet difficultate ab infinito litterarum projectu superata.

102. Id etiam inde confirmatur, quod Philosophi quidam Chartesiani demonstrare se putant, ex solis legibus motus potuisse huic mundum compingi; unde illud Malebranchianum: *Dieu m'a matière avec le mouvement, & le monde effaçait. Si ergo supponatur, materiæ particulas a tota æternitate fuisse motas, ac perpetuo moveri, facile intelligitur ad inveniendum horum philosophorum potuisse sine Deo totum mundum componi.*

103. Resp. hoc argumentum esse quasi machinam multis, iisque infimissimis fulcris innixam, quæ proinde si vel leviter concutatur, tota corruat necesse est. Primo enim ponitur materia æterna, & increata, quod maxime absurdum esse, supra demonstravimus n. 51. Secundo ejus particulas esse motas & quidem vario, & diverso natura sua præditas; quod iterum falsum esse, & repugnant n. 76. ostensum est. Tercio tale esse huic motum, ut particula sibi ipsis occurrere debeant, ut coagulentur, quod sine fundamento asseritur. Denique easdem particulas, quotiescun-

(a) Sancti Patres, ut supra innuimus, hoc potissimum argumento uti sunt, ut evincerent, Deum esse, rebusque hujus mundi providere: quorum plurima loca collegit Dion. Petavius Lij. I. Theol. Dogmaticum c. 1. Innumeri autem sunt ex recentioribus, qui hanc eandem spartam adornarunt, ut proinde minime audiri mereantur, qui ausi sunt hoc argumentum respicere, ut minime demonstrativum, vel parum efficax contra Atheos. Ita inter alios opinatus est Maupertuisius in opere, cui titulus *Essai de Cosmologie. Avant-propos, où l'on examine les preuves de l'existence de Dieu tirées des merveilles de la nature*. Vid. etiam ejusdem scriptoris memorias sur les loix du mouvement in *Adis Academiæ Berolinensis*. Multo audacius progressus est Diderotius, qui S. Patres recte nisi potuisse hoc argumentum negavit (*Pensées philos. §. 17.*); quia illorum ævo mundi ætæternitas satis nota non erat, defuncti physicæ experimentalis; quasi scilicet tota natura rerum uniusquaque, & omnino perfecta esse debeat, ut eam nonnisi a sapientissima, & infinitæ virtutis causa prodire dehisce, cognoscamus.

(b) Newtonus in Optica quæst. ultim. Natura compagem manum emendatricem tandem desideratam esse, pronunciat. Adde tamen debuisse, si sola, quas videmus, natura leges spelleretur; neque enim sapientissimus illius auctor Deus ea omisisse credendus est, quæ ad ejus conservationem erant necessaria. Admodum præclare hoc argumentum illustrat S. Athanasius in Orat. con. Gentes n. 37. inquit: *Non ergo res illæ, quæ inter se pugnant, & contrariæ sunt, seipsas simul copularent, nisi aliquis superior, & domi-*

*nus eis colligaret, cui & ipsa elementa, tuncquam servi vi hero, tam promptè parent, cedunt, & obtemperant; ut nullam eorum propriam naturam spèctans alteri adversetur, sed singuli dominum colligentem agnoscentia concordiam erga se servant, & quantumvis contraria sint natura, gubernantis voluntate ineam amicitiam. Ceteroquin nisi potentiore imperio simul invicem commiscerentur, quomodo gravia cum levibus, sicca cum humidis, rotunda cum rellis, ignis cum frigore, vel mare cum terra, sol cum luna, astra cum orlo, aer cum nubibus sociari, & coire possent, cum unumquodque dissimile ab alio naturam habeat? ... Necesso igitur est, dominum, qui illa una congregavit, concitavit, & conciliavit, mente, & cogitatione altitantes. Nam tametsi oculis non conspicitur, ex ordine tamen, & concordia rerum contrariarum, earum moderator, rector, & imperator intelligi potest. Etiam quemadmodum si civitatem ex multis, ex diversis hominibus, pusillis, & magnis, divitibus & pauperibus, senibus, & adolescentibus, viris, & mulieribus compositam præclare administrari, & regi cerneremus, illosque qui eam componit, tametsi diversos, concordes tamen inter se esse, neque divites adversus pauperes, neque majores contra minores, neque juniores contra senes pugnare, sed omnes æqualiter pacem habere; si hæc inquam videremus, plane intelligeremus, Principis præsentiam hujus concordia causam esse, etiam si eum oculus non intueretur &c. Locus prolixus est, sed dignus; qui totus legatur in T. I. edit. Patavina an. 1777.*

cumque erant inconcinnæ conglutinatæ, iterum sua sponæ se dissolvissæ, quod infinitis vicibus contingere debuit: semel ac vero pulcherrima illa conformatio casu fortuito contigit, quæ modo spectatur, tunc quasi habere ingenium, quo optatum se finem consecutas tandem esse cognoscerent, non amplius dissolvi, ne tam præclarum opus in pristinum chaos relaberetur (a). Id patet in ipso exemplo litterarum nobis objecto; ut enim possibilis dicatur talis earumdem compositio, quæ Virgili, aut Homeri carmen exhibeat, debent primum esse litteræ, quæ utique a seipsis non existant. Secundo causa earum motrix. Tercio talis causa, quæ litterarum compositiones informes ab ea, quæ intenditur, probe discernat, ac demum quæ informes compositiones semper destruat, donec ea, quæ desideratur, prodeat, & quæ postea sola conservetur.

104. Sed neque prætermittendum est, animum hominis cogitandi vi præditum in possibilibus materiæ compositionibus minime contineri; ut enim inquit Cicero L. I. *Quæst. Tusculanarum* c. 27. allegatus a Laëtantio de ira Dei c. 10.: *animorum nulla in terris origo inveniri potest: nihil est enim in animis mixtum, atque concretum, aut quod ex terra natum, atque factum esse videatur: nihil ne humidum quidem; aut stabile, aut igneum; his enim in naturis nihil inest, quod vim memoriæ, mentis cogitationis habeat, quod & præterita teneat, & futura prævideat, & complecti possit præsentia; quæ sola divina sunt, nec inveniuntur unquam, unde ad hominem venire possint, nisi a Deo.* Ita Romanus iste Philosophus stultam Epicureorum opinionem explodebat dicentium cum Lucretio animam nostram:

*Esse hominis partem, nihilo minus ac manus  
& pes,*

(a) Ineptus tamen auctor libri, cui titulus *Système de la nature* P. I. cap. 6. aude nobis promittere novas naturæ productiones, novos soles, novos homines diversæ speciei.

(b) Impio libro *Cogitationum philosophicarum* alius oppositus fuit inscriptus *Cogitationes Christianæ*. Hoc argumentum etiam confutatum habemus a Clarcio T. I. de l'existence, & des attributs de Dieu cap. 9. a Georgie Cheyneo Princ. philosoph. nat. relig. c. 3. & nova methodo a celebri nostri ævi Philosopho P. Roderigo Jos. Boscorich in *Philosophia naturalis theoria* n. 531. seq.

(c) Ut auctor libri, cui titulus *Telliamed, ou Entretien d'un Philosophe Indien* vi. Jour.

(d) Afferri hic solent experimenta Needhami, qui in suis observat. microscop. vidisse se dicit in carne, farina, aliisque rebus congelatis, atque aeri expositis oriri quedam animalcula. His experimentis abutitur etiam auctor *du système de la nature* T. I. c. 2. pag. 24. in Not. concludens, & ipsos homines posse hoc modo gigni. Repugnant tamen hisce experimentis fere omnes alii doctissimi naturæ observatores, qui nihil tale vi-

*Atque oculi partes animalis totius extant.*

105. Nec Cartesiani, qui admirabilem hujus mundi fabricam ex solis legibus motus oriri putarent, in eam unquam amentiam delapsi sunt, ut dicerent, animos etiam hominum ratione, & intelligentia præditos ex materia, & motu potuisse compingi.

106. Præterea Cartesiani præter materiam, & motum, etiam causam mundi effectrice requirebant; nec unquam illi desuperunt, ut seposita causa efficiente ex sola materia cum motu mundi fortuito oriri potuisse somniarent. Quapropter eos libenter provocarem, ut ex materia, & motu mihi fosciculum, vel animalculum elaborarent, qualia ab auctore naturæ innumera quoties producantur (b).

107. Ridiculus autem se plañe faciunt quidam ex recentioribus incredulis (c), qui homines ex terra gigni potuisse conjiciunt, quia ex aqua farinæ immixta, & in vase bene ocluso aliquandiu servata, animalia nasci observant, quæ microscopio deteguntur (d). Addunt ex testimonio Diodori Siculi (in *Bibliothecæ Historiæ* L. I. c. pag. 12. edit. Lugd. Sebast. Cipli. 1552.) homines fuisse olim ex limo prognatos; cuius rei iudicium esse volunt manus humanas in terræ visceribus inventas. Ridiculus, inquam, se faciunt; nam quantum attinet ad primum, nemo ignorat, hæc animalcula ex seminibus in aqua, vel farina delitescuntibus oriri potuisse; & forte probabilius possumus dicere cum Peripateticis, ea esse ex putri materia generata (e). De fabulis autem hominum ex limo prognatorum, vel de manibus, aliisque humanis membris in terra repertis nec attinet dicere; commenta enim hujus generis nec refutari merentur (f).

108. Obj. secundo. Torquet se quantum vult mens humana; nunquam eo pertinget, ut intelligat,

dere potuerunt; atque inter alios Muschembroeckius, cum id sæpius tentasset in vasis hermetice clausa, nulla animalia se videre potuisse, testatur.

(e) Hanc Peripateticorum, & S. Thomæ sententiam non ita pridem illustravit, & defendit doctissimus P. Salvator M. Roselli in IV. Tomo suæ Philosophiæ quæst. 29. art. 4.

(f) Ant. Maria Gratianus *De scriptis in vita Minerva* L. XIV. p. 41. vol. 2. Florentiæ 1746. in 4. refert circa a. 1403. fuisse in stagno prope Harlem Hollandi urbem captum pisces humanæ mulieris formæ, sed omnis expertem vocis, ac plane mutam, mansuetam autem non dissimulat didicisse induere vestem, edere communem panem, & lac, atque item nere, phuræque mulieribus opera facere; & quod mirabilis videri potest, in cultibus religionis, quidquid facientem dominum vidisset, fuisse imitatum. Memorat idem Auctor, per monstrum in Frisia captum, masculini generis homini omnino simile, omnis vocis expertus, quod pariter cibis assuevit, & multa servilia opera obibat. Tertium denique narrat juxta Norvegiæ littora an. 1531. repertum pisces humanæ speciei, qui tamen cibo pertina-

gat; potuisse materiam, aut mundum ex nihilo educi: imo contra omnibus Philosophis illud effatum probatur: *ex nihilo nihil, in nihilum nil posse reverti*: at vero si Deus, est primus hujus mundi opifex, debuisset illum ex nihilo suae voluntatis nutu formare.

109. Idipsum confirmatur ex eo, quod Philosophi veteres sola ratione duce nunquam in cognitionem creationis ex nihilo venire poterunt; unde Cicero aiebat (Lib. II. de *Divinatione* cap. 16.): *ertne aliquid, quod aut ex nihilo oriatur, aut in nihilum subito occidat? Quis hoc Physicus dixit unquam?* Et saue quis unquam intelligere queat, intervallum infinitum, quod inter nihilum, & esse intercedit, ita pertransiri posse, ut hæc duo extrema infinite distantia sibi appropinquent, ac tandem conjungantur (a).

110. Resp. non intelligi certe posse, mundum aut materiam ex nihilo educi, quasi nihilum fuisset in materiam conversum, quomodo lignum convertitur in ignem; at vero bene intelligi, materiam, aut mundum esse aliquando cæpisse, cum antea nihil esset. Nostra imaginatio in eo nos fallit, quod creationem concipimus instar generationum naturalium, in quibus semper est aliquod

subjequm, quod de una forma transit ad aliam, eodemque modo vellemus concipere, nihilum conversum in materiam; quod certo & falsum per se est, & intellectu omnino impossibile. Sed creatio est educio rei ex nihilo hoc sensu, ut aliquid primo existat, quod antea nihil omnino erat. Hoc autem fieri posse intelligimus, non quidem aliqua virtute finita, sed ab omnipotente Deo, qui vocat ea; quæ non sunt, tamquam ea, quæ sunt, Rom. IV. 17.

111. Porro id non solum fieri posse, sed etiam factum aliquando fuisse facile meus nostra intelliget, si consideret, nec mundum, nec materiam necessario existere, seu in seipsis non continere rationem, ut existant; quo fit, ut necesse omnino fuerit, ea ab alia causa produci, & quidem ex nihilo, quia ante materiam nihil aliud esse potuit, nisi Deus. Præstabit hac de re consulere Sanctum Thomam Prim. Part. quæst. 45. art. 1. & 2.

112. Quod additur, Philosophos veteres nunquam potuisse sola ratione duce in cognitionem creationis ex nihilo pervenire, etiamsi verum esse concedatur, quod tamen a perisque negatur (b), non evincit, eam rationi repugnare, sed solum

niter recensito breviter vivere desit. Sed hæc, & similia, vel conficta, vel admodum exaggerata, nullam fidem merentur, ut nullam promissis est Virgilius, quando L. II. *Georgicor.* V. 340. scripsit

..... virumque

*Ferrea progenies duris caput extulit arvis.*

Cardanus etiam, si credimus Theophilo Raynando de bonis, & malis libris L. I. Erotem. 4. n. 44. hominem primo & putri genitum, sicut mures, & ranas effutivit; quem propterea idem Raynandus inter clancularios atheos recensere non dubitavit. Aliis firmiter in machinis Athei ulantur necesse est; si nostram existentie Dei demonstrationem evertere, aut saltem labefactare præsumunt.

(a) Ita fere Jo. Bredembourg in *mathem. demonstr.* quod omnia entia rationis capacia necessario operentur. Ceterum admodum multa persnasum est, creationem ex nihilo fuisse veritibus prorsus ignotam, a quibus Thomas Burnettus in sua *Archæologia* L. I. c. 7. de Judeos quidem excipit. *Doctrinam*, inquit, de educatione rerum ex nihilo, & reductione in nihilum Philosophis ignotam, primam invenisse videtur Theologia Christiana; quam eadem opinionem pluribus argumentis confirmare conatus est Isaac Benserotius *Hist. des dogmes de Manichée* Lib. V. c. 6. Sed qui magis sobrii sunt, tantum se loqui profectorem de Philosophis ethnicis, quos voluit sola ratione duce non potuisse cognoscere creationem ex nihilo. Ita inter alios censent Petrus Gassendus in *Physica* Sect. I. L. I. c. 6. & Jac. Bruckerus in *Suppl. II. ad Hist. de ideis*. Inter Christianos Hermogenem materiam creationem negasse, dicimus ex Terimiliano in *Lib. contra Hermogenem*. Si autem Augustinus in *Lib. de heresibus* n. 59. eundem errorem tribuit Setecianum, vel Herminianum. Alios id sentientes etate sua, idest Sæc. VI. commemorat Procopius Gazens in *Comment. in Genesim* p. 3. edit. latinæ curatæ a Conr. Clausero. Mitto Jac. Vinetum,

qui in *Lib. de vita futurorum* statu sect. 2. Scholasticos ansus est carpere, quasi ipsi primi creationem ex nihilo confaxerint, male intellectæ vocæ *ἄτῃ* *ἄτῃ* *ἄτῃ*, qua Moyses in *Genesis* initio nititur. Sed de hac voce, & creatione ex nihilo, prout divina revelatione innotescit, agemus suo loco. Nunc solum contra Atheos, quorum deliria nuper suscitavit Andron pestilentialissimi libri, cui titulus *Système de la nature*. Illi præsertim Boulainvillierius in opere, quod inscribere illi placuit *Refutatio systematis Spinozæ*, cum potius inscribi debuisset *Defensio system. Spinozæ*; & in quo probare contendit, nihil esse magis a ratione alienum, quam doctrinam Christianam de prima rerum creatione ex nihilo. Voltairius in *Philosophia Historie* Sectionem agit. Jo. autem Jac. Rousseauus in audaci atque impia illa epistola, quam ad Archiepiscopum Parisiensem dedit, dubia, que in T. III. de *l'Emile* contra creationem rerum proposuerat, pyrrhonica methodo renovat, & confirmare studet. Et quod in viro acuto satis mirari non possum, absurdissima duorum principiorum boni & mali hypothese mundi constitutionem melius explicari, stulte opinatur.

(b) Vide, que supra ex S. August. retulimus n. 63. cui addi potest etiam Lactantius Lib. II. *Div. Institutionum* c. 9. & creationem materiam agnitam falsæ scribit Pythagoreis, Stoicis, Peripateticis, deinde primis illis ubi sententiam ad Socratem usque, ac Platonem. Porro inter recentiores Rad. Cadworthis in *System. intellectuali hujus universi* c. v. sect. 2. §. 4. & 14. aliquos veteres sapientes, Platonem præcipue, materiam creationem cognovisse, contendit. Multa in eadem sententiam congerit pro more suo Stenches Engubinus in noissimo opere de perenni philosophia toto L. VIII. ubi tamen diligenter criterium sæpe desideres. Peir. Dan. Huetius solita sua eruditio post Eusebium L. III. *Demonstr. Evangel.* c. 3. laudatissimos Philosophos Hebræis consensisse, ut mundum a Deo creatum censuerint, conatur ostendere in c. 5. L.

lum tantam esse nostrae rationi tenebras offusas, ut sine revelationis luminis non possimus ea omnia detegere, quae alioquin in ejusdem sphaera continentur. Observat autem Angelicus I. P. q. 45. art. 2. ad 1. in eo fuisse antiquos Philosophos deceptos, quod non consideraverunt nisi emanationem effectuum particularium a causis particularibus, quas necesse est praesupponere aliquid in sua actione: & secundum hoc erat eorum communis opinio, ex nihilo fieri. Sed tamen hoc locum non habet in prima emanatione ab universali rerum principio. Vid. etiam Lib. II. contra Gen. cap. 16.

113. Frustra vero aliquid sibi imaginantur distantiam quamdam infinitam inter eus, & nihil: nam distantia inter duos terminos, vel duo extrema invenitur; nihilum autem non nisi abusu nominis terminus, vel extremum appellari potest. Multo autem magis errant, qui creationem sibi fingunt, quasi horum duorum extremorum, scilicet nihil, & esse conjunctionem, cum potius creationem concipere debeamus tamquam principium, quo res aliqua existit, quae antea prorsus non erat.

114. Errant pariter, qui in creatione aliquid subjectum requirunt, in quod actio Dei exerceatur; creatio enim nihil est aliud, quam actus voluntatis divinae: ipse autem actus habet quidem suum objectum, sed non praexistens, quemadmodum & nos ea volumus aliquando, quae nondum existunt. Id etiam S. Thomas Qu. III. de potentia art. 2. explicat exemplo temporis, cum de mane lit meridies; non quasi subiectum aliquod mutetur de mane in meridiem; sed tantum meridies succedit mane.

115. Iust. Haec actio Dei creatis nec immanens esse potest, neque transiens. Non imma-

nens, seu ad intra, quia tunc creatura non distingueretur a Deo, cum actio immanens a Deo non exeat, & cum oporteat omne agens conjungi ei, in quod immediate agit, & sua virtute illud contingere, ut inquit S. Thomas I. P. q. 8. art. 1. Dicere autem creaturas a Deo non distingui est in absurdissima Pantheistarum deliria se precipitare. Neque etiam actio Dei creatis dici potest transiens, quia tunc deberet in aliquo subiecto recipi, ad quod transiit; nullum autem in creatione subiectum esse potest, cum sit productio rei ex nihilo.

115. Resp. cum S. Thomas I. P. qu. 45. art. 5. ad 1. Creationem sumptam active ex parte Dei creatis, esse actionem divinam, quae est ejus essentia, cum relatione ad creaturas. Quando autem adversarii molestius seiscitantur, an ista actio sit immanens, vel transiens? responderi potest cum Sylvio (in Comment. ad I. P. q. 45. Concl. 5.) eam esse immanentem, quia est actus voluntatis divinae, virtualiter tamen transiensem, quia effectus resultat a Deo distinctus, & extra Deum. Deus, inquit Angelicus Lib. II. contra Gentiles c. 51. non agit aliqua actione, quae sit extra ipsum quasi ab ipso exiens, & in creatura terminata, sicut calefactio exit ab igne, & terminatur in ligno: sed ejus velle est ejus agere. Unde etiam in sacris Litteris ita explicatur creatio rerum: Dixit, & facta sunt, ipse mandavit, & creata sunt, Psal. CXLVIII: 5. Quod si haec intelligi tam facile non possunt, non ideo tamen negari debent, quasi vero, inquit Laëtantius Lib. II. Div. Institutionum c. 9. ex hoc putandum sit, non esse haec divinitus facta, quia quomodo facta sint, non potest pervideri (a).

117. Inst. secundo. Si Deus mundum ex nihilo creasset vel ab aeterno fecisset, vel non ab a-

ter-

II. Anetianarum questionum. Idem praestitit Ad. Tribekovius in Diss. Veritas creationis aevi, prout a Moese descripta est; ostensa in traditionibus gentium, ac vetustissimis antiquitatis profane monumentis. Haec adjungi possunt Livius Galantes Ord. Min. in Comparatione Theologiae Platonicae, & Christianae L. XI. Bononiae 1627. 40. Alb. Fabricius T. I. Biblioth. Graecae II. c. 12. §. 5. & D. Dutens in ano opus. Recherches sur l'origine des déconuertes attribues aux modernes P. II. P. 4. ch. 4. Paris 1766. in 8. Atque a Platone saltem fuisse agnitam materiem creationem, multis olim evincere conatus fuerat Hierocles Philosophus Platonicus in Schola Alexandrina aevi. V. clarus. Platon autem S. Thomas in L. VIII. Philosophorum Lect. 2. adjungit Aristotelem; hos enim ceteris Philosophis ultius assurgentes ad cognoscendum principium totius esse pervenisse asserit. Nec pretereundum demum e-ruditissimus P. Hyac. Gerdil (qui ex instituto Barnabitarum ad Romanum Purpuram, Religione, scientisque sibi gratulantibus assumptus fuit) in sua Introductione ad studium religionis L. VI. §. 9. ubi ostendere se posse putavit, notionem creationis ex nihilo, ne dum Philosophis pluribus, sed rudibus etiam populis fuisse communem sub vocabulo emanationis a Deo.

Fortem tamen adversarium natum est Jac. Brukerius in Historia Critica Philosophiae Vol. VI. in Appendice p. 300. & seq.

(a) Ibi Laëtantius refellit Ciceronem, qui in Lib. I. De natura Deorum dixerat: Primum igitur non est probabile, eam materiam rerum, unde orta sunt omnia, esse divina providentia effectum: sed habere, & habuisse vim & naturam suam. Quem errorem ubi multis argumentis confutasset, venit postea ad solvendam difficultatem, quae inde petitur, quod modo cognoscere non possumus, quo materia a Deo prima creata sit, & subdit: An tu, si educatur in domo fuisse facta, & ornata nullam unquam fabricam vidisses, domum istam putares non ab homine aedificatam, quia quomodo aedificaretur, ignores? Plura ibi habet laeta dignissima; ac postea sic concludit: sciat igitur, quam inapte faciat, qui res inenarrabiles querit. Hoc est enim modum conditionis suae transgredi, nec intelligere quousque homini liceat accedere. Deinde cum aperiret homini veritatem Deum, ea sola scire nos voluit, quae interfuit hominem scire ad vitam consequendam: quae vero ad curiosam & profanam cupiditatem pertinebant, nescivit, ut aeterna essent. Quid ergo queris, quae nec potes scire, nec si scias, beatior fias? Perfecta est



terno: neutrum autem dici potest. Non primum ob multas rationes, quibus aliqui probant, mundum nec esse, nec potuisse ab aeterno esse (vidi supra num. 64.) Neque etiam secundum; quia in hac hypothesis deberet prius in Deo poni decretum creando mundum, & postea ejus executio: hoc autem omnino repugnat, quia in aeternitate nihil est prius, aut posterius, cum aeternitas sit quasi punctum indivisibile.

118. Praet. Si prius concipitur Deum voluisse creare mundum, & postea eum crasse, deberet etiam concipi aliquod intervallum medium inter decretum, ejusque executionem; hoc autem intervallum nec finitum esset, quia in aeternitate nihil est finitum, nec infinitum, quia cum hoc sit impertransibile, nunquam illud punctum venisset, in quo crearetur mundus (a).

119. Resp. Mundum utique fuisse creatum non ab aeterno. Quod autem subdidi, in hac hypothesis, debere in Deo poni decretum de creatione mundi ante operis executionem, concedi potest juxta nostrum imaginandi modum; non autem re ipsa, quasi duo in aeternitate figamus puncta, alterum, quo Deus decreverit mundum creare, alterum, quo mundus creatus sit. Nam verius dicendum est, Deum voluisse ab aeterno, ut mundus existeret, ut existeret, inquam, non ab aeterno, sed in initio temporis, seu simul cum tempore.

120. Audiat Sanctus Thomas, qui I. P. qu. 46. art. 1. ad 8. simili difficultati ita respondet: *Deus est prior mundi duratione; sed ipse prius non designat prioritatem temporis, sed aeternitatis. Vel dicendum, quod designat aeternitatem temporis imaginati, & non realiter existentis: sicut cum dicitur, supra caelum nihil est; ipse supra designat locum imaginatum tantum, secundum quod possibile est imaginari, dimensionibus corporis celestis dimensiones alias super addi. Vid. etiam S. Doct. P. II. Con. Gent. c. 35.*

121. Porro inter decretum Dei de mundi creatione, & ipsam creationem intercessit aeternitas hoc sensu, quod decretum fuit aeternum, creatio vero in tempore, vel simul cum tempore, ut dictum est. Neque obstat, infinitum, seu aeternum esse impertransibile, ut enim saepius observat laudatus Angelicus P. I. q. 46. art. 2. ad 6. *transitus semper intelligitur a termino in terminum: in aeternitate autem nulli termini; falso itaque dicitur, intervallum infinitum pertransiri debuisse, ut a decreto, quo Deus ab aeterno mundi creationem statuit, ad mundi creationem perveniretur. Vere igitur dicimus, voluisse Deum ab aeterno, ut mundus simul cum tempore aliquando esset, sed ut*

non esset ab aeterno; quamquam imaginatione comprehendere non possumus, quandonam hujus decreti executio fuerit ac mundus creatus.

122. Ceterum mirandum non est, si hujusmodi difficultates omnino perspicue expediti non possint, cum nullam claram, distinctamque notionem habeamus, sive productionis ex nihilo, sive aeternitatis. Sed quaecumque sit hac in re obscuritas, certum est tamen, & evidens, multo majoribus premi atheos difficultatibus, cum explicare coguntur, quomodo materia, quae contingens est, finita & imperfecta, potuerit a se ipsa, & a tota aeternitate existere? Uterius, qui nimia evidentia coacti concedunt, hanc praesentem mundi formam non esse aeternam, in eadem angustias rediguntur, quia determinare debent momentum, & punctum, quo materia prius informis formari coepit, & in hanc pulcherrimam mundi faciem transmutari.

123. Instant tertio: Si Deus creasset mundum, & non ab aeterno, fuisset mutatus; fuisset enim factus creator, cum antea non esset: mutatio autem in Deum cadere non potest.

124. Resp. Deum ab aeterno, una, eademque immutabili voluntate decrevisse mundi creationem, eamque non in aeternitate, sed in tempore, vel simul cum tempore futuram. Neque vero factus est de novo creator, quando mundus ex nihilo prodixit. Hic enim error est nostrae imaginationis, qui putamus Deum mundum condidisse, sicut artifex statuum fornat. At vero Deus non instrumentis, aut operatione aliqua externa, sed solo voluntatis imperio fecit, ut haec omnia existerent. Dixit, & facta sunt; ipse mandavit, & creata sunt. (Vide supra n. 110.) Quod Deus jussit ab aeterno, & in tempore mundus exiit: ut proinde tota mutatio in mundo fuerit qui de nihilo transivit ad esse, non in Deo, qui idem semper voluit.

125. Aliud est, inquit S. Thomas I. P. qu. 19. art. 7. *mutare voluntatem, & aliud est vellem aliquarum rerum mutationem: potest enim aliquis eadem voluntate immobilitate permanente velle, quod nunc stet hoc, & postea fiat contrarium. Sed tunc voluntas mutaretur, si aliquis inciperet velle, quod prius non voluit, vel desineret velle, quod voluit. Et S. Augustinus hanc ipsam objectionem refellens Lib. XII. De Civit. Dei cap. 17. inquit: In Deo alteram praecedentem altera subsequens non mutavit, aut abstulit voluntatem, sed una, eademque sempiterna, & immutabili voluntate, res, quas constitit, & ut prius non essent, egit, quae nunc non fuerunt, & ut posterius essent, quando esse ceperunt (b).*

126.

in homine sapientia, si & Deum esse unum, & ab ipso esse facta universa cognoscit.

(a) Multa in hanc rem aucta, & subtilia assert. Baileus in *Dictionary* art. *Zabarella*. rem. II., antiquas Atheorum fallacias recognovit, toties a nostris, atque imprimis a S. Th. detectas, & expostas.

(b) Hac difficultate, aliisque similibus moti aliqui Sociniani novas voluntates in Deo ponere non dubitant. Ita Satn. Crellius de Deo cap. 21. 22. & 23. ac Phil. Limburgius in *Theologia Christiana* Lib. I. cap. 2. §. 22., quia doctrina nihil absurdum esse potest.

126. Inst. quarto. Vel Deus propter seipsum condidit mundum, vel propter homines. Non primum, nihil enim defuit plenæ ipsius felicitati, antequam inmundum conderet, nec eo condito beatus factus est. Non secundum; tot enim obruuntur homines malis in hac vita, ut melius plerique videatur, si nati non fuissent. Quæri etiam solet, quid causæ Deo fuerit, ut mundi aedificator repente extiterit, innumerabilia ante secula dormierit? At demum ubinam fuerit Deus, antequam mundum crearet, cum spatium esset nullum? (a)

127. Primæ difficultati ita respondet S. Thoma. Lib. II. contra Gentiles cap. 5. Finis divine voluntatis, ex qua res in esse processerunt, non potest aliud esse, quam sua bonitas: quæ quidem a creaturis non dependet, nec quantum ad esse, cum sit per se necesse esse, nec quantum ad bene esse, cum sit secundum se perfecte simpliciter. Etiam S. Augustinus (in Lib. I. Contra adversarium legis, & prophetarum c. 7. Tom. VIII.) Istorum faciendorum causam fuisse dicit solam Dei bonitatem. Voluit ergo Deus mundum creare propter seipsum, non quasi eo indigeret, ut beatus, vel beator esset, sed ut suam bonitatem etiam exterius communicaret; seu, ut verbis utar Angelici Præceptoris, mundum creare voluit, non propter suam utilitatem, sed solum propter suam bonitatem (I. P. qu. 44. art. 4. ad 1.) Quamvis Laëtantius Lib. VII. Institutionum c. 4. non dubitat concedere, hæc omnia facta fuisse propter hominem, qui his congruenter utitur, sed postea cap. 5. ipsum hominem propter Deum factum esse docet, ut nempe esset, qui Deum coleret. Dicit etiam potest cum S. Iræneo (Lib. II. contra hæreses cap. 6.) Non quasi indigens Deus hominis plasmasit Adam, sed ut haberet, in quem collocaret sua beneficia. (b)

128. Secundæ quæstioni, quare Deus mundum

non citius, aut tardius creaverit, aliisque similibus interrogationibus breviter respondendum est, hæc a libera Dei voluntate pendere, cuius consilia nobis perscrutari datum non est.

129. Ubi demum Deus fuerit, antequam mundum creasset, bene determinat Tertullianus (in Lib. contra Praxeam cap. 5.) iniquens: ante omnia Deus erat solus, ipse sibi & mundus, & socius, & omnia. Sic autem Gregorius Nyssenus Eunomio similiter interroganti ita respondit (L. I. adv. Eunomium): illa nullius indigens, & sempiterna, & quæ omnia suo complexu comprehendit, natura neque in loco est, neque in tempore, sed ante hæc est, & supra hæc innarrabili quadam ratione. Denique cohibendam esse in his, aliisque multis rebus humanam curiositatem monet Apostolus Roman. XII. 3. iniquens, non plus sapere, quam oportet sapere, sed sapere ad sobrietatem (c).

130. Obj. ult. Non desunt Philosophi, qui velint, spatium esse aliquid esse reale, æternum, & improductum. Ita Gassendus (in Physica T. II. sect. 1. lib. 2.), & post ipsum non pauci alii, qui tamen impietatis accusari non possunt (d).

131. Resp. Laudatos Philosophos non vidisse absurda sua opinionis consecraria; quæ alii Philosophi acutiores viderunt, videlicet esse in ea hypothesis aliquid esse improductum, Deo cœvum, & ab ipso Deo diversum; quod nedum cum revelatione supernaturali, sed cum ipsa ratione pugnat. Spatium, quicquid illud sit, a Deo factum est, & potest a Deo in nihilum redigi: eo autem destructo non remaneret locus vacuus, ut aliqui obijciunt, sed remaneret nihil, ut antea erat, scilicet nec locus nec spatium. Ad rationem vacui, inquit S. Thomas I. P. qu. 46. art. 1. ad 4. non sufficit, in quo nihil est, sed requiritur, quod sit spatium capax corporis, in quo non sit corpus. Nos autem dicimus, non fuisse locum, aut spatium ante mundum (e).

132.

(a) Ita fere obijciunt Lucretius Lib. V. de rerum natura, Vellexus apud Ciceroem Lib. I. De natura Deorum, Plutarchus De placitis Philosophorum, & Læcians in Icaro-Menippo. Ex his autem Intentionis fontibus recentiores increduli hortulos suos irrigare solent, ut videre est in Litteris Persii epist. 99. quædam impietatem detexit auctor libelli cui titulus: Les lettres convaincues d'impieeté.

(b) Brevius hanc difficultatem expedit S. Augustinus in Opere De diversis quæst. octoginta tribus (To. VI.) qu. 28. iniquens: Qui querit, quare Deus voluerit mundum facere, causam querit voluntatis Dei; sed omnis causa efficiens est; omne autem efficiens majus est, quam id, quod efficitur; nihil autem majus est voluntati Dei: non ergo ejus causa querenda est. Audiri autem non inerentur, qui inmundum a Deo propter homines creatum idco negant: 1. quia multa in eosunt, quibus homo uti nequit; immo sunt ipsi noxia; 2. quia admodum pauci vel ab ipsis sentissimis Philosophis de eo cognoscuntur. Qui ita ratiocinantur, vel

non credant, vel non considerant quæ de lapsu primi hominis, ac de penis iudicii Fides Christiana docet; quæque suis locis copiose, & solide demonstrari a Theologis solent.

(c) Legatur S. Augustinus Lib. XII. de Civit. Dei cap. 15. Tom. VII. ubi postquam inquisivisset, an Deus semper fuerit Creator, & Dominus, cum tamen non semper fuerit creatura, nihil tandem affirmare audeat, & concludit, ab his quæstionem periculis esse omnino temperandum, atque obtemperandum Apostolo præcipienti, non plus sapere &c.

(d) Vid. Newtonus in Principiis Philosoph. in fine Scholii generalis, & ad calcem Opticæ; tum Henr. Morus in Enchiridio I. P. cap. 8. §. 9.

(e) Dignus est, qui de hoc argumento legatur P. Th. Vinc. Moniglia in egregia Dissert. cont. Materialistas P. III. sect. 1. Etiam Muschenbroeckius in Elementis Physicæ cap. 3. §. 89. absurditatem notavit spatii improducti. Spatium nedum productum, sed etiam finitum esse debet, certisque limitibus conclusum, ut

132. Scholium. Quæ de ordinatissima hujus universi pulchritudine hæcenus delibavimus, vana & inutili curiositate consideranda non sunt, sed ex iis altius erigendus est animus ad contemplantum, & amandum illius omnipotentem creatorem Deum. *Triâ*, inquit S. Bernardus (in *Serm. III. Pentecost.* Tom. III. edit. Venetæ 1765.), in magno hujus mundi opere cogitare debemus, videlicet, quid sit, quomodo sit, ad quid constitutus? Et in esse quidem rerum inestimabilis potentia commendatur, quod tam multa, tam magna, tam multipliciter, tam magnifice sunt creata. Sane in modo ipso sapientia singularis elucet.... Si vero ad quid factus sit, meditari, occurrit tam utilis benignitas, tam benigna utilitas, quæ etiam ingratis quosque multitudine, & magnitudine beneficiorum possit obstruere. Potentissime siquidem ex nihilo omnia, sapientissime pulchra, benignissime utilis sunt creata. Veritatem & fuisse novimus ab initio, & adhuc multos esse videmus in filiis hominum, qui in bonis inferioribus sensibilis mundi hujus tota sensualitate depressi, totos se dederunt his, quæ facta sunt, quoniam modo, vel ad quid facta sint, negligentes. Hæc, & alia mellifluis Doctor, & postquam carnales hos homines merito reprehendit, illos tamen improbat, quibus summum studium fuit, atque unica sollicitudo, modum & ordinem investigare factorum. Hi se philosophos vocant, sed eos curiosos, & vanos rectius appellandos censet, ac nonnisi eos laudandos, qui & quæ facta sunt, & quomodo facta sunt, transilientes intenderunt aciem mentis, ut ad quid facta sint, viderent. At demum concludit, primos (nempe carnales) vanitate, secundos (id est philosophos) vanitate, tertios veritate impletos esse.

tra quos non sunt nisi ea spatia, quæ vocantur imaginaria, quæque nihil aliud, quam mentis nostre figmenta. Contemnendæ autem sunt pueriles illæ questiones, ab otiosis quibusdam philosophis excitatæ, & renovatæ a Jo. Lockio Lib. II. de intellectu humano cap. 13. §. 21. an scilicet homo in confinis mundi positus brachium extendere possit, & manum explicare, aut digitos exporrigere: vel ut Lucretius curiosius sci scitabat Lib. I. de natura rerum:

..... Si quis percurat ad ora  
Ultimus extremæ jaciaturque volatilis telum,  
Id validis utrumq; contortis viribus ire,  
Quo fuerit missum, mavis, longeque volare,  
An prohibere aliquid censes, obstatque posse?

(a) Melius hoc argumentum infirmare conatus est, cum alias sæpe in pestiferis suis libris, tum maxime in eo, qui inscribitur *Continuation des pensées sur les Comètes*. Jo. Augustus Ernesti vix non eleganti solum dicendi nitore, ac linguarum perita, sed multæ etiam doctrinæ copia in Lipsiciæ Academia celebris, hanc demonstrationem non magni facit in libro, cui titulus *Initia doctrinæ solidioris Theologiæ naturalis*, cap. 1.

## CAPUT V.

*Deus esse confirmatur ex unanimi hominum consensione (a).*

133. Magnam certe vim in re tam gravi habere unanimis hominum, præsertim doctorum, consensus, ut enim recte ait Tullius (Lib. I. de natura Deorum c. 17.), de quo omnium natura consensit, id verum esse necesse est: quod apud S. Thomam Lib. II. contra Gentiles cap. 54. profundiore ratione confirmatum invenies. At vero omnes docti, indòstique ubique terrarum, quavis locis, temporibus, legibus, moribus admodum inter se dissiti, ac diversi, ita communis calculo, Deum esse consenserunt, ut per tot annorum sæcula, ad quæ nostra cognitio se extendit, vix pauci, & facile numerabiles extiterint veri hominis Athei, quibus scilicet omnino persuasum fuerit, nullum esse Deum.

134. Et quidem de Philosophis, quorum potissima ratio habenda est, id aperte liquet: nihil enim in eorum libris frequentius, quam Dei mentio, paucissimis exceptis, qui veluti leones imbelles, vel boves sine cornibus, aut aves sine alis (b), aut, alterius generis monstra omnibus aliis execratione fuerunt.

135. De populis autem, & nationibus idipsum pluribus, gravibusque testimoniis ostenditur. Plato (Dial. X. de legibus) inter alia argumenta, quibus Deos esse evincit, affert etiam Græcorum, barbarorum omnium consensum, Deos esse fatentium. Cicero (Lib. I. de natura Deorum cap. 16.) Quæ est, inquit, gens, aut quod genus hominum, quod non habeat sine doctrinæ anticipationem quamdam Deorum? Seneca (ep. 217.) veritatis argumentum est, inquit, aliud

n. 21. Sed his opponere possumus doctissimorum Virorum turbam, qui in hominum consensione magnam contineri vim arbitriati sunt ad eos paucos revincendos, qui relinquantur. Consultatur Jo. Alb. Fabricius & ab eo laudati Scriptores in *Deleto* argumentorum, & syllabo scriptorum, qui veritatem religionis Christianæ... abutrationibus suis asseruerunt, cap. 6. quibus addi possunt ex Catholicis Pet. Dan. Huetius in *Alnetanis questionibus* Lib. II. cap. 1. Bern. Lamy in *Demonstratione veritatis, & sanctitatis Ethicæ Christi*. sed. 1. cap. 6. Laurent. Magalotti *Lettere famigliari* P. 1. lett. 6. P. Antoninus Valsecchi de *fundamentis religionis* Tom. 1. cap. 8. g. & 10. Toncennine *Reflexions sur l'athéisme* attribué à quelques peuples (in *Ephemeridibus Trevoltianis* anno 1717.) & Aloysius Brenna *Romans De generis humani consensu in agnoscenda Divinitate* Vol. 2. in 4. Florentiæ 1773. Etiam addi possunt ex Heterodoxis Sittlingseus in *Originitus sacris*; & Elias Benois, *Préface aux mélanges de remarques sur les deux dissertations de M. Toland*.

(b) Ita loquitur Maximus Tyrius in *Dissert. 11. edit. Londin. 1740.*

omnibus videri. Tamquam Deos esse sic inter alia colligimus, quod omnibus de iis opinio insita est, nec ulla gens usquam est adeo extra leges, moresque projecta, ut non aliquos Deos credat. Et ne omnia persequar, vulgata sunt ea Plutarchi verba (adversus Colotem Epicureum prope finem) si totum peragraveris orbem, invenies quidem urbes, literis, regibus, domibus, opibus, pecunia carentes, theatrorum, gymnasiorumque nescias; urbem vero sine templis, & sine Diis, quæ precibus non utatur, aut iuramentis, aut oraculis, aut sacrificiis ad bona obtinenda, cavenda autem mala, nemo vidit unquam, & facilius arbitror, urbem sine solo, quam sine Deorum persuasionem posse consistere. Plura alia similia prætermitto Heracliti, Aristotelis, Quintiliani, aliorumque veterum testimonia, quæ collecta habet Hugo Grotius de Jure belli, & pacis Lib. I. c. 1. n. 12. Ex quibus omnibus ita concludere possum cum Cicero L. I. Tuscul. quæst. cap. 30. Cur Deos esse credamus, firmissimum hoc afferri potest argumentum, quod nulla gens tam fera, nemo hominum tam sit immanis, cujus mentem non imbuerit Deorum opinio (a).

136. Sed etiam antiqui Ecclesiæ Patres gravissimum pondus ad impietatem Atheorum profligandam in omnium gentium consensu esse putarunt. Nam Tertullianus Lib. I. contra Marcionem c. 10. Animæ, inquit, a primordio conscientie Dei des est; eadem, nec alia, & in Egyptiis & in Syris, & in Ponticis. Apertius Lactantius Lib. I. Divinarum Instit. cap. 2. Neque difficile, ait, sane fuit paucorum prave sententium redarguere mendicium testimonio populorum, atque Gentium in hac re non dissidentium. Cui simile est illud S. Augustini Tract. CVI. in Joann. n. 4. (Tom. III. P. II.) Hæc est vis veræ Divinitatis, ut creaturæ rationali jam ratione utenti non omnino ac penitus abscondi possit.... Exceptis enim paucis, in quibus natura nimium depravata est, universum genus humanum Deum hujus mundi fatetur auctorem.

137. Neque vero huic universali hominum consensui obest, quod Bælius acute objicit, miram scilicet fuisse in omnibus gentibus dissensionem, & varietatem, in natura, providentia, numero, & divinis proprietatibus determinandis. Non inquam id obest: ut enim sapienter observavit Tullius Lib. I. Tuscul. Quæst. Supra laud. Multi de his prave sentiunt: id enim vitioso more efficit sol: omnes tamen esse vim, & naturam divinam arbitrantur. Nec vero id collocutio hominum, aut consensus efficit, non institutis opinio est

confirmata, non legibus. Omni autem in re consensio omnium gentium lex naturæ putanda est. Ceterum sit igitur illud saltem, quod omnes confessi semper sunt, esse Divinam naturam.

138. Neque suspicari licet, generales has locutiones emphaticæ esse prolatas, ut in tota sua latitudine accipi minime debeant, sed esse restringendis ad certum numerum; ut cum idem Tullius Lib. I. de Divinatione cap. 1. inquit: Gentem nullam videro, neque tam humanam, atque doctam, neque tam immanem, atque barbaram, quæ non significari futura, & a quibusdam intelligi, prædicatione posse censeat; cum tamen plusquam certum sit, a sapientibus fero omnibus fuisse divinationem non negatum solum, sed plane irrisum. Sufficit hac de re eundem Tullium legere in Lib. II. de Divinatione.

139. Non inquam id est suspicandum; quamquam eum inficiis non eo, generales locutiones posse nonnunquam, imo & debere cum aliqua diminutione accipi, cum hujus diminutionis fundamentum habetur, ut in allato exemplo, aliisque similibus; contendit tamen, verba in nativo suo, & proprio significato esse accipienda, cum nihil contra obstat; quæ regula nisi observetur, nihil erit ratum, & fixum in scientiis, & locutionibus humanis. Maxime autem id obtinere debet hac in re, de qua modo agimus, cum generales illæ locutiones ipsæ etiam experientia confirmatæ sint, quod ex dicendis etiam magis apparebit.

140. Scholion. Putant aliqui cum Cicero L. 1. de natura Deorum cap. 43. naturam ipsam Deorum notionem animis hominum impressisse, atque adeo hanc communem hominum de Divinitate persuasionem ex idea Dei omnibus ingenua oriri, in quam rem multa congestit veterum testimonia Car. Witasse (b). Sed alii, ut mihi videtur, probabilius eam repetunt ex antiqua traditione ab Adam primo, deinde a Noe (qui secundus Pater generis humani dici potest) in omnes populos derivata. Quæ quidem traditio olim pura erat, post autem in superstitionem, & idololatriam fæde degeneravit. Interim tamen cum veritas hæc capitalis Deum esse apud omnes semper conservata fuerit, perperam ab Atheis inter præjudicia rejicitur, quæ solent ab educatione promanare. Hæc enim educationis præjudicia non eadem sunt apud omnes, sed ea pro varietate gentium, atque regionum semper variare videmus. Confirmata etiam fuit communis hæc opinio sapientium doctrina, qui Deum esse evidentibus rationibus demonstrabant. Quamquam barbaræ etiam, inculturæque nationes Divinitatem omnino non ignorabant; primum est credere, vel ipsos tudes homines ex natura

(a) Id fuisse ostendit Rudolphus Cudworthus in Synonymate intellectuali hujus universi cap. 4.  
(b) Tom. I. de Deo quæst. 2. art. 1. & seq. Vid. e-

tiam Ludovic. Thomassinus de Deo, Deique proprietatibus Lib. I. cap. 4. Tom. II. Dogmatum theologorum.



tura contemplatione ad aliquam Dei creatoris notitiam assurrexisse (a).

141. Obj. primo. Commentitius est universalis iste, qui asserit, omnium gentium in aliquo divino Numine agnoscendo consensus. Nam primo Cotta ( apud Ciceronem Lib. I. de nat. Deorum, cap. 25. ) inquit: *equidem arbitror, multas esse gentes sic immanitate efferratas, ut apud eas nulla suspicio Deorum sit*; simile quid asserit Plutarchus ( *adversus Stoicos* ) inquit: *fieri sane potest, ut incidat quis in homines barbaros, ac feros, qui Deum esse nullum putent*. Secundo hæc Cotta, ac Plutarchi opinio experientia comprobatur. Eusebius enim auctor minime suspectus ( Lib. XIV. de *preparatione Evangelica* c. 16. edit. P. Vigieri Paris. 1628. ) Dei cognitionem apud Græcos omnes, tum apud Phœnicos, & Egyptios a Pythagora, Anaxagora, Platone, & Socrate primo inveniam fuisse probat ex Plutarcho ( in Lib. de *Dogmatibus Philosophorum* ). Tertio Herodotus historiæ parens ( Lib. II. cap. 55. ) Undenam, inquit, *Deorum quilibet, & an semper fuerint omnes & quænam eorum formæ; ignorabatur usque nudius tertius, & heri, ut ita dicam; post autem subdit, fuisse primam ab Hesodo, & Homero Deorum theogoniam expositam. Quarto integras, populosque nationes fuisse olim atheas, plures Scriptores testantur; nam de Thoisbus extreme Thraciæ populus id tradit Porphyrius ( in Lib. II. de *abstinentia ab animalis* ). Idem refert Dionysius de Nasamonibus ( in *Periegesi* n. 210. ), qui populi erant in Lybia juxta Syriæ, spoliis naufragorum viventes, ut Herodotus scribit. ( Lib. IV. ). De gigantibus autem hæc habet Macrobius ( Lib. I. *Saturnaliū* cap. 20. ): *Gigantes quid aliud fuisse credendum est, quam hominum quendam impiam gentem Deos negantem, & ideo existimantem Deos pellere de cælesti sedē voluisse*? Strabo denique auctor nobis est, quendam fuisse populos atheos tum in Hispania, tum Æthiopia (b).  
142. Resp. ad primum. Cottam ariolari potius, quam ex rei veritate id asserere. Arbitror, inquit, neque ullum in medium afferi harum gen-*

tium atheorum exemplum; non prætermisurus profecto, si illud in promptu habuisset. Hinc Cicerone nullam hujus opinionis se rationem habuisse demonstrat; sæpe enim repetit, omnibus implantatam esse divinitatis notitiam (c). Sane Damis, Deorum osor ( apud Lucianum in *Dialogo Jovis tragædi* n. 42. ) omnium hominum de Diis consensum negare non est ausus; sed ad hujus consensus auctoritatem minuendam diversas affert ridiculas, & sibi repugnantes plurium gentium hæc de re sententias: unde infert, nihil infirmum ea, quæ de Diis feruntur, habere. Quæ obiectio, quam sit infirma, supra vidimus dum. 137.

143. Plutarchus autem non de nationibus loquitur, sed de Atheis quibusdam Philosophis, & solum asserit, fuisse quidem inventos, qui Deum prorsus tollere, neminem autem inventum fuisse, qui Deos faceret mortales: unde subdit: *Deum autem qui existimus, sed eumque non securum interitus, non æternum, inventus est ne unus quidem homo. Certe qui athei appellantur, quod negarent esse Deos, Theolorus, Diagoras, Hypo non ausi sunt dicere, Deum esse interitum obnoxium &c.*

144. Ad secundum, Eusebius tantum vult, veteres Græcos ante Pythagoram, & Anaxagoram ita desipuisse, ut mentem divinam, a qua motus principium repetebant, una cum materia confundere, ita ut ex materia, & mente divina illam inveniendi non nisi unum principium constituerent. Pythagoram autem, atque Anaxagoram duo distinctis principia, Deum scilicet, & materiam; unde isti non Dei notionem primo invenerunt, sed solum a materia Deum separarunt; quod etiam S. Thomas observavit lib. I. *contra Gentiles* c. 20. inquit: *inter antiquos solus Anaxagoras ad veritatem accessit, ponens intellectum moventem omnia separatim. Ceterum idem Eusebius in eodem opere De *preparatione evangelica* Lib. II. cap. 6. luculenter tradit innotam omnibus fuisse Dei cognitionem, etsi in aliis vero minus superstitione fœdatam. Dei nomen, inquit, essentiarumque... omnes populi communi quodam rationis usu percipere, cum ab omni animo ratione, & intel-*

(a) Confer P. Casti Ianoc. Anecd. libros tres de *traditione principiorum legis naturalis* Mediolan. 1742. in 4. Ridendum autem plane se prodit impurus scribulator *Systemat. naturæ*, dum Part. II. cap. 4. hæc Dei notitiam ad nos pervenisse dicit a primis nostris parentibus, qui homines fuere ignari, ac sylvestres; vel fortasse a *Legislatoribus*, de quibus infra.

(b) Ita enim habet Lib. III. *Geographicorum* pag. 214. edit. Basil. 1523. in fol. *Callæcis nullum Deum esse quidam ajunt. Et Lib. XVII. p. 554. de populis Æthiopiæ, qui ad torridam habitant, nonnullis esse; ait, qui Deos non colunt.*

(c) Libros de *natura Deorum* fuisse a Cicerone scriptos ad atheismum inducendum aliqui suspicati sunt, ut Jaquelotius Dissert. I. sur l'existence de Dieu. Sed cum alibi tam sæpe, & tam aperte Deos esse fateatur Gazzaniga Theol. Tom. I.

tur, immerito ut equidem reor, in atheismi suspitionem trahitur. Iis enim, quæ superius allata sunt, hæc addi possunt, Lib. I. de *legibus* cap. 8. *Nulla gens est, neque tam immanis, neque tam fera, quæ non, etiam si ignoret, qualem habere Deum debeat; tanta habendum solat. Et Lib. II. de *natura Deorum* cap. 1. *Qui dubitat (esse Deum) hæc sine intelligi, cur non idem, sol sit, an nullus sit, dubitare possit. Quid enim est hoc, illo evidenti? Quod nisi cognitum, comprehensumque animis haberemus, non tam stabili opinio permaneret, nec confirmaretur diuturnitate temporis, nec una cum sæculis, atque hominibus inveterare possit. Etenim videmus, ceteris opinionibus falsis, atque vanis diuturnitate extabuisse. .... Opiniones enim commenta deest dies, natura judicium confirmat.**

lignita prædido idem hujus universitatis arti ex naturalibus quibusdam cogitationibus inseruerit.

145. Ad tertium. Nec alio sensu accipienda sunt verba Herodoti, videlicet Homerum, & Hesiodum primos fuisse, qui Græcis Theogoniam exposuerint, Deorumque cultum invexerint, quatenus ipsi Theologiam Græcorum ordinarunt, nova Numina invexerint, totamque religionem, ut ipsis quidem videbatur, in meliorem formam redegerunt; non autem quasi ipsi primi Deorum notitiam, & cultum in Græciam intulerint (a).

146. Ad quartum. Quæ de gentibus atheis antiqui Scriptores memorie prodiderunt, non eo sensu intelligenda sunt, quod nullum omnino nomen agnoscerent; sed quod ita barbare, atque impie viverent, perinde ac si nullam haberent naturæ legem cordibus insculptam, nullumque timerent scelerum puniorem Deum. Id pluribus exemplis scelerum Ut Theos, & Nasanones omittam, de quibus nil peculiare compertum habeo, Macrobius gigantes vocat impiam gentem Deos negantem; hoc autem ita explicat Cicero (in *Cutone majore* cap. 2.) *Quid est aliud gigantum more bellare cum Diis, nisi naturæ repugnare?* Strabo nonnisi incertum rumore de Callaïcis atheis refert, inquit: *Callaïcis Deum nullum esse, quidam ajunt.* Appellat vero Æthiopes quosdam atheos non alia de causa, ut videtur, nisi quia infensi erant, *propterea quod sol eos urit; & de quibus Pomponius Mela* (Lib. 1. cap. 5.) ait: *solem exacerantur, & dum oritur, & dum occidit ut ipsis, agrisque pestiferum.* Cicero (in *Oratione pro M. Fonteio*) Gallos arguit, ut maxime irreligiosos; cum Cæsar oculatus testis (in *Comment. de bello gallico* Lib. 6. cap. 16. dicat: *Natio est omnium Gallorum admodum dedita religionibus: ubi etiam magna Druidarum, qui sacrificiis præerant, auctoritatem describit.* (Racolanur, quæ supra dicta sunt n. 6.

147. Neque prætereundum est, nonnunquam per contentum fuisse atheos vocatos, qui inavim Deorum turbam superstitionis ritibus colere recusabant. Hac de causa Socratem, & nonnullos alios *ἀθεογενεῖς* damnatos fuisse, fama est (vide supra notam (a) ad num. 6.). Plinius etiam (Lib. XIII.) *Hist. natur.* cap. 4.) Judæos appellavit gentem contumelia numinum insignem, & Christianos sæpissime ab Ethnicis *ἀθεογενεῖς*, & *ἀθεογενεῖς*, *irreligiosos, & atheos* dictos esse, scimus: unde illa vox contra Christianos æventinum (apud Eusebium Lib. IV. *Hist. Eccles.* cap. 5. *ἀθεογενεῖς* tolle atheos: cui calumniæ depellendæ veteres nostri Apologistæ Justinus, Melito, Athenagoras insudarunt. Consul. eruditissimus P. Thomas Maria Mamachius T. I. *Originum, & antiquitatum Christianarum* c. 3. §. 1.

148. Inst. primo. Nostra, Patrumque nostrorum memoria plurimæ, magnæque nationes inventæ sunt sine ulla prorsus Dei cognitione. Id de Americanis a se detectis testatus est Americus Vespucius (apud Rainaldum ad ann. 1510.) Idem de Brasiliensibus confirmat Jo. de Leri, & Petrus Richier, qui eo ad propagandas Calvinii errores perrexerant (ut narrat Belius in *Diffion. art. Leri. rein. A.*). Idem de Groenlandia asserit Andersoni (in *Hist. naturali Islandiæ, Groelandiæ &c.* Tom. II.), inuixus præ-ipse testimonio quædam Missionarii, & auctoris *Perlustrationis Groenlandiæ*. Præterea P. Dan. Huetius (Lib. II. *Alnetanarum* qu. cap. 1.) postquam sibi visus est demonstrasse magnum hominum consensum in Deo agnoscendo, non paucas tamen gentes reperiri concedit, nulla Dei utilia imbutas. *In utroque orbe, ait, nonnulli sunt Dei plane inscii, veluti pars Canadensium Tartarorum, Casri incolæ Capitis bonæ spei, Carabiarum, & Canaciguarum plerique.* Ubinam igitur est deoantatus ille omnium consensus?

149. Resp. Iuvenatores illos, qui nationes plane atheas sibi visi sunt invenisse, plerumque ignorantia idiomatis, moremque earundem gentium fuisse deceptos. Nam alii, qui illorum barbarorum mores penitus perscrutati sunt, nos certos faciunt, non levia ubique, nec pauca in iis se deprehendisse alicujus religionis vestigia. Fidem faciunt hac de re inter alios Ant. de Herrera (in *Americæ descriptione*), Josephus Acosta (in *Hist. Inst. Occid.* Lib. V. cap. 2. & 5.) & Win-slovius (Tom. IV. *Turoas* Lib. 10. cap. 5.) Hic postremus cum prius putasset, barbaros in Anglia nova nullum Deum agnoscere, postea, re melius inspesta dicit, & unum supremum, & multos alios inferiores ab iisdem coli. Sic Hottentoti, qui Caput bonæ spei incolunt, qua parte ad occidentem vergit, & quibus nihil agresius, aut incultius fingi potest, in atheis ab itiueratoribus communiter numerabantur; sed Petrus Kolbe eorum religionem nobis exponit, qua unum supremum Numen, & multos inferiores Deos ab iis superstitione coli animadvertit (*Description. du Cap de bonne esperance* Amst. 1742. in 12. tom. 1. c. 12.), immo alios etiam hujus rei testes allegat, ac inter cæteros P. Tachardum, & Boevingium. Petrus autem Kolbe majori præ cæteris fide dignus videtur, quoniam decem annos ea in regione commoratus est, nullumque omisit laborem, ut illarum gentium mores propius inspicere. Idem de Floridæ incolis, qui pariter athei ab itiueratoribus habentur, propria experientia se compemis testatur auctor (*specimen de providentia, & de physica possibilitate resurrectionis, Amstelod.* 1731. epist. 8.). Idem plures alii referunt de a-

(a) Ita censent Lant. Mosheimius in nota 1. ad §. 13. c. 2. *Systematis intellectus* Rad. Cudworthi,

Jo. Cler. in notis ad *Herodi theogoniam*, Edaardus Festius in Lib. 1. *Antiquit. Americarum* cap. 1.

illis gentibus, ut nulla iam fides adhibeatur iis, qui populos aliquos nulla prorsus religione imbutos se invenire in suis itineribus relegendi (d). Petrus autem Dan. Huettius falsi huiusmodi itineratorum relationibus se decipi passus est.

150. Inst. secundo. Plures adhuc restant nationes ignotae, de quibus, quidnam de Deo sentiant, certo definire nequit: quamobrem illud repeti potest, quod Cotta supra laudatus dicebat (apud Ciceron. Lib. I. de natura Deor. c. 23.): unde nota: tibi sunt opinionum nationum.

151. Resp. Ex iis regionibus, quae hactenus detectae sunt, argumentum duci posse, nisi minus undequeque, saltem moraliter certum, alias etiam, quae ignotae supersunt, Dei cognitione non omnino carere, quam vel ipse naturae auctor iis impressit, vel antiqua potius Patrum traditio ad filios, ac nepotes transmisit, quamque ipsi rerum contemplatio ita manifeste confirmat, ut vel ipsi rudes haud difficulter possint in aliquam Dei notitiam assurgere. Ceterum vel solus consensus omnium hominum, quos noscimus, satis firmum huius veritatis argumentum nobis suppeditat, quin ad ignotos confugiamus.

152. Obi. secundo. Philosophorum testimonium multis indoctorum myriadibus praefereendum est, ut enim ait Ciceron (in Oratore pro Roscio Amerino) pulvis ex veritate paucus, ex opinione multo existinat; atqui non pauci, nec ignobiles Philosophi, imo integre plane eorum familiae, atheismum olim profitebantur. Nam primus Rad. Cudworthius (in System. intellectualem huius universi cap. 3. §. 50.) quatuor numerat atheorum sectas in scholis Democriti, Anaximandri, Stoicorum, & Stratonis. Immo illud potissimum est Ciceronis dictum: eos, qui dant Philosophiae operam, non arbitrari, Deos esse. Lib. 1. de inventione cap. 29.

153. Secundo. Mundos alios fuisse atheismo, infectos significat Plato (Dialogo X. de Legibus) ita impium quemdam adolescentem compellens, non tu, solus neque tui primo hanc de Diis (scilicet nullos esse) opinionem habetis, sed aliquis semper, cum plures, cum pauciores hoc morbo laborarunt. Philo etiam Iudeus (L. III. allegoriarum Legis p. 93. Tom. I. operum) de atheismo sua aetate grassante conqueriebatur.

154. Tercio. Spinozae atheismus in Asia & regnasse olim, & eodem modo longe, lateque grassari apud sapientes, compertum est (a). Certe P. Couplet (in praefat. ad Confucium Sinarum Philosophum) testatur, interpretes, qui antiquos Sinenis libros commentati sunt, in iis purum potiusque Spinozismum deprehendisse. Et P. de Rhodes (Diverses voyages en la Chine &c. P. I. ch. 14.) refert, sectam sapientum, qui plurimi apud Sinenes sunt, Spinozae atheismum profiteri (b).

155. Quarta. Turcarum cultores nullam divinitatem venerari, aut agnoscere, testatur Riccautius illius gentis morum peritissimus (c). Petrus autem a Valle (T. II.) refert, quosdam esse Mahumetanos dictos Ehi elrakik, hoc esse homines voraces, qui nullum Deum credunt.

156. Denum multo plures sunt athei clancularii, quos, ut ait Ciceron (Lib. 1. de natura Deorum cap. 23.), tardiores ad hanc sententiam profitendam timor supplicii facit (d). In his a Plutarcho (apud Ensebium Lib. XIV. Praeparationis Evangelicae c. 16.) numeratur Euripides, quavis Aereopagitarum formidine non se apernit, Sisipham tamen indixit, ut quibuscumque posset rationibus Deos tolleretur.

157. Resp. ad primum. Cudworthum nihil aliud velle, quam eos, qui atheismum profitebantur, in explicanda Cosmogonia ad unam ex his quatuor sectis quasi necessario delabi; non autem

(d) Martinus Veyssiere la Croix in suis Entretiens sur divers sujets d'histoire, de littérature, de religion, &c. de critique. Coloniae (vel potius Amstelod.) 1711. in 12. gravibus testimoniis atheismi notam a Canadensibus, Brasiliensibus, aliisque populis depulit. Jo. Lüd. Fabricius tres edidit dissertationes, quibus titulus est Apologeticus pro genere humano contra calumniam atheismi, quae prostant in ejus operibus Tiguri editis 1698. in 4. Edwardus Stillingfleetus in Originibus sacris atheismum multis populis immerito tribui ostendit, nempe incolae Cuba, Hispaniola, & insularum Antillarum, Americanis septentrionalibus, Canadensibus, Huronis, Soriquensibus, Virginienis, Americanis insuper meridionalibus, ut sunt Paraguaris, Brasilienses, Diagriti, Guicuri, Gnarani, Caschaquini, & Chilli incolae. Postea in Africam migrans ostendit, injuria fuisse accusatos atheismum abysinos, Aethiopes, Calanos, habitatores Madagascari, Casros, & qui incolunt Caput bonae spei. Alios similes scriptores recenset J. Alb. Fabricius in Syllobo Scriptorum, qui veritatem religionis Christianae lucubrationibus asseruerunt c. 8. n. 3. p. 311. Edit. Hamburgi 1725. in 4.

(a) Confer. Ada Eruditorum Lipsiae 1688. pagina 257. & seq.

(b) Vid. Arnaldi cinquieme denonciation du Philosophisme ari. v. exemple 3.

(c) Hist. de l'Etat présent de l'Empire Ottoman Tom. II. cap. 12. & Esopier Remarques curieuses sur l'Etat présent &c.

(d) Praeter Protagoram Alderitem, quem supra (nota ad num. 3.) diximus, fuisse Atheniensem jussu urbe, atque agro externatum, Socrates, & Prodicus Cenis propter atheismi notam esse impium fuisse ad centum damnati. Imo neque Epicurus tuisse olim toleratus, quia providentiam negabat, auctor est Claudius Aelianus apud Suidam, referens eos Segalos consilio fuisse Roma expositos; idemque praestitum olim fuisse a M. senitis, & Lidis. Vid. Grotius de Jure belli, & pacis L. II. c. 20. §. 46. Receptorum exemplia athrorum, qui extremo affecti sunt supplicio, exhibent, praeter Vanianum supra memoratum, Cosmus Anggerius Florenti Paris 1615. & Gasimirus Leszianski Polonus Varavia a. 1634. capitali sententia plecti. Idem fatum experti sunt Franc. Van. Ende in Gallia, Mahumetes effendi apud Turcas &c. &c.

omnes harum sectarum Philosophos atheos fuisse. Qui enim Deum omnium rerum auctorem negabant, non aliter poterant huius mundi genesis explicare, quam aut cum Democrito fabulantes, eum ex fortuito atomorum concursu, ut pulverum aerum, fuisse natum; aut cum Anaximandro, & *Hilopitidis* in materia formas, & qualitates naturaliter continere somniantes; aut cum Stoicis, & *Comoplastiis*-naturam quandam artificiosè omnia machinantem admittentes; aut demum cum Stratoniceis, & *Hylozois* materiam omnem naturali vita, & efficientia præditam stantes. Non tamen e converso omnes, qui hæc systemata propugnabant, athei erant.

158. Equidem fateor, hæc systemata magnam viam atheismo aperire, quod materiam creationem ex nihilo tollant, imò & divinam providentiam: qui ea tamen amplectebantur, non omnes illorum consequentias aut videbant, aut admittebant; unde athei vere, & proprie dici non poterant (a). Et sane, si omnes illi atheis essent accensendi, quorum principia ad atheismum ducunt, infinita propemodum exsurgeret atheorum multitudo. Sic ex. gr. *Antropomorphici*, qui Deum humanam formam præditum existimabant, Sabelliani, Ariani, & quotquot falsam verè divinitatis ideam habent, atheismi accusari deberent. Sed illud sapienter dictum a Leibnitio (in *Theodicea*): *cave a consequentiariis*.

159. Quod autem ex Cicerone objectum fuit, facile expeditur ex ejusdem contextu, ubi hoc dimittat refert inter ea *probabilia*, quæ in opinione posita sunt. Ceterum ipse Tullius innumera in suis operibus affert Philosophorum nomina, qui Deos esse statuebant.

160. Ad secundum, Plato confitetur quidem, atheos semper fuisse aliquos, modo plures, modo pauciores; sed addit tamen omnes re melius pensata atheismum ejurasse; ita enim subdit: *quod vero plurimis eorum contigit, tibi narrabo. Profecto nullus eorum ab adolescentia usque ad senectam in hac opinione, quod Dii non sint, perseveravit. Athei vero Philonis latiore sensu accipiendi sunt pro hominibus impiis, quorum semper fuit magna colluvies*.

161. Ad tertium. Si *Spinozismi* nomine intelligatur *pantheismus*, eorum scilicet error, qui

Deum esse animam mundi stulte opinabantur, concedi potest, & regnasse olim, & hodie adhuc inter Asia sapientes *spinozismum* grassari: non verò id concedi potest, si *spinozismi* nomine purus putiusque intelligatur *materialismus*, & *atheismus*. Et quidem tanta est de Sinensibus Philosophis Scriptorum dissensio, ut observante eruditissimo Jac. Brucker (in *Historia Critica Philosophiæ* Tom. IV. Par. 3. P. 2. Lib. 5.) aut vix, aut nullatenus possit certi aliquid definiti. Putarunt nonnulli, priscos illius gentis sapientes veram unius Dei religionem bis mille, & amplius annorum spatio omnino servasse (b): quod si verum foret, nostræ sententiæ robur adderet. Sed multis argumentis, ut puto, jam demonstratum est, veram religionem, quæ proculdubio a Noe per traditionem ad eas gentes dimanaverat, fuisse jamdudum impiis superstitionibus fœde corruptam: non tamen eo sensu, ut una simul cum religionis puritate fuerit etiam notitia Dei penitus extincta. Nam ejus gentis Philosophi, quantum ex enatis nuper controversiis colligi potest, divinam quandam virtutem esse toto cælo diffusam, tamquam animam mundi, fere ad Stoicorum mentem credebant. Hanc nominabant *Xang-ti*, ejusque præcipuam partem cælum incolebant, reliquas vero terram: Ita visum est illi ipsis, qui Sinenses Philosophos atheismi accusarunt (Vid. laud. Brucker §. 19. seq.). Sane Sinensium Imperator an. 1700. publico edicto testatus est, Sinenses non materiale cælum, sed cæli Dominum adorare, ut refert Joann. Baptist. Du Halde (*Description de la Chine* Tom. IV.).

162. Si quæ igitur ibi est atheorum secta, quod ex nonnullorum relationibus contendit Bælius, nec magna esse potest, nec florens. Et Pat. Card. Martini cum prius dixisset (initio suæ *Historiæ Sinensium*) in libris Sinensium altum esse de Deo silentium, imò in tam copiosa lingua nec nomen quidem Dei haberi, eos uti nomine *Xang-ti* ad designandum Dominum cæli, ac terræ, habereque aliquis sacrificia ad qualescunque Numen placandum. Quod si Sinensium Philosophos plerumque atheos vocari audimus, intelligendum id est in latiore aliqua significatione, ut superius (n. 6.) explicavimus (c).

163. Quæ quanto loco objecta sunt, eadem ratio-

(a) Id de Epionro, cujus systema magis fortasse, quam alia, atheismo favet, ostendit Bruckerus in *Historia Critica Philosophiæ* Tom. I. L. II. cap. 13.

(b) In auctores librorum *Nouveaux Mémoires sur l'état présent de la Chine; Histoire de l'édit de l'Empereur de la Chine: Lettre de Cérémonies de la Chine*; & qui quinque propositiones a Facultate Sorbonæ die 18. Octob. 1700. damnatas tueri conati sunt. Vid. Dupin *Defense de la censure de la Faculté de Théologie de Paris contre les mémoires de la Chine à Paris 1701.* in 12.

(c) Qui de Sinensium philosophia egerunt, in duas potissimum classes scinduntur. Quidam sunt, lique

præsertim Missionarii extinctæ S. J. qui eam, ut *épédictor*, magnis laudibus extollunt. A. 1687. prodit Parisiis *Confucius Sinarum Philosophus, sive scientia Sinica latine exposita studio, & opera Prosp. Intorcetta, Christ. Hendrich, Franc. Bongomont, Phil. Coupletii PP. S. J.* in fol. cum erudita diss. præliminari; & an. 1711. Franc. Noel ejusdem Soc. Prague edidit *Sinensis Imperii libros classicos sex, & Sinico idiomate in latinum tradidit*. Sed vir doctissimus Eusebius Renandotius in diss. præliminari Operis, cui titulus *Deux anciennes relations des Indes, & de la Chine de deux voyageurs mahométans du neuvième siècle à Paris 1718.* in 8. horum librorum fidem suspen-



tione solvantur, videlicet multos esse, nedum apud Turcas, sed, quod maxime dolendum est, etiam apud Christianos, & ubique atheos latiore significatione, homines scilicet perditis moribus, qui ita vivunt, ac si Deus nullus esset vindex malorum, aut saltem nostra non curaret. Athei etiam nonnunquam ii vocantur, qui divinam, ac supernaturalem revelationem, ut Legislatorum, ac Sacerdotum fraudes, explodunt, quos certe plurimos esse infelix hæc nostra ætas dolet. Ceterum omnes fere, qui ita vixerunt, vel in senectute, vel morti proximi, quando passiones minus tumultuantur veritati locum facilius concedunt, hunc qualemcumque atheismum exuere visi sunt. Id de Bione narrat Diogenes Laertius (L. IV. Segment. 55. edit. Westeni); idem de Tullo Hostilio Romanorum Rege T. Livius (Decad. I. l. 1. c. 31.); & omnibus fere incredulis id contingere solere, observat Bælius (in *Diffon.* art. *Bion.* rem. & alibi) (a).

164. Quod demum additum de atheis clandestinis fuit, mera est suspicio solidis destituta fundamentis. Sane in tanta librorum pestilentium coluvie, quibus moderni inereduli religionem convellere opera male sedula nituntur, admodum pauci sunt, qui Deum esse inficiuntur. Hos parci timor supplicii ab atheismo proficundo non retardat; quia libros emittunt in lucem anonymos, ne detegantur; certo enim sciunt, si detegantur, debitas se pœnas duros, vel ex hoc solo, quod religionis hostes se manifestant, cui conservanda Principes, & Magistratus merito, ut patet, semper invigilant.

165. Obj. tertio. Omnium gentium consensus

nam reddidit, veritas nempe, eorum interpretes talem nobis versionem dedisse, quæ eorum commodis in celeberrimis controversiis jamdum excitatis inserviret. Reipsa cum tabula Sinensium astronomiæ, Cassino, & Picarolo observantibus, non fuerit ab eis incorrupte editæ, sed ad tabulas Tychoonis Braheii emendatæ, quod Complectus tandem confessus est, iusta aderat causa similes interpolationes suspicandi in aliis capitulis, quæ ipsorum multo magis interessant. Idem fuit iudicium etiam doctissimorum virorum Laur. Magalotti, Car. Dati, & potissimum Car. Maigrot Episcopi Cononensis in *Obs. in L. XIX. T. II. P. V. Hist. S. J. Juveni*, quod Maigroti opus etiam gallico idiomate prodit cum hoc titulo: *Examen des cultes chinois*, & falso attributum fuit P. Thomæ Marie Morelli Ord. Præd. Hi tamen postremi, & quotquot Sinensium doctrinam atheismi accusarunt, nihil aliud contendunt, nisi ejus gentis litteratos homines Pantheisticis erroribus adherere, credentes divinam quandam virtutem esse toto terrestri, cœlestique orbis diffusam. Idem de iisdem iudicium ferunt PP. Riccius, Martinus, de Comitibus, Grelonius, la Fave, Longohardus, Passio, & Sabathinius, quibus adhærent Franc. Buddens de Spinozismo ante Spinozam, Grapius de *Theologia Sinensium*, & Bælius in *Diffon.* art. *Spinoza* rem. X. Contra vero pugnant pro *Spinozismo* Sinensium præter Jesuitas laudatos, Leibnitius epist. gallica ad Remondum de *Philosophia Sinensium*, quæ

certain non est veritatis indicium; potest enim etiam error longe, lateque diffundi, ut fiat universalis, quod pluribus exemplis est manifestum. Nam primo quid olim magis pervulgatum, quam nullos esse antipodes, nullos sub linea æquinoctiali habitatores, solem moveri, terram vero quiescere, & alia id genus a majoribus nostris universim credita, a recentioribus autem aut aperte falsa inventa, aut saltem non sine fundamento in dubium revocata (b)? Secundum exemplum erroris antiqui, & pene universalis, magis affine, & plane simile suppeditat polytheismus, & idololatria; maxima enim pars hominum erat olim superstitioni dedita. Hinc Cæcilius (apud Minutium Felicem in Dialogo, qui inscribitur *Obavius* n. 8.) pro tuenda idololatria iactabat omnium gentium firmam consensionem; & postea (n. 10.) *Julæorum*, inquit, sola & misera gentilitas unum Deum... coluerunt. Reipsa olim sola Judæica natio fuit a polytheismi superstitione immunis. Imo quam sæpe vel ipsi Judæi exemplo aliorum pertrahi in idolatriam prolapsi sunt! Majores Abrahamæ fuisse idolorum cultui deditos, colligitur ex Lib. *Josue* XXIV. 2. & ubi de Thare patre Abrahamæ, & Nachor ejus fratre dicitur: *servierunt Diis alienis*. Nec desunt, qui vel ipsum Abrahamum impium patris sui superstitionem aliquando secutum affirmant (c).

166. Resp. Nunquam errores ita late, & apud omnes fuisse diffusos, ac constanter perseverasse, ut communis semper fuit, semperque magis confirmata de divinitate opinio. Et quædam ad exempla primo loco objecta; facile quisque videt, rudes & indoctos nihil prorsus de his rebus aut sci-

est 18. T. II. eamque epist. editor Christianus Kortholus in *Diss. de Philo. Sinensium* contenta in præf. vol. II. edit. Lips. 1735. in 8. Croæus *Entretiens sur divers sujets* &c. Reimannus *Hist. Atheismi*, & Heilmannus in *Altit. Phil.* vol. 1. Videri etiam possunt Jos. Sigebertus Bayerus in *Comment. Orig. Sinic.* & in *Museo Sinico*, Christ. Wolfius de *Sinarum Philosophia*, & alii multi.

(a) Plura exempla Atheorum, qui aut meliore consilio atheismum ejurarunt, aut horribiles sine impietatis pœnas dederunt, multa eruditione nuper collegit Pontoppidanus uno vol. in 8. de quo vid. Bernesæ Ephemerides T. I. ann. 1760. Celebris est etiam conversio Con. Rostæ, quæ describitur a Gilberto Burneto in libello inscripto *Roste Comitit in extremis peripetia*. Ultrajecti 1698. Vid. sup. testim. Platonis n. 160.

(b) Minutius Felix in *Obavio* n. 20. *Majoribus nostris*, inquit, tam facili in mendaciis fides fuit ut temere crederetur etiam alia monstra, mire miracula, Scyllam multiplicem, Chimæram multiforsem, & Hydrum felicibus vulneribus renascentem, & Centauros, equos suis hominibus implexos, & quidquid fœna licet fingere, illis erat libenter audire. Hoc multis aliis exemplis confirmare nititur nuperus atheismi defensor in *Systemate natura* P. II. cap. 4.

(c) Confut. Nic. Serarius in hunc locum *Josue*, August. Colmet in cap. xi. 31. *Generosa*, & Liber *Judith* c. V. 7.

scivisse, aut dispntasse, quæ solum inter sapientes agitantur; qui etiam inter se minime concordere erant, ut patet in exemplo antipodum, quos existere plerique, nec sine fundamento contendebant (a). Multo autem minus opiniones illæ erroneæ fuerint universales ratione temporis; felicioribus enim ævis earum falsitas detecta fuit (b). Contra res se habet in cognitione Dei; quæ a Deo ipso nobis quasi implantata fuit, traditione propagata, atque evidentibus rationibus semper magis magisque confirmata, omnibusque populis cultis, atque incultis communis; & longa experientia nos docet, frustra eos laborare, qui commentis, cavillationibus, ineptisque sophismatibus nituntur eam tollere.

167. Facile demum rejicitur exemplum polytheismi, atque idololatriæ. Nam primo enormiter errant, qui idololatricam superstitionem, aut priorem veram religionem, aut illi coævam esse arbitrantur: est enim certissime illi longe posterior ut suo loco ostenditur. Deinde quamquam superstitio longe lateque regnavit totum fere orbem occupaverit, opinio tamen unius tantum summi Dei communis semper fuit, saltem apud sapientes, qui ipsa ratione duce supremum nomen nominis unum esse posse cognoverunt; unde illud Antisthenis (apud Ciceronem L. 1. de nat. Deorum c. 13.) populari Deos multos, naturalem unum esse, quod etiam demonstrabitur infra. Tertio ut consensus hominum persuadendi vim habeat, debet esse universalis, etiam ratione temporis; at vero quis ignorat, polytheismum habuisse sua primordia, & incrementa, post autem decremenda, & quidem talia, ut non immerito credatur, eum tandem summi finem habiturum? Opinio autem Dei semper viguit apud homines, vigebitque immortalis. Accedit demum & perpetuus dissensus nationis Judaicæ, in qua verus unius Dei cultus semper conservatus fuit. Gens autem Judaica, ut potum est, fuit aliquando; & numero potens, & artibus belli, & pacis exulta, ut merito appellari potuerit populus sapiens, & intelligens, gens magna, natio grandis Deut. IV. 6. & 7. Et quamquam in hac ipsa Gente aliquos, modo plures, modo pauciores, in idololatriam labi Deus aliquando permiserit, quosdam tamen sibi semper servavit pu-

ros religionis observatores (c). Ino & inter ipsos Gentiles non desuerunt unius veri Dei cultores, ut Job, Niinivæ, & alii.

168. Et præterea polytheismus adeo absurdus est, sanæque rationi repugnans, ut mirabile videri non debeat, hoc erroris portentum fuisse tandem explosum. Ita ne vero pronuntiabant athei etiam de Dei notione, videlicet eam sanæ rationis principiis opponi? Ino contra ipsi naturali lumine nitifice confirmatur; & quocumque oculos nostros convertimus, ubique clara, & perspicua sapientiæ, ac potentie diviniæ vestigia videmus.

169. Obj. ult. Dei cognitio admodum probabiliter fuit a Politicis, legumque latoribus primum inventa, & late divulgata ad contentiandos in officio populos (d); cum autem postea consueverit pueris cum lacte nutricis instillari, communis tandem evasit. Et quidem scimus, a Numa Pompilio Deorum religionem in Rom. reipublicam inventam, cum antea nulla esset ( Vid. T. Livius lib. 1. Hist. n. 19. ). Præterea Varro ( apud S. August. Lib. VI. de Civ. Dei c. 3. & 4. ) Romanas antiquitates nobis exhibens a rebus humanis initium suavit, & postea ad divinas progreditur: id autem se fecisse testatur, quod prius extiterint civitates, deinde res diviniæ ab hominibus institutæ sint; prior est pistor, quam tabula, prior faber, quam ædificium. Tertio. Omnibus feræ Legumlatoribus illam fraudem communem fuisse videmus, ut se cum Diis colloquia habuisse mentirentur, atque ita suis legibus divinum auctoritatem conciliarent. Sic Numa nocturnos cum Dea Egeria congressus fingebat: Lycurgus Apollinis Delphici oraculo sua leges probatas fuisse asserbat. Minos a Jove in antro Diæonæ sua omnia didicisse communiſcebatur: Mahumetes se vatem Domini, ejus mandatis resistere nefas esset, palam prædicabat; quibus omnibus prævisse Moysen Jo. Tolandus ex testimoniis Diodori Siculi, & Strabonis impie insinuare ausus est ( in Ateismone §. 6. ). Demum celebre est illud Poetæ, Primus in orbe Deos fecit timor (e). Ut etiam nunc multi sunt, qui, cum morborum, quibus affliguntur, causas, & remedia invenire nequeant, eos maleficorum, ac Dæmonum arti-

(a) Celebre est illud Senecæ de antipodibus vaticinium in *Medea* Act. 2.

..... Venient annis

Scula seris, quibus Oceanus

Vincula rerum laxat, & ingens

Pateat tellus, Typhysque novos

Detegat orbes, nec sit terris

Ultima Thule.

(b) Excipienda tamen est opinio de motu solis, quæ nondum inter errores populares rejici omnino debet, ut eruditè norunt.

(c) Falsum est, Abraham patrem omnium credentium idolis aliquando servivisse. Etiam majores Abrahæ, Tharæ, & Nachor falso hujus impietatis accusati, o-

stendit Alexius Symmachius Masochius in *Spicilegio Biblico* Tom. I. p. 121.

(d) Ita Critias apud Sextum Empiricum *adversus physicos* n. 54. edit. Fabricii: quoniam passim exherent modernis lacerduli, cum persuadere nituntur, aut nulum esse Deum, aut saltem res nostras minime curare.

(e) Ita Petronius in *Fragmentis*; sed ante enim Statius L. III. *Thebaidos*. Vid. Jo. Clericus in *Sylvio philologia* c. 7. §. 10. sum *Æschini dialogorum* editionis. Hoc autem argumento usi sunt inter veteres Sextus Empiricus L. VIII. *advers. Mathematicos*, & Seneca L. II. *naturalium quæst.* c. 42. quorum prior ita habet: nonnulli dicunt, eos, qui prius præfuerint hominibus, & quid humane vitæ conferret, considera-



bis stulte tribuunt. Sane Pythagoras (teste Eliano L. IV. *Variarum Historiarum*) occasione terræmotus, meti populi abutens, ipsius causam agebat esse coëventus mortuorum. Hinc Lucretius generaliter concludebat (L. VI. *de natura rerum* vers. 49.)

*Quorum operum causas nulla ratione videre  
Possunt, hæc fieri divino Numine rentur* (a).

170. Resp. Nihil dici posse magis a veritate alienum, quam a Legumlatoribus fuisse primum Dei notitiam inventam; tum quia Dei notitia in iis etiam effertis nationibus semper vignit, quæ nullis utebantur legibus; tum etiam quia, ut bene Lactantius observat (de ira Dei cap. 10.), quomodo potuissent ii Legumlatores uti vaserum, non tantum indolios, sed Platonem quoque, ac Socratem fallere, & Pythagoram, Zenonem, Aristotelem maximarum seclorum principes tam facile deludere? (b).

171. Numa Pompilius non certe primus divinitatis notitiam, aut religionem Romanis dedit, sed Deorum cultum in certam formam redegit, sacrificiis, & Sacerdotibus institutis, vestibus, vasibus, instrumentis, temporibus, aliisque caeremoniis Deorum cultui determinatis; sen, ut inquit Lactantius in epitome divin. Institutionum cap. 22. agrestes illos, ac rudes viros superstitionibus novis oneravit, Sacerdotia instituit, & Deos familiis, gentibusque distribuit, ut animos ferocis populi ab armorum studiis evocaret. Profecto religiones aliquas apud Romanos viguisse ante Numam, vel ex hoc solo conjici potest, quod Romulus ex avium volatu augurium contra fratrem Remum cepisse dicitur: unde Cicero (Lib. I. *de Divinatione* cap. 2.) principio, inquit, hujus urbis parens Romulus non solum auspicate urbem condidisse, sed etiam optimus augur fuisse traditur. Et Numa ipse, ut narrat Livius (L.

I. *Histor.* n. 18.) invocato Jovis auspicio ab Augure rex declaratus est.

172. Difficultatem ex Varrone de promptam solvit S. Augustinus (Libro VI. de Civit. Dei cap. 4.) observans, falsas religiones utique esse posteriores civitatibus; vera autem religio, inquit, non a terrena aliqua civitate instituta est, sed plane cælestem ipsa instituit civitatem. Cæterum Varro contendit quidem, divinarum rerum institutionem esse civitatibus posteriorem, vult tamen, Deorum naturam esse civitatibus priorem. Si de omni, inquit, natura Deorum, & hominum scriberemus, prius divina absolvissemus, quam humana attigissemus. Nihil igitur aliud voluit Varro indigitare, quam divinam naturam semper quidem existisse, sed non semper fuisse certum, atque ordinatum ejusdem cultum, quem homines sapientes postea ordinarunt.

173. Legumlatorum fraudes, & mendacia de colloquiis cum Diis non probant, ab iis primo fuisse divinitatis opinionem populi impressam: sed potius eos fuisse abusus communis persuasioni, ante jam existente, scilicet Deos esse, qui nostra curent, ut eorum se legatos ab leges promulgandas mentirentur. Cave tamen, ne cum impudentissimis quibusdam scribillatoribus istorum numero aut Moysem, aut Christum accenseas. Intolerabilem haec blasphemiam copiose, ut par est, retundemus loco opportuniore, ostendentes utrumque maxime, certissimisque miraculis legationis, & missionis suæ divina sigilla ostendisse.

174. Ultimum de timore, & ignorantia causarum vix responsionem meretur. Quis enim Deum timeat, aut illi aliquem effectum tribuat, si nullum esse credat? Prius itaque hominibus persuaderi debet, Deum esse, deinde tonare de cælo, & impios punire; ita ut hæc secunda opinio sit prioris filia, non mater. Ulterius si ex hoc timore, & ignorantia causarum, ex quibus phæno-

verunt, quum essent intelligentes, ac prudentes, finxisse eam, quæ de Diis habetur, suspicionem, & fabulosam de inferis opinionem. Alter autem ad coercendos, inquit, animos imperitorum sapientissimi viri judicaverant inevitabilem metum, ut supra nos aliquid timeremus &c. Alia in hac re testimonia studiosè collegit Petr. Belius *Pensées sur les Comètes* T. II. *Opusculum* §. 71. Impius autem Spinoza nequum in præfatione ad *Tractatum theologico-politicum* illisum impudentem affirmat, verum etiam c. 5. ejusdem pestilentis operis variis argumentis probare nititur, id a Moyse quoque factum fuisse ad regendos Hebræos.

(a) Aristoteles Lib. I. *Metaphysicæ* cap. 4. T. IV. *Opp.* refert, Anaxagoram in explicanda rerum origine nunquam ad Deum assurrexisse, nisi quando naturales ipsarum causas invenire non poterat. Hinc impii colligunt, causarum ignorantiam fuisse Philosophis causam ponendi Deum. Auctor vero *Syst. naturæ* P. II. conatur ostendere, non ex contemplatione honorum, sed tantummodo ex opprobrio malorum, quæ tam, nepe nos affligunt, homines fuisse motos ad aliquam eorum causam investigandam; atque inde sibi effinx-

se Deum. Sed hæc adeo paradoxa sunt, ut quilibet suam conscientiam consensu facile videat, nos multo magis ex tot, tantisque bonis, quæ in hoc universo refluunt, ad primam rerum omnium causam investigandam commoveri, quam ex malis; quia naturam divinam, ut infinitum bonum, ratione ipsa ducere concipimus.

(b) Increduli parum sibi constant; nam alibi statunt, nihil esse pejus ad politicum regimen, quam Dei timorem, qui si tolleretur, ait Hobbesius in *Leviathan* c. 2. civis in omni civitate ad obedientiam multo magis eruditi essent, quam nunc sunt. Hinc gratias agere solent Democrito, de quo Lucretius ait L. I. *de natura rerum* vers. 63.

*Humana ante oculos fæde cum vita jaceret  
In terris oppressa gravi sub religione...*  
Primum Grajus homo mortalis rendere contra  
Est oculos ansus, primisque obistere contra.  
Quem nec fama Deum, nec fulmina, nec ini-  
tiant  
Murmure compressit calum.

mena hæc oriebantur, nata est Dei opinio, ecurr postea ea ipsa non fuit eliminata, quando melioribus ævis naturales horum phenomenonum causas detectæ sunt? At vero eam potius semper magis, ac magis confirmatam fuisse videmus, & nobilissimi Philosophorum principes, tam veteres, quam recentiores, quo magis in naturæ inquisitionibus profecerunt, eo etiam magis sapientissimum, & potentissimum ejus auctorem cognoverunt, & admirati sunt. Nimirum, ut dicebat Tullius, *opinionum commenta delet dies, natura autem judicia confirmat*. Multo verisimilius est, ex timore ortum esse atheismum; homines nempe ut excusso timore liberius peccarent, sibi persuadere conatos fuisse, nullum esse Deum delictorum viudicem. Vid. nota ad num. 170.

175. Quod illud prætermittendum puto, quod sæpius provocati increduli, ut epocham figant, quando primum notitia Dei inventa fuit, primoque hujus universalis persuasionis auctores nominent, nihil unquam non dicam certum, sed nec probabile afferre potuerunt. Nos vero primam impietatis originem facile indigitamus ex ipso adversariorum ore, qui duce Lucretio hanc summam eum divinitate pugnandi audaciam Democrito tribuunt. (Vid. nota ad num. 120.)

Et contra Atheos hætenus; nunc contra eos, qui Epicureorum vestigia sectantes, Deum quidem esse non sufficienter, negant tamen eum res hujus mundi curare. Et quamquam videri posset, non prius agendum esse de providentia divina, quam actum esset de scientia, sine qua providentia esse non potest, melius tamen judicavimus nunc impia incredulorum systemata una simul convellere, priusquam de Dei essentia, atque attributis disseramus. Addo etiam, quod asserta Dei providentia nobis obvia sternitur via, necessitatem, atque existentiam divinæ revelationis contra Naturalistas ostendendi; quod Deo dante in seq. Dissertationibus præstabimus.

## CAPUT VI.

*Assertitur summa illa, ac generatis providentia, qua Deus res omnes conservat, & sapientissime administrat.*

176. Quam nos latine *providentiam* dicimus, Græci *πρόνοια* vocant. Si vim nominis tantum attendere velimus, *providere* idem significat, ac

*prævidere*. Sed alio sensu a nobis *providentia* usurpatur, prout scilicet simul exprimit & rationem ordinantem res in finem, & hujus ordinis executionem. Horum primum proprie *providentia* dicitur; unde S. Thomas I. P. Quæst. XXII. artic. 1. *providentiam proprie definit rationem ordinis rerum in finem*. Executio autem hujus ordinis *gubernatio* appellatur ab eodem Sancto Thoma ibidem articulo. 3.

177. Hinc etiam Boetius Lib. IV. de *Consolatione Philosophiæ* prosa 6. *Providentia*, inquit, *est ipsa divina ratio... quæ cuncta disponit*. Et multo antea Seneca ep. 71. *providentiam* vocavit *æternam artem cuncta temperantis Dei*. Providentiæ igitur nomine hic intelligimus eam Dei sapientiam, bonitatem, atque potentiam, qua omnia, quæ creando ex nihilo extrahit, etiam conservat, atque ad ultimos a se constitutos fines ordinat, ac dirigit.

178. Epicurus ut nullum hujus mundi parentem, & opificem, ita nullum ejus provisorum agnoscebat, docens, omnia fortuito casu regi, sicuti fortuito nata sunt. Deos autem (quos negare non est ausus, sive *individe* detestandæ causæ, ut Cicero suspicabat, sive quod anticipatæ, communique omnium opinionis repugare non poterat) otiosos in spatiis intermundialibus collocabat, ubi sine molestis hujus mundi curis, tranquillam, & beatam vitam agerent. Eos etiam a nobis esse honorandos præcipiebat, sed tantummodo propter eorumdem naturæ excellentiam, non autem quod aliquid ab ipsis sperandum nobis esset, aut timendum (a).

179. Ut ut absurda sit hæc Epicuri doctrina, non paucis tamen placuit, præcipue quantum attinet ad res humanas, quas liberas esse non posse putabant, si divinæ subessent providentiæ; unde Ennius apud Ciceronem (Lib. 2. de *divinatione* cap. 1.) inquit: *Et*

*Ego Deum genus esse semper dixi, & dicam cælitum;*

*Sed eos non curare opinor humanum genus.*

180. Alii Philosophi non pauci, etsi providentiam non negabant, ejus tamen virtuti nonnulli res cælestes subijcebant; vel si illam ad terram quoque pertingere fatebantur, solum universalia ut sunt rerum species, non autem individua ab illa administrari volebant; unde illud Balbi: *magna Dii curant, parva negligunt* (b).

181.

(a) Ab Epicuro fuisse aliquam providentiam generalis agnitam, evincere conati sunt Jac. Rondellus viri *Epicuri gallicæ* primum Parisiis 1679. deinde auctus latine Amstel. 1693. edita; & Gottl. Stellius in *Hist. philo. moral. gentil.* utriusque tamen argumenta, ut minus efficacia constat Jac. Bruckerus in *Hist. crit. Philosophiæ* T. I. P. II. c. 3. p. 1287. edit. recensuæ Lipsiæ 1767. Sane Lactantius de *Officio Dei* Epicurum ob negatam Dei providentiam magnopere re-

darguit, præcipue autem cap. 6. ubi Epicuri amentiam his verbis exponit: *dicit, neque oculos ad videndum esse natos, neque aures ad audiendum, neque pedes ad ambulandum; quoniam membra hæc prius nata sunt, quam esset usus videndi, audiendi, & ambulandi.*

(b) Apud Ciceronem lib. 1. de *natura Deorum* cap. 66. Aristoteles, referentibus Plutarcho de *Placitis Philosophorum* Libro XI. cap. 3. & Attico apud Eusebium Libro V. de *preparatione evangelicæ* cap. 5. Dei pro-

181. Stoici rectius, quam alii, de divina providentia sentire videbantur, sed sibi ipsis parum constabant; quin inflexibili fato, cui vel Jupiter ipse obnoxius esset, omnia suspendi docebant; posito enim hoc fato omnis est providentia supervacanea. Populus autem communiter fortune o-mnia ascribebat, unde etiam divina providentia iura labeantur (a). Ita cæca gentium natio sola ratione dūce errabat, ut pauci admodum in're tanti momenti rectam iter tenerent.

182. Sed quod minime expectandum erat: post ipsam quoque dignis revelationis lucem inventi sunt; qui Dei providentiam sin. minimis aperte tollerent, saltem magna ex parte labefactarent eam quibusdam limitibus circoscribentes. Nam ut o-mittam Sadduceos, quos ab hac impietate purgat Jac. Bruckerus (in *Alt. Crit. Phil.* Tom. II. Per. 2. P. I. Lib. 2. cap. 1. n. 5.) Marcionem (apud Tertullianum Libro II. contra Marcionem); Manichei, aliique duo summa rerum principia commiscentes: providentiam Dei boni a Deo malo impediri, & coerceri asserbant. Sociniani pariter, qui certam, ac perfectam futurorum omnium præscientiam Deo non concedunt, neque universorum providentiam ei tribuere possunt, cum sine præscientia nulla consipi queat providentia. O-mittit impiam Spinozam; ejusque assclas; qui fortasse nec Deum, nisi nomine, tenui confiterentur (b).

183. Jam vero permagis interest; contra hos omnes vigilem, & operosam Dei providentiam ostendere, qua sublata nedum religioem; sed vel ipsam humanam societatem tolli; recte observabat Cicero, qui enim habet Lib. I. de Nat. Deorum cap. 2. *Sunt Philosophi, quæ fuerant, qui omnino nullam habere dēserent rerum humanarum procurantem Deos. Quorum si vera sententia est, quæ potest esse pietas, quæ sancti-*

*tas, quæ religio?* Quibus sublati perturbatio vite sequitur, & incerta confusio, atque huiusmodi scio, an pietate adversus Deum sublata fides, religio, & societas generis humani, & una excellentissima virtus Justitia tollatur.

184. Mipsum itaque regi divina providentia incalculatissime vel ex eo solo apparet, quod, ut supra ostensimus, Deus omnia, quæ in hac rerum universitate contingunt, sua omnipotentia ex nihilo extraheret, suaque infinita sapientia ordinatissime dispoſuerit; unde enim manifeste colligitur, debere etiam Deum hæc omnia ad fines altissimos, propter quos ea creavit, perpetuo dirigere. Quid enim tam furiosum est (recte observabat Salvianus L. IX. de gubernatione Dei), quam ut aliquis, cum Deum creatorem rerum omnium non neget, gubernatorem neget? Et cum factorem esse fateatur, dicat negligere, quæ fecit? Quasi vero hæc faciendorum omnium cura fuerit; ut negligeret, quæ fecisset (c).

185. Hinc facile redarguunt, qui cogitantes, multo majorem esse distantiam inter Deum, & res hujus mundi, quam inter hominem, & vilissimam hujus terre insecta, colligunt, magis indignum esse, Deum in rebus istis administrandis occupari, quam hominem abjectissimæ alienius animalculi curam gerere. Facile, inquam, redarguunt, quia non cogitant, res hujus universi, ut ut perfectione Dei infuiste distantes, esse ipsius Dei creaturas: ut proinde quoadmodum eas propter gloriam suam produxit, ita ad gloriam suam dirigere debeat. Homo vete non est auctor vilium ter-  
restium insectorum; unde, micum non est, si eorum curam non habeat; habiturus sine dubio, si eorumdem artifex esset; nemo enim tam vecor est, ut opera maxima sustinere non curet. Quamquam etiam homines ex naturali sua incurstantia non autquam negligant, imo, & destruant, quæ ipsi

*Sunt qui fortuna jam casibus omnia ponant,*

*Et nullo credunt mundum rectore moveri.*

(b) Supervacuum plane videtur iis, qui divinam revelationem in sacris litteris contentam se venerari præbentur, asseruam Dei providentiam demonstrare. Quid enim est aliud divina hæc revelatio, quam hilentissimum beneficentissimum erga nos providentia Dei argumentum? Et alterius satis est sacras litteras aperire; ut statim inveniamus aperitissima hujus providentiae testimonia, quæ ad omnia etiam minima se extendit. Vult Simon de Myis Comment. in Psalm. 138. Nos igitur nos contra hujus providentia hostes sola ratione nemus.

(c) Etiam alii Ecclesie Patres hæc ratione uti suut, ad asserendam Dei providentiam, ut eam Sancti Ambrosius L. I. Officiorum cap. 13. inquit: Quis creator negligat operis sui curam? Quis deperat, & destruat, quod ipse condendum putavit? Si injuria est regere, hæne est major injuria fecisse? Cum utique non facisse nulla injustitia sit, non errare imò fecisse, summa inclementia. Vult etiam Minutius Felix in Dialogo, qui inscribitur Octavius num. 18.

videntiam cæli oculibus contineri, docuit, nec ad res inferiores extendi. Ita conabant & illi, ex quicquam persona dicebat Job xxxi. 14. Deus circa cardines cæli perambulavit, nec nostra considerat. Aristotelem hujus erroris accusat etiam Melchior Canus Libro X. de locis theologicis cap. 5. Eruditis quoque Mich. Morgues in libro *Plan theologique du Pythagorisme* Tom. I. Lettre 2. contendit, ab Aristotele fuisse Deum & procurantem rerum humanarum exclusum. Sed S. Thomas Libro III. contra Gentiles cap. 75. negat, id posse ex ejusdem Aristotelis verbis haberi. Ipse autem S. Thomas aliis tribuit hunc errorem, quem ibidem operose refutat. Vult etiam I. P. Quest. xxii. art. 2. *operis* Fortune plura erant aliique dicata templa. *Tuo manda,* inquit, Phœbus Lib. I. *Historie naturæ* cap. 7. in locis omnibus, horis, omnium vocibus Fortuna invocatur, sola laudatur, sola arguitur, & cum conviciis solitas volubilis a plerisque, & cæca etiam existimata, vaga, inconstans, incerta, varia, indignorum sanctis: Anio omnia expensæ, hinc omnia feruntur decepta, & in tota ratione mortalium utrumque paginam facit. Hinc negatum fuisse divinam providentiam colligebat Juvenalis Sat. xxi. inquit:

*Gazzaniga Theol. Tom. I.*

fecerint, absurdum tamen esset, id suspicari de Deo, qui non mutat consilia.

186. Hæc ratio, quæ certe est efficacissima, ostendit nihil prorsus, ut quidam stulte arbitrati sunt, cæco fortissimi arbitrio relinquî, atque non solùm magnæ, sed etiam parvæ, & minima Dæi providentiæ administrari, cum etiam minima ipse fecerit. Hinc patet, quin vere dictum fuerit de divina Sapiëntia: *attingit a fine usque ad finem fortiter, & disponit omnia suaviter*. Sap. VIII. 1.

187. Præterea rerum omnium administratio est magna, & summa perfectio, quæ proinde Deo infinite perfectio denegari sine maxima injuria non potest, & quia Deum ipsum de medio tollamus: nam aut Deus non est, aut si est, est infinite perfectus. Hinc Tertullianus intolerabilis repugnantia arguebat Marcionem (Libro III. contra Marcionem cap. 24.), quod Deum esse cõsideret, providum autem esse, negaret. *Nemo te sustineat, inquit, improvidentiam ascribentem ei, quem Deus non negans, confiteris & providum*. Idem Epicuro objiciebat Lactanius *de ira Dei* cap. 4. & gmo. id vidit etiam ethicus Balbus (apud Ciceronem Lib. II. de natura Deorum c. 30.) ita colligens: *aut negandum est, Deos esse... aut qui Deos esse concedunt, his fatendum est: eos aliquid agere, &que præclarum; nihil est autem præclarum mundi administratione... Deorum igitur consilio administratur (a).* Unde recte concludit Clemens Alexandrinus Libro IV. Stromatum, *supplicium magis, quam consultationem mereri illum hominem, qui providentiam esse non putat, ac revera esse atheum*.

188. Ulterius. Bonus est Deus, imo non nisi sua bonitate moveri potuit, ut mundum crearet; ergo eadem bonitate sua moveri debet, ut hoc mantum suorum opus administret, & regat. Audiat Sancti Joann. Damascenus, qui Lib. II. De fide orthodoxa cap. 29. ita ratiocinatur: *Solus Deus est natura bonus, & sapiens. Ut igitur bonus providet; non providens enim, non bonus. Nam & homines, & multa animalia ratione capta propriis nativitatibus provident; & si non provident, vituperantur. Ut autem sa-*

*piens, optime eorum, quæ sunt, curam gerit*. 189. Hinc omnium ingratisimū haberi debent, qui divinam providentiam non agnoscunt, quæ tot, tantisque donis non quam largissime emulavit. *Neque enim, ut vidit etiam Seneca (Libro IV. de beneficiis cap. 5.), necessitatibus tantummodo nostris proviſum est: usque in deliciis amatur*.

190. Denique, ne longum faciam in re aperta, si nulla est divina providentia, omnia vel cæco casu, vel fati necessitate eveniunt: utrumque autem est absurdum. Quomodo enim cæco casui tam pulchra, tam ordinata, & adeo constans rerum series adscribi potest? Non potest, inquit Lactantius in epitome Divin. Institutionum cap. 1., *quod ratione constat, sine ratione capisse*. Esse autem plurimas res contingentes, perspicue apparet; ac nos nostram libertatem intima conscientia cognoscimus, qua de re erit alibi disserendi locus.

191. Prima, & potissima objectio contra divinam providentiam, peti solet ex malis, quibus homines prohi plerumque ab improbis affliguntur, dum interea improbis omnia prospere eveniunt: quomprobrem Diogenes Cynicus dicere solebat, *Harpalum, qui temporibus illis prædixit felix haberetur, contra Deos testimonium dicere, quod in illa fortuna tantum viveret: si enim Deus rebus nostris provideret, bona bonis esse deberet, male malis (b).*

192. Respond. Primo nullos esse justos, qui propter aliquas saltem leviores culpas a Deo puniri non mereantur? & qui proinde Deo gratias agere debent, quod illorum maculas hujus vitæ afflictionibus elui velit, ne pœnas longe majores pro iis in alia vita rependere debeant. Apposite Salvianus (Libro IV. de generatione) afflictiones hujusmodi vocat *testimonia mali servi, & boni Domini... quia (Deus) ostendit, quid mereamur, etsi non irrogat, quæ mereamur*.

193. Secundo permittit Deus bonos affligi, ut eorum virtus probetur, magisque confirmetur. Certamen forte dat illis ut vincant (quemadmodum de Jacob dictum est Sap. X. 10.). Ut autem observat Sanctus Augustinus (Serm. in Psalm.

XXXVI.

(a) Ethnici providentiam inter plures Deos partiebant; sed scite admodum Lactantius Lib. I. Divin. Institutionum cap. 3. eos repugnantia arguebat; nam nisi unus fuerit, ad quem totius summa cura referatur, universa solvantur, & corrumpunt. Quod illi ostendit exemplo exercitus, qui nec instrui, nec regi, aut temperari posset, nisi unus esset Imperator; & corporis membris, ejus multa, & varia membrorum officia, multæ; & varii effectus, regi non possent, nisi una esset mens.

(b) Ita colligebat Telamo apud Ciceronem Libro III. De nat. Deor. cap. 32. & sequenti plura afferens horum infeliciū, impiorum autem felicissimorum exempla. Atque hoc potissimum argumento motum fuisse Aristotelem ad negandam providentiam notat Melchior Canus Libro X. de locis theolog. cap. 5. Ovidius

defensum mortem Tibulli Libro III. Elegiar. eleg. 9. a-jebat:

*Cum rapiant mala fata bonos, ignoscite fesso,*

*Sollitior; nullos esse putare Deos.*

Quintilianus etiam in præmio Libro VI. de Institut. Oratoria ex suis infortuniis eo se adductum esse dicebat, ut nullam terras despicere providentiam testaretur. In eo vel ipsos sacros Scriptores invenimus nominatim hæc de re apud Deum quasi conquirentes, ut videlicet infra ann. 199. qui tamen postea arcana divinæ providentiæ consilia humiliter adorant. Ex his patet, quanta necessitas sit hæc diffidentiam copiose, & accurate dissolvendi. Consal. P. Anton. Tournon in 3. P. Traët. Hist. dogmaticæ, & moralis de Providentia Paris. 1753. in 12.



XXXVI. num. 11. Tom. IV.), utitur ad hoc malis hominibus, quomodo usus est diabolo ad probandum Job; & quomodo usus est Iulia ad tradendum Christum. Et alibi dicit, malos servire bonis, quomodo lima, vel mallet auro: ut nempe magis rutillet. Unde patet, quam infelix, & abiectionis sit impiorum ministerium, dum affligunt iustos; & quam felix mors iustorum, ut æquo animo hæc, patienterque ferenda possint constantiam, & fortitudinem suam in adversis ostendere, quo nihil erat apud Philonicos ipsos laudabilius. Nec proprie impii possunt iustos nocere, nisi ipsi infirmitate sua cedant; unde illud veterum adagium, nemo læditur, nisi a seipso.

194. Tertio & illud accedit, Deum totius consolationis consolari iustos, ut in suis tribulationibus magis contenti, & felices sint, quam impii in apparenti illa, sed falsa speciali felicitate. Id Sancti Paulus in multis, magnique suis tribulationibus testabatur (2. Cor. 1. 4. item VII. 4.). Id ipsum expeririuntur, & continent omnes iusti. Id denique non ignorarunt etiam profani: nude Horatius magnam iustorum felicitatem reputabat:

*Nisi conscire sibi, nulla pollescere culpa.*

Improbri vero scelerrum suorum conscientia, quasi feris dilaniati, felices quidem videri possunt, esse tamen re ipsa felices non possunt (a).

195. Sæpius etiam impii gravissimas suorum scelerrum in hoc mundo penas lunt. Ut enim Sancti Augustinus (Libro I. de Civitate Dei cap. 8. Tom. VII.) scire observabat, si nullam peccatum nunquam puniret aperte Divinitas, nulla esse providentia divina præderetur. Puniantur quidem, ut supra dictum est, aliquando & iusti, sed observante eodem S. Doctore hoc est inter bonos

& malos in afflictionibus huius mundi discrimen, quod mali Deum detestantur, atque blasphemant; boni autem precantur, & laudant (b).

196. Denique, nisi Sadducæorum erroribus destituerent, credere debemus post hanc vitam reservata esse malis mala, ac bonis bona, quod non solum uos fides docet, sed etiam ratio, & communis fere omnium populorum traditio, persuadet; & tunc sapientissimus divine providentiæ ordo manifeste apparet; ac plane cognoscimus, non esse condignas passionis huius temporis ad futuram gloriam, quæ revelabitur in nobis Rom. VIII. 18. Insa Ecclesiasticus ex hac diversa impietatum, ac iustorum sorte in hoc mundo recte colligebat futura vite præmia, & supplicia, inquiens cap. 16. *Vidi sub sole in loco iudicii impietatem, & in loco iustitiae iniquitatem, & dixi in corde meo: iustitia & impium iudicabit Deus, & tempus omnis rei tunc erit.*

197. Hanc doctrinam breviter, sed luculenter exposuit S. Augustinus (L. I. de Civitate Dei cap. 8. Tom. VII.) observans, placuisse divine providentiæ præparare imposterum bona iustis, quibus non fruentur iniusti, & male impiis, quibus non exercebantur boni, ista vero temporalia bona, & mala utrisque voluit esse communia; ut nec bona cupidius appetantur, quæ mali quoque habere cernuntur, nec mali turpiter evitentur, quibus & boni plerumque efficiuntur.

198. Ceterum bene observabat Boetius in suis libri II. de Consolatione Philosophiæ hominibus plus quam prosperam, prodesse adversam fortunam. Illa enim, inquit, semper specie felicitatis, cum videtur blanda; mentis: hæc semper vera est, cum se instabilem mutatione demonstrat; illa fallit, hæc instruit; illa mendax specie bonorum mentes fruendum ligat; hæc co-

giti-

(a) His, alique modis seipsum in maximis suis infortunis solabatur Boetius, ut videtur et in præstanti ejus libro De consolatione Philosophiæ.

(b) De impiis, qui nobis felices videntur, ita Juvenalis Sat. XIII.

*Pœna autem cœlestis, de multo, talior illis.*

*Quæ & Cæditur gravi inveniit, ac Ruidantibus,*

*Nocte dieque animi gerit in pectore letum.*

De aliis autem, qui tandem gravissimas dederunt suorum scelerrum penas, ita eleganter Claudianus initio libri in Rufinum.

*Sæpe mihi dubium traxit sententia mentem,*

*Curarent superi terras, an nullas aderet*

*Reitor, & inferto ferrent mortalia cœca...*

*Abtulit hunc deum Rufini pœna tumultum,*

*Abiitque Deos. Iuxta non ad ostium verum*

*Injuncto præcipite quærens tollantur in altum*

*Ut lapsi graviore ruant.*

Elegantior Juvenalis idem fere scripserat de infelici Seiano Sat. X. v. 61. & seq. Non sunt nequius, a Bello in art. Rufini, rem. C. hanc Claudiani rationem ad divinam providentiam tendens explosi, tamquam impiam, Deoque injuriosam; quemadmodum, inquit, non sine magna injuria Regis diceretur, ideo ab i-

peo permitti, innocentes ab inique ministro affligi, ut eundem ministrum gravius puniendi occasionem haberet; melius enim esset & ministris violentiam, & innocentem oppressionem impedire. Ita Bællius cavilatur. Sed non eadem est ratio Regis, & Dei. Deus enim provisor est universalis, qui multa mala permittere potest, quia ex his novæ meliora bona elicit, eoque, qui perversionem patimur propter justitiam, multo majoribus bonis abunde compensare. Uterque minus accurate diceretur, ideo permitti a Deo impio esse bonis molestos, ut habeat postea justitia ejus vindicæ suum locum: potius enim, & melius dicendum, de mali permutatione bonis a Deo bonum elici, ut infamia ejus attribuitur bonitas ut parcendo, & justitia in puniendo, manifestentur. Neque illa Claudiani parva ut ita accipienda est, quasi causam proprie significet. Ceterum similium impiorum, qui a summa felicitate in summas lapsi sunt calamitates, exempla innumerata nobis Historie suppeditant. Ad i. Sciparchi librum De sera Naminis vindicta editi. Leydensis 1772. in 8. cna Dan. Wytenbach. Unde etiam Sap. xvi. 16. verissime dictum est: *Nequiter te nosse impii per fortitudinem brachii tui, regellat sine. Vid. Ps. xxxvi. 35. & seq.*

gnitione fragili felicitatis absolvit. Itaque illam cileat ventosam, fluentem, atque semper ignantem: hanc sobriam succulentamque. & ipsius universitatis exercitatione prudentem. Postremo felix a vero bono devios blanditiis trahit: adversa plerumque ad vera bona reducens, unco retrahit.

199. Instant Increduli, & quædam loca asserunt tam ex Scripturis sacris, quam ex Sancti Patribus, quibus universalis saltem illa providentia, quæ omnia respiciat, negari videtur (a). Primo propheta Habacuc cap. I. 15. & 14.; postquam queribundus ita interrogasset Deum: quare... taces; devorantur impio justiorum se 2 subdit, & facies homines, quasi pisces maris. & quasi reptile, non habens principem. Porro hæc comparatio inepta esset, si Deus piscinum, ac reptilium curam gereret.

200. Præterea S. Hieronymus hæc Prophetæ verba expendens (in Comm. T. VI.) concedit quidem esse in animalibus generalem dispensationem, & ordinem; verbi gratia quomodo nascatur piscum multitudo, & vivat in aquis, quomodo reptilia, & quadrupedia oriuntur in terra, & quibus alantur cibis. Ceterum, addit, absurdum est ad hoc Dei deducere maiestatem, ut sciat per momenta singula, quot nascantur culices, quotve moriantur; quæ cunicum, & pulicem, & muscarum sit in terra multitudo, quanti pisces in aqua nentent, & qui de minoribus præcedere debeant.

201. Etiam S. Augustinus in *Enchiridio* (cap. 17. Tom. VI.) sent multa, inquit, quæ nescire quare scire fit melius: quibus verbis generalis Dei providentia, tamquam imperfectio quædam, excelsit; providentia enim sine scientia esse non potest.

202. Denique S. Thomas I. P. quæst. XXIII. art. 7. docet, solum partes essentialis hujus mundi, quæ perpetuæ sunt, ut rerum species, esse ordinatas a Deo, non autem individua; unde ita concludit: licet Deus sciat numerum omnium individuum, non tamen numerus vel eorum, vel culicum, vel aliorum hujusmodi esse per se præordinatus a Deo.

203. Resp. primæ difficult. Prophetam Habacuc solum velle, non esse eandem in Deo reptilium, aut piscium, ac rerum humanarum providentiam; ita enim Deus hominibus providet, ut eorum opera ad meritum, vel ad culpam impendantur, unde etiam penam, vel præmium consequantur, quod in animalia ratione, & libertate carentia non cadit. Oportet igitur Prophetam, ut Deus hæc specialem in hominibus providentiam mani-

feste ostendat, puniendo impios, qui bonos assequuntur.

204. Eodem plane sensu etiam S. Paulus inquitbat I. Corinth. IX. q. nunquid de hominibus cura est Deo? Nempe docens non illam esse de iis curam Deo, quæ est de hominibus. Unde illam legem Dent. XXV. 4. non alligabis os bovi trituranti, mystice intelligendam esse docet de Operariis Evangelicis, quibus æquum est, necessaria ad vitam suppeditari, concludens: propter nos scripta sunt... si nos vobis spiritualia seminavimus, magnum est si nos carnalia vestra metamus?

205. Difficilioris explanationis videntur esse verba S. Hieronymi, nec desunt, qui S. Doctorem erroris contra providentiam accusare non dubitent (b). At vero quis credat, tantum virum in sacris litteris versatissimum latuisse, quod in Evangelio tant frequentier insinuat, singulorum passerum curam esse Deo, & vel lilia campi, ac fœnum agri Deum non negligere? (Vid. Matth. VI. 26. & 28. item X. 29.)

206. Hac igitur rejecta responsione, dico, S. Doctorem negare solum esse in Deo brutorum, & rerum aliarum eam specialem providentiam, quæ Deus res hominum administrat, & curat. Id patet cum ex acropo S. Doctoris, tum ex verbis sequentibus. Ex acropo quidem, qui erat refutandi librum quemdam apocryphum, quo reptilibus, piscibus, cæterisque animalibus, inop & arboribus Angelos ad custodiam destinatos effusiebantur, sicuti ad custodiam hominum deputati sunt. Ex sequentibus autem: nam ita prosequitur: non simus tam fatui adulatores Dei, ut dum potentiam ejus etiam ad ima detrahimus, in nos ipsos injuriosi simus. eandem (notetur hoc verbum) rationabilium providentiam esse dicentes. Et in Comment. ad cap. VI. Matth. Quod si volatilia, inquit, absque cura, & sermone Dei aluntur providentia, quorum anima mortalis est; quanto magis homines, quibus æternas promittitur, Dei reguntur arbitrio?

207. Ad tertium quod attinet; S. Thomas I. P. quæst. 22. art. 3. ad 3. vult, S. Augustini dictum esse ad nos referendum, non ad Deum, cum enim nostra mens admodum angusta sit, atque limitibus definita, expedit nobis quædam mala, & vicia non cognoscere, ne a cognitione meliorum retrahamur. Id autem non accidit Deo, qui omnia uno simul intuitu videt, in quoque simplicissimo actu administrat.

208. Prodigii autem simile est, S. Thomam potuisse trahi in suspicionem negatæ providentiæ singularum rerum, cum data opera hunc quorundam veterum Philosophorum errorem confutaverit.

(a) Quamquam Increduli Sac. Litter. Sandorminque Patrum auctoritatem flocci faciunt, ea tamen libenter contra nos utuntur, vana gloriantes posse nostris per armis oppugnare.

(b) Ita Patre Vasquez in I. P. S. Thomæ disputat. 59. num. 16. Quæ hujus Theologi licentia merito iis displicuit, qui Sanctos Patres, quæ decet, veneratione prosequendos esse norunt.



rit (a). Itaque obiecto in loco non inficiatur Angelicus, numerum individuum, & singularem esse præscitum, & præordinatum a Deo absolute, sed solum negat esse præscitum, & præordinatum per se, et primum, seu ratione sui: quomodo Deus, eorundem individuum species præordinavit: Vult enim fuisse individua ordinata propriæ species, quæ principalliter pertinent ad perfectionem universi. Hanc doctrinam perspicue exponit Angelicus l. P. quæst. 113. art. 2. inquit: *Manifestum est, quod providentia Dei principaliter est circa illa, quæ perpetuo manent; circa vero ea, quæ transeunt, providentia Dei est, in quantum ordinat ipsa ad res perpetuas.*

209. Falluntur autem vehementer qui ideo individuorum providentiam Deo denegant, quia minime decere putant supremum Numen hisce minutissimis negotiis implicari, quo loco exemplis hominum male abutuntur. Ideo enim hoc verum est in hominibus, quia inde retrahuntur a majoribus, & dignioribus curis. Cæterum qui unquam imperfectionis arguat solem, quod radiis suis non solum sublimia, visque digna, sed etiam minima quæque, ac vilia illustret? Addo cum Platonem (Lib. X. de legibus.), magna administrari vix posse, neglectis parvis, sicuti lapides magnos sine parvis collocari posse, negat architectum.

210. Neque illud verendum, quod Velleius Epicureus (apud Ciceronem Lib. l. de nat. Deor. cap. 20.) obiebat, beatum non fore Deum molestis, & operosis negotiis implicatum. Ethicus ille Dei omnipotentiam, sapientiam, ac bonitatem ignorat, quibus attribuitur sine ullo labore, imo quinque cum felicitate in rebus etiam minutissimis divitiis gloriose suæ ostendi, juxta illud: *emipet in minoribus maximus ipse Deus.*

211. Obieciæ sequendo. Multa in hoc mundo casu potius, ac temeritate fortunæ, quam ulla providentia contingere videmus; pluviam exempl. grat. vel in mare, vel in desertis solitudines sæpe, frustra decidere, diuinæ segetes interea siccitate arepunt. Dux insuper fere sunt telluris partes, quas, ut inquit Lucretius,

*fervidus ardor,*

*Assiduusque geli casus mortalibus aufert:*

quod idem de immensis oceani tractibus dici potest, nonnisi mutis piscibus intulit destinatis. Tertio, in ea ipsa mundi parte, quam nos incolimus, quot & quanta sunt animalcula imperfecta, inutilia, imo plane molesta, & noxia, ut culices, muscæ, serpentes, aliaque homini inimica? Quar-

to, inter homines vero quot, & quanta temere accidunt? Cur enim ex. gr. nisi casu fortuito, tot infantes pereunt, antequam usum rationis consequantur? Cur bene multi, antequam ipsam mundi lætem aspiciant? Cur tot nascuntur necessariis membris orbiati, aut monstruosi &c.? Hæc, & multo plura hujus generis refert, & versibus exornat Lucretius in sex libris de rerum natura.

212. Testimonium etiam contra providentiam fert naturæ inconstantia, quæ videtur, Penelope instar, telam, quam texuit, iterum retexere; quod apparet in alluvionibus, in terræ motibus, pestilentiis, allisque innumeris mundi hujus calamitatibus. Herodotus etiam Lib. II. num. 142. narrat exinde Sacerdotum Egypti spatio 11340. annorum, quos effluxisse dicunt ante regnum Sethonis, solem his ortum esse ex parte occidentali, totidemque vicibus occidisse, ubi nasci solet. Plato item (in Politico) talem fuisse olim factam mundi mutationem memorat, ut sol, & sidera inde oriri cœperint, ubi occidere dehebant. Et alibi (in Timæo) hoc idem fuisse Atheniensibus a Solone expositum refert, qui illud ab Egyptiis audiverat. Idipsum habet quoque Plutarchus Lib. II. de placitis Philosophorum cap. 24.

213. Resp. Hujusmodi difficultates ex hominum ignorantia oriri: cum enim eos lateant altissimi divinarum providentiæ fines, sæpe fortuito casu, vel inutiliter ea fieri putant, quorum causas, vel utilitatem non vident. Sic ignorant vulgus multa inutilia, aut etiam noxia fieri in reipublicæ administratione sæpe arbitratur, quia Gubernatoris consilia ignorat. Et si Principes terræ non tenentur omnium eorum rationem reddere, quæ pro recta dictionum suarum administratione populis sibi subiectis mandant; quanto minus ad hoc tenetur Deus omnium Domini? Ut proinde intoleranda sit eorum præsumptio, qui omnium, quæ in hoc mundo fiunt, rationem sibi reddi volunt.

214. Præterea nos nonnisi pauca quædam pun-ctula videmus immensis illius tabulæ, in qua omnium rerum universas depicta est: hinc multa imperfecta, inutilia, ac etiam noxia nobis apparent, quæ talia proculdubio non apparent, si ceu, quem habent cum aliis, plene cognoscere-remus; multoque minus talia apparerent, si nobis divina consilia, sapientia & bonitatis plena, manifesta forent. Qui itaque hinc occasionem sumunt, aut criminandi, aut minuendi, quin etiam tollendi divinam providentiam, similiter faciunt, ac ille, qui officinam artificis intrans, multa instrumenta inutilia reputaret, quia eorum usum non eisset.

215.

bonum aliquid ex his efficere, adducit S. Thomas in loco obiecto, quasi ibi docerit, Deum non determinare numerum individuum corruptibilium, ut culicum, muscæ, etc. nempe ut hæc mox hodie nascatur, eras illa, sed tantum in genere providere, & providere, ut non deficiat species ulla animalium.

(a) Vide l. P. Qui. 22. articuli. 2., tum Libro III. Contra Gentiles c. 75. Et mirum est, id non vidisse doctissimum Bellarminum, qui Libro IV. De gratia, & libero arbitrio c. 15. ut probet providentiam divinam non determinare in particulis omnes actiones transcurrentes libera, licet eas præviderit, & deprecaverit compari, vel impedire, vel permittere, si mala sunt, &

215. Porro recta ratio, sanusque sensus potius dicant, ut ita ratiocinemur: Certis, evidentibusque argumentis constat, totum mundum, ac singulas ejus partes, ut ut minimas, summa, vigilique providentia regi: nihil igitur sit sine causa, & consilio, licet hæc oculis nostris aliquando non appareant. Certum autem non tollitur per incertum, nec evidens per obscurum. Et hæc responsio generalis sufficere debet cordato viro ad omnes hujusmodi difficultates solvendas (a).

216. Multa tamen sunt a Lucretio, ejusdem Symmisti falso exaggerata. Quod enim dicit pluviam inutit in mare, vel aridas solitudines decidere, falsi arguitur a naturæ studiosis, qui observant, pluviam utilem esse ad maris salsedinem temperandam, atque ad aerem expurgandum, & refrigerandum. Deo autem hominum culpas puniente sit, ut segetes siccitate arescant, sicuti tempore Eliæ factum legitur III. Reg. c. XVII.

217. Falsum est etiam partes terræ polares, aut æquinoctiales habitatoribus carere, quam falsitatem feliciores Lucretii posteri deprehenderunt. Immensa autem marium spatia magnam afferunt commodum, ut inter regiones longissime distitas commercium habeatur, quod terrestri itinere vix, ac ne vix quidem haberi posset.

218. Quæ insecta nobis inutilia, aut noxia videntur, in aliorum animalium pastum cedunt, quibus nos utimur: *Sepe eadem*, inquit S. Ambros. Lib. II. *Hexameron* c. 9. (T. I.) *quæ tibi noxia sunt, avibus, aut feris, innoxium ministrant populum*. Aldo, quæ modo animalia nobis noxia sunt, talia futura non fuisse in beato illo innocentia statu, ex quo Protoparentis, & nostræ etiam culpa excidimus.

219. Ad quartum. Quæ hominibus infortunia varii generis accidunt, persæpe ex naturali causarum secundarum ordine oriuntur, quæm Deus immutare non vult. Orientur etiam nonnullæ ex aliorum hominum malitia, aut incuria, quam Deus ex profunditate judiciorum suorum permittit. Quanquam autem non semper in promptu sit, veras hujusmodi eventuum causas afferre, mini-

me tamen dubitandum est, eas semper adesse, easdemque a divina providentia ad altissimos, ac justissimos fines dirigi.

220. Idem dicatur de terræ motibus, valeanis, alluvionibus, pestilentis, aliisque calamitatibus, quas ad puniendas hominum culpas immitit Deus, ut olim iniquis diluvium, quia omnis caro corruerat viam suam.

221. Mutationes vero illæ ab antiquis commemoratæ de converso solis, siderumque cursu, ut fabulosæ rejiciendæ sunt, cum non certis monumentis sed dubiæ & incertæ, imo plane commentitiæ famæ innituntur. Putant aliqui, fortasse eis occasione præbuisse duo illa miracula in Sacris Litteris relata, quando scilicet ad imperium Josue sol stetit (Jos. x.), & quando in horologio Achaz illius umbra retrogressa est IV. Reg. XX. (b).

222. Obj. tertio. Si Deus omnibus rebus provideret, providere in primis deberet hominibus, ut plene felices, beatique essent; neque enim summa Dei bonitas credere nos sinit, voluisse eum homines creare, ut essent infelices: atqui tot, tantisque calamitatibus, & miseriis opprimimur, ut quidam putaverint, subductis calculis, multo majora esse mala hujus vitæ, quam bona, multoque plura hominum infelicia momenta, quam felicia (c); ergo &c.

223. Resp. Misericordiae, & calamitates nostras a culpa originali primum, deinde ab aliis propriis nostris culpis ortum trahere, quibus si omnino careremus, felices procul dubio, beatique essemus. Ceterum plura non esse in hoc mundo mala, quam bona, nec plura momenta hominum infelicitia, quam felicitia, multi, atque insignes Philosophi, Ceresius, Regis, Kingius, quin & Voltairius, alique demonstrarunt. Atque vel ex eo solo manifeste colligi potest, quod homines, paucissimis demptis, semper vivere cupiunt (d).

224. Instant vero hic acriter divinus providentiæ osores. Hæc ipsa mala culpe, unde calamitates hominum oriuntur, debuissent a divina providentia, si ulla est, impediri: Deus enim, inquit ab Epicurus (apud Lactantium, *De ira Dei*, c.

(a) Hanc responsionem nobis suppeditat Liber Sapient. XII. 12. & seq. ubi Salomon, vel quisquis sit illius libri Autor, ita Deum alloquitur: *Qui enim dicit tibi, quid fecisti? Non enim est alius Deus, quam tu, cui cura est de omnibus*. Cum ergo sit justus, jute omnia dispones &c. Etiam pre oculis semper habere debemus, quod præcipitur Ecclesiastici III. 23. & seq. *Altiora te ne quaeriveris, & fortiora te ne scrutatur fueris: sed quæ præcepit tibi Deus, illa cogita semper, & in pluribus ejus ne fueris curiosus; non est enim tibi necessarium, eas, quæ abscondita sunt, videre oculis tuis*.

(b) Nullum ex hujusmodi naturæ defectibus duci posse contra providentiam argumentum vidit, & confessus est vel ipse Ben. Spinoza in *Tractatu theologico-politico* c. 2. §. 8. atque etiam Barlius art. *Manichæus* rem. D. De objectionibus autem solis aberrationibus Vid. P.

Aug. Cabinet Diss. Prelim. ad L. IV. Regum, & Gogues *De l'origine des loix, des arts, & des sciences* &c. Tom. VI. Diss. 12.

(c) Notum est illud Homeri: *Οὐδὲν ἀνδρὶ σῆρος ἐστὶ τῆλ' ἔτι ἀνδρὶ εὖροιο*.

Nil gignit tellus homine infelicius uno.

Apud Maximum Tyrium Diss. XLII. edit. London. in 4. an. 1740. al. diss. xxv. Hanc sententiam tuus est Manpertuisius dans l'Essai de philosophie mor. c. 2.

(d) Manpertuisius hæc etiam in parte refragatur est, non minus doctrinæ, quam sermone elegantia clara Franco. Zanotius nel Ragionamento sopra un libro francese del Sig. di Manpertuis: *Essai de philosophie morale*, in primo vol. della Raccolta di trattati di diversi autori concernenti alla religion naturale ec. a Venezia 1756. vol. 2. in 4.

c. 13.) aut vult tollere mala, & non potest; aut potest, & non vult: aut neque vult, neque potest, aut vult, & potest. Si vult, & non potest, imbecillis est, quod in Deum non cadit. Si potest, & non vult, invidus, quod æque alienum est a Deo. Si neque vult, neque potest, & invidus & imbecillis, adeoque non Deus. Si vult, & potest, quod solum Deo convenit, utile ergo sunt mala (a)?

225. Resp. Minime nos turbari oportere hac difficultate, quæ non aliunde oritur, quam ex ignorantia iudiciorum Dei; quorum abyssum si percontari liceret, perspicue videretur permissionem malorum ad divinæ providentiæ ordinem omnino pertinere. Ut enim S. Th. 1. P. q. 22. art. 2. ad 2. bene observat, aliter loquendum est de providore particulari, aliter de providore universali. Ille tenetur impedire, vel removere defectus, & mala ab eo, quod ejus curæ subditur, quantum potest, quia novissi illius curam gerit. Providor autem generalis permittit aliquos defectus esse in rebus particularibus, ne impediatur bonum totius: eo fere pacto, quo pisor coloribus admiscet umbras, quia etiam iste sunt ad picturæ pulchritudinem necessaria. Deus omnipotens, inquit S. Aug. in *Enchiridio* c. 11. (T. VI.) nullo modo sineret aliquod malum esse in operibus suis, nisi usque adeo esset omnipotens, & bonus, ut beneficeret etiam de malis. Hinc de malis quoque intelligi potest, quod de Deo Psalmista dicebat: omnia serviunt tibi. Ps. CXVIII. Quam doctrinam tradit etiam S. Th. 2. 2. q. 73. art. 4. ad 3.

226. Sane tota Judæorum historia plena est illustribus exemplis bonorum, quæ Deus sapienti sua providentia ex hominum aequitate elicit. Tot miracula Moysis, aliorumque, ibi victoriæ Israelitarum, punitioes malorum, bonorum præmia, & alia id genus fuisse divinæ providentiæ opera ex malis hominum elicta. Et ut cetera præteream, quidnam majus, aut excellentius bonum Verbi Divini incarnatione, ac Christi passione, & morte? Et tamen hoc bonum ex malo omnium nefandissimo miserieore Deum eligit (b).

227. Inst. primo. S. Th. in Lib. I. *Senten.* Dist. XLVI. qu. 1. art. 3. ad 6. postquam docuisset; quædam esse mala, sine quibus universus

imperfectus esset, illa scilicet, ad quæ major consequitur perfectio, cumsummo est elementorum corruptio, unde ubilior inmixtorum forma emigrit, ita subdit: quædam vero mala sunt, quæ si non essent, universum perfectius esset... sicut præcipue est in malis culpe... Unde si nullus homo peccasset, universum genus humanum melius foret &c. Cum ergo mala culpe ad perfectionem universi non spectent, nulla esse deberent, si inmundus divina regeatur providentia.

228. Resp. S. Thomam ibi loqui de perfectione universi, non consideratis ultimis divinæ providentiæ finibus, sed considerata tantummodo hominum perfectione, quod procul dubio major esset omni secluso peccato. Hanc esse S. Thomam mentem patet tum ex ejus verbis allatis: si nullus homo peccasset, universum genus humanum melius foret: tum multo magis ex constanti ejusdem Anglie doctrina, quæ sæpius repetit, magna per accidens ad perfectionem mundi spectare, quatenus ex ipsis Deus sua bonitate, & omnipotentia majora elicit bona; unde etiam dicit ibidem, mala non esse quidem perfectionem causas, esse tamen occasiones; & art. præced. bonum est, inquit, mala esse occasiones bonorum; sed mala esse simpliciter, non est bonum.

229. Inst. secundo. Deus si hominibus provideret, aut iis non debuisset liberum arbitrium tribuere, unde eos ad malum abusuus cognovit, aut eos talibus, ac lavis præsidiiis mquire, ut illo non abuterentur. Si melius, inquebat Cotta ( apud Ciceronem Lib. III. de nat. Deor. c. 31. ) sciat eum egrotum, qui passus sit vinum sumere, meracius sumitur, statimque periturum, magna sit in culpa; sic vestra ista providentia reprehendenda, quæ rationem dederit eis, quos sciverit ea perverſe, & improbe usuros.

230. Resp. cum S. Thoma in Lib. II. *Senten.* Dist. XLIV. qu. 1. art. 1. potentiam peccandi, quæ est in libero arbitrio, quantum ad peccatum, non esse a Deo, sed ex eo provenire, quod homo est creatus ex nihilo. Deus enim liberum nostrum arbitrium ordinavit ad bonum: ex eo autem quod sit ex nihilo, potest ab hoc ordine deficere. Posset utique Deus gratia sua efficaci ita nostras voluntates continere, ut integra earum libertate permauente nunquam a bono deflenderent; sed id effi-

(a) Hanc difficultatem proponebat etiam Marcius apud Tertullianum Lib. II. contra eundem Marc. c. 5. Eadem fuisse plures ita perturbatos, ut providentiam negarent; referi Lactantius de ira Dei c. 13. Multis autem, & acutissimis modis illam versat, & urget Bellius in variis locis operum Christoph. Passius Diss. I. Anti-Balaada narrat ex fide Jap. Baspagii, inter ejusdem Bellii scripta repertum fuisse non exiguum argumentorum collectaneum, quibus providentiam divinam evertere conabatur. Adversus Bellium tamen integra prodit Scriptorum phalanx, & hæcque est inter viros doctissimos longa serps reciprocatio, quorum controversiarum historiam exhibet Christoph. Wolfius in

suo Tract. cui titulus: Manichæismus ante Manichæos, & in Christianismo rediens.

(b) Idem S. Aug. L. XI. de Genesi ad litteram c. q. 2. 12. (c. Tim. III.) hæc ipsam materiam versans dicebat: Cur ergo eos (Dei) creavit, quos malos futuros esse præcibat? Quia sicut providit, quid mali essent futuri, sic etiam providit de malis factis eorum quid boni esset ipse futurus. Et capit. 10. num. 13. Sed posset, inquam, etiam ipsorum voluntatem in bonum convertere, quoniam omnipotens est. Posset plane. Cur ergo non fecit, quia noluit. Cur noluerit peccare ipsam esse. Debemus enim non plus sapere, quam oportet sapere.



ficere non tenetur, in eoque ejus providentia, sanctitas, & omnipotentia relucet, ut etiam de malis bene faciat, omniaque diversis viis ad sustinendum gloriam dirigat.

251. Inst. tertio. Vel ipsa permissio mali Dei bonitati, & providentia repugnat; eodem enim modo velle censetur hominis occisionem, & qui ipsum jugulat, & qui ferrum ad eum jugulandum ministrat, & qui jugulante, vetato cum possit, non vetat.

252. Resp. Exempla hujusmodi non esse ad rem; quia, ut S. Augustinus Lib. III. *Operis imperfecti contra Julianum* c. 25. & seq. (T. X.) recte observat, non est eadem ratio Dei, atque hominis. Peccat homo, cum sinit perpetrari scelus, quod impedire posset, quia illud impedire tenetur: nulla autem ratione culpandus est Deus non impediens peccata hominum, quia nulla lege ad ea impedienda adstrictus est. Non ille adstrictus est ex parte hominis, cui nihil debet: neque adstrictus est attentis sua bonitate, quæ magis resplendet in eis bonis, quæ ex malorum permissione sua omnipotentia educit. *Hæc cogita, concludit S. Pater, & noli judicem Deum judicibus hominibus comparare, quem non dubitandum est esse justum, etiam quando fit, quod videtur hominibus esse injustum, & quod homo si fecerat, esset injustus.* Hujus autem discriminis ratio potissima ea est, quod homo non possit, ut potest Deus omnipotentissimus, & sapientissimus, de malis majora bona elicere. Confer Bossuetum: *Défense de la Tradition* &c. L. XI. c. 4.

253. Inst. quarto. Saltem videtur Deus sibi ipsi repugnare, dum mala permittit, quæ severe prohibet, & punit. Si enim vult mala esse, cur ea prohibet? & si non vult esse, cur ea permittit?

254. Resp. Deum mala ut mala sunt, & prohibita, proprie non velle, quamvis ea permittat, neque enim pura permissio est absoluta, & efficax voluntas mali, seu voluntas approbationis, ut a Theologis appellatur. Hinc dici non potest, Deum voluntate approbationis, velle mala, quæ prohibet; sed solum, si ita loqui fas est, voluntate permissionis, ex qua nihil derivatur in effe-

ctum; solum enim non impediuntur causæ, ut producant effectum. Sed de permissione mali multa lecti digna habet Melchior Causus Lib. II. de *locis theol.* c. 4. præcipue in resp. ad 7.

255. Et de hoc difficili argumento satis. Concludam verbis S. Augustini *De utilitate credendi* cap. ult. (Tom. VIII. 2): *Istos (Manichæos) verbosos & miseros (quod enim aliud mitius dixerim?) penitus desipere, qui dum nimis querunt, unde sit malum, nihil reperiunt; nisi malum (c).*

256. Obj. quarto. Providenter opinio a politicis, & legumlatoribus introducta videtur, qui ad continendos in officio populos ipsi persuadere conati sunt, homines nocentes, etsi effugiant aliquando manus judicem, Dei tamen supremi iudicii iram effugere nequaquam posse (b).

257. Resp. Non solum id perperam, & sine fundamento, sed plane contra omnem veritatem dici. Et primo quidem ex adversariis sciscitorum quodam afferant hujus rei assertionis documentum? Edisserant nobis, quandomam, & ubinam primum hæc de divina providentia opinio invalescere cepit? Quisnam fuerit primus ipsius auctor, & quibusnam fuerit primo instillata? In his omnibus aqua illis hæret. Nos contra scimus, quoniam primo universalem divinæ providentiæ perturbationem a natura ipsa hominibus inplantatam convellere misus fuerit. Hanc gloriam Epicuro suo tribuit Lucretius (Lib. I. de rerum nat. v. 69. Vid. supra not. ad n. 170.).

258. Accedit, hanc divinæ providentiæ opinionem non tantum gentium omnium consensione ita (quod tamen vel unum argumentum esset per se gravissimum); sed etiam omnibus iis invictis monumentis firmari, quibus Deum, ens summe perfectum, & rerum omnium creatorem existere convincitur. V. sup. num. 164. sequ.

259. Deum, ne longum faciam, tantum abest, Dei providentiam fuisse primum a legumlatoribus inventam, ut potius eam iidem se fuisse a Diis missos mentiri solerent, manifeste sequatur, eos Deorum cultum, ac religionem, ac proinde opinionem divinæ providentiæ jam stabilitam invenisse, eaque postea fuisse improbe abusus ad-

simul

(a) Innumeri propemodum de hoc argumento Libri prodierunt, quorum plurimos recenset Jos. Alb. Fabricius in *Syllabo Scriptorum de veritate religionis*, c. 15. Non tamen consenserim plerisque eorum, qui Bellum confusantes, putarunt; Deum concessa semel hominibus arbitrii libertate, non amplius mala impedire potuisse. Id esse divinæ omnipotentie injuriosum censet S. Ang. in *Enchiridio* c. 93. ubi S. Pater non dubitat asserere, eos plane desipere, qui negant, Deum malis hominum voluntates, quas voluerit, ubi voluerit in bonum non posse converti. Vid. Franc. Fitzjames in sua *Pastoralis Instructione* ann. 1760. adv. Harduinum, & Berringerum Tom. V. cap. 5. art. 4. edit. in 8.

(b) Ita conquerebatur olim Vellejus apud Ciceronem Lib. I. de nat. Deorum cap. 20. inquires: *Imposuisti ceteris nostris sempiternum Deum, quem dii nostrique timeremus. Qui enim non timet omnia providentem, & cogitantem, & animadvertentem, & omnia ad se pertinere putantem curiam, & plenum negotii Deum?* Eadem sæpe ingeminat Lucretius; atque hanc ipsam veterum errandem Ben. Spinoza in præfat. ad *Tract. theologicum-politicum*, atque Hobbesius in *Leviathan* cap. 12. recoxerunt. Hos duces magno numero sequuntur recentiores increduli: Vid. *Dissertat. XIII. tirée des Ouvrages de M. de Warburton*.

simplices, & rudes decipiendos. Nam qui emundioris naris erant, has hominum fraudes contemnebant.

240. Inst. Barbaræ, incultæque gentes nullam divinæ providentiæ persuasionem habere videntur, at Caribæ; Dræsi, Peruviani, alique, de quorum impurissimis, atque absurdissimis moribus multa narrat itineratores, oculati testes: ergo opinio providentiæ divinæ nonnisi politicorum, & Legumlatorum commentum est.

241. Resp. Alios scriptores, qui majorem mereri fidem videntur, testari, opinionem divinæ providentiæ esse etiam inter barbaras, incultasque nationes receptam. Sanæ Elianus (Lib. II. *Variarum historiarum*, cap. 31.) *neminem esse inter barbaros, dicit, qui non & Deos esse, & res humanas curare agnoverit*: Non tamen negaverim, haud paucos inveniri non modo in barbaris, sed etiam in cultissimis populis, qui turbulentis passionibus obnubilati ita vivunt, perinde ac si crederent, nullam esse Deo justo, ac bono rerum nostrarum curam.

242. Obj. ult. Si res nostræ a divina providentia dependent, omnia certissime, atque infallibiliter evenient, cum Dei voluntas frustrari nequeat. Jam vero hoc posito, supervacanei sunt nostri conatus, inutilis exhortationes, minæ, promissiones, consultationes &c. omnia enim evenire debent, prout Deus in sua providentia disposuit; & sic corrui præcipua Ethices pars, quæ est *ius aliæ*. Vid. Gard. Cajetanus in *Comment. ad I. P. S. Thomæ* quæst. XXII. art. 1.

243. Resp. Id. nullatenus consequi, quia nostri conatus, exhortationes, consilia &c. sub eodem providentiæ divinæ ordine continentur. Dei enim providentia non solum disponit de fine, sed etiam de mediis, quibus vult, ut finem consequamur. Quod si divina providentia posset deficere in mediis, cujusmodi sunt nostri conatus, & nostra officia, etiam deficere posset in fine, quem talibus conatibus alligavit. Sed utrumque est æque impossibile; & ita Deus nos ad media, atque ad finem movet, ut infallibiliter id consequamur, quod Deus vult, salva tamen nostra libertate; quia & ipsam nostram libertatem Deus sua providentia salvam esse vult.

## DISSERTATIO II.

*In qua ostenditur, potuisse Deum hominibus religionem revelare; tum hanc revelationem fuisse hominibus necessariam, ac demum veræ ejusdem Divinæ revelationis notæ proponuntur.*

1. Cum Deus, ut paulo ante copiose demonstravimus, generali sua providentia omnia regat,

(a) S. Thomas 2. 2. qu. 81. art. 1. triplicem religionis etymologiam affert; primam ex Cicerone, qui eam *Guzzaniga Theol.* Tom. I.

atque administret, præcipua tamen quadam cura naturalis iis providet, quas ratione, & libertate ipse donavit: hæc quippe & alias creaturas dignitate, & perfectione longe præcellunt, & ad altiorem, perfectioremque finem dirigitur; scilicet ad cognoscendum Deum, eamque amandum (vid. S. Thomas Lib. III. *contra Gentiles* cap. CXI.).

2. Ad hunc autem finem tam sublimem nos sancta Religio ducit; ea enim ad Deum, quoad fieri in hoc mundo potest, cognoscendum, eumque debito honore colendum, amandumque instruitur; vel ut S. Augustinus inquit (in *Enchirid. ad Laurentium* cap. 3. Tom. VI.), vera religio nos docet, *quid credendum, quid sperandum, quid amandum sit*. De hac in præsentiarum qua inajori possumus diligentia nobis agendum est; ab hac enim sancta religione tota hominum felicitas omnino dependet.

3. Et primo breviter præmittimus, quid sit religio, & quam hominibus necessaria. Post autem insusius, & accuratius tractabimus de divina revelatione, quæ, ut inquit Sanctus Augustinus (Lib. VI. de *Civ. Dei* cap. 4. Tom. VII.) veram religionem inspirat, & docet verus Deus dator vitæ æternæ veris cultoribus suis. Porro ad omnia hominum revelatæ religionis effigia præcludenda, nobis tria erunt accurate demonstranda: prius potuisse Deum hominibus veram religionem superna revelatione patefacere: secundo fuisse iis hanc revelationem necessariam: ac demum quænam sint notæ, quibus eam cognoscere certo possimus, ne in re tanti momenti fallamur. Post autem in sequ. dissert. eam tam in veteri, quam in novo testamento fuisse factam, ostendimus.

## C A P U T I.

*Quid sit religio, & quod duplex Dei cultus ab ea præscriptus.*

4. Non hic curiosius investigabimus, undenam religionis vocabulum sit derivatum (a), sed potius de re ipsa solliciti religionem, quam *Divinitus* dicunt, definitum cum S. Th. 2. 2. qu. 81. art. 2. *virtutem, qua Deo debitum honorem, & cultum reddimus*; in qua definitione, ut idem Angelicus explicat art. 5. cultus est quasi materia, vel obiectum, Deus autem, cui cultus exhibetur, est sicut finis. (S. August. Lib. X. de *Civ. Dei* Cap. I. Tom. VII.) brevis, sed eodem sensu religionem definiit Dei cultum, græce *θεοσεβειαν*.

5. Religioni opponitur superstitio, quæ definitur eodem Sancto Thoma 2. 2. quæst. 92. art. 1. *exhibet cultum divinum, vel cui non debet, vel eo modo, quo non debet*. Partum accurate, &

non-

a revelatione derivat, quia religiosus quæ ad Dei cultum pertinent, sæpius in corde revolvit, quasi re-

nonnisi intolerabili hujus vocabuli abusu superstitionis nomen religionis tribuitur; ut enim bene observat Laëtantius Lib. IV. *Divin. Inst.* cap. 28. *religio est veri cultus, superstitio falsi.* Varia superstitionis genera diligenter pro more suo distinguit, & explicat S. Thomas loc. laud. sed ad nostrum institutum modo hæc non pertinent.

6. Religio dividi communiter solet in *naturalem*, & *supernaturalem*, seu *revelatam*; qui tamen loquendi modus, quamquam fere communis, omnino accuratus non videtur, saltem si de Religione adæquate sumpta sermo sit; certum est enim veram religionem nonnisi unam esse, eamque totam a Deo revelatam. Hæc autem divina revelatio Adamo, veteribusque Patriarchis facta fuit, & orali traditione in posteros propagata; post autem a Moysæ, aliisque Prophetis scripta in vet. Test., ac deum multo uberius a Christo Domino in novo Testamento manifestata, atque ab Apostolis, & Evangelistis literis consignata.

7. Hæc tamen divisione, quamquam, ut ego quidem arbitror, minus propria, Theologi nihil aliud innuere voluerunt, quin in religione contineri veritates duplicis generis, alias scilicet, quæ dicuntur *naturales*, quia naturale intelligendi nostrum lumen non superant; revelari tamen & ipsæ debuerunt propter aliquas causas, quas inferius (cap. IV.) expendemus. Aliæ autem sunt veritates nostræ religionis, quæ merito *supernaturales*, & *revelatæ* dicuntur, quia nativam intelligentiam nostram longe superant, nec unquam in nostram cognitionem venissent, nisi divinæ bonitatis placuisset, easdem nobis superna revelatione patefacere. Hujus generis sunt arcana sanctæ religionis mysteria, & divina quædam præcepta, quæ a Theologis vocantur *positiva*.

8. Hujusmodi igitur veritatibus, tam *naturalibus*, quam *supernaturalibus* constat una, & sancta religio; qua, ut inquitur S. Augustinus (in initio libri de vera religione, Tom. I. Opusc.) unus Deus colitur, & purgatissima pietate cognoscitur principium naturarum omnium, a quo universitas inchoatur, & perficitur, & continetur.

9. Porro hæc duplicis generis veritates, ex quibus constare religionem diximus, vel sunt *theoreticæ*, & constituunt nostræ fidei objectum, vel sunt *præcticæ*, quæ nempe ad mores spectant. Sed quamquam diversæ, omnes tendant ad cultum Deo primo nostro principio, atque ultimo fi-

ni exhibendum. Cultus autem Deo debitus definiri potest ex S. Thoma 2. 2. quæst. 102. art. 2. *obsequium, quo aliquis Dei obedit imperio, & vicem beneficiorum ejus pro suo modo rependit.*

10. Alius autem est cultus Dei *internus*, seu *spiritualis*, alius *externus*, qui etiam *corporeus* dici potest, quia actibus corporis exercetur. Primus, qui præcipuus est, & sine quo nullus religionis actus Deo est acceptus, continetur in devotione mentis ad Deum, seu in cordis interioribus affectibus, potissimum vero in piis Fidei, Spei, & Charitatis actibus; unde Sanctus Augustinus in *Enchiridio* cap. 3. (Tom. IV.) *colitur Deus, inquit, Fide, Spe, & Charitate.* Cultus *externus*, sive *corporeus* est, quo orationibus, sacrificiis, piis quibusdam ceremoniis, aliisque sacris ritibus debitum supremo Numini obsequium exterius palam facimus. Confer S. Thomam 1. 2. qu. 102. art. 5. ad 4.

## CAPUT II.

*Ostenditur, cultum internum, & externum Deo deberi, illicque esse acceptum.*

11. Ac de primo quidem nemo, quod sciam, dubitavit; cum vel ipsi Epicuræi illum divino Numini deberi, sin minus propter ipsius providentiam, saltem propter ejusdem naturæ præstantiam, supremamque majestatem putaverint. Quanto igitur magis debuerint ei reverentiam, atque amorem exhibere Deo, qui ejus providentiam agnoscences eundem omnium, quibus fruimur, bonorum beneficentissimum largiorem constituerit? Nec operæ pretium est in re tam manifesta longa uti oratione. Eorum potius error refellendus est, qui solum interiorem cultum Deo exhibendum esse dixerunt, non autem exteriorem.

12. Hos Sancti Thomas duplici ratione confutat 2. 2. quæst. 81. artic. 7. ostendens, cultum Dei exteriorem esse Deo exhibendum, primo quia mens humana facilius per sensibilia quædam signa elevatur ad spirituales actus, quibus Deo conjungitur. Secundo quia exhibentes Deo non solum spirituales, & internos actus, sed etiam corporalia, & externa obsequia, enim scilicet animæ simul, & corporis auctorem, dominum, principium, & finem (a).

13. Obj. 1. Joann. IV. 23. Christus nos docuit, Deum

gens: alteram ex Laëtantio, qui L. IV. *Divin. Inst.* cap. 27. vult, religionem dicam esse a religenda, quia est quasi vinculum pietatis, nos Deo obstringens, & cum Deo colligans. Hanc religionis etymologiam probat etiam S. Aug. De religione. c. 33. (T. I.) nos exhortans, ut ad unum Deum tendentes, & ei uni religentes animas nostras, unde religio dicta creditur, omni superstitione careamus. Tertiam addit Angelicus hujus nominis explicationem, quod religio Deum religere profiteamur, quem amiseramus negligentes,

ut S. August. dicit Lib. X. de Civ. Dei cap. 4. T. VII. Alii placet religionem dicam esse a diligentia, quia in Dei cultu nos adhibere oportet. Religens enim, & diligens non solum cognata sunt, sed prius vocabulum diligentiam exprimit majorem.

(a) Dignum est, qui legatur ipse S. Thomas tum art. laud., tum etiam Lib. III. Contra Gen. c. 119. ubi inter cetera hæc habet: Quia conaturalis est homini, ut per sensus cognitionem accipiat, & difficillimum est sensibilia transcendere, provi sum est dignitas homini,



Deum adorandum esse in spiritu, & veritate: non ergo signis corporeis, & sensibilibus: quæ cultum externum constituunt. Hinc illa Sancti Augustini vox: *Deus non colitur, nisi charitate, quæ in actu interiore consistit.* (Epistol. CLXXVII. alias XXIX. capit. 3. Tom. II. Opp.)

14. Respondet Sancti Thomas, hæc Christi verba esse intelligenda, quantum ad id, quod est principale, & per se intentum in cultu divino, nempe de interna animi devotione, & pietate, sine qua Deum vere non adoramus. Id patet ex ejusdem Christi Domini scopis: explodit enim quorundam Judæorum errorem, qui totum Dei cultum in externa legis impletione reponebant. Observat iterum Angelicus quæst. 84. articul. 2. ad 1. etiam adorationem corporalem in spiritu fieri, in quantum ex spirituali devotione procedit, & ad eam ordinatur.

15. Ceterum Christus ipso exemplo suo nos docuit, cultum externorem exhibendum esse Deo; dum legem adimplevit, jejuniis servavit, ac deum seipsum Patri hostiam obtulit in ara Crucis. Nobis etiam cultum externum præcepit, dum Sacramenta instituit, aliaque novæ legis mandata reliquit.

16. Eodem sensu explicantur verba Sancti Augustini, *Deum non coli; nisi charitate*, quia sine charitate nihil nobis prodest ad æternam vitam exterior Dei cultus: charitas enim est principium meriti. Quanti autem fecerit S. Augustinus cultum externum, liquet ex solo ejus libro de vera religione, ubi sacros, & legitimos ritus colendi Deum a superstitionis cæremoniis caute, & accuratè secerit.

17. Obj. 2. Minutius Felix in Dialogo, qui inscribitur *Oglavus* cap. 52, non aliam Dei cultum externum probat, quam qui in lege naturali servanda situs est. Qui, inquit, innocentiam colit, Deo supplicat; qui justitiam, Deo libat; qui fraudibus abstinet, propitiat Deum; qui hominem periculo surripit, optimam victimam cædit. Hæc nostra sacrificia; hæc Dei sacra sunt: sic apud nos religiosior est ille, qui justior.

18. Non absimiliter loquitur Lactantius initio

libri VI. *Divin. Instit.* inquit: nihil sancta, & singularis illa Majestas aliud ab homine desiderat, quam solam innocentiam; quam si quis obtulerit Deo, satis pie, satis religiose litavit. Et adhuc clarius c. 24. *Quisquis omnibus præceptis cælestibus obtemperaverit, hic cultor est veri Dei* (vel ut antiquissimi codices habent) *hic cultor est veri Dei, cujus sacrificia sunt mansuetulo animi, & vita innocens, & alius boni.* Eademque repetit in *Epitome div. institut.* c. 53.

19. Resp. Hæc, & similia veterum dicta non eo fuisse directa, ut a Christiana religione piæ cæremonias, sacrificia, aliaque cultus exterioris opera eliminarent. Quis enim dubitat, eos una cum ceteris Christianis hæc omnia sancte, & devote exercuisse? Sed tantum ut vana, & impia Gentilium superstitiones redarguerent. Id nobis satis indicat Minutius scopus; respondebat enim Cæcilio gentili objicienti, nulla veteribus Christianis fuisse templa, & nullas aras, sen nullum fuisse publicum religionis cultum, quia tunc Christiani persecutionibus sævientiibus sua sacra occultare cogebantur.

20. Adhuc manifestius patet mens Lactantii: nam in eodem loco nobis objecto (ex cap. 1. Lib. VI. *divin. Instit.*) totus est, ut idololatrarum amentiam redarguat, qui cum essent omnibus flagitiis, ac scelibus coinquinati, religiosos se putabant, si templum, & aras hostiarum sanguine cruentarent &c. quasi Deus victimis indigeret. Deinde postquam multa in toto illo libro contra profanos Ethnicorum cultus disseruisset, ita cap. ult. concludit: duo sunt, quæ (Deo) offerri debeant, donum, & sacrificium... Donum est integritas animi; sacrificium laus, & hymnus.

21. Longum autem esset, omnia loca colligere, in quibus Lactantius exterioris ritus commemorat, quibus Ecclesia Deum colere consueverat. Lib. IV. *Divin. Instit.* cap. postremo solam esse Catholicam Ecclesiam dicit, quæ verum cultum retinet. Et postea subdit, illam esse veram, in qua est confessio, & pœnitentia, quæ peccata,

ut etiam in sensibilibus rebus divinarum ei commemoratio fieret, ut per hoc hominis intentio magis revocaretur ad divina. . . . & propter hoc instituta sunt sensibilia sacrificia, quæ homo Deo offert, non propter hoc, quod Deus iis indiget, sed ut representetur homini, quod seipsum, & omnia sua debet referre in ipsum sicut in finem, & sicut in creatorem, & gubernatorem, & dominum universorum. Adhibentur etiam homini quedam sanctificationes per quasdam res sensibiles, quibus homo lavatur, aut ungitur, aut pascitur, ut potat cum sensibilibus verborum prolatione; ut homini representetur, per sensibilia intelligibilium donorum processum in ipso ab extrinseco fieri a Deo, cujus nomen sensibilibus vocibus exprimitur. Exercentur etiam ab hominibus quedam sensibilia opera, in quibus Deum excipient, sed quibus seipsos provocent in

divina, sicut prostrationes, genuflexiones, vocales clamores, &c. cantus; quæ non sunt; quasi Deus his indigeat, qui omnia novit, & cujus voluntas est immutabilis, & æquæ mentis, & etiam motum corporis non propter se acceptat, sed propter nos facinus; ut per hæc sensibilia opera intentio nostra dirigatur in Deum, & affectio accendatur. Simul etiam per hoc Deum propter animæ & corporis auctorem, cui & spiritualia, & corporalia obsequia exhibemus. Plura alia addit ostendens, quanta sit in cultu Dei externo nostra utilitas. Hinc etiam Synodus Tridentina Sess. XXII. cap. 5. cum natura hominum, inquit, ea sit, ut non facile queat sine ordinis exterioribus ad rerum divinarum meditationem sustolli, propterea pia mater Ecclesia ritus quosdam instituit &c.

et vulnera, quibus subiectus est imbecillitas carnis, salubriter curat (a).

22. Obj. 5. Deus seipso plenissime beatus nostris non indiget oblationibus, & sacrificiis. Præterea cum infinite a nobis distet, ut nulla sit, aut esse possit nos inter & ipsum proportio, non apparet, quomodo debeat, aut possit dona nostra curare. Tertio potius nostro cultui videatur Deo injuriam irrogare, eum quasi hominibus æquari, quibus eadem obsequii signa exhibere solemus.

23. Resp. ad 1. Si hæc argumentatio aliquid valeret, id valeret etiam, ut omnis cultus interior tolleretur, ejus certe non magis indiget Deus, quam exterior. Verum, ut bene advertit S. Thomas 2. 2. qu. 81. art. 6. ad 2. *Deo non exhibetur aliquid, propter ejus utilitatem, sed propter ejus gloriam, nostram autem utilitatem.* Item art. 7. *Deo, inquit, reverentiam, & honorem exhibemus, non propter seipsum, quia seipso est gloria plenus, cui nihil a creatura adijci potest, sed propter nos; quia videlicet per hoc quod Deum reveremur, & honoramus, mens nostra ei subijcitur & in hoc ejus perfectio consistit.* Et ante Angelicum S. Augustinus (Qu. 5. ad Paganos in epist. Cl. alias XLIX. Tom. II. num. 17.) nobis, ait, *prodest colere Deum, non ipsi Deo.* Et hæc doctrina spectat generaliter ad quemcumque cultum.

24. Sed quantum attinet ad cultum exteriorem idem Angelicus art. 7. ad 2. observat, *exteriora non exhiberi Deo, quasi his indigant, sed tantum signa interiorum, & spiritualium operum, quæ per se Deum acceptat: unde Augustinus dicit (Lib. X. de Civitat. Dei cap. 5. Tom. VII.): sacrificium visibite invisibilis sacrificii Sacramentum, idest sacrum signum, est.*

25. Falsum est autem, quod secundo loco objiciebatur, nullam esse Deum inter & nos proportionem, nullum commercium; ut proinde non debeat Deus, nec possit nostrum cultum curare. Si enim credimus, ut evidentissimis rationibus credere cogimus, nos esse a Deo creatos; illud etiam credere debemus, quod sponte consequitur, nos esse creatos propter ipsius Dei gloriam, Deus enim omnia propter seipsum operatur. Deus ergo, ut a nobis infinite distans, exigere potest, & re ipsa exigit debitum cultum, & obsequium, quo

profiteamur, nos omnia ab illo accepisse, qui nos a nihilo sua bonitate extraxit; eumque esse Patrem, ac Dominum nostrum, cui amorem, obedientiam, omnemque cultum præstare tenemur. *Si Pater ego sum, ubi est honor meus? Et si Dominus ego sum, ubi est timor meus?* Malach. 1. 6.

26. Absit autem, ut cultu nostro profiteamur, aut suspicemur, Deum rerum nostrarum indigere, cum potius ei munera offerendo palam faciamus, omnia nos a Deo accepisse, & omnia ipsius esse. *Quid retribuam Domino pro omnibus, quæ retribuit mihi?* Psalmo CXV.

27. Alia demum ratione, & prorsus diversa homines honoramus, ac Deum, & hæc diversitas apparet tum in ipso cultu, tum maxime in modo. Cultus diversus est; sunt enim quedam, quæ non nisi Deo offeruntur, ut adoratio, & sacrificia (b). Multo autem magis diversus est modus, quo homines colimus, ac Deum; neque enim credimus, homines esse nostros creatores, nostrum principium, aut ultimum finem, qualem credimus esse Deum.

28. Atque hic castigandus est impius liber (cui titulus: *De la religion essentielle à l'homme*), qui communiem illum loquendi modum improbat, quo homines pii multa facere dicuntur *ad majorem Dei gloriam*, cum tamen, inquit ille, Dei gloriæ, utpote infinite, nihil addi possit.

29. Sed bonus ille ignorare non debuisset sermonem hic non esse de gloria Dei essentiali, quam certe nemo potest Deo tribuere, vel augere, sicut nec auferre: sed de gloria accidentalī, quæ in eo sita est, ut Deus ab hominibus cognoscat, ametur, colatur, prout oportet; & quam tenetur unusquisque pro virili sua promovere, & augere, non solum in seipso, sed etiam in aliis.

### CAPUT III.

*Ostenditur potuisse Deum hominibus religionem revelare (c).*

30. Divina revelatio nihil est aliud, quam manifestatio a Deo facta quarumlibet veritatum, quibus proinde propter divinam auctoritatem tenemur firmissimum assensum præstare. Hæc re-

(a) LaSantins etiam probavit *εὐχαριστία* (dignifica crucis adorationem) his verbis.

*Fleite genus, lignumque Crucis venerabile adori. Flebitis; innocuo terrarum errore madentes Ore potens humili lacrymis suffundo subortis.*

Tom. II. Opp. edit. Paris. in. 4. ann. 1748. p. 274. tum etiam in Tom. IV. Biblioth. SS. PP. novæ edit. Venetæ. Nam ignoro a nobilissimis Criticis Tilletionio, Dupinio, Ceillier, Caveo, aliis hunc hymnum LaSantio adjudicari; sed pro ejus *αὐθεντία* pugnat eruditissimus Alexius Symmachus Mazzochius in Com-

ment. ad Kalend. Neapolit. Tom. III. pag. 806. Ceterum Card. Jo. Maria Brassichella Ord. Prædic. inter alios non paucos, nec leves LaSantii novos hunc etiam notavit, quod non satis accurate de externo Dei cultu locutus fuerit; quamvis ejus verba ad sanum sensum revocari possint. Vid. Tom. I. Opp. LaSantii laud. edit. Paris. cxxxviii.

(b) Synodus Trident. Sess. XXII. cap. 3. omnes fideles scire voluit, sacrificium Missæ soli Deo offerri, quamvis interdum etiam in honorem, & memoriam Sanctorum celebretur.

(c) Pugnamus modo contra illud incredulorum genus,

revelatio dicitur *immediata*, quando agitur de iis, quibus Deus ipse locutus est; *mediata* vero est, quae per auctores *divinos a Deo inspiratos* aliis communicatur. Sic prophetæ, aliiq[ue] scriptores sacri revelationem *immediatam* habuerunt, nos autem *non nisi mediatam*.

31. Posse autem Deum quasdam veritates hominibus modo extraordinario per internam inspirationem patefacere, tam est per se apertum, ut nec probatione indigere videatur. Nulla enim in hoc est repugnantiâ, neque ex parte Dei revelantis, neque ex parte hominum, quibus fit revelatio; attento præcipue intuitu illo commercio, quod *scientibus* ipsis Naturalistis, Deum inter & homines esse debet. Concedunt quippe Naturalistæ, Deum rerum omnium principium, & finem, provisorum item beneficentissimum esse a nobis sancte, & religiose coleendum, quamquam non alium cultum admittant, quam quem ratio naturalis nobis dicat. Sed cur Deus non poterit etiam nobis sua benignitate manifestare quasdam alia, quæ ad pleniorum, perfectiorumque ejus notitiam spectant, & quibus vult a nobis in hac vita coli, & honorari?

32. Perperam vero obijciunt Naturalistæ, modum percipi non posse, quo Deus has veritates hominibus manifestat. Perperam, inquam; nam primo quamvis id verum foret, non propterea negandum esset, revelationem esse possibilem; quod enim, & quanta a Deo in naturali ordine fieri videmus; quorum modus, origo, & progressus omnino nos latent? Deinde perquam facillime intelligitur, Deum vel per somnia, vel per visiones, vel per internam mentis illustrationem, atque inspirationem hominibus, quæcumque vult, manifestare: quomodo in veteri, novæque fœdere factum fuisse suis locis demonstrabimus.

33. Difficultas, quam potissimum urgere solent adversarii, ducitur ab incertitudine, cui obnoxia est revelatio. Nam primo non intelligitur, quomodo illi ipsi, quibus *immediate* facta dicitur revelatio, possint esse ita de ea certi, ut nullus sit

deceptionis locus; præsertim cum omni tempore plurimi fuerint in hujusmodi internis inspirationibus turpiter illusi. Deinde difficilis adhuc est aliis, ad quos *mediate* tantum divina revelatio descendit, veram revelationem ab impostorum fraudibus secernere; nam innumeris plausu homines, imo integros, & numerosissimos populos ita deceptos invenimus. Tertio deprimi agetur difficultas, & deceptionis periculum, quando hæc revelatio non nisi post longam plurimum sæculorum traditionem ad nos pervenire potest. Jam vero si hæc omnia incerta manent, non videtur potuisse Deum hoc medio uti ad homines in religione instruendos.

34. Hæc tamen omnia in funum abeunt, quando recordamur, Deum esse sapientissimum, & potentissimum, cui mille suppetunt modi, homines interius illustrandi; ut quæcumque ille voluerit veritates, apprime, & certissime, cognoscant. Et quamquam permittat pro altitudine consiliorum suorum aliquos hac in re decipi, non propterea sequitur, permittit eum, ut decipiantur omnes. Sic in veritatibus ordinis naturalis ex quo multi errent, nemo, nisi scepticus, colligit, omnes errare, aut saltem errare posse, ut nihil sit unde quaque certum, & tutum.

35. Idem dicatur de iis, ad quos non nisi *mediate*, aut per traditionem revelatio pervenit; neque ad divinam providentiam pertinere, ut certæ sint notæ, quibus homines prudentes, suæque salutis solliciti possint fraudes impostorum detegere, & veritates, verasque traditiones a fallacibus secernere. Sane potuit Deus hominibus media suppeditare, quibus multas, ac reconditas veritates detegerent, aliisque communicarent, atque ad posterum etiam longissima traditione transmittent; & quidem sine ullo erroris periculo. Ecce id ipsum non poterit sapientissimus Deus in religionis negotio, quod omnium gravissimum est, hominibusque super omnia necessarium? Inferius autem docebitur, quibus potissimum mediis ad hæc omnia obtinenda uti soleat Deus.

36. Dices. Hujusmodi media, quæcumque ea sint,

qui Naturalistæ nuncupantur, quia sola religione naturali contentos nos esse volunt; revelationem autem supernam prorsus expellunt; velut noxiam, vel saltem ut supervacaneam. Nonnumquam etiam eam inter *divina* impossibilitatem reponunt. Hæc incredulorum classis nostro ævo latissime grassatur; ut proinde sit maxime necessaria, hanc materiam accuratè, copioseque pertractare. Inter primos eorum antesignanos recensetur Eduardus Baro Herbertus de Chelbury Anglicus (mortuus ann. 1648.), qui tum in libro *De religione gentium, errorumque apud eos causis*; tum alioque operibus in alio *De veritate*, prout distinguitur a revelatione &c. ad salutem sufficere contendit ea credere, & observare, quæ ratio humana de Deo, ejusque cultu nobis proponit. De hoc Naturalistarum corifæcho agit Christ. Bartholus *De tribus impostoribus magnis* Sc. I. Vestigia Herberti præservat in Anglia Ant. Collinsius in Libro *De libertate cogitanti*,

& ratiocinandi in rebus maximi momenti. O. Joan. Tolandus in *Christianismo mysteriorum experto*, Tindalius in *Christianismo tam antiquo, quam mundus est*, aliiq[ue]. Neque hæc pestis in Anglia sese continuit; sed alibi etiam diffusa non paucos infecti, quorum nomina, variosque errores usque ad ætatem suam studiosè collegit Adam Tribbechovius in *Historia Naturalismi a prima sui origine ad nostra usque tempora per suas classes deducta*; quam Joannes ejus filius edidit Jenæ 1700. in 4. Tribbechovius tamen merito accusatur, quod Naturalistarum numerum augere studens plurimis hæc notam immerito inasserit. Naturalistæ non solum Christianæ & Judaicæ religioni, sed etiam sædis Mahumedanæ, ethnicæ, aliisque opponuntur. Etenim istæ etiam sæcæ, sunt superstitiones, ælicni revelationi, licet falsæ, superstruæ sunt. Adeo omnibus commune est hoc principium; quodvis Deum, imo & voluisse hominibus religionem revelare.

sint, non aliam inducere poterunt certitudinem, quam moralem. Hæc autem ad finem gignendum non sufficit, quæ omnem excludere debet formidinem.

37. Resp. Certitudinem moralem tantam aliquando esse, ut omnem prorsus excludat formidinem. Id experimur in factis humanis, tam præsentibus, quam præteritis, quorum aliqua adeo certa sunt, ut de iis, etiamsi velimus, dubitare nullatenus possimus. Nec tamen in factis alia datur certitudo, quam moralis. Quis autem fingat, Deum non posse in revelatione religionis eandem, imo & majorem certitudinem suppeditare, sive iis, quibus revelatio in prima origine facta est; sive aliis, ad quos eadem revelatio transmittitur? Haberi reipsa in revelatis veritatibus hæc summam certitudinem, quæ omnem excludat formidinem, juvenis argumentis ostendetur inferius.

#### CAPUT IV.

*Demonstratur divinæ revelationis necessitas ad perfectam legis naturalis cognitionem; vel, ut alii loquuntur, ad cognitionem religionis naturalis (vid. supr. num. 6.).*

38. Non solum hic repugnantes *Naturalistas*, qui omnem revelationem explorare conantur, sed etiam aliquos juris naturalis tractatores, qui tametsi agnoscant necessitatem religionis supernaturalis, quæ nonnisi divina revelatione innotescere potest, contendunt tamen, naturam hominis satis seipsa esse instructam, ut omnia cum erga Deum, tum erga homines officia, quæ a lege naturali dependent, possint a quolibet non obtuso inertique homine perfecte cognosci, quin ulla sit revelationis necessitas.

39. Porro non hic agitur de rationis lumine interno, & sano, quale fuit a Deo homini innocenti in prima ejus creatione inditum; sed eo lumine infirmo, & debili, quod post peccatum in nobis reliquum est; sed de eo; quod in nobis nunc esse, experientia ipsa nos docet (ne scilicet inodo cum adversariis liitem de peccato originali moveamus). Ostendemus autem, tot, tantaque esse ad omnia, quæ Deo, nobis, aliisque debemus, officia prole cognoscenda in homine impedita, ut saltem moraliter impossibile sit sine superna Dei revelatione omnia juris naturæ præcepta (seu totam religionem naturalem) absque ullo erroris periculo pene cognoscere.

40. Id autem probat Sanct. Thomas (I. P.

Quæst. 1. art. 1. tum 2. 2. quæst. 2. art. 4. ad Lib. I. contra Gent. cap. 4.) triplici ex capite. Primo quia nonnisi paucissimi ope humanæ rationis possent ad omnium naturæ præceptorum cognitionem pervenire. Martini enim sunt ingenio hebetes, ac prope nullo; quidam impediuntur necessitate rei familiaris, ut milites, mercatores, opifices, aliique innumeri vitæ negotiis, curisque distenti. Denique ex iis ipsis, qui & ingenio valent, & otio fruuntur, non pauci studiorum difficultate repelluntur; quibus, aliisque de causis id contingit; quod experientia ipsa nos docet, nonnisi paucissimos propria industria ad cognitionem eorum pervenire, quæ tamen omnes plus, vel minus scire, ac facere tenentur. Necessaria est igitur alia via facilior, quam omnibus perviam Deus non minus misericors, quam sapientissimus esse voluit, nempe superna revelatio, beneficio cujus omnes facile possunt de necessariis vitæ humanæ præceptis imbui (a).

41. Præterea, ut Sanct. Doctor pergit exponere, vel si ipsi, qui ingenio valent, & omnibus ad scientias comparandas præsidii instructi sunt, nonnisi longo temporis spatio, multisque laboribus, ac vigiliis eo pervenire possunt, ut omnia legis naturalis præcepta cognoscant. Hinc Lactantius (Libro III. *Divin. Instit.* cap. 14.) Philosophiam inagistrum vitæ esse negabat, cum ipsi Doctores ante fuerint senectute confecti, quam constituerint, quomodo ipsi debeat. Contra vero revelationis ope vel ipsi pueri statim ac rationis usum attingunt, de omnibus facillime edocentur. Necessaria est igitur revelatio &c.

42. Neque vero distans hisce rationibus aliqua reponat, posse etiam pueros, & rudes ex sapientum laboribus proficere, atque ab iis sine revelatione naturalia societatis officia addiscere.

43. Non inquam: etenim nulla est tanta hominum auctoritas, quæ alios sine examine de hisce rebus maximi momenti certos reddere queat; Philosophi enim quantumvis sapientis assertio non pluris fieri debet, aut solet, quam ratio ab ipso alata. Quamobrem Lactantius (Lib. III. *Divin. Instit.* cap. 37.) concedens, permulta fuisse a Philosophis recte præcepta, negat tamen, eos posse nostros esse magistros, quia, inquit, nihil ponderis habent illa præcepta, quia sunt humana, & auctoritas majori, idest divina illa caret; ac ita concludit: nemo igitur credit, quia tam se hominem putat esse, qui audit, quam est ille, qui præcipit.

44. Ulterius cum Philosophi ipsi de pluribus, ac

(a) Simili argumento utebatur Origenes L. I. contra Celsum n. 9. Tom. I. ut Celsus responderet obijcienti, apud Christianos illud obtinere, noli inquirere, credo potius, & fides te servabit. Inquiela autem, si fieri possit, ut homines, relicti hujus vitæ negotiis, in solam philosophiam incumberent, nulla sane via esset potior... Si autem id ab hominibus impetrari nequit, siro pro-

pter hujus vitæ necessitates, sive propter eorum infirmitatem, quæ in causa sunt, cur perpauci hæc se studio dedant; sequæ ratio majori hominum parti subvieniendi excogitari poterit ea commodior, quam Jesus gentibus tradidit: ut scilicet divinæ revelationi nos committamus.



ac fere de omnibus inter se digladiantur, anceps quilibet merito esset, cuiam potius adhaereret; nec nisi rationibus hinc, & inde serio, diligenterque perpenis (quod, ut dixi, maxima pars hominum facere non potest) prudenter eorum præceptis acquiesceret.

45. Hinc omnes fere Legumlatores, Mino, Lycærgus, Zalencus, Numa, Zoroaster, Pythagoras, alii, ut suis legibus auctoritatem apud populos conciliarent, falsas Deorum revelationes confingere solebant. Adeo perspectum omnibus plane erat, solam revelationem esse posse humanæ vitæ magistratam, quia sola nos certos reddere potest.

46. Probat demum Angelicus, revelatione opus esse, quia solo rationis lumine vix, ac ne vix quidem omnes vitari possunt errores. Testes hac in re sunt ipsi, qui inter entiores maxima sapientie laude florere; qui tamen revelationis lumine destituti in multis, turpissimosque errores infelicitè lapsi sunt. Paucos commemorabo specimen loco.

Stoicorum nobilissima secta ad æternitatem commendabat, quasi viri fortis esset, ut aiebat Cicero (Lib. I. *Tuscul. quæst.* cap. 30.) in summis malis ex mundo, velut ex theatro exire. Cato cum multis aliis fornicationem, veluti remedium ad vitanda adulteria, permitti voluit (vid. Cicero Orat. pro Cælio, Horatius, Lib. I. Sat. 2. & Terentius passim). Plato in bacchanalibus ebrietatem (Lib. VI. de *legibus*), fœminarum communitatem, crudelēque liberorum expositionem probavit (a); quem errorem adoptavit etiam Aristoteles (Lib. VII. *Polit.* cap. 16.). De Aristippi autem, & Cynicorum impura doctrina dicere pudet. Cicero mendacium, quin & perjurium aliquando excusandum putat; imo & illud scite dictum ab Enripide censet: *iuravi lingua, mentem injuriam gero* (Lib. III. *De offic.* c. 29.); quam impiam sententiam pluribus aliis Philosophis arrisisse ostendit Card. Ursinus (*dell' uso materiale delle parole*, cap. 1. & seq.) Vindictam ut maxime honorificam, & laudabilem omnes fere prædicant (V. Cicero Lib. III. *De offic.* c. 12.) qua tamen nihil esse potest reipublicæ periculosius. Omnes prorsus, ne plura persequar, laudem, & gloriam, tanquam nobilissimum ad virtutem stimulum, superbe proponebant; unde illud apud Ciceronem (Lib. I. *Tuscul. quæst.* cap. 12.); *bonas alit artes, omnes incendantur ad studia gloriæ*. Et teste S. August. (Lib. V. de *Civit. Dei* c. 13. Tom. VII.) *Romani huic vitio non*

*solum non resistebant, verum etiam id excitandum, & accendendum esse censebant, putantes hoc utile esse reipublicæ. Et concludere possumus cum Varrone (In Fragmentis), nemo agrotus quidquam somnari tam infandum, quod non aliquis dicat philosophus.*

49. Jam vero post brevem hanc errorum recensionem ita colligo, Si revelatione seposita, solo lumine naturali certa, omnibusque numeris absoluta recti, honestique regula haberi posset, eam sine dubio ii assensu fuissent philosophi, qui maximo ingenio præditi omnem operam, atque industriam ad id contulerunt. Si igitur tot sæculorum experientia ostendit, neminem eorum sola natura duce ad tantam felicitatem pervenisse, sperandum profecto non est, id quampiam alium consequi posse, nisi acuto ingenio, ac perseveranti industria, etiam diviniæ revelationis fax adjugetur (b).

49. Quod si de veritatibus theoreticis intimius cum religione conjunctis loquamur, quanta olim in caligine veteres philosophi versabantur! Quis eorum primam rerum creationem, verinque hominum originem perspectam habuit? Peripatetici mundum ab æterno exitisse putabant. Epicurei eum ex atomis sortito coaluisse somniabant. Duo esse suavia rerum omnium principia, bonum unum; alterum malum, non solum Manichei, sed permulti ante eos philosophi effutierunt; quo nihil esse potest absurdum. Alii fortunæ cæcæ, & incostante omnia tribuebant; & alii contra fato ineluctabili cuncta regi arbitrabantur, ut omnis tolleretur libertas, qua sub lata omnem religionem tolli necesse est. De animi autem immortalitate nonnulli etiam eorum, qui sapientissimum habebantur, aut prave omnino sentiebant, aut saltem vehementer dubitabant (Vid. S. August. Lib. XVIII. de *Civit. Dei* cap. 41. Cicero Lib. I. *Tuscul. quæst.* cap. 11. & Seneca epist. 120.). Socrates, cujus probitatem tantopere philosophi celebrant, cum jam moriendi tempus instaret, *tempus est*, inquit (apud Ciceronem Lib. I. *Tuscul. quæst.* cap. 41.) *jam hinc abire me, ut moriar, vos ut vitam agatis, utrum autem sit melius, Dū immortales sciunt, hominem quidem scire acrior neminem*. Pausis dicam: tanta erant olim in philosophiam, invec̃ta monstrorum opinioum portenta, ut recte S. Aug. (Lib. XVIII. *Civ. Dei* cap. 41.) veterum philosophorum scholas Babyloicæ confusioni comparaverit. Tullius autem (Lib. II. de *Divinit.*) nescio, inquebat, quomo-

(a) In Libro Quinto De Republica paullo post initium. Imo ista omnium inmanissima consuetudo fuit pluribus nationibus, etiam cultis, communis, ut quisque discere potest ex Eliano Varior. *Histor.* Libro II. cap. 7.; ex Tertulliano in *Apologetico* cap. 9.; ex Sancto Justino in secunda *Apologia*, et Lactantio Lib. VI. *Divin. Institut.* cap. 20. Consili potest Gerardus Noodt in opere *Julius Paulus, si se de partu expor-*

*tione, & nece apud Veteres*. Lugduni Batav. 1762. in 4.

(b) Jure igitur, meritoque fuit olim a duabus celeberrimis Academicis, Parisina, & Lovaniensi hæc propositio damnata: *Licet ex solo rationis lumine judicare, quando quis privatus possit pro tuenda vita, vel bonis, vel honore aliquem occidere*. Apud Nat. Alexandrum *Theol. Dogmatic.* Tom. III. c. 4. reg. 16. Sed id obiter.



molo nihil tam absurde dici potest, quod non dicatur ab aliquo philosophorum (a).

50. Neque satis est respondere, huiusmodi errores ex perverso naturalis luminis abusu ortos esse, similesque aberrationes etiam in iis inveniri, qui revelationis lumine abutuntur.

51. Lubeus enim concedo, ex naturæ luminis abusu philosophos in absurdas adeo opiniones fuisse delapsos. Sed cum nemo unius eorum inveniat, ut a maximis erroribus immunis, recte concluditur, tantam esse hominis infirmitatem, ut siue divinas revelationis ope moraliter saltem nequeat ab hoc præcepto cavere, ut rationis lumine non male abutatur.

52. Quod vero additum est, facile diluitur. Vel enim agitur de veritatibus perspicue revelatis, & de his nulla est controversia, saltem apud eos, qui Ecclesiam divinæ revelationis custodem, & interpretem audire non recusant. Vel agitur de theologicis opinionibus: & si soli erant, qui a veritatis oculis recedentes rationis propriæ luminis plus nimis indulgent.

53. Obj. primo.. S. Paulus *Roman. I. 21.* Gentiles redarguit, quod cum cognovissent Deum, non sicut Deum glorificaverunt, sed evanuerunt in cogitationibus suis; omni vitiorum genere legem in cordibus eorum insculptam obsecrantes; unde etiam eos inexcusabiles dicit: censet ergo, eos sola natura admonente omnia erga Deum, & homines officia cognovisse, vel saltem cognoscere potuisse; alias fuissent ignorantia invincibili excusati.

54. Resp. Apostolum loqui de quibusdam primariis, & notissimis juris naturalis principiis, quæ ita lucent per se, ut a nemine possint inculpate ignorari; cuiusmodi præcipue est unitas Dei, ejus gloria, & veritate; Gentiles mutaverunt in similitudinem imaginis corruptibilis hominis, & volucrum, & quadrupedum, & serpentium... & servierunt creaturæ potius, quam creatori. Quod vel ii philosophi fecerunt, qui Dei unitatem compertam habuerunt, ut Plato, qui nihilominus Diis, Dæmonibusque sacrificandum esse præcipiebat (in Lib. de republ.), & Socrates, qui galum Esculapio immolari jussit; & Seneca, de quo præclare ita S. Augustinus (Lib. VI. de Civ. Dei c. 10.): iste, qui illustris populi Romani senator erat, colebat, quod reprehendebat; agebat, quod arguebat, quod culpabat, adorabat, &c. scilicet propter populi metum. Hos, & id genus alios merito inexcusabiles dicebat Apostolus.

(a) De erroribus veterum philosophorum, præter ea pauca, quæ a nobis delibata sunt, legi possunt Lactantius Lib. III. *Divin. Instit.* ubi disserit de falsa sapientia. Ensebius L. XV. *Præparationis Evang.* ubi eos in omni pene questione errasse ostendit. Hermias philosophus Christianus in suo opere imperfecto, quod vocavit *irrisuonem philosophorum* (Basilee 1553. græco-lat.), & Sancti Augustinus in eruditissimis libris de

55. Inst. S. Paulus *ibid.* Cap. II. 14. & 15. subdit: Gentēs, quæ legem non habent, naturaliter ea, quæ legis sunt, faciunt... ostendunt quod legis scriptum in cordibus suis: non igitur necessaria est revelatio, quæ Gentēs creabant, ad cognitionem legis.

56. Resp. Hæc verba intelligenda esse cum pluribus Sanctis Patribus de Gentilibus verum Deum colentibus, quæ legem naturalem non habebant litteris exaratam, quemadmodum eam habebant Judæi; habebant tamen eam scriptam in cordibus suis. Huiusmodi fuerunt Melchisedech, Job, Niniivæ, alique antiquam Patriarcharum religionem servantes, scriptam in cordibus eorum. Addi etiam possunt novi Christiani, quibus undum scripta erat lex evangelica, sed solum verbo tradita, & per gratiam in cordibus insculpta. Vel si cum aliis Sanctis Patribus, & interpretibus Apostolus loqui dicatur de Gentilibus non conversis, intelligi ejus verba debent non de integra totius legis adimplentione, sed de præceptis notioribus, & facillioribus, quæ Gentiles sine revelatione, & gratia noscere poterant, atque etiam adimplere, quantum ad substantiam, non tamen quantum ad modum, & salutariter, ut in Tract. de Gratia explicari uberius solet. Ceterum Gentiles in summa legis ignorantia versatos fuisse, tradit idem Apostolus *Ephes. IV. 17.* ita fideles exhortans, ut jam non ambuletis, sicut & Gentēs ambulantes in vanitate sensus sui, tenebris obscuratum habentes intellectum, alienati a vita Dei, per ignorantiam, quæ est in illis; propter cæcitatem cordis ipsorum. Vid. Estius Comment. in laud. locum epist. ad Romanos.

57. Obj. 2. Lactantius Lib. VII. *Divin. Instit.* cap. 7. Si extitisset aliquis, inquit, qui veritatem sparsam per singulos, per sæcletas diffusam colligeret in unum, ac redigeret in corpus, is profecto non dissentiret a nobis. Et infra loquens de veteribus Philosophis, particulatim, inquit, veritas ab his tota comprehensa est. Pro certo itaque habet Lactantius, nullam veritatem ad hominum mores pertinentem fuisse veteribus Philosophis: revelatione carentibus ignorantem. Hinc illud etiam Tertulliani effatum in *Apologetico* cap. 17. animam esse naturaliter Christianam.

58. Resp. Lactantium loqui de aliquibus tantum & præcipuis religionis capitulis, quæ ibidem recenset (b); & insuper loqui de hypothesi, quam impossibilem seclulo revelationis lumine ipse

*Civitate Dei* (Tom. VII.) Ex recentioribus consulti possunt Pat. Balus *Parallèle de la Philosophie Chrétienne avec celle des Payens*, Bossuet *Discours sur l'Histoire univ. P. II. ch. 16.*, Jon. Ger. Vossius in *Theologia Gentilium*, Jac. Leland, dans la nouvelle *Démonstration évangélique* Tom. III. & omnes fere religionis revelatæ apologistæ.

(b) Ita enim se explicat: *Fatum esse mundum a Deo,*

reputat; unde statim: *Hoc nemo facere, nisi jam veri peritus, & sciens poterat; verum dum nonnisi ejus scire est, qui sit doctus a Deo.*

59. Non inficiamus quidem, plura fuisse ab antiquis Græciorum, & Latini sapientibus tradita, divinæ revelationi omnino consona. Sed duo sunt observanda; primo eos non fuisse omni prorsus revelationis lumine destitutos. Cum enim hæc ab Adam primum, deinde a Noe in omnes gentes dimanaverit, potuerunt aliqua ejus vestigia etiam in Gentilibus conservari. Multa etiam debuerunt homines sciendi cupidi ab Hæbreorum libris, & colloquiis haurire. Præterea oblivisci non debemus, quod fuit supra variis exemplis demonstratum, eas ipsas veritates, quas Gentiles non ignorabant, fuisse semper a multis erroribus contaminatas, atque obscuratas.

60. Illud autem Tertulliani dictum pertinet ad Dei unitatem, quam ibidem contra Polytheistas eo argumento evincit, quod in subitis motibus, & sine ulla consideratione vel ipsi Gentiles Deum in singulari numero nominare solerent: *Deus magnus, Deus bonus, quod Deus dederit &c.* unde Africanus Doctor concludit: *o testimonium animæ naturaliter Christianæ!* Sed quantum ad alia dogmata idem Tertull. in eodem libro cap. 2. dicit: *feri, non nasci solet anima Christiana.*

61. Obj. 3. (a) Lex naturalis omnium cordibus a Deo insculpta est; unde etiam definatur a S. Thoma r. 2. quest. 91. artic. 2. *impressio divini luminis in nobis*: omni ergo remota revelatione a quolibet cognosci potest. Hinc plures Theologi docent, ipsam a nemine invincibiliter ignorari posse.

62. Resp. Lumen naturale, prout olim integrum, perfectumque erat, utique sufficere ad omnia Legis naturalis præcepta cognoscenda. Sed in hoc adversarii falluntur, quod non considerant, hoc lumen vitio primi peccati obtusum esse, valdeque imminutum. Neque hoc solum fides Catholica, quam ipsi respuunt, nos docet, sed etiam ætius sensus, & quotidiana experientia; adeo ut

vel ipsi ethnicici Philosophi aliquid de hac re suspicari fuerint. Unde Cicero (apud Laëtantium Lib. III. Div. Instit. cap. 14.) *mihi autem*, inquit, non modo *ad sapientiam cæli videntur, sed ad ea ipsa, quæ aliqua ex parte cerni videntur, hebetes, & obtusi.*

63. Quantum ad ignorantiam legis naturalis, præ oculis habenda est doctrina S. Thomæ 1. 2. quest. 94. art. 6. ubi observat primo præcepta naturalia quædam esse *primaria*, communissima, & omnibus notæ; alia autem *secundaria*, quæ sunt quasi conclusiones ex primis principiis deductæ. Post autem recte docet, priora illa præcepta nullo modo posse a cordibus hominum deleri in *universalibus*, posse tamen deleri in *particularibus operabili*, propter concupiscentiam, vel aliquam aliam passionem: præcepta autem *secundaria* deleri posse de cordibus hominum, vel propter malas persuasiones, vel etiam propter pravas consuetudines, & habitus corruptos; sicuti apud quosdam peccata non reputabantur latrocinia, vel etiam vitia contra naturam, ut Apostolus dicit *Roman. 1.* Ex hac Angelici doctrina apparet, legis naturalis ignorantiam semper ex aliqua culpa oriri (b).

64. Advertendum est ulterius, posse sine revelatione multa legis naturalis præcepta cognosci, sed subobscurè tantum, & sine omnimoda certitudine; unde semper apparet necessitas supernæ revelationis, ut eandem legem plenè, & sine errore, vel dubitatione cognoscamus. S. Augustinus (in *Libro de spiritu & littera* cap. 38. Tom. X.) concedebat Pelagianis, per peccatum Adæ non omnino deletam esse imaginem primi hominis, dummodo & ipsi non negarent, hanc imaginem non posse perfectè renovari, nisi per gratiam novi testamenti; & concludebat, legem Dei non esse in nobis omnino deletam per injustitiam, sed tamen opus esse, ut renovetur per gratiam. Si igitur homo extrema hæc legis naturæ *lineamenta*, quæ in natura corrupta adhuc superesse S. Augustinus observat, diligenter attendat, facile illi erit luminis alterius superioris necessitatem agnos-

disit sensus.... *Hominem causa mandum, & omnia, que in eo sunt, esse facta, Stoici loquuntur... Ad virtutem capessendam nasci homines, Ariston disseruit... Immortales esse animas Phærides, & Plato disputaverant, ... esse inferos, Zeno Stoicus docuit, & resderioram ab impiis esse discretas... Totum igitur veritatem, & omne divina religionis arcanum (quantum ad hæc suprema capita) Philosophi attigerunt. Ceterum idem Laëtantius Lib. III. cap. 2. mirari se dicebat, nullum omnium Philosophorum existisse, qui sedem, ac domicilium summi boni reperiret.*

(a) Cum Tindalio in opere: *De Christianismo aucti* uentes, que le monde, cap. 6.

(b) Verba S. Doctoris hæc sunt: *Ad legem naturalem pertinet primo quædam præcepta communissima, quæ sunt omnibus notæ; secundario autem quædam secundaria præcepta magis propria, quæ sunt quasi conclusiones propinque principiis. Quantum ergo ad illa principia communia, lex naturalis nullo modo potest a*

*cordibus hominum deleri in universalibus; deletur tamen in particularibus operabili, secundum quod ratio impeditur applicare commune principium ad particulare operabile, propter concupiscentiam, vel aliquam aliam passionem. Quantum vero ad alia præcepta secundaria, potest lex naturalis deleri de cordibus hominum, vel propter malas persuasiones (de modo, quæ etiam in speculationibus errores contingunt circa conclusiones necessarias) vel etiam propter pravas consuetudines, & habitus corruptos, sicut apud quosdam non reputabantur latrocinia, peccata, vel etiam vitia contra naturam, ut Apostolus dicit *Rom. 1.* Legi etiam meretur P. Jo. Vinc. Patuzzi Tom. I. *Theol. Moral. Trad. II. Dissert. I. cap. 7. §. & seq.* ubi notat discrimen inter legem naturalem, & positivam, & quare hujus esse possit ignorantia inculpata, non autem illius. Concedit tamen, quibusdam in casibus, qui ad jus naturæ aliquo modo referuntur, ignorantiam invincibilem, & a culpa saltem gravi immanem admitti posse.*

scere, ut veritatem plene assequatur; si autem advertere negligat, merito reus negligentiae habebitur.

65. Inst. 1. (a) Etiam hoc, quo vivimus, corruptionis statu ad observanda omnia legis naturalis praecepta adstringimur: ergo satis in nobis luminis ad ea cognoscenda esse debet.

66. Resp. Utique nobis praesto esse lumen necessarium ad omnia, quibus adstringimur, praecepta cognoscenda; sed revelationis beneficio, non autem solis naturae viribus.

67. Inst. 2. Si ita res se haberet, Dens, qui nemini deest in necessariis, omni tempore, & omnibus hoc supernaturale revelationis lumen impertitus fuisset; Deus enim omnium Pater est, & non est personarum acceptor (Agor. X. 34.). Ulterius veteres sapientes hanc revelationis necessitatem agnovissent; utrumque autem falsum est, ergo &c. (b).

68. Resp. Deum nonnisi iis deesse, qui propria culpa ab eo deseri mereantur. Supernaturalis revelatio, quantum ad Deum pertinet, omnibus facta est, & saltem ~~manifesta~~ per traditione orali ex primis patribus ad filios, serosque nepotes ipsius Dei mandato transmittenda erat. Quod si multis, populosique nationibus ea postea oblitterata fuit, id earundem gentium vitio, multisque criminibus tribuendum est, nullatenus autem Deo, qui, quantum in se est, effusa in omnes bonitate, illuminat omnem hominem venientem in hunc mundum, Joan. 1. 9.

69. Ceterum si hoc argumentum aliquid valeat, id valeret etiam, ut nulla esset religionis naturalis necessitas. Scimus enim, aliquas esse gentes ita immanitate efferatas, quae nec communia, & vulgaria juris naturalis officia norunt. In nationibus autem cultioribus quanta semper fuit, & adhuc est in determinandis ex sola ratione omnibus legis naturalis officii varietas, atque dissensio?

70. Ex quo autem Deus inaequaliter gratiae suae dona distribuat, non propterea dici potest injustus, aut personarum acceptor, quia nemini aliquid debet; imo omnes ejus beneficiorum immerentes sunt, ut proinde summa ejus sit misericordia in eos, quibus dona sua impertitur, nulla autem injustitia in eos, quibus eadem denegat. Et quidem in ipsis naturae donis quanta ubique apparet diversitas? Unus dives, multi pauperes, unus acutus, atque excellentis ingenii, multi indociles, stupidi, & inertes: perpaucis omnia abunde suppe-

tunt, quae ad virtutes, sive intellectuales, sive morales acquirandas conferunt; major autem hominum pars inculca jacet, atque illiberaliter educata. Anne propterea Deum inaequaliter donorum suorum distributorem ~~propter~~ *propter* ~~de~~ *de* ~~his~~ *his* accusabimus? Annon habet potestatem figulus lutum ex eadem massa facere alium quidem vas in honorem, aliud vero in contumeliam? Roman. IX. 21.

71. Veteres autem sapientes inbecillitatem suam in veritatis inquisitione & agnovissent, & scriptis confessi sunt; & si confiteri noluissent, multi gravesque, in quos prolapsi sunt, errores testimonium facerent rationem; unde necessitas alienigenae majoris luminis ad verum inveniendum manifeste consequitur. Sed clarius ceteris id Socrates vidit, & confessus est, ut enim refert Plato (in *Alcibiade* Dial. 1.) dicere solebat, expectandum esse aliquem, qui nos doceat, quo nos animo ~~erga~~ *erga* ~~Deos~~ *Deos*, & erga homines esse oporteat.

72. Inst. 3. Animantia bruta, sola natura admonente, suum finem agnoscent; & assequuntur; ergo multo magis id concedendum est hominibus.

73. Respond. neg. conseq. Cum enim homo ad finem supernaturalem ordinetur, initium esse non debet, si supernaturalibus etiam auxiliis indigeat. Adde corruptionem naturae, justam peccati originalis poenam, atque ignorantiae tenebras, quae nonnisi superiore, validioreque luce dispelli possent (c).

74. Inst. 4. Admodum pauca sunt, & omnino per se perspicua, quae lege naturali discere cogimur; scilicet Deum existere, qui omni perfectionum genere sit cumulatissime instructus; tum duo charitatis praecepta erga homines. Haec autem pauca facile quilibet naturali intelligendi vi attingere potest.

75. Respond. Haec esse primaria tantum legis naturalis principia; alia postea esse valde multa erga Deum, atque homines officia, quae ex iis deducuntur, & in quibus ad omnes errores vitandos lumine desuper dato indigemus. Quamquam vel in ipsa sola quaestione de natura Dei tam varias fuisse olim doctissimorum hominum, tanque discrepantes sententias notavit Cicero (Lib. 1. *De natura Deorum* cap. 1.), ut inde concluderet, prudentem Academicos a rebus tam incertis assensionem cohibuisse. Et quidem eodem Tullio observante, tanti momenti est haec quaestio, ut nisi prius dijudicaretur, necesse sit, homines in summo errore, atque in maximarum rerum ignorantia versari; & insuper pietatem, sanctitatem,

(a) Cum Audore pestilentis libri, cui titulus *Les Maurs*.

(b) Ita inter alios objiciebat infelix Car. Blount, auctor infamis libri *Les oracles de la raison* Lond. 1703. qui paulo post, referente Belio in *Diction. artic. Apollonius de Tyran.* rein. 1. in desperationem aeternae mortis sibi concivit. Vid. etiam P. Richard in *Dictionnaire des sciences ecclesiastiques* Tom. V. in supplement. articuli *Résumé*. Hoc autem est argumentum, quod Naturalistae admodum magnificare solent, ut videre

est apud Rousseavium Tom. III. de l'Emile pag. 155. & seq.

(c) *Perfectio rationalis creaturae*, inquit S. Th. 2. 2. quest. 1. art. 3. non solum consistit in eo, quod ei competit secundum suam naturam, sed in eo etiam, quod ei attribuitur a quadam supernaturali participatione divinae bonitatis. Et in resp. ad 1. Quia natura hominis dependet a superiori natura, ad ejus perfectionem non sufficit cognitio naturalis, sed requiritur quaedam supernaturalis.

& religionem, reliquasque virtutes tolli, quibus sublati perturbatio vitae sequitur, atque confusio. *Atque haud scio, concludit Tullius, an..... fides etiam, & societas humani generis, atque una excellentissima virtus iustitia tollatur.*

76. Inst. 4. Si ita debile est rationis lumen, erroribus obnoxio, jam nulla de re certi esse poterimus, eritque damnatus pyrrhonismus in Scholas invehendus; quo nihil fieri potest religioni perniciosius.

77. Resp. Inter pyrrhonismum, & temeritatem iudicandi mediam esse prudentem dubitationem, ut nec ea respuamus, quae liquido, evidentissime apparent, neque infirmis, attenuatisque rationis viribus plus aequo fidamus. *Quid enim, inquit Cicero (initio Libri I. de Nat. Deor.) tam temerarium, tamque indignum sapientis gravitate, quam aui falsum sentire, aut quod non satis explore perceptum sit, & cognitum, sine ulla dubitatione defendere (a)?*

78. Inst. 4. Lex naturalis in eo potissimum a lege supernaturali distinguitur, quod illa, secus ac ista, possit nativis intellectus viribus attingi: nulla ergo opus erit revelatione.

79. Resp. Legem naturae ex se, & ratione sui vires intellectus nostri minime excedere; atque hac potissimum de causa a religione supernaturali omnino distingui, cum hac supra omnem intellectus facilitatem posita sit, ut nominis divina revelatione nobis innotescere possit. Indigemus tamen lumine aliquo supernaturali ad omnia juris naturae praecepta cognoscenda, propter internam animi nostri corruptionem, ac nativam imbecillitatem, qua fit, ut sine revelatione, solaque inquisitione, ac nominis a paucis, longo temporis intervallo, & cum plurium errorum admixtione cognosci queant. Eo fere modo, quo aliqui hebetata oculorum acie vitreis instrumentis indigent, ad ea etiam objecta videnda, quae nodo aliquo in oculo, si esset robustus & sanus, videri possent... Apte Origenes (Libro I. Contra Celsum num. 4.) revelationem comparat lapideis tabulis, in quibus Deus iterum praecepta scripsit, postquam prima fuerant propter populi scelus confractae. *Exodi XXXIV. (b)*

(a) Hanc nostrae rationis infirmitatem Belius multis in locis demonstrat, praecipue in artic. *Bael Rem. E.*; ubi ostendit, rationem instar Penelopis telam, quam diu contexerat, nodi retexere. Quamquam vero auctoritate rationis imbecillitatem plus aequo saepius exageret, ut sibi dilectum pyrrhonismum invehat, multa tamen avertit, quae a nemine negari possunt.

(b) De verba Origenis, qui Celsus obijciunt, nihil a Christianis doceri, quod non meritis a veteribus philosophis jam prins cognitum, ita respondet: *Nisi omnes haberent communes quasdam de moribus regendis notiones in animis impressas, etiam qui iustum in se Dei iudicium accerserunt, neque attrahunt, illi debitum suis peccatis poenam declinant. Quare nihil mirum, Deum, qui per Prophetas, & Salvatorem docuit, eodem in*

80. In eo etiam magnum discrimen inter veritates supernaturales, & alias ordinis mere naturalis intercedit, quod illarum aliquae, nempe mysteria, prorsus supra rationem sint posita; contra vero veritates ordinis naturalis nostrae rationi sint omnino perviae, quamquam eas sola ratio nunquam invenire potuisset, saltem perfecte, & sine ulla dubitatione.

81. Inst. Multi tamen extiterunt omni tempore, praecipue autem hoc nostro aeo, acuti, & solertes viri, qui sine ulla revelatione plenam, absolutamque juris naturae doctrinam complexi sunt. Inter veteres Socrates, Plato, Cicero, Seneca, Epictetus, Plutarchus, M. Aurelius talia, & tam sublimia vobis reliquerunt Ethicae praecepta, ut bene multos nostrorum *Casistarum* suppudere deberet. Infinitum autem esset, qui omnes recentiores numerare vellet, qui sola ratione duce hanc materiam illustrant.

82. Resp. Veteres philosophos & satis multa in hac parte peccasse, ut superius monuimus, & plurima ex revelatione per traditionem conservata hausisse (c). Hinc observatio dignum est philosophos, qui post Evangelium promulgatum floruerunt (ut Epictetus, Plutarchus, M. Aurelius, Maximus, Porphyrius, Jamblicus) multo minus, quam eorum magistros a veritate aberrasse; quia nempe, quamvis Evangelium recipere recusaverint, ex ejus tamen lumine non parum profecerunt. Quamquam eorum Ethica, nullo modo emendatior, quam priorum, nullo modo cum nostra Evangelica est comparanda.

83. Multo magis recentiores Jurisperiti plurimarum veritatum cognitionem revelationi supernaturali, quam simul cum lacte nutricis suserunt, in acceptis referre debent. Neque vero arroganter arbitrentur, se omni revelatione semota eo unquam perventuros fuisse, quo veteres excellenti ingenio praediti maximis laboribus pervenire minime potuerunt. Horum exemplo persuadere nobis facile possumus, modernos non minus erraturos fuisse, nisi iis revelatio facem praerulisset. Ceterum quando revelatione contempta solum rationis ductum sequi voluerunt, in magnos & ipsi errores prolapsi sunt. Quod etiam in iis gentibus ap-

*annam: hominum animis impressae, ut Deo iudicante nullus exactione, ut possit: cum pallas sit, quin sensum legis in corde suo scriptam habeat. Atque id obscure subindicat. Scriptura, ubi narrat, quod Graeci fabulam esse volunt, Deum praecepta proprio digito scripta Moysi tradidisse, eaque confracta fuisse multitudine eorum, qui vitalum conflaverant, quasi dicerent, ea scelerum prolixitate oblitterata fuisse: Deum iterum eadem in lapideis tabulis a Moysi excisis exarasse, Moysi quoque dedisse: nimirum propheticum sermone omnium post primum peccatum ad secundae Dei litteras preparantes.*

(c) Id pluribus argumentis confirmavit doctissimus P. Cassius Innocens Ansaldi in suo opere *De principiorum legis naturalis traditione* Mediol. 1744. la 4.



apparet, quibus rationis lumen nondum affulsit; falsa enim ratione deceptis in absurdissimis erroribus adhuc versantur (a).

84. Obj. 5. Quamvis nostra ratio in statuendis religionis officiis sæpe fallatur, error erit innoxius; nec ullas propterea Deus a nobis penas respiciet; hæc enim nonnisi inobedientibus debentur; sed inobedientes non sunt, qui non voluntatis malitia, sed intellectus errore falluntur.

85. Resp. primo, extra oleas vagari adversarios, dum ob huiusmodi errores nullas a nobis respiciendas esse penas conflagunt. Nec enim de modo quaeritur, sed solum an in iuris naturalis doctrina, deposita revelatione, omnis error possit vitari.

86. Præterea facile ostenditur, huiusmodi errores esse inexcusabiles in iis, qui fallaci luminis naturalis præsidio confisi oculis sponte claudunt, ut aliud supernum lumen videant; atque ita propria culpa veluti in meridie cæcitant.

87. Obj. ult. Ut reuelatio plurimum inservire possit, quando res agitur cum Christianis, qui eam admittunt, nec hilum tamen cum aliis ea proficientes, qui revelationem pro enthusiasmo, aut pro piis hominum fabulis habent: debent iugiter iuris Tractatores ab ea abstinere si ab omnibus legi volunt.

88. Resp. Potius persuaderi deberet Ethnicis, aliisque Incredulis, revelationem esse necessariam, quod lumen rationis sibi dimissum nobis simillimum sit. Ulterius postquam iuris naturæ veritates Deo inonstrante cognovimus, perquam facile erit, eamdem perfectam consensionem cum recta ratione ostendere; reuelatio enim rationem adiuvat, illustrat, & dirigit; ratio vero revelationem sæpe confirmat (b).

89. Prolixam disputationem concludo verbis Laëtkii Lib. VI. Divin. Instit. cap. 8. *Hæc est via, quam Philosophi quaerunt (scilicet via veritatis): sed ideo non inveniunt, quia in terra potius, ubi apparere non potest, quaerunt. Errant ergo veluti in mari magno, nec quod ferantur, intelligunt, quia nec viam cernunt, nec ducem sequuntur ullum. Eadem namque ratione hanc viam quaeri oportet, quia in alto iter navibus quaeritur; quæ nisi aliquod cæli lumen observent, incertis cursibus vagantur. Quisquis autem rectum iter viæ tenere nititur, non terram debet aspicere, sed cælum, & (ut aptius loquar) non hominem sequi debet, sed Deum. Multa etiam in hanc rem inveniuntur apud Petrum Brunellum epist. 56.*

## CAPUT V.

Nonnullis argumentis ostenditur necessitas divinæ revelationis quarundam veritatum supernaturalium.

90. Referente Sancto Augustino Enarrat. 2. in Ps. XXXI. n. 2. T. IV. ) multi olim inveniebantur Pagani, qui propterea fieri solebant Christiani, quia putabant sibi ad salutem sufficere, si bene viverent, non autem esse necessariam, ut etiam bene crederent. *Bene vivere, dicebant, opus est. Quil mihi præcepturus est Christus?* Non dissimiliter loquuntur Naturalistæ moderni, omnem veritatem quarundam supernaturalium revelationem, ut inutilem rejicientes, solamque legis naturalis observationem necessariam esse contententes (c).

91. Sed antequam cum istis Naturalistis cominus

(a) Longum nimis esset de recentium Incredulorum erroribus dicere. Videri possunt apud Jo. Gauslat *Lettres critiques, ou analyse, & refutation des divers écrits modernes contre la religion* Vol. 14. in 12.; atque etiam in lepido opusculo anonymo, cui titulus: *Mémoire pour servir l'histoire des Cævoacs*; ubi perpetua ironia nova prodigiosaque nostrorum Incredulorum portentosa satyrica sale perficitur. De quorundam vero iuris Tractatorum erratis consulantur inter alios P. Desing in *Juris naturalis larva detecta*, P. Daniel Concina Tom. VI. *Theol. Moral. Dissert. prolegom.* eadem 9., & Jo. Baptistæ Fipetii *De principis juris naturæ, & gentium*.

Ceterum quantum recentiores Naturalistæ revelationi debeant, eleganter explicat Lud. Vives Lib. I. de *Veritate fidei* his verbis: *aperitis semel a Christo thesauris veritatis, ea deinceps rationes ab iis, qui doctri. illi cælesti paruerunt, sunt de pietatis incerta, tam liquida, tum aperta, valide, effeaces, inexpugnabiles, ut miremur, non incurrisse illas in oculorum, qui inter gentes sapientiam profestabantur, sed nimirum rebus lux addita est a Christo. Adhibita autem rebus luce facile est, quid quoque res; & huiusmodi sit, dicere, & pro iis, qui dixeris, argumenta congerere. Parit autem rationem cognita veni-*

tas, & veritatem confirmat adhibita ratio. Id ipsum observant Jo. Lokius in *Christianisme raisonnable*, & Clarkius in *discours sur la religion naturelle, & reuelée* pr. 7. Non minus vere, quam facite de talibus, qui ratione abutuntur contra revelationem, dicebat Jo. de la Bruyère: *ce sont des enfans durs, & forts du bon lait, qu'ils ont sucé, qui battent leurs nourrices*.

(b) Nonnullæ objectiones, quæ ex salute quorundam Gentium sine fide mortuorum ab aliquibus assertæ erui possunt, solvantur suo loco, ubi nempe agamus de necessitate fidei ad salutem. De hac controversia autem præter alios innumeros legi merentur Kooke de *imperfessione*, & obsecravit legis naturalis in fine Tom. II. *Religionis reuelatæ* princ. Sylvius in artic. 1. quest. 1. *Præmæ Partis Summæ* S. Thomæ 3. Jo. Wernet *Traité de la vérité de la religion Chrétienne* Lib. I. De P. utilité de la revelation; & Jo. Leland. *Nonvelle demonstration evangelique* Tom. II.

(c) Id videre est in celebri Uriel Acosta, qui sæculo elapso ex Christiano fideus est Iudeus, & ex Iudeo Deista; sumam autem vitam, & doctrinam ipso complexus est in Exemplari vita humana relato, & confutato a Phil. Limborchio in fine libri, cui titulus: *Amica collatio cum Iudeo de Verit. rel. Christ. Amstelæd. 1587. in 4.*



nus congregiamur, placet ab ipsis sciscitari, quomodo tam fideiter sibi persuadeant, eam religionem, quam naturalem appellant, homini plane sufficere ad salutem? Possunt e sana mente iustificari, religionem aliam supernaturalem, seu revelationem veritatum quartumdam supernaturalium, esse saltem possibilem? Eccc enim non potuisset Deus præter eas veritates, quæ rationis nostræ luminis perviæ sunt, alias manifestare sublimiores, quas homo naturali sua intelligendi vi nullatenus assequi valeat? Hæc sola consideratio hominem prudentem movere debet, ut, an necessaria sit, & an reipsa existat revelatio harum veritatum supernaturalium, diligentissime inquiret (a).

92. Haud me latet, Naturalistas ad rationem nos provocare, quia luculenter ostendit clamant, solam religionem naturalem ad bene, & beateque vivendum abunde sufficere.

93. Sed primo, quanta sit rationis humanæ imbecillitas, cap. super. demonstratum fuit; & ipsi vel inviti confiteri sæpe coguntur. Secundo, cum tam frequenter ad rationis tribunal nos provocent, eos percunctari libet, de qua ratione loquantur? An de sua ipsorum propria? Sed quibus titulis, & quo jure in hac gravissima controversia constituent se solos iudices? An de ratione singulorum hominum? Sed tunc tot erunt religiones, quot sunt hominum capita: eodemque jure Materialistæ, Epicuræi, atque ita Althei ad suæ rationis tribunal totum hominum genus pestrabere cogabuntur. An denique loquantur de communis omnium hominum ratione? Sed tunc certo certius causa eadem: Communis enim aliorum hominum persuasio semper fuit, & est, religionem supernaturalem esse admittendam. Nec de solis Christianis loquimur, aut Judæis, sed de omnibus plane populis; nullum enim invenimus, cui non sit persuasum, religionem debere a Deo ipso descendere, & superna revelatione innoscere. Sed jam ratione ipsa cum Naturalistis pugnemus.

§. I. *Primum argumentum pro necessitate revelationis supernaturalis desumptum ex interna hominis corruptione, cujus corruptionis originem, causam, & remedium nonnisi Deo revelante cognoscere possumus (b).*

94. Et quidem nos esse aliqua nostra culpa interius corruptos, & a primævo statu, in quo conditi a Deo fuimus, infeliciter delapsos; nemo in-

ficias iverit, qui seipsum attente consideraverit. Intellectus rerum pro objecto habet, illudque avilissimè inquiri, sed tot, & tantis obtruitur ignominia tenebris, ut ægerime illud invenire, atque a falso internoscere possit; voluntas autem proprio pondere in bonum tendit, sæpissime tamen a passionibus obnubilata, & perturbata verum hominum respicit, falsum vehementer consecratur; & tanta est in omnibus interna contradictio, inconscientia, & pugna, ut homo sibi ipsi imperet, & ipse sibi ipsi parere recuset, juxta illud decautam Poetæ:

.... *Trahit invitum nova vis, aliaque cupido,  
Mens aliud suadet: video meliora, proboque,  
Deteriora sequor.*

95. Atque ut in ordine solum naturali sistamus, quam sæpe evenit, ut ratio cum se dominam agnoscat, imperio tamen passionum quasi invita subjiciatur, vel in ipsis rebus, quas maxime vitare se debere cognoscit? Quid enim ex. gr. cuique magis innatum, quam propria sui ipsius conservatio? Attamen quot homines videmus, brutis deterioribus, intemperantia, libidinibus, noxiisque voluptatibus, & sanitatem, & vitam ipsam sibi adinere? Quid postea de iis multis dicendum, qui bona spiritualia sine dubio omnium pretiosissima vilissimis quibusdam rebus longe postponunt, utique contra sanæ rationis dictamen? Hæc sane intestina hominis pugna, atque discordia, quam nusquamque in se experitur, haud leve est argumentum occultæ corruptionis, cujus originem, & causam, & remedia nos prorsus ignorare necesse est, nisi ad supernam revelationem oculos convertamus, quæ nos docet, hominem fuisse a Deo rectum, atque integrum creatum, postea vero propria culpa vitiatum, hanc culpam in omnes infelices Adæ posteros transfundi, neque aliter hoc tantum malum tolli posse, quam per gratiam Domini nostri Jesu Christi, quam jugibus, ac ferventibus precibus implorare debemus.

96. Non me latet, quosdam recentiores Incredulos fidenter respondere, hoc hominis intestinum bellum corruptionis iudicium esse, aut effectum, sed illi prorsus naturale, quemadmodum eidem homini naturale est, habere partes corruptionis, & dissolutionis obnoxias (c).

97. Verumtamen ut bene observat S. Thomas Lib. Cont. Gent. cap. 52. etiam hoc intestinum bel-

(a) Incredibilis est hæc in re Naturalistarum temeritas. Rousseavins in suo *Emile* Tom. III. non solum fidenter asserit, religionem naturalem sufficere, sed eam insuper cuilibet luculentissime patere contendit; quasi vero ignotæ essent controversiæ, & dissensionis inter Naturalistas in hac ipsa religione naturali determinanda. Auctor pesilientis libri *Les Mœurs* idem magno molimine evincere conatus est. Longum autem esset dicere de omnibus.

(b) Non proponimus hoc argumentum tamquam omnino demonstrativum, sed solum ut valde probabile; quemadmodum illud proposuit S. Th. Lib. IX. *Contra Gent.* c. 52. Vide ejus verba infra in not. ad n. 98.

(c) Voltaire's *Lettre* xxv. sur les pensées de M. Puschal & dans le v. *Discours philosophique* tout est ce qu'il doit être. Contra quem videri potest libellus Rob. Jos. Alexii Du Hamel, cui titulus *Lettres Flamandes* &c. à Lille 1752. in 12. Lett. x. & xi.

hellum impossibile non esset attentia humana natura, saltem probabile non est, attentia divina providentia. Nec eadem esse corporis, atque animæ ratio. Corpus ex variis, & contrariis elementis simul mixtis coagmentatur, unde & corruptioni, ac dissolutioni obnoxium esse debet. Anima vero, & corpus diversæ quidem sunt res, sed non sibi ipsis contrariæ. Præterea anima una, simplexque est; ac proinde mirum certe est, eam in duas quasi partes dividi sibi ipsis repugnantes. Jam vero estne credibile, Deum O. M. voluisse nos talis naturæ cedere, quæ legibus ab ipso statutis se ac contumaciter opponeret? Anne Deus ipse diceudus erit ordiis, perturbationisque auctor? Ut corpus efficeret animæ quidem subiectum, sed eidem perpetua fere rebellione relinquant? Ut animæ rationem indiderit, & una simul etiam passionibus eidem obtemperare recusantes? Anne hæc intestina discordia adeo necessaria est, ut sine illa homo creari, aut esse non posset?

93. Sane adeo luculenter apparet, hanc nostram corruptionem naturalem non esse, ut vel ipsi antiqui philosophi id plane cognoverint, quamvis revelationis lumen destituti de vera ejus causa ne somnari quidem poterint. Nam Cicero (in Lib. V. de republ. apud Sanct. Augustinum Lib. IV. Contra Julianum cap. 12. Tom. X.) hominem ita infelicem considerans, eum dicebat: non ut a matre, sed ut a noverca natura eductum in vitam. De hoc ipso conqueratur Plinius (in præfat. l. VII. Historiæ naturalis), dubitans, utrum natura parens melior homini, an tristior noverca fuerit. Alii vero, ut Pythagorici, & Platonici, nos aliqui scelera suscepta in una superiore penarum luctuorum causa nascos esse, dixerunt (a). Alii demum, ut Manichæi, duas in vobis esse animas commenti sunt, quarum una al-

teri perpetuo repugnaret. Recte autem dicere possumus cum Sanct. Augustino (Lib. IV. contra Julianum cap. 12. Tom. X.), hos omnes rem vidisse, nempe naturæ corruptionem; causam autem nescivisse, quia sacris litteris non eruditi igno-  
rabant peccatum originale; multoque magis ignorabat veram corruptionis isitui remedia, quæ novius a gratia Christi vobis suppeditantur. (b).

99. Obijciunt Naturalistæ, descriptionem primævæ corruptionis, qualis ex Divina revelatione constare dicitur, tot, tantisque puerilibus ætutis, anillogiis, absurdisque adjunctis scateri, ut anilibus figmentis adnumerari mereatur. Primo epinanon Æsopi fabulas redolet illud Evæ cum serpente colloquium? Præterea quis non miretur, Evam aut serpentis aspectum non exhorruisse, sicut exhorruit Moyses (Exodi IV.), aut ad insolitam in bruto loquelam non obstupuisse, ut demum diaboli fraudes non offecisset? Tertio & ridicula, & injusta est pœna serpenti inflata: super pectus tuum gradieris, & terram comedes (Genes. III. 15.): ridicula est, quia reptatio serpenti est naturalis, cum pedibus careat: injusta, quia serpens non peccavit, si dæmon ipsius organo Evam decipit. Quarto falsa etiam videtur illa Moysis locutio: serpens erat calidior cunctis animalibus terræ; novo enim ignorat, equos, vulpes, canes, & pleraque alia bruta serpenti in caliditate longe antecellere. Quinto difficultatem facessit, quod de arbore scientiæ boni, & mali dicitur; quasi vero Adam, & Eva, antequam de ejus fructu comederent, bonum ignorarent, & malum. His accedit, rem omnium absurdissimam videri, illius primi hominis delictum, etiam si verum esset, totam humanam naturam fuisse corruptam (c).

100. Resp. Adversarios nodum querere, ubi scit-

(a) Hæc sententia post etiam Origeni placuisse dicitur, qua de re legendus Huetius in Origenianis Lib. II. quæst. 6. num. 4. & sequ. Eandem sententiam etiam Cicero retulit in extremis partibus Hortensii Dialogi, ut testis est S. August. Lib. IV. Cont. Jul. c. 15. Tom. X.

(b) S. Thomas in IV. Contra Gent. cap. 52. postquam dixisset, peccati originalis in humano genere probabiliter quædam signa apparere, scilicet diversas penas corporales, & spirituales, ita sibi objicit: Posset tamen aliquis dicere, hujusmodi defectus, tam corporales, quam spirituales non esse penales, sed naturales defectus ex necessitate naturæ consequentes. Necessæ est enim corpus humanum, cum sit ex contrariis compositum, corruptibile esse, & sensibile appetitum in ea, quæ sunt secundum sensum, & desiderabilia moveri; quæ interdum sunt contraria rationi.

Hanc vero Pelagianorum evasionem, quæ etiam utuntur Naturalistæ, ita S. Doctor præcludit: Sed tamen si quis recte consideret, satis probabiliter poterit æstimare divina prudentia supposita, quæ singulis perfectionibus congrua perfectibilitate coaptavit, quod Deus superiorem naturam inferiori ad hoc conjunxit, ut ei dominaretur; & si quod hujus domini impedimentum.

ex defectu naturæ contingeret, ejus speciali, & supernaturali beneficio tolleretur, ut scilicet cum anima rationalis sit, altioris naturæ, quam corpus, tali conditione credatur corpori esse conjuncta, quod corpore aliquid esse non possit contrarium animæ, per quam corpus vivit. Et similiter si ratio in homine appetitui sensuali conjungitur, & aliis sensitivis potentis, quod ratio a sensitiva non impediatur, sed magis eis dominetur.

Ei postquam doctrinam fidei exposuisset, quæ certum est, hominem a principio fuisse taliter constitutum, quod quantumvis ratio hominis Deo esset subiecta, ei inferiora vites sine impedimento deservirent &c.; ita demum concludit: Sit igitur hujusmodi defectus, quamvis naturales homini videantur, absolute considerando humanam naturam ex pacto ejus, quod est in ea inferior, (tamen considerando divinam providentiam, & dignitatem superioris partis humanæ naturæ, satis probabiliter probari potest, hujusmodi defectus esse penales: & sic colligi potest, humanam gentis peccata aliquo originaliter esse infusum.

(c) Julianus apostata apud S. Cyrillum L. III. contra eundem totam hanc Mossi narrationem inter fabulas amandabat. Veteres hujus idololatricæ difficultates

scriptus est, dum divinam revelationem ex eo duntaxat evertere nituntur, quod non omnia, quæ in ea continentur, possint omnino perspicere, utideque ad eorum gustum exponi. Quæcumque tamen in huiusmodi rebus explicandis difficultas sit, ea certe longe minor est, quæ adversarii nostri premuntur, dum causam horribilis illius perturbationis, & corruptionis, quæ a nemine negari, aut ignorari potest, asserere coguntur. Nihilominus singulas obiectas difficultates ex probabilioribus interpretum sententiis breviter expedire conemur.

101. Et primo quidem nominis iis, qui spiritus esse negant, impossibile videtur, dæmonem serpentis organo, ad colloquia cum Eva miscenda uti potuisse. At vero, ne modo aliam quæstionem de spiritibus ingrediamur, ostendant adversarii, si possunt, spiritus non modo non existere, sed nec existere posse; & tunc confectum erit, incredibile esse, & impossibile, quod Moyses de diabolo per serpentem loquente narrat. Porro id neque impossibile, neque incredibile antiquis visum est. Spiritus enim ore-bestiarum, vel inanum simulacrorum locutus sæpius fuisse, eorum multi nobis tradiderunt. Atque ut præteream asinam Balaam, cuius ore Angelum locutum fuisse Sacra Scriptura testatur Num. XXII. notum est omnibus dæmones olim ex mutis simulacris oracula fuisse (a). Plinius etiam (Lib. VIII. cap. 41.) refert, eo anno, quo Tarquinus Roma pulsus est, latrasse serpentem: De bestiis humana voce locutis plura exempla commemorat Valerius Maximus (Lib. I. titulo de Miraculis), & similia plura apud Julianum Obsequentem reperiuntur (in Libro de prodigiis). Vid. S. Augustinus Lib. XI. de Genesi ad litteram cap. 29. Tom. III. & S. Cyrillus Lib. III. contra Julianum.

102. Resp. ad 2. nullam tunc fuisse causam,

eum Eva serpentis aspectum exhorresceret, cum omnia animalia, antequam homo Deo rebellis fieret, essent hominibus plene subiecta (Consul. S. Thomas I. P. quæst. 98. art. 1.). Imo nec desunt, qui potent serpentem tunc temporis fuisse ceteris bestiis pulcherrimum, hominique magis amicum; & hæc de causa eius potius, quam alterius animalis organo dæmonem usum fuisse. Videri potest S. Basiliius Hom. de Paradiso.

103. Majorem difficultatem habet, quod additur, Evam non fuisse miratam insolitam serpentis loquelam, aut fraudes dæmonis non offecisse. Sed verisimile est, Evam putasse Angelum bonum serpentis ore loqui; neque enim tunc insolens erat, Angelos, imo ipsum etiam Deum sensibili aliqua forma protoparentibus nostris apparere, ac cum iis colloqui. Unde Tertullianus (de præscript. hæretic. cap. 47.) dicit, Evam serpentem, quasi filio Dei credidisse, & alibi (Adversus Valent. cap. 2.) serpentem vocat divini imaginis prædemonem. Si autem Thomas (I. P. q. 98. art. 4. ad 1.) docet cum S. Augustino, mulierem fuisse deceptam serpentis loquela, quia prius peccaverat peccato internæ elationis; & in resp. ad 2. secutus auctoritatem Magistri sententiarum, dicit, putasse mulierem, serpentem hoc accepisse loquendi officium, non per naturam, sed aliqua supernaturali operatione (b).

104. Frustra vero maledictio, & pœna serpentis inflata, vel ut ridicula, vel ut iusta sugillatur. Nam, ut Theodoretus scite observat (Interrogat. 34. in Genesim), non incongrue Deus velle potuit, ut quod aliquin serpentis naturale erat, ei postea verteretur in pœnam; non quidem ad aliquam ipsius molestiam, sed ut homines id videntes originalis culpe reminiscerentur. Unde etiam hæc de causa serpens homini maxime inveni-

313

moderni increduli renovare non erubescunt. Thomas Buræus in *Archæologia philol.* Lib. II. c. 7. his difficultatibus motus vult, Philoni Judæo, atque Origani interlegendum, qui hæc omnia allegorice interpretati sunt. Eadem opinio fuit Balh. Beckeri in *Mundo fascinato* Lib. II. cap. 20.

(a) Neque enim puto, viris doctis probari posse singulare Antonii Van Dae, ejusque assecle Fontenellii sententiam, omnia huiusmodi oracula nihil fuisse aliud, quam sacrificiorum fraudes, Conf. P. Balæus *Response à l'histoire des Oracles de Fontanelle, & la suite de cette response*; P. Honoratus a S. Maria in Dissert. de oraculis; Vossius de idolatRIA Lib. I. c. 6. & Abbas de Arigni *Nouveaux mémoires d'histoire, de critique, & de littérature*.

Sam. Bochartus in suo *Hiæreosico* P. I. L. II. c. 14. multa ex Mythologis, & Historicis animalium loquentium exempla affert. R. Isaac Abarbanel hunc dialogum serpentis cum Eva metaphoricè intelligi vult, quatenus serpens comedendo fructum, unum moretur, factio ipso feminam tentavit, & movit ad idem faciendum. Hanc rabbinum interpretationem non omnino rejicit doctissimus Simon Muis in suo libro, cui titulus *Varia Sacra*, inquit: ita philosophatur Abarbanel

vatis subtiliter sane, nec omnino absurde, meo iudicio. Nihil affirmo tamen, nec menio est. S. tamen Augustinus Lib. XI. de Geni. ad litt. c. 25. diabolum vere per serpentem fuisse locutum existimat. Imo communis hæc est Sancti Patrum sententia.

(b) Josephus Flavius Lib. I. *Antiquit. Judaicarum* cap. 1. an. 4. arbitratur est, ante Adami peccatum omnia animalia ejusdem cum homine loquelæ commercium habuisse; quam eandem sententiam testatur Plato in *Politico*. Necessè vero non est ad hæc commenta confingere, cum facile res tota expeditur, dicendo cum S. Augustino Lib. XI. de Geni. ad litt. cap. 28. diabolum fuisse per serpentem locutum; ubi etiam Sancti Pater diabolice virtuti ascribit incantationes serpentum, qui magis moveri solent carminibus incantatorum, quam ullum aliud genus animalium; atque ita subdit: etiam hæc non parva testatio est, naturam primitivam humanam serpentis redactam esse colloquio. Gaudent enim dæmones, hanc sibi potestatem dari, ut ad incantationem hominum serpentes moveant, ut quolibet modo fallant, quæ possunt. Hoc autem permittitur, ad primi facti memoriam commendandam, quod sit est quadam cum hoc genere familiaritas.

sus factus est, & horribilis. Sic Ictis, quæ phenomenon est naturale, post diluvium facta est signum pacti Deum inter & homines initi (a).

105. Sed nec iniqua pœna fuit, neque enim insolens est, ut in maiorem alicujus criminis de-  
testationem brutis etiam animalibus pœnæ infligan-  
tur. *Leviticus* XX. 15. dicitur: *qui cum jumento, & pecore coierit, morte moriatur, pecus quoque occidite; & Exodus* XXI. 28. bovem cornu-  
petam Deus jussit lapidibus obrui, vetuitque ne ejus carnes comederentur. Imo vel in ipsas res i-  
nanimis viudictam extendi aliquando videmus. Audiatur Sancti Joannis Chrysostomi Homil. XVII. in Joann. *sicut clementissimus Pater puniens eum, qui filium suum occiderit, & gladium, & eni-*  
*sem, per quos filius suus occisus, destruit, & in multas partes dividit; eodem modo Deus ag-*  
*it. Quippe serpens, quasi gladius quidam diabolice servit malitiæ; unde & perpetua ipsi pœna intenta est. Id autem tum fieri dicebat, ut magnitudo illius primi peccati luculentius ostenderetur. Quæ pœna ad alios quoque serpentes extensa fuit, ut homines eam quotidie viden-*  
*tes, & magnæ illius calamitatis, & maximi be-*  
*neficii, quo ab ea liberati sunt, recordarentur.*

106. Quamvis non desunt aliqui Patres, & nobiles interpretes, ut Sancti Augustinus, Gregorius M., Beda, Rupertus Abbas (apud Nat. Alexandrum Tom. I. *Histor. veter. Testament. dissert. 5. assert. 1.*), Hugo, Lyranus, & Cajetanus, qui putant, totam maledictionem non ad serpentem, sed ad diabolum pertinere. Et cum in toto hoc infando negotio diabolus, & serpens conjunctim egerint, mirum non est, aliqua ad serpentem, aliqua vero ad diabolum referri.

107. Cum vero serpens dicitur *callidior cunctis animalibus*, id duplici sensu potest intelligi; primo propter singularem ipsius calliditatem, de qua multa refert ex variis auctoribus Sann. Bochartus (in *Hierozoico* P. I. Lib. I. cap. 4.), unde etiam

Christus Dominus dicebat Apostolis Matth. X. 16. *estote prudentes, sicut serpentes*, quæcumque mul-  
ti cum Sancti Ephraïm (De *hæresi Orphitarum*) putant, divina maledictione etiam summam illius calliditatem fuisse maxime ex parte immi-  
nantam. Secundo propter diabolum ei insidentem; ut aliquis recte dixerit, Macedonum exercitus suis-  
se olim omnium fortissimos, non attenta virtute duraxat militum, sed præcipue propter Alexan-  
dri Magni eorum ducem (b).

108. Ad 5. De arbore scientiæ boni, & mali resp., vel ita appellatam esse arborem illam ab eventu, quatenus ex illa obedientiæ, vel inobedi-  
entia Adami periculum sumi debebat, quæ sententia admodum verisimilis est, probaturque ex S. Jo. Chrysostomo (Serm. VII. in Genesim), S. Augustino (Lib. XIV. de *Civ. Dei* cap. 17.), Theodoro, & aliis; vel quia virtutem contine-  
bat illustrandi intellectum in perfectâ boni, malique cognitione; ut arbor vitæ vim habebat san-  
nitatem conservandi.

109. Postremum de peccati Adamitici in iuseli-  
ces ejus posteros transfusione mysterium est certa fide credendum, quamquam non possit humana ratione comprehendi. *Ut enim quod dimissum est in parente, trahatur in prole, miris quidem modis fit, sed tamen fit. Hæc invisibilia, & insideli-*  
*bus incredibilia, sed tamen vera* etc., inquit, habet magnus Augustinus, quo meno profundius hoc mysterium perscrutatus est (in Lib. I. de *nuptiis, & concupiscentia* cap. 17. Tom. X.). Sed quot alia sunt, non dicam inter arcana religionis my-  
steria, sed vel inter ipsas res naturales, quorum modis obscurissime latet? Imo, ut recte observat Paschalis (*Pensées sur la religion* cap. 5.), homo magis incomprehensibilis est sine mysterio pec-  
cati originalis, quam hoc mysterium est homini ipsi incomprehensibile, quia, ut superius diximus n. 94. nullo modo sine doctrina peccati originalis intelligi, aut explicari potest interna illa corruptio,  
&

(a) Josephus loc. cit. putavit, serpentem ut loque-  
la, ita etiam pedibus multatum fuisse, ut in poste-  
riori super terram volutaretur. Hæc sententia pluribus  
quoque Sanctis Patribus placuit, ut Basilio Rom. IX. in *Hexameron*, Chrysostomo in *Genesim*, Ephrem Dia-  
cono apud Moysem Barcepham in libro de *Paradiso*  
cap. 27. atque etiam nobili interpreti Paulo Burgensi.  
Plinius Lib. XI. cap. 46. refert, viros aliquando ser-  
pentes assernis pedibus. Sed Aristoteles de *insectis*  
*animalium* multis argumentis evincit, in serpentibus  
necessariam esse *accedia*, carentiam pedum; nimis e-  
nim multis pedibus indigerent, propter imaginem cor-  
poris longitudinalinem.

(b) Hanc sententiam amplexus est S. Augustinus Lib. XI. de *Genesi* ad litteram cap. 29. ubi inquit: *ita di-*  
*ctus est serpens propter astutiam diaboli, qui in illo,*  
*& de illo agebat dolum; quemadmodum dicitur pro-*  
*videns, vel astuta lingua, quam prædēs, vel astutus mo-*  
*ret, ad aliquid prudenter, astuteque suadendum... Ita*  
*etiam dictus est stilus mendax scribarum &c.*

Cajetanus, alique pauci post Origenem existima-

runt, serpentis nomine intelligi diabolum, qui interna  
suggestione quasi reptans in animam Eræ, ei venenum  
propinaverit: diabolus proinde maledixisse Deum, ei-  
que in pœnam jussisse, ut supra pedibus graderetur,  
& terram comederet, idem, ut S. Augustinus explicat  
Lib. II. de *Genesi* contra *Manichæos* cap. 17. & seip-  
Tom. I. figurate ad superbiæ, & ad desiderium per-  
dendi peccatores, qui pertinent ad terram. Eandem  
sententiam illustrare coactus est Thomas Burnetus in  
*Archæologia philosophica*, omnia, que Moyses de pri-  
mo hominum peccato narrat, ad parabolas, & figuras  
referens. Sed hæc paucorum sententia adversariam ha-  
bet inanimem Sancti Patrum traditionem, ut ostendit  
Estius in Lib. II. *Sent. Dist. XXI. §. I. Nat. Alexan-*  
*der* Tom. I. *Hist. Eccl. T. V. Dissert. 3. art. 3.*  
atque etiam inter Lutheranos Jo. Franc. Buddeus in  
*Hist. V. T. P. I. Sect. I. §. 23.* Neque insuper est rei  
explicandæ ita opportuna, ut prima fronte enipiam  
forte fidelitatem. Confer Du-Guet *Explication de la*  
*Genèse* ad hunc locum.



& perpetua inconstantia, & pugna, quam quilibet in seipso experit. (a)

§. II. Alterum argumentum pro necessitate divinæ revelationis petitum ab ignorantia mediæ necessarii ad obtinendam peccatorum remissionem.

110. Tristis experientia nos quotidie docet, homines, sive ingenta fragilitate, sive culpabili ignorantia, sive etiam diabolica malitia, sæpius legis tam naturalis, quam supernaturalis præcepta violare. Porro si mundum divina providentia administrari credimus, quemadmodum se credere profitentur Naturalistæ, dubitare non possumus, Deum hujusmodi criminum ultorem futurum, nisi aliquis sit divinæ justitiæ placandæ modus. Jam vero quinam sit hujusmodi modus, reposita divinæ revelatione, nemo certo cognoscere potest: necessaria est igitur homini divinæ revelatio.

111. Pronum est Naturalistis respondere, Deum interno animi dolore, poenitentiaque placari. Si enim, inquit Tindal (dans le Christianisme états anciens; que le monde pag. 359.), bonus pater, aut dominus, imo vel hostis non omnino inhumanus sincere poenitentibus veniam denegare non solet, quanto magis id a Deo, qui dives est in misericordia, sperandum erit? Id ipsam respondet Jo. Lokius in *Christianisme raisonnable* c. 14.)

112. Verumtamen si sola rationis humanæ principia sequamur, veretur, ne exemplum hominum positum ad Deum transferri: cum nulla sit proportio inter injurias, quas sibi mutuo homines irrogant, & culpas, quibus divinam majestatem offendimus: tanto enim graviore sunt hujusmodi culpe, quanto major, & excellentior est Dei offendi dignitas. Deinde si placet rerum humanarum exemplum, cum videamus legibus crimina semper puniri, nulla habita ratione poenitentiae reorum, cur non timeamus id ipsum ab inexorabili justitia divina?

§. 15. Sed etiamsi demus, posse nos sola ratione duce veniam a Deo misericordiarum patre sperare, quis tamen audeat id indubie affirmare, nisi certus sit divinæ promissionis? Anne inter poenitentiam, & culpe remissionem naturalis, & essentialis est illa connexio, ut omnino Deus non potuerit quæcumque nostram poenitentiam respos-

re, & a peccatoribus promeritis pœnas sine ulla indulgentia removere?

114. Ulterius quis sola ratione duce determinare valeat, quousque hæc Dei misericordia se extendat? an omnia crimina æqualiter respiciat? etiam enormia, & sæpius iterata? an veniam, quæ speratur, sit futura plena, an ex parte solum? an pro certo culpærum numero, vel pro omnibus? & quod plus est, an Deus interna solum animi poenitentia contentus futurus sit, an vero externa etiam quædam poenitentiae opera requirat? Quænam autem, & qualia hujusmodi externa poenitentiae opera esse debebunt? Sane Ethnici sole rationis lumine poenitentiam internam minime sufficere ad peccatorum remissionem existimant; unde multa, varique generis sacrificia expiatoria præcipiebantur, quæ communi nomine *Februa* ab antiquis dicta sunt (b). Necessaria est igitur divina revelatio, qua soli edoceri possumus de modo expiandi nostra crimina, Deumque placandi.

§. III. Tertium argumentum pro necessitate supernaturalis revelationis de promptum ex cultu Dei externo, quem sola ratio non potest certo determinare.

115. Exploratum omnibus est, vel ipsa ratione diffante, Deum utpote non minus corporis, quam spiritus auctorem, & gubernatorem, medium iustioribus cordis affectibus, sed etiam externis corporis signis esse a nobis coleandum (vid. sup. cap. II.). Hinc externa quædam religionis signa apud omnes populos (paucissimis fortasse exceptis, qui brutiorum potius, quam hominum more vitam degunt) natura ipsa duce conspiciuntur. Jam vero humana ratio ex se sola nimis imbecillis est, ut certo determinare valeat, quamnam, & qualia religiosi cultus obsequia Deo placeant: opus est ergo ad divinam revelationem confugere. Profecto si Reges, & Principes constituere solent, & præcipere quibusdam observantiae signis velint a subditis honorari, quanto magis ad summum Deum spectabit, illum cultum decernere, & revelare, quo a nobis vult honorari? (c).

116. Hinc vel ipsi Legislatores, qui inter Ethnicos externum aliquem religionis cultum invehere voluerunt, vel antiquum in melius reformare, necessarium arbitrati sunt supernam aliquam revelationem.

(a) Non est hujus loci objectiones solvere, quas Pelagiani movent contra dogma peccati originalis; cum dumtaxat nobis propositum sit Naturalistis ostendere necessitatem divinæ revelationis, qua edocemur de causis internæ illius corruptionis, quam quisque in se experitur, de ejusdem corruptionis remediis, ac modo remediis ipsis utendi. Qua de re multa habet præclara Paschalis in suis cogitationibus de religione cap. 9. 22. & seq.

(b) Hujus vocis significationem Ovidius late persequitur *Pastorum* L. III. ubi ita concludit:

*Gazzaniga Theol. Tom. 1.*

*Denique quodcumque est, quo pectora nostra plangunt, hic (scilicet Februa) apud intonsos nomen habebat avos.*

Vir. Joann. Lomejerus de veterum Gentilium Iustrationibus.

(c) Confer Nat. Alexandrum Tom. I. *Hist. æt. Testam.* in 17. mundi ætate disert. 3. art. 2., ubi ostendit, nonnisi ex divina revelatione didicisse veteres Patriarchas sacrificia Deo offerre.



lationem simulare. Id ab Egyptiis factum fuisse, narrat Plato ( in *Timæo* ), nec non Josephus Flavius ( *L. I. contra Apionem* ). Idem refert Dion. Halicarnassensis de Numa Pompilio ( *Lib. XI.* ). Minos Cretensis frequenter ascendebat in montem Dictæm, fingens Jovis præcepta ibi audire. Ac demum Lycurgus Delphum perrexit; ut ab oraculo Apollinis sacras leges disceret, quas Lacedæmoniis latrurus erat. Hæc & similia Legumlatorum mendacia satis ostendunt, animis hominum semper insitum fuisse leges religiosi cultus non ab hominum ratione, sed a Dei ipsius voluntate proficisci debere.

117. Neque vero rudis duntaxat populi hæc opinio fuit; nam etiam sublimis Philosophi plane cognoverunt, non posse nos sine Deo *Omnipotentis*, seu cultum Divinæ Majestatis convenienter certo determinare. Plato ( in *Epinomide* ) neminem, ait, pietatem docere posse, nisi Deus quasi dux, & magister præcesserit; ac rursum ( in *Alcibiade II.* ) Socratem adducit, qui post multa hæc in re sapienter dicta concludit, nihil tutius, atque consultius esse, quam quiescere, & expectare, donec aliquis dixerit, quo animo & erga Deos, & erga proximos esse oporteat; quod etiam reperit in *Phædonæ* (a).

118. Fidenter respondent Naturalistæ (b) Deum omni cultu contentum esse, qui principiis rectæ rationis non opponatur: optimum autem esse legibus vel moribus locorum, ac populorum, quibus cum vivimus, accommodare; neque enim alia de causa, exteriorem Dei cultum institutum esse volunt, quam ut membra alicujus societatis in publica professione unius religionis simul uniantur; adeo ut si unus esset homo in aliquo loco, ille foret ab omni exterioris cultus debito immunis.

119. Verum qui unquam sibi persuadeat, Deum sapientissimum rerum omnium gubernatorem, qui cuncta vel minutissima ad gloriam suam ordinat, atque disponit, hominum arbitrio permittere voluisse ut quem quisque vellet, ipsi religiosum cultum adhiberet? Anne philosophi nostri Quackero-

rum deliramenta probabunt, qui a Deo interius movente, seu potius a cuiuslibet enthusiasmo modum religiosi cultus determinandum esse censent? ( *Vid. Catechismus Rob. Barclai inter Quackeros celeberrimi.* )

120. Ulterius, si ita Deus est erga quemcumque ritum indifferens, credendum erit, illi etiam accepta esse potuisse ea sacrificiorum monstra, quibus antiqui Gentiles, etiam cultiores, supremo numini luare conseruerunt; nec improbari amplius poterunt Bæbantium deliria, mysteria Orphica ( quæ scilicet Libero Orpheus constituerat ), item Eleusinia, aliaque a Clemente Alexandrino ( in *Prophetico*, seu *Cohortatione ad gentes* ), & ab Arnobio ( in *libris contra Gentes* ) cum execratione commemorata. Improbari enim non poterunt humane hostie, quales apud Scythas, Persas, Germanos, Gallos, Britannos, Iones & Græcos & Romanos olim immolabantur (c): nec demum cultus omnium absurdissimi Fauno, & Capro dicati, aut Florales ludii, in quibus, ut Sancti Augustinus loquitur ( *epist. 91. alias 202.* ), non aves, non quadrupedes, non denique sanguis humanus, sed multo scelestius pudor humanus Diis offerebatur (d).

121. Neque vero satis est respondere; abominabiles hosce ritus, & superstitionis sacrificia cum ratione ipsa pugnare. Id equidem libenter concedo, & prævio revelationis lumine facile demonstratur. Sed si rationem solam, qualis in nobis est obtenebrata, & infirma, consulam, non deerunt, qui hanc repugnantiam minime videant. Ut enim scite observavit Bossuetus ( *Discours sur l'histoire universelle* P. II. cap. 16. ) mores hi, qui nobis revelationis lumine perfusi merito absurdissimi videntur, non apud barbaros tantum, sed apud Græcos, & omnium cultissimos Romanos obtinuerunt: non ergo iis cum recta ratione pugnantibus visi sunt, quemadmodum nobis videntur.

122. Frustra autem nos hic interpellat Rousseavins, ( *Emile* Tom. III. p. 125. ) contendens, phantasticam revelationem fuisse absurdissimorum ho-

(a) Hæc plane desumpta videntur ex divino *Sapientia* lib. ult. cap. 9. 3. art. 2. ita dicitur *De sensum tuum quis sciet, nisi tu dederis sapientiam, & miseris Spiritum sanctum tuum de altissimis, & sic correctæ sint semite eorum, qui sunt in terris, & quæ tibi placeant didicerint homines.*

(b) Ita auctor impii libri *Les Mœurs* P. I. cap. 2. art. 1. qui postea c. 3. art. 2. contra Sacerdotes invehitur, quod minus sibi usurpaverint sacrificia Deo offerendi, & quod variis exterioris cultus generibus religionem deputaverint. Huius libri auctor fuisse dicitur D. Toussaint, sed postea erroris in eo contentos ejurasse alio *Adieu* opusculo ann. 1764. Rousseavins etiam in suo *Emile* Tom. III. p. 124. non alium Dei cultum externum, quam qui in loco, ubi vivimus, obtinet, observandum esse contendit.

(c) De Scythiis id testatur Strabo L. XII. & Lucianus de sacrificiis. De Persis Herodotus L. VII. De Germanis Tacitus De moribus Germanorum. De Gallis

Cicero Orat. pro Fontejo, & Cæsar L. VI. *De Bello Gallico*. De Britonibus Plinius L. XXX. *Hist. Naturæ* v. 16. & Græcis Eusebius Lib. VI. *Prepar. Evangel.* c. 16. & Virgilius Lib. 2. *Æneidii* v. 116. Romanos non fuisse huius immanitatis expertes tradunt Lædantius Lib. I. *Divin. Institut.* c. 21. Minutius Felix in *Octavio* num. 35. Plura in hanc rem collegerunt Jacob Gensius in suo opere, *Vitima humana*, & Petrus Petiti Lib. XI. De *superstitione* caput 10. & 11.

(d) Olusepnos hos Gentilium ludos merito detestantur inter alios Sancti Augustinus Lib. IV. *De Civit. Dei* cap. 8. & Lædantius Lib. I. *Divin. Institut.* cap. 20. ex recentioribus autem videri possunt Alexander ab Alexandro Lib. XI. *Genial. dier.* cap. 8. & Sain. Bochart in *Hierozoico* P. I. Lib. II. cap. 53. Notum est quod Valerius Maximus in Lib. II. narrat, fuisse Catonem ab huiusmodi ludis abire coactum, ut eo absente posset populus impudicitia effrenatus indulgere.

horum cultum quasi matrem; neque aliter potuisse inveni, quam per eos, qui a Diis se inspiratos mentiebantur; unde inferi, solam esse audiendam rationem omni revelatione amota.

123. Frustra inquam, potuisset enim & debuisset vir minime obtinere videre, non qualemcumque imaginariam, & fictam, sed veram, ac divinam revelationem esse audiendam; quæ nihil nos docere potest, quod sit recto rationi contrarium. Profecto nemo colligit, incerto, atque imperito viatori nullum esse utilem, ac necessarium ducem, quia non semel contigit, ut ab ipsis ducibus miseri viatores deciperentur. Deus autem hominibus, & providentia sua nobis characteres suppeditavit, quibus veras revelationes a spiritibus, imaginariis, & confictis scernere possemus, ut postea videbimus. Sed modo ad propositam redeamus difficultatem.

124. Nullo modo Naturalistis concedi posset, quod post Ciceronem, Epictetum, nonnullosque alios veteres contendunt, debere nos in externo religionis cultu legibus, & consuetudinibus populo- rum accommodare. Id enim si verum foret, deberet quilibet in Judæorum Synagogis, in Turcarum Meschitis, aut in idolorum delubris, si ocesio tulerit, supersticiosos ritus simul cum aliis exercere. Id quidem a non paucis factum fuisse, & adhuc fieri non ignoramus (a). Sed bona fide dicant adversarii, an legibus religionis naturalis, quam se profiteri dicunt, permixta sit simulatio in re tanti momenti? Profecto an hæc simulatio sit honestati, veritati, ac rectæ rationi consentanea, adversarii ipsis judicandum relinquimus.

125. Nihilo magis concedi potest, non alia de causa fuisse externos religionis ritus inventos, quam ut membra alicujus societatis simul iniantur. Alia est sublimior causa, nos adigens ad Deum Dominum, & patrem nostrum tam externe, quam interne colendum (Confer, quæ supra num. 12. de cultu dicta sunt); ut proinde si quis esset extra omnem societatem constitutus, jure solus in mundo, quemadmodum initio fuit Adam solus, adhuc tamen deberet Deo tam internum, quam externum cultum exhibere.

126. Dices. In ipsa Ecclesia Romana, ubi revelatio diligentius custoditur, mira est in cultibus religionis varietas; omnes tamen creduntur Deo grati. Unde S. Gregorius Papa (Lib. XII. Regist. epist. 31. ad interrogat. 3. apud S. Thomam 2. 2. quæst. 93. art. 1. in arg. 3.) S. Au-

gustinus Anglorum Episcopo respondit: *Mihi placet, ut sive in Romanis, sive in Galliarum partibus, seu in qualibet Ecclesia aliquid invenisti, quod plus omnipotenti Deo possit placere, sollicite eligas.* Si autem cultus Dei dependeret a divina revelatione, nonnisi unus ubique esse posset. Vid. S. August. epist. 54. ad Jan. cap. 2.

127. Resp. Cum dicitur, nonnisi divina revelatione nobis certo constare posse, quinam sit, & qualis religiosus cultus, Deo placens, id debere intelligi de ipsa divini cultus substantia, atque essentia, non autem de modo, tempore, & quibusdam ceremoniis, quæ ab Ecclesia inventa postea sunt, & gentium aliqua diversitas est, quamquam non multa. Hinc Sacrosancta Tridentina Synodus Sess. XXII. postquam cap. 1. agnovisset, Sanctissimum Missæ Sacrificium fuisse a Deo, & Domino nostro Jesu Christo, institutum, cap. 4. & seq. fatetur sacrum Canonem Missæ, ac solemnes plures ceremonias fuisse postea ab Ecclesia adjectas, quo & majestas tanti sacrificii commendaretur, & mentes filiorum per hæc visibilia religionis, & pietatis signa, ad rerum altissimarum, quæ in hoc sacrificio latent, contemplationem excitarentur. Idem dicitur de Sacramentis, quorum institutio divina est; sed nulla iis adjecta sunt Ecclesiæ auctoritate.

128. Neque vero nobis illorum obijciatur opinio, qui putant, multos sacros ritus in Ecclesiam a Gentilium superstitione suisim irrepisse. Nam primo etiamsi id verum esset, parum nostræ causæ noceret; quia ut olim S. Augustinus simili difficultati respondebat (Ep. 102. olim 49. de sex questionibus Co. q. 3. n. 18. T. II.) non culpabatur in sacrilegis ritibus Paganorum, quod hæc facerent, sed quod hæc idolis & demoniis exhiberent: cum enim hæc exhibentur Deo, secundum ejus inspirationem, atque doctrinam, vera religio est; cum autem demonibus, secundum eorum impiam superbiam, noxia superstitio.

129. Deinde nimia confidentia asseritur, quodam ritus ab idololatrica superstitione in Ecclesiam esse derivatos ex eo, quod iidem essent apud Gentiles in usu, antequam Christiana religio nasceretur. Nam potius hi ritus plerumque ab Hebræorum gente omnium antiquissima desumti sunt ab Ecclesia Christiana, non autem a Gentilibus, qui & ipsi eos erant ab Hebræis mutuati, vel a Noachica traditione receperant, & ad idolorum cultum impie converterant (b).

§.

(a) Theod. Luid. Lan in impiissimo opere, cui titulus *Meditationes philosophicæ de Deo, mundo, & homine* inter alia habet cap. 1. §. 21. *culo Deum talem, qualem Princeps, vel republica me jubet.* Si Turca, alcoranum: si Judæus, vetera testamentum: si Christianus, novum testamentum veneror pro lege, & religionis meæ norma. Papa si imperat, Deum credo transubstantiatum. Si Lutherus, Deus mihi particula in,

cum, & sub circumvallatur. Si Calvinus, signum præ Deo sumo. Hoc idem, ni fallor, Naturalistæ nobis persuadere vellent.

(b) Illic in re legi meretur Diatriba de falsa veterum Christianorum rituum a ritibus Ethnicorum origine, quæ Romæ prodit sub auspiciis Eminent. Card. Franc. Xavieri de Zelada an. 1777. in 8. in ea enim contra nonnullos Rom. Eccles. scriptores, & contra

§. IV. *Quartum argumentum pro necessitate supernaturalis revelationis depromptum ex ignorantia cultus interni Deo debuit.*

130. Internum Deo cultum debere, nemo Naturalistarum negat. Jam vero ad illum certo determinandum non sufficere humanam rationem, facile quisque animadvertet, qui consideret, quam turpiter fuerit in hac parte a cæca Gentilitate peccatum (a). Primum enim ad internum Dei cultum pertinet, ut Deum tanquam primum nostrum principium agnoscamus, & veneremur, adeoque omnia ad ipsum, tamquam ad ultimum finem, referamus. Hinc debemus amare nosmetipsos, sed propter Deum: debemus diligere etiam alios, sed in Deo, quo fit, ut inimicos ipsos in Deo diligere teneamur. Hoc autem generale præceptum, quod totius cultus Dei interni, & externi fundamentum est, prorsus ignorarunt Philosophi ethnici. Hinc illud magnum discrimen sapiens a S. Augustino notatum inter virtutes Christianorum, & Paganorum; quamquam enim officii eadem viderentur, finibus tamen admodum discrepabant. Vid. S. Doctor in L. IV. contra Julianum c. 5. T. X. & alibi sæpe.

131. Ulterius Deum maxime honoramus per orationem, qua eum agnoscimus omnium bonorum largitorem. At vero quanta erat apud Ethnicos ignorantia in precibus ad Deum fundendis! Fere enim illi nihil aliud petebant, quam bona temporalia, de spiritualibus nihil solliciti. Christus autem nos docuit, ut primum queramus regnum Dei, & iustitiam ejus (Matth. VI. 33.). Non decant insuper, qui suis vitiis propitia Numina advocarent, quæ ratio ut absurdissima, valde tamen communis erat. Et quinam demum Philosophorum lumine naturæ orationem invenire po-

tuit similem illi, quam Christus docuit Matth. VI. 9. *Pater noster* &c.? Unde apparet, quam merito dixerit Tertullianus (in lib. De oratione cap. 9.), *solum Deum docere potuisse, ut se vellet orari: quomobrem etiam discipulus ille (Lucæ XI. 1.) Christum rogabat: Domine, doce nos orare* (b).

132. Quæ autem de oratione dicta sunt, dici pariter debent de gratiarum actione, quæ cultus Dei religiosi non minima pars est. Quemadmodum enim Ethnici in sum rationis tenebris rectum orandi modum non videbant, ita consequens erat, ut de acceptis beneficiis debitas Deo gratias reddere non valerent. Hinc Cotta (apud Ciceronem L. III. de nat. Deor. cap. 36.) atque hoc quidem, aiebat, omnes mortales sic habent: *externas commoditates, vineta, segetes, oliveta, ubertatem frugum, & fructuum, omnem denique commoditatem, prosperitatemque vitæ a diis se habere; virtutem autem nemo unquam acceptam Deo retulit.*

133. Asserere etiam non immerito possumus, nos unius veri Dei cultum nonnisi ex supernaturali revelatione didicisse. Quamquam enim etiam humana ratio facile evincat, verum, & summum Deum nonnisi unicuique esse posse, idque ipsum bene multi antiqui philosophi noverint, & docuerint; nescio tamen qua ratione polytheismus, & superstitia totum fere occupaverant orbem, atque ii ipsi, qui Deum unum esse cognoverunt, sive ex animo, sive simulate propter populum inani-bus Diis palam sacrificia offerre non verebantur: & ad nec homines in tenebris idololatriæ jacerent, nisi Christus Dominus, ac Redemptor noster novis miraculis antiquum unius Dei cultum confirmasset, ac ubique terrarum per Apostolos suos propagasset. Divina igitur revelatio erat necessaria, ut homines disceant, nonnisi uni Deo tan-

EX-

plures Hæreticos eruditus auctor evincere conatur, ne unum quidem religiosum ritum in Judeorum synagogam, aut in religionem catholicam ab ethnica superstitione fuisse derivatum. Nat. Alex. in Hist. veter. Test. III. mundi ætate diss. 6. Calmet Diss. prælimin. in Gen.; atque alii ex nostris eadem sententiam strenue tutati sunt contra Jor. Marshamum in Can. chronico Egyptiaco, Hebraico Græco &c. & Jor. Spen- cerum De legalibus Hebræorum ritualibus. Majores hæc in parte contra Ecclesiam Catholicam, conatus exeruit Missardus Calvinista in suo libro inscripto *Conformité des cérémonies modernes avec les anciennes* &c. cui augustinior non ita pridem accessit Conyers Middleton in longa epistola, & præfatione memorato Missardi libro præmissa Amstelod. 1744. Sed Catholicæ Ecclesiæ ritus egregie vindicarunt inter alios Jor. Marzani dello cose gentilesche, & profane trasportate ad uso, & ad ornamento delle Chiese. Romæ 1744. in 4. Div. Bruyès *Defense de culte extérieur de l'Eglise Catholique* edit. à Parisiis 1686. in 12. & P. Antonin. Valseschi *Dei fondamenti della Religione*. Lib. III. F. H. o. 6.

(a) Cotta. apud Ciceronem Lib. III. de nat. Deorum

cap. 36. fidenter aiebat, *judicium hoc omnium martirum esse, fortunam a Deo petendam, a seipso tumentem esse sapientiam.* Sed inter bona corporis etiam ea a Diis petebant, quæ sine ulla criminibus oblectari nequeant. Specimen harum rerum nobis exhibet Horatius L. I. epist. XVI. 60. ita hominem precantem describens .... *paltra Laverna,*

*Da mihi fallere, da jastum, sanctumque videri, Noctem peccatis, & fraudibus obijce nubem.* Hinc, ut ex Epiphanio notavit Lilius Greg. Gyradius in sua Hist. de diis Gentium Syntagn. I. p. m. 11. quilibet pro suo genio sibi effingebat numen, sanguinarij Martem; adulter & adultera Pandemum, Venerem, idest communem & vulgarem; tyrannus Victorium Deam; sordibus, & hujusmodi rebus inhians Saturnum; offuminati & molles Cybelem, & Rheam; gulosus, aut gulosæ Dianam venatricem; libax, & ebrius Bacchum &c. Naturalista Rousseauvis tem brevius sniebat contendens, Deum minime esse orandum. Tom. III. de P. Emile. p. 116. edit. Amstel. 1756.

(b) Digna est, quæ legatur hujus divinæ orationis expositio S. Thomæ opusc. VII. editionis Bergomensis 1744. in fol.



externum, quam internum cultum esse exhibendum.

134. Frustra vero Freretus (in suo *Examining critico Apologistarum religionis* cap. 9.) opera male sedula conatur ostendere, omnes veritates, quas nos Evangelicæ revelationi tribuimus, fuisse etiam veteribus philosophis notas, præcipue autem, quæ officia erga Deum, & homines spectant.

135. Nam primo, ut supra (num. 82.) dictum est, antiquæ revelationis Patriarchis factæ quedam vestigia etiam in Gentibus remanere potuerunt. Secundo istæ veritates plerumque non uisi paucissimis notæ fuerunt, maximas autem hominum parti prorsus absconditæ, beneficio deinum divinæ revelationis fuerunt omnibus, etiam rudibus patefactæ. Tertio inter ipsos philosophos omnia fere erant in controversiam adducta, ut nulla haberetur de dogmatibus, etiam præcipuis, certitudo, sed magna relinqueretur inquirentibus veritatem confusio; sola autem divina revelatione, omnia quæ Deo, nobis ipsis, ac aliis hominibus debentur officia, in aperto posita sunt, atque ea certitudine communita, ut nullus supersit prudentibus dubitandi locus.

## CAPUT VI.

*Solvuntur quedam difficultates contra necessitatem revelationis veritatum supernaturalium.*

136. Objic. primo. Naturæ hominum magis convenire videtur, ut ad suum finem perducatur per religionem naturalem, quæ cum ejus ratione debitam habet proportionem.

137. Resp. cum S. Th. (a), quia ad altius bonum, quam experiri in præsentī vitæ possit humana fragilitas, homines per divinam providentiam ordinantur, oportuit mentem exquiri in aliquid altius, quam ratio nostra in præsentī possit pertingere; ut sic disceret aliquid desuperare, & studio tendere in aliquid, quod totum statum præsentis vitæ excedit. Vid. etiam 2. 2. q. art. 3.

138. Dices (b). Religio naturalis non alia de causa insufficiens dici potest, nisi quia non satis perspicue nobis suas veritates tradit, unde majus lumen revelationis requiri dicitur, ad eas cum omni evidentia cognoscendas; at vero illæ veritates ordinis supernaturalis, quæ revelatio nos docet, sunt multo obscuriores, utpote quas nulla valeamus ratione comprehendere: non ergo &c.

139. Resp. Falli Rousseavium, dum revelationem putat ea dumtaxat de causa esse necessariam, ut quæ naturali lumine obscurius cognoscuntur, ejus beneficio clarius, certiusque patefiant. Est enim revelatio etiam necessaria, ut alias veritates

addiscamus ordinis superioris, quibus voluit Deus optinuis, & sapientissimus, ut tanquam mediis ad finem supernaturalem nobis præstitutum perveniamus. Et hæc revelationis ope certissime cognoscimus, quāquam internum earum nexum, & modum cognoscere in hac vitæ nobis datum non sit; unde etiam mysteria nuncupantur.

140. Obj. 2. Si aliqua hominibus esset necessaria revelatio, hæc tota in initio fieri debuisset, non successive, quemadmodum facta dicitur usque ad Christum. Addit Genevensis Naturalista (loc. cit. p. 150.), debuisset Deum non paucis hominibus, sed omnibus omnino suam voluntatem revelatione palam facere; nam modo adstringimur non jam ipsi Deo credere, qui nec falli potest, nec fallere, sed hominibus, qui dicunt, se vocem Dei audivisse, & falli possunt, & fallere. Providentissime igitur Deus omnibus, & singulis hominibus rationem dedit, quæ si recte utatur, sine seductionis periculo omnia, quæ ad bene, beateque vivendum spectant, cognoscere possunt.

141. Resp. Si hæc argumenta valerent, possent etiam evterere necessitatem religionis naturalis; neque enim principia, & præcepta semper omnibus, & singulis sine ulla controversia innouerunt. Accedit, quod in ipsis hominibus non semper idem est, aut æquale rationis lumen; exoritur enim instar auroræ in pueris, crescit in adultis, viget in viris, & nonnunquam senescit in senibus. Præterea quanta in diversis hominibus acumiis varietas! & quanta in iudiciis, & sententiis discrepantia! ut proinde colligere possumus, non satis nobis fuisse provisum, si soli rationis lumini fuissetis relicti.

142. Prima omnium religionis dogmatum revelatio integra, & absoluta Adamo facta est; ab eo deinde traditione in posteros propagata, post autem vitio, & negligentia hominum non parum obscurata, & corrupta. Placuit vero divinæ bonitati eam identidem per suos Prophetas suscitare, quāquam non semper omnino perspicue, & plene, donec veniret in mundum Dominna, ac Salvator noster Jesus Christus, qui omnia religionis nostræ arcana plenissime & apertissime reservavit. Sancti Thomas 2. 2. qu. 1. art. 7. observat, numerum articulorum fidei non crevisse quantum ad substantiam, sed solum quantum ad majorem eorum explicationem.

143. Necessæ autem non erat, ut Deus singulis hominibus interno instinctu, vel alia ratione religionis veritates revelaret, sed satis erat, ut per paucos homines ~~quædam~~ revelatio ad omnes alios propagaretur. Ipsis autem largitus est quoddam suæ divinæ auctoritatis sigilla, effectum ut ipsius testimonia credibilia omnibus fierent. Quæ de re inferius agetur.

144.

(a) Lib. I. contra Gent. cap. 5, ubi ipsissimam difficultatem sibi objicit iniquitas, videtur quidam fortasse non debere hominē ad credendum propari illa,

quæ ratione investigandum non sufficit, cum divina sapientia unicuique secundum modum suæ naturæ provideat.

(b) Cum Rousseavio Tom. III. De l'Emile p. 138.

144. Instat Rousseavius. Semel ac necessitas revelationis supernaturalis statuitur, poterit quilibet in sua secta; prætextu divinæ revelationis, qua eam a Deo probatam; imo & constitutam credit, tranquille vivere; aut si veram revelationem a supposita discernere velit, longum, ac proprium institutum examen instituisse debet; nimirum omnes, vel præcipuos saltem cuiuscumque religionis codices evolere, imo vel ipsas regiones, in quibus diversæ religiones vigent, penetrare, ut quænam iure, ac merito, quænam autem immérito divina revelatione gloriantur, liquido compertum habeat. Neque enim debemus paradoxum illud Stoicorum præceptum amplecti, qui, ut Plutarchus narrat, non nisi unam litigationum partem audiendam esse volebant: si enim hæc, inquebant, quod dicit, evidenter demonstrat, jam confectum est negotium: si autem non probat, jam causa cecidit. Concludit porro Naturalista, cum istud examen institui nullatenus possit, satius esse naturali religioni acquiescere, quæ apud omnes una, eademque est.

145. Resp. primo, hoc argumentum facile posse contra Rousseaviū retorqueri. Vult enim iste solam religionem naturalem sufficere; verum maior, & melior hominum pars, non solum in nostra Europa, sed & in aliis semotioribus mundi partibus ei aperte contradicit. Vel itaque more Stoicorum ipse rem dijudicat, adversarius inauditis; vel si eos quoque audientes esse constituit, debet innumera omnium religionum volumina perolvere, & longissimis peregrinationibus totum orbem perstrare, ut adversarius omnibus auditis possit tunc ex suo tripode pronunciare, solam religionem naturalem ad bene, beatoque vivendum sufficere. Neque hoc satis erit: hæc enim finita controversia, novæ exorientur non minoris momenti, in quoniam sita sit religio ista naturalis? quænam ejus præcepta, & officia cum erga homines, tum maxime erga Deum? quoniam hominum finis, & quænam eorum vera felicitas? Et cum de his omnibus tam veteres, quam novi philosophi tanta sint in dissensione constituti; ut ferme tot inveniantur sententiæ; quot philosophorum sectæ, nescio an satis otii, & temporis Naturalistis suppetat, ut possint omnia uniuscujusque partis momenta perpendere, antequam sententiam pronuncient.

146. Sed facile est hæc objectionem refellere. Quemadmodum enim ut veros niminos cognoscamus, necesse non est omnes adulterinos examinare, ita opus non habemus omnes falsas sectas ad examen vocare, ut veram inveniamus religio-

nem; tot enim, tantaque sunt credibilitatis motiva, quibus nostra revelata religio fulcitur, ut quilibet etiam idiota, & rudis, modo serio, ut in re tanti momenti par est, attendere velit, divinam vocem agnoscere possit. Miracula enim clara, insignia, certissima in nostræ revelationis confirmationem facta homines etiam illiteratos commovere, & convincere debent, & solent.

147. Quod si quis velit, examine instituto alias profanas sectas cum nostra sancta religione comparare, non omnes illi adeundæ erunt bibliothecæ, non omnia volumina versanda, multoque minus per omnes mundi regiones divagandum; sed lectis libris symbolicis, expensisque singularum fundamentis, nullus dubito, quin magnum, & immane prorsus discrimen inter divinam revelationem, hominumque fraudes illico animadvertat. Neque vero eum laboris pigere debet: nullum enim aliud in tota vita negativum est, in quo major industria, ac diligentia exerceri debeat (a).

148. Instat iterum Genevensis Philosophus. Hæc obligatio cognoscendi supernaturalem revelationem cum divina iustitia, & bonitate pugnat; esset enim obstaculum ad obtinendam salutem plerisque insuperabile; quibus enim mediis possent homines inculti, ac sylvestres ad hujus supernaturalis religionis cognitionem pervenire?

149. Resp. Deum, qui hæc supernaturalem religionem nobis largiri dignatus est, etiam media suppeditare, quibus eam cognoscere, & observare valeamus. Quod si aliquibus hujusmodi media desunt, id eorum culpæ est adscribendum, qui divinæ luci, quæ illuminat omnem hominem venientem in hunc mundum, obstacula opponunt: & certissime tenendum est, hominibus etiam rudibus, & sylvestribus, si divina opitulante gratia facerent, quod in se est, sequentes ductum rationis in fugam mali, & appetitum boni, Deum vel solitis, vel etiam insolitis, & prodigiosis modis provisorum, ut de necessariis ad salutem instruerentur. Consulatur S. Thomas Lect. 3. in cap. X. epist. S. Pauli ad Rom. (b).

## CAPUT VII.

*Demonstratur, in religione supernaturali a Deo revelata contineri posse mysteria, quæ rationem nostram longe superant, non tamen ipsi opponuntur.*

150. Nihil magis nostris Naturalistis invidium, quam *mysterii* nomen, quod a religione omnino eliminatum vellent (c). Bælius, dum mysteria

(a) Quanta sit religionem bene adliscendi necessitas, & obligatio, & quam vana sint eorum effugia, qui hoc studium negligunt, luculenter ostenditur in brevi quodam sermone præmisso Tom. I. *l'Exposition de la doctrine Chrétienne*.

(b) Solita sua licentia, & scurrilitate Rousseavius

p. 162. hæc doctrinam irridet. Sed Angelicus eam non solum ex communi hominum de bonitate Dei opinione derivavit, verum notissimis etiam exemplis confirmavit, nempe Petri, quem Deus inivit ad Corinthis, & Pauli missi ad Mæcedones.

(c) In hoc omnes statutus suos, post Jo. Tolandem



esse contra rationem contendit, reipsa ea de medio tollere nititur; impossibile est enim, religionem aliquid doceri, quod recte rationi repugnet. Socium demum, dum Sacrarum litterarum humanam rationem interpretem esse volunt, omnia a religione mysteria explodunt, quia ratio ea invenire non potest.

151. Contra hos religionis supernaturalis hostes, vel corruptores, ostendendum est primo, mysteria posse nobis a religione ad credendum proponi; deinde decuisse mysteria in religione contineri, quæ nostram rationem superant; ac demum ea rationi non esse contraria.

152. Prob. prima pars. Revelatio supernaturalis ea nobis credenda proponit, quæ Dei essentiam, attributa, voluntates, decreta, atque operationes spectant; cum vero hæc omnia infinita sint, & infinite debile, atque exile nostræ rationis ingenium excedant, quid facilius contingere potest, quam ut quedam nobis revelentur, quæ nobis quasi enigmata videantur; & quæ tamen, si prout in se sunt, nobis intueri liceret, nihil exhiberent, quod cum principiis per se notis non apprime congrueret? Huiusmodi autem sunt, quæ sanctæ nostræ religionis mysteria vocantur a nobis certissime credenda, atque humiliter adoranda, non autem curiosius investiganda.

153. Id confirmat S. Thomas ex difficultate, quam in ipsis naturæ operibus cognoscendis quotidie experimur; quanquam ista & sensibus subiecta sint, & nostram intelligendi vim minime superent. Rerum enim sensibilibus, inquit Angelicus Lib. I. Contra Gentil. cap. 3., plurimas proprietates ignoramus, earumque proprietatum, quas sensu apprehendimus, rationem perfectè in pluribus invenire non possumus: multo igitur amplius illius excellentissimæ substantiæ transcendens omnia intelligibilis humanæ ratio investigare non sufficit. Unde & testimonium affert Aristotelis dicentis (in Libro II. Metaph.): intellectus noster sic se habet ad prima entium, quæ sunt manifestissima in natura, sicut oculus vesperilionis ad solem (a).

154. Prob. altera pars ex eodem Angelico, qui cap. 5. ostendit, decuisse omnino mysteria in religione contineri, quia iis ducimur ad veriozem,

sublimioremque Dei cognitionem: tunc enim solum vere Deum cognoscimus, quando ipsius esse credimus supra omne id, quod de Deo cogitari ab homine possibile est, quod naturalis hominis cognitionem divina substantia excedit. Per hoc ergo, quod homini de Deo aliqua proponuntur, quæ rationem excedunt, firmatur in homine opinio, quod Deus sit aliquid supra id, quod cogitari potest.

155. Alia etiam utilitas, pergit S. Doctor, inde provenit, scilicet præsumptionis repressio, quæ est mater erroris. Sunt enim quidam tantum de suo ingenio præsumentes, ut totam naturam divinam se reputent suo intellectu posse metiri, æstimantes scilicet, totum esse verum, quod eis videtur, & falsum, quod eis non videtur. Ut ergo ab hac præsumptione humanus animus liberatus ad molestam inquisitionem veritatis perveniat, necessarium fuit homini proponi quædam divinitus, quæ omnino intellectum ejus excederent. Patet igitur, conveniens fuisse, ut nobis mysteria a Deo revelarentur, quæ nostram intelligendi facultatem superant.

156. Prob. demum tertia pars, nempe mysteria recte, sanæque rationi minime adversari; & prob. cum eodem S. Thoma, qui (Lib. I. Cont. Gent. c. 7.) hanc invictam affert rationem: Ea, quæ naturaliter rationi sunt insita, verissimè esse constat, in tantum ut nec ea esse falsa sit possibile cogitare, nec id, quod fide tenetur, cum tam evidenter divinitus confirmatum sit, fas est credere, esse falsum. Quia igitur solum falsum vero contrarium est, ut ex eorum definitionibus inspicis manifeste apparet, impossibile est, illis principiis, quæ ratio naturaliter cognoscit, prædictam veritatem fidei contrariam esse.

157. Confirmat illipsum S. Doctor, quia principiorum naturaliter notorum cognitio nobis divinitus est indita, cum ipse Deus sit auctor nostræ naturæ. Hæc ergo principia etiam divina sapientia continet. Quidquid igitur principis huiusmodi contrarium est, esse divinæ sapientiæ contrarium: non igitur a Deo esse potest. Ea igitur, quæ ex revelatione divini per fidem tenentur, non possunt naturali cognitioni esse contraria.

in impio libro, cui titulus: *Christianismus mysteriorum* Lond. 1702., aliosque Incredulos, impendit V. Toussaint auctor epistolarum sur la religion essentielle de l'homme, quas itatim ac prodire, refutarunt inter alios D. De Roche duobus volum. in 8. inscriptis: *Defense du Christianisme* Geneva 1740., D. Boullier *Lettres sur les vrais principes de la religion* &c. Vol. 2. Amstel. 1741., Zimmermanns de causis magis, magisque inolecentis incredulitatis in 4. Tiguri 1739., & Breilingarus in *Examine epistol. de religionis essentiali*. Naturalistis postea subsidiiarii veniunt non ita pridem J. J. Rousseaus in variis suis nenatis operibus. Hunc autem plurimi confutarunt, &

præcipue D. Bergier multis contra Incredulos editis libris; & hæc etate clarissimus, & doctissimus P. Antonius Valaccii in celebri opere *De fundamentis religionis*, jam sæpius recuso.

(a) Hinc apparet, quantum a vero aberraverit Prædesius, dum inter alias propositiones a Sacra Facultate Parisiens anno 1751. merito proscriptas ajebat num. 3. Ipsa vero religio revelata nec est, nec esse potest alia a lege naturali magis evoluta. Conatus est ille quidem suam propositionem ad sanam sensum reducere in infelici apologia, quam Amstelod. edidit 1752. P. II. p. 47. dicens, se locutum fuisse solam de lege naturali, quem certum est fuisse revelationis ope me-

traria (a). Alia assert S. Doctor ad idem probandum momenta, apud eum legenda.

158. Uterius, ut aliquid rationi repugnare velle dicatur, necesse est duas concurrere claras, distinctasque ideas, quæ secum ipsis adversa fronte pugnent. Hoc autem impossibile est, ubi de mysteriis agitur, quorum claram, distinctamque notionem nemo habere potest. Ita ex gr. quis audeat dicere Trinitatem personarum in una divina natura rationi adversari, cum neque naturæ divinæ, neque personarum divinarum claram, distinctamque notionem habeat? Annon ineptire diceretur ille cæcus, qui impossibile esse contendere, in parva tabella, & omnino plana, ac lævigata, flumina, maria, montes, domos, plantar, homines, animalia variorum generum ita pingi, ut inter se longissime distare videantur, alia superius, inferius alia; unum ante, aliud retro; hic montes eminentes, illic valles profundæ appareant? Quid, si cæcus tactus experimentum afferat, & dicat, se planum lævigatissimum manu sentire, ut nec prominentiæ, & cavitates, nec tanta objectorum varietas, & distantia in eo esse possit? Novæ in promptu esset, ipsi respondere, aliam esse tactus, aliam visus rationem? Ita potiori jure de mysteriis loquendum est, quorum essentia non minus nobis impervia est, quam pictura cæcor.

159. Obj. 1. contra I. P. Religio essentialis omnibus communis esse debet; communis autem esse non potest, nisi sit ita evidens, ut à quolibet etiam rudi plane intelligi possit: neque enim homines ex imperio credunt, sed ex intima persuasionem, cognita scilicet perspicua veritate. Cum igitur huic evidentiæ opponantur mysteria, sequitur ea esse a religione explodenda.

160. Respond. Religionem debere esse evidentem, non evidentia directâ, qua interior mysteriorum essentia, seu ipsorum cum principiis connexionis clare perspicitur, quomodo evidentes dicuntur veritates geometricæ; sed evidentia indirectâ, qua scilicet certis, evidentibusque argumentis constet, Deum, qui nec falli potest, nec fallere, mysteria revelasse; hac enim posita revelatione certi omnino sumus, ea esse vera, quamquam interiorum

eorum connexionem perspicue non videamus.

161. Sane in ordine etiam naturali multa creduntur ob solam dicentis auctoritatem; ut cum alicui Mathesis ignaro veritates geometricæ proponuntur, eas ille credit, quamquam earundem cum primis principiis connexionem nullo modo percipiat; nec tamen temere credit, cum videat, omnes Geometras illas propositiones pro demonstratis, & certissimis habere. Quanto magis Deo credere debemus, quando ea revelat, quæ propter infinitam distantiam a tenus nostræ rationis radio attingi nequeunt? Id multis exemplis illustrat S. Augustinus in Libro *De fide rerum, quæ non videntur* Tom. V. tum etiam Lib. XXI. *De Civit. Dei* cap. 5. Tomo VII.

162. Inst. Si mysteriorum essentia non intelligitur, nihil erunt aliud, quam simplices soni sine sensu, & verba, quorum significatio, nedum a rudi populo, sed etiam a doctioribus ignoratur.

163. Resp. Mysteria non esse sonos sine sensu, quia etsi a nobis non cognoscantur omnino perspicue, quantum ad ipsam eorum essentiam, seu interiorum eorumdem connexionem, ad quod ratio nostra suis viribus assurgere nullo modo potest, satis tamen cognoscuntur ex divina revelatione, qua certi de eorum veritate reddimur. Ex parte cognoscimus, & ex parte prophetamus, inquit Sanct. Paulus Epistol. 1. ad Corinth. XIII. 9., seu nunc videmus per speculum in ænigmate, speramus autem aliquando nos visuros facie ad faciem. Nempe tunc omnino perspicue videbimus, non solum essentialium mysteriorum, sed etiam modum.

164. Res clarius fiet exemplo. Mysteriorum est, Deum esse simul & unum in natura, & trinum in personis. Neminem fidelium latet, quid nomine naturæ, & quid nomine personæ generaliter, & absolute veniat; & ex hac parte omnes fideles etiam rudes mysterium Trinitatis cognoscunt. Sed ex alia parte idem mysterium obscurum est: primo quia nemo potest sibi claram, distinctamque divinæ naturæ, quæ infinita est, aut personarum notionem efformare: deinde quia Deo nobis revelare non placuit, quomodo in unica natura divina tres infinitæ substantiæ inveniantur, quibus

gis evolutam, & explicatam. Sed hujusmodi expositio visa est eruditis a sensu damnata thesis omnino aliena. Vid. *Court examen de la Thèse de M. de Prades* p. 17.; & opus D. Gourlin, cui titulus *Observations importantes au sujet de la Thèse de M. de Prades* p. 50. & seq.

(a) Duo lumina (inquit non unius doctus, quam pins Lud. Granatensis Ord. Prædicator. Introduct. in Symbolum P. IV., cap. 1.) omnibus Christianis Deus communicat, quibus eum cognoscere, rationis, & fidei, alterum naturale est, divinum alterum, ambo tamen filii Dei, quoniam ambo ab eodem principio (nempe ipso Deo) procedunt; alterum quidem per naturam, alterum per gratiam.

Hæc ipsa ratio nisi sunt Patres Concilii V. Lateranen. sub Leone V. ad condemnandum errorem Petri Pomponatii dicentis, animas nostras juxta fidem esse immortales, mortales vero juxta Philosophiam. Cum verum vero, inquinat Sess. VIII., minime contradicere, omnem assertionem veritatis illuminatæ fidei contrariam omnino falsam definimus. Lutherus etiam inter alia paradoxa docuit, posse aliquid in Theologia esse verum, quod sit falsum in Philosophia, quæ propterea merito castigavit Greuterus in *Inaugurali Doct. Tomo XII. P. I.* Eundem errorem propugnavit Dan. Hoffmannus, qui a Microlio in *Synagm. Histor. Eccles. Lib. III. Sess. 2. p. 871.* edit. 1679. dicitur auctor de cimiterii schismatis in Luteranâ fatione.

bus tres distinctæ personæ constituuntur (a).

165. Et adeo falsum est, nos solis vocibus occupatos nihil aliud de mysteriis, quam inanes sonos fundere, ut quotiescumque eruperunt hæretici, mysteria corrumpere conantes, Ecclesiam illic eorum errores detexerit, atque proscripterit. Sic damnatus est Sabellius, qui personarum distinctionem, & triunitatem tollebat; & pariter damnatus est Arius, qui ut tres personas, ita tres naturas diversas esse, blasphemabat. Nec hoc solum, sed vana utriusque cavillationes, subtilesque, atque acutas difficultates, Catholicis feliciter dispinxerunt, atque enodarunt. Idem contigit in mysterio Incarnationis, ceterisque omnibus. Adeo falsum est, mysteria a nobis nullatenus intelligi, ac de iis solas inanes voces sine sensu effundi.

166. Hic obiter notare liceat, quantum a vero aberrat auctor epistolularum de religione essentiali, dum (Tom. III. pag. 76.) mysteria nostræ religionis nihil aliud esse dicit, quam illationes ex quibusdam S. Scripturæ testimoniis, quorum sensus per se obscurus, & ambiguus fuit ab Ecclesia determinatus.

167. Hoc omnino falsum est; mysteria enim clare, nitideque a Christo Domino nostro oretenus Apostolis tradita, & explicata sunt; post autem a sacris scriptoribus literis consignata. Sed quia labente tempore, aliqui malefieri homines ea aut negare omnino, aut saltem corrumpere ausi sunt; Ecclesia auctoritate utens sibi a Deo concessa eadem confirmare debuit, & verum, ac genuinum Sac. Litterarum sensum contra Novatorum depravationes determinare.

168. Inst. 2. Fides nostra debet esse *rationabile obsequium* (Roman. XII. 1.); atqui mysteria creduntur sine ratione, quia ratio ad illa se extollere nequit: ergo &c.

169. Resp. Mysteriorum fidem esse obsequium omnino *rationabile*, non quod ratio internam eorum veritatem attingat; sed quia ratio evidentibus *credibilitatis* motivis inducitur, ut credat, ea a Deo fallet, & falli nescio, esse revelata. *Ut aliquis*, inquit Contensonius (Lib. VII. Theolog. mentis, & cordis Dissert. 2. cap. 1. specul. 2. De quarta fidei conditione pag. 400. edit. Taurin. 1769. Tom. II.) *prudenter iis, quæ fides proponit, credit, non sufficit motio, & pia affectio voluntatis obiectum fidei gustans, & assensum intellectui præcipiens, sed requiritur in-*

*super aliqua ex parte intellectus persuasio ex argumentorum credibilitatis efficacia orta; nam male credit, qui leviter credit; leviter autem credit, qui sine rationum momentis præbet assensum: qui autem bene credit, is debet esse rationum copiis instructus, ut de fidei credibilitate, non obstantibus Infidelium obiectis, dubitare prudenter non possit; alias indiscrete casui, & fortunæ fidem committeret suam, nec rationabile, sed ex impetu foret ejus obsequium.*

170. Inst. 3. Deus noster non est Deus tenebrarum, sed lucis, nec nos intellectu innoxius, ut nihil intelligeremus; nobis etiam rationem non concessit, ut eidem repugnaremus, sed potius ut ipsa nos duci sineremus, neque igitur Deum nobis revelare, neque nos credere possumus, nisi quod nobis evidenter verum ratio proponit (b).

171. Resp. Deum, quem credimus, & adoramus, non esse quidem *Deum tenebrarum* in se, posse tamen sic dici respectu nostrum, quia lucem habitat inaccessibilem, cujus vim imbecilles oculi nostri ferre nequeunt. Hinc etiam vocari amat *Deus absconditus* Isaia XLV. 15. & qui posuit tenebras latibulum suum. Psalm. XVII. 12.

172. Nobis autem intellectum, rationisque usum donavit, non ut omnia intelligeremus, perfecteque cognosceremus (quot enim, & quanta vel in ipso naturæ ordine nos fugiunt!); sed ut iis uteremur, revelationi obsequentes, non eidem reluctantes. Quid enim magis rationi consensum, quam Deo summæ veritatis indubiam fidem adhibere, etiam quando nos ea docet, ad quæ infirma nostra ratio pertingere nullatenus potest? Si enim contra rationem ageret cæcus, qui homini probro, & veraci mira de luce, & coloribus narranti credere obolet, quia ipse id videre non potest; quanto magis contra rationem erit, divina revelationi fidem denegare, cum ea nobis reseratur, quæ nostræ rationis decempedam longe superant?

173. Obj. 2. contra secundam partem. Finis religionis est homines bonos facere, qui nempe Deo imprimis, deinde toti societati debita officia reddant: ad id autem leges tantummodo spectant, mysteria nihil prorsus conferunt: non igitur Deum dequit nobis religionem tradere referant mysteriis.

174. Respond. Talem per religionem a nobis bonitatem exigi, quæ totos nos Deo devoteamus. Quæ autem in nobis sunt potentia, ad duo veluti

su-

(a) Consuli possunt hæc de re Pet. Dan. Huetius Lib. 1. *Quest. æternarum de concordia rationis, & fidei* cap. 8. num. 2. Dupin in *Methodo Theologiae addiscende* cap. 3. & qui finis id pertraxit, Card. Petronius Lib. IV. *Respons. ad Britannicæ Regem* cap. 1. (b) Ita Rousseauius Tom. II. de l'Emile pag. 139. atque ex isto falso principio facile hæc pestifera corollaria pro adolescentum educatione, seu potius depravatione deducit. Primo non esse instruendos pueros de existentia Dei, de vita futura, de regnis morum, & *Gazzaniga Theol. Tom. I.*

de tota religione, antequam tale rationis lumen acquirant, ut ipsi de his omnibus suum iudicium ferre queant; 2. dubitari impune posse de mundi creatione; 3. omnia mysteria esse a religione ableganda; 4. non rationem sacris litteris, sed has potius esse rationi subiiciendas: denum liberum utique esse de religione cogitare, loqui aut scribere, prout sibi visum fuerit. Hæc passim Naturalista iis sua ratione intemperanter utas pedagogis persuadere conantur.

suprema fastigia revocari possunt; alia est enim facultas intelligendi, & hæc Deo consecratur, dum intellectus noster in captivitate redigitur in obsequium fidei; ut ea credat, quæ Deo revelare placuit. Aliæ sunt facultates operative, & practicae, & istæ pariter Deo consecratur accurata legum observatione. Duo igitur sunt religionis quasi cardines, credere, & operari, & non omnino bonis, qui alterum ex huiusmodi officiis servat, alterum contemnit.

175. Accedit, quod vel ipsa mysteria hominem fidelem ad veram pietatem maximè promovere. Quis enim mysterium peccati originalis credens, atque inde causam internæ suæ corruptionis, propriamque infirmitatem cognoscens, ad Dei opem implorandam, sine qua nihil boni fit, vehementer non excitetur? Quis redemptionis mysterium considerans & innumera beneficia inde in nos derivata, Dei amore, qui tanta pro nobis fecit, & passus est, majorem in modum non accendatur? Idemque de ceteris dici potest; unde rectè concludit S. Augustinus Lib. V. de Civit. Dei cap. 10. *male vivitur, si de Deo non bene creditur.*

176. Obj. tertio contra tertiam partem (a). Si conceditur, mysteria esse supra rationem humanam, etiam concedi debet, eadem cum humana ratione pugnare. Nam esse supra rationem idem est, ac non esse rationi consentaneum: sed quæ rationi consentanea non sunt, videntur esse contra rationem; quemadmodum quod veritati conforme non est, veritati contrarium, & oppositum dicitur: ergo &c. Bælius hoc suum ratiocinium confirmat exemplo turris, quæ a longè visa non solum non apparet quadrata, prout re ipsa est, sed apparet rotunda, quæ figura quadratæ repugnat: & si quis nobis dicat, turris esse quadratam, illud credamus oportet, quod non solum non videmus, sed quod illi, quæ videmus, omnino oppositur.

177. Resp. Hoc argumento ad summum probatur, mysteria videri aliquando posse, non autem re ipsa esse rationi contraria; quo in casu major etique divinæ revelationi, quæ infallibilis est, quam imbecilli nostræ rationi, vel ipso Bælio testis, fides adhibenda esset (b).

178. Verotamen puto, neque id Bælio concedendum esse, totamque æquivocationem facile tolli posse, si illa propositio: *esse supra rationem idem est, ac non esse rationi consenta-*

*neum*, ita distinguatur; si per hoc *positiva* aliqua oppositio mysteriorum cum ratione intelligatur, nego: si solum significetur negatio consonantiae cum ratione in illis, quæ sunt ordinis superioris, *conce.* Oppositio, vel consonantia debet esse inter res ejusdem ordinis, seu generis; quæ autem diversi generis sunt, propriè dici non possunt opponi, vel congruere. Mysteria autem sunt ordinis multo excellentioris, quam nostra ratio possit immagiari; quare rationis ductum sequentes, non cognoscimus quidem modum, quod cum principiis nobis notis coherent, unde dicere non possumus, ea rationi esse consentanea: neque tamen videmus, aut videre possumus omnimodam mysteriorum cum rationis principiis oppositionem. Quod adeo verum est, ut quæcumque ex rationis penù contra mysteria ab Hæreticis afferri solent, haud difficile explicetur.

179. Neque vero inter congruere, vel opponi rationi nullum est medium, ut Bælius putat, quemadmodum nullum est medium inter falsum, & verum. Intercedit enim hoc medium, quod dicimus esse ordinis, & generis diversi, & superioris, quod proinde nec rationi congruere potest, nec repugnare: ut tria proinde distinguenda sint, scilicet primo congruere rationi, deinde eidem rationi opponi, tertio nec congruere, nec opponi, sed esse supra rationem (c).

180. Aptam huic rei explicandæ similitudinem affert Angelicus Lib. I. *Contra Gentiles* cap. 3. Si alicui rudi homini sublimiores quædam Philosophiæ veritates proponantur, hæc certe hebeti, crassæque illius rationi consentaneæ non erunt, quia earum nexum cum primis, notisque principiis non videt; non tamen propterea dici poterit, easdem veritates cum ipsius ratione pugnare. Eodem prorsus modo, imo multo magis, mysteria religionis rationem nostram longe superant, non tamen eidem propriè opponuntur. Sicut igitur, concludit Angelicus, *maximæ amentię esset idiota, qui ea, quæ a Philosophia proponuntur, falsa esse assereret, propter hoc quod ea capere non potest; hæc, & multo amplius nimis stultitiæ esset idiota, si ea quæ divinitus... revelantur, falsa esse suspicaretur ex hoc, quod ratione investigari non possent.*

181. Exemplum vero turris, & alia ejusdem generis valde multa, a re nostra admodum distant. Turris enim a longè spectata non solum non ap-

pa-

(a) Cum Bælio, qui quam sepius in spissis suis voluminibus rationem humanam divinæ revelationi opponit, ut dilectum sibi pyrrhonismum etiam in religionem inverteret; quemadmodum ipsius adversarius Isaac Jaquelotus pluribus ostendit in *Examine Theologiae Bælii* Amstel. 1706. Noster Ferrariensis in cap. 2. Libro I. *Summae Sancti Thomæ contra Gentil.* observavit, etiam Rob. Holkot non ignobilem *Secul.* XIV. Theologum non parum a vero abdistasse, dum in suis comment. in Lib. I. *Sententiarum* putavit,

ea, quæ sunt fidei, esse contra rationem naturalem. (b) Ita Bælius in Tom. III. *Operum Response aux questions d'un Provincial* ch. 161., & alibi quam sepius, quamvis merito suspicentur eruditi, hæc ab eo minus sincere prolata, & ubiqueque potius, voluisse, enim rationem revelationi opponere non ut ei subiceretur, sed ut pyrrhonismus inverteretur.

(c) Bælius ipso in *Didion.* artic. *Spinoza* rem. O. agnoscit magnum discrimen inter non cognoscere aliquid obiectum esse possibile, & cognoscere.



paret nobis quadrata, ut reipsa est, sed contra ex legibus Opticæ nobis videtur rotunda, quæ figura cum quadrata pugnat. Mystéria autem, si accurate loqui volumus, nobis ex se ipsis nec vera, nec falsa apparent, quia interna eorum conexio nos latet. Attamen ut vera creduntur, quia Deus prima, & infallibilis veritas ea nobis revelare dignatus est.

182. Objic. ultim. Tertullianus oppositionem mysteriorum fidei cum ratione agnovit, & fassus est; nam libro de Carne Christi n. 5. ita inquit: *Crucifixus est Dei filius, non pudet, quia pudendum est. Est mortuus Dei filius; proorsu credibile est, quia ineptum est. Et sepultus resurrexit, certum est, quia impossibile est.*

183. Resp. Tertullianus ibi *inane* loqui contra Marcionem negantem veram Christi carnem, quia stultum ipsi videbatur, Deum nasci, pati, ac mori potuisse. Ipsum autem revincebat Tertullianus, quia religio nos docet, ea credere, quæ falsis hujus mundi sapientibus pudenda, stulta, atque impossibilia videntur; quamquam in se nec pudenda, nec stulta, nec impossibilia sint. Quamobrem ibidem aucta dixerat: non eris sapiens, nisi stultus in sæculo fueris, Dei stulta credendo (a).

## CAPUT VIII.

De notis veræ revelationis, & primo de miraculis.

184. Potissimus Naturalistarum prætextus, ut divinam revelationem explodant, inde desumitur, quod nullum sit certum, ut ipsi dicunt, ad eam ad hominum illusionibus, & fraudibus interoscendum criterium, quamobrem nobis danda est opera, ut ipsi ostendamus notas, & characteres, quibus infinita Dei bonitas nobis providit, ut divinam ejus vocem ad hominum, vel etiam dæmonum fallacis distinguamus.

185. Plures sunt hujusmodi notæ, & quædam internæ, externæ aliæ. Inter primas præcipue attenditur doctrinæ sanctitas, quæ nihil continet honestati morum, ac rectæ, sanæque rationi con-

trarium: deinde ejusdem doctrinæ sublimitas, quæ veritates continet, ad quas ratio humana suis viribus nunquam pervenire potuisset.

186. Sed cum has notas certo judicio discernere non omnino sit, providentia divina alias addidit exteriores, & ita perspicuas, ut quilibet suæ salutis sollicitus eas facile investigare, ac certo cognoscere queat. Inter has dum potissimum occupant locum, miracula scilicet, & prophetiæ, de quibus nunc tractare aggredimur.

§. I. Ostenditur, vera miracula esse certas divinæ revelationis notas.

187. Miraculum, definiente S. Thoma I. P. quæst. 110. art. 4. est opus, quod sit præter ordinem totius naturæ creatæ, & quod proinde a solo Deo auctore naturæ procedere potest (b). Porro, cum plusquam certum sit, Deum nec fallere posse (quod modo probandum non sumimus, cum a Naturalistis id non negetur), manifesto sequitur, eam doctrinam esse veram, atque divinam, pro qua confirmanda Deus certa miracula facit; ac proinde miraculis esse indubiam divinæ revelationis notam, quotiescumque ille, qui Dei nomine se loqui dicit, hoc divinæ veritatis sigillo sua dicta confirmat. Confer S. Thom. 2. 2. quæst. 178. art. 2.

188. Certe Christus Dominus incredulos Judæos ad miracula sæpe provocabat, tamquam ad ineluctabile divinæ suæ doctrinæ argumentum. Sic Joan. X. 58. inquit: *Si mihi non vultis credere, operibus credite, ut cognoscatis, & credatis.* Optum S. Joanni Baptistæ scire cupienti, an ipse esset Messias in Legge promissus, miraculis se reipsa esse Messiam confirmavit, Lucæ VII. 22. Ac demum S. Joannes ita Evangelium suum concludit cap. XX. 31. *Hæc autem (signa) scripta sunt, ut credatis &c.* ut propterea audiendus non sit Calvinus, qui cum non posset miraculis novam suam doctrinam confirmare, contendeat, non doctrinam esse miraculis, sed contra ex doctrina miracula examinari oportere (c).

189. Est autem breviter observandum, haud satis esse ad verum miraculum, quod opus illud

(a) Argumenta, quæ contra singula mysteria ex ratione opponi possunt, & solent, commodius solvantur, ubi de his data opera disputabitur.

(b) Probari minime possunt nonnullæ miraculorum definitiones a recentioribus traditæ, ut illa Sam. Clarkii, quod sit opus mirum aliquo ente intelligente, hominæque superiore patrum contra ordinarium, constantem, uniformem causam secundarum cursum. Hæc enim posita definitio miracula etiam ab Angelis, imo & a dæmonibus fieri posset: nec illam amplius habere certum confirmande vim. Idem iudicium ferri debet de simili Joann. Leokii definitione, qui miraculum est opus, quod a nobis spectatur, quasi divinum, nostrisque viribus superius.

S. Thomas laudat. in loco ostendit, nonnisi a Deo

vera miracula fieri posse, inquit: *non sufficit ad rationem miraculi, si aliquid fiat præter ordinem naturæ aliusque particularis, quia sic cum aliquis projicit lapidem sursum, miraculum faceret, cum hoc sit præter ordinem naturæ lapidis: ex hoc ergo aliquid dicitur esse miraculum quod sit præter ordinem totius naturæ creatæ: hoc autem non potest facere, nisi Deus.* Multo plura habet in hac rem Lib. III. contra Gentiles cap. 102. & sequent. Quæ doctrina intelligi debet de miraculis, signis, vel prodigiis, prout hæc voces sumuntur stricte, & in sensu sacro; nam alii sensus, qui non raro apud profanos auctores inveniuntur, ad nos minime pertinent.

(c) Ita in eloquenti, sed falsitatum plena præfatione Instit. Christian. Ita etiam Lutherus, alique pseu-



a solo Deo fieri possit, sed ulterius requiri, ut sit præter ordinem naturæ. Sic creatio animarum soli Deo competit, non tamen dicitur miraculum, quia non est præter naturæ ordinem.

190. Jam vero quid contra hanc tam patentem divinæ revelationis notam obijciant Increduli, nunc videamus. Ex quadruplici autem capite eam impugnare solent: primo quod miracula sunt impossibilia; deinde quod ab operibus naturæ secerni nequeant; tertio quod nec possint distingui a præstigiis dæmonum; demum quod etiam in confirmationem erroris edita aliquando sint, & adhuc edi possunt.

191. Obijciunt itaque primo (cum Spinoza in *Tract. theologico politico* cap. 6.). Naturæ leges nihil sunt aliud, quam decreta Dei; hæc autem tam immutabilia sunt, quam ipse Deus: tam ergo impossibile est miracula fieri, quam impossibile est, Deum mutari. Hinc concludebat Spinoza, quæ passim referuntur, & appellantur miracula, esse opera mira, quorum causam naturæ exemplo alterius rei solitæ explicare non possumus.

192. Respond. Hanc difficultatem multo antea præoccupaverat Sanct. Thomas I. P. quæst. 105. art. 6. (a) acutè simul, ac solide observans, leges naturæ dupliciter spectari posse: nempe vel prout in suprema Dei voluntate continentur, & sic certe nihil contra, vel præter eas fieri posse, quia nihil fieri potest contra, vel præter Dei voluntatem: vel in seipsis, prout constituunt totius universi systema, & consuetum rerum omnium cursum nobis exhibent. Sic autem nihil prohibet, leges naturæ suspendi, interrumpi, aut etiam mutari ab eo, qui eas libere condidit, & pro sua voluntate conservat.

193. Neque vero ita Deus facit contra sua decreta, aut ea mutat; ut enim iterum observat Angelicus quæst. VI. *De potentia* art. 1. ad 6. Deus ab æterno, quando has leges naturæ condere statuit, statuit etiam, ut in certis futurorum temporum punctis suspenderentur, vel mutarentur, ut miracula a se præordinata fierent. Hinc rectè alleubi ajebat Sanct. Augustinus *Deum opera mutare, non*

*consilia*. Et in Lib. VI. de *Gehesi ad litter.* (Tom. III.) negabat, miracula fieri contra naturam, quia Deo, hoc est naturæ, quod facit; cum nempe Deus tam sit auctor consuevi cursus naturæ, quam extraordinariæ ejusdem cursus suspensionis, vel mutationis (b).

194. Hic etiam breviter notandum est discrimen inter leges naturæ physicas, & morales. Primæ ab arbitrio divinæ voluntatis pendent, quia potuisset Deus alias condere, si voluisset; unde & absolute mutabiles sunt. Aliæ vero sunt omnino necessariae, & constituunt legem naturalem, quæ prorsus necessaria est, & immutabilis. Vid. S. Thom. I. P. quæst. 105. art. 6. ad 2.

195. Dices. Sanct. Augustinus laudat. Libro VI. *De Gen. ad litter.* cap. 13. loquens de miraculis Moysis, nec ista, inquit, cum sunt, contra naturam sunt; nisi nobis, quibus aliter naturæ cursus innouit, non autem Deo, cui hoc est natura, quod fecerit.

196. Respond. Miracula a Sancto Augustino dici non esse contra naturam, sumendo naturam, non tamen pro legibus illis generalibus a Deo institutis, quas noscimus; sed etiam pro legibus quibusdam particularibus, quibus Deus ab æterno voluit, leges illas communes nonnunquam suspendi, aut immutari. Id clarum fit primo ex eodem loco cap. 14., ubi miracula appellat ea, quæ contra naturam usitatum cursum sunt. Deinde in Lib. XXI. *De Civitat. Dei* cap. 8. cum iterum dixisset, portenta non esse contra naturam, hanc reddit rationem: *Quomodo est enim contra naturam, quod Dei sit voluntate, cum voluntas tantis conditoris condicæ rei cujusque natura sit? Portentum ergo fit non contra naturam, sed contra quam est nota natura.* Et postea concludit: *sicut ergo non fuit impossibile Deo, quas voluit, instituire, sic ei non est impossibile, in quidquid voluerit, quas instituit, mutare naturas.* Quibus in locis manifeste indicat Sanct. Pater, se naturam sumere duplici sensu; scilicet in seipsa, quæ ratione libere fuit a Deo instituta, & mutari posset, & prout est ipsa voluntas Dei omnino immutabilis, quæ leges naturæ a se condi-

do-reformatores. Neque vero negamus, quando doctrina aliqua est manifestissime prava, & absurda, ne est polytheismus, frustra miracula ad eam confirmandam advocari: quo sensu etiam Paschalis dicebat, judicandum esse de doctrina ex miraculis, & judicandum de miraculis ex doctrina (*Pensées sur la religion* obs. 27.) Sed quando de doctrina non omnino liquet, vera ne, an falsa sit, nulla certior ad judicandum nota haberi potest, quam miracula.

(c) Ita sibi obijci Angelicus: *Ordinem naturæ Deus instituit, si igitur præter ordinem naturæ Deus aliquid faciat, videtur, quod ipse sit mutabilis.* Respondet autem breviter: *Deus sic rebus certum ordinem indidit, ut tamen sibi reservaret, quod ipse aliquando aliter ex causa esset futurus. Unde cum præter hunc ordinem agit, non mutat. Sed in corp. art. hanc doctrinam*

liberius exposuerat. Vid. etiam quæst. VI. de potentia art. 1. ad 6.

(d) Jure reprehenditur Hotttevilleus, quod in opere: *La religion Chrétienne prouvée par les faits*, Libro I. cap. 6. ut hoc Spinozæ sophisma refutaret; novam, falsamque mirandi notionem exhiberit, contendens, miracula involvi, tanquam effectus in systemate legum universalium. Montevillium hac in parte bene confutavit auctor (*D. Boulliez Ministre Calviniste*) du Court examen de la thèse de M. de Prades pag. 128. seq. Si tamen nomine legum universalium etiam divina voluntas intelligatur, tunc certum est, in miracula in tali systemate tanquam illius effectus contineri; quo sensu S. Augustinus, ut supra explicatum est, negabat, miracula fieri contra naturam.

ditas immutat. Ceterum S. Augustinus non solum fieri posse, sed sapissime facta fuisse, etiam sua testat, & a seipso visa miracula, & in ipsis locis laudat, & alibi luculenter testatur, ut supervacaneum plane sit de ejus mente disputare.

197. Obijciunt secundo, non posse vera miracula a naturæ operibus accurate distinguere; quia nobis notæ non sunt omnes naturæ vires, & nemo determinare valet quousque illæ se extendant. Deinde ignoramus, an aliqua alia causa sit superior nobis, inferior autem Deo, a qua repeti debeant utri illi effectus, quos miracula appellamus; ut necesse non sit ad Deum confugere.

198. Resp. ad primum, ex quo miracula aliqua sint contra leges naturæ nobis notæ, recte colligi, illa non posse oriri ex aliis legibus naturæ nobis ignotis; nisi fingere velimus, leges naturæ ignotas cum aliis, quæ notæ sunt, mutuo pugnare. Sic observante S. Thoma I. P. quæst. 105. art. 8. nobis naturæ legibus repugnat corporum compensationem, qualis in corpore Christi non semel facta est, quando scilicet ex utero Virginis matris providit, & quando in cœnaculum clausis foribus intravit.

199. Sic etiam quamvis accurate definiri nequeat, quousque vires naturæ nobis notæ se extendant, certum tamen omnibus est, iis non posse mortuos suscitari, aquas maris dividi, corpora cœlestia repente sisti, aliisque id genus fieri, quæ olim divina virtute facta fuisse legimus. Sic quamvis definiri certo nequeat, quantum omnino ponderis vir robustus attollere possit, nemò tamen credat, posse eum turrim, aut montem tollere. Fingant igitur increduli in natura vires ignotas, quodquod volunt; fingant combinationes varias, & multiplices, nunquam prudenti viro persuadere poterint, hæc snthecere iis stupendis prodigiis explicandis, quibus Deus aliquas veritates a se revelatas confirmare voluit.

200. Frustra etiam confugiunt ad causas nobis superiores, cujusmodi esse possunt Angeli, vel dæmones: neque enim credibile est, eorum potentiam tantam esse, ut possint stabilitum a Deo rerum ordinem invertere, & cæcis exempl. grat. visum restituere, aut mortuis vitam, vel cœlestium corporum cœsum immutare (a).

201. Sed pro majore hujus rei evidentia non erit inutile doctrinam Sancti Thomæ propriis ipsius verbis exponere, ubi miraculorum tripliciter fieri posse docet (I. P. quæst. 105. art. 8.) uno

modo, quantum ad substantiam facti, sicut quod duo corpora sint simul, vel quod sol retrocedat, aut quod corpus humanum glorificetur, quod nullo modo natura facere potest: & ista tenent summum gradum in miraculis. Secundo aliquid excedit facultatem naturæ, non quantum ad id, quod fit, sed quantum ad id, in quo fit, sicut resuscitatio mortuorum, & illuminatio cæcorum, & similia: potest enim natura causare vitam, sed non in mortuo, & potest præstare visum, sed non cæco: & hæc tenent secundum locum in miraculis. Tertio modo excedit aliqui facultatem naturæ, quantum ad modum, & ordinem faciendi; sicut cum aliquis subito per virtutem divinam a febre curatur absque curatione, & consueto processu naturæ in salubris; & cum statim aer divina virtute in pluvias densatur absque naturalibus causis, sicut factum est ad preces Samuelis, & Eliæ (1. Regum XII. & 3. Regum XVII.) & hujusmodi tenent infimum locum in miraculis. Vid. etiam in Lib. III. Contr. Gent. cap. 101. Hæc tamen distinctio miraculorum intelligi debet relate ad nos, quibus unum miraculum videtur majus altero; respectu enim Dei omnia miracula æqualia sunt, cum non major in uno, quam in alio divina virtus requiratur.

202. Ad tertiam hanc classem ea miracula revocari possunt, quæ quamvis vires naturæ, nec quantum ad substantiam, nec quantum ad subiectum, aut modum excedant, ex circumstantiis tamen apparet, ea nonnisi divina virtute contigisse. Sic sine miraculo absolute fieri potest, ut hominis loquentis dextera repente arescat; ut pueri ab urso devorentur; ut copiosi capiantur pisces, & stater in ventre unius inveniatur. Sed cum legimus (3. Regum XIII.) manum Jeroboam, cum Prophetam apprehendi juberet, illico fuisse arefactam; aut (4. Regum II.) Eliseo maledicente, pueros ab ursis devoratos, vel denique ad Christi imperium (Matt. XVII.) copiosos captos fuisse pisces, & in ventre unius staterem inventum; cum inquam hæc legimus, ex circumstantiis noscimus, hæc vera fuisse miracula. Quæ tamen a gratis (quæ ita appellari solent, quando pie creditur, ope Sanctorum fuisse remedia efficacia impetrata ad sanitatis restitutionem, vel pericula remota &c.) accurate distinguuntur debent.

203. Hæc posita doctrina facile diluuntur omnia incredulorum dubia de viribus naturæ, de com-

bi-

(a) Hand puto, Incredulos obiecturos illud Didonis apud Virgilium *Aeneidos* IV., ubi magias fœminæ custodis templi Hesperidum artes describens, dicebat, posse illam *sistere aquam fluvio, & vertere sidera retro*. Nam fabulæ istæ erant iis similes, quibus Poetæ finxerunt, gigantes olim congestos struxisse ad sidera montes, lino nec fidem meruisse Lacedæmones, dum in *Epitome divin. Instit.* cap. 71. silenter scribit, Anti-Christum accepturum potestatem faciendi *ut sol de-*

*sistat a cursu suo*. Scimus quidem, magnam futuram Anti-Christi potestatem in signis, & prodigiis mendacibus; sed hoc peculiare, & tam grande prodigium sistendi aquam solis, neque in sacris literis, neque in Sancti Patrum traditionibus fundamentum habet. Guill. Estius in *tradit. Sentent.* Distinct. VII. §. 10. censet, neque omnes Angelos simul posse ordinem universi a Deo constitutum immutare.

inationibus fortuitis, de causis superioribus &c.; sæpe enim sæpius luculenter apparet, etiam si cau-  
æ hæc omnes existerent, prodigium tamen non nisi  
a Deo, qui facit mirabilia magna solus ( Psalmo  
CXXXV. 4. ), procedere potuisse.

204. Obijciunt tertio, vera miracula non posse  
a præstigiis demonum accurate, & tuto discerni.  
Id constare dicunt primo ex iis prodigiis, quæ Magi  
Pharaonis in Ægypto ediderunt; secundo ex Py-  
thonissa Endorea, quæ animam Samuelis suscita-  
vit ( 1. Regum XVIII. 11. ); tertio ex his verbis  
Deuteronomio, XIII. 2. Si surrexerit in medio tui  
Prophetes aut qui somnium viderit se dicat, &  
prædixerit signum, atque portentum, & evene-  
rit, quod locutus est, & dixerit tibi: eamus,  
& sequamur Deos alienos, & seruiamus eis,  
non audies verba Prophetæ illius, aut somnatori-  
is, quia tentat vos Dominus Deus vester (a):  
quarto quia sæpius prædictum est, Antichristum  
suis miraculis seducturum gentes Matth. XXIV.  
24., & 2. Thessalonice. II.; ubi S. Paulus loquens  
de fidelibus in fine mundi, inquit: mittet illis  
Deus operationem erroris ( græce *ἐνέργειαν πλάνης* )  
efficaciam deceptionis, ut credant mendacio.  
Quod S. Gregorius Papa. considerans inquebat  
( Lib. XXXIV. Moralium cap. 3. ) quamvis in  
eius certamine signa non deerunt, sed tanta er-  
rant illius ( Antichristi ) ut nostrorum aut pau-  
ca, aut nulla videantur.

205. Resp. Ea omnia, quæ ope demonis di-  
cuntur facta, aut fieri possunt, non esse vera mi-  
racula, sed solum mirabilia; vel etiam miracula  
large sumpta, ut loquitur S. Thomas I. P. quæst.  
114. art. 4., quia excedunt humanam facultatem,  
& considerationem; non autem omnes natu-  
ræ vires. Hujusmodi plura a demonibus, Deo  
permittente, facta in sacris literis leguntur, ut  
calamitates Sancto Jobe illatæ, Christi tentatio,  
& translatio supra verticem montis, & pinaculum  
templi, atque id genus alia.

206. Sunt, qui contendunt, nullam propterea a  
Deo malis spiritibus edendi prodigia virtutem esse  
concessam (b), vel saltem non posse eos homini-  
bus benefacere, sed tantum nocere. Nobis de hac  
perdifficili questione modo disputare non vacat.  
Solum notamus, cum his argumentis non nisi ita  
possint, qui sacras Scripturas adiungunt, atque  
ipsam divinam revelationem, sine qua certo proba-  
ri nequit, demones existere, non posse nos re-  
prehendi, si in viis expediendis easdem sacras li-  
teras in adiutorium vocemus. Ex iis autem hæc  
difficile erit, falsa prodigia a veris miraculis se-  
cernere.

207. Resp. itaque ad primum, signa, quæ Ma-  
gi coram Pharaone ediderunt, infinito plane in-  
tervallo a veris Moysis miraculis distare; adeo ut  
vel ipsi Magi & propriam infirmitatem, & Dei  
omnipotentiam in Moyse operantem agnoscere tan-  
dem coacti fuerint, dicentes: digitus Dei est hic,  
Exodi VIII. 19. Multi opinati sunt, ea Magorum  
signa non fuisse nisi meras prestigias, & illusio-  
nis sensuum; verum Sanctus Thomas I. P. qu. 114.  
art. 4. post S. Augustinum ( Lib. XX. de Civit.  
Dei cap. 19. ), censet fuisse veras res virtute dæ-  
monis peractas (c).

208. Ad secundum. De anima Samuelis a Py-  
thonissa Endorea suscitata, non una est tam vete-  
rum, quam recentiorum opinio. Sunt, qui pu-  
tant, id merum fuisse demonis spectrum: quia  
posita sententia obiecto seipsa corrumpit. Plerique  
vero alii Samuelem ipsum ab inferis revocatum  
statuunt, quod aperte insinuari videtur Ecclesia-  
stic. XLVI. ult., simul tamen docent, id non py-  
thonissæ iuculationibus, sed Dei virtuti tribuen-  
dum, qui ea occasione edocere voluit Saulum,  
quanta illi ex inobedientiam mala imminerent (d).

209. Difficilior est explicatio loci obiecti ex Deu-  
teronomio. Aliqui putant, id dictum esse in hy-  
pothesi impossibili, quemadmodum S. Paulus ad  
Galat. I. 8. dicebat: sed licet nos, aut Angelus

(a) Trinmphat ex hoc loco Rousseavius T. III. de  
l'Émile, & eo usque procedit, ut Paganos excusan-  
dos esse velit, qui Apostolos novam doctrinam mira-  
culis, & prophetis confirmantem prædicantes occide-  
bant; quia Moyses subdit: Propheta autem ille, aut  
fictor somniorum interficietur. Sed frustra triumphat;  
quasi vero Apostoli falsis, aut dubiis miraculis popu-  
los a vero Dei cultu avertere conati fuerint.

(b) Id probare nisus est Alph. Turretinus in Dis-  
sert. de veritate Jud., & Christ. religionis P. IV.  
Idemque postea majore conatu tentavit ejus discipulus  
Jac. Seceus in libro, cui titulus Traité des miracles  
&c. Amstel. 1729. in 8., in ejus tamen libri præ-  
tatione se bellum venerandæ antiquitatis, illustrioribus  
Theologis, ac Philosophis maximi nominis, uno omni-  
bus plane Ecclesiæ Patribus indidere, incredibili au-  
dacia declarat. Utinamque præcesserant Verensfeldius  
Tom. I. Operum, & Noltenius in dissert. impressa  
ann. 1718. Francofurti ad Oleratum.

Vtrum contra hos omnes audiat S. Augustinus III.  
de Trinitate c. 9. n. 18. Tom. VIII. ubi de demoni-

bus loquens, quid autem, inquit, possint per naturam,  
nec possint per prohibitionem, & quid per ipsius na-  
tura sua conditionem facere non sinant, homini ex-  
plorare difficile est, imo vero impossibile, nisi per il-  
lud donum Dei, quod Apostolus commemorat dicens:  
alii judicatio spirituum. Et antea cap. 7. n. 12. a-  
gens de potestate data demonibus, datur, inquit, ad  
fallendos fallaces; sicut in Ægyptiis, & in ipsis  
etiam Magos data est; ut in eorum spirituum seductio-  
nem viderentur admirandi, an quibus fiebant, a Dei  
virtute damnandi.

(c) Vid. P. Calmet Dissert. de veris, falsisque pro-  
digiis. Eadem dissertatio quodammodo reclusa, & an-  
dæ extat gallice in Tom. II. De la sainte Bible &c.  
à Paris 1768. in 4.

(d) Sanctus Augustinus Lib. II. ad Simplicianum qu. 3.  
Tom. VI. Et dispensatione, inquit, permittitur est,  
ut non invitatus, nec dominante magica arte, sed vo-  
lens, & obtemperans occultæ dispensationi Dei, qua  
Pythonissam, & Saulum latebat, consentiret spiritibus  
Ærophæa, se ostendi aspectibus Regis divinæ cum sen-

de cælo evangelizet vobis, præterquam quod evangelizavimus vobis, anathema sit. Neque enim contingere poterat, ut vel Apostolus ipse, vel Angelus de cælo aliter evangelizaret.

210. Quidam censent, id de iis dictum fuisse, qui olim veri Dei prophetae erant, post autem ab ipso Deo recedentes miraculis a se autem factis ad alios seducendos abutebantur.

211. Alii communius, & verius Deuteronomii locum intelligunt de hypothesi omnino possibili falsorum Prophetarum, quos & aliquando fuisse, & iterum futuros, Scriptura ipsa testante, cognovimus; qui tamen non vera, sed falsa miracula edunt, non virtute divina, sed dæmonis ope. Neque refert, eorum prædictiones eventu esse comprobatas; id enim vel naturali prævisioni, vel casui adscribendum est, non veræ prophetiæ divinitus inspiratæ, cum hæc doctrinæ cælestis de cultu unius veri Dei contraria esse non possit.

212. Ad ult. de Antichristo resp. Antichristum, ut nos movet Apostolus loc. cit. epist. 2. ad Thesalon. II. 9., venturum secundum operationem Satanae in omni virtute, & signis, & prodigiis mendacibus: hoc est, ut ex Sancto Augustino Estius explicat, vel quia fallaciter, & illusorie ea prodigia fient, non autem vere; vel quia ad mendacium, id est errorem, homines inducent, etiam si quædam eorum veraciter fiant; non enim excedit virtutem Satanae, quæ operatur Antichristos, ventos, & tempestates excitare, ignem de cælo deducere, quosdam infirmos subito sanare, aliaque id genus, quæ etiam a causis naturalibus præstantur.

213. Inst. Illa verba Deuteronomii intelligi non possunt de falsis miraculis; obstat enim auctoritas Sancti Joann. Chrysostomi, qui hunc locum ita explicat: *Horum verborum hæc est sententia: si propheta quisquam, inquit, surrexerit, & signum ediderit, vel mortuum exalarit, vel leprosum mundaverit, vel debilem sanarit, si quoque edito ad impietatem id invitaverit, ne propter signi eventum obedias. Quare? tentat enim te Dominus Deus tuus &c.* (Tomo I. Operum edit. Paris. 1718. Orat. I. ad Judæos pag. 598. Eademque repetit in Orat. VI.)

tentia percussurus. De hac questione præter auctores memoratos a Leone Allatio in *Synagoga de Engestrinitholo* 22. legi possunt Nat. Alexander in *Histor. Eccles. veter. Testam. Dissert. XXIII.*, P. Cabnet in *Dissert. De Samuele per visum Sauli obfesso*. Agidius Stranchius in *Samuele personato*, Lenglet *Traité des visions, & des apparitions* Tom. II. p. 128. P. Le Brun *Histor. des superstitions* Tom. IV. & Jo. Christoph. Harenbergius de *Pythionisia Endorea*: qui etiam alios laudat scriptores de Protestantium sæda idem argumentum tradentes.

(a) Maldonatus in hunc locum, facile, inquit, colligitur, falsos istos Prophetas, de quibus loquitur Christus, vera miracula facturos, vere prophetasse, vere dæmonia ejecisse. Quod confirmat etiam ratio: non

214. Resp. Verba Sancti Joann. Chrysostomi posse de falsis prodigiis, & apparentibus intelligi, quæ virtute dæmonis, Deo permittente, edi queunt. Vel, ut explicat Benedikt. XIV. (in Lib. IV. de canoniz. Sancti. P. I. cap. 4.) S. Chrysostomus locutus est in hypothese impossibili (Vid. supra num. 209.)

215. Objic. 4. vera miracula fieri possunt etiam ad confirmandos errores. Nam primo a peccatoribus, imo & a falsis Prophetis & fieri posse, liquet ex illis Christi verbis Matt. VII. 22.: *multi dicent mihi in illa die: Domine, Domine, nonne in nomine tuo prophetavimus, & in nomine tuo dæmonia ejecimus, & in nomine tuo virtutes multas fecimus, & tunc confitebor illis, quia nunquam novi vos: discedite a me, qui operamini iniquitatem.* Quæ verba ita Sanctus Hieronymus declarat: *Nam & Saul, & Baltam, & Caiphas prophetaverunt (a).*

216. Reipsa ab Hæreticis nonnunquam facta fuisse miracula, quibus falsa eorum doctrina confirmaretur, ex historia edocetur. Duo sufficiant Pauli Novatianorum Episcopi a Socrate relata Lib. VII. *Histor. Eccles.* cap. 17. & 39. Primo, cum incendio voracissimo urbs Constantinopolitana confligaret, Novatianorum Ecclesia integra, & illæsa ejus precibus servata fuit; quamquam enim per januas, ac fenestras omnes ignis in Ecclesiam irrumperet, nihil damni illatum est, imo ne summi quidem vestigium in ignis ejus, aut parietibus apparuit. Addit Socrates, hujus insignis miraculi memoriam quotannis a Novatianis celebrari consuevisse. Deinde cum Judæus quidam fido animo ad memoratum Paulum accessisset, baptismum petens, dicit Socrates (Lib. laud. cap. 17.), aquam & lavacro positam semel, ac iterum mirabiliter effluxisse, sicque Judæi dolum detectum fuisse.

217. Resp. Miracula utique ab impiis, imo & fortasse ab Hæreticis (b), fieri aliquando posse, non tamen ad confirmandam falsitatem. *Potest contingere, inquit Sancti Thomas (Quodlibeto II. quest. 4. artic. 6.) quod aliquis gratiam gratum facientem non habens miracula faciat. Sed hoc contingere non potest, quod aliquis falsum do-*  
Eri-

enim respondet Christus, mentiri eos, sed se eos, quomodo ista fecerint, non nosse: & ulterius, mirum non esset, inquit, si illis, qui non vera, sed falsa miracula fecissent, responderet, se non nosse eos; valde autem mirum, ut iis, qui vera fecerunt miracula, ita responderet. Concludit postea, ex veris miraculis duci posse pro veritate fidei argumentum probabile, non autem omni ex parte necessarium. Quæ Maldonati doctrina a communis Theologorum sententia valde abhorret.

(b) Negant aliqui, ab Hæreticis fieri posse miracula, quia fide theologici carent, sine qua nec fidem miraculorum habere eos posse, contendunt. Ita andor des lettres de l'Auteur du traité des miracles en France 1767. P. II. Let. 2.



Etiam annuncians vera miracula faciat, quæ nisi virtute divina fieri non possunt; sic enim Deus esse falsitatis testis, quod est impossibile.

218. Hinc idem Angelicus distinguendum putavit inter homines malos, & dæmones; & ab illis quidem posse vera miracula a Deo impetrari, non autem ab illis; quia homines etiam mali possunt quandoque esse veritatis nuntii, non autem dæmones, natura sua mendaces. Cum operatio miraculosa, inquit Quest. VI. de miraculis artic. 3., sit quoddam divinum testimonium indicativum divinæ virtutis, & veritatis, si dæmonibus, quorum est tota voluntas ad malum, aliqua potestas daretur faciendi miracula, Deus falsitatis eorum testis existeret.

219. Ex hac doctrina patet, quid allatis exemplis respondendum sit, nempe miracula illa edita a peccatoribus, falsis Prophetis, & etiam ab Hæreticis, non fuisse directæ ad confirmandam falsitatem, sed ad alios fines (a).

220. Quanquam quæ Socrates, & Sozomenus de Novatianis narrat, Criticis merito suspecta sunt, ob apertam istorum scriptorum in hæresim Novatianam propensionem (b). Si tamen sunt vera, nihil prohibet voluisse Deum hæc miracula operari ad testandam sanctitatem Sacramenti, & templi ejus honori dicati: licet his miraculis Novatiani abutentur, ut in suis erroribus magis obæcarentur. Nicephorus autem (Lib. XV. Hist. cap. 17.) Socrati fidem habens, censet, gratiam divinam per sepe etiam se apud indignos exhiberi, nullo inde contracto detrimento.

221. Inst. primo. Tertullianus pro certo habuit, etiam ad falsas doctrinas confirmandas posse ab hæreticis edi miracula; ita enim scribit de

præscriptionibus hæreticorum. cap. 44. adjiciunt præterea multa de auctoritate cujusque doctoris hæretici, illos maxime doctrinæ suæ filium confirmasse, mortuos suscitasse, debiles reformasse, futura significasse, ut merito Apostoli crederentur.

222. Resp. Tertullianum loqui de miraculis apparentibus, quæ a falsis Prophetis faciendi esse, prædixit Christus: quamobrem ibidem ostendit, nullam habituros excusationem, qui illis se decipi permittunt. Hinc statim subdit: quasi non hoc scriptum sit, venturos multos, qui etiam virtutes maximas ederent, ad fallaciam muniendam corruptæ prædicationis.

223. Inst. 2. Parum interest, sive vera, sive apparentia tantum, & similia veris ad confirmandos errores edantur miracula. Cum enim difficile admodum sit, præsertim rudibus, vera miracula a falsis prodigiis discernere, illud consequitur, aut nulla miracula aliorum veritatis confirmandæ vim inesse, aut teneri nos etiam erroribus fidem præstare (c).

224. Resp. Plurimas esse notas, quibus vera a falsis miraculis discernantur, ut Origenes bene exponit Lib. II. *Contra Celsum* n. 50. & seq. videlicet primo præ oculis habendus est fructus, seu effectus; præstigiarius enim fructus est deceptio, verorum autem miraculorum fructus est morum emendatio, & animarum salus. Deinde attendi etiam merentur operantis nota prohibas, & pietas, finis rectus, & sanctus, alique id genus non pauci, quæ si omnia concurrant, de miraculi veritate certi erimus, incerti autem, si aliquid deficiat (d).

225. Sed quoniam nec semper, nec omnibus da-

(a) Nuperus scriptor libri anonymi, cui titulus *Traité des Miracles* &c. vol. 2. in 12. à Paris 1763. omnibus nervis contendit, vera miracula posse fieri, etiam ad falsitatem confirmandam; non quod Deus falsitatem confirmare velit; id enim ipsius veritati repugnat: sed quod permittere possit, pseudo-prophetam, aut falsum doctorem vera miracula facere, a Deo quidem ad rectum finem ordinata, ab eo autem ad falsum confirmandum detorta. Vid. P. II. cap. 17. & sequ. Hæc doctrina rejicienda est, utpote allatis superius verbis S. Thomæ, cujus discipulus ille videri vult, omnino contraria. Consulti possunt Card. Gotti Tom. X. *Theol. Q. I. Dnb. 6. q. 6.* Estius in II. *Sent. Dist. VII. q. 19. P. Richard in Diction. Des sciences Ecclesiastiques* Tom. VI. p. 708. & seq. & plures epistolæ in nota supermemorate, in quibus multi illius *Traité* doctrinæ capita acriter refutantur.

(b) Vid. Fleury Lib. XXVI. *Hist. Eccles.* n. 49. Remigius Ceillier Tom. XIII. *Des Auteurs Eccles.* p. 685., & P. Maran in libello: *La doctrine de l'Écriture, & des Pères sur les guerisons miraculeuses* P. II. ch. 80. Ceterum plura suppetunt exempla hæreticorum, qui frustra conati sunt falsas suas doctrinas miraculis comprobare. Gregorius Thuronensis L. II. *Hist. Franc.* cap. 3. narrat, Cirolam Episcopum Ariam cum simulare vellet, se cæco visum restituere, eum reipsa excecasse. Idem narrat Victor Vitensis

Lib. II. & III. *De persecut. Wandal.* & alii apud Baronium ad ann. 484. Celebris est etiam historia Polychronii in Synodo VI. qui mortuum quemdam se resuscitaturum promiserat; sed non minus, quam olim Simon Magus, se omnibus deridendum præbuit, quamobrem Patres A. A. XV. conclamarunt: novo Simoni anathema. Id ipsum Lutherus, Calvinus, aliisque pseudo-reformatoribus accidisse fertur. Confer Bellarminum Lib. IV. *De notis Eccles.* cap. 14.

(c) Ita Rousseavins in tertio tomo de l'Émile, & in troisième lettre de la Montagne, qui etiam non designatur nos instruere de multis mirabilibus effectibus vis electricæ, aut magnetice, cum artis medicæ, non denique de variis circulatorum artibus ad fallendos incautos, quasi hæc non sint lippis, & consoribus nota, vel possint cum miraculis nostræ religionis aliquo modo conferri.

(d) Sanct. Thomas in II. *Sentent. Distinct. VII. quæst. 3. artic. 1. ad 2.* Signa, inquit, falsa per bonos, possunt distinguere ab illis, quæ per malos fiunt, tripliciter ad minus. Primo ex efficacia virtutis operantis, quia signa falsa per bonos virtute divina fiunt etiam in illis, ad quæ virtus activa natura se nullo modo extendit, sicuti suscitare mortuos, & hujusmodi, quæ dæmones secundum veritatem facere non possunt. Secundo ex utilitate signorum, quia signa per bonos falsa sunt de rebus utilibus, ut in curatione infirmitatum,



datum est, hos veri miraculi characteres sine ulla dubitatione cognoscere, firmissime credere debemus, Deum nunquam permittitur in confirmationem erroris aliqua mirabilia, vel etiam prodigia fieri, quin multo plura, majora, & clariora miracula ad confirmandam veram, sanctamque doctrinam ipse faciat, quo possint fideles declinato errore rectum cursum tenere.

226. Id præterquam quod est divinæ sapientiæ, bonitatis, ac providentiæ omnino conforme, ne scilicet vi pene ineluctabili nos in errorem trahi permittat, potest etiam pluribus exemplis mirifice confirmari. Perinisit Deus Magis Pharaonis, ut thaumaturgam Moysis virtutem æmulerentur, sed ita solum, ut tandem & ipsi cognoscerent, se infinito intervallo a Moysæ superatos fuisse (Ex. VII.) (a). Toleravit Deus aliquandiu 450. pseudo-prophetas, Sacerdotes Baal, qui nonnulla edebant prodigia; ne tamen populus diutius seduceretur, eosdem ab Elia in miraculis palam superari, confundi, ac trucidari voluit (3. Regum XVIII.). Pseudo-propheta Bar-Jesu, Elymas dictus, fuit a Sancto Petro, devotus, & exorcatus (Act. XIII.), & Simon Magus a Sancto Petro ad terram prostratus. Atque ut reliqua taciam, quando Antichristi temporibus multi pseudo-prophetæ surgent, & seducunt multos, non deerunt Enoch, & Elias, qui & prædicatione, & miraculis potentioribus errori resistent. Neque id solum; sed quia tribulatio, & deceptio illa erit omnium innoxia, Deus fideles suos præmonere voluit etiam alia via, scilicet prænuñciat multo antea illorum prodigiorum fallacia. Quamobrem si fideles illis turbulentissimis temporibus miracula Antichristi cum miraculis Henoch, & Eliæ, & cum prædicationibus, & miraculis Christi Servatoris nostri conferre voluerint, haud difficile eis erit, vanas, fallacesque præstigas a veris miraculis discernere; satque erit eis provisum, ne a recto veritatis tramite aberrant. Hoc Christus

dedit signum Marci XIII. 33. inquiens: vos ergo videte; ecce prædixi vobis omnia (b).

227. Inst. tertio. Hoc ipsum est multis, præcipue autem rudibus, admodum difficile, comparatione inter miracula instituta, quodnam sit majus, aliisque præferendum, certo judicare; notum est enim, nunquam facilius controversias, & dissensiones excitari, quam ubi de comparationibus agitur, raroque concordare esse solere, quibus rerum ponderanda est præstantia (c).

228. Resp. Hanc difficultatem tunc solum occurrere posse, quando de uno, vel paucis miraculis inter se comparandis ageretur, iisque non admodum inter se dissimilibus. Sed res hic longe aliter se habet. Paucis, iisque non admodum illustribus sive apparentibus, sive etiam veris demonum prodigiis, miracula divina, & numero plura & multo illustriora opponimus. Quis signa vel a magis Ægyptiacis, vel ab aliis impostoribus facta cum certissimis Moysis, aut aliorum Prophetarum miraculis, vel cum illis, quæ Christus Jesus, ejusque Apostoli ediderunt, audeat comparare? Facta igitur collatione non multo opus est ingenio, neque magno labore, ut veram a falsa doctrina miraculorum ope discernamus.

229. Inst. quarto. Sed cur Deus (molestius sciscitantur) permittit, aut vera, aut verissimilia in confirmationem erroris fieri, quibus si minus omnino præcluditur, præpeditur saltem veritas, & revelatæ doctrinæ dignoscendæ via? Si miracula essent divinum quoddam veritatis sigillum, non divinæ providentiæ conventientius foret, nullius omnino generis miracula in confirmationem erroris permittere?

230. Respond. Nostrum non esse profunditatem divinarum consiliorum perscrutari. Providentissimus, ac benignissimus Deus veræ, supernaturalique doctrinæ revelationem adeo certis, & clavis divinæ veritatis sigillis communicavit, ut qui ea diligenter considerat, de illa dubitare pruden-

ter

& hujusmodi; signa autem per malos facta sunt in rebus noxiis, vel vanis.... Tertia differentia est quantum ad finem, quia signa bonorum morum; sed signa malorum sunt in manifestum noxamentum fidei, & honestatis. Et quantum ad modum differunt, quia boni operantur miracula, per invocationem divini nominis pie, & reverenter, sed mali quibusdam deliramentis &c. Vid. etiam Benedictus XIV. de Beat. Can. &c. Lib. IV. P. I. cap. 4.

(a) Insuper Rousseauus, dum fingit, potuisse Pharaonem suspicari, Moysen, & Aaronem esse in magia, artibus excellentioribus suis Magis (Lettre troisième écrite de la Montagne). Insuper, inquam: quomodo enim potuisset Pharaon id merito suspicari, postquam viderat suos Magos exclamantes, digitus Dei est hic!

(b) Sanctus Augustinus Lib. X. de Civit. Dei cap. 16. Tom. VII. postquam ostenderit, non esse sacrificia offerenda demonibus, etiam mirabilibus factis humanas permoverent mentes, & illi, qui uni tantum Deo sacri-

Gazzaniga Theol. Tom. I.

fici jubent, nequaquam ista visibilia miracula facere dignarentur, ita pergit: Cum vero Deus id egerit ad commendanda eloquia veritatis sua, ut.... faceret majora, certiora, clariora miracula... quem tandem ita desperare libet, ut non vera eligat, quæ stetit, ubi & ampliora inveniat, quæ miretur? Pro certo itaque habet Sanctus Pater, Deum semper inajora, & certiora miracula opponere fallacibus demonum prodigiis.

(c) Laur. Moshemius in notis ad Systema intellectualis hujus universi Rad. Cudworthi cap. v. Sect. I. §. 89., de definitiōne miraculi a Sam. Claesio traditam (supra in not. ad num. 187.) concludit, Jac. Serces opinionem probat, nulla scilicet posse a malis genibus iniriari, etiam minus proprie talia, edi; titur autem inter alia etiam hoc argumento, quod variis exemplis illustrare constat. Sed in hoc peccat, quod miracula fere similia simul conferat, ut inde concludat, generatim difficile esse inter vera, & falsa miracula judicium.

ter non possit: interea tamen ex inscrutabili iudiciorum suorum abyso aliquam ex alia parte superasse voluit obscuritatem, unde occasionem errandi non pauci sua culpa desumunt. *Satis est luminis*, inquit Paschalis (*Pensées sur la religion* ch. 18. num. 2.) *pro iis, qui videre cupiunt, & satis tenebrarum pro iis, qui aliter dispositi sunt. Satis claritatis, ut illuminentur electi; & satis obscuritatis, ut humiles fiant. Satis obscuritatis, ut reprobis exacercentur, & satis luminis, ut inexcusabiles sint, & condemnentur.* Marci IV. 12. *Ut videntes videant, & non videant, & audientes audiant, & non intelligant.*

231. Ceterum etiam in rebus ordinis naturalis fere semper duplex observatur species, altera ita lucida & clara, ut veritate ipsi quas manibus contrahere videamur; altera vero ita obscura, ut omnes, quæ nascuntur difficultates, nullus valeat expedire. Ita placuit Deo, & immerito prorsus quis conquereretur, quod majorem intelligendi viam nobis non contulerit; imo talem, ut instar Angelorum omnia prorsus perspicue inueremur, nullique essemus errandi periculo obnoxii. Quemadmodum ergo in naturæ, ita etiam in gratiæ operibus voluit Deus, quasi inter lucem, & tenebras ambulare; ita tamen, ut quilibet possit divini luminis ope scopulis vitatis rectum viæ cursum tenere; unde S. Paulus aiebat 2. Corinth. IV. 5. *quod si etiam opertum est Evangelium nostrum, in iis, qui pereunt, est opertum; in quibus Deus hujus sæculi excæcavit mentes infidelium, ut non fulgeat illis illuminatio Evangelii gloriæ Christi.*

#### §. II. De confiliis Gentilium Miraculis.

232. Ex hactenus dictis patet, quid respondendum iis sit, qui falsarum religionum miracula objicere solent, non quod illa credant, sed ut nostris fidem adimant, aut saltem ut probent, mi-

racula non esse certam veræ religionis notam. Et quidem, si otium foret, haud difficile esset, in iis aut fraudes impostorum, aut dæmonis præstigias detegere; quare a cordatoribus inter ipsos Paganos partium causis naturalibus tribui, partium vero aut omnino ut contentitias explodi, aut saltem ut dubia reputari solebant (a).

233. Sed generatim respondere possumus ex doctrina superius tradita (num. 266.). Deum Opt. Max. satis providisse, cum pluribus aliis mediis, tum potissimum longe majoribus, & certissimis editis signis ad veram religionem, quæ proculdubio non nisi una esse potest, confirmandam, & stabilendam. Porro si vel omnia, quæ magno numero ab Ethnicis afferuntur, miracula vera esse daretur, quinam sanæ mentis homo ea comparare cum Moysi, Prophetarum, aut Christi miraculis audeat? Quisnam eorum mare divisit, & undas hinc inde quasi muros consolidavit, ut maxima hominum multitudo cum pecoribus & impedimentis sicco pede una nocte pertransiret? Quis iterum aquas fluere fecit, ut integrum hostium persequentium exercitum obruerent, atque sepepererent? Quis manna de cælo quadraginta annis advocavit, ut populus innumerebilibus eo satietetur? Quis solem immobilem reddidit, ut Josue? Quis mortuos suscitavit, ut Elias, Elisæus, alique viri sancti? Quis demum post innumera, alia miracula palam in tota Judea edita a moriuri redivivus, ut prædixerat, apparuit, & propria virtute in cælum ascendit, ut Christus Dominus? Miracula ab Ethnicis venditata, aut talia sunt, quæ a dæmone præstari facile poterunt (b); aut si nonnulla alia narrantur paulo excellentiora, non palam, sed clam, & in angulo facta dicuntur, non ab auctoribus synchronis, nec a testibus fide dignis referuntur: talia demum sunt, ut nulla fraudis suspicio laboret; & insuper tot plerumque ineptiis circumvestiantur, ut merito inter aniles fabulas a doctis rejiciantur.

234. Sed ut os Incredulis obstruatur, qui non

(a) Titus Livius Lib. XXIV. cap. 10. *Prodigia*, inquit, eo anno multa nunciata sunt, quæ quo magis credebantur simplicia, & religiosi homines, eo plura credebantur. Similia sæpius repeti, haud obscure innuens, nullam iis prodigiis a cordatoribus adhibitam fidem. Valerius Maximus Lib. I. cap. 8. post multa miracula relata, nec ne præterit, inquit, de motu, & voce Deorum immortalium, humanis oculis, auribusque percepta, quæ in incipiti opinione æstimatio versetur. Sed quia non nova dicuntur, sed tradita repetuntur, fidem auctores vindicant: nostrum sit, inclytis litterarum monumentis consecrata, perinde ac vana, non refugisse. Conf. Frereri Dissert. De veterum prodigiis Tom. VI. Des mémoires de l'académie des Inscriptions, & des belles lettres; & Abb. Anselmi disserti. sur ce que le Paganisme a publié de merveilleux Ibid.

(b) Lactantius Lib. II. *Divin. Instit.* cap. 17. non dubitabat, omnia fere decantata apud Ethnicos miracu-

la demonibus tribuere. Edant, inquit, sæpe prodigia, quibus obstruuntur homines fidem commodent simulacris divinitatis, ac numinis. Inde est, quod ab Augure lapis novacula incisus est; quod una Vegenzia migrare se Romam esse respondit: quod Fortuna matrem periculum denunciavit, quod Claudia manum navis secuta est; quod in sacris & Juno nudata, & Locrensis Proserpina, & Ceres Milesia vindicavit; & Hercules de Appio, & Jupiter de Attico, & Minerva de Cesare. Hinc, quod serpens urbem Romanam pestilentia liberavit Epidaurum accessit. Nam illud talis propositus ipse in figura sua sine ulla dissimulatione perlatus est; siquidem legati ad eam rem missi draconem secum mira magnitudinis adveherunt. Hanc sententiam adoptavit etiam S. Augustinus Lib. X. *De Civit. Dei* cap. 16. Tom. VII. Hinc est, quod non semel hæc miracula, orantibus Christianis, evanuerunt. Tale quid refert Eusebius Lib. VII. *Hist. Eccl.* cap. 17.

cessant hæc prodigia obicere, non erit inutile præcipua saltem breviter dicere: Primo referuntur plura Vestalium miracula, ut cum Tucia, Valerio Maximo teste (L. VIII. cap. 1.) aquam ex Tiberi cribro hausit, totoque spectante populo ad forum usque portavit (a); altera vero nomine Claudia, onerosissimam navim Tiberi hærentem, & hominum, bonique equatibus resistente cingulo quo facillime traxit. Hæc tamen; si vera, sunt miracula, poterunt a Deo fieri, non ad prohibendos superstitionis Vestalium ritus, sed ad contestandum veritatem pudicitiam illarum Vestalium calumniis obsecratorum impetere. Ita censet Sancti Thomas *Quest. VI. de patientia* art. 5. ad 5. Potest juxta S. Augustinum (Lib. X. de Civit. Dei c. 16.) id totum demonum potentie adscribi, ut proinde hæc vera miracula non sint.

235. Asserunt insuper, & valde magnificari solent curationes infirmorum ab Iside, & Esculapio factas. Ac de Iside quidem legi meretur Diodorus Siculus Libro primo; de Esculapio autem multo plura narratur, & extat etiam inscriptio apud Gruterum Tom. I. p. 71. (de qua agit Dan. Clearius in *Histor. Medicinæ* P. I. lib. 1. c. 20.). Valerius Maximus Lib. I. c. 8. refert, Romanos, cum sævissima peste laborarent, Esculapium prægrandis serpentis specie Epidaurum Romanum transvehî cûrassè, ejusque adventu pestem fuisse dispulsam. Alii addunt, ab eodem Esculapio Androgeonem Minois filium, & Hippolytum filium Thesei fuisse ad vitam revocatos.

236. Illa tamen, quæ de Iside referuntur, non possunt in veris miraculis numerari; illæ enim curationes nihil erant aliud, quàm operationes sacerdotum, qui melendis arte periti ægros de opportunis remediis edocebant. Vel etiam dici potest cum S. Joann. Chrysostomo (Orat. 1. adv. Judæos Tom. I.), demonum vitam morbos sæpe fuisse curatos, & ægros sanitati restitutos. Sane Lactantius (in *Epitome divin. instit.* cap. 28.) de dæmopibus ita asserere non dubitavit: *irruunt etiam corporibus, ut spiritus tenues, vir-*

*tutisque membris morbos conciant, quos sacrificiis, votisque placati postmodum relaxant.*

237. Esculapius item medicus fuit insignis, & propter eximiam in arte salutari peritiam ut Deus habebat. Esculapius, inquit Luciani (in *Philopseus*), ejusque posterì salutari pharmacia animoventes ægros curabant. Quod vero additur de Androgeonis suscitatio, Propertium habet andorem; qui id factum dicit Cretensibus herbis Lib. II.

*Et Deus extinctum Cressis Epidaurius herbis  
Restituit patriæ Androgeona focis.*

At vero quis non statim Poetarum figmentum olfaciat, qui ut Aristoteles ait (Lib. I. *Metaph.* cap. 2.), multa mentiri soleat ἀλλὰ χρὴ δόξαν εἶναι. Ad Poetarum item fabulas occisio, & suscitatio Hippolyti amandanæ est (b).

238. Ideo iudicium ferri debet de fida resurrectione Romuli, quem Plutarchus in ejus vita, & T. Livius Lib. I. cap. I. cap. 16. redivivum fuisse in cælum assumptum narrat. Sufficit est ut Plutarchi narrationem vel leviter expendere, ut mendacium ex ipsa appareat. Cum enim propter Romuli occisionem populus Romi tumultuaretur, Proculus, unus ex senatorum principibus, sancto, & maximo inprenderet testatus est, se Romulum vidisse redivivum, multaque gloria coruscantem in cælum ascenderé: qui quidem juramento radis plebs acquiescere potuit, prudentum autem nemo. Quinobrem Plutarchus ipse subicit: hæc igitur similia visa sunt iis, quæ de Aristæo Proconio, & de Cleomede Astypalensi Græci fabulabantur (c).

239. His postremis verbis Plutarchus indicat, quid sapientes Ethnici judicaverint de fide habenda Herodoto, cum Lib. IV. *Histor.* narrat, Aristæum a morte ad vitam fuisse revocatum, quam fabulam, explodit etiam Origenes Lib. III. contra Celsum n. 26. Nec melioris est potè, quod de Cleomedis resurrectione venditur, quamquam Celsum, qui hoc miraculum Christianis obiebat, nonnulli incertam ejus famam allegabat. Ajunt,

(a) Ita a Valerio Maximo orasse dicitur. *Festis, inquit, ut sacris tuis castas temper admovent manus, effice, ut hæc (cribro) hauriam ex Tiberi aquam, & ita eadem tuam perferam.* Aulular, subdit Valerius, & temere jactis votis Sacerdotis rerum ipsa natura cessit. S. Augustinus de unit. Ecclesiæ cap. 19. T. IX. Donatistis sua miracula jactantibus ita respondit: Exaudiantur multi, & Pagani, & Judæi & Hæretici, variis erroribus, & superstitionibus delati. Exaudiantur autem vel a spiritibus, qui tamen nihil faciunt, nisi permittantur, Deo sublimiter, atque infestabiliter judicante, quid cuique tribuendum sit; sive ab ipso Deo, vel ad pondus malitiæ, vel ad solatium miseriæ, vel ad admonitionem querendæ salutis æternæ. Vide infra num. 251. ubi S. Augustini doctrina de miraculis uberius explicatur.

(b) Videri possunt de Hippolyti fabula Virgilius *Æneid.* VII., & Servius in Comment. ad eum locum. Eusebius in Lib. III. *De Vita Constantini* c. 56. inter

alia profana Deorum delubra a Constantino diruta peculiariter memorat templum Esculapii in Cilicia, ubi demon dormientes apparere, & morbos ægrotantium curare solebat: post autem addit cap. 57. itaque quotquot antea superstitionis cultui addicti fuerant, cum errorem suum confutatum oculis suis viderent, & omnium ubique temporum, ac simulacrorum vanitatem intenterant, alii ut salutarum Christi doctrinam se conferbant; alii licet idem facere nollent, majorem tamen ceremoniarum, imptè vanas, atque inanes contemnebant, & quæ antea pro Diis habuissent, deridebant.

(c) Lactantius Lib. 2. *Divin. Instit.* cap. 15. de Julio Proculo ita scribit: qui subornatus a Patribus est, ut nuntiaret plebi, videri se Regem humanum habitu augustiorem, eumque mandasse ad populum, ut sibi delubrum fieret, se Deum esse, & Quirinum vocari. Quo facto ei ipsi populo persuasi, Romulum ad Deos adlocutæ, & Senatam suspicionis cadis regie liberant.



inquietabat apud Origenem Lib. cit. n. 33. *ipsius animam saepius relicto corpore circumvagatam fuisse*. Alii non dicunt, eum resurrexisse a mortuis, sed solummodo in arca, in quam ingressus antea fuerat, minime inventum: qua in re fraudi locum esse potuisset, cœcus esset, qui non videret. Idemque dicendum de similibus resurrectionibus plane commentitiis; & quas nemo, nisi o-junio amens, cum resurrectione Christi Servatoris nostri comparaverit, cujus testes oculati fuerunt homines integerrimi, quique eam proprio sanguine confirmare minime dubitarent (a).

240. Plura Pythagoræ tribuntur miracula, de quibus agit Thomas Stanley (in *Histor. Philos. T. II. P. VIII. cap. 18.*). Iuno Jamblicus (in ejus vita cap. 18.) narrat, eum (perinde ac nos dicimus de Christo) potestatem edendi miracula dedisse suis discipulis Empedocli Agrigentino, Epimenidi Cretensi, & Abari Hyperboreo. Sed hæc ab auctoribus referuntur multo posterioribus, ut sunt Jamblicus, & Porphyrius; eaque plena esse fraudibus, & mendaciis, multi eruditi jam demonstrarunt, ut videre est apud Jac. Bruckerum in *Histor. Critica Philosophica T. I. P. II. lib. 2. cap. 10. sect. 1.* qui etiam omnes auctores recenset, qui de romanensibus Pythagoræ fabulis egerunt: ut mirum proinde sit, hæc a nostris Incredulis, Voltairio imprimis, adhuc in scenam revocari.

241. Neque pluris facienda sunt miracula Apuleii celeberrimo sæculo secundo Philosophi. Ipse enim in prologo *Asini Aurei* se fabulas scribere fateatur: *Sermone*, inquit, isto *Milesio* (id est romanensium) *varias fabulas conferam*. Unde S. Augustinus respondens Marcellino, qui eum hæc de se consulerat (epist. CXXXVIII. cap. 4. T. II.) allegat ejusdem Apuleii elegantissimam apologiam adversus quosdam, qui eidem magicæ artis crimen appinxerant, & ita concludit: *miror, laudatores ejus, qui cum nescio quæ fecisse miracula illis artibus prædicant, contra ejus defensionem testes esse conari* (b).

242. Dicitur quidem Accius Nævius apud T. Livium Lib. I. cap. 56. coram Tarquinio Prisco durissimam eorum novacula secasse, ut veritatem auguriorum a Rege contemplari vindicaret. Sed Cicero (Lib. II. de divinatio. cap. 38.) ita hoc, & similia portentosa paucis explodebat: *Omitte litium Romuli, quem in maximo incendio neget potuisse comburi: contemne eorum Accii Nævii: nihil debet esse in philosophia commentitiis fabellis loci* (c).

243. Insigne narratur miraculum contigisse Si-

monidi Clio-nobili Poetæ; videlicet cum pugili coronato carmen mercede facta scripisset, abnegatam ei pecuniæ partem fuisse, quia digressus in laudes Castoris, & Pollucis exierat; quapropter partem ab eis capere, quorum facta celebrasset, jubebatur. Cum vero esset grande convivium in honorem ejusdem victoriæ, Simonides, qui eidem convivio intererat, foris vocatus repente fuit a duobus juvenibus equis albis insidentibus; eo autem vix egresso triclinium totum corruit, convivasque oppressit: quod cognitum est, fuisse eos juvenes Castorem, & Pollucem, qui intercedere Simonidi reddiderint. Ita fere rem narrat Cicero Lib. II. de Oratore, & Valerius Maximus Lib. I. cap. 8. Sed Quintilianus id totum ut commentitium rejiciendum putavit, inquit (Lib. XI. Instit. Orat. cap. 2.) *mihi totum de Tyndaridis fabulosum videtur; neque omnino hujus rei meminit usquam poeta ipse, profecto non taciturnus de tanta sua gloria*. Nonnulla alia huic Poetæ contigisse mirabilia narratur, quorum tamen aut fama incerta est, aut talis eventus, ut minime inter vera miracula referri debeat.

244. Aliquanto majus, & certius videri potest illud prodigium, quod Justinus narrat Libro XXIV. cap. 6. videlicet florentissimum Gallorum exercitum duce Brenno, cum devastatis Macedoniæ agris ad expilandum Delphicum Apollinis templum accederet, exorto terræmotu; insecta deinde horribili tempestate, ac grandine de caelo delapsa, totum ita prostratum fuisse, ut ne vel unus quidem superfuisset, qui tantæ cladis nuncium in patriam reportaret.

245. Verumtamen primo observamus, de totius historię hujus veritate non immerito dubitari posse; sunt enim, qui Brennum spoliis Delphicis onustum in patriam remeasse colligunt ex Strabone Lib. IV. Geographicis, & Athenæo Lib. VI. cap. 5. Deinde etiam posita historię veritate, illa Gallorum clades sine miraculo naturalibus causis describi potest. Neque enim aut novum, aut rarum est, multa hominum millia a paucis quodamque vinci, & cædi; præsertim si illi pauci improviso adorianur hostes locorum imperitia, aut aliis de causis perturbatos, ut tunc contigisse refert Pausanias (in Phocidis cap. 20.) dicens: *Phocenses locorum notitia suæ per medias nives ex arduis, & præruptis Parnassi anfractibus descendentes, ac de improvisis Gallis adorti, missilibus illos, ac sagittis impune fixerunt: addidit, Gallos, non tam vulneribus, quam frigore fuisse confectos, ac vulnerato Brenno, Græcisque undequaque irrudentibus fugam arripuisse*. Mirabile post-

(a) S. Augustinus Lib. XXII. de civit. Dei, c. 28. refert, a Cicerone in lib. de repub. fuisse tanquam insum expulsum, quod Pilato narrat, aliquem hominem revixisse. Neque vero idem S. Pater tanquam vera admittit, quæ quidam Genethiaci de hominum resurrectione docuerunt. Sed hæc quorundam sententia

tantummodo nititur contra eos, qui carnis resurrectionem impossibilem esse contendebant.

(b) Confer. Dissert. Jo. Woverii de vita, & scriptis Apuleii præmissam editioni Operum ejusdem Apuleii.

(c) Vid. etiam Lib. III. de natura Deorum, & T. Livius loco sup. laud.

ea non est, Gallos ita profligatos in hostili, infestaque regione fuisse laboribus, fame ac ferro omnes consumptos (a).

246. Restat, ut de Vespasiani, atque Hadriani Imp. miraculis aliqua dicamus, & primus quidem, referentibus Tacito Lib. IV. *Hist.* & Svetonio in ejus vita, cæco visum restituit, alteri vero manum sanavit, vel pedem (b). Hadrianus autem a Spartiano idem præstitisse dicitur cuidam feminæ, & alicui viro Pannonio.

247. Hæc tamen, si vera sunt, naturales demonis vires non superant, nec cum certissimis, maximisque his miraculis, quæ pro nostra religione edita fuisse, infra ostendimus, comparari ulla ratione possunt. Sed præterea re diligenter inspecta, multa falsitatis suspicione laborant. Ut enim Tacitus refert: *Vespasianus ipse sui conclusus, statim ac res proposita fuit, primo irridere, aspernari, atque illis instantibus modo famam vanitatis metueret, modo obscuratione ipsorum, & vocibus adulantium in spem induci; postremo æstinari a mediis jubet, an talis cæcitas, ac debilitas opæ humana superabiles forent.* Medici varie disserere: huic non exesam vim luminis, & redituram, si pellerentur obstantia; illi elapsos in ravum partus, si salubris vis adhibeatur, posse integrari. Svetonius autem adhuc majorem præbet fraudis suspicionem dicens, Vespasiano novo Imperatori defuisse auctoritatem, & quasi majestatem; hæc vero accessisse, dum e plebe quidam luminibus orbus visum recepit, item illius debili erare sanatus fuit. En igitur causa utrimque miraculum confingendi.

248. Neque refert, quod Tacitus horum miraculorum testes adhuc sua ætate superstites alleget; hi enim rei ipsius, prout exteriùs perfecta fuerat, testes esse poterant, non autem poterant judicare, aut testificari, an id miraculo, vel fraude gestum fuerit.

249. Multo autem apertius frans se prodit in Hadriano. Ut enim narrat Spartianus, cum Imperator vitæ peritus de morte sibi consciscenda cogitaret, Antoninus ejus filius feminam submisisse creditur, quæ diceret, se fuisse in somno admonitam, ut Imperatorem ab hac cogitatione everteret: hoc autem cum facere neglexisset, poenam dedisse visu orbatam: atque iterum admonitam in somno, se visum recuperatnam, statim ac genua Imperatoris amplexata ipsi rem totam renunciasset. Nec dissimilis est Pannoni historia; unde facile est colligere, nonnisi simulate, dolo, ac fraude hæc facta fuisse. Sane Spartianus non reticet, *Marcium Maximum hæc per simulationem facta esse commemorasse.*

250. Si tamen quis acrius contenderet, has Vespasiani, & Hadriani curationes, typote a probatis Historicis relatas, in dubium revocari non posse, tunc dicendum erit cum Tillemontio (*Hist. des Empereurs* Tomo II. in *Vespasiano* art. 8., eas opæ demonis fuisse factas, ad obscuranda, si fieri posset, recentia Jesu Christi miracula. Demones enim, ut Tertullianus ait in *Apologetico* cap. 22. *lædunt primo, dehinc remedia præcipiunt, post quæ desunt lædere, & curasse creduntur.* ( Vide supra num. 236. )

### §. III. Solvuntur quædam alia argumenta contra notam divinæ revelationis ex miraculis depromptam.

251. Obj. ult. Miracula etiam vera non posse esse divinæ revelationis notas. Nam S. Augustinus criterium, quo vera cælestis doctrina discernatur a falsa, non in miraculis, sed in charitate reponit. *Traët. XIII. in Joannem* n. 17. ( T. III. P. II. ) nemo, inquit, vobis fabulas vendat. Et Pontus fecit miraculum, & Donatus oravit, & respondit ei Deus de cælo. Primo aut falluntur, aut fallunt. Postremo fac illum montes transferre. . . . Videamus, utrum habuerit charitatem. Crediderem, si non divisisset unitatem. Nam & contra istos, ut sic loquar, mirabilioris cautum me fecit Deus meus, dicens: in novissimis temporibus exurgent pseudoprophete, facientes signa, & prodigia, ut in errorem inducant, si fieri potest, etiam electos. Ecce prædixi vobis. Ergo cautus nos fecit sponsum, quia & miraculis decipi non debemus. . . . Teneamus ergo unitatem, fratres mei: præter unitatem & qui facit miracula, nihil est.

252. Resp. S. Augustinum primo veritatem miraculorum, quæ Donatistæ jactabant, aperte inficiari, cum dicit: *nemo vobis fabulas vendat. . . . aut falluntur, aut fallunt.* Et sane illa Donatistarum miracula nonnisi visiones erant, & somnia, in quibus posse homines facile decipi, alioque fallere, aperte liquet. Deinde, ne contentionis funis longius traheretur, etiam dato, & non concessa, vera esse, quæ Donatistæ jactabant, negat saltem ea esse vera miracula; sed contendit, meas esse demonis fallacias, cujusmodi erunt Antichristi prodigia, a Christo prædicata.

253. Nec refert, S. Doctorem ibi constituere criterium discernendi inter veram, falsamque doctrinam potius in charitate, & unitate, quam in miraculis. Nam primo alibi sæpe miracula proponit, tanquam veræ religionis certissimam notam. Sic, ut alia loca præteream, in libro de

(a) Rollinus nullatenus de rei veritate dubitans tenet, hoc miraculum fieri à Deo potuisse, non ad idololatricum cultum comprobandum, qui in templo Heliophici demoni offerebatur, sed potius ad puniendum

Brenni facinus, religionem contemnens.

(b) Tacitus inquit: *alius manu æger*; Svetonius autem: *alius debili erare.*



utilitate credendi (Tom. VIII.) postquam c. 16. præcipua Christi miracula enumerasset, ea dicit *facta opportunissimo, ut his multitudine credentium congregata, atque propagata, in ipsos mores utilis converteretur auctoritas*, Cap. autem 17. omnes hortatur, ut se Ecclesiæ catholicæ gremio cendant, quæ frustra hereticis circumlatrantibus, & partim plebis ipsius iudicio, partim Conciliorum gravitate, partim etiam miraculorum maiestate damnatis, culmen auctoritatis obtinuit. Imò in eodem opere super Joannem Tract. XXIV. interrogari vult miracula, quid nobis loquantur de Christo: habent enim, si intelligantur, linguam suam.

254. Ulterius quamquam in loco nobis objecto miraculorum auctoritatem seponere videatur, implicite tamen, & saltem meliùs ad eam confugit, quando Donatistas reprehendit, quod se ab Ecclesiæ catholicæ separaverint, quæ longe majoribus, certissimisque miraculis a Christo fundata, & jurgiter confirmata fuit. Negat autem solum, necesse esse, ut quilibet in hac Ecclesiæ miracula edat, dummodo teneat integritatem fidei, & charitatis unitatem.

255. Dices. Idem S. Doctor in libro de unitate Ecclesiæ cap. 19. (Tom. IX.) ut ostenderet, nullam esse vim in miraculis, quæ Donatistæ habebant, ipsia quidem opponere videtur miracula multo plura, quæ facta erant in Ecclesiæ Catholica; sed postquam ea breviter commemorasset, ita concludit n. 50. *quæcumque talia in Catholica sunt, ideo sunt approbata, quia in Catholica sunt, non ideo ipsa manifestantur Catholica, quia hæc in ea sunt. Non igitur censet Sanctus Pater, miracula esse notas veræ, & cælestis doctrinæ; sed potius ex verâ Christi Ecclesiæ veritate miraculorum probandam esse. Imò, ut idipsum adhuc magis ostendat, ita prosequitur: Dominus Jesus, cum resurrexisset a mortuis, & discipulorum oculis videndum, manibusque tangendum corpus suum offerret, ne quid tamen fallacia se pati arbitrarentur, magis eos testimoniis Legis, & Prophetarum, & Psalmorum confirmandos esse iudicavit &c.*

256. Resp. Hoc loco iterum rejici a S. Augustino miracula Donatistarum, ut falsa; proponi autem miracula Ecclesiæ Catholicæ, ut omnino certa. De primis enim inquit: *removeantur ista, vel fignenta mendacium hominum, vel portentosa fallacium spirituum*. Inter alia vero miracula Ecclesiæ catholicæ illud memorat, cujus ipse Mediolani testis fuerat, quando inventis Sanctorum Martyrum Gervasii, & Protasii reliquiis cæcus tota urbe, notissimus oculos, lumenque recepit.

(a) De miraculis post S. Thomam loca supra laud. dignis est, qui legatur sapientissimus Pontifex Benedictus XIV. Lib. IV. De servorum Dei beatificatione, & Beatorum canonizatione cap. 1. & sequ. Georgina Caspelli in sua Dissert. De miraculis Amstel. 1767.

Nihilò tamen minus Sanctus Pater nolebat ex miraculis cum Donatistis contendere, quia poterat brevius, & præsius rem suam conficere ex sacris litteris, quas illi admittebant.

257. Ceterum minime dubitandum est, S. Doctorem aliam viam intrinsum, si controversia illi fuisset cum infidelibus, aut nostris Naturalistis, qui divinam revelationem in sacris litteris contentam non agnoscent. Tunc enim miracula certissimum illis præbuisset veritatis discernendæ criterium. Sic in Sermone LXXXVIII. n. 1. (T. V.) loquens de miraculis Christi, quia, inquit, illa, quæ non videbantur, non credebantur, per ista temporalia quæ videbantur (scilicet infirmorum curationes, & mortuorum suscitationes) edificabat fidem ad illa, quæ non videbantur. Libro autem XXII. de civ. Dei cap. 5. dicit, mundum credidisse Apostolis prædicantibus Christum in carne resurrexisse, & cum illa in cælum ascendisse, quia non loquebantur tantum, sed etiam mirifica faciebant signa, quæ ibidem summam S. Pater enumerat: & cap. 8. Paganis sciscitantibus, cur nunc illa miracula non fiant, quæ initio facta fuisse narratur, ita respondet: *possem quidem dicere, necessaria fuisse, priusquam crederet mundus, ad hoc ut crederet mundus. Postea pergit describere, quomodo Apostoli resurrectionem Christi, ejusque ascensionem in cælum, quæ duo omnino incredibilia videbantur, nonnisi miraculis a se factis credibilem reddidissent. Pergit insuper S. Pater, & multa narrat miracula posterioribus temporibus in Ecclesiæ facta; & postea cap. 9. inquit: cui, nisi huic fidei attestantur ista miracula, in qua prædicatur Christus resurrexisse in carne, & in cælum ascendisse cum carne? Et infinitis plane essem, si omnia hæc spectantia S. Augustini testimonia describere vellem (a).*

#### CAPUT IX.

Ostenditur, prophetias esse divinæ revelationis notas.

258. Prophetia vox græcæ est *προφητεία*, ut vult Eusebius Lib. V. *Demonstr. evangel.* in proximis a latinis autem proprie dicitur *vaticinatio*. Est autem prophetia, deficiente Cassiodoro (in Prolog. super Psalmos c. 1. apud S. Thomam 2. 2. q. 171. art. 6.) *inspiratio, vel revelatio divina, rerum eventus immobili veritate donantibus*.

259. Maxime autem divina inspiratio, vel revelatio apparet, quando Prophetæ ea prædicant, quæ naturali intelligentiæ vi nullo modo prævidere

falsa David Hunii principia refutavit, qui vanis subtilitatibus evincere conatus est, non posse miracula esse divinæ revelationis notas, nisi respectu eorum, quæ illa vident.

deri possunt, ut sunt ea, quæ nonnisi a Deo fieri queunt, atque a libera ejus voluntate pendent. Sic nonnisi per divinam revelationem Noe prævidere potuit, & prædicere diluvium, & Angelus conflagrationem Sodomæ, & Gomorrhæ, igne de cælo pluente. Ejusdem generis sunt etiam prædictiones rerum, quæ ab hominum quidem arbitrio suspenduntur, earum tamen nulla est, aut esse potest conjectura; ut cum Isaias cap. XLIV. 28. ante 200. & amplius annos prædixit, & personam, & nomen Cyri Regis, & beneficia ab eo Israelitis conferenda (a).

260. Hinc patet, prophetias ita acceptas proprie inter miracula esse recensendas, quia omnem vim intelligentiæ creatæ longe superant, & solus Deus futura contingentia, & libera certo prænoscere potest. A miraculis tamen ea tenuis distinguuntur, quatenus miraculorum eventus illico apparet; eventus autem prophetiarum post aliquod temporis, nonnunquam etiam longissimi, intervalum expectandus est. Sed in hoc apparet sapientissimi Dei providentia, dum non solum miracula, verum etiam prophetias voluit esse celestis suæ revelationis notas; ut nempe eam & præsentem in miraculis agnoscerent, & posteri in prophetiarum veritate confirmatam viderent (b).

261. Patet etiam, maximam, & ineluctabilem esse debere prophetiarum vim ad aliquam veritatem confirmandam, cum non minus quam miracula sint quædam divinæ veritatis sigilla; unde illud apud Isaiam XLII. 23. annunciat, quæ ventura sunt in futurum, & sciemus, quia dii estis vos. Item XLVI. 9. Ego sum Deus... annuncians ab exordio notissimum; & ab initio, quæ nequam facta sunt. Ac denum Nabuchodonosor dicit Danieli, postquam propheticum somnium ei explicasset: vere Deus vester Deus Decorum est, Dominus Regum, & revelans mysteria.

Dan. II. 47. Vide, quæ supra diximus de Miraculis num. 187.

262. Etiam Christus Dominus nobis declaravit, quanta sit prophetiarum vis ad veritatem nostræ religionis comprobendam, & quando Judæos ad veteres prophetias in seipso adimpletas perspicue provocabat, & quando ipse multa discipulis suis prædixit. Unde Jo. XIV. 29. inquit: & nunc dixi vobis, priusquam fiat, ut cum factum fuerit, credatis.

263. Divini Magistri exemplum secuti sunt Apostoli; & quidem eo successu, ut semel Petro exponente prophetias vet. test. tria circiter hominum millia Christ. relig. nomen dederint A.D. II. Iterum vero quingue millia, & tandem idem Sanct. Petrus in 2. epist. I. 19. postquam nonnulla miracula Christi memorasset, ut adhuc firmiora ipsius divinitatis argumenta proferret, subdit: & habemus firmiorem propheticum sermonem, cui benefacitis attendentes, quasi lucernæ lucens in caliginoso loco. Hæc verba commentans S. Augustinus Sermon. XLIII. n. 5. observat, prophetiarum sermonem appellari firmiorem, vel certiorum, quia cum infideles potuissent magicis artibus miracula Christi adscribere, non poterant tamen relictari prophetiis, quæ editæ fuerant, antequam Christus veniret in mundum.

264. Neque quisquam illud obijciat S. Pauli I. Corinth. XIV. 22. linguæ in signum sunt, non fidelibus, sed infidelibus; prophetiæ autem non infidelibus. Non inquam, manifestum est eum, ibi nomen prophetiæ non sinit pro vaticinio, sed pro explicatione verbi Dei, & doctrina, cuius infideles nondum erant capaces. Hinc supra vers. 3. dixerat: qui prophetat, hominibus loquitur ad edificationem, & exhortationem, & consolationem (c).

265. Prima contra nos eorum obiectio est, qui

(a)

(a) De variis prophetia, & propheta significationibus videri possunt Dupinius in *Discours préliminaire à la Sainte Bible* Lib. I. cap. 2. §. 3. & la Préface générale sur les prophètes Tom. IX. de la Sainte Bible &c. seconde edit. 1771. de M. Rohdet. Quæcumque ad præsens institutum pertinet, nomine prophetia intelligitur tantummodo revelatio eventuum futurorum: unde S. Gregorius P. Hom. I. super Ezechielem dicebat: cum ideo prophetia dicta sit, quod futura prædicat, quando de præterito, vel præsentis loquitur, rationem sui nominis ostendit.

Propheta hebraice vocabatur נביא *Nabi* Roeh videns, postea autem dictus est נביא *Nabi* Prophetia I. Regum IX. 9. Hæc vox multiplici sensui invenitur, proprie tamen eum designat, qui per Spiritus sancti revelationem, quod futurum est, præannuntiat. Ita S. Basilis in capitulo III. Isaiæ n. 102. Tom. I. inquit: Propheta est, qui juxta Spiritus Sancti revelationem futurum præannuntiat. Latini hanc vocem acceperunt S. Augustinus, quando prophetam definitivè enumeravit verborum Dei hominibus, qui Deum vel non possunt, vel non merentur audire. Quest. XVII. in Exodum Tomo III.

(b) Non solum increduli hanc divinæ revelationis no-

tam explodere nituntur, quia veras prophetias non admittunt; sed vel inter ipsos Christianos inventi sunt, qui docerent, aut nullam, aut admodum exigentiam prophetiæ vim inesse ad probandam veritatem religionis Christianæ. Ita olim Theodorus Mopsestensis hæc etiam de causa in Synodo V. proscriptis. Pejus delirant Socialiani, certam futurorum contingentium præscientiam Deo denegantes. Sed maxime invidiosum, atque dolendum, his pollicem pressisse Hugonem Grotium, imo & Richardum Simonium, quos post magnum Bossuetum (Instrum. Pastorale sur la Persion du N. T. imprimé à Trévoux, & dispersé sur Gratz) refutavit P. Baltus in opere *Defense des propheties de la religion chrétienne* vol. 3. in 12. Vid. etiam Pet. Dan. Huetius in *Demonstr. evang. Proposit. VII.*

(c) Quia non solum Naturalistæ, sed quidam etiam ex iis, qui revelationem admittunt se præstantur, prophetias esse ejusdem divinæ revelationis notas inficiantur, ideo solent aliqui non inepte ad eos revincendos etiam plura sanctorum Patrum testimonia afferre, uni maximam in prophetiis vim esse agnovissent ad religionem nostram comprobendam. Allegantur autem præcipue S. Iustinus in *Apologia* I. num. 80. Lactantius

(a) prophetias nihil aliud esse blaterant, quam fanaticorum hominum deliria ex vividâ imaginatione, ac fervida phantasia orta; aut circulatorum fraudes, qui cum multa prædicere soleant, casu nonnumquam in veritatem collimant.

266. Resp. Ad hanc objectionem diluendam sufficit vel leviter percurrere, quæ Isaias, Jeremias, Daniel, de Cyro, Alexandro, Antiocho, aliisque Regibus, tum de variis magnisque regum revolutionibus multo antea prædixerunt, & quidem tam accurate, ut Porphyrius, Julianus, aliique Ethnici obsecrati putaverint, hujusmodi vaticinia fuisse post rerum eventum: conficta. Quæ eorum opinio, quantum omnino falsa, & quæ facile refelli potest, probat invictè contra nostræ ætatis Incredulos, ea vaticinia ineptissime fallacibus circulatorum fraudibus, aut fanaticorum deliriis comparari. Sed adhuc magis divina veterum Prophetarum inspiratio in iis apparet, quæ de futuro Messia, de ejus nativitate, doctrina, prædicatione, miraculis, passione, morte, resurrectione, ac gloria cum omnibus plane circumstantiis prænunderunt; ut omnino desipiant, qui hæc vaticinia aut ex æstu phantasie orta, aut casu tantum sortito vera fuisse comminiscuntur (b).

267. Sunt quidem nonnulla Sancti Patrum testimonia, quæ prophetiam naturalibus causis ascribere videntur. Sic Sanctus Gregorius Papa Lib. IV. *Dialog.* cap. 26. ipsa, inquit, aliquando animarum vis subtilitate sua aliquid prævidet; quod postea quibusdam exemplis confirmat. Ex

S. Augustino Lib. XIII. de Genesi ad litteram cap. 13. Tom. III. afferuntur hæc verba: *animæ humanæ, secundum quod a sensibus corporis abstrahitur, competit futura prævidere.*

268. Sed hæc, & si quæ sunt alia hujus generis, intelligi debent de prophetia minus proprie sumpta, quæ scilicet cognoscunt eventus futuri in propriis causis, sicut medicus præcognoscit sanitatem, vel mortem futuram in aliquibus causis, quarum ordinem ad tales effectus experimento præcognovit. Differt autem hæc prophetia ab alia vera, & propria, quia non se extendit ad omnes eventus, sed ad quosdam dumtaxat, qui naturaliter prævideri possunt: deinde etiam, quia non est omnino certa, & infallibilis. Vid. S. Thomas 2. 2. qn. 172. articuli 1.

269. Hanc esse S. Gregorii mentem, liquet ex eo, quod hæc prævisionem naturalem ibi distinguit a revelatione, quæ nonnumquam animæ ventura cognoscitur.

270. Verba autem, quæ ex S. Augustino obiecta sunt, non inveniuntur in loco laud. ubi potius examini opus est eorum, qui volebant, animam humanam habere vim quamdam divinationis in seipsa; & postquam varios modos discussit, quibus id fieri posse dicunt, concludit, nihil temere affirmari oportere (c).

271. Instat vero recitatus Spinoza. Si prophetiæ non oriuntur ex causis naturalibus, sed ex revelatione divina, unde fit, ut tam varius sit, & diversus earumdem stylus, prout diversus est Pro-

Lib. V. *Divin. institut.* c. 3. S. Augustinus Lib. XIII. contra *Favstum* cap. 2. Tom. VIII. Origenes Lib. VI. contra *Celsam* n. 10. Lib. VIII. n. 48. & Tertullianus in *Apologet.* capit. 20. Et multo plura afferi Pet. Dan. Huetius in *Demonstr. Evang.* Procr. VIII. n. 5. Nos tamen hæc omnia omittimus brevitate causa, præcipue cum hic contra Naturalistas disputemus.

(a) Cum impio Spinoza in *Traclatu theologico-politico* cap. 1. quæ tamen veteres aliqui Philosophi in hac prava opinione præcesserunt, ut videre est apud Plutarchum *De oraculorum defectu.*

(b) Operæ dispensum facerem, si multis refellendum insciperem improbam, ac petulantem sententiam Voltairium, qui in *Philos. de l'histoire, in Diffion. philosoph.* aliisque impiis suis operibus sanctos Prophetas rursi exponere conatus est. Sic Isaiam deridet, quod nudus per civitatem ambulaverit cap. XX. multoque magis Ezechielem, quod cap. IV. jussus sit comedere panem operum stercore humano, pro magno beneficio obtinuerit, loco stercoreis humani adhibere atercus bovis. Et ita pergit suo modo, aliquid omnibus exprobrans.

Sed primo ignorare non debuisse Voltairium morem Orientalium utendi allegoriæ, non solum in verbis, sed etiam in factis. 2. Prophetas hæc egisse, ut res aliunde animos hominum acrius percellerent. 3. Multa in visione tantum contigisse, nunquam ita describantur, perinde ac si dicta, vel facta reipsa fuissent. Ut autem veniamus ad duo exempla proposita, nuditas Isaiæ non ita presse accipienda est, quasi omni prorsus veste expoliatus per civitatem deambulasset,

sed quod sacrum annu, seu pallium propheticum deposuerit una cum calcamentis, sola retenta interiore tunica. Simile exemplum suppedit Scriptura sacra 2. *Regum* VI. 20. ubi David dicitur nudatus fuisse ante arcam Dei, cum tamen dicitur v. 14. dicitur occinctus ephod lineo. Etiam exempla similia occurrunt apud profanos scriptores. Virgilius enim *Georgicorum* L. I. inquit: *nudus ara, sere nudus, hyems ignava colono.* Et Seneca Lib. V. de beneficiis cap. 13. ut probet, quædam etiam vera non sint, propter similitudinem eodem vocabulo comprehendere, sic, inquit, qui male vestitus, & pannosus videt, nudum se vidisse dicit. Ezechiel autem jussus est comedere panem, non proprie cooptum stercore, ut nostra Biblia vulgata habet, sed ut helvæica vox כֹּחֶלֶת, significat, coctum sub stercore exsiccatum, & combustum, ad indicandam extremam lignorum penuriam, quæ futura erat. Contra has, aliasque Voltairii malignas ineptias videri possunt François *Observations sur la Philosophie de l'histoire &c.* & les *Lettres de quelques Juifs à M. de Voltaire* T. I. Lettre IX.

(c) Observat S. Thomas ib. ad 1. quod anima, quando abstrahitur a corporalibus, aptior redditur ad percipiendum influxum spirituum substantiarum, & etiam ad percipiendum subtiles motus, qui ex impressionibus naturalium causarum in imaginatione humana relinquuntur, a quibus percipiendis anima impeditur, cum fuerit circa sensibilia occupata. Et ideo Gregorius dicit Lib. IV. *Dialog.* cap. 26. quod anima, quando appropinquat ad mortem, præcognoscit quædam futura subtilitate sue nature.



Prophetarum genus, & diversa educatio? Isaias ex. gr. liberaliter educatus nobiles habet, & sublimis imagines; Amos contra armentarius humiles, & vite suae accommodatas, ut etiam observat Glossa in ejusdem Amos cap. 1. Hinc quoque scimus, fuisse apud Hebraeos scholas, in quibus ars prophetandi edocebatur; & grex Prophetarum occurrit Sauli 1. Regum X.

272. Respondet S. Thomas 2. 2. qu. 172. art. 3. ad 1. indifferens esse ad prophetiam quibuscumque similitudinibus res prophetica exprimitur; & ideo homo ex operatione divina non immutatur circa prophetiam: remouetur autem divina virtute, si quid prophetiae repugnat.

273. Ceterum S. Augustinus Lib. IV. de Doctr. Christ. cap. 7. Tom. III. ut ostenderet, sacris scriptoribus non deesse simul cum sapientia eloquentiam, exemplum sumpsit ab ipso Amos, qui cap. VI. opulentos, & optimates non minus diserte, quam graviter oburgat, & ita concludit S. Pater n. 28. neque enim haec humana industria composita, sed divina mente sunt fusa, & sapienter, & eloquenter, non intentia in eloquentiam sapientia, sed a sapientia non recedente eloquentia. Videri etiam potest ejusdem Amos caput ultimum, ubi sublimibus imaginibus primo iustitiam Dei ulticem exponit, quam nullis impiorum effugere potest; deinde ejusdem Dei misericordiam, qua eum suscitaturum praedicat tabernaculum David, & reedificatorum illud sicut in diebus antiquis.

274. Falsum autem omnino est, prophetandi artem fuisse apud Iudaeos in scholis edoceri; sed adolescentes tradebantur Prophetis in pietate instruendi; ex quorum numero nonnumquam Deus aliquos eligebat, quibus futura revelaret; atque istorum ceteris erat verosimiliter ille Prophetarum grex, qui obviam factus est Saul (1. Regum X.) inter quos quidam erant spiritu prophetiae a Deo donati; alii vero psalmos & hymnos in Dei honorem canebant. Nec insolens est in sacris literis, ut nomen prophetae iis tribuatur, qui hymnis, & canticis quasi enthusiasmo quodam abrepti Deum magnificabant; ut illi Prophetae erant quorum inventio fit Num. XI. & de quibus dicebat Moyses vers. 29. Quis tribuat, ut omnis populus prophetet, & det eis Dominus spiritum suum? Vid. Estius in hunc locum.

275. Iust. 2. Si prophetia a causis naturalibus non pendet, occurrit Eliseus prophetae volens petiti, sibi adduci psaltem, & nonnisi eo canente sua oraacula fudit? Lib. 4. Regum III. 15.

276. Resp. primo mirum esse, adversarios huius singulari Elisei exemplo inniti, cum in omnibus aliis tam multis prophetis nullus omnino appareat naturalium causarum concursus. Deinde, quan-

tum attinet ad aliarum exemplum, communis fere Interpretum opinio est, id fecisse Eliseum, cum pacandi animi sui causa, qui fuerat contra Regem Israel aliquanto commotior; tum etiam ut cantu illo sacro, cui Eliseus suas preces iungebat, a Deo spiritum propheticum, impetraret. Neque enim putandum est, prophetas dominum fuisse habituale, & perveniens; sed ut loquatur S. Hieronymus (Lib. XI. in Ezechielem cap. 33. Tom. V.) ob humanam fragilitatem, & vite huius necessitates interdum recedebat ab eis (a).

277. Frustra etiam laborat Increduli, dum aliqua Prophetarum oraacula naturali perspicacia, aut humanis conjecturis tribuere conantur. Ut enim omnis cavillandi locus praeripiatur, nos eas tantum prophetias, tanquam divinis revelationibus notas, statuimus, quae futura contingentia respiciunt a sola divina voluntate, vel etiam a libero hominum arbitrio, quod nullatenus praevideri potuit, suspensa: quales ex. gr. sunt illae, quae ad venturum Messiam spectant, quaeque ejusdem aeternitatis tempus, & locum, actiones praeterea, doctrinam, miracula, passionem, mortem, ac resurrectionem multis antea saeculis praenunciavimus, atque ita graphice descriperunt, ut nonnulli religionis Christianae hostes eas post recentem eventum confictas fuisse dixerint. Quorum tamen commentum tota Iudaica ratio explodit; haec enim illa oraacula longe ante Christum natum edita fuisse testatur, & solum pervicaciter negat, eadem fuisse in Jesu Nazareno adimpleta.

278. Hinc patet etiam, ineptire Helvetium, dum (in libro, cui titulus *P'Esprit* disc. 3.) prophetias solis conjecturis inniti asserit; quemadmodum Themistocles praefatum Salamini, & Scipio, quae Carthagine eversa futura erant, longe ante praeviderunt. Inepti, inquam, Helvetii; quis enim non statim videat latissimum discrimen, quod inter huiusmodi praedictiones soli humanae perspicacitati, & veri nominis prophetias intercedit?

279. Obj. 2. Non omnia Prophetarum vaticinia fuerunt adimpleta, quod luculenter demonstrat, ea non fuisse ex divina inspiratione, sed ex humanis conjecturis profecta. Sic Isaias falso praedixit Regi Ezechiae proximam mortem (Isaie XXXVIII.) Jonas quoque deceptus est, dum ab eis Ninive subversionem praedixit (Jonae III.).

280. Ad haec, prophetis sunt plerumque ita obscura, & enigmatica, ut aute eventum a nemine intelligantur. Sunt praeterea saepius ambiguae, ut possint cuicumque eventui facile accommodari; ejusmodi erat illa Elisei 4. Regum VIII. 10. vade, dic ei (Benadab Regi Syriae) sanaberis; porro ostendit mihi Dominus, quia morte morieris. Denique si in sensu literali adimpletae non fue-

(a) Hujus rei plura suppetunt exempla. Sic Daniel (cap. II. 17. & seq.) ut obtineret donum explicandi somnium Nabuchodonosor, hortatus est Ananiam; Misaelem, & Azariam, ut quaerent misericordiam a Gazzania Theol. Tom. I.

Voce Dei volti ... Tunc Danieli mysterium per visionem revelatum est: Jeronimus etiam Deus ita jubet: clama ad me, & exaudivit te, & annuntiabo tibi gratiam, & firma, quae nescis. Cap. XXXIII. 3.

fuertur, præsto semper est sensus typicus & mysticus, qui illis possit accommodari (a).

281. Resp. primæ objectionis parti, Isaiam prædixisse mortem Ezechiae regis, prout reipsa futura erat ex causarum naturalium dispositione; sed Deus fletu, & precibus Ezechiae ad inuiscerandum conversus miraculo ei sanitatem restituit, & quindecim vitæ annos adiecit. Hoc revelatum fuit eidem Isaiæ, qui hanc sibi factam revelationem notissimo prodigio confirmavit, quando scilicet Regi optiumem dedit, an vellet, umbram in horologio Achaz decem lineis ascendere, an vero totidem reverti gradibus? Cumque hoc secundum Rex e-legisset, reipsa umbra solis reversa est decem gradibus, prout Isaias iusserat (4. *Regum* XX.) Non ergo latuit Prophetam totius rei eventus, & prout erat in dispositione causarum secundarum, & prout erat in æterno Dei decreto.

282. Subversio Ninive reipsa futura erat, nisi Ninivitæ Dei iram penitentia placassent; ut proinde, illa propheta non absoluta fuerit, sed conditionata; ita enim intelligendas esse huiusmodi prophetias, Deus ipse nos docet ore Jeremias iniquens cap. XVIII. 8. si penitentiam egerit gens illa... agam & ego penitentiam super malo, quod cogitavi, ut facerem ei. Sed hoc fusius explicat S. Thom. 2. 2. q. 171. art. 6. ad 2.

283. Alteri difficultati resp. nonnullas prophetias esse obscuras, sive propter rerum in iis contentarum sublimitatem, utpote quæ naturæ vires omnino superant, sive propter aliquas circumstantias, quas Deo revelare non placuit, sive aliis de causis. Multæ tamen sunt omnino aperte, & perspicuæ, ut eæ, quibus infra demonstrabimus divinam revelationem in sacris literis utriusque testamenti nobis factam, & istæ sunt ad nostrum propositum plusquam satis.

264. Verum autem non est, eas prophetias suis

se æquivocas, & flexiles ad omnem eventum, cuiusmodi erant vana idolorum vaticinia. Quod de Elisei prædictione objectum fuit, hinc habet sensum: ægritudo Regis Benadab non est mortalis; ipse tamen morietur alia de causa. Quod reipsa evenit, Rege ab Hazael suffocato; cui Hazael Eliseus & regnum prædixit, & atrocia mala, quæ illaturus erat populo Israel. Eventus autem prædictioni omnino respondit.

285. Concedimus, aliquas prophetias esse typicas, & mysticas, ut erant sacrificia, & caeremoniæ veteris Legis. Multæ tamen sunt literales, & apertæ, ut quicumque non fuerit suis præiudiciis omnino excæcatus, earum sensum cognoscere possit, etiam antequam impleantur. Sic erant illæ, quæ Messiam respiciebant. Sic etiam *cap. 20. par. 1* literaliter pronuntiata sæpius habemus præsentem, quam quisque videt, populi Israelitici dispersionem, & obsecrationem. Sic denique, ut plura alia omittam, tam in veteri, quam in novo fœdere apertissime promissa fuit vocatio Gentium, ut locum reprobata Synagoga occuparet. Quænam in his omnibus obscuritas, aut ambiguitas est? Augetur etiam claritas prophetiarum, quando omnes simul conferuntur, ut una lucem mutetur ab altera (b).

286. Instab. Si Prophetiæ de Messia venturo erant, ut nos dicimus, ita perspicuæ, unde factum est, ut integra Judæorum natio earundem sensum assecuta non fuerit?

287. Resp. Judæos carnales Messiam expectasse, qui temporale regnum Israel restitueret, quod non fecit Jesus Christus. Hæc tamen Judæorum excæcatio, & reprobatio fuit sæpius a veteribus Prophetis, & ab ipso Servatore nostro prædicta, ut proinde prophetiarum veritatem & ipse commendat. Conf. *Isaiæ* VI. 9. *Matt.* VIII. 11. XXI. 43. &c.

288.

(a) Ita auctor impij libei, qui anno 1724. prodit in scriptis *Discours sur les fondemens, & les raisons de la religion chretienne &c.* quique Ant. Collinsio non sine causa tributus fuit. Contendit autem, omnes V. T. prophetias, quibus religio Christiana superstruenda est, esse typicas, allegoricas atque enigmatias, ut proinde earum sensus nec naturalis sit, nec certis regulis possit determinari. Id evincere conatus est, plures afferens prophetias obscuriores, sed mala fide eas omittit, quæ præcipue sunt, & quas claras esse, atque ad litterarum apicem impletas nullis cavillationibus inficari poterat.

(b) Hoc loco minime præterenda est insana temeritas auctoris libelli de l'examen de la religion, qui cap. 7. ut probet, in prophetis meras contineri allegorias, specimen loco adducit in verba Psalmi XCII. Dominus regnavit, decorem indutus est, quæ ab Ecclesia explicari dicit mystice de gloria, quam Christus dum in cruce penderet, sibi acquisivit; ita enim canit i impleta sunt, quæ concepit David fidei carminibus, dicendo nationibus: regnavit a ligno Deus. Sed turpiter hic religionis examinatur saltiter, primo in eo, quod putet in hoc hymno allegari verba Psalmi XCII.

cum potius citentur alia Psalmi XCV. 9. dicite in nationibus, quia Dominus regnavit. Ulterius quamquam illud a ligno non inveniatur in nostris Bibliis, certum est tamen, ita lectum olim fuisse a S. Justino in *Dial. contra Trifonem*, & in II. *Apologia*, a Tertulliano contra Judæos cap. 2. a S. Augustino in hunc Psalmum, a S. Leone M. Sermon. IV. in *Passione Domini*, a S. Gregorio M. Lib. 1. in Ezechiel, aliisque veteribus Patribus. Extant ea verba in antiquis Palæstis Chophorum, Gethorum, Veronensi græco-latino, & Vaticano, ut testatur Jos. Blanchinius in epistol. ad Ant. Franc. Gorium in *Evangelio* pag. CXXIII. Imo Cassiodorum in *Comment.* ad hunc Psalmum in *authoritate LXX. Interpr.* firmatum esse, asserit. Denique in *Petere Italica* a Card. Thomasio an. 168. & a Petro Sabathier ann. 1740. edita hæc verba a ligno adhuc leguntur in laud. Psalmo XCV. Adde, non omnia, quæ in hymnis, aut alijs Breviarii precibus leguntur, tantum totidem Ecclesiæ definitiones accipienda esse. Hymnus *Vexilla Regis* produnt, ubi allata verba continentur, auctorem habet Venantium Fortunatum, qui Sec. VI. illum pro S. Radegunde Gallie Regina concinnavit.



288. Dices. Nonne contingere potest, quemadmodum temporibus Achab, & Josaphat ( 3. Regum XXII. ), ut omnes prophetae a malo spiritu decepti mentiantur?

289. Resp. Id contingere posse pseudoprophetis, quos Deus permittit a spiritu mendacii decipi; non autem veris Prophetis, quorum mentes Deus ipse lumine prophetico illustrat, & linguam movet, ut vera praedicant. Sic in allato exemplo contra omnes Prophetas mendaces stetit Michaeas Propheta Domini, qui vera praedixit; quanquam permittente Deo Prophetae mendaces auditi sunt, Michaeas vero, quia praedicebat malum, fuit in carcerem conjectus.

290. Obj. 3. Voltairius ( in *Philosophia historica* cap. 31. ). Quod nondum est, nihil est; sed nihil nec praevideri, nec praedici potest: nulla ergo sunt futurorum vaticinia.

291. Resp. Primo, mirum esse, non vidisse Voltairium, hoc sophisma etiam evinci, non posse cognosci praeterita, quia non amplius sunt. Deinde quae praevidentur a Deo & nobis revelantur futura, sunt suo modo, scilicet in suis causis, potissimum autem in aeternis Divinae voluntatis decretis, quae sunt prima, & efficacissima causa futuritionis omnium rerum. Sed otio, & litteris abutuntur minuti isti Philosophi, dum vaticinia divina impossibilia esse probare nituntur, quae tamen olim extitisse, atque adimpleta postea fuisse, nonnisi sablata omni fide historica, inficiari non possunt.

292. Obj. 4. cum Rousseauv ( Tom. III. de l'Emilie ). Ut ex prophetis certum aliquid eliciatur argumentum, tria concurrere oportet; scilicet primo nos ipsos testes esse debere prophetiae, quando editur, ne aliorum fide decipiamur; multa enim vana fingi post rerum eventum vaticinia, experientia nos docet: secundo nos pariter testes esse debere eventus, quando propheta adimpletur: tertio demum certo nobis constare, eventum non potuisse naturali via praevideri, aut casu fortuito cum propheta conjungi. Atqui haec tria simul concurrere aut vix, aut nollatenus possunt; ergo &c.

293. Resp. primo haec tria concurrere aliquando posse, ut vult Genevensis Philosophus. Sic filii Noe audiverunt praedici diluvium, atque ipsum propriis oculis conspexerunt, & certi erant de supernaturali causa, ut proinde nec praevideri naturaliter, nec casu evenire potuerit. Ac praetermissis aliis exemplis, Apostoli a Christo sibi praedici audiverunt ejus resurrectionem, eamque postea praedictionem completam viderunt, non utique fortuito, aut naturali virtute, ut res per se loquitur.

294. Praeterea necesse minime est, ut qui prophetias adimpletas vident; eas etiam propriis auribus a Prophetis audiverint; sed sufficit, ut eas olim fuisse editas, certissime norint. Quam certissimam cognitionem nos habemus de prophetiis tam

in veteri, quam in novo Testamento contentis, ut nulla alia res historica certioribus nitatur argumentis.

295. Obj. 5. Innumera fere, quae Ethnicis jactare solebant, decorum vaticinia, aruspicum auguria, & fatidica vatium oracula, quorum veritatem comprobavit eventus. Hinc colligi videtur, prophetias non esse certas divinae revelationis notas, cum sint etiam superstitiosis decorum cultibus communes. Pauca breviter commemorare, non erit inutile.

296. Primo celebre illud fuit Vetii argurium, quando ( referente Varrone Lib. XVIII. *Antiquit.* ) ex duodecim vulturibus a Romulo visis Romanum imperium duodecim saeculis permansurum praedixit. Id innuit etiam Livius Lib. I. cap. 7. Reipsa autem duodecim fluxere saecula usque ad Valentinianum III. sub quo Roma a Genserico Vandalarum Rege capta est.

297. Aliud narrat Flavius Josephus L. XVIII. *Antiq. Judaicarum* cap. 6. majori etiam consideratione dignum: scilicet cum Agrippa vinculis tentus praeter languore reclinatus esset ad arborem, quidam natione Germanus bubonem in arbore conspiciens Agrippae futuram prosperitatem praedixit, eumque monuit, ut cum eandem volucrum denno vidisset, sciret, se quinque post dies moriturum. Haec omnia, ut praedicta erant, reipsa, evenerunt; teste enim eodem Josepho, Agrippa a Cajo Tiberii successore vinculis solutus regnum diadema obtinuit, ac feliciter postea regnavit, donec in urbe Caesarea cum spectacula ederet, oculis in altum sublatis bubonem supra caput funiculo insidentem conspexit, eoque viso se post quinque dies moriturum intellexit, quod reipsa etiam contigit.

298. Denique Plutarchus narrat ( Tomo I. de oraculorum defectu ), Thamo quandam, cum prope insulas Echinadas navigaret, fuisse ab ignota voce jussum, ut cum ad portum Palades appulisset, magnum Pana esse mortuum nunciaret. Thamo autem id nuntiante, fuisse confusum multorum gemitum auditum.

299. Resp. primo, quo plura apud Ethnicos hujusmodi vaticinia spargebantur, eo minorem apud viros eruditissimos fidem invenisse; quae de re sufficit legere Ciceronis librum II. de Divinatione, ubi augures, aruspices, & vates saepe, & eruditae deridet. Observat item, plerumque oracula hujusmodi fuisse ita ambigua, & obscura, ut interpretes egeret interprete, & sors ipsa ad sortem referenda esset. Nonnumquam etiam ita fuisse flexiloga, & aequivoca, ut cuiusvis eventui adaptari possent. Porphyrius item, qui de Philosophia ex oraculis petita librum conscripsit vanitatem oraculorum negare non potuit, ut Ensebius refert lib. VI. *Præparat. Evangel.* cap. 5.

300. Praeterea multa demonum opae vaticinia edi poterant; isti enim acutissimi, & sagacissimi spiritus possunt plurima ex causarum concursu pra-

prævidere, & Deo permittente prædicere (a). Reipsa fuisse multa ex dæmonum prædicta, vel ex eo liquet, quod post Christi adventum, sin minus omnia, saltem pleraque, & celebriora apud Ethnicos oracula repente siluerunt; prout Tertullianus in *Apologetico* cap. 22. Minutius Felix in *Octavio*, & Eusebius Lib. V. *Præparat. Evangel.* cap. 1. testatur.

301. Denum aliquæ prædictiones naturali hominum prævisioni tribui possunt, aut fortuito adimpletæ sunt. Ceterum adversarios fidentes provocamus, ut vaticinia adferant iis similia, quibus divina nostræ sanctæ religionis revelatio comprobatur.

302. Quantum vero attinet ad primum vaticinium de Imperii Rom. duratione per duodecim sæcula, primo Livius loco cit. nil tale habet, solum Remo sex vultures augurio venisse, duodecim autem Romulo. Quid porro hoc augurium portenderet, plane silet. Deinde, etiamsi de duodecim sæculis durationis imperii Romani augurium fuisse explicatum, illius exitus potius casui, quam veræ, & supernaturali prævisioni esset adscribendus. Ceterum finis imperii Romani male ponitur sub Valentino III. Illi enim successerunt Maximus, Avitus, Julius Majoranus, Severus III. Procopius Anthemius, Olybrius, Glycerius, Julius Nepos, ac tandem Augustulus, qui ultimus fuit Occidentis Imperator, ac sub eo extinctum vere fuit imperium Romanum anno Christi 476. a Roma autem condita 1229; unde patet, imperium Romanum durasse supra duodecimsæcula.

303. Majus videretur negotium facere prophetia illius Germani a Flavio relata, si firmis inniteretur monumentis. Certe operæ pretium erat, ut Flavius aliquod saltem innuere grave testimonium, quo hanc prædictionem factam fuisse, credere tunc possemus. Sed ille nullum testem adhibet, & quod plus est, rei tam singularis nulla invenitur apud alios auctores intentio. S. Lucas in *Actis Apost.* XII. Agrippæ mortem describit, de bubone autem supra caput ejus insidente non verbum quidem facit. De illo etiam silet Eusebius Lib. II. *Hist. Eccl.* cap. 10. Iuno hic auctor locum Josephi exscribens, Agrippam vidisse dicit Angelum capiti suo superstantem. Nescio autem, an in suo codice ita legerit, an vero Flavii testimonium mutuare ausus fuerit. Ceterum augurium Germanum in eo saltem falsum fuisse comprobimus, quod Agrippæ prædixerit, liberia suis

relicturum opes; cum tamen eodem Josepho referente Lib. XIX. cap. 8. sciamus, Agrippam ære alieno gravatum interisse.

304. Postremum, quod Plutarchus refert de Thamo, contigit in morte Christi, & si Huëtium audiamus (*Demonstrat. Evang.* Prop. IX. c. 156.) voluit Dens eum Gentibus hoc miraculo palam facere (a). Solertissimus tamen Tillemontius (Tom. I. *Des memoires &c.* art. 21. sur J. C.) parum verisimile iudicans, Deum voluisse, sub nomine falsi nominis Pan Jesum Christum significari, potius credit simul cum Eusebio, fuisse dæmones a Deo adactos, ut hoc modo prædicarent horribilem cladem, idololatriæ per Christi mortem illatam (vid. Lib. V. *Præpar. Evang.* cap. 17. ubi *Thamnum*, loco *Thami* scribit). Denum non desunt, qui cum Ant. Van-Dale nullam Plutarchi fidem, hac in re adhibendam esse censent. Huic sententiæ subscribit etiam Hyacinthus Serry *Exercit. LVIII. de Christo &c.* n. 8. Tom. III. *Opusum* edit. in fol. Lugduni, seu Venetiis 1770.

305. Diceb. Plutarchus laud. opusc. de *Oraculorum defectu* narrat, quemdam Ciliciæ præfectum misisse librum ad tentandum Mopsi oraculum, quod tunc celebre erat, cum obsignata tabella, in qua seiscitabatur, candidumne, an nigrum taurum immolaret? Mopsus autem tabella minime reserata, ac inspecta respondisse, *nigrum*; ostendens, se nemine indicante jam præcognovisse, quid in tabella contineretur.

306. Resp. Hæc, & similia responsa callidæ sacrilegicorum fraudi esse adscribenda; cogeant enim percutatores obsignatas tabellas in ara deponere, mirabili autem arte sigillo ablati, iterumque reposito, interrogationes facile cognoscere poterant, illisque apposite respondere (b). Notæ sunt etiam æquivocationes, & ambiguitates, sub quibus plerumque edebantur oracula, ut omnibus eventibus possent facile adaptari; ut illud, *ut te Æacida Romanos vincere posse*; vel illud, *Cræus Halim penetrans magnam pervertet opum vim*, & hujus generis permulta.

307. Nec denum illud prætermittendum, quamplurima falsorum Numinum vaticinia prænuntiata eventu omnino caruisse. Unum assero ex S. Augustino (Lib. XVIII. de *Civ. Dei* cap. 53. Tom. VII.). Gentiles ex dæmonum responsis quoddam versus divulgaverant, quibus prædicebatur, Christi nomen post 565. annos esse obli-

vio-

(a) Hæc communis fere omnium fuit opinio, cui tamen Ant. Van-Dale in disert. *De Oraculis*, ann. 1683. ejusque epitomator Fontenellus dans *l'Hist. des oracles*, & nonnulli alii refragati sunt, conculcentes, decantata Gentilium oracula non ex dæmonis, sed æstivationum fraudibus edita fuisse. Consuli possunt Cælius Galecagnius in *lib. de Oraculis*, Honoratus a S. Maria, P. Batus, alique, qui novam hanc opinionem eruditè, ac solide impugnaverunt.

(b) Hanc sententiam tenet etiam Ger. Jo. Vossius

de *Theologia Gentili, & Physiologia Christiana* Lib. VII. cap. 3.

(b) Lucianus in *Pseudomant.* hujusmodi artem nobis descriptam relinquit: *Actu ignita*, inquit de Alexandro famoso impostore, *percen cera*, que intra signum est, ubi liquefecit, signum ipsum detraxit, testoque libello, acus ore liquefactum iterum ceram, tum que infra sublimo est, eam, que sigillum ipsum continet, facile congelavit. Pergit Lucianus alios modos describens, quibus libelli iniaçio sigillo recludi possunt.

vione delendum. Hoc vaticinium memorant etiam Baronius ad an. 315. num. 17. & Bossuetus in explicat. cap. XVII. *Apocalypsis*; cuius tamen falsitas satis ex seipsa apparet.

308. Obj. ult. Difficile, imo impossibile videtur, modum determinare, quo Prophetæ de divina inspiratione sibi facta certi esse possint, quin timere debeant, sibi a falso aliquo spiritu illudi. Nec minus difficile nobis est, inter veras prophetias, & fallaces quorundam frandes, aut etiam aliorum illusiones certo distinguere.

309. Resp. primæ objectionis parti, laud difficile fuisse Prophetis divinam inspirationem, ac futurorum revelationem ab illusionibus dæmonum discernere. Et primo quidem ex miraculis, quibus Deus eos certos de voce sua reddere aliquando dignatus est, ut Moysen *Exodi* IV. & Gedeonem *Judicum* VI. Deinde cum ab alio Propheta jam probato ad monus prophetandi assumebantur, ut contigit Josue, quem Moyses jussu Dei plenum spiritu sapientiæ declaravit *Num.* XXVII. & Eliseo, cui Elias manus prophetandi detulit, suo pallio super illum inmisit *3. Regum* XIX. 19. Tertio cum videbant suas prophetias ab aliis veri dei prophetis probatas & commendatas. Denique, ut Sanctus Gregorius Magnus *Lib. IV. Dialog.* cap. 48. recte observat, *Sancti viri inter illusiones, atque revelationes, ipsas visionum voces, aut imagines quodam intimo sapore discernunt, ut sciunt, vel quid a bono spiritu percipiunt, vel quid ab illusionem patiuntur* (Tom. VI. edit. Ven. in d. 1679.) (a).

310. Varii etiam sunt characteres, quibus possumus nos veros Prophetas a falsis distinguere. Primus est doctrinæ illius, in cuius confirmatione eduntur prophetiæ sanctitas, & puritas; ut nihil continet rectæ rationi, ac divinæ revelationi contrarium. Hinc Moyses *Deuter.* XIII. Prophetas, qui vaticiniis suis ab unius Dei cultu abducere volebant, audiendos non esse jubebat. Et Christus Dominus *Matth.* VII. 15. monebat, attendendum esse a falsis Prophetis, qui cognoscuntur ex fructibus. Demum S. Paulus *ad Gal.* I.

(a) Variis modis consuevit Deus suos Prophetas alloqui, iisque nonnulla revelare. Primo in somniis, ut Abraham, & Jacob *Gen.* XV. 12. & XXVIII. 12. secundo in visione, ut Isaiæ VI. 1. tertio in extasi, ut S. Petro *Act.* X. 10. quarto in caligine nubis, ut Moysi *Exodi* XIX. 9. vel in turbine, *Job* XL. 1. quinto in voce, ut Moysi *Exodi* XXXIII. 11. & alias sæpe, ac Samueli 1. *Regum* III. 4. denum absque ullo signo exteriori, per solam internam inspirationem, quæ in mentis illustratione, ad res futuras cognoscendas, atque in voluntatis motione ad eas manifestandas sita erat. Hinc Jeremias cap. XX. 9. cum non amplius loqui vellet in nomine Domini, seu prophete, resistere tamen non potuit divine motioni: *Et factus est, inquit, in corde meo, quasi ignis ardens, claususque in ossibus meis, & defecti, ferre non sustinens.* Legantur S. Thomas 2. 2. quæst. 173. & S. Augusti-

8. anathema dicit etiam Angelo, si aliud evangelizaverit.

311. Sed quia permultis nonnumquam difficile est, ex doctrinæ puritate, & sanctitate veritatem prophetiæ agnoscere, ideo Deus alios etiam, ne erremus, dedit veræ prophetiæ characteres. Nempe attendendus est aliquando rei prædictæ eventus; unde Dominus dixit Moysi *Deut.* XVIII. 22. *hoc habebis signum; quod in nomine Domini Propheta ille prædixerit, & non everserit, hoc Dominus non est locutus; sed per tumorem animi sui Propheta confixit.* Sic contra, quando aliqui Prophetæ, ut Joseph, Daniel, vera jam prædixisse inveniuntur, etiam in reliquis vaticiniis fidem merentur. Tertio multo magis fidem merentur, qui stupendis miraculis sua vaticinia confirmant, ut fecerunt inter alios & præ alios Moyses, & Christus. Quarto etiam mores Prophetarum attendi debent; ut nulla nempe in iis sit avaritiæ, superbiæ; adulationis, aut aliorum vitii suspicio; sed contra vita proba, & sancta; præcipue autem si mala quæque hujus vitæ perpeti sint parati propter gloriam Dei. Sic S. Paulus in *epist.* ad Hebræos XI. 35. veteres Prophetas commendat; & sic ipse Sanctus Paulus, ceterique Apostoli, & Prophetæ novi Testamenti se commendandos, & fide dignos reddiderunt (b).

### DISSERTATIO III.

Qua ostenditur, divinam revelationem, tam in veteri, quam in novo testamento factam esse.

1. *Multifariam*, inquit Apostolus initio suæ Epistolæ ad Hebræos, *multisque modis olim Deus loquens Patribus in Prophetis, novissime diebus istis locutus est nobis in Filio*, quibus verbis omnes revelationes a Deo factas ad duo tempora refert, scilicet ad vetus testamentum, in quo Deus loquebatur in Prophetis, & ad novum, in quo locutus nobis est in unigenito Filio suo.

2. In veteri testamento possumus omnes revelationes

nus initio *Lib. II. ad Simplicianum.* Tomo VI. (b) Præclare Lactantius *Lib. I. Div. instit.* c. 4. *Vultas fingendi, ac mentiendi eorum est, qui opes appetunt, qui lucra desiderant: quæ res procul ab illis sanctis viris absint. Ita enim delegato sibi officio funditi sunt, ut derelictis omnibus ad tutelam vite auctorioris, non modo in futurum, sed ne in diem quidem laborarent, contenti de temporali cibo, quem Deus ministrasset: & hi non modo quantum nullum habuerant, sed etiam cruciatus, atque mortem &c.*

De Prophetiæ fuisse agit S. Thom. 2. 2. qu. 171. 172. 173. & 174. in quibus omnia exponit, quæ ad essentiam, causam, modum, & divisionem prophetiæ pertinent, ut nihil desiderandum relinquat. Legi etiam meretur P. Thomas Maria Carboni T. I. *Theol. revelata* *Lib. I. qu. 2. artic. 3.*

duos ad quatuor quasi epochas reducere; quarum prima complectitur tempus a creatione hominis usque ad Abraham; altera ab Abraham usque ad Moysen; tertia respicit Moysen solum, cui Deus legem scriptam dedit; postrema omnes Prophetas, qui a Moysen usque ad Christum floruerunt.

5. In novo autem testamento hæc distinctio temporum locum non habet, quia tota quanta est revelatio, facta fuit ab Apostolis, aut per Jesum Christum, Salvatorem, ac Magistrum nostrum, aut per Spiritum Sanctum ab eo missum. Apostoli autem eandem reliquerunt Ecclesie partim in sacris literis. Nov. Test. & partim etiam orali traditione, ut ulla proinde in Ecclesia admittenda sit nova revelatio, saltem quæ ab omnes fideles pertineat.

4. Primo igitur dicemus de revelatione a Deo facta in antiquo fœdere, post autem de alia. Et quoniam singulos V. T. libros expendere nimis longum esset, & ad rem nostram contra Naturalistas parum necessarium, ad solum Moysen Pentateuchum nos restringemus, in quo antiqua lex totaque Judæorum religio a Deo revelata continetur.

5. Cum autem hæc disputatio sit de *falso*, scilicet an divina revelatio Moysi facta sit, existatque in ejus Pentateucho, non alia exigenda est certitudo, quam moralis; quæ tamen tanta aliquando est, ut omnem prorsus excludat formidinem, atque illi, quæ in geometrieis demonstrationibus habetur, æquiparari possit. Quæ enim propositio geometriea certior est hoc facta, fuisse olim urbeni Jerusalem a Romanis captam, direptam, atque incensam? (a) Hoc breviter prænotato sit.

### C A P U T I.

*Divinam revelationem factam fuisse Moysi, atque in Pentateucho existere, tum ex miraculis, tum ex prophetis in eo contentis luculenter evincitur (b).*

6. *Prob. prima pars ex maximis iis, & celebratissimis prodigiis, quibus Deus in Ægypto, in mari, & in deserto Moysen missum, ac lega-*

*tionem confirmavit. Eorum enim veritas tot, atque certitudinis characteribus fulcitur, ut nihil firmitus possit in historia desiderari. Ea enim non clam, & in angulo, aut coram paucis, vel in dissitis locis facta sunt, ut possit aliqua fraudis, vel mendacii suspicio esse; sed palam, totoque inspectante numerosissimo populo, eorumque memoria, ne ulla unquam posset obliviotie deleri, ab ipso Moysen tempore annis celebratibus consecrata fuit.*

7. Quis vero in animum sibi inducat, tante, tamque projectæ audaciæ fuisse Moysen, ut vellet populosissimæ Israeliticæ genti tam solemniter imponere, & palam dicere, atque scribere, se eam ab Ægyptiorum tyrannide in brachio forti substractam, per medium mare siccis pedibus traxisse, undis hinc inde instar solidi muri elevatis, totum inimicorum exercitum ab istdem undis resurgentibus oppressum, & submersum, aquas ad virgæ percussione copiose saxo erupisse, maonæque ex cielo quadraginta annorum spatio pluisse (c), si horum omnium nec vestigium unquam, nec vola fuisset?

8. Quod si Moyses ita frontem impudenter exisset, ut hæc omnia confingeret, anne adeo stolidi, omnisque sensus experies erant omnes Hebræi, ut sibi tam enormiter fucum fieri permitterent? Plarie non homines, sed caules, & stipites eos fingere oportet, si ea miracula literis consignari permisissent, imo annis solemnitatibus ipsi celebrassent, quæ ab impostore omnium maximo conficta esse noverant.

9. Sed fortasse verebitur aliquis, ne totus populus simul cum Moysen impie conspiraverit ad miracula illa ex integro fingenda, ut illa nomen Israelis coram Gentibus magnificaretur.

10. Veruntamen quis sibi persuadet, omnes in manifestissima hæc mendacia ita conspirasse, ut in multitudine prope infinita hominum, omnis sexus, ætatis, ac conditionis, nemo unus inventus fuerit, qui ea palam faciens maximam toti nationi infamiam notam inureret? Anne illi, qui non pauci fuerunt, iniqui, obreptatores, inobedientes, contumaces, rebelles occasionem hanc præternisissent, quæ se a Moysen joco subtraherent, eumque æterna ignominia notarent?

11.

(a) Vid. brevis quedam dissertatio ad calcem libri *Des pensées sur la religion de M. Raschal*, cui titulus, *Qu'il y a des démonstrations d'une autre espèce. & aussi certaines, que celles de la géométrie*; in: P. Th. M. Carboni. *Theol. revel. Tom. I. L. II.* & Boullier. *Traité de la certitude morale*.

(b) Has duas notas peculiariter selegimus, brevitate gratia, alia, quæ offerri possunt, & solent, minime contententes; atque eam præcipue, quæ ex sanctitate, & sublimitate doctrinæ Moysiæ deducitur, de qua videri possunt inter alios plures P. Antonius Valsecchius *De fundamentis religionis*. Lib. III. & Jac. Leland *Nouvelle démonstration évangélique*, præcipue Tom. III. ubi ethicae theologiae cum revelata con-

parat, & quantum illa illi superior sit, fuse, atque erudite ostendit.

(c) Aliud miraculum a plerisque celebratur, scilicet Israelitarum vestes toto eo tempore, quo in deserto morati sunt, nunquam fuisse vetustate detritas: idque aperte colligi voluit ex iis verbis Deuter. VIII. 4. *vestimentum tuum, quod operiebaris, nequaquam vetustate defecit, & pes tuus non est subtritus, ex quadragesimo anno est*. Imo S. Justinus in *Dial. cum Triphone* n. 131. addit, vestimenta cum adolescentibus simul crevisse, non minus quam cum coelestis cresecant eorum domus. Sed hæc, & id genus alia consulo omnibus, utpote non apud omnes certa; non desunt enim, qui laudata Deuteronomii verba intelligenda pu-



11. Uterius quomodo suspicari possumus, hæc omnia fuisse litteris consignata ad Israelis gloriam mendaciorum ope amplificandam, cum in eisdem ipsissimis libris plurima, & nefandissima ejusdem populi scelera, ut rebelliones, blasphemiae, fornicationes cum filiabus Moab, turpissimaque vituli aurei adoratio, sine ullo fuso palam manifestetur? Nunc id primum esse debuisse incredibile illius conspiciat fundamētum, caute, quod turpe erat, occultari, ne si palam fieret, in oculis gloriosius figentis fides detraheretur? Nullus itaque est suspicandi locus, decantata illa Moysis miracula fuisse dolo malo conficta.

12. Jam vero hæc omnia miracula fuisse a Deo facta ad confirmandam Moysis legationem, satis luculenter apparet ex cap. IV. *Exodi*, ubi Moysi dicenti: *non credent mihi, neque audient vocem meam*, Deus promisit, se ejus missionem miraculis comprobaturum. *Et si non crediderint tibi*, inquit vers. 8. *neque audierint sermonem signi prioris, credent verbo signi sequentis &c.* Quæ promissio omnino adimpleta fuit (a).

13. Prob. altera pars de prophetiis, quas plurimas a Moysæ editas fuisse, atque eventum comprobatas, indubiti constat monumentis. Paucas seligam. Primo cum filii Israel terribi ab iis, qui ad explorandam terram Chanaan missi fuerant, contra Moysæ, & Aaron murmurassent; Moyses spiritu Dei plenus prædixit, neminem eorum, qui vigesimum annum jam expleverint, terram illam visurum, Caleb, & Josue duntaxat exceptis *Numer. XIV. 23. Deuter. I. 35.*

14. Altera Moysis prophetia continetur *Lev. XXV. 21.* ubi jubet populo, ut postquam terram promissionis occupaverit, & septimo quolibet anno quiescat, neque agros serat, aut vineam putet, promittit autem, daturum Deum benedictionem anno sexto, ut faciat fructum trium annorum.

15. Testio similem prophetiam continet aliud Moysis præceptum *Exodi XXXIV. 23.* ut tribus temporibus anni omnis masculus, deserta propria

regione, appareret in conspectu Domini, in loco scilicet electo a Domino, addita promissione, quod nemo interea insidiaretur terræ eorum.

16. Quarto sæpiissime Moyses prædixit populo omnes a Deo benedictiones, si in mandatis ejus permanserit; contra vero bella, clades, famem, exilia, omnisque generis calamitates, si ea violaverit *Deuter. XXVIII. & XXIX.* Uterius vero addidit, hujusmodi comminationes minime effecta carituras, quia noverat, post mortem suam populum inique acturum *Deuter. XXXI. 29.*

17. Sane hæc vaticinia ejusmodi sunt, ut illorum exitus nulla ingenui perspicacia prænosci queat; fuisse autem opere completa, evidentissime constat. Nam quantum ad primum, instrato toto populo in caenptribus Moab supra Jordanem contra Jericho, nullus inventus fuit eorum, qui antea numerati fuerant a Moysæ, & Aaron in deserto Sinai præter Caleb, Josue, prout refertur *Numer. XXXII. 64. & 65.*

18. Secundum autem vaticinium, sicuti & tertium impletum fuisse, inde colligi debet, quod duæ illæ leges longo saltem tempore (b) servatæ fuerunt; servatæ autem certe non fuissent, si divinis promissionibus deficientibus, vel anonæ caritatem, vel hostium incursiones Israelitæ aliquando experti fuissent.

19. De quarta autem prophetia nimis longum esset dicere, & aliunde neminem latent populi Israelitici vicissitudines bonæ, & malæ, prout imple Deo fidelis erat, aut rebellis.

20. Non erit tamen abs re terribilem illam comminationem a commemorato, quæ legitur *Deuteronom. XXVIII. 49. & seq. Adducet Dominus super te gentem de longinquo, & de extremis terræ finibus in similitudinem aquilæ volantis cum impetu... quæ non deferat seni, nec misereatur parvuli... donec te disperdat, & conterat in cunctis urbibus tuis, & destruantur muri tui firmi, atque salientes, in quibus habebas fiduciam in omni terra tua... & comedas fructum uteri tui, & carnes filiorum tuorum...*

rent de novarum vestium copia, quas divina providentia Israelitis in deserto suppeditavit. It inter alios censet Jo. Frano. Buddens Lutheranus in *Hist. Eccl. V. T. Periodo II. Sec. I. §. 30.* Hos tamen falli potes; nimis clara sunt alia verba Moysi Dent. XXIX. 3. *Adduxit vos 40. annis per desertum: non sunt attrita vestimenta vestra, nec calcamenta pedum vestrorum vetustate consumita sunt.*

(a) Præclare S. Thomas III. P. quæst. 43. art. 1. docet, divinitus concedi hominibus miraculorum potentiam, primo, & principaliter ad confirmandam veritatem, quam aliquis docet. Quia, inquit, eo, qui sunt fidei, humanam rationem excedunt, non possunt per rationes humanas probari, sed oportet, quod probentur per argumentum divina virtutis; ut dum aliquis facit opera, quæ solus Deus facere potest, credantur ea, quæ dicuntur, esse a Deo: sicut cum aliquis defert litteras annulo Regis signatas, creditur, ex voluntate Regis processisse, quod in illis continetur.

(b) Dixi longo saltem tempore, quia certum videtur fuisse postea legem anni sabbatici, sicut pleræque alias, neglectam. Imo id prævisum & prædictum a Moysæ fuit; ita enim Israelitæ allocutus est in eodem *Lev. XXVI. 34. & seq. tunc placebit terra sabbata sua cunctis diebus solitudinis suæ, quomodo fuerit in terra hostilis, sabbatizavit, & requiescit in sabbatis solitudinis suæ, eo quod non requiescit in sabbatis vestris, quando habitabitis in ea.* Quibus verbis prædixit Moyses violationem præcepti de anno sabbatico, & hujus violationis penam, scilicet captivitatem, in qua terra sabbatizaret, & requiescere debebat, id est inerta manere. Et quia captivitas, ut notum est, 70. annis duravit, hinc colligit interpretes, 70. annos sabbaticos fuisse neglectos: quod etiam insinuatim videtur 2. *Paralipomen. XXXVI. 21.* Ceterum fuisse postea observata sabbata terræ, colligitur ex Libro Primo Machabæorum s. VI. 49. & 53.



in angustia & vastitate, qua opprimit te hostis tuus. Hæc autem *verba* *prophetae* *israhel* *completa*, omnes norunt; præcipue autem in obsidione Samariam facta a Benadad Rege Syriæ 4. Regum VI. in obsidione Jerusalem a Nabuchodonosor Baruch. II. 3. & in postremo ejusdem urbis excidio sub Tito, de quo legendus Josephus Lib. VII. de bello Judaico cap. 7. Quis igitur Moysei insigni Prophetae laudem denegabit? (a).

21. Ex his paucis colligi potest, quænam fides habenda sit Corp. Tacito, quando in lib. V. *Histor. gentis Judaicæ* originem, exitum ab Ægypto, Moysei miracula, & leges, ac populi Israelitici mores mendacissime describit. Ino mirabile plane est, hunc scriptorem, aliquin accuratum, maledicenti æstu abreptum nec sibi ipse constare. Narrat enim, Judæos in deserto siti fatigatos largas aquarum venas, asinis agrestibus monstrantibus invenisse, atque in hujus rei memoriam asini effigiem in templi penetralibus sacrasse. Post autem sui immemor addit, apud Judæos simulacra neque in arbutibus, neque in templis ulla fuisse. Putidam illam de asinis agrestibus fabulam Tacitus fortasse ab Apione didicerat, quam tamen invictis argumentis Josephus jam exposerat in Lib. II. *Contra Apionem*.

22. Idem dicendum de aliis ejusdem Apionis, Manethonis, Chæremonis, ac Lysimachi calumniis, quas ab eodem Josepho in laud. opere refutatas habemus.

23. Idemque pariter reponendum est Plutarchi anecdacis (in *Symposio*) contra Judaicam gentem, quæ refutavit Origenes in Lib. I. *contra Celsum*, cum hic religionis nostræ osor accerrimus ea refutavit ausus fuisset (b).

24. Obj. primo contra primam partem Ben. Spinosa (in *Tract. theol. polit.* cap. 6.) contentens quæ a Moyse edita dicuntur miracula, si bene perpendantur, naturæ vires minime excedere. Certe miraculum trajectionis maris, quod omnium maximum sine dubio videtur, a Flavio Josepho auctore minime suspecto, Lib. II. *Antiquit. Judaicæ* cap. 16. comparatur cum transitu

maris Paphlæis ab exercitu Macedonum, duce Alexandro; atqui hic transitus certe vires naturæ non superabat: ergo &c.

25. Præterea idem Josephus in dubio relinquit, an Judæorum transitus per mare rubrum Dei virtuti, an vero casui, & Moysei ingenio sit scribendus; totam enim hujus rei historiam sic concludit: *at enim de his quisque, ut libenter, sentiat, satis indicans, rein non esse undequaque certam*. Quod iterum significat, dicens ab Hebræis in maris scissura viam ad salutem inventam, *sive Dei voluntate, sive sponte naturæ*.

26. Addit Voltairius (in *Philos. Hist.* c. 19.) hujus miraculi fidem suspectam esse, cum illius nulla habeatur apud Herodotum, Manethonem, Eratosthenem, aliosque profanos scriptores mentio.

27. Resp. Infinitum pene discrimen esse inter transitum Hebræorum per mare rubrum, duce Moyse, & transitum Macedonum per mare Paphlæis duce Alexandro. Hic enim Paphlæis cum esset, ut narrat Arianus (Lib. I. *De expeditionibus Alexandri*), & Pergen cogitaret, videns mare flantibus aquilonibus tantisper a littore recessisse, occasione celeriter capta, litus legens cum expeditis copiis pertransiit. Idem etiam refert Strabo Lib. XIV. *Geographiæ*, addens, milites umbilico tenus fuisse aqua demersos (c). Nichil autem simile in transitu Hebræorum per mare rubrum. *Dixit* *est enim aqua, ut dicitur Exodi XIV. 21. & seq. & ingressi sunt filii Israel per medium siccæ maris; erat enim aqua, quasi murus a dextra eorum, & lava*.

28. Crucem certe figit Josephi testimonium, qui tamen non solum sacro textui, sed etiam sibimetipsi intra paucas lineas repugnare videtur. Ita enim divinam virtutem eodem loco aperte commendat, inquis: *Moses Deum precatus mare virga percussit; istud vero illi retunditur, & seipsum in se recipiens nudam reliquit terram, qua fugam capesseret Hebræi. Moyses autem Dei præsentiam perspicens, & mare illis de solo suo cessisse, primus vada ingreditur, jus-*

(a) De his, aliisque Moysei prophetiis Vid. Huetius in *Demonstr. Evang. Proposit.* V. VI. & VII. Dugnet *Principes sur la foi* Tom. I. P. II. ch. 3. & seq. ac ceteri religionis revelatæ apologistæ. Plures etiam prophetiæ de venturo Messia habentur in Pentateuco; sed eas, quamquam totius religionis revelatæ scopum, & centrum spectant, prætermittere tamen cogimur, ac in difficiliore controversias dilabamur, & aliunde in *Tract. De incarnatione* opportuniorem habent locum.

(b) Confer Nat. Alexandrinum in *Hist. Eccles. V. T.* in quarta mundi ætate cap. 6. art. 1. ubi hæc omnia veterum delicia a hædæis magno studio renovata eruditè pro more suo dispingit. Corn. autem Taciti commenta etiam data opera consularunt Christ. Wormius *De corruptis antiquit. Hebræorum apud Tacitum, & Martiæm vestigiis*, Georg. Gasp. Kirchnerus in *Exercit. C. C. Taciti Hist. Lib. V. de rebus, mori-*

*busque Judæorum* (utrumque hoc opus prostat apud Blas. Ugulinum *Theor. antiqu. sacrar. T. II.*) Je. Franc. Bndilens in *Programm. de origine gentis Hebrææ*, quod extat in *Synagm. dissert. Theologicæ*. Jac. Fayus in *Defens. religionis, necnon Moysei, & gentis Judaicæ* P. II. c. 6. & Elias Benoist in *Obsero. Miscellan. &c. contra Jo. Tolandum*.

(c) Simile quid narrat T. Livius Lib. XXVI. n. 45. de Scipiohe Carthaginiensi obsidente, scilicet eum a piccatoribus eductum, tempus observasse, quo maris aqua moriens recederet, ac jussisse militibus, ut ex ea parte urbem aggrederentur, quod postea sublimi Livius, in prodigium, ac Deo certans Scipio, qui ad transitum Romanis mare verteret, & stagno asserent, viasque ante nunquam initas humano vestigio aperirent, Neptunum jubet duces sequi, ac medio stagno evadere ad mœnia.

sique Hebræos sequi, semita a Deo patefacta &c. Hæc sane non fortuitum indicant maris recessum, sed magnum dexteræ Dei excelsi prodigium, quo saluti Hebræorum consulere voluit.

29. Ut itaque Josephus, nedum cum sacra historia, sed etiam cum seipso conciliaret, dicendum erit, eum voluisse gentibus, quibus scribebat, sese accommodare, etisque quocumque tandem modo suam historiam credibilem reddere. Adhibet itaque exemplum Alexandri, quamquam infinito plause intervallo distans; & cum postea disjunctive dicit, Hebræos in maris scissura viam invenisse, sive Dei voluntate, sive sponte naturæ, ita explicandus est, ut primum ex sua sententia, alterum ex sententia ethnicorum proferat: sive Dei voluntate, ut ego quidem credo; sive sponte naturæ, ut aliquis vestrum putare fortasse poterit. Hinc tandem concludit: at de his quisque, ut libuerit, sentiat, nolens profanos ab sui operis lectione abstergere (a).

30. Quod si hæc minime sufficiant, notus facile secari poterit, dicendo, Josephi testimonium auctoritati Moysi ex omnibus Criticis regulis postponendum esse. Moyses enim auctor cœvus fuit, & ea narrat, quæ tota spectante Hebraica gente palam gesta fuerant, quæque omnibus attentis circumstantiis ne levisissima quidem falsi suspicione laborant. Josephus contra auctor est longe posterior, quique merito reprehenditur, quod non se anel in sua historia a sacris, & antiquis monumentis sine causa recessit. Vid. Sacy in Cap. XIV. Exodi.

31. Parum etiam nocet aliorum silentium a Voltairio obiectum, qui serius viventes, & a Judæorum sacris alieni, hoc insigne prodigium aut ignorare, aut falsum credere potuerunt. Ceterum aliqua ipsius mentio habetur apud Diodorum Siculum Lib. III. Biblioth. Histor. cap. 3. tum apud Justinum Trogum Lib. XXXVI. & apud Arrianum, ut testatur Eusebius Lib. IX. Præparat. Evang. cap. 27. (b). Magorum etiam Pharaonis Jannis, & Manbris, quos Moyses in signis, & prodigiis longe superavit, meminit Numenius philosophus Pythagorici Lib. III. De bono. Plinius item Lib. XXX. Hist. natur. & A-

pulejus in Apol. II. thaumaturgam Moysen virtutem Gentibus notam fuisse, haud obscure insinuant.

32. Inst. 1. Etiam attenta Moysi narratio Israelitarum transitus per mare rubrum non minus naturalibus causis tribuendus videtur, quam transitus Alexandri per mare Pamphilie. Nam Exodi XIV. 21. dicitur: cumque extendisset Moyses manum super mare, abstulit illud Dominus stante vento vehementi, & urente tota nocte, & vertit in siccum, divisæque est aqua &c. Vento itaque divisio illa aquarum tribuenda est, non minus ac recessus maris Pamphilie a littore sub Alexandro.

33. Aliqui etiam suspicantur, Moysen peritum naturæ indagatorem maris fluxum, quem in sinu Arabico fieri solitum itineratores testantur, caute attendisse, ut celerim cum suo exercitu pertransiret; incautos ante Ægyptios in refluxum incidisse, quo submersi sunt (c).

34. Resp. Sed ludunt, illudque nugaces, qui portentum omnium maximum a naturæ legibus repetere conantur. Venti ministerio usus est Deus, non ad dividendas aquas, sed ut exsiccandum solum. Præterea, etiam si a vento divisæ fuissent aquæ, annon prodigium esset, omnes naturæ vires superasse, quod per ventum recentibus hinc, & inde flubibus, & instar muri consolidatis aquis, latissima via, qua multitudo hominum pene infinita simul cum impedimentis, & animalibus, cuius tantum noctis spatii incolam pertransiret? Quid hic cum recessu maris Pamphilie a littore, vel cum fluxu, aut refluxu commune? Anue in his casibus aquæ hinc inde recedunt, ut tunc factum est?

35. Ulterius qui ab æquoris fluxu apertam fruisse Hebræis viam comminiscuntur, non advertunt, ita spatio duodecim horarum fluxum, & refluxum peragi, ut sensim ac sensim recedentibus undis non nisi una, aut duabus horis tota terra sicca appareat, itumque isdem aquis sensim resurgentibus. Quis autem fingat, tam breve temporis intervallo sufficere ad tantam hominum, jumentorum, impedimentorumque multitudinem transvehendam?

36. Instab. 2. Si tanta erat hominum, jumentorum-

(a) Simili fere modo Clemens Alex. Lib. 1. Stromatum num. 24. ut Græcis credibile redderet miraculorum columnæ ignem, narrat, Thrasibulo, tum exules ex Phylæ rediens, latere cupiebat, ducem fuisse columnam per loca non trita ingredienti; & nocte, ait, cum nec luceret luna, hybernique calum exret, & caliginosum, apparet ignis præcedens, qui omnes vias tutos deduxisset, prope Munichiam desivit, ubi nunc est ara Luciferæ. Unde postea ita concludit: vel ex hoc ergo fiant Græcis nostra credibilia; nempe quod facere potest Deus omnipotens, ut columna ignis Hebræos, nocte præcedat, quæ etiam dux sit eorum itineris. Ubi nemo certe suspiciabitur, Clementem æque probasse utrumque miraculum, sed argumento ad hominem Græcos adigere voluit, ut quemadmodum Thrasibulo

simili miraculum ipsi credidiant, ita Hebræos. historiam fidem non negarent. Quamquam non constat, nondum illa de Thrasibulo narratio tracta sit, quæ proinde inter fabulas recenseri debet.

(b) Ariabanus loco laud. apud Eusebium antiquam Helipolitarum traditionem memorem, Moysen, uti mare virga percuteret, divinitus adhuc aquam virga teguisse, & deficientibus illico flubibus copias sicco tramite deduxisse. Vel hoc solum sufficeret, si cetera deessent, ad Voltairii, ejusque Synnitarum os obstruendum.

(c) Ita inter alios Jo. Le Clerc. in Dissert. de translatione maris Iudæi in fine storum Comant, in Pentateuchum; & ita olim Memphis apud Eusebium loco cit. num. 31.

torum, impedimentorumque copia, intelligi non potest quemodo brevi utinis noctis spatio poterit tota ex uno ad aliud litus transire.

37. Resp. Prætermisiss bene multis, & diversis interpretum opinionibus, tum de modo, quo filii Israel mare rubrum transierunt, tum de sinu Arabici latitudine, tum denique de loco, ubi prodigiosa trajectio facta est, breviter dico, tantum divina virtute factum esse maris hiatum, quo possent Israelitæ lætissima fronte ingredi, & ita celerius ad oppositam ripam pervenire. Sed quidquid id est, *Moyes* rem narrat, non alienigenis, aut dissitis populis, sed iis ipsis, qui transierunt: in hujus rei commemorationem Canticum componit, annuasque festivitates instituit. Annua sanctis, & sibilis fuisse explosus, si ausus esset tam impudenter, & stulte mentiri (a)?

38. Iust. 5. *Moyes* hoc prodigium narraturus sibi ipsi contradicit aperte, ut proinde nullam mereatur fidem. Nam *Exodi* XIII. 20. dicuntur Israelitæ, antequam mare pertransierent, castra metati in deserto *Etham*; deinde *Num.* XXXIII. 8. postquam jam per medium mare pertransierant, iterum dicuntur tribus diebus ambulasse per desertum *Etham*.

39. Resp. Nemo ulbi hac difficultate pressi putavit, Israelitas non pertransisse totum sium Arabicum ex una ad alteram ripam oppositam, sed circumitum factum ad eundem locum fuisse reversos, postquam scilicet Pharaonis exercitui aquis submerso nullum amplius erat eorum profectio obstatulum (b). Sed Nat. Alexander. cum pluribus Interpretibus putat, desertum *Etham* fuisse vastissimum, & ad utramque maris ripam latissime se extendisse. Alii cum Menochio censent, *Etham* non significare aliquam certam regionem, sed generaliter locum quemque fortem, seu asperum, præruptum, & difficilem, quod proinde nomen poterat deserto ultra, citraque Erithræum convenire. Quæcumque ex his opinionibus adoptetur, omnis evanescit contradictio, quam mirum esset non fuisse a *Moyse* visam, cum tam facile in oculos nostrorum adversariorum incurrat.

40. Iust. 4. Tam stupenda *Moyse* miracula non fuisse vera, colligitur primo ex *Egyptiorum* infidelitate, & Pharaonis obstinatione: secundo ex Hebræorum inconstantiâ, qua sæpe veri Dei cultum deserabant, & contra *Moysem* rebellabant.

41. Resp. Ad conversionem cordis non sufficere externa signa, sed requiri internam, & efficacem Dei gratiam, quam Deus pro sua misericordia, quibus vult, largitur, & pro sua iustitia indignis denegat. Permissi itaque iustus Deus indurari cor Pharaonis, & *Egyptiorum*, levesque, & inco-

stantes Hebræos in idolatriam, seditiones, aliasque turpissima scelera infelicitur delabari. Quare autem id permiserit, scrutetur qui potest. Notetur contra omnes Criticæ regulas peccaret, qui certissima *Moyse* miracula negare vellet, quia iis visis, nec *Egyptii* conversi sunt, nec Hebræi Domino liberatori suo constanter adheruerunt: cum hujus obdurationis, & inconstantiæ multæ potuerint esse causæ nobis ignotæ.

42. Ceterum quantumcumque hæc captivi difficultas videantur, multo certe difficilius capti erit, primo *Moysem* potuisse integro Nationi Israeliticæ sine miraculis persuadere, ut ejus se imperio committeret in tam longo, & tam periculososo itinere: secundo potuisse pariter sine miraculis Pharaonem induci, ut tantam servorum multitudinem, quorum operam adeo titulum experiebatur, vel sponte dimitteret, vel ad eam dimittendam invitatus adigeret: tertio potuisse *Moysem* ut ut prudentissimum tot hominibus (aliqui ad terdecies centena millia numerant) in vastissimis illis, & inhospitis Arabiæ desertis quadraginta annorum spatio necessaria omnia ad vitum, amicum, aliasque vitæ indigentias sine miraculis subministrare: demum populum inconstantem, duræ cervicis, & seditionum gravissimis illis legibus collum subdidisse, quas *Moyes* nomine Dei promulgavit, & quantum observantiam severissimis poenis exigebat, nisi miraculorum efficacia permutum. Hæc pauca breviter delineavimus. Sed si quis velit omnes locorum, temporum, hostium, indolis Hebrææ Gentis, aliasque id genus difficultates diligenter examinare, facile videbit, miraculum fuisse omnium maximum, & prorsus incredibile, si *Moyes* tot, & tanta sine miraculis præstitisset.

43. Accedit, *Moysem* non solum dum viveret, sed etiam post mortem, summa semper in veneratione apud Hebræos fuisse, ejusque mandatis religiose obtemperatum. Elegit ille in sui successorem non aliquem ex suis filiis, aut consanguineis, sed *Josue* filium Non, eique statim populus obedivit. Præcepit, quid in partitione terræ promissæ observandum esset, ejusque præcepto omnes sine murmure paruerunt. Ipsi leges, quamquam admodum duræ, fuerunt semper ut leges divinæ existimant. Uno verbo si omnes Hebrææ Gentis factos subsequentibus temporibus evolvamus, reperiemus *Moyse* memoriam fuisse semper apud posteros in benedictione. Neque apud Hebræos tantum, sed vel apud ipsas externas nationes fuisse *Moysem* celebratissimum, ostendit *Flavius Josephus* contra Apionem, qui etiam testatur Libro I. cap. 31. fuisse eum ab *Egyptiis*

(a) Vid. Natalis Alexander *Histor. Eccles. F. T. de 4. mundi ætate* Dissert. 1. art. 2. P. Calmet in Dissert. de transitu maris Erithræi, P. Claud. Richard. Tom. VI. des memoires des missions au Levant, & Goldsch-

midius in Nova demonstr. transitus populi Israel. in Tom. I. Thesaur. Theol. philolog. et.

(b) Huic sententiæ subscribitur Sanctus Thomas lett. I. in cap. X. Epistol. 1. ad Corinth. Testatur, & alii.

ita mirandum, ac divinum existimatum, ut eum tamquam concivem suum sibi vindicare voluerint. Multo plura in hæc rem affert Eusebius Lib. IX. *De præparat. Evangelica* (a).

44. Ridendum vero se prorsus exhibet Voltairius, dum ausus est in dubium revocare, an Moyses unquam existerit. Tota vero dubitandi ratio illi est, quia incerta est eruditio ejus ætas; & quia nomen Pharaonis, coram quo Moyses tot miraculis inclarusse dicitur, antiquis ignotum est; multo autem magis ignota fuisse decantata illa Moysis prodigia, quorum nulla erat neque apud Ægyptios, neque apud Græcos memoria. Certe Herodotus, qui a Sacerdotibus Ægyptiis mirabilia quamplurima edoctus fuit, nihil de Moyse audivisse videtur, cum de eo nihil omnino dicat (b).

45. Profecto tempus frustra contereret, qui virum toto orbe celeberrimum, & quem Hebræorum natio ut suum Legislatorem a tot seculis merito venerat, reipsa exitisse, multis argumentis sibi demonstrandum assumeret. Consultis autem Hebræorum monumentis, sin minus omnino accurate, aliqua saltem ratione Moysis ætas determinari potest. Flavius Josephus Libro I. *Contra Apionem* num. 8. ab initio mundi usque ad Moysen tria fere numerat annorum millia. Alii a Josepho dissentiunt, & Petavius de *Doctrina temporum* Tom. II. Moysis natiuitatem anno mundi 2573. consignat. Sed ex quo omnino accurate Moysis æpoca determinari nequeat, minime sequitur, Moysen nunquam exitisse. Quot enim & quanta hujus generis in historia reperiuntur, quæ pro certissimis habentur, quamquam notæ chronologicæ incertæ sint? Mirum autem esse non debet, ex monumentis exoticis nihil pro hac æpoca determinanda erui posse: eruditio enim non latet, quanta sit apud profanos scriptores in rebus historicis, & præcipue in Chronologia ante bellum Trojanum obscuritas, & confusio.

46. Pharaonem vero expresse nominat Alexander Polyhistor; Actapanus autem apud Eusebium

Lib. IX. *Præparat. Evangelicæ* cap. 18. cum aliqua levi litterarum variatione Pharaonem appellat. Uterius notum est, Pharaonis nomen fuisse commune pluribus Ægypti Regibus, quemadmodum post Ptolomæum Lagum multi ejusdem Ægypti Reges dicti sunt *Prothomæi*, & quemadmodum etiam Imperatores Romani post Julium Cæsarem, & Augustinum vocabantur *Cæsares*, et Augusti. Fieri itaque potest, ut qui Pharaonem Moysen nominatur, a scriptoribus profanis alio nomine sit designatus. Ceterum mirandum minime est, apud Herodotum, vel alios Gentiles Historicos nullam inveniri prodigiorum Moysis mentionem. Cum enim essent a religione Moysæ alieni, debebant etiam miracula ad eam confirmandam edita, ut supposititia, rejicere, aut tamquam magicas præstigias contemnere. Non omnes tamen, nec omnino situisse, supra observatum est num. 51.

47. Neque demum prætereunda est alia Voltairii inscitia, dum tenere scribit, nullam esse apud veteres illius regionis notitiam, qua Moyses cum populo peragrasse dicitur. Ignoravit ille Manethonem, Lysimachum, Chæremontem, aliasque apud Josephum in Lib. I. *Contra Apionem* aperte memorare Hebræos Ægypto relictæ in desertum duce Moyse abivisse. Inno monumenta quedam, vel saltem antiquam mirabilis hujus itineris traditionem in iis regionibus superesse, itineratores aliqui testati sunt. P. autem Claudius Srichardus, qui sacris missionibus in Ægypto diu operam dedit, hujus itineris accuratam nobis descriptionem reliquit, qua iis, quæ in Exodo memorantur, lux maxima affulget.

48. Ineptit iterum Voltairius, dum Moysen ut imperitissimum ducem carpit, quod ignoratione viarum miseros Israelitas 40. annorum spatio in deserto errare fecerit. Longus enim hic Israelitarum per desertum error non ducis imperitiæ, sed altissimis divinæ providentiæ finibus tribuendus est; ut enim Sancti Joann. Chrysostomus; alique nobiles Interpretes post ipsum observant, voluit Deus Hebræicam gentem ab Ægyptiaca super-

(a) Videri etiam potest Pet. Dan. Hætius in *Demonstr. Evangelica*; sed cavendum est ab ejus enthusiasmo, quo Moysen in Baccho, Hercule, Mercurio, Jove, aliisque heroibus, vel filiis Gentium Nominibus significatum fuisse, somniavit.

(b) Voltairius in *Philos. Epiqt. & in Diction. Philoph.* insinulare conatur, ex fabula Bacchi totam Moysæ historiam derivatam fuisse. Eam autem fabulam sic refert Huetius Prop. IV. *Demonstr. Evangelicæ*, atque ex illo eam mutatas est Voltairius. Dicunt Bacchum in Ægypto natum, & arce inclusum, fuisse in flumen projectum; inde vero abstractum, & in Arabia educatum; ipsius virgam in serpentem mutatam, fugientem ab Ægypto mare rubrum sicis pedibus trajectisse, trajecisse similiter fluviis Hyadsis, & Orionem thyrsu arefuisse, leges infuisse duplici fabula inscriptas, ac denique *Him* fuisse appellatum, quod nomen non admodum distat a *Moyse*. Sed primo non

omnino liquet, undenam hæc fabula tracta sit. Hætius nullos alios ejusdem testes affert, quam antiquum hymnum in *Museis*, & vains epigramma Libro I. *Anthologia* cap. 38. Sed re diligenter examinata in nostro opusculo hæc continentur, quæ Huetius de Baccho narrat. Deinde si hæc de Baccho fabula extat, eam ex Moysæ historia confirmam, non vero historiam Moysæ ex Bacchi fabula, vel ex eo solo constat, quod Moyses fuerit Baccho antiquior, ut ostendit Clemens Alexandrinus in Lib. primo *Stromatum*. Vid. Nat. A. Alexander in *Hist. Eccl. Y. T. de IV. mundi ætate* cap. 6. art. 3. §. 20. Voltairium autem plagū, & ignorantiam in hac Bacchi fabula, ut in plurimis aliis, jure redarguit andor du *Supplément à la Philosophie de P. Histoire du feu M. P. Abbé Bazin* pag. 316. & seq. Adde etiam potest D. François *Observations sur la philosophie de l'Histoire* &c. 28.



perstitutionis reliquis purgare, novaque legi assuefacere. Sed etiamsi verum divina sapientiae seculum hac in re assequi non possemus, nihil tamen puerilis esset, quam cum Voltairo fingere, hanc diuinam Hebraeorum in deserto moram exigoratione viarum ortam esse.

49. Pergit Moyses adversarius Voltairius, eumque impostorem appellare non veretur, qui fratribus, & caedibus miseros Hebraeos spae ambitioni subiecit. Observat ulterius, primum Moyses mandatum nomine Dei itis promulgatum fuisse, ut Aegyptiorum thesauros furaretur; post autem eundem Moysen nihil magis curasse, quam ut in Hebraeis odium plusquam vatianum contra alienos Deos, eorumque cultores excitaret: hinc bella illa Hebraeorum crudelia, & interneccina, ut nulla prorsus gens saevior unquam fuerit, quam Israelitica (a).

50. Respondit De Moysis persona satis dictum est supra nim. 42. & seq. ut omnis ab eo impostura, & fraudis inspicio removeatur. Aegypti autem expoliatio non fuit furum, sed iusta compensatio mercedis laboribus Hebraeorum debita, & iniuste denegata; & quidem a Deo rerum omnium Domino imperata. Detestatio falsorum Numinum rectae rationi, & iustissimae divinae legi de uno colendo Deo erat apprimae consentanea. Nec denique iniusta fuit, aut crudelis eorum nationum extirpatio, quarum scelera hanc poenam merebantur.

51. Obj. 2. una cum Voltairo, Moysen nulla esse fide dignum, quia in historia miraculorum multa setum pugnantia involvit. Primo enim Ex. VII. 19. dicit, omnem aquam, quae erat non solum in fluvii, rivis, paludibus, & lacubus, sed etiam in vasis ligneis, & saxeis, fuisse versam in sanguinem; & postea vers. 22. subdit: feceruntque similiter malefici Aegyptiorum incantationibus suis. Jam vero quaeritur, quamnam aquam

potnerit malefici in sanguinem vertere? Praeterea cap. IX. 6. mortua fuisse dicuntur omnia animantia Aegyptiorum: inferius vero cap. XIV. dicitur, Pharaonem cum omni suo equitatu Hebraeos fugientes persecutum fuisse.

52. Resp. parvi, imo nullius plane momenti esse has antilogias, quas, prodigii loco esset, fugisse Moysen, hominem, ut adversarii putant, omnium vaferrimum. Quantum autem ad primum, potuerunt Magi e vicino mari, vel ex terra Hebraeorum Gessem non admodum remota, vel potius ex puteis, quos Aegyptii effodisse dicuntur ver. 24. aquam habere, quam in sanguinem converterent.

53. Aliud autem de animalibus facile explicatur, observando, nonnisi animalia, quae erant in agris, fuisse peste occisa; dicitur enim vers. 3.: ecce manus mea erit super agros tuos, & super equos .... pestis valde gravis.

54. Instat primo idem incredulorum antesignanus, ostendens, plura in Exodo inveniri incredibilia, quae proinde fidem etiam miraculis ibidem narratis detrahunt. Primo incredibile est, quod dicitur cap. XXXII. Aaron una die formasse opere fusorio vitulum aureum; id enim plus certe temporis requirit. Praeterea adhuc incredibile est, quod ibidem vers. 20. subditur, Moysen combussisse hunc vitulum aureum, contrivisse usque ad pulverem, quem aquae immixtum bibendum dedit filiis Israel. Denique falsum est etiam quod dicitur Ex. III. 8. Palaestinam esse terram bonam, & spatiosam, quae fuit lacte, & melle; scimus enim, Strabone testante, Palaestinam fuisse angustam, saxosam, & sterilem. Strabonis autem testimonium cum hodierno siti, & soli statim optime concordare, ait Tolandus in Originibus Judaicis.

55. Resp. ad primum, falsum esse, vitulum aureum fuisse una die ab Aarone conflatum; quamvis

Aique ita passim miracula Moysis ineptissime commentatur, ut caules, non homines Hebraeos fuisse oporteat, qui sibi tam crasse, & stolidae a Moysae imponi patiebantur.

At vero acnte sciscitatur hic auctor, si columna haec ignea, & nebulosa dux itineris erat, cur Moyses (Vat. uer. X. 29. & sequ.) Hobab cognatum suum rogavit, ut esset itineris dux? Haec difficilis est responsio. Quatuor columna ignea motu suo monstraret viam, adhuc Hobab Madianitis utilis esse Moysi poterat ad loca, populorumque vicinorum nomina, mores, vires, aliaque plura cognoscenda. Sed ille obiter dictum sit, & speciminis loco; neque enim in hoc miraculo viam nostram reponimus, cum majora habeamus.

Ceterum de fictio illi libro trium impostorum, qui falso vel Thome Campanellae, vel Petro Aretino, vel Frederico I. Imperat. Aenobarbo dido, ac nonnullis aliis tributus fuit, habetur erudita admodum dissertatio D. de la Monnoye in fine Tom. IV. de Monagiana. Aliqua etiam de suppositio hoc libro obiter narrat cl. Phil. Bechetti in Tom. XIII. suae Hist. Eccles. LXXII. §. 124.

(a) Famosus est titulus libri imaginarii de tribus impostoribus, scilicet Moysae, Christo, & Mahomete, quem aliqui latine conscriptum volunt ante quinque ferme secula. Eum solent admodum magnificare Increduli, sed a nemine ledus fuit; constat enim modo eruditius, nonnisi titulum execrabilis lupi operis extitisse usque ad an. 1721, quo ineptus quidam scribillator eum se reperisse, & in gallicam linguam vertisse mentiens est. Liber autem ab hoc insulssimo homine divulgatus nihil aliud erat, quam infelix rapsodia illius operis, quod variis titulis jam prodierat, scilicet L'Esprit de Spinosa, Cymbalum mundi, & Theophrastus ridiculus, ut bene advertit Prosper Marchand in Dissertation. Hist. art. de tribus impostoribus.

Ut autem aliquod speciem exhibeamus ineptiarum, quibus auctor iste Moysen impostorem convincere nititur, sufficit afferre explicationem miraculi columnae, quae motu ignea apparebat, interdu autem nebulosa. Vult enim, Moysen, more Aeralium in desertis peregrinantium, solem adhibuisse, ubi ignis accensus non de instar columnae ignae videbatur, diu autem non nisi finitus ad modum columnae nebulosae apparebat.



vis non negemus, illum intra paucos dies, quibus Moyses in monte Sinai moras traxit, fieri debuisse. Neque vero credere debemus, hunc vitulorum talis magnitudinis, aut elegantiae fuisse, ut ad eum conficiendum multum temporis requireretur; præcipue cum opere fusorio, non autem sculptura fuerit elaboratus.

56. Ad secundum resp., aurum in pulverem ita redigi posse, ut potabile fiat, nobis inlubie testantur petitores Chymici (a). hinc hoc aurum potabile a multis factum esse narratur, ejusque saporis esse amarissimum, illud propterea Israelitæ sinuere coacti sunt in pœniam præcedentis idololatriæ.

57. Ad tertium. Quidquid Strabo, alique eum secuti de terra Chanaan dicant, certum est, eam admodum amplam fuisse, utpote quam duobus fluviiis Nilo, & Euphrate contineretur, prout illum Deus Abrahamo promiserat *Genes. XV. 18.* quamquam Hebræi bellorum pestes totam occupare nlexerint. Ea tamen pars, quam reipsa possederunt, spatiosa dici poterat, saltem facta collatione augustissimæ terræ *Gessen*, in qua prius morati fuerant.

58. De Palæstina autem soli ubertate multa tradunt inter alios Theophrastus (Lib. III. de *causis plantarum* cap. 25.). Plinius (Lib. XII. *Hist. Natur.* cap. 25.). Justinus (Lib. XXXVI. cap. 2. & 3.). Tacitus (Lib. V. *Hist.* cap. 6.). Ammianus Marcellinus (Lib. XIV. cap. 8. 8.), qui eandem viderat. Procopius, qui Sæc. VI. vivebat. Judæam dicit (Lib. II. de *bello Persico*), esse *excellenter fertilem, opulentam, populosam*. Brocardus autem, qui Sæc. XIII. in Palæstina decem annos commoratus est, miram ejus fertilitatem demonstravit in sua *Terræ Sanctæ descriptione* cap. XI. Ex his apparet, fidem Straboni adhibendam non esse, qui, ut Eismani conjectatur (in *Dissert. de Palæstinae excellentia*), ex aliorum tantum testimonio fallaci hæc scripsit. Quamquam fortasse Strabo de solo Jerusalem ambitu locutus est, non autem de tota Palæstina.

59. Instat 2. Voltairius observans incredibilem esse prædium, quam Israelitæ ex Madianitis cepisse dicuntur Num. 31. scilicet ovium 675000. bovin 73000. asinorum 61000. fœminarum, quæ non tegerant viros 22000.: hoc autem ipsi videntur impossibile, cum Madian nonnisi exigua fuerit Idumææ pars in Arabia Petræa, cujus longitudo vix octo leucas excedit, & latitudo adhuc minor est (b).

(a) Videri possunt apud Becherum in *Physica subterranea* Libro I. Sæc. 5. cap. 5. & apud Georgium Ernestum Stahl in *Specimine Becherina* Sæc. XI.

(b) Hanc difficultatem proponit in Libro de *tolerance*, eandemque postea in *Philosophia historia*, alique pestilentibus suis operibus ad nancum repetit.

(c) Has, & similes Voltairii difficultates non minus salse, quam erudite solvit auctor de *Lettres des quelques Juifs*. Portugais, & Allemands a M. Voltairi Lettre V., & sequi qui est D. Guence.

60. Resp. primo optandum a Voltairio esse, ut aliquo certo monumento ostendat, eam omnino, quam ipse asserit, fuisse terræ Madian longitudinem, & latitudinem. Præcipue cum alibi (in *Philos. Hist.* art. *Vilium humanæ*) sui immemor, novem leucas longitudinis, totidemque latitudinis illi assignet.

61. Deinde calculis initis ad regulas eorum, qui de agricultura, & de quantitate alimentorum hominibus, ac bestis necessaria diligentius, & accuratius inquisiverunt, plane demonstratum est, octo leucas quadratas, quibus Madianitarum regionem comprehendit Voltairius, omnino sufficere ad alenda illa animalia, quæ prædæ Israelitis cesserunt, & ad plusquam 128. millia hominum, quot fere esse debuerunt, habita ratione 32000. fœminarum, quæ viros non tegerant. Id nonnullis exemplis illustrari posset, præcipue Romanorum, qui sub Rege Servio supra 300000 hominum numerabant, cum tamen eorum regio vix octo leucas quadratas æquaret (c).

62. Obj. 3. Moyses enormiter errat in epocha mundi, quem constat esse aut æternum, aut multis seculorum millibus epocha Mosaicæ antiquiorem. Nam primo Chaldæi, auctore Beroso (d), Reges numerabant ad 432. annorum millia ante diluvium, eorumque monumenta 470. annorum millia, vel, ut Berosus vult, 480000. comprehendunt. Diodorus etiam Siculus (Lib. II. cap. 31.) Chaldæos Astronomos observationes astrorum habuisse dici spatio 475000. annorum. Egypti Regum chronologiam Manethon ad 56. annorum millia extendit. Sinenses denum prodigiosam, & ipsi in suis annalibus antiquitatem jaciunt.

63. Respond. Si dempsi fabulis omnium populorum origines investigetur, tantum abest, ut hinc Mosaicæ historia labefactari possit, quin potius mirifice confirmatur. Etenim, ut eruditi viri magno labore ostenderunt, nullum inveniri potest adeo vetustum monumentum, quod epocha diluvii a Moysæ constituta posterius non sit (e). Chaldæorum verò supputationes etiam suo tempore irridebat Cicero. *Condemnemus*, inquit Lib. I. de *Divin.* cap. 19. *hos aut stultitiae, aut vanitatis, aut imprudentie*, qui 480000 annorum, ut ipsi dicunt, comprehensa continent. Idem dici debet de Egyptiorum, ac Sinensium genealogiis, & chronologiis, quas tot obscuritatibus, contradictionibus, fabulisque scatere viri docti observant, ut jam omnium sapientum suffragio explosæ sint (f).

64.

(d) Berosi opera, præter paucæ fragmenta, a Josepho in Lib. I. contra Apionem, & Libro I. *Antiquitatum Jud.* conservata, perierunt, & quæ ab Anno de Viterbio evulgata sunt, ut mera fœmenta a severioribus Criticis expelluntur. Confer P. Ehardum de *Scriptor. Ord. Prædicatorum*, ubi de Anno Viterbiensi.

(e) Id ostendit inter alios Isaac Jaquelotius in *Dissert. de existentia Dei*.

(f) Consili possunt les extraits des Historiens Chinois par M. le Poux de Harter Hayes in Tome VI. de l'o-

64. Sed quid dicendum, de nupero Buffoni systemate, quo constituitur, terram fuisse olim maximam aquarum copia totam submersam, eas autem sensim, ac sensim sibi fossas excavasse, unde postea montes, & valles, & vasti terrarum tractus, aquis defluentibus apparuerunt? Certe initis calculis illius temporis, quod modo mare insumit, dum ab aliquibus oris recedit, ad hoc necessaria fuerunt multa sæculorum millia, ut proinde epocha mundi Mosaica rejicienda sit.

65. Resp. Nos nimis a necessaria brevitate recessuros, si omnia vellemus lucē afferre, quæ clarissimo Buffono eruditi objecerunt (a). Sed hoc obiter observasse sufficiat, Buffoni systema esse imaginarium, nullique fundamento subnixum, imo quotidianæ experientiæ contrarium: quantum enim mare ab aliquibus oris recedit, tantum in aliis locis dilatat, quin illius profunditas magis excavetur, & plus terræ aridæ acquiratur. Præterea si semel supponeretur, mare universam tellurem instat globi aquei circumambivisse, vix, ac ne vix quidem, aliqua sufficiens causa afferri posset, cur undæ fluxu suo valles, & canales sibi efformasset, ut inde montes, exurgerent, & immensi terrarum tractus aquis liberati frugiferi evaderent. Quæ autem in hanc rem argumenta Buffonus affert, multo facilius, & verius a diluvio universali repetuntur. Confer les Oeuvres du P. La-Bartholomæe Tom. III. Instruct. XI. pag. 29. & seq.

66. Obijcies 4. In tota lege Mosaica omnes promissiones, & comminationes restringuntur ad temporales hujus vitæ felicitates, & pœnas; nullaque habetur futuræ vitæ mentio, in qua bene ho-

nis, male autem malis retribuatur. Id faletur ingenue Eusebius in Comment. ad Psalm. I. & S. Augustinus in lib. de gestis Pelagii cap. 5. in illo testamento, inquit, quod proprie velus dicitur, & datum est in monte Sina, non invenitur promitti apertissime, nisi terrena felicitas. Atqui hoc certe divinæ revelationis indicium non est; ut enim recte observat S. Thom. 1. 2. qu. 98. art. 1., cum finis legis divinæ sit perducere hominem ad finem felicitatis æternæ... oportet, quod hominem totaliter faciat idoneum ad participationem felicitatis æternæ.

67. Sed adhuc magis mirandum est, nedum in leges, sed etiam in toto Pentateucho, quinimmo in aliis sacris libris, qui postea scripti sunt, usque ad tempora post captivitatem Babylonicam, altum esse de altera vita silentium, ut viri eruditi, minimeque increduli observant (b).

68. Resp. In Lege Mosaica expresse quidem non contineri promissiones, & mitas spectantes ad alteram vitam, contineri tamen eas saltem implicite, quatenus promissiones illæ temporales figurant gerebant æternarum, quæ neminem latere poterant, utpote quæ ex primæva lege naturæ a patribus in filios, ac nepotes *πατριάρχαι* traditione dimanaverant. Unde etiam Sancti Augustinus loco allegato in promissis veteris Testamenti figurata fuisse dicit spiritualia ad novum testamentum pertinentia. Atque de hac re nos dubitare non sinit S. Paulus Hebr. XI. ubi comminat 15. & sequent. probat, veteres Patriarchas non inquisivisse patriam terrenam, id est terram promissionis, de qua exierant, sed meliorem id est cœlestem, quæ in illa erat præfigurata. Et quævis mol-

*rigine des loix, des arts. &c. de M. Goguet*, ubi multa eruditione ostenditur, veras Sinesium antiquitates non ultra epocham Yao extendi; cetera omnia aut ipsam narrata, nedum esse sine fundamento, sed plane falsa, ridicula, & repugnantia. Vid. etiam Dissert. VIII. ejusdem Goguet, ac Brucketus in Hist. Crit. Phil. Tom. V. Alphonsus de Vignoles in sua Chronologia Hist. Sancta. Libro VI. cap. 3. g. 9. putat, Chaldecorum annos nihil fuisse aliud, quam dies, idemque cap. seq. de Ægyptiis asserit. Alii vero, ut Diodorus Siculus Lib. 1., Varro apud Lactantium Libro II. divin. Instit. cap. 13., & Macrobius Lib. 1. 12. annos eorum ad unum inensem extendunt. Quæ si vera sunt, facile sit tanta annorum series concedi poterit. Ceterum Berosi, Manethonis aliorumque similium testimonio pœni a viris doctis fieri solent. Vid. inter antiquos Hist. Syncelli, qui vixit sæculo IX. Inter recentiores autem Jos. Scaliger, P. Petavius, P. Petronius, Marsham in Canone &c., Witsius in Ægyptiacis, alique apud Lenglet de Fresnoy Methode pour étudier l'Histoire Tom. I. cap. 10. Contra fabulosas autem Sinesium antiquitates vide. Dissert. Freret Tom. VI. Mem. de l'Acad. des Sciences, & des Inscriptions. Hæc porro in suo opere de origine fabularum romanensium observat, omnes nationes orientales fuisse fabulosas, & ægentis ædæ deditas, ut nulla apud eas sit historia, quæ hujusmodi fucis adulterata non fuerit.

Tandem non ita pridem D. D. Origny in libro inscripto: *Chronologie des Roys du grand Empire des Égyptiens* ostendit nullam ex chronologiis Orientalium Mosaicam historiam labefactare. Liber hic prodit Parisiis 1765. duobus voluminibus in 12.

(a) Præcipue D. de Lignac auctor de Lettres à un Américain sur l'Hist. Natur. de M. Buffon vol. 4. in 12. à Paris 1766.

(b) Jo. Clericus Tom. V. de la Biblioth. ancienne, & moderne identiter asserit, nullam veteres Judæos futuræ vitæ notitiam ante captivitatem Babylonicam habuisse. Hoc idem postea sensit Warburtonus apud Anglos in libro, cui titulus De la divine legation de Moïse. Sed ante utrumque id ipsum incaute excilerat Luce Burgensi Theologo Lovaniensi; ita enim habet in c. III. Matt. ante hæc tempora (Machabeorum) non videtur populus Israel quidquam de his rebus (animæ scilicet immortalitate, corporis resurrectione, æternisque honorum præmiis, ac malorum suppliciiis) doctus fuisse, aut quidquam de his rebus prædicatum. Absurde omnino: sic enim fuisset natio Hebræa in densioribus ignorantie tenebris, quam multi populi idololatæ, a quibus dogma immortalitatis animarum, futuræque vitæ non ignorabatur, tum tamen in ea religionis dogmatum traditio purior, & certior servata semper fuerit. Confer Dist. des Sciences Ecclésiast. T. VI. p. 732. & seq.

multi fuerint in populo Judaico carnales, qui non nisi in promissionibus temporalibus hærebant; qui tamen in eo erant spirituales, in illis adumbratas esse æternas repositiones, non ignorabant. *Animalis homo non percipit ea, quæ sunt Spiritus Dei*, 1. Corinth. II. 14.

69. A vero autem quam longissime aberrarunt, quotquot temere assererent non sunt veriti, nullam in toto Pentateuco, imò etiam in aliis libris sacris usque ad captivitatem Babylonicam, vel etiam usque ad tempora Machabæica, esse alterius vitæ mentionem. Oppositum enim fuit a viris doctissimis multis, usque perspicuis allatis testimoniis demonstratum (a).

70. Sane in Pentateuco sæpe illa phrasis occurrit, quæ antiqui Patriarchæ, aliquæ homines iusti post mortem dicuntur congregati, vel appositum ad populum suum; id autem non potest intelligi, nisi de loco alterius vitæ, ubi pie defunctorum animæ simul requiescerent. Pingere enim non possumus, his phrasibus significari, fuisse illos Patriarchas in sepulchris Patrum suorum conditos: nam certe Abraham, de quo id dicitur *Genes. XXV. 8.* sepultus fuit non in Chaldæa cum patribus suis, sed in terra Chanaan. Jacob etiam, cuius mors describitur *Genes. XLIX.*, dicitur appositum ad populum suum, antequam ejus corpus in terram Chanaan transportaretur, ut ibi cum patribus suis in sepulchro Abraham requiesceret. Aaron pariter *Deuteron. XXXIII. 50.* dicitur appositum populo suis, & ibidem Moyses iungendum populo suis; cum tamen neuter positus fuerit in sepulchro Patrum suorum: nihil ergo aliud istæ phrasæ significant, quam commune iustorum receptaculum, quo beatæ illæ animæ in altera vita simul requiescerent.

71. Similiter alicuius habitaculi, ubi animæ iustorum corporibus superstes detinerentur, certam fuisse apud Hebræos notionem, innuit Jacob *Genes. XXXVII. 55.* cum renuens omnem consolationem

pro morte, quam credebat, filii sui Joseph, inquebat: *descendam ad filium meum lugens in infernum*, nomine inferni non potuit Jacob intelligere sepulcrum, quia putabat, filium suum fuisse a fera pessima devoratum.

72. Tandem, ut plura alia omittam, certum est, communem fuisse apud Hebræos opinionem *necromantie*, illius nempe artis magicæ, quæ mortuorum animæ ab inferis revocari putabantur; unde etiam Saul petiit a Pythonissa Endorea, ut animam Samuelis suscicaret 1. *Regum. XXXVIII.* & Moyses *Leviticus XX.*, ac *Deuteron. XVIII. 11.* hanc divinationis speciem severissime prohibuit. Profecto *necromantia* animas esse corporibus superstes pro certo habet: erat ergo communis in Hebræica natione de altera vita persuasio.

73. Dices. Cum ergo Moyses apertam, & expressam illius retributionis, quæ nos manet in altera vita, in suis legibus mentionem non fecit? Præcipue quia hæc expressa mentio magis contulisset ad legum statuum sanctionem, saltem pro iis, qui hujus vitæ supplicia aut non curant, aut effugere se posse sperant.

74. Resp. primo non fuisse necessariam hanc expressam mentionem, secundo nec fuisse convenientem. Non erat necessaria, quia, ut demonstratum est, populus non ignorabat promissiones, & minas ad alteram vitam spectantes; si enim hæc gentibus nota erant, certe non alia ratione erant nota, nisi *transmissæ traditione* a primis patribus. Quomodo ergo hæc ignota esse poterant Israelitis, in quibus antiqua Patrum traditio, & vera religio prout semper conservata fuerant? Necessarium autem iudicavit Moyses promissiones hujus vitæ *expresse* commemorare, quas certe Israelitis ignorasset, nisi Deus ore Moysis eas revelare voluisset: potuisset enim Deus pro sua iustitia omnem retributionem alteri vitæ reservare (b).

75. Nec etiam erat conveniens, ut in vet. lege

(a) Hanc spartam addebat præter alios nonnullos doctiss. P. Calmet in diss. de natura animæ, & post ejus mortem statum ex sentent. vet. Hebræor. & duo eruditissimi Dominicani, P. Gastus Immoens Ansaldi in Com. de futuro sæculo ab Hebræis ante captivitatem cognito, ac P. Vipe. Patuzzi de futuro impiorum statu L. I. c. 6.

(b) Probari nequit opinio Warburtonii, qui in opere supra laudato de divina Moysis legatione contendit, legem a Moysæ latam fuisse tantum civilem; & politicam, ut leges Principum sunt; mirandum propterea non esse, si in ea nonnisi præmia, vel supplicia hujus vitæ memorentur. Hæc sententia postea placuit Abbati Prædesio, cuius septima propositio a Facultate Theolog. Parisiensis ann. 1752. proscripta, hæc erat: *æconomia Mosaicæ in penis tantum, & premiis temporalibus sancita. Legem itaque Mosaicam habemus divinitus sancitam, sed quia positam in penis tantum, aut premiis temporalibus, ideo non æternam duraturam. Hanc autem sententiam defendendam suscepit in sua infelici apologia pag. 150. sequenti, docens legem Moy-*

sis non esse nisi meram civilem constitutionem a Deo tamquam capite politico reipubl. Judaicæ, religioni Patriarcharum superadditam. Rejicienda, inquam, est hæc sententia; ut enim animadvertit auctor anonymus (Boullierus) du centum examen de la thèse de Prædes 9. 4. nullo modo dici potest, legem Mosaicam fuisse tantum civilem, quandoquidem totum Dei cultum continebat. Concedit tamen laudat Anonymus, posse Religionem Judaicam sub duplici quasi aspectu considerari; scilicet & prout tantum externa est, & quasi corpus sine anima, & *adequate*, prout constituit societatem hominum hærendum fidei, & spiritus Patriarcharum. Primo modo nonnisi temporales promissiones exhibet, & qui tam exterius observabant, nonnisi temporalia præmia consequuntur. Sub alio autem respectu temporales promissiones altissimi longe majorum, nempe cælestium, figura erant, & propterea illi iusti, qui credentes in Christum venturum, deique amore repleti Legem observabant præter temporalia etiam æterna præmia promerabantur.

ge expressa fieret æternæ retributionis inemptio; quia ut observat S. Thomas 1. 2. quæst. 99. art. 6. læ vetus disponebat ad Christum, sicut imperfectum; unde ad perfectum dabatur populo adhuc imperfecto in comparatione ad perfectionem, quæ erat futura per Christum; & ideo populus ille comparatur puero sub pædagogico existenti, ut patet ad Galat. III. Perfectio autem hominis est, ut, contemptis temporalibus, spiritualibus inhæreat, ut patet per illud, quod Apostolus dicit Philipp. III. 13. quæ quidem retro sunt, obliuiscens, ad ea vero, quæ sunt priora, extendens me ipsum .... quicumque ergo perfecti sumus, hoc sentiamus. Imperfectionum autem est, quod temporalia bona desiderent, in ordine tamen ad Deum; perversorum autem est, quod in temporalibus bonis finem constituunt: unde lege veteri conveniebat, ut per temporalia, quæ erant in affectu hominum imperfectorum, manducaret homines ad Deum.

76. Quantum ad ultimum observo, in regimine Theocratico, quale fuit Israelitarum, non potuisse homines sibi ipsis ulla ratione blandiri, ut Deum peccando lacerent, vel ejus justitiam ultricem effugerent, quemadmodum multi sibi blandiuntur in regimine puro humano: unde quamvis alii leges vel necessarium, vel saltem utile reputaverint ad continendos in officio populos, præter sanctionem hujus vitæ, etiam sanctionem alterius commemorare; id Moysi ratione Theocratice minime necessarium erat.

77. Dices adhuc. Sadducæi, nobilis apud Judæos secta, non credebant esse futuram vitam, teste Josepho libro II. de bello Judaico cap. 12. & libro XVIII. Antiq. Judaic. cap. 2. nec tamen ut hæretici ab aliis habebantur; immo nonnulli eorum summum Pontificatus apicem adepti sunt, ut Caiphas, qui ex eorum numero fuisse dicitur Actorum V. 16; non itaque vita futura a Judæis habebatur, ut Mosaicæ legis dogma, sed ut opinio ad eos ipsos indifferens.

78. Resp. Primo, hoc argumentum nimis probare: evinceret enim, post captivitatem Babylonicam, & tempora Machabæica adhuc fuisse incertum alterius vitæ dogma; nam Sadducæi sunt iis temporibus posteriores, & usque ad Christum eorum secta duravit.

79. Præterea eos nonnisi paucos fuisse, testatur Flavius Josephus Libro XVIII. antiquitatum cap. 1. addens: Si quando Magistratus gerunt inviti, & necessitate coacti, Phariseorum opinioni assentuntur, quod eos aliquando non ferret populus. Addit Rabbi Manasse Ben Israel Libro I. de Resurrect. cap. 1., eos fuisse ab Anti-

quis Hebræis a numero Israelitarum expunctos; & modo etiam qui pauci supersunt apud Judæos Sadducæi, ab aliis ut hæretici reputantur (a). Ceterum si Synagoga jam ruitura in haec etiam laxitatem declinasset, ut doctrinam tam impiam, & perniciosam toleraret, non propterea evinceretur, oppositum dogma futuræ vitæ non fuisse alias certissimum, & in libris Mosaicis contentum.

80. Obijcies quinto (b): In Pentateucho nobis exhibetur idea Dei recte rationi repugnans; ut cum dicitur eorum, quæ fiebant in terra, ignarus, descendere de cælo, & migrare de loco in locum Genesios XVIII. 21., cum hominibus loqui Genesios III., & dolore cordis intrinsecus tangi Genesios VI. 6. zelotes, iratus, ultor, aliisque humanis affectibus, & perturbationibus obnoxius.

81. Respond. cum Sancti Thomas I. P. quæst. 1. articuli 9. ad 2., hæc omnia, quæ metaphorice de Deo dicuntur, elevare mentem nostram ad cognitionem intelligibilem, & ea quæ in uno loco S. Scripturæ traduntur sub metaphoris, in aliis locis expressius exponi. Addit S. Doctor, ipsam etiam occultationem figurarum utilem esse ad exercitiium studiosorum (Vid. totus articulus). Ceterum in Pentateucho, & in aliis V. T. libris nihil frequentius occurrit, quam Dei æternitas, immensitas, immutabilitas, præsciencia, ceteraque attributa, quæ infinitam Dei perfectionem nobis manifestant.

82. Obijcies sexto. Nihil minus Deo dignum, quam præcepta illa circa eum animalium mundorum, & immundorum Levitici XI. Hujusmodi præceptorum levitas, non solum a Plutarcho homine ethnico, Antimadversa est (in Symposiaco), sed etiam a Tertulliano lib. V. adversus Marcionem cap. 5. ab Origene Homilia VII. in Leviticum, & a Novatiano epist. de cibis Judæorum cap. 3.

83. Resp. Multi interpretes putant, hæc præcepta fuisse a Moysæ lata sanitatis causa, quia nonnullorum animalium usus noxius reipsa erat, vel saltem ut populus sanioribus cibis assuesceret. Sed alia est etiam horum, aliorumque similium præceptorum ratio profundior. Deus factus cum populo Hebræo percussione voluit eum ab aliis nationibus omnino separare, ne scilicet illarum commercio ad idololatriam declinaret: cum igitur in mensa familiaribus, & jucundis esse soleat societatis vinculum, eas leges profunda sapientia Deus populo suo dedit, quibus non ita facile posset cum aliis convivari; atque hac ratione ab omni cum ethnicis nationibus societate magis alienaretur (c).

(a) Adias Jac. Basnagium in Hist. Judaic. Lib. III. cap. 6. art. 13. & seq.

(b) Cum andare de l'examen de la Religion cap. 2. num. 6.

(c) Multa hac de re eruditè scripsit R. Moyses A-

gyptius in libro More, & Moldad, quæ ceteris Judæis displicuerunt, qui Christianæ religioni favabant: unde magnæ inter eos controversiæ exorta sunt, ut videre est apud Maraccium in Prodrôme ad Alcoranum P. IV. c. 9.



84. Patrum vero dicta, quibus hæc Mosaica præcepta continere videntur, oratorie sunt accipienda, ut Gotelarius inquit (in not. 42. ad epi-  
pist. Sanct. Barnabæ); prolata scilicet ex justo odio erga Judæos, & Christianos judaizantes. Ceterum ii ipsi Patres legem Mosaicam debitis laudibus hæc etiam in parte non fraudarunt; inter alios Tertullianus, qui Lib. II. *contr. Marc.* cap. 18. in hac lege intelligi vult *consilium exercendarum continentiarum, et frænos impositos gulæ, & postremo, ut facilius homo ad jejuniandum Deo formaretur, paucis, & non gulosis escis assuefactus, et nihil de lautioribus esuriturus.* Concludamus eum Psalmista: *Fidelia omnia mandata Dei ... facta in veritate, & æquitate* Psal. CX. 8.

85. Obj. supremo. Lex Moysi imperfecta est, ut eam vocat Apostol. *Heb.* VII. 18. & 19. unde etiam S. Thom. 1. 2. q. 98. art. 4. postquam docuisset, legem veterem non sufficere, ut homines ad finem perduceret, concludit, *et inde est, quod lex vetus bona quidem est, sed imperfecta.* Lex autem imperfecta non potest a Deo esse revelata.

86. Resp. Legem Veterem non esse imperfectam in se ipsa, sed solum comparate ad Legem gratiæ, quam præfigurabat, & quia se sola non sufficiebat ad perducendos homines ad finem æternæ beatitudinis. Habebat tamen illam perfectionem, quæ in illis temporis circumstantiis ei compete-  
bat. Ita etiam, inquit Angelicus laud. quæst. art. 2. ad 1., *præcepta, quæ pueris dantur, sunt quidem perfecta secundum conditionem eorum, quibus dantur, etsi non sint perfecta simpliciter; et talia fuerunt præcepta legis.* Unde Apostolus dicit ad *Galat.* III. 24. *Lex pædagogus noster fuit in Christo (a).*

87. Obj. ultimo. Stylus librorum Moysi barbarus, & ineultus nihil minus sapit, quam divini inspirationem. Tanta præterea est in eis obscuritas, ut plerumque Delio natatore opus sit ad gentium sensum investigandum. Tertio frequens earumdem rerum repetitio fastidium parit. Quarto multi in eis sunt *anacronismi*, & multæ *hystorologiæ*. Denique plura falsa, sibique reputantia, ut quod dicitur *Genes.* I. 6. *fiat firma-*

*mentum in medio aquarum, et dividat aquas ab aquis;* quasi vero cælum sit solidum, & super ipsum sint aquæ, quod utrumque falsum est. Item *Gen.* II. 10. & seq. dicitur, fuisse in Paradiso terrestri fontem, unde quatuor flumina prodierunt, nempe *Phison, sen Ganges, Gheon, seu Nilus, Tigris, et Euphrates*, quorum tamen origines ab invicem longissime distant.

88. Resp. cum doctissimo Bosueto (*Discours sur l'hist. univ.* P. II. ch. 28.), has ipse difficultates, aliasque similes, quas imperiti quidam aristarchi sine modo exaggerant, sacrorum librorum *ædificationis* genuinitatem, antiquitatemque comprobare. Si enim ab aliquo impostore vel ex integro euss, vel saltem interpolati fuissent, nihil profecto facilius erat, quam lujusmodi scopulos evitare, talemque historiam conscribere, quæ istorum Criticorum palati esset accommodata. Sed singula breviter attingamus.

89. Stylus Pentateuchi non adeo incultus, & abjectus viris in dicendi arte peritis appareat. Nam, ut omittam eam sublimitatem quam Longinus (in *Tractat. de sublimi* cap. 7.) sibi invenisse visus est in iis Moysi verbis: *Chalcidius Deus: fiat lux, et facta est lux (b);* Chalceidius Platonice Genesim appellare solebat librum, non quidem eloquentiæ phaleris instructum, sed Deo inspirante plenum. Quibusdam autem Pentateuchi abjectus videtur, quia praeologiam, & idiotismos illius ævi, in quo exaratus fuit, perfecte non callent (c).

90. Obscuritates autem nonnunquam oriuntur ex mysterio sublimitate; sæpe sapiens ex linguæ hebraicæ proprietatibus, & ex quorundam idiotismorum, & proverbiorum, quorum usus est obsoletus, ignorantia; ex ignorantia pariter veterum quorundam morum, ad quos fit allusio: quandoque etiam ex quibusdam interpretum, vel ex scriptorum erratis. His ipsis de causis etiam in veteribus Scripturis latinis, aut græcis multa sæpe occurrunt intellectus difficultia. Verumtamen quantum ad dogmata, leges, caeremonias, & miracula ferme est in Pentateucho obscuritas, ad difficultates.

91. Repetitiones pluribus de causis oriri potuerunt, sed præcipue ex illius ætatis genio; nam

et-

(a) Hæc Apostoli verba ita pulchre commentatur S. Hieronymus: *pædagogus parvulis assignatur, ut lascivians refrænetur etas, & prona in vitia corda teneantur, dum tenera studii eruditur infantia, & ad majores disciplinas metu ponne coarctata preparatur. Itaque & lascivienti populo lex Moysi ad instar pædogo-  
gi severioris apposita est, ut custodiret eos, & futura fidei prepararet.* Quædam sunt difficultates, quibus Manichæi probare conabantur, veterem legem esse malam; sed earum solutio ad hunc locum non pertinet. Videri possunt apud omnes Scholasticos, & apud Natalem Alexandrum Dissert. XIV. in Sec. II.

(b) Ne scilicet eam controversiam ingrediamur, quæ Huetium, & Despreauxium inter se aliquando contami-  
*Gazzaniga Theol. Tom. I.*

sit. Vid. Huetius in Dissert. X. Tom. 2. edit. P. Grisselli Florentiæ 1738.; tum opera Boileau Despreaux Tom. II. edition. Amstelod. 1721. ac demum Jo. Clericus in *Bibliotheca Selecta* Tom. XXIV. cap. 83.

(c) De stylo Pentateuchi vide, si lubet, *Discours préliminaire, ou introduction à la lecture des livres du vieux test.* in I. Tom. de la S. Bible avec un *Comment. littéral composé des notes choisies, & tirées de divers auteurs* Anglais n. 208. & seq.; quæ introductio tribuitur D. Chais. Paucæ etiam, sed selectæ suppeditebis doctissimus Alexis Symm. Matrochini in suo *Spicilegio biblico* in prolegom. Sec. 2. de *Scripturarum simplicitate, & vicinitate Bibliæ, Homerique sermonis.*

etiam in Homero Poeta certe elegantissimo similes repetitiones sæpe occurrunt (a).

92. Denique anachronismi, & hystero-logiæ plerumque nouissi apparentes sunt, & a viris diligentibus industria, & labore magna ex parte auferri poterunt (b).

93. Sed duo præterea notari debent; primo non semper Moyses, aut aliorum scriptorum sacrorum scopum fuisse, res ordine chronologico enarrare; plerumque enim materiæ ordinem sectantur, non temporum: secundo aliquos Librariarum negligentia in chronologicis numeris errores irrepsisse, qui postea aut vix, aut nullatenus emendari potuerunt. Hiuc magna illa inter chronologiam Hebræorum, & LXX. Interpretum discrepantia. Ex quo autem permiserit Deus hos errores in chronologiam irrepere, suspicari non licet, potuisse eum permittere etiam in dogmaticis variationes, erroresque fieri. Hoc enim secundum contingere non potuisset sine substantiali sanctissimæ suæ Religionis corruptione (c).

94. Autologiæ autem, & falsitates nullæ prorsus in sacris libris reipsa sunt, aut esse poterunt; sed quandoque apparent, quia nonnullæ circumstantiæ nos latent, quæ si notæ omnino essent, omnia facillime inter se cohærerent.

95. Quod nostra Vulgata Gen. I. 6. verit fir-  
mamentum, hebraicus habet רקק *Rachach*,

idest *expansum*, quæ vox non significat soliditatem aliquam, sed totam illam intercedentem, quæ a telluris superficie usque ad extrema mundi spatia extenditur, quæque ab Hebræis in duas partes dispartiti solet, nempe in illam, quæ tellurem ambit, & in qua Deus volatilia posuit: unde etiam aves dicuntur *volucres cæli*, Genes. I. 30r, & alibi sæpe; & illam, in qua posuit Deus duo luminaria, & stellas. Quando ergo dicitur Deus dividisse aquas, quæ erant sub firmamento, ab iis, quæ erant super firmamentum, sensus est, aquam resolutam in vapores, elasticitate impeditam, ne cadat, esse divisam ab aqua, quæ sub firmamento est, nempe in terra; unde est etiam illud Psalmi CXLVI.: *qui operit cælum nubibus*. Ita fere rem hanc explicat inter alios S. Hieronymus in epist. LXIX. ad Oceanum T. I.

96. Postremum de fonte Paradisi solvitur, observando, potuisse aliquando unam, eandemque esse quatuor illorum fluviorum originem, quæ postea maximis, quas factas esse nemo negabit, terræ revolutionibus mutata sit, præcipue autem in diluvio, quo totam terræ faciem fuisse subdeque versam, certum est (d).

CA-

(a) Videri possunt *les conjectures sur le Genèse* de M. Astruc Rem. & M. de la Morte *Reflexions sur la Critique* pag. 159.

(b) Innumeri sunt commentatores, qui hanc difficultatem spartam adornarunt, ut Jac. Usserus in *Annalibus P. & N. T.*, Alphonsus de Vigneris *Chronologie de l'Histoire Sainte* &c. Vol. II. in 4. Petavins de *doctrina temporum* Libro IX. cap. 6., Car. Houbigant in *Prolegomen. in Scripturam Sacram*, P. II., & P. Ren. Jos. Tournemini in *Tabulis Chronologicis* additis II. Tomo Pat. Menochii editionis ab ipso curatæ Parisiis 1719., & Venet. 1722. Nuperius auctor anonymi libri, cui titulus *Conjectures sur les memoires originaux, dont il paraît que Moyses s'est servi, pour composer le livre de la Genèse* (M. Astruc) à Bruxelles, 1753. contendit, Genesios librum nihil esse aliud, quam antiqua quædam monumenta a Moysæ reperta, & in plures columnas distributa, quæ postea librariarum incuria, & ignorantia in unum volumen redacta sint. Precipiam autem sui novi systematis utilitatem esse vult, quod facile eo admissio omnes anachronismi, & hystero-logiæ tollantur: sed non video, quomodo possit hic auctor divinam libri Genesios inspirationem, & auctoritatem cum suo systemate conciliare; præcipue cum doceat, nonnulla ex eis monumentis, quibus Genesios constat, esse a conernimis nationibus, Madianitis, Ismaelitis, Idumæisque deprompta. Contra has *Conjecturas* consulat doctissimus P. Fabricy in suo opere *Des titres primitifs de la révélation* Toin. I. pag. 166. in not. Romæ 1722. vol. 2. in 8.

(c) Nullo modo ferenda est nova Pradesii sententia, qui in famosissimis thesibus an. 1752. a Sorbonica Facultate damnatis hæc habet: *In Judæis Hebræorum se nobis offerunt tres chronologia pro vario Scripturarum*

textu. Libenter ego crediderim, nullam ex his tribus a Mose chronologiam proficisci, sed tria tantum esse systemata præpostere adornata, & in ipsam Mosi historiam alienis vanibus inserta. Aliud est enim dicere, ex scriptorum oscitantia irrepsisse in sacram chronologiam errores inemendabiles, quod omnes fatentur, quia sine perpetuo quasi Dei miraculo in tot codicibus manuscriptorum vitari id non poterat. Aliud vero asserere, tres chronologias, & quidem diversas fuisse in sacris textibus profana manu datæ opera intrusas, quod sine insigni librorum sacrorum corruptione fieri non poterat. Vid. *Court examen de la thèse de M. de Prades* §. 3. Ceterum eruditissimus P. Mich. Le-Quien in suo opere *L'antiquité de tems détruite, ou réponse à la défense de l'antiquité des tems* à Paris 1693. in 12. contra P. Petronium ostendit, chronologiam Hebræorum esse alteri LXX. Interpretum præferendam.

(d) Eruditissimus Alexius Symm. Mazochius in *Spicilegio biblico* ad hunc locum probat, paradisum Edenicum situm fuisse in quadam majoris Armeniæ plaga, quam nominat *Paryedrem*, ibi enim ex uno fere montis ejusdem loco sinit *Phasis*, seu *Phison*, qui in Euxinum pontum effunditur; deinde *Arazes*, seu *Gehon*, qui in Mare Caspium fluit; tertio *Phraz*, nempe *Euphrates*, decurrens versus meridiem; ac tandem *Tigris*, quavis iste satis longo intervallo, teste Strabone Lib. XI. ab Euphrate absit. Seneca tamen hoc affert Sallustii testimonium: *Sallustius auctor certissimus asserit, Tigrin, & Euphratem uno fonte manare in Arwenia, qui per diversa cuntes longius diiudunt, spatio medio relictis multorum millium. Quæ ab ipis ambitur Mesopotamia dicitur*. Hæc si vera sunt, quatuor fluvios habemus ex eodem fonte producentes.

## CAPUT II.

*Præcluditur illorum effugium, qui certitudinem miraculorum Moysis elevare conantur, dicentes, Pentateuchum fuisse longe post tempora Moysis conscriptum, aut graviter corruptum.*

97. Ultimum Incredulorum effugium, ne tam certis, evidentibusque miraculis fasces submittere cogantur, ab eorumdem nimis remota antiquitate desumitur. Quis certo scire possit, inquit, an hæc omnia ab otiosis, aut vafis hominibus conficta sint? An Moyses eos libros, in quibus celebratissima illa miracula continentur, conscripserit? An ii libri integri ad nos pervenerint? Reipsa quidem maleficienti Critici evincere conati sunt, Pentateuchum ab aliquo auctore, qui Moysæ posterior sit, fuisse conscriptum (a). Horum sententiam refellere necesse est, ut ita luculentis omnis ausa tollatur suspicandi, ea miracula, quæ in ipso referuntur, fuisse ab aliquo fabulatore eo tempore conficta, quo nullus jam supererat, qui posset mendacia, & fraudes detegere, & refutare.

98. Prob. autem Moysen esse verum Pentateuchi auctorem. Primum nullum inajus haberi potest de *av'p'p'ia* alienius libri fundamentum, quam constans, ac perpetua traditio; neque enim alia de causa, ut pnto nobis persuasum est, *Æneidem* esse factum Virgilii, & *Iliadem* Homeri, nisi quia id perpetua traditione usque ad nos derivatum est. Atqui constans, & perpetua traditio a primis usque Hebræorum temporibus non certos facit, Pentateuchum fuisse a Moysæ exaratum: ergo &c.

99. Hujusmodi autem traditio ab ipso Moysæ o-

riginem suam trahit; se enim quæ ipsi Deus revelaverat, scripto mandasse. totidem verbis perhibet Exodi XXIV. 4. *scripsit autem Moyses universos sermones Domini.* Totam etiam legem fuisse a Moysæ scriptam, insinuat perit. Scriptur. testimoniis confirmatur. Uterius etiam res historicas scriptas a Moysæ fuisse, insinuat Exodi XVII. 14., ubi Moyses jubetur litteris mandare victoriam a Josue reportatam: dixit autem Dominus ad Moysen: *scribe hoc monumentum in libro.* Celebrat etiam Canticum, quod Deuter. XXXII legitur, & in quo omnia miracula summum collecta sunt, fuisse a Moysæ scriptam manifeste traditur ibid. XXXI. 22. ubi dicitur: *scripsit ergo Moyses canticum.* Denique & alios libros, in quibus prophetiæ de Messia continentur, fuisse a Moysæ scriptos, Christus ipse testatus est, Judæis minime contradicentibus Joann. V. 46. inquit: *si crederetis Moysi, crederetis forsitan & mihi, de me enim ille scripsit.*

100. Hanc traditionem, quæ ab ipso Pentateucho exordium sumit, inagropere confirmat constans, & universalis totius Judaicæ gentis persuasio, quæ tota Pentateuchum, ut genuinum Moysi factum, semper venerat est, & adhuc venerat (b). Hæc autem Judaicæ gentis persuasio eo pluris facienda est, quo hic non agitur de libris, quorum auctorem noscere parum, aut nihil intersit, ut plerumque in aliis contingit; sed de libris, qui totam Judæorum religionem, fastos, antiquitatesque continent; quique proinde maximo apud eos in pretio esse debebant, ut reipsa erant (c).

101. Quid? quod vel ipsa profana historia in laus rei confirmationem accedit. Quotquot enim profani auctores gentis Judaicæ mentionem fecerunt, Moysen tanquam primum ejusdem legisla-

100

(a) Primus, qui hac de re dubium moverit, communiter fere creditur R. Abraham Allen-Eara sæc. XII. Ita de illo sentiunt post Spinosa Huetius in *Demonstr. Evangl.* Prop. IV. Guili. Sanderus in *Otiis Theol. Lib.* I. exercit. 2. §. 6. Dupinius, & alii passim. Verumtamen non videntur celebres isti viri rem propius inspectisse; nam Rabbini ille in suis *Comment.* in *Pentateuchum* solum de quibusdam locis dubitavit, an a Moysæ fuerint scripta. Fossam audacius transilivit Thomas Holbhesius, qui omnium primus, si fallor, in suo *Levithan* anno 1650. P. III. c. 33. nonnisi legem, quæ in Deuter. a c. XI. usque ad finem cap. XXVII. continetur, a Moysæ fuisse exaratam voluit, libram autem *Pentateuchi* potius de Moysæ, quam a Moysæ scriptam esse. Hæc sententia placuit postea famoso Isaac Pereyrio in suo impio opere, ann. 1655. edito, cui titulus *Systema theolog. ex Præauditarum hypothesis* P. I. Lib. IV. cap. 2. (quod tamen opus una cum Calvinismo Romæ ejuravit). Post hæc majori conatu Moysi Pentateuchum eripere nisus est Ben. Spinosus in suo *Tratatu theol. polit. de libert. philosophandi* c. 8. In eundem errorem lapsus fuerat Jo. Clericus in libro anonimo, cui titulus *Sententia de quibus Theologiens de Hollande sur l'Histoire Critique du V. T. compoite par M. Richard Simon.* Sed postea sententiam mutavit

in tertia *Dissert. Prolegomena in Genesim de scriptore Pentateuchi.* Horum numerum agent moderni Increduli, breviter, prout solent, deficiant, Pentateuchum esse alienigeni impostoris factum. Dolendum est, etiam Rich. Simonium inter catholicos huic errori accessisse, dum in *Hist. Critic. V. P. Lib.* I. caput. 2. ea, quæ historiam spectant, non a Moysæ, sed a publicis scribis exaratam fuisse, contendit. Contra hæc magna nobilissimorum scriptorum coloris Moysi Pentateuchum vindicavit, ut Nat. Alexander *Dissert. IX. in V. 7.* Dupinius in *Dissert. prælimin. de auct. libr. sacrarum*, Huetius in *Demonstr. Evangl.* Prop. IV. Calnet, Graveson &c. Plurimi etiam inter Asotholicos idem præstiterunt, qui laudantur a Bualdo in *Inagoge ad Theologiam* p. 1254. & a Wolfo in *Biblioth. Hebraor.* P. II. (b) Flavii Josephus Lib. I. *Contra Apionem* cap. 8. libros Judæorum enumerans, ex his, inquit, quinque sunt *Moysi*, qui & *leges continent, & seriem rerum gestarum a conditu generis humani usque ad ipsius interitum.*

(c) Præclare Paschalis *Penses sur la Religion* cap. 8. *Magnam*, inquit, *discremen est inter librum, quem aliqua privata persona spargit in populum, & librum (quales sunt Mosaii), in quo ipse populus formatus est. Hic tam antiquus esse debet, quam populus ipse;*

tozem, & historicum pro certo memorant; quod argumentum immensa prorsus eruditione Huetius illustravit (a).

102. Quod autem nulla circa miracula, & historicam in libris Mosaicis facta sit substantialis mutatio, patet ex eo, quod omnia fere de verbo ad verbum etiam in sequentibus libris inveniantur, præcipue autem in Psalmis (b).

103. Uterius impossibile prorsus fuisse insignem aliquam horum librorum interpolationem, facile quisque concipiet, qui non ignoret, quanto in pretio illi omni tempore ab Hebræis habiti sunt (c).

104. Insuper hæc insignis corruptio vel statim post Moysen obitum facta fuisset, vel serius: utrunque autem plane impossibile fuit; nam si Moyses vix vita functo aliqui tenerarias manus in ejus libros inferre fuisset ausus, cum recens adhuc illius gestorum memoria vivebat, neminem potuisset fraudare latere. Post autem multiplicatis, ut credere par est, exemplaribus, imo fortasse in alienam quoque linguam tisdem translatis, multo minus insignis eorum adulteratio possibilis erat. Ad hæc, necesse omnino erat, non solum Pentateuchum, sed omnes etiam subsequentes libros sacros, potissimum autem libros Psalmorum, Ruth, Judicium, & Josue eadem adulterina manu vitare, cum in iis frequentissima miraculorum Moysi mentio habeatur.

105. Obj. primo. Nihil frequentius occurrit, quam librorum suppositio; & ne procul exempla petantur, neminem latet, fuisse Moysen plures libros falsos adscriptos. Illius enim illustri nomine etiam gaudebant, *Quatuor secreta*, *atque occultæ scripturæ*, *Sermones mystici*, *Testamentum*, *Assumptio*, vel *Ascensio*, atque *Revelatio*; tum ipsius *ἱστορία* *parva genesis* ab aliquibus auctoribus laudata (d). Plura etiam antiquis Patriarchis, qui Moysen præcesserunt, adscripta sunt opera, de quibus vid. Jo. Albertus Fabricius in *Pseudo epigrapho* V. T. Eadem ergo ratione potuit Moysi Pentateuchus falso adscribi (e).

106. Resp. Iisdem ipsis sanioris criticæ regulis, quibus supposititia deleguntur opera, genuina confirmari. Hinc quemadmodum laudati libri ab omnibus omnino rejiciuntur, quia eorum suppo-

sitio decreta facile fuit, ita ab opposito Pentateuchus recipitur, quia nulla est ratio de ejus autenticitate dubitandi.

107. Obj. secundo. Ut habetur 4. *Reg. XXXII.* & 2. *Paralip. XXIV.* Josia regnum Judæ moderante, Helcias magnus Sacerdos *librum legis reperit in domo Domini*. Porro cum audisset Rex *verba libri legis Domini, scidit vestimenta sua*. Ex hoc loco duplex contra nos adversarii telum intorquet. Primo, inquit, stupor ille, quo Rex verba hujus libri audiens corruptus est, satis indicat, eum librum ab hominum memoria plane excidisse; quod tamen incredibile foret, si Pentateuchus fuisse creditus legitimus factus Moysen. Secundo Helcias facile potuit ea occasione, vel totum Pentateuchum ex integro confingere, vel saltem interpolare.

108. Resp. Librum ab Helcia inventum, ut ex contextu Scripturæ apparet, fuisse solum Deuteronomium, quod vocari solebat *Liber legis*, quia compendium totius legis Mosaicæ una cum minis, & maledictionibus contra ejusdem violatores continebat: & satis probabiliter bene multi interpretes conjectantur, hunc librum fuisse autographum manu Moysen exaratum, qui in latere arcæ fœderis manere debebat *Deuter. XXXI. 26.* sed in præcedentibus regni Juda calamitatibus fœrat sub thesauro absconditus; unde etiam 2. *Paralip. XXXIV. 14.* dicitur, *reperit Helcias Sacerdos librum legis Domini per manum Moysi*.

109. Ut ut tamen hæc sint, stupor ille, ac dolor Josiæ Regis ex duplici causa ortus est, primo, quod seipsum agnovit illius mandati transgressorem, quod legitur *Deuter. XVII. 18.* ut scilicet Rex initio regni sui describeret sibi Deuteronomium, illudque legeret omnibus diebus vitæ suæ, quod Josias ab impto patre Amon maleducatus ignoraverat. Secundo, pavor ac dolor magis adauctus est lectis terribilibus illis maledictionibus, quæ contra violatores legis a Deo fuerant comminatæ, & quarum memoria, sin minus tota, quod factum impossibile erat, magna saltem ex parte obliterata fuerat. Id autem mirum videri non debet in tanta, quæ præcesserat, Judæorum corruptione (f).

110.

(a) In *Demonstr. Evang. Prop. IV. capit. 2.* Vid. etiam Nat. Alexander *Dissert. IX. in Hist. Eccles. V. T. de quarta mundi ætate.*

(b) *Vid. psalmi LXXVII. CIV. CV. & CXXXV.*

(c) Josephus loco superius citato de divinis Moysen libris hæc habet: *cum tot jam sæcula effluerint, nemo adhuc nec adjicere quidquam illis, nec demere, aut mutare aliquid est ausus.*

(d) Confer Cotelærum not. 3. ad cap. 16. *Lib. VI. Constitut. Apostol. & Ceillier Tom. 1. des Auteurs Eccles. cap. 5. art. 5.*

(e) Vögelius in sua editione *Ant. Sac. Vet. Heb. Har. Relandi Halis 1769.* in 8. aliquibus argumentis ostendere nitens est, librum ab Helcia inventum, fuisse prophetas Isaiæ, quibus calamitates populi Israelitici

prædicantur. Sed præter alias difficultates, quibus hæc Vögelii opinio obnoxia est, obstant, quæ 4. *Reg. XXII. 2.* habentur: *legitque (Rex) cunctis audientibus omnia verba libri fœderis, qui inventus est in domo Domini*. Porro liber fœderis esse non potest, nisi Deuteronomium, aut totius Pentateuchus. Josephus *Lib. X. Antiq. Judaicæ. cap. 4.* videtur indicare totum Pentateuchum: inquit enim: *Helcias forte inciluit in sacros libros Moysi.*

(f) Pridemannus *Histor. des Juifs. P. I. L. I.* putat, stuporem illum indicare, nullum legem exemplar fuisse ante, neque ab Helcia, neque a rege Josia visum, quamvis fortasse nonnulla alia apud aliquos laterent. Sed hæc opinio parum probabilis videtur. Si enim aliqui, fatente Pridemannio, volumen legis custodierunt, quanto



110. Quod autem subditur, potuisse Helciam ea occasione Pentateuchum aut totum de novo fingere, aut insigniter adulterare, prorsus incredibile est. Nam primo id non tulissent decem tribus Israel, quæ fuerant in exilium adsortatæ; immo nec Samaritani, qui in eorum locum successerant, & libros Moysis habebant (a). Secundo neminem Pentateuchum, sed omnes subsequentes libros Josue, Judicum, Ruth, atque Psalmorum adulterare opus erat; cum in omnia fere repantur, quæ in libris Moisaicis continentur.

111. Inst. (b). Certum est, omnia Scripturarum exemplaria olim periisse, sive cum templum a Chaldaeis incensum est 4. Regum XXV. sive alio quovis casu; qui ergo nunc extant libri, suppositi sunt. Aut. prob. ex libro 4. Esdræ XIV. 21. seq. ubi dicitur: *lex tua incensa est, propter quod nemo scit, quæ a te facta sunt.* Et insuper additur, Esdræ una cum quinque viris spatio 40. dierum scripsisse libros 204. Hinc communis SS. Patrum consensus Esdræ ut novus sacrorum librorum restitutor, aut editor habetur. Nam Tertullianus Lib. 1. de cultu feminae. cap. 3. *Jerusalemis*, inquit, *Babylonica expugnatione delictis, omne instrumentum judaice literaturæ per Esdræm constat restauratum.* Idem testatur Irenæus apud Eusebium lib. V. *Histor. Eccle.* cap. 8. Clemens Alexandrinus Lib. 1. *Stromatum*, Hieronymus Lib. adv. Helvidium, Isidorus Lib. IV. *Etymolog.* Chrysostomus Hom. III. in epist. ad Hebr., Theodoretus *Præfat. in Cantica*, Leontius Bizantinus de sectis act. 2., & omnium luculentissime S. Basilii, qui in epistola ad Chilonem inquit: *Esdras libros omnes Scripturæ divinitus inspiratæ ex Dei mandato ad communem omnium usum eructavit, et exprompsit.* Alii putarunt libros sacros fuisse ab Esdræ in compendium redactos. Ita Andr. Masius *præfat. Comment. in Josuem*, & Theod. Bibliander de opt. gen. interpret. Increduli autem nonnorum temporum ab Esdræ fuisse omnes libros V. T. confictos clamant (c).

112. Resp. Vix, ac ne vix quidem credibile

esse, vel hostium furore, vel Judæorum incuria omnes prorsus antiquos sacros codices periisse, ut ne unus quidem apud Ezechielem, Daniele, Jeremiam, Aggeum, Zachariam, Mardocheum, Esdræm, aliosque Prophetas, & religionis zelatores superfleret. Præterea Lib. 1. Esdræ VI. 18. dicitur: *Et statuerunt Sacerdotes in ordinibus suis, & Levitis in vicibus suis super opera Dei in Jerusalem, sicut scriptum est in libro Moysi.* Id autem 60. fere anni factum est, antequam Esdræ Jerusalem adveniret, ut Prideauxius observat. Uterius, ut habetur 2. Esdræ VIII. cum populus dixisset Esdræ, *ut afferret librum legis Moysi*, statim subditur: *attulit ergo Esdras Sacerdos legem coram multitudo &c.*, ubi nulla mentio fit novæ inspirationis, qua libri perditii fuerint iterum conscripti. Demum, ut cætera omittam, Josephus Lib. XI. *Antiquit. Judæicæ* cap. 10. narrat, Cyren ex lectione vaticiorum libri, quem Isaias ante annos 210. reliquerat, fuisse comminutum, ut Judæis in patriam revertendi potestatem faceret. Supererat itaque in captivitate Babylonica liber Isaiæ: quidni ergo multo magis libri Moisaici, quorum cura major esse debebat? Esdræ autem non potuisse Pentateuchum configurare, aut graviter immutare vel ex eo solo luculenter apparet, quod Samaritani non obmutuissent (d).

113. Sed inquirunt: qua igitur ratione Esdras & a se ipso (Lib. IV. Esdræ) & a Patribus tamquam legis restaurator, novusque sacrorum librorum conditor laudatur? Resp. quantum ad primum, nullam prorsus esse libri IV. Esdræ auctoritatem, utpote qui atriisque Ecclesiæ græcæ, & latinæ consensu in apocryphis numeratur: & in judaicis fabulis a capite ad calcem refertus a doctis omnibus inodo exploditur (e).

114. Neque refert eum a nonnullis Patribus fuisse interdum ut canonicum allegatum; immo Ecclesiam quasdam suas preces, quæ publice in Missali, & Breviario leguntur, ab eo depremississe (f). Non inquam id refert; nam paucis respondet Calmetus *Dissert. in IV. Lib. Esdræ*: his omni-

magis id a Sacerdote Helcia factum fuisse putabimus? (a) Vid. 4. Regum XVII.; tum liber, cui titulus *Nouveaux éclaircissements sur l'origine du Pentateuque des Samaritains par un Religieux Benedictin de la Congrégation de S. Maur.* vol. 1. in 8. à Paris 1760.

(b) Cum Spinosus *Tract. theol. polit.* cap. 9., & Hobbesio in *Leviathan* cap. 33.

(c) Ita auctor pestilentis libri, cui titulus *Examen important de Milord Bolingbroke* ch. 4. Ita quoque Voltairius, & nonnulli alii se invicem exscribentes. Minus absurda, sed tamen falsa est opinio Newtoni putantis, libros Moysis fuisse deperditos, quando Philistæi arca Domini potiti sunt, fuisse autem a Samuele ex diversis fragmentis, quæ supererant, restitutos. Quis enim crediderit, nullum aliud tunc temporis fuisse Pentateuchi exemplar præter illud, quod servabatur in arca?

(d) De Pentateucho Samaritano confer *Proleg.* III. Walthonis num. 29. & 30.

(e) Ejus auctor vocatur ab Huetio homo male, & inepte fraudulentus in *Demonstr. Evang. Prop.* IV. cap. 14. num. 19.

(f) Preces, quas Ecclesia ex lib. IV. Esdræ desumpsit, hæ sunt: Introitus ferie 3. Pentecostes: *Accipite jucunditatem &c.* 4. Esdræ II. 36.; in officio Paschali Martyrum: *Lux perpetua luceat vobis &c.* II. 15.; *Hi sunt, qui mortalem tunicam deposuerunt &c.* II. 45. Patres vero, qui librum hunc tamquam canonicum habuerunt, sunt Ambrosius de *bono mortis* c. 10. & alii, Tertullianus initio operis de *prescript. hæret.* Clemens Alex. lib. 1. *Stromatum*, & alii. Immo ea opinio, quæ olim apud multos Patres obtinuit, de imminenti fine mundi, ex apocrypho hoc libro dimanasse creditur. Vid. Sixtus Senensis *Libri. 1. Biblioth.*

minibus unum, sed perentorum oppositum; nimirum praeorum, & latinarum omnium suffragio a Canone excludi.

115. Patres vero quod attinet, recte Natalis Alexander observat (*Hist. V. T. Dissert. 4. de Sexta mundi aetate art. 1.*) eorum plurimos appellasse hoc sensu Esdras sacrorum restauratorem, quantum is soluta captivitate Babyloica sacros codices iis turbulentis temporibus exscriptorum oscitantia, vel inscitia corruptos ad fidem exemplaris autographi, quod conservatum probabiliter fuerat, diligentissime emendaverit. Addit Dupinius (*assert. praelim. in S. Script. Lib. I. cap. 4. §. 3.*), Esdras libros sacros collegisse, redegeisse in ordinem, eorumdem canonem composuisse, eos chaldaicis litteris, quae sola post captivitatem Babyloicam a populo intelligebantur; (a) ac denique fortasse de suo (non tamen sine Deo) nonnulla adiecisse, ad maiorem connexionem, & explanationem pertinentia.

116. Ceterum si qui sunt Patres, qui ad hunc sensum commodè revocari non possint (ut Clemens Alexandr. *Libr. I. Stromatum n. 22.* & S. Basiliius *epist. 42. ad Chilonem n. 5.*) modeste deservendi sunt; cum constet, eos a supposito Lib. IV. Esdras fuisse innocentem deceptos (b).

117. Inst. secundo. Saltem in generali illa urbis vastatione, quae sub Antiocho facta est, omnes libri sacri perierunt; dicitur enim Lib. 1. *Machab. I. 59.* & *libros legis Dei combusserunt igne acidentibus eos: & apud quemcumque inveniebantur libri testamenti Domini .... truckabant eum*.

118. Resp. Plura quidem veteris exemplaria in magna illa calamitate periisse, non autem omnia; quod colligitur ex eodem Lib. 1. *Machab. I. 59.* & *expanderunt libros legis, de quibus scrutabantur gentes similitudinem simulacrorum suorum*.

119. Inst. tertio. Irenaeus, Origenes,

Hieronymus, alique Patres Judaeos saepe accusarunt, quod Scripturas sacras corruerint: ergo &c.

120. Resp. In eo tantum Judaeos fuisse accusatos a nonnullis Patribus, quod quaedam loca ad Messiam spectantia vitaverint: justa neque fuerit haec accusatio, non est praesentis instituti definitio. Illud certo certius est, Scripturas Sacras, quantum ad miracula, leges, & historiam, alique huiusmodi puncta capitalia, tam saepe in iisdem reperta, nec fuisse corruptas, nec corrumpi potuisse; praecipue Pentateuchum, quem etiam Samaritani conservarunt (c).

121. Obj. tertio. Plura in Pentateucho sunt, quae verosimile non est, potuisse a Moyse scribi. Nam 1. de Moyse sermo saepe fit in tertia persona; at vero Moyse debuisset de se loqui in prima persona, quemadmodum in prima persona de se loquitur *Deuter. II. 1. 2., & 17.*

122. Praeterea auctor Pentateuchi alios libros memorat a Moyse exscriptos veluti alienos, nempe *librum foederis Exodi XXIV. 7. librum bellorum Dei Numer. XXI. 14. & librum legis Deuter. XXXI. 9. scriptis Moyses legem hanc: non autem laudantur hi libri, veluti alieni, si Pentateuchus totus fuisset eadem Moysi manu exaratus.*

123. Accedit tertio, in eo saepius elogium Moysi celebrari. *Numer. XII. 3. Erat Moyses vir mitissimus super omnes homines, qui morabantur in terra. Deuter. XXXIII. 1. vocatur homo Dei, & ibidem cap. ult. 10. & non surrexit ultra propheta in Israel, sicut Moyses; at vero quis credat, voluisse Moysen sibi ipsi has laudes tribuere?*

124. Denum eodem cap. ult. *Deuter. describuntur mors, & sepultura Moysi, tum planctus Israelitarum, immo successio Josue in ejus locum. Et postea comm. 6. additur: & non cognovit homo sepulcrum ejus usque in praesentem diem: quae verba indicant, nonnisi longo tempore post Moysen haec scripta fuisse.*

125.

*Sancta de scriptis apocryphis Scriptura Sancta insertis, & Bonifreii prologia in totam Sacri Script. e. 4. Sect. 2.*

(a) Hanc literarum mutationem non esse omnino certam, ostendit cl. P. Gabriel Fabricy in eruditissimo opere *des titres primitifs de la revelation Tom. 1. p. 11.*; negat vero post multos alios viros doctissimos cl. P. Hyac. Azaizara in *Mutinesi Universitate Sac. Litter. & ling. Orient. Professor in Disquisit. analytica de hebraicorum characterum in sacris Bibliis origine, & antiquitate. Mutinae 1781. in 4.* Videri etiam potest la III. *Dissert. sac. Esdras Tom. XVII. de la Sainte Bible avec des notes littérales, critiques, & historiques &c. Sec. edit. à Paris 1773. in 4.*

(b) De hac difficultate praeter scriptores jam laudatos fusius agunt Cabanets in *Dissert. An Esdras scripserit, seu restauraverit libros sacros; tum IV. Dissert. Alib. de Vence de Esdras, qui prostant in Tom. XVII. novae edit. de la S. Bible par M. Rondet; item Dom. Huetius in Demonstr. Evang. prop. IV. Bellius de auctori Ecclesiast. Tom. 1. Bellarminus de verbo*

*Dei Lib. II. cap. 1. Bonifreus. Prologia in totam S. Script. cap. 6. sect. 8. & novissime P. Th. Cerboni in Theol. revelata Tom. I. Lib. 2. quæst. 2. ar. 3. Ex heterodoxis autem Walkhons in prolegom. Philoxani *Hist. des Juifs. P. I. L. S. Christian. Kortholius de variis scriptura Sac. additionibus c. 1. alique a Bndeo laudati in Hist. Eccles. V. T. Tom. II. Periodo II. sect. 5. §. 12.**

(c) Id a Bellarmino T. I. *Controv. Lib. II. c. 1. & Nat. Alexandr. Dissert. XI. in sec. III. art. 1. a Lud. Capello in Crit. sac. invidiis argumentis demonstratum fuit. Accessit nuperime doctissimus P. Fabricy *Ord. Praed. in suo ermito opere des primitifs de la religion. Vol. 2. in Rom. 1772. De Pentateucho Samaritano videri possunt P. Natal. Aleximier in Hist. Eccl. V. T. de VI. Mund. 5. 1. art. 1. & scriptores ab eo laudati; quibus addi etiam potest auctor des Nouveaux Eclaircissements sur l'Origine du Pentateuque des Samaritains, à Paris 1760. par un Religieux du la Congr. de S. Manr.**

125. Resp. Primum leve esse; innumera enim occurrunt exempla Scripturum, qui de se ipsis in tertia persona locuti sunt, ut Julius Cæsar in suis *Commentariis*, aliqui sexcenti. Id multo magis a viris *Σεισιλογ* fieri potuit, ut ostenderent, se non proprio sensu, sed divino afflante spiritu loqui. Hinc etiam S. Matthæus sui conversionem memorat in tertia persona: *Iesus vidit hominem sedentem in telonio, Matthæum nomine &c. Matth. IX. 9.*

126. Eadem ratione potuit Moyses libros a se elucubratos, tamquam alienos commemorare, quam probabile admodum est, eos libros non fuisse a Pentateucho distinctos. *Volumen enim sæleris* commemoratur Exod. XXIV. nihil aliud in se continebat, quam leges a Moyse latas, & a populo acceptatas, quæ ibidem, aliisque in locis inveniuntur. *Libri autem bellorum Domini*, cujus mentio fit Num. XXI, opinione plurimum interpretum nihil fuit aliud, quam historica narratio belli cum Amalecitis, quæ in Exodo continetur; observat enim Nat. Alexander, vocem hebraicam *ספר בשרי*, quam vulgatus interpres reddidit in libro, posse etiam significare narrationem, vel relationem, quo sensu adhibetur Genes. V. 1. *Deumum librum legis* commemoratur Deuter. XXXI. in ipso Deuteronomio contineri, putant interpretes meliores notæ.

127. Ad 5. pariter in promptu sunt exempla Scripturum, qui sibi promeritas, totasque laudes non denegarunt; quamquam hi forte ex *αἰσχροῦ*, & *χρησῆ* id fecerunt, Moyses autem Deo inspirante, & volente.

128. Postremum ab his facile solvitur, quæ ea, quæ ad calcem Deuteronomii leguntur, fuisse vel a Josue, vel ab Esdra, vel ab aliquo alio Scriptore sacro, & inspirato adjecta arbitrantur, ut nihil historiae Moysi deesset. Immo putant nonnulli, extremum Deuteronomii caput esse libri Josue initium; quod an eum solido fundamento dici possit, alii viderint. Sed Joseph Lib. IV. *Antiq. Judæic.* cap. ult., & Philo Lib. III. *de Vita Moysi* censet, hæc omnia fuisse a Moyse spiritu prophetico prævisa, & litteris, ita Deo volente, consignata: quæ sententia probabilis admodum est.

129. Inst. primo. Regula est criticis omnibus nota, eos libros pro suppositis habendos, in quibus aliqua inveniuntur ex auctore, cujus nomen præferunt, posteriora; sed reipsa multa in Pentateucho sunt, Moyse longe posteriora: ergo &c. Minor multipliciter probatur, & primo ex *Genesi*; nam cap. XII. 6. dicitur: *pertransiit Abraham terram usque ad locum Sichem, usque ad convallem illustrem; Chananeus autem tunc erat in terra.* Postrema hæc verba inveniunt, hoc eo tempore scriptum fuisse, quo Chananeus fuerat jam a terra illa expulsi, quod longe post Moyses obitum contigit.

130. Ulterius multa locorum, & civitatum nomina recensentur, quæ novissi post Moysen in

usu fuerunt. Cap. X. 11. memoratur civitas *Ninive*, quod nomen a Nino tractum fuisse, Strabo docet Lib. XVI. *Geograph.*: Ninus autem fuit Moyse longe posterior. Cap. XIV. 14. civitas quædam appellatur *Dan*, quæ Moyse vivente appellabatur *Luis*, seu *Lezem*. Item XXII. 14. mons *Moria* appellatur *Dominus vult*, vel potius *Dominus providebit*; quod nomen novissi eo tempore obtinuit, quo mons ille fuit templi ædificationi destinatus. Eadem ratione, sæpius memoratur *Hebron* Gen. XXIII. 27. quod nomen Moyse recentius est; civitas enim illa vocabatur *Kariath Arbe*, ut colligitur ex Josue XIV. 15. Etiam *Ur Chaldæorum*, cujus mentio fit Genes. XI. 28. ætate Moysi vocabatur *Paddan Aran*; & præterea *Chaldæi* ita dicti sunt a *Chaldæo*, qui decimusquartus fuit eorum rex. Genes. XXXV. 21. nominatur turris *Eler*, seu *gregis*, quod nomen longe post Moysen fuit uni ex turribus Jerusalem tributum, ut patet ex *Esdræ* III. 1. Item Genes. XL. 15. dicitur Joseph sublati de terra *Hebræorum*; at vero terra illa, unde Joseph sublati est, Moyse vivente vocabatur terra *Chanana*, nec dici potuit terra *Hebræorum*, nisi postquam Chananeis expulsis Hebræi eam incoluerunt, Moyse jam vita functo. Deumum prophetæ in *Genesi* appellantur *Nabi*; cum tamen antiqua Moysi ætate dicerentur *Roeh videntes* 1. *Reg. IX. 9.*

131. Resp. Illam Critices canonem valere, quotiescunque firma non suppetunt fundamenta, quibus librum esse genuinum omnino demonstretur, & quotiescunque nulla probabilis ratio reddi queat, cur illa posteriora iis in libris inveniuntur. Jam vero & solidissimis fundamentis Pentateuchus Moysi tribuitur, ut superius vidimus, & ratio insuper reddi potest, cur ea omnia, quæ Moyse sunt posteriora, in eo inveniuntur.

132. Nam quantum ad primum, ea verba: *Chananeus autem tunc erat in terra*, hunc possunt sensum commodè reddere: *Chananeus jam tempore Abram erat in terra illa*; ut scilicet indicetur, quam antiquum esset Chananeorum in illa terra incolatus. Atque id significat particula *ἔτι* ibi adhibita; quod etiam R. Aben-Era adversarius noster notavit. Dici etiam potest, hanc quasi parenthesis fuisse ab aliquo alio postea adjectam. Non desunt, qui putent, hæc a Moyse prophetice fuisse scripta, quasi diceret Chananeus, quem vos expelletis, erat in terra illa.

133. Ad 2. de variis nominibus &c. resp. cum Bossueto (*Discours sur l'hist. univ. P. II. c. 28.*) hæc, & alia minoris momenti potuisse ab aliquo alio scriptore *Σεισιλογ*, puta Josue, aut Samuele addi, vel immutari majoris explicationis gratia, non scilicet a nominibus ignotis aliquos tenebræ sacro textui offunderentur. Et fortasse etiam prius in margine hæc nostra sunt, post autem ex margine in textum sensum transierunt. Ceterum hæc levia sunt, & adversarios provocabat laud. Bossueti, ut aliquam additionem ostendat.



in legibus, in caeremoniis, in dogmatibus, in miraculis, in prophetiis, vel aliis rebus gravioribus (a). Denique fortasse omnia illa nomina etiam ætate Moysis in usu fuisse demonstrant Nat. Alexander, Dupinius, Huetius, atque etiam Ceillier Tom. I. *des auct. eccles. capit. 1.*

134. Inst. secundo. *Genes. XXXVI. 31. & sequ.* octo reges enumerantur, qui regnaverunt in Edom, *antequam haberent regem filii Israel*; quo ex loco triplex exurgit contra nos argumentum. Primo enim fit mentio insignis filius mutationis, quæ in republica Israel facta est, quando Judicibus reiectis Saul in regem inauguratus fuit longe post Moysis obitum. Deinde octo illi reges ab Esau originem trahabant; at vero a Jacob fratre Esau usque ad Moysen nonnisi quatuor generationes effluerunt; Moysen enim filius Anrain, filii Caath, filii Levi, filii Jacob: non potuerunt ergo tam brevi tempore octo reges ex familia Esau sibi succedere. Demum præter octo reges etiam nonnulli duces in Edom ibidem numerantur, quos certe Moyses multo minus noscere potuit, cum regibus in Idumæa successerint; dicitur enim *Paralipom. I. 51. Adad autem mortuo* (qui postremus regum fuit) *duces pro regibus in Edom cæperunt esse &c.* quibus verbis evincitur, duces successisse regibus.

135. Resp. Misæ aliorum opinionibus (b), ad primum argumentum dico, ea verba: *antequam haberent regem filii Israel*, non esse referenda ad Saulem, ut Jo. Clericus (Dis. 5. de *Pentateuchi auctore*), alique contendunt, sed ad Moysen, qui latiori sensu fuit appellatus *Rex a Philone* (in ejus vita) &, ut volunt plures interpretes, etiam a ipso *Deuter. XXXIII. 5.* Et quidem Moyses potuit dici *primus Rex Israelis*, quia ante eum nullus erat totius nationis princeps, vel dux, sed quamlibet familiam prior natu regebat; primus autem Moyses Monarchicum imperium in tota illa gente exercuit. Vel etiam ea verba intelligi possunt de initio theocratæ, quæ a fœdere inter Deum, & filios Israel icto *Deuter. VII. & XXXI. 18.* inchoatur. Hinc quando Hebræi regem a Samuele petierunt, dixit Deus idem Samueli 1. *Reg. VIII. 7.* non te abiecerunt, sed me, ne regnem super eos. Exponit igitur Moyses, quoniam, & qui in Idumæa regnaverint, *antequam Deus fœdus cum filiis Israel percuteret.*

136. Ad alterum de octo regibus Edom resp.

illos fuisse Moysen priores, ita ut postremus, nempe Adad, fuerit Moysi coævus; unde videtur etiam Moyses majorem illius notitiam habuisse, cum & uxorem illius nominet, & insuper uxoris matrem, & aviam, quod in aliis non fecerat. Nec vero obest, quod a Jacob usque ad Moysen nonnisi quatuor effluerint generationes; unde adversarii colligunt, non potuisse ab Esau fratre Jacob usque ad Moysen octo sibi reges succedere. Non, inquam, id obest; nam 1. generationes a Jacob usque ad Moysen, quamvis numero pauciores, potuerunt magis inter se distare, propter longiorum patrum, & avorum ætatem; nam Levi atavus Moysis vixit 137. annos *Ex. VI. 16.* Præterea si ponantur 4. generationes, quæ a Jacob usque ad Moysen interfuerint, spatium 200. circiter annorum comprehendere, iam tempus habetur sufficiens, quo octo reges in Edom potuerint sibi succedere; præcipue cum isti reges non hæreditario jure, sed electione sibi successisse videantur; neque enim rex successor vocatur filius prædecessoris, sed potius *expresse* vocatur filius alterius, qui non fuit rex. Cum autem in regno electivo plerumque viri assumantur provecæ ætatis, nemini videbitur nimis exiguum, si quinque regiminis lustra singulis assignentur.

137. Restat ultimum de ducibus, qui enumerantur post reges. Sed hi duces, qui regibus in Imperio Idumææ successerunt, non unus post alterum, sed omnes simul, eodemque tempore variis Idumææ provinciis præfuerunt; quemadmodum & illi, qui in eodem c. *Gen. xxxv. 29.* & seq. dicuntur duces *Horæorum*. Ab his ducibus fuisse Idumæam simul administratam, quando Israelitæ mare rubrum transierunt, luculenter nos docet Moyses in Cantico iniqui: *Tunc conturbati sunt principes Edom.* *Exodi XV. 15.*

138. Inst. tertio. Etiam in *Exodo*, & *Deuteronomio* plura sunt, quæ a Moysen litteris mandari non potuerunt. Quod enim *Exodi XVI. 55.* dicitur: *Filii Israel comederunt manna 40. annis, donec venirent in terram habitabilem: hoc cibo alii sunt, usquequo tangerent fines Chanaan;* hoc certe a Moysen nec scribi, nec videri potuit. 2. Quod pariter dicitur *Deut. II. 12.* in *Seir prius habitaverunt Horæi*, quibus expulsis, atque delectis, habitaverunt filii Esau, sicut fecit Israel in terra possessionis suæ, quam dedit illi Deus, <sup>sup-</sup>

(a) Putant nonnulli, has traditiones Esdræ esse tribuendas, quod tamen difficile ex eo videtur, quod etiam inveniantur in Pentateuco Samaritanorum; unde necesse est, has esse antiquiores schismate decem tribuum; neque enim ille decem tribus, multoque minus Samaritani has additiones ab Esdra accepissent. Carol. Franc. Honigbaum in suis *Proleg. ad Script. S.* eos refellit, qui Samariticum Pentateuchum ex aliquo greco exemplari descriptum esse putant: etenim a versione LXX. virali in nonnullis differt.

(b) Aliqui censent totam illam genealogiam regum Edom fuisse ab aliquo scriptore sacro posterius adjectam.

Conjecturam afferunt ex eo, quod eadem genealogia legitur in Lib. I. *Paralip. I. 43.* & sequ. imm etiam ex eo, quod in Sixtina editione capit. XXXVI. abolvitur 30. commate, nec ibi illa genealogia legitur. Alii cum Huetio in *Demonstr. Evangel. Prop. IV. cap. 14. §. 13.* hæc ad spiritum propheticum referunt, quo Moysen fuisse instructum dubitari non potest. Porro Israelitas regem ad instar aliarum nationum petiituros Moyses clare prædixit *Deuter. XVII. 14. & 15.*; quare etiam leges hæc de re tulit, non eligere alienigena, non multiplicaret sibi equos, Deuteronomium sibi describeret &c.



supponit, nedum Israelitas fuisse jam in Palæstina, sed etiam Idumæos expulisse, quod nonnisi David regnante contigit. 3. Ejusdem *Deuter.* III. 11. dicitur de Og rege Basan, qui solus remanserat de stirpe gigante: *Monstratur lectus ejus ferreus, qui est in Rabbath filiorum Ammon, novem cubitos habens longitudinis, & quatuor latitudinis ad mensuram cubiti virilis manus.* Hic plura sunt, quæ ætatem redolent Moysei posterioriorem. 1. Eccc Moyse gigantis proceritatem ex lecti mensura indicasset Israelitis, qui ipsum vivum, & pugnantem in acie, post autem occisum, & humi jacentem viderant? 2. Gigantis lectus ætate Moysei probabilis in Basan ejusdem gigantis patria esse debebat, quam in Rabbath apud Ammonitas. Demum verosimile potius est, hujusmodi lectum fuisse eo tempore inventum, quo David Ammonitis devictis Rabbath occupavit, quemadmodum Lib. 2. *Regum* XII. 30. narratur. Accedit & illud quod legitur *Deuter.* III. 14. de Jair Manasse: *vocavitque ex nomine suo Basan, Havoth Jair; id est Villas Jair, usque in præsentem diem:* quæ postrema verba inscite ab auctore cœvo adhibita fuissent.

139. Resp. ad 1., id a bene multis inter Moyseis prophetias recenseri, quatenus prævidit, Israelitis in deserto nunquam cœlestem illum cibum defuturum, quousque tangerent fines terræ Chanaan. Quod si hæc responsio aliquibus minime placeat, quia ibi non futurum, sed præteritum tempus ponitur, nihil vetat, ut dicamus, hæc pauca verba fuisse ab alio auctore sacro adjecta, cum nullam habeant cum prioribus connexionem, & solum ad historię complementum spectent. Quamquam Moyseis uti etiam potuit tempore præterito ad denotandam certitudinem eventus.

140. Ad 2. Nec unum verbum est in loco obijecto, quo indicetur; Idumæos fuisse a terra Seir ab Israelitis expulsos, atque deletos: sed illa verba: *sicut fecit Israel in terra possessionis sue*, referuntur ad Amorrhæos, & Basanitas, quibus eliminatis Rubentix, & Gaditæ, cum dimidia Manassæorum tribu cœperant terram possessionis sue occupare; quod utique Moyse vivente contigit.

141. Tertium nullam continet difficultatem. Potuit enim Moyse immanem Gigantis Og proceritatem ex lecti mensura indigitare, tum propter eos, qui eum jam viderant quidem, sed accurate metiti non fuerant; tum propter eos, qui non viderant; tum denique ut hujus rei memoria conservaretur.

142. Dum autem quærant adversarii, cur ipsius lectum non in Basan, sed apud Ammonitas servaretur? Resp. id multis de causis fieri potuisse, quas sacer textus non exponit. Sed ea admodum probabilis est, quod Og de tota rei summa cum Israelitis decertaturus lectum una cum reliqua

supellestili apud Ammonitas in tuto posuerit.

143. Quod vero additum fuit, gigantis lectum tunc fuisse inventum, quando a Davide Ammonitæ devicti sunt, mera est divinatio omni destituta fundamento; nam in Lib. II. *Regum* 12. Ammonitarum quidem debellatio narratur, sed de lefro gigantis ne jota quidem habetur. Ceterum si hæc etiam tota pericœlia juxta superius dicta ab aliquo adjecta credatur, non magno opere repugnaverim.

144. Ad ultim. eadem sit responsio; scilicet clausulam illam usque in præsentem diem fuisse postea adjectam. Quamquam id potuit etiam a Moyse scribi, quemadmodum Sanct. *Matthæus* scripsit XXVII. 8.: *propter hoc vocatus est ager ille Haceldama usque in holiernum diem;* & postea XXVII. 15.: *Divulgatum est verbum istud apud Judæos usque in holiernum diem.*

145. Instab. quarto. Auctor *Deuteronomii* sic exorditur: *hæc sunt verba, quæ locutus est Moyse ad omnem Israel trans Jordanem.* Id certo nonnisi ab eo scribi poterat, qui Jordanem jam transierat: non itaque a Moyse, qui citra Jordanem mortuus est.

146. Resp. Si consularis textus hebraicus, nec legendum est *trans*, neque citra *Jordanem*, כַּעֲבֹרֶהֱרֶן *hebeber Jarden*; sed vel in planitie Jordanis; vel cum proxime esset transeundum Jordanes. Ita etiam legerat Josephus Libr. IV. *Antiquit. Judaic.* cap. 8. inquit: *Moyseis advocata concione apud Jordanem &c.*; eodemque modo hunc locum exponunt Sanctes Pagninus hebraicæ linguæ peritissimus, ac Pater Carol. Honbigan in  *suis indicibus hebræo-gallicis*; imo & nonnulli Rabbini.

147. Neque obstat, LXX. Interpretes habere *πρὸς τὴν ὁρδάνην*, *trans Jordanem*; nam primo ubi aliqua est difficultas, præstat adire fontem hebraicum, quam versionem. Deinde fortasse LXX. Interpretes ita vertere inalerunt, non habita ratione Moyseis scribentis, sed potius loci, quem tunc Hebræi incolebant. Ut ut hæc sint, exemplum similis versionis *trans pro citra* habemus Josue IX. 1., ubi dicitur: *His auditis, cuncti reges trans Jordanem.... congregati sunt pariter, ut pugnarent contra Josue;* apparet autem debuisse dici *citra Jordanem*, cum de regibus sermo esset, qui eandem Jordanis ripam, in qua erat Josue, incolebant.

148. Obj. quarto. Intelligi non potest, quomodo Moyse in deserto omnibus ad scribendum mediis destitutis poterit quique libros scribere, tum enim nonnisi in lapidibus, plumbo, aut ligno scribi solebat (a). Addit autem Spinosa ex R. Abon Ezra *Deuteronomium* fuisse scriptum super altare, quod ex 12. tantum lapidibus constabat, Josue VIII. 31., quod certe de *Deuteronomio*, quod nunc habemus, intelligi non potest.

149.

(a) Ita obijcit Voltairius in Opus. *De la tolerance* art. 12. *Gazzaniga Theol. Tom. I.*

149. Respōdit. Quamvis modum cetera omnia necessaria Israelitis in deserto non defuerunt; ita non defuisse Moysi instrumenta ad scribendum, sive in petra, sive in ligno, sive in alia materia id fieri tunc consueverit, de quo nihil est exploratum (a).

150. Alterum autem diverso modo explicant interpretes, & multi putant, solum præcepta Decalogi fuisse iis lapidibus insculpta. Aliqui non nisi eas maledictiones, & benedictiones, quæ fuerant in montibus Hebal, & Garizim pronuntiant. Sed si etiam de toto Deuteronomio id intelligendum sit, scimus ex cap. VIII. ejusdem *Deuteronomii*, eos lapides ingentes esse debuisse, & calce lævigatos; ut proinde totum Deuteronomium exiguis litteris continere possent.

151. Obj. 5. Moyses eam scire non potuit, quæ de Patriarchis antediluvianis, & de prima rerum omnium origine in *Genesis* continentur, spūmque 2433. annorum juxta Usserium comprehendunt, juxta chronologiam vero 247. LXX. fere 4000. Et quavis fortasse per traditionem potuerit in cognitionem rerum præcipuarum devenire, vix quidem credibile est, ipsum potuisse de minutioribus quibusdam erudiri, ut sunt tot numeri, Patriarcharum nativitas, ætas, mors, filii, habitationes, æreæ Noëtiæ mensura, & alia hujus generis leviora.

152. Resp. Attenta longævæ Patriarcharum ætate potuisse Moysen orali traditione multa cognoscere, immo plane omnia etiam minutiore. Moyses enim cum pluribus conversatus est, qui Jacob noverant; nam do. circiter annis post ejus mortem natus est. Jacob autem cum avo suo Abraham vixit, qui vidit Sem filium Noe. Sem porro novit Lamech, & hic cum Adam locutus est; & ita quater, vel quinque hominum memoria potuit tota illa historia, quæ in *Genesis* continetur, usque ad Moysen pervenire. Nihil est autem verosimilius, quam veteres Patriarchas accuratam antiquitatum notitiam suis posteris sæpius tradidisse.

153. Veruntamen si quis contendat, aliqua fuisse vetustissima monumenta, unde Moyses suam historiam derivaverit, ita ut non semper divina revelatione indigeret, non admodum repugnare (b); dummodo tamen peculiaris Dei inspiratio, & assistentia ipsi minime denegetur, qua omnes vitaret errores, quaque ejus historia, ut canonica, & divinitus inspirata habenda, & veneranda sit. Si enim hanc certe habuit Moyses in iis rebus scribendis, quas propriis ipse oculis inspicaverat, eam multo magis habuisse censendus est in aliis remotioribus, & minus notis, ut ab omni erroris periculo procul abesset.

(a) Jam tempore Moysis inventam fuisse artem scribendi, etiam in lapidibus, sive in summo, sive in ligno ostendit eruditissimus Goguet in 1. Tom. de l'origine des lois, des arts, & des sciences lib. II. cap. 6. Ejusdem etiam claram mentionem facit Job, quem idem Goguet corvum fuisse Jacobo Patriarchæ contendit Tom. VI. Dissert. II.

154. Obj. ultimum. Styli diversitas, plurimum rerum transpositio, ac repetitio clare ostendunt, Pentateuchum non esse unitis auctoribus factum; sed potius compilationem quamdam ex nonnullis antiquis commentariis, & monumentis. Reipsa fuisse in Judæorum republica aliquos scribas, ad quos spectabat, res memoria dignas in tabulas referre, & est per se verosimile, & a nonnullis traditur. Vid. Theodoretus Quæst. IV. in Lib. II. Regum.

155. Resp. Hujusmodi scribarum nullibi mentionem fieri, saltem in Pentateuchis; contra potius gravibus argumentis evinci eundem fuisse ab ipso Moysæ exaratum; quibus argumentis nullam vim inanes conjecturæ ex styli diversitate, rerumque transpositione, aut repetitione detrudere possunt.

156. Corollarium. Quamquam de sola Pentateuchi divina revelatione hæcenus disputavimus, facile tamen quilibet poterit eisdem fere argumentis eandem etiam in subsequentibus V. T. libris vindicare. Scriptores enim sacri, qui reipublica Judææ fastos, vel divinis oracula litteris consignarunt, divine sæpe missionis, atque inspirationis miraculis, & prophetiis evidentissima argumenta præbuerunt. Accedit, quod eadem omnino leges, potissimum quantum ad religiosum Dei cultum, quæ a Moysæ Deo jubente, & inspirante constitutæ fuerant, sine ulla mutatione in posterioribus sacris libris servatæ semper, & renovatæ fuerunt; ut proinde ceteros posteriores libros usque ad Christum eodem semper spiritu conscriptos fuisse liquido appareat. Sed quod ultimum quasi sigillum eis apponit, est Christi Apostolorumque auctoritas. In novo enim Test. antiqui fœderis libri tanquam divini sæpius allegantur. Si itaque ostensum fuerit (quod Deo dante statim præstabitur), novum Test. divina, & infallibilis auctoritate pollere; etiam divini dicendi erunt antiqui fœderis libri, qui ut tales in isto allegantur. Consuli possunt præter alios multos, qui de hac re egerunt, Dan. Hoetius in *Demonstr. Evangel.* Propos. IV. cap. 14. & *Tractatus de divinitate, & canonicitate sacrorum Bibliorum*, auctore Joann. Franc. Marchini Taur. 1777. in 4.

### CAPUT III.

Ostenditur, divinam revelationem existere in N. T. potissimum ex miraculis, & Prophetiis Jesu Christi in eo contentis (c).

157. Lex vetus aliam promittebat perfectionem, quæ illi succedere debebat. Et quidem apertissima est illa promissio per Moysen facta *Deuteronomio*.

(b) Vid. Flenry *Traité des mœurs des Israélites* Part. VI., & François *Preuves de la religion Chret.* Tom. I. P. 2. ch. 3. art. 4.

(c) Omissionem hoc loco argumentum illud inviduum dūm ex prophetiis V. T. in Christo adimpletis, quia in alio tractatu de Incarnatione contra Judæos illud nuperius explicari solet, non quasi Socino, Episcopio,

nom. XVIII. 15. *Prophetam de gente tua, & de fratribus tuis, sicut me, suscitabit tibi Dominus Deus tuus, ipsum audies: quæ verba unum Messiam spectare posse, & ex contextu, & ex linguae hebraicæ genio facile colligitur (confer. Pater Carol. Houbigant in hunc locum); ut proinde sensus sit, venturum alium legislatorem post Moysen, quem Judei audire debebant. Hoc vaticinium Jesum Christum spectasse, voluerunt Sancti Petrus Act. III. 22. & S. Stephanus Act. VII. 53. Idcirco adhuc clarius manifestavit Deus ore aliorum Prophetarum, præcipue anteq. Jer. XXXI. 51. & seq. Jam vero hæc promissionem fuisse in Christo Domino Salvatore nostro adimpletam, omnibus aliis argumentis, ex miraculis, & vaticiniis ejusdem Christi Domini demonstrare aggredimur.*

158. Prob. autem prima pars. Christus Dominus novam legem constituisse sæpius testatus est, se a Deo Patre missum, eamque doctrinam, quam Apostolis tradidit, & Apostoli toto terrarum orbe promulgaverunt, suam non esse, sed Patris, qui misit illum Joann. VII. 16. & alias frequentissime. Ne autem aliquis esset de re tanti momenti dubitandi locus, verba sua multis, stupendis, certissimisque miraculis, veluti totidem divinx auctoritatis signaculis confirmavit; ejusmodi sunt ea, quæ a Scriptoribus sacris referuntur in tota Judæa, palam, omnibusque spectantibus ita facta, ut nulla vel minima fraudis, & imposturæ suspicio esse possit, (a).

159. Hinc ad miraculorum testimonium incredulus sæpius provocabat; ut Joann. V. 36. *sed opera, quæ ego facio, testimonium perhibent de me, quia Pater misit me.* Ibidem X. 37. & 38. *Si non facio opera Patris mei, nolite credere mihi; si autem facio, & si mihi non vultis credere, operibus credite; & Matth. XI. 4. discipulis Jo. Baptista ipsum interrogantibus, an ipse esset Messias expectatus, respondit: euntes renunciate Joanni, quæ audistis, & videristis: cæci vident &c. Hinc etiam qui in ipsum credebant, quæ miraculis adducis favebant, dicentes cum Nicodem Jo. III. 2. *Scimus, quia a Deo venisti, Magister; nemo enim potest hæc signa facere, quæ tu facis, nisi fuerit Deus cum eo.**

160. Increduli cum hæc Christi prodigia tot, tantisque testibus comprobata negare omnino non

audeant, solent ea magicis artibus tribuere. Verum nimis sero antiquam hæc Judæorum calumniam recedere conantur, cum eadem jam diluerit ipse Christus, dæmonia ab obsessis corporibus expellendo, quo manifeste ostendebat, se immun-  
dis illis spiritibus imperare, non servire.

161. Sed ad præledendum hoc incredulorum effugium præstare est etiam aliud ejusdem Domini nostri miraculum omnium maximum, quod & cætera alia, & nostram fidem, religionemque iuvante confirmat, scilicet ejusdem resurrectionis a mortuis. Tametsi enim fingere quis vellet, Christum vel magicis artibus, vel quocunque alio modo potuisse Apostolis illudere, quoad vixit, certe utino sanæ mentis suspicabitur, eum potuisse etiam post mortem Apostolis fucum facere; mortui enim nullæ amplius sunt præstigiæ, nullæ ad ludificandum artes. At vero Christi resurrectionem, ejusdemque ad cælos ascensionem nemo negare, aut in dubium revocare poterit, nisi dicat, Apostolos, qui eam toto mundo divulgaverunt, aut topi-  
piter fuisse deceptos, aut impie voluisse alios decipere; facile est autem demonstratu, utrunque esse omnino incredibile (b).

162. Ac primo non potuisse Apostolos decipi, plusquam manifestum est. Agitur enim hic de facto, in quo nullus est deceptionis locus. Christum bene voverant, cum quo tribus, & amplius annis familiariter conversati fuerunt; ipsis se resurrectionem sæpius promiserant; eum tandem redivivum vident, non unum, aut alter, sed omnes vident etiam mulieres, & discipuli, & plusquam quingenti fratres; non semel, aut iterum, sed sæpe per 40. dies cum eo loquuntur, & comedunt; Thomas oculis fidem adhibere recusat, manibus contrahere vult, digitosque in vulnera infert; denique postquam per 40. dies fuerat cum ipsa conversatus, omnibus adspicientibus est elevatus in cælum. Sane si decipi in his circumstantiis potuerunt Apostoli, nihil amplius in tota vita humana certum erit (c).

163. Accedit, eosdem Apostolos, qui tempore passionis terrore perculsi Magistrum suum timide deseruerant, postea ejusdem resurrectionem intrepide nunciasse, nec verberibus, aut ullis suppliciis ab ea prædicanda fuisse absterrosos. Porro tam mirabilis eorumdem mutatio signum est evi-  
den-

Grotio, atque etiam Rich. Simopio manus deimis, contententibus ex solis Christi miraculis, non autem ex prophetiis nostræ Religionis veritatem esse demonstrandam; contra quæ consulari Boanets *dans la Defense de la tradition, & des saints Pères Lib. III.*

(a) Vel ex hoc solo refellitur maligna Humi comparatio inter Christi miracula, & vanas Alexandri imposturas apud Lucianum (*Etai ses miracles* pagin. 43.). Alexander enim in Paphlagonia rudis, & imperitus decipit; id vero ausus non est Athenis, ubi ejus doli detecti fuissent. Christus autem, & ejusque discipuli Jerusolymis, & ubique palam sua miracula ediderunt.

(b) Spinoza in *Epist. 23. & 24. ad Oldenburghium* contendit, Christi Resurrectionem esse intelligendam *ethèraque*, & Apostolos, qui eam literaliter intellexerunt, fuisse deceptos.

(c) S. Aug. Lib. III. de *Cons. Evang. c. 28. Invenimus, inquit, apud quatuor Evangelistas, decem Dominum visum esse ab omnibus post resurrectionem: reuel ad monumentum a mulieribus: iterum tandem regressus a mulieribus in itinere: 3. Petros 4. duobus similibus in castellum: 5. pluribus in Jerusalem, ubi non erat Thomas: 6. ubi non videt Thomas: 7. ad mare Tiberiadis: 8. in monte Galilee, secundum Mattheum: 9. quod dicit Marcus novissime resurrectionis, quæ*



deutissimum, fuisse ipsis de Christi resurrectione certissime persuasum (a).

164. Neque etiam ullo modo credibile est, voluisse Apostolos Christi resurrectionem a se ipsis conficiam prædicare, ut totum mundum deciperent. Non equidem inficior semper mendaces, & impostores plurimos fuisse; at nemo gratis mentitur, nuntoque minus ut damnum sibi mendaciis suis conseiscat. At vero quid prædicatione sua quærebant Apostoli? ane divitias? honores? vitæ comoda, aut voluptates? Imo in summa paupertate, rerumque inopia vivebant: derisionibus ubique, contumeliis, injuriis lacebantur: labores incredibiles exantlantur: persecutiones denique, exilia, carceres, verbera, atque ultima supplicia constantissime sustinebant.

165. Nec fingi potest, hæc illis præter spem accidisse, ut nonnullis impostoribus quandoque contigit. Nam hæc ipsis fuerant a Christo Domino sæpe prædicta Lucæ VI. 22. Joann. XV. 18. & seq. Prædicationem etiam paulo post compleri animadvertent in Stephano, & Jacobo, & postea in aliis, & demum unusquisque in se ipso. Si ergo honoris, pecuniæ, vel commodi alicujus causa tantum mendacium machinati fuissent, debuissent tandem oculos aperire, & respicere. Atqui nemo unus ex sacro Apostolorum collegio, nemo ex discipulorum cœtu inventus est, qui vel minis, vel cruciatibus, vel crudelissimæ mortis aspectu territis mendacium confiteretur, vel a Christi resurrectione prædicanda desisteret: non itaque apertissime insanant, qui Apostolos credat, inito inter se consilio, Christi resurrectionem confingere, & prædicare voluisse?

166. Præterea vel concedunt adversarii Apostolos fuisse simplices, & rudes, prout reipsa erant, vel volunt, eos fuisse callidos, & astutos. Si primum, quomodo homines rudes potuissent tale inter se inire consilium, ut totum mundum deciperent? Et quomodo in hoc consilio tam constantiter permanere contra omnis generis difficultates, & persecutiones? Si autem fingamus, eos prudentes, immo astutos fuisse, quid tandem commodi ex hoc consilio se reportare posse sperabant? Sed de Apostolorum innocentia, morumque sanctimonia, ipsi eorum hostes, & persecutores testimonium reddunt: dum nihil aliud ipsis objicere poterunt, quam novi Evangelii prædicationem.

167. Verum eos fanaticos fuisse dicunt increduli, & addunt, facile posse a paucis fanaticis maximam hominum multitudinem in errorem induci; adeo ut aliqui scripserint, posse integræ na-

tioni persuaderi, diem non esse a sole, si sex tantum viri id sibi persuasum esse ostenderint (b). Qua in re, ut nihil prætermittant intentatum, aliqui etiam hæc fabula abutuntur, quam ex Luciano refert Petrus Bayle (c), scilicet fuisse olim Abderæ sub regno Lysimachi homines quodam epidemico morbo correptos, in cuius accessu adeo ægrotorum imaginatio æstuabat, ut quodam æstro perciti comædiæ recitarent, præsertim autem Andromedem Euripidis. Hujus autem mirabilis phenomenon causam fuisse dicunt celeberrimum quemdam comædum Archelaum, qui cum in fervidoribus ætatis caloribus Euripidis tragædiæ vehementer ageret, plurimos ex spectatoribus in comædos transmutavit. Unde Bælius more suo colligit, spiritum non minus, quam corpus esse epidemici morbis obnoxium; ut aliquis fanaticus in opportunis circumstantiis possit brevi temporis intervallo maximam multitudinem decipere.

168. Piget certe in lujusmodi nugis tempus frustra contere. Et quis, amabo, sibi persuadeat, Apostolos, ceterosque primos Jesu Christi discipulos fuisse homines fanaticos, qui tam sanctam, tam puram, sibi quæ tam bene coherentem religionem mundo annuntiarent? Præterea, ædum fanaticos, sed plane mentis impotes, & omnino bardos, & stupidos eos fuisse oportet, si in re tam clara, & manifesta decipi potuerunt. Agitur enim hic non de opinione aliqua theoretica, & ad intelligendum difficili, quo in genere aliquos decipi, & errori pertinaciter adhærere posse, concedimus; sed de facto sensibili, in quo non unum, aut alterum, sed omnes Apostolos, & discipulos fuisse a phantastica illusionē abreptos, non solū invero simile, sed plane impossibile est.

169. Nec video, quid ad rem nostram referat illa historia, vel potius fabula Abderitarum. Primo enim ille Abderitarum furor, si Luciano credimus, in maximis ætatis caloribus tantummodo duravit, cessavit autem penitus hyemæ adveniente. Apostolorum contra prædicatio tota eorum vita duravit, nec ulla Judæorum, aut Ethnicorum vi impediri potuit; & fides, ac religio Christiana ab ipsis propagata jam XVII. & quod amplius excurrit, sæculis floret. Secundo, quid, quæso, commune habet cum Apostolis asseruitibus, se Christum reditum viderisse, ille Abderitarum furor comædiæ Euripidis recitandi? Hujusmodi futilibus argumentis sanctissimæ religionis nostræ causa non solum non labefactatur, sed potius magis, magisque confirmatur (d).

170. Prob. 2. Veritas divinæ revelationis N. T.

EX

omnem cruciatum perferre, intolerabili dolore lacerari potius, quam aut officium prodant, aut fidem, ovis sibi tam graves leges imponerit, cum, quonobrem ita oportere, nihil habuit comprehensi, perrepti, cogniti, constituti?

(b) Vidi Fontenellius *Hist. des oracles* Diss. h. ch. 11.

(c) In *Dict. art. Abderæ* Rem. H.

(d) Abderitæ ut insani plerumque habebantur; un-

jam non erant in terra cum illo convitaturi: 10. in ipso die non jam in terra, sed elevatum in nube, cum in celum ascenderet, quod Marcus, & Lucas commemorant: Maldonatus autem in cap. XXVIII. Matth. tradit J. Christi apparitiones in sacris litteris invenisse se dicit.

(d) Quadrant in hæc locum: ex Ciceronis verba Lib. IV. *Academ. quæsti. cap. 8. Hæc sit veritas, quæ statim*



ex multis, & clarissimis prophetiis, quibus Dominus noster Jesus Christus suam divinitatem, & totam cælestem suam doctrinam mirifice confirmavit. Omnium prima se se offert prædictio suæ resurrectionis post tres dies. Erat hujus prophetiæ eventus punctum illud immobile, unde tota Apostolorum fides suspendebatur. Fuisse autem hoc Christi vaticinium, quod certe nulla humana prudentia prævidere poterat, opere completum, jam supra evidentissime demonstratum est.

171. Alia est insignis prophetia sæpius quidem etiam in V. T. libris expressa, sed a Christo clarius explicata de Judæorum reprobatione, & vocatione gentium. Eam proposuit Christus *Matth. XXII. 33.* & seq. sub parabola Patrisfamilias, qui misit servos in vineam suam, ut fructus colligerent; sed maliagricolas alios occiderunt, alios lapidarunt. Paterfamilias postremo misit Filium suum; sed eum quoque ejecerunt extra vineam, & occiderunt. Quis non videat in hac parabola per agricolas designari Judæos, quibus vera religio tanquam vinea excolebatur tradita fuit, & ad quos Deus omni tempore misit prophetas servos suos, qui tamen ab eis vel expulsi, vel occisi sunt? Postremo Deus misit Filium suum unigenitum, quem ejicientes extra vineam crudeliter occiderunt. At vero ita Christus parabolam concludit: *malos male perdet, & vineam suam locabit aliis agricolis.... auferetur a vobis regnum Dei, & dabitur genti facienti fructus ejus.* Idem aperte, & sine parabolis prædixit Christus *Matth. VII. 12. Multi ab oriente, & occidentem venient, & recumbent cum Abraham, & Isaac, & Jacob in regno cælorum; filii autem regni ejicientur in tenebras exteriores (a).*

172. In hac prophetia, ut Bossuetus observat (*Discours sur l'Hist. univ. P. II. ch. 29.*) tria concurrunt notatu digna, scilicet reprobatio, & dispersio Judæorum, conversio gentium, & utriusque eventus epocha in Evangelii prædicatione: quæ tria fuisse eventu comprobata, cæcus est, qui non videat.

173. Neque vero quis opponat, Christum gentibus non prædicasse, immo *Matth. XV. 24.* *lovisse palam testatum, se non esse missum, nisi ad oves, quæ perierunt domus Israel.* Non inquam: hoc enim præstiterunt postea Apostoli ex ipsius mandato. Deinde hoc ipsum fuerat a Prophetis antea prænuntiatum *Isaia LXVI. 19. Mittam ex eis, qui salvati fuerint, ad gentes in mare, in Africam, & Lybiam tendentes sagittam: in I-tahiam, & Græciam, ad insulas longe &c.* Sic in verbis supra allegatis Christus non prohibuit Apostolis, ne irent post suam mortem ad conver-

tendas gentes. Immo S. Paulus testatur, id fuisse ab ipso Christo Domino præceptum; ita enim inquit act. XIII. 40. *Judæos alloquens: Vobis oportebat primum loqui verbum Dei; sed quoniam repellistis illud, & indignos vos judicatis æternæ vitæ, ecce convertimur ad gentes, sic enim præcepit nobis Dominus.*

174. Tertium Jesu Christi vaticinium respicit Jerusalem obidionem, & eversionem, quæ paulo post facta est; & cujus etiam minores circumstantias Christus prædixit *Matth. XXIV. Marci XIII., & Lucæ XXI.* Primo enim prædicit Apostolorum persecutionem, quæ præcedere debebat. Sed ante hæc omnia (scilicet ante bella, terræmotus, famines, & pestilentias, quæ ultimum civitatis excidium præcedere debebant) *injicient vobis manus, & persequentur &c.*; quod in Stephano, Iacobo, aliisque impletum fuit. Ulterius prædixit, futurum tunc temporis multos pseudo-prophetas; & reipsa Josephus Lib. II. de bello judæico cap. 13. narrat, tunc fuisse nefariorum turbam, qui non minus, quam scarii, civitatis felicitatem perditum ibant, homines scilicet seductores, & fallacis plenos, qui specie divini afflatus novis rebus, & mutationibus stultentes, vulgo, ut insaniret; persuadebant. Alios etiam eodem tempore fuisse deceptores, falsosque prophetas, Simonem inquam, Elynam, Apollonium Tyanæum ex historia constat, ut nulla unquam inajor fuerit talium hominum colluvies. Tertio movit Christus fideles suos, ut cum viderent circumdari ab exercitu Jerusalem, pro certo haberent, futuram esse ipsius desolationem, & propterea fugerent ad montes. Quod & factum fuit; omnes enim epim Pellam recesserunt parvam in montanis urbem, ut Eusebius Lib. II. *Hist. Eccl. c. 5.*, & Epiphanius *Har. VII.*, & in Lib. de ponder. & mens. testantur. Certe nec a Josepho, nec ab ullo alio Historico aliquis Christianus memoratur, qui in eo civitatis excidio periret, in quo tamen necdies centena Judæorum millia interisse dicuntur a Josepho Lib. VI. de bello judæico, c. 9.

175. Duo adhuc sunt in hoc vaticinio minime prætereunda. Primo Christus prædixit tempus, quo illud adimpleri debebat, inquit *Matth. XXIV. 34. Amen dico vobis, quia non præteribit generatio hæc, donec omnia fiant.* Secundo prædixit, talem futuram civitatis eversionem, ut non esset relinquendus lapis super lapidem *Lucæ XIX. 44.* Jam vero annus erat ætæ Christi, sexagesimus octavus, vel circiter trigessimus quintus ab edita prophetia, quando generatio illa novum præterierat, cum Romani ducibus Vespasiano, & Tito bellum judaicum orsi sunt, quod cum ever-

sio-

de illud Martialis X. 25. *Abderitana pectora plebis habet; scilicet insanus est.* Juvenalis etiam Sat. X. 50. *Abderam vocabat patriam verecum.*

(a) Gentium conversio fuerat in V. T. sæpius prædicta, ut *Jere. XIII. 19. Ad te gentes venient ab*

extremis terra, & dicent: vere mendacium possederunt Patres nostri, vanitatem, quæ eis non profuit. *Psal. XXI. 27. Converterent ad Dominum universi fines terræ, & adorabunt in conspectu ejus, universa familia gentium.*

sione Jerusalem confectum est. Et quia adhuc vestigia quadam incensæ civitatis supererant, Divina Providentia voluit ad litteralem prophetiæ adimpletionem, ut postea Elinus Hadrianus etiam illa deleteret; lapides enim dirutæ civitatis alio transiit, ut novam urbem edificaret, quam ex suo nomine *Aliam* vocavit; & ita non est relictus lapis super lapidem.

176. Ridiculi autem plane sunt, qui cum Roussevio, aliisque ejusdem furfuris scriptoribus, harum, aliarumque similium prophetiarum adimpletionem vel casui adscribunt, vel naturali prævisioni. Quomodo enim poterat vel casu contingere, vel naturaliter prævideri Christi resurrectio? aut Judæorum reprobatio, & Gentilium vocatio? aut denique tam accurata exiitii Jerosolymitani descriptio? Ex historia novimus, Titum impendisse omnem operam, ne templum, celebre illud vetustæ magnificentiæ monumentum, dirueretur; adeo ut non tam hostium furore, quam Dei punitione, ut prædictum erat, fatalem illius urbis, templique eversionem contigisse, manifeste appareat.

177. Sed & illud accedit pariter ex historia notissimum, & ex auctoribus nedum sacris, sed etiam profanis contestum, consensum fuisse olim Julianum Imperatorem templum restaurare, atque ad id opus perficiendum accurrisse ex omni parte Judæos: verum erumpentibus flammarum globis, & exustis operariis non potuisse opus inchoatum perfici. (Vid. Ammianus Marcellinus Lib. XXIII. cap. 1., & Warburtonii erudita dissert. contra Basugium, & Middletonum Paris. 1754.)

178. Obji. 1. Traditio miraculorum, & prophetiarum Christi adeo remota est, ut neminem prorsus movere nunc possit: quemadmodum objecta si nimis remota sint, oculos non percellunt. Et ulterius, ut de hujus traditionis veritate certus quis esse posset, deberet primo mundi annales examinando omnia sæcula usque ad ejusdem traditionis originem percurrere; quis autem, non dico inter privatos homines, sed vel inter sapientes, possit omnia antiquitatis monumenta discurrere, ut tandem de istius traditionis veritate certus sit? Secundo: etiam si id fiat, non propterea de harum veritate certi erimus. Quid enim aliud sunt tot illi homines, qui per octodecim sæcula allegantur miraculorum Christi testes, quam populus exscriptorum? Soli Apostoli, vel pauci alii iis cœvi ea videre potuerunt: ceteri autem, etiam si infusiti sint, nullum possunt testimonio Apostolorum pondus addere. Iuxta tertio quanto magis a primis te-

stibus recedimus, eo magis aliorum auctoritas diminuitur. Nam certe minus fide dignus est testis, qui nihil præter auditum habet, quam qui rem propriis oculis usurpavit; & rursus minore fide dignus est tertius, qui nec propriis oculis rem vidit, nec ab eo, qui vidit, sed ab alio teste solum auro: & sic deinceps certitudo testimonii semper decrevit: *pluris enim est oculatus testis unus, quam auri decem*, ut ait Plautus in *Trucul.* Act. II. scen. 6. (a).

179. Resp. Vanas has esse cavillationes, quæ si aliquid roboris haberent, non solum Christi miracula, & vaticinia, sed omnia plane vetusta historiæ monumenta in-dubium essent revocanda, & purus, putisque *Pyrrhonismus* introducendus. Antiquissima hominum gesta nobis vicina, & quasi presentia sunt traditionis ope. Ut autem de traditionis miraculorum, & vaticiniorum Jesu Christi veritate quis certus fiat, satis est, ut volumina ecclesiastica singulorum sæculorum aperiat: videbit enim in omnibus Evangelia, aliosque sacros Libros commemorari, in quibus tituli nostræ religionis certissimi continentur. Videbit, hæc monumenta fuisse primorum fidelium manibus contrita, eadem perpetuo conservata, ac debito cultu venerata, ut nullum de iis prudens dubium suboriri possit.

180. Ad 2. resp. ut de veritate alicujus facti constet, satis esse illius traditionem a testibus oculatis, & fide dignis primo ductam ita a patribus in filios, ac nepotes continua serie usque ad nos descendisse, ut si iterum ad primam originem ascendere velinuis, ubique in omnibus sæculis quasi lineas inveniamus, quæ illic nos ducant. Hoc in casu nostro contingit: cum enim omni ævo sacrorum librorum mentio ubique occurrat, necessario concludimus, non fuisse eos a posteriore aliquo nebulone præcisos. Semel ac vero constitit, eos sacros Libros fuisse ab Apostolis, & Discipulis Christi conscriptos, nec ab illo mendacii convictos, jam certo concludere debemus, facta in iis exposita esse vera. Nec alio modo certi erimus, fuisse olim duos celebres Imperatores, Cæsarem, & Pompejum, eos inter se de Principatu dimicasse, Pompejum victum &c., nisi cognita, perpetuæ traditionis ope, librorum, in quibus hæc consignata fuerit, *adversis*. Hac autem semel comperta, jam testibus cœvis fidem præstamus, qui ea scriptis mandarunt, quæ vel propriis oculis ipsi viderunt, vel ab oculatis, omnique fide dignissimis acceperunt.

181.

(a) Ex hoc principio Jo. Craigius Anglus in opere: *Principia Mathematicæ Theolog. Christianæ* errare conatus est, finem mundi post an. 3150. a Christi morte futurum. Mundi enim, inquit, tunc finis erit, quando omnis probris fides evanuerit; at vero, si primus certitudinis gradus eorum est, qui Christi miracula propriis oculis viderant; secundum eorum, qui ea ab Apostolis audiverunt; tertius, qui ab auditoribus Apo-

stolorum eadem cognoverunt, & sic deinceps, miro calculo sibi demonstrare vius est, ita sensim, ac sensim fidem diminuant, ita, ut post 31. sæcula amplius sit. Contra hanc paradoxam celeberris aliquando Mathematici supputationem styllum acuit Jo. Edvardus in libro: *Difficilia fidei, & justificationis*. Vid. etiam Houttevilleus dans la religion prouvée par les faits Tom. IV. prem. difficulté.

181. Quod autem tercio loco additur, merum est sophisma, cui dissolvendo satis sit considerare, tam nos, qui ab Apostolorum ævo septemdecim sæculis distamus, quam illos, qui proxime illis successerunt, eodem modo Apostolis, testibus oculatis credere, cum miracula, & vaticinia Christi credimus. Iidem sunt libri sacri, in quibus fideles II. sæculi hæc legebant, quæ nos hodie legimus: nec inajora illi habuerunt suæ fidei argumenta, quam nos habemus.

182. Neque verum est, quod in argumento fallaciter supponitur, eos, qui III. Ecclesiæ sæculo floruerunt, duntaxat ab auditoribus Apostolorum Christi miracula, & vaticinia audivisse: omnium enim sequentium sæculorum Christiani, qui sunt, fuerunt, vel erunt, ab ipsis Apostolis immediate testimonium accipiunt; scilicet ab eorum libris, qui incorrupti usque ad nos pervenerunt. Hos autem libros vere fuisse ab Apostolis, vel Christi discipulis conscriptos, adeo constanti traditione liquet, ut nihil certius in historia haberi possit. Neque enim Homeri, aut Virgili, Demosthenis, aut Tullii, Xenophontis, aut Livii sæpius mentionem factam omnium ævo invenimus, quam Evangeliorum, ceterorumque sacerdotum codicum: adeo ut qui eos confingere aliquo tempore voluisset, id facere non aliter potuisset, quam corruptis, vitiatisque omnibus omnino præcedentibus Ecclesiæ monumentis. Sed hac de re uberius infra disputabimus (a).

183. Obj. 2. Tertullianus in lib. III. *adv. Marcionem* cap. 5. omnino negat, posse ex miraculis Christi efficaciter pro nostræ religionis veritate argumentum deduci, quia, inquit, ipse Christus edicens, multos venturos & signa facturos, & virtutes magnas edituros.... nec ideo tamen admittendos, temerariam signorum, & virtutum fidem ostendit, ut etiam apud pseudochristos facillimarum. Aut quale est si inde voluit probari, & intelligi, & recipi, ex virtutibus dico; unde ceteros noluit, æque & ipsos tam subito venturos, quam a nullo auctore prædicatos?

(a) Non puto, adversarios non provocatos ad *de-  
liria* Harduini, qui in opere, cui titulus *Chronologia  
ex nummis antiquis proposita prolatio*, non solum sa-  
ceres, sed etiam profanos scriptores, paucis exceptis,  
apocryphos esse voluit, & ab impia quadam sæc. XIII.  
sæcra confictos. Sed quisnam tam paradoxæ opinioni  
calculus adiecit? Quis non eam execratus est? Nimis  
longum esset eorum catalogum conficere, qui temeritate  
Harduini castigantur. Hanc erroneam nam  
opinionem Harduinus juravit, sed non ita pridem, sci-  
licet anno 1766. prolixi Londini liber cum hoc ti-  
tulo: *Jo. Harduini Sermone ad censuram scriptorum  
veterum Prolegomena* juxta autographum, quod post  
ejus mortem in ejus scriptis repertum fuisse, editor  
testatur.

(b) Eadem fere ratione S. Augustinus in fine epistol.  
138., postquam dixisset, inane errare, qui *Proph-*

184. Resp. Tertullianum, ut Marcionem faci-  
lius, & brevius refelleret, solum velle, miracu-  
la Christi eo esse efficaciora ad probandam divi-  
nam ejus missionem, & doctrinam, quæ & ipsa  
& cetera omnia ejusdem gesta fuerant jam a Pro-  
phetis prænuñciata; unde immediate autem dixe-  
rat: *at ego negabo, solum hanc illi speciem*  
(nempe miracula) *ad testimonium competisse;*  
contendens nimirum miraculis adjuvandas esse  
veteres de Christo prophetias. Tertulliani enim  
scopus erat, Marcionem convincere Christum es-  
se Filium Dei Creatoris; quod efficacissime pro-  
bat ex prophetis V. T. scripturis, præcipue cap.  
12. & seq. Hæc tamen Tertulliani sententia ini-  
mè impedit, quod etiam ex miraculis solis Chri-  
sti Domini efficaciter duci possit argumentum pro  
divina ipsius doctrina comprobanda. Neque offi-  
cit antiqua similitudo falsorum prodigiorum, quæ  
a pseudoprophetais patranda esse Christus prædi-  
xit, cum notæ, & characteres suppetant, quibus  
vera miracula a falsis demonis præstigiis tante  
seceramus (b). (Vid. quæ supra diximus Dis-  
sert. II. u. 224. & seq.).

185. Obj. 3. Apollonius Tyanæns non minus  
illustres fuit miraculis, quam Christus Jesus; non  
obrem Hierocles Egypti præfectus eum Christo  
æquiparabat (c). Ejus vitæ prodigiis plenam oc-  
to libris complexus est Philostratus (d), & post  
eum Nicomachus, Thraicius Victorianus, Sido-  
nius Apollinaris, & quidam Sothericus, teste So-  
lida. Tanta miraculorum copia & vite sanctimo-  
nia se commendavit, ut divinos honores prome-  
ritus sit, non solum a Tyanensibus, ut Philostratus  
testatur Lib. I. cap. 4., sed etiam ab Impera-  
toribus Adriano, & Antonino Caracalla (ut re-  
fert Dio Cassius Lib. 77.). tunc etiam ab Ale-  
xandro, qui postremus ejusdem imaginem sua  
cum imagine Jesu Christi in suo larario colebat,  
si vera narrat Lampridius (in vita Alexandri cap.  
29.). Immo addit Vopiscus, eandem Apollonii im-  
aginem in pluribus templis fuisse adoratam (in  
Aureliana c. 24.). Eusebius etiam fatetur, suo  
tempore (id est sæc. IV.) fuisse, qui dicebant;

*his sanctis miraculorum magnorum nobilitate præstanti-  
bus magos comparant, concludit, multo magis errare,  
qui magos comparant Christo, quem Propheta illi præ-  
nuñciaverunt &c.* & Lactantius Lib. V. *divin. Instit.*  
cap. 3. ita auctorem libri *gassiat*; seu Hieroclem al-  
loquebatur: *Dice igitur, si quid tibi cordi est, non  
solum clericis a nobis Deum creditum Christum, quia  
mirabilia fecit, sed quia vidimus in eo facta esse om-  
nia, quæ nobis annuntiata sunt vaticinio prophetarum.*  
*Fecit mirabilia; magnam patiens, ut & vos nunc  
putatis, & Judei tunc putaverunt, si non illa ipsa fan-  
tatum Christum Propheta omnes quo spiritu prædicasset.*

(c) In libro inscripto *Θαλαττα*, quem Eusebius re-  
latavit in sua *Demonstratione Evangelica*.

(d) Inventum in editione operum Philostrati facta a  
Friedr. Morello.



ejus nomini invocato magicis insens virtutes ad superstitionis quædam peragenda.

186. Resp. Si quæ de Apollonio Tyaneo referuntur, ad justam criticæ læcen expendantur, tantum apparere inter ejus, & Jesu Christi opera discrimen, ut intrauda sit eorum audacia, vel stupiditas, qui ausi sunt unum alteri conferre. Primo enim Christi miracula, præcipue autem resurrectionis a mortuis, & in celum ascensio, a pluribus oculatis testibus non solum verbis, & scriptis, verum etiam sanguine, & vita confirmata sunt: ab iis inquam testibus, qui, ut ostensum est, neque falli hac in re poterant, nec ullo motivo induci, ut alios fallere vellent. Contra Philostratus, qui Apollonii gesta vulgavit, non testis oculatus, neque cœvus, sed integro plane sculo posterior fuit; scripsit enim hæc Sæc. II. desinente, ut apud Julianum Piam Septimii uxorem, quæ prodigiorum narratio delectabatur, gratiam iniret; Apollonius autem Sæc. I. usque ad Domitianum vixit. Adhibet quidem Philostratus testes aliquos cœvos, nempè Dainidem Assyrium, Maximum Egeiensem, & Mæragemen quendam, qui aliqua de Apollonii gestis monumenta reliquerant: sed obscuro hi homines sunt, quibus nunquam nec ipse Philostratus fudit: nemo alius ex tot synchronis, gravibusque scriptoribus, qui ea ætate floruerunt, allegatur. Scimus etiam, quemdam Philosophum nomine Euphratem Apollonio contradixisse, & satyras contra eum edidisse; nuda acies inter eos discordiæ natæ sunt. Porro Euphrates magna doctrinæ, & Philosophiæ laude celebratus fuit a Plinio (Lib. I. epist. 10.), ab Epicteto (apud Arrianum Lib. III. cap. 25.), ab Eunapio Sophista (in præf. ad vitas Philosophorum), & ab aliis.

187. Ex his autem primo colligere possumus, multa, quæ de Apollonio Philostratus narrat, necessarii fundamentis carere, ut prudenter credantur. Præcipue cum apertæ fabulæ, & pueriles nugæ sæpe immixtæ sint; ut cum Apollonius assererat, leonem coram se adstantem esse Amasim, antiquum Egypti regem; aut amici cujusdam sui uxorem esse dæmonem feminei sexus: & hujus generis similia, quæ videri possunt apud Eusebium (Lib. contra Hieroclem), & Photium (in Bibliotheca cod. 44.), qui postremus non inepte appellat Philostratum fabularum scriptorem *μυθρηγάρης* (cod. 241.). Secundo si

quæ vera sunt ab illo mirabilia facta, ea esse dæmonis arti, & potentie tribuenda; constat eum eum insignem fuisse magum, cujusmodi fuisse non paucos ea ætate testatur historia (a). Videtur quippe dæmon, qui Dei simiam agit, & transfiguratur se in Angelum lucis, Apollonium, aliosque magos eo tempore suscitasse, ut Christi miracula obscuraret, ac sanctæ ejusdem religionis propagationis obstacula poneret. Deus autem id permisit, ut electos magis attentos, ac probatos redderet.

188. Postremo maximum inter Dominum Jesum Christum, & Apollonium apparet discrimen, vel ex eo solo, quod religio ab eo fundata semper magis, magisque crevit, ac de vario, & multiplici hominum genere tandem ubique victrix triumphavit. Contra autem Apollonii cultores nec multi eo vivente fuerunt, nec post ejus mortem aucti sunt, nec demum diu ejus secta duravit. Certe Lactantius sæc. IV. ita fidenter Hieroclem provocare non dubitavit Lib. V. *Divin. inst.* cap. 3: *cur igitur, o delinix caput, nemo Apollonium pro Deo colit? Nisi forte tu solus, illo scilicet Deo dignus, cum quo perpetuo te verus Deus punit. Nempè hic usurpandum est illud sapiens Gamalielis principium Act. V. 38. Si est ex hominibus consilium hoc, aut opus, dissolvetur; si vero ex Deo est, non poteritis dissolvere illud (b).*

189. Obj. 4. Apostoli potuerunt in errore hæc modo induci. Quando Josephus ab Arimalthæa, & Nicodemus Christum de Cruce deposuerunt, fortasse eum adhuc vivum invenerunt. Nec suspicio ista fundamento caret; Joanne enim Evangelista referente cap. XIX. 32. latroones, qui cum Christo fuerant crucifixi, nondum mortui erant; & ut testatur S. Marcus XV. 44. *Pilatus mirabatur, si jam obisset.* Joseph ergo, & Nicodemus Christum sepultum simulaverunt, reipsa autem eundem abscondi quam diligentissime curarunt: itaque Christus medicamentorum ope restitutus, & per occultas cœnaculi fores ad Discipulos introductus, eis reditivus visus est. Profecto S. Matth. XVII. 62. & seq. dicit, nonnisi altera die post Parascenven Principes Sacerdotum, & Phariseos petisse a Pilato, ut juberet custodiri sepulcrum: illi autem impetrata militum custodia signarunt sepulcrum, sed vacuum (c).

190. Resp. Nihil esse in tota hac machina, quod si

(a) Sancti Augustinus epist. CII. quæst. 6. loquens de Apulejo, & Apollonio, primo dicit, eorum mira multa nulla fidei auctoritate jactari: postea subdit: *quoniam & dæmones nonnulla faciunt Angelis sanctis similia, non veritate, sed specie, non sapientia, sed plane fallacia.* & in epistol. CXXXVIII. cap. 2. *Quis autem, ait, vel risu dignum non putet, quod Apollonium, & Apulejum, veterosque magicarum artium peritissimos conferre Christo, vel etiam præferre conantur.* Sancti etiam Jo. Chrysostomus Hom. III. in Judæos Apollonii miracula nonnisi mendacia, atque il-

lesiones fuisse asserit. Vid. pariter S. Hieronymus epist. ad Paulinum LIII. T. I.

(b) De Apollonii imposturie, præter citatos jam Eusebium, Lactantium, & Photium, videri possunt Fillemontius Tom. II. *Hist. des Emper.*, Dupinss diss. sur l'histoire d'Apollonius convaincu de fausseté in 12. Baronius ad ann. Christi 88. Scaliger in Eusebianis numer. 278., Huetius in *Demonstratione Evangel.* Proposit. IX. cap. 147. & alii innumeri.

(c) Mitto paradoxum Mahometis, qui in Alcorano commentus est, alium loco Christi fuisse crucifixum,



si vel leviter excutitur, non statim ex se ipsa corruat. Primo quis credat, Christum non fuisse mortuum, quando a cruce depositus fuit? Cum toto inspiciente populo expiraverit, & cum insuper fuerit latus ejus lancea transfossus? Accedit, quod Pilatus Josepho ab Arimathæa fidem non adhibens, Centurionem hac de re interrogavit; nec prius Corpus Jesu Josepho concessit, quam cum mortuum esse cognovisset, Marci XV. 44. & seq. Secundo, quid inverisimile magis, quam Judæorum Principes, & Phariseos, quando venerunt, ut sepulcrum signarent, non observasse prius, an Christi cadaver ibi esset? Quid enim signare sepulcrum proderat, si quid intus lateret, ignorabant? Ulterius, si hanc diligentiam incante prætermisissent, occur postea, audita fama resurrectionis Christi, non statim divulgarent, fuisse ab Apostolis ejus corpus furto sublatum, antequam sepulcrum a militibus custodiretur? Cur potius miserabile illud effugium invenerunt, ut pecunia milites custodes seducerent, ut dicerent, se dormientibus fuisse a Discipulis Christi cadaver furto sublatum? Demum, quod additur, Christum medicamentorum ope restitutum, fuisse clam in cœnaculum introductum, mirum quantum cum Evangelica historia pugnat. Esto enim Discipulis alio distractis potuisset Christus per occultas fores inobservatus intrare, anne poterat etiam ex eorum oculis evanescere, & quidem non semel, aut iterum, sed pluries? An etiam illud, cum quingentis, & amplius fratribus visus est, ut Paulus testatur? 1. Corinth. 7. An cum omnibus insipientibus in cælum esset elevatus, & nubes suscepit eam ab oculis eorum? Hæc omnia, & alia ejusdem generis prorsus incredibilia debent increduli sibi fingere, dum veris Christi miraculis fidem adhibere recusant.

191. Instab. 1. Evangelistæ in describenda historia Christi resurrectionis secum aperte collidunt, ut nullum proinde esse possit mendacii evidentius indicium. Et quidem primo Matthæus dicit cap. XXVIII. 1. mulieres venisse ad sepulcrum Christi *vespere sabbati*. Marcus cap. ult. *orto jam sole*, Joannes autem cap. XX. *cum adhuc tenebræ essent*. Præterea alia contradictio inter Marcum, & Matthæum in oculis statim incurrit. Matthæus enim mulieres venisse dicit *vespere sabbati*, quæ luceat in prima sabbati. Marcus autem, cum transisset sabbatum. Tertio Matthæus refert, Angelum mulieribus Christi resurrectionem nunciasset, Joannes autem oculatus testis nedom id silet, sed Matthæum falsitatis accusare videtur, Magdalenam, cum Domini Corpus non invenisset in monumento, ecurrisse ad Petrum, & Joannem, atque his verbis fuisse lamentabiliter conquestam: *Tulerunt Dominum de monu-*

*mento, & nescimus, ubi posuerunt eum*, quod certe non dixisset, si de resurrectione ejus ab Angelo fuisset edocta. Postremo si Lucam audiamus, mulieres viderunt duos viros in veste fulgenti XXIV. 4. si Joannem, duos Angelos in albis: si autem Matthæum, non nisi unum Angelum erat, isque super lapidem sedens; & denique si Marcum consulamus, erat unus juvenis.

192. Resp. Leves has esse antilogias, non veras, sed apparentes, quæ substantiam rei tot, tantisque argumentis roboratam infirmare nullatenus possunt. Immo ex his eruitur, Evangelistas non ex pacto, aut conventionem inter se facta, Evangelicam historiam composuisse; quid enim facilius erat, quam leves has discrepantias evitare?

193. Ad primum autem, & ad secundum facile respondetur, illud Matthæi *vespere sabbati*, seu, ut Græcis habet, *ἡμέρῃ τῇ ἑβδόμῃ*, significare in fine sabbati, nempe hebdomadæ (nam sabbatum quandoque in scripturis sumitur pro hebdomadæ; unde illud Pharisei *Lucæ XVII. 22. Jejuno in Sabbato*); seu quod idem est, hebdomadæ jam elapsa; quod aliter dixit Marcus: *Et cum transisset sabbatum*. Sic etiam tollitur contradictio inter Marcum, & Joannem, si verba Marci *ἡμέρῃ τῇ ἑβδόμῃ*, latine ita reddamus: *oriente sole*: quando scilicet tenebræ quidem adhuc sunt, incipiunt tamen a sole ex oriente dissipari (a). Vel dici potest, Joannem locutum esse de tempore, quo mulieres a propriis domibus discesserunt, & tunc tenebræ adhuc erant. Marcum vero de tempore, quo ad monumentum pervenerunt, *orto jam sole*.

194. Ad tertium. Nulla est ibi contradictio; sed solum aliquas circumstantias, quas Matthæus siluerat, Joannes, testis oculatus, exposuit. Matthæus enim omisissis his, quæ antea configerant, solum memorat, fuisse ab Angelo Christi resurrectionem nunciatam. Joannes autem, quæ ante Angelorum colloquium configerant, accuratius exposuit, scilicet primo venisse Mariam Magdalene ad sepulcrum, & non invento corpore Domini, ecurrisse ad Petrum, & Joannem, cum isque de ejusdem sublatione conquestam; deinde discipulos non invento corpore Domini abiisse. Hæc omnia prætermisit Matthæus; & solum narravit, quod sequitur, Mariam Magdalene, quæ desiderio Domini videri, a sepulcro non recesserat; vidisse duos Angelos in albis sedentes, a quibus tum ipsa, tum alie mulieres de Christi resurrectione edoctæ fuerunt. Itaque nulla est inter Matthæum, & Joannem contradictio; si quas iste fortius narrat circumstantias, ille omisit.

195. Ultima nec responsum fere meretur. Cum enim Angeli non aliter quam in forma humana apparuerint, potuerunt sine ulla contradic-

tio-

quis in absurda opinione ipsum Basilides, & Marcion præcesserunt.

Gazzaniga Theol. Tom. I.

(a) Ita Sanctus Augustinus Lib. III. de conc. Evangeliz. cap. 25. Tom. III. P. II.

tionem modo *Angeli* appellari, ut reipsa erant, modo *vir* aut *juvenes*, ut videbantur. Nec Matthæus, aut Marcus in singulari numero loquentes contradicunt Lucæ, & Joanni, qui duos nominant. Primi enim nonnisi eum memorant, qui mulieribus locutus est; unde Matthæus inquit: *Respondens autem Angelus* (hoc est, sermonem exordiens secundum Hebræorum phrasim). Lucas autem, & Joannes duos memorant, qui præsentem adstant. Neque enim quemquam moveat, quod alicubi *Angeli* dicantur *stare*, alibi *sedere*: stare enim hic non designat corporis situm, sed præsentiam tantum (a).

296. Inst. 2. Christus suam resurrectionem prædixit post tres dies Matth. XII. 40. *Sicut enim fuit Jonas in ventre ceti tribus diebus, & tribus noctibus, sic erit filius hominis in corde terræ tribus diebus, & tribus noctibus*, & Marci VIII. 31. *Oportet filium hominis... occidi, & post tres dies resurgere*; atqui tamen resurrexisse dicitur multo prius, ergo &c.

197. Resp. Christi prophetiam, quæ se resurrexurum esse prædixit post tres dies, non ita esse intelligendam, quasi integris tribus diebus deberet in sepulcro inanere, sed triduum hic accipitur per synecdochen, hoc est pro tribus diebus incompletis: unde etiam Lucæ XXIV. 7. dicitur: *oportet filium hominis... crucifigi, & tertia die resurgere*, quod reipsa opere completum est. Nam sepulcro traditus fuit die parasceve, in eo mansit tota die sabbati, & nonnisi die Dominica resurrexit: quæ in re acute S. Leo (Serm. I. de resurrectione) miram Domini æconomiæ observat, qui simul & veritatem prophetiæ servavit, & discipulorum mororem minime studuit. Ne turbatos, inquit, discipulorum animos longa mæstiudo cruciaret, denunciatam tridui moram tam mira celeritate breviasse, ut dum ad integrum secundum diem pars primi novissima, & pars tertiæ prima concurrat, & aliquantum temporis spatio decederet, & nihil dierum numero deperiret.

198. Neque obest in laud. Matthæi loco dici, Christum futurum in corde terræ tribus diebus, & tribus noctibus, cum tamen nonnisi duæ noctes interfuerint, nam hic dies, & nox sumuntur simul ad denotandum diem naturalem; non ad significandas accurate illas duas partes, quæ diem naturalem constituent.

199. Inst. 5. Discipuli futuram Christi resurrectionem ignorabant; dicitur enim de ipsis Joann. XX. 9. *nondum sciebant scripturam, quia oportebat eum a mortuis resurgere*. Et ulterius etiam, postquam Christus rediivus apparuit, quidam dubitasse dicuntur Matth. XXVIII. 17.

200. Resp. ad primum. Non potuisse Apostolos omnino ignorare futuram Christi resurrectionem, de qua fuerat toties Christus ipse locutus: Solum igitur sensus est, ipso Christo fidem non omni ex parte adhibuisse. Quamobrem cum vatum sepulcrum invenerunt, suspicati sunt, fuisse ejus corpus furto sublatum.

201. Quod autem Sanctus Matthæus quosdam de ejus resurrectione dubitasse dicit, referendum est ad S. Thomam, cujus dubitationem S. Evangelista eo capite refert, omnia, quæ post Christi resurrectionem evenere, breviter, nulloque servato ordine comprehendens. Nec obest numerus pluralis ab Evangelista adhibitus, cum dicit *quidam dubitarent*; nam hoc explicari potest per analogiam numeri Scripturæ familiarem; & præterea fortasse non unus Thomas, sed nonnulli alii cum eo de veritate resurrectionis dubitarent; quod innuit etiam Marcus dicens, Christum *exprobrasse incredulitatem eorum, & duritiam cordis, quia iis, qui viderant eum resurrexisse, non crediderunt* XVI. 14. Ceterum hujusmodi Thomæ, aliorumque incredulitas non solum veritatem resurrectionis non labefactat, sed potius majorem in modum confirmat; apparet enim, eos non fuisse de hac veritate convictos, nisi postquam eam suis veluti inanibus confectant; unde S. Gregorius (Hom. XXVI. in Evang.) *Plus, inquit, nobis Thomæ infidelitas ad fidem, quam fides discipulorum credentium profuit*.

202. Instab. 4. (b). Si Christus vere a mortuis resurrexerat, operæ pretium erat, ut Sacerdotibus, & Principibus populi sese in primis ostenderet: cum enim resurrectio esset ipsius divini missionis quasi sigillum, maxime congruum videbatur, ut apud illius Gentis principes, ad quam Christus missus erat, præcipuum suæ legationis signaculum patefaceret, eo fere modo, quo legatus ad rempublicam missus Senatui, & Principibus populi missionis suæ litteras potissimum ostendere debet.

203. Accedit, quod si illorum testimonium fides, quibus Christus apparuisse dicitur, diligentius examinetur, facile nitabit. Sunt enim feminæ natura superstitiosæ, & facile credulæ, quibus nec Apostoli fidem adhibuerunt, testante S. Luca cap. XXIV. II. sunt duo discipuli pergentes Emmaus, qui per longam viæ tractum cum Christo euntes, & confabulantes, eum minime novērunt; novissæ autem solam dicuntur in fractione panis, quando ex eorum oculis evanuit. Dicitur & aliis discipulis apparuisse, sed negotium facessit, quod subditur, eos scilicet primo intuitu *consturbatos, & contritos existimasse se spiritum videre* Lucæ XXIV. 97., tum januis clausis in-

tras-

(a) De his, aliisque similibus analogiis Vid. Mich. Manduit *Analyse de l'Évangile* T. IV. sec. edit. Diss. 39.

(b) Una cum Celso apud Origenem Libro II. contra

Celsum n. 93. cujus objectionem postea suscitavit Spinoza in epist. 23. & post ipsum Th. Wolstenus Anglus in postremo suo sermone de miraculis Christi.

transse in cœnaculum, atque ex oculis discipulorum evanuisse; unde suspicari possumus aliquod phantasma fuisse. Thomas quidem eum tangere voluit, immo digitos in vulnera iungere, sed primo mirum est, id fuisse Thomæ concessum, cum antea Magdalenæ dixisset Christum se antequam ad cœlum ascenderet, tangi non posse, Joann. XX. 17. Et ulterius magis mirum est, in corpore vivo ea fuisse vulnera, quæ ipsi mortem intulerat.

204. Accedit demum; ex tot populis, quibus de Christi resurrectione persuasum postea fuit, nullum omnium Apostolorum testimonium habuisse, vel habere potuisse; cum enim Apostoli, & Discipuli ad prædicandum Evangelium per totum orbem dispersi fuerint, quælibet natio vix unum audire potuit: unum autem testem minime sufficere, præcipue ubi agitur de facto tam incredibili, nemo ignorat.

205. Resp. Hæc omnia hæcenus allegata non nisi meras esse conjecturas, quæ nullum pondus habent, ubi factum indubitis testibus confirmatum est, quos nempe constat nec decipi potuisse, nec alios decipere voluisse.

206. Verumtamen, ne quid dissimulasse videamur, ad primum dicimus, Christum satis multis redivivum apparuisse, ut de ejus resurrectionis veritate dubitari a nemine prudenter possit. Quare autem Magistratibus, Sacerdotibus, & Principibus populi apparere noluerit, penes ipsum est, & ad inscrutabilem iudiciorum suorum abyssum pertinet. ut enim inquit Sanctus Petrus Act. X. 40.; *dedit eum manifestum fieri non omni populo, sed testibus præordinatis a Deo*. Hinc, dignatus est incredulo Thomæ seipsum palpandam exhibere, non autem voluit alios incredulos similiter convincere. Venerat quidem Christus primo ad oves, quæ perierunt domus Israel Matt. XV. 24. Sed postquam sui eum non receperunt, eos dereliquit, aliisque sua beneficia impertiri voluit. Nulla itaque ratio erat, ut Judæorum genti a se merito reprobæ Christi præcipuum divinæ suæ legationis signaculum ostenderet (a).

207. Ad secundum, facile quisque videt, testimonium fœminarum hæc in re ejusdem esse ponderis, ac virorum. Non enim hic agitur de aliquo dogmate discutiendo, in quo ingenii acumen, & præjudiciorum vacuitas requiritur, sed de facto, quod in sensus incurrit; & fœminæ non minus, quam viri, dummodo oculos haberent, Christum redivivum aspicere, & cognoscere poterant.

208. Ulterius, etiamsi rejiciatur testimonium fœminarum, annon satis erunt undecim Apostoli? Annon plures Discipuli? Annon denique quibgenti, & amplius fratres?

209. Quod si duo Discipuli euntes in Emmaus non illico Magistrum suum cognoverunt, id ideo fuit, quia oculi eorum tenebantur, ne eum agnoscerent Lucæ XXIX. 16. hoc est Christus Dominum causis sibi perspectis nondum voluerat, se illis palam ostendere, quod postea fecit, & ipsis, & aliis discipulis manifeste apparuit, eisque omnium argumentorum genere veritatem sui corporis demonstrans: *palpate, inquit, & videte, quia spiritus carnem, & ossa non habet, sicut me vultis habere*, & manus, pedesque ostendens, atque in eis vulnera, & loca clavorum, cum eis colloquens, ac denique manducans, & bibens.

210. Intravit quidem in cœnaculum januis clausis, atque evanuit ex oculis Apostolorum. Sed nihil inde colligi potest contra ejus corporis veritatem; sicut inepte quis negaverit, eum aut passionem verum habuisse corpus, quia a Nazarenorum oculis, ipsum de supercilio montis præcipitare volentium se subtraxit Lucæ IV. 29. & 30. Et verba illa: *evanuit ex oculis eorum* nihil aliud significant, quam *invisibilis factus est*, quod clarius græcus textus indigitat, dicens: *ἀφανίσθη*, Sanctus Thomas 5. part. quæst. 55. art. 6. observat, Christum voluisse intrare in cœnaculum januis clausis, & ab oculis Discipulorum evanescere, ad ostendendam gloriam resurrectionis.

211. Neque verum est, non potuisse tangi a Magdalenâ; nam Christus dumtaxat illi dixit: *noli me tangere*, sed noli diutius pedibus meis inhærere; sed vade ad Apostolos, in resurrectione nuncians; *nondum enim ascendi ad Patrem meum*: scilicet adhuc tempus erit, quo mea præsentia fruaris, antequam ad Patrem meum ascendam (b).

212. Ultimum de vulneribus adeo leve est, ut nec responsione indigeat. Quis enim non intelligat, cicatrices tantum in glorioso Christi corpore remansisse, hoc est scissuras a clavibus factas, non autem proprie vulnera, quæ scilicet dolorem inferrent? Vid. S. Thomas 3. part. q. 54. art. 4.

213. Restat tertia difficultas, quæ nullo negotio solvitur. Etiam si enim singuli Apostoli singulas provincias peragraverint (quod tamen non est undequaque verum), filiem nihilominus populorum sibi miraculis conciliarunt, quæ nihil efficacius ad veritatem confirmandam esse potest. Ulterius facile postea fuit etiam aliorum testimonium ha-

(a) Tertullianus in *Apologetico* cap. 21. hæc habet de Jesu Christo: *nec ille se in vulgus exivit, ne impii errore liberarentur; ut & fides non mediocri præmi difficultate constaret*.

(b) Aliam hujus loci sed mysticam explanationem S. August. tradit *Serm. 244. & 245. T. V. Ridicula au-*

tem est, ut mitius loquar, hæc Hardinini interpretatio: *noli me tangere, quippe adhuc aromatibus madidum, quibus me perunxerunt Josephus, & Nicodemus. Nondum enim ascendi ad Patrem meum; qui in celis est. Nondum accepi corpus spirituale, quod ibi accipitur sum a Patre meo*.

habere, eum omnibus patuit, eandem ubique fidei fuisse ab aliis prædicatam, & miraculis confirmatam (a).

214. Objic. quinto. Evangelistæ, & sacri scriptores plura matris fidei specimina exhibent, ut proinde eosdem mundum decipere voluisse, suspicari merito possimus. Nam primo Matthæus XXVI. 52. dicit, in morte Christi monumenta fuisse aperta, & multa corpora sanctorum, qui dormierant, surrexisse, venisse in sanctam civitatem, & apparuisse multis. Quod stupendum prodigium non solum siletur ab aliis Evangelistis, sed a nullo plane alio teste commemoratur.

215. Præterea idem Matthæus II. 23. Christum in Nazaret habitasse dicit, ut adimpleretur, quod dictum est per Prophetas, quoniam Nazaretus vocabitur: hæc autem prophetia nullibi invenitur.

216. Tertio quasdam prophetias per vim, & per machinas Christo fuisse ab Evangelistis adaptatas legitimus, quos alios manifeste spectabant. Exemplum sit in eodem Matthæo, qui cap. II. 15. illud Osee XI. 1. ex Ægypto vocavi filium meum Christo ex Ægypto revertenti fidenter accommodat, cum aliunde certissimum sit, Oseam populo Israelis fuisse locutum.

217. Quarto idem Evangelista ibid. vers. 17. & 18. in eade infantum adimpletam esse vult prophetiam Jeremias dicens: Vox in Rama audita est, ploratus, & ululatus multus, Rachel plorans filios suos. At vero Prophetæ sua vaticinio designare voluit diuturnum tributum Juda, & Benjamin exportationem in captivitatem.

218. Quinto idem Matthæus XXVII. 9. loquens de 30. argenteis, quos Judas Principibus Sacerdotum restituit, inquit: tunc impletum est, quod dictum est per Jeremiam prophetam dicentem, & acceperunt 50. argenteos &c. nulla tamen hujusmodi prophetia apud Jeremiam invenitur: ad summum aliquod simile legitur Zacharias XI. 12. appenderunt mercedem meam 30. argenteis.

219. Sexto Marcus II. 26. eum, qui David esurienti dedit panes propositionis, nominat Abiathar; qui tamen 1. Regum XII. 9. dicitur A-

chimelech; & cap. I. nominat Isaiam loco Malchias.

220. Septimo Stephanus Actor. VII. 4. refert, Abraham exivisse de terra Chaldaeorum, postquam mortuus est pater ejus Thare; quod non coheret cum chronologia Thare, & Abraham; Abraham enim cum exivit de terra sua erat 74. annorum, ut dicitur Genes. XII. 4. Thare autem genuit Abraham, cum esset annor. 70. Genes. XI. 26. unde sequeretur, vitam Thare non verperasse annum 145. & tamen Genes. XI. vers. ult. Thare dicitur vixisse annos quinque supra 200. (b).

221. Demum Joann. II. 20. inducuntur Judæi dicentes, templum fuisse ædificatum ann. 46. cum tamen ex Josepho Lib. XV. Antiq. Judæic. cap. 11. sciamus, illud fuisse ab Herode octo annorum spatio extructum (c).

222. Resp. nimis stupidos ad adversarii nostri fingi sacros scriptores, quasi putaverint, posse se impune in totius Judæicæ gentis conspectu ad prophetias ex integro comminisci, aut jam existentes a vulgato, communique sensu detorquere. Sed examinemus singula.

223. Quantum ad primum, non omnino concordant sunt, tam veteres, quam recentiores interpretes, an illi sancti, quorum numerus est apud Matthæum, ad novam vitam temporalem, an potius ad gloriosam in cælis cum corpore resurrecterent. S. Hieronymus in epist. LX. ad Heliodorum num. 3. Tom. I. ea corpora sanctorum visa fuisse putat in celesti Jerusalem, quatenus illi sancti singulari Dei beneficio simul cum Christo resurrecterent, & cum corporibus suis gloriosis in cælum ascenderent. Eidem sententiam sustentant Origenes (T. XII. in Matth. n. 3. & alibi T. III. Opp.), Eusebius (in Demonstratione Evangel. Lib. IV.), S. Hilarius (Tract. in Psalmum II.), Rufinus (in exposit. Symboli), & nonnulli alii. S. Augustinus (Epist. CLXIV. alias IC. ad Evodium num. 9. Tom. II.) hanc opinionem rejicit, & vult, verba S. Matthæi esse ad litteram intelligenda de aliquibus sanctis, quibus

(a) Aliquis fortasse curiosis suspicabitur, eorum Christus Dominus post suam resurrectionem perpetuum Discipulis commensatus non fuerit; & ubinam esset, quando a Discipulis recedebat? Ita vero Sandus Thomas 3. part. q. 55. art. 3. respondet: Ad veritatem resurrectionis manifestandum sufficit, quod pluries apparuit (Apostolis, & Discipulis); & cum eis familiariter est locutus, & comedit, & bibit, & se eis ad pulpamentum præbuit: ad gloriam autem resurgentis manifestandum continue noluit conversari cum eis, sicut prius fecerat, ne videretur ad talem vitam resurrectisse, qualem prius habuerat. Et ibidem ad 2. Insuper est, quibus in locis intermedium tempore corporiter esset, cum hoc Scriptura non tradat, & in omni loco sit dominatio ejus.

(A) Ita objicit Voltaire in Nouveaux Mélanges philosoph. Crit. part. 1. pag. 77.

(c) Hæc olim objiciebant Judæi, æque inter alios R. Isaac filius Abrahami in suo Munimine fidei part. II. c. 2. & seq. de quo videri potest Jo. Christ. Wagnelius in opere, cui titulus Tela ignea satanae &c. Alsdorphi Noricum 1687. Præcipuus eorum cavillationes etiam collegisse dicitur Jo. Bodinus in libro antiquæ doctrinae. Colloquium heptaplores de additis veterum sublimium arcanis; cuius schediasma exhibet Jo. Diekmannus De naturalismo eorum aliorum, tum maxime Jo. Bodini &c. recuso Jene 1700. in 4. Impius ille Bodinus ad Judæismum tandem defecisse dicitur a Gillotto epist. 49. ad Soligerum Lib. III. Sed alii ipsam ætatem & vixisse, & mortuum esse, probabiliter credunt. Etiam Celsus, Paraphrasis, & Julianus, S. Hieronymo teste in ep. LVII. ad Pammachium n. 9. Evangelistas falsitatis accusare solebant. Morum vestigia a Naturalistis nostri ævi premi, magno eum dolore videmus.



ad confirmandam Christi divinitatem reipsa redi-  
vivi apparuerint multis; & qui postea, hoc testi-  
monio reddito, iterum mortui sunt. Eandem senti-  
entiam tenet S. Jo. Chrysostomus in epist. ad  
Ebræos, & ac præter alios S. Thomas III. p. quæst.  
55. art. 3. ad 2. Parum autem refert, si hujus  
tam stupendi prodigii nulla apud alios mentio ha-  
beat; scimus enim, non omnia fuisse ab omni-  
bus scripta.

224. Ad secundum. Non una est Interpretum  
hujus difficultis loci explicandi ratio (a). Dum au-  
tem mihi videntur ceteris probabiliores. Prima  
eorum est, qui putant, a S. Matthæo fuisse in-  
digittas benedictiones tributas veteri Patriarchæ  
Josepho ab ipsius patre Jacobo Genes. XLIX. 26.  
& repetitas a Moyse Deuteronomio. XXXIII. 16.  
in quibus Josephus vocatur *Nazareus inter fra-  
tres suos*; hoc est *separatus a fratribus suis*,  
sive ob sanctitatem, qua fratribus præcellerat,  
sive etiam propter afflictiones, & persecutiones,  
quibus obnoxius fuit. Utrique enim modo anti-  
quus ille Patriarchæ figura erat Christi Domini;  
ut proinde vere potuerit Evangelista Matthæus hoc  
nomen *Nazareæ* juxta veteres prophetas Christo  
Domino adaptare: scilicet & propter sanctitatem,  
cum esset *sanctus sanctorum* Dan. IX. 24. & pro-  
pter summam afflictionem, atque injurias, ratione  
quarum appellatus fuit ab Isaia LIII. 3. *despe-  
ctus, & novissimus virorum*.

225. Altera hujus loci explicatio a prima non  
multum diversa eorum est, qui cum S. Hiero-  
nymo Lib. I. *Comment. in Matth.* cap. 2. To-  
mo VII. ad mysticam hujus nominis *Nazareæ* si-  
gnificationem confligunt. *Nazareus* enim signi-  
ficat *separatum*, vel *Deo consecratum*; quod  
certe nomen singulariter Christo Domino Servato-

ri nostro convenit, fuitque a pluribus Prophetis  
præannunciatum (b).

226. Quod tertio, & quarto loco objectum fuit,  
faciliter solvitur, posita regula generali, & cer-  
tissima, pluræ esse in V. T. quæ *immediate* po-  
pulum Hebræicum, vel peculiari quasdam per-  
sonas respiciebant, prophetice tamen, & *prin-  
cipaliter* referebantur ad Christum. Nam omnia ad  
Messiam præfigurandum tendebant; unde Apost.  
2. Corinth. X. 4. *omnia*, inquit, *in figura con-  
tingebant illis*. Hoc non ignorabant ii saltem, qui  
inter Judæos pietate, & doctrina eminebant (c).

227. Hoc posito principio, quod inconcussum  
est, mirari non debemus, S. Matthæum verba  
illa: *ex Ægypto vocavi filium meum*, de Chri-  
sto intellexisse; populum enim Hebræum in Ægy-  
pto exulans Christi ibidem exulatri figura erat,  
& in Christo hæc prophetia plena, & cumulate  
adiuncta fuit (d).

228. Ita etiam multo melius Herodiano infan-  
ticipio, quam duarum tribuum captivitati plora-  
tus, & ululatus a Jeremia prædictus convenit;  
quia infantes illi immerentes, innocentesque truci-  
dati sunt, cum Judæi contra propter scelera sua  
fuerunt merito captivitatis poena afflicti.

229. Ad quintum. Quis credat, in re tam le-  
vi voluisse Matthæum siue causa mentiri? Putant  
aliqui, nomen *Jeremias* fuisse ab imperito aliquo  
librario intrusum, cum reipsa in Syriacæ versio-  
ne, & in multis antiquis exemplaribus etiam tem-  
pore S. Augustini deesset. Hic tamen S. Doctor  
aliam profundiorum hujus rei causam reddit: vi-  
delicet cum eodem Spiritu Sancto afflati fuerint  
omnes Prophetæ, idem prorsus erat *Jeremiam* vo-  
minare, ac *Zachariam* (e).

230. Ad sextum, missis variis Interpretum so-  
lu-

(a) S. Jo. Chrysostomus Hom. IX. in Matthæum  
Tom. VII. non vili curiosius esse inquirendum, quis-  
nam Propheta hoc dixerit; multi enim *prophetici libri*  
*perierunt*. Chrysostomus sequitur de more Theophi-  
latus, & Enthymius. Hanc sententiam adoptavit etiam  
Houtteville in suo opere: *La religion chrétienne prou-  
vée par les faits* Tom. IV. *réponse à la XII. difficul-  
té*, contendens, nodum hunc facile solvi, dicendo,  
hanc prophetiam fuisse olim cum aliis multis peredi-  
tam, sola autem orali traditione conservatam. Hanc  
Houtteville, aliorumque opinionem vehementer oppugnat  
P. Gabr. Fabricy in egregio suo opere *Des Frités pri-  
mitifs de la revelation* Tom. I. pag. 307. & seq.

S. Hieronymus Lib. IV. *Comment. in Isaiam* cap.  
11. Tom. IV. & in epist. LVII. alias CI. ad Pamma-  
chium n. 7. Tom. I. eam prophetiam inveniri putat  
apud Isaiam cap. 11. 1. ubi dicitur: *Elos* (hebraice  
*Netzer*, unde *Nazareus*) *de radice ejus ascendet*.  
Nec vero obest numerus pluralis, quo utitur S. Evan-  
gelista dicens *per prophetas*; non enim in Scripturis  
insolens est, ut per *synthesin* numerus pluralis pro  
singulari usurpetur. Sic hoc ipso loco in comm. 30.  
pluraliter dicitur: *defuncti sunt enim*, qui *quarebant*  
*animam patris*, quibus verbis non significatur, nisi  
mors Herodis. Houtteville laudatus hanc explicatio-

nem nimis *subtilem* appellat: & ipse S. Pater aliam  
suppeditat, qua & nos utimur n. 215.

(b) Ita etiam censet Bossuetus *Elevations à Dieu sur*  
*les Mystères XIX. Semaine elev.* V. ubi tamen etiam  
priorum nostram explicationem simul conjungit T. X.  
edit. Paris. 1748. in 4.

(c) Vid. *Regles pour l'intelligence des S. Ecritures*  
à Paris 1732. opus Jac. Jon. Duguet, & plusieurs au-  
tres d'un Prieur pour la Défense des règles &c. quæ  
pro defensione regularum prædicant contra librum,  
cui titulus *Refutation du livre de règles, pour l'in-  
telligence des saintes Ecritures*. Alia etiam postea hæc  
de re proferuntur opuscula, ut *Traité du sens littéral,*  
& *du sens mystique* pour des saintes Ecritures, selon la  
doctrine des Pères, tum opus celebre PP. Cappuccino-  
rum Parisiensium, inscriptum *Principes d'écritures pour*  
*faciliter l'intelligence des livres prophétiques, & spé-  
ciellement des Psaumes*. Volum. 15. in 8. à Paris 1755.  
1764.

(d) Conf. Bossuet *Elevations à Dieu sur les Mystères*  
XIX. *Semaine elev.* 13.

(e) Vid. S. Doctor Lib. III. *de consensu Evangelis-  
tarum* cap. 7. Tom. III. parte 2. Conf. etiam Huetium  
in *Demonstr. Evang.* prop. IV. c. 125. ubi demonstrare  
nititur, librarii occitania mutatum fuisse nomen.

fusionibus, dici potest, Achimelech non fuisse, nisi simplicem Sacerdotem, qui vice Abiathar principis Sacerdotum fungeretur. Vel, ut Estius post Jansenium opinatur, fuisse Abiathar patrem Achimelech, ut constat ex Lib. 2. *Regum VIII.* 17. insolens autem non est in sacris litteris, ut filius appelleretur patris sui nomine.

231. Quod vero idem S. Marcus habet initio Evangelii sui: *sicut scriptum est in Isaia Propheta*, putant multi, ex scriptorum vitio icrepisse, & legendum esse, prout græca exemplaria reipsa legunt *in prophetis in Prophetis*; cui sententia subscribit S. Hieronymus in cap. III. *S. Matthæi*. Sed retenta etiam latina versione potest facile S. Marcus ab omni errore liberari, observando, ibi eum allegare duo V. T. testimonia, scilicet: *ecce ego mitto Angelum meum*, quod ex Malachiæ III. 1. desumptum est; & illud: *vox clamantis in deserto*. &c., quod legitur Isaie XL. 3. Cum autem hoc secundum magis ad ejus scopum pertineret, declarandi scilicet initium Evangelii per prædicationem S. Joannis Baptistæ, hinc potius Isaia allegavit, quam Malachiam (a).

232. Ad septimum a Scriptura non dicit, Thare genuisse Abraham anno ætatis suæ 70. sed post annum 70. genuisse Abraham, Nachor, & Aram, ita ut Abraham fuerit tertio-genitus, & natus anno ætatis Thare 130. Recensetur tamen Abraham primo loco, propter ipsius dignitatem, qua futurus erat pater omnium credentium.

233. Ad ult. responderi potest, illos 46. annos esse accipiendos ab initio restorationis templi sub Herode, usque ad ultimam ejusdem ædificii perfectionem. Quamvis enim ab illo hæc restauratio absoluta fuerit octo annis, seu potius novem cum dividio, ut ex laud. Josephi loco colligitur, multa tamen postea addita sunt, sive ad ornamentum, sive ad reparationem ejusdem. Sane idem Josephus Lib. XX. cap. 9. nominis sub Agrippa fuisse hoc ædificium plene absolutum, manifeste indicat, cum narrat, absoluto templi ædificio, fuisse Agrippam a populo rogatum, ut orientalem partem edificaret, ne scilicet opifices, quorum ultra octodecim millia erant, otio languerent (b).

234. Facile item explicantur nonnullæ diversitates, quæ inter veteres, novosque sacros scriptores apparent, ut cum S. Matth. cap. II. 6. citat verba Michæ, quasi diceret: *Et tu Bethlehem terra Juda nequaquam minima es in principibus Juda*; cum tamen Michæ dicat: *Et tu Bethlehem Ephrata parvulus es in millibus Juda* V. 2. Vel cum S. Lucas dicit *in Agibus A-*

postol. VII. 14. Jacob intrasse in Egyptum cum 75. animabus, cum tamen Genes. XLVI. 27. nominis 70. animæ numerentur.

235. Resp. enim ad primum, diversitatem notæ esse nisi in verbis. Quod enim a S. Matthæo positum est nomen *Judeæ* pro *Ephrata*, fortasse factum est, quia tempore Christi hæc civitas magis nota erat sub hoc nomine. Quod vero dicitur apud Michænam *parvulus*, vel *parvula*, debet intelligi cum interrogatione, *an parvula es?* quod æquivaleret negationi, quam S. Matthæus adhibet; *nequaquam minima es*. Diversitas in *principibus*, & in *millibus* oritur ex voce hebraica *אֶלֶף* Aleph, quæ significat *principes*, & *millia*. Alterum autem solvit S. Hieronymus ad loc. cit. ex Genes. observans, S. Lucam fuisse secutum versionem LXX. Interpretum, qui 75. animas numerant, idque ea de causa, quia S. Lucas scribat gentibus, quibus ea sola versio græca nota erat.

236. Multo maior difficultas videri potest in conciliandis nonnullis apparentibus antilogiis, quas antiqui, recentioresque Religiosi Christianæ hostes nobis objiciunt ex duobus Christi genealogiis apud Matthæum, & Lucam, quæ & inter se, & cum historia Vet. Test. pugnare videntur. Primo quidem inter se; nam Matthæus Christum a David Rege descendere dicit per Salomonem, Lucas autem per Nathan. Præter nomina ab utroque Evangelista commemorata omnino diversa sunt, duobus exceptis, scilicet *Salathiel*, & *Zorobabel*. Denique Matthæus Josephi patrem appellat *Jacob*, Lucas autem *Heli*.

237. Secundo: utraque genealogia præpat cum historia Vet. Test. nam primo Matthæus dicit: *Joram genuit Oziam*, in Libro autem 4. Regum VII. & IX. Joram genuisse dicitur Ochoziam, Ochozias autem genuit Joas, & iste Amasias, & demum Amasias genuit Oziam. Secundo idem Matthæus *Josias*, inquit, *genuit Jechoniam*: ex laudi autem Lib. 4. Regum XXIV. & XXV. colligitur, Josiam genuisse Joachin, & Joachin genuisse Jechoniam. Tertio a S. Matthæo Salathiel dicitur filius Jechoniz, cum tamen Jeremias XXII. 30. Jechoniz prædicta fuerit sterilitas: *scribe virum istum sterilem*. Demum apud Lucam *Arphaxad* dicitur pater *Cainan*, & iste pater *Sale*; at vero non uno in loco V. T. Arphaxad dicitur pater *Sale*, nullaque est mentio *Cainan* intermedii, imo hic nec esse potuit inter duos Patriarchas Arphaxad, & Sale medius; nam Gen. XI. 12. dicitur: *Arphaxad vixit 55. annis, & genuit Sale*.

238. Ut primam difficultatem solvant, duplicem viam ingreditur Interpretes. Plurimi, præ-

(a) Alii scilicet Melch. Canan. I. II. de locis theol. cap. 18., ubi nonnullas alias hujusmodi diffinitiones profunde, & eleganter more suo explicat.

(b) Dixit restorationem templi ab Herode fuisse factam, non autem propriè dictam ædificationem; templum enim a Zorobabele ædificatum juxta vaticinium

Aggei II. 8. conservandum erat usque ad adventum Messie. Sed spatio 500. annorum a Zorobabele usque ad Herodem, verisimile est, illud restorationem magna indignisse, præcipue cum tempore bellorum illic, tanquam in arcein tutissimam, Judei confugerant.

eipue veteres (a), secuti auctoritatem Julii Africanus scriptoris sæc. III. dicunt, Matthæum recensisse Christi progenitores secundum carnem, Lucam vero secundum legem, quæ habetur *Deuter. XXV. 5.*, ut scilicet mortuo viro sine liberis, frater ipsius teneretur defuncti uxorem accipere, ad suscitandum semen fratris sui: quo fiebat, ut filius ex secundo illo matrimonio genitus binominus esset: nam secundum carnem vocabatur filius illius, a quo genitus fuerat; secundum legem vero filius dicebatur defuncti. His positus Matthæus vocat Joseph filium Jacob secundum carnem; unde etiam ait: *Jacob genuit Joseph*; Lucas vero eum dicit filium Heli, quia Jacob ipsum genuit ex uxore defuncti Heli, ducta in matrimonium secundum legem *Leviticus*; quod indicare videtur, dicens: *qui fuit Heli* (b). Hoc autem semel constituto, mirum non est, si per diversos avos, atavosque Matthæus, & Lucas Christi genealogiam perducant usque ad David; & ille quidem per Salomonem, iste autem per Nathan. Nam & illud in hac hypothesi addendum est, Jacob, & Heli non fuisse fratres, nisi uterinos, aut plane solum cognatos ex diversis parentibus ortos, quos tamen non insoleat et in sacris Litteris appellari fratres (c). Julius Africanus, qui hæc viam conciliandi simul duos Evangelistas primus aperuit, id a Christi ipsius cognatis se didicisse testatur (d).

23g. Recentiores vero interpretes bene multi putarunt, Christi genealogiam fuisse a S. Matthæo contextam per progenitores Josephi, a Luca autem per progenitores Mariæ; quia Matthæus scribebat Judæis, apud quos non erat mos genealogias texendi per mulieres; Lucas autem Gentilibus, quos docere volebat, Christum esse natum ex Maria sine carnali commercio; & hinc esse nominum diversitatem. Neque vero huic sententiæ ea verba obsunt S. Lucæ, qui ita genealogiam orditur: *Jesús, ut putabatur, filius Joseph, qui fuit Heli*; nam Joseph dicitur potius filius Heli propter matrimonium cum Maria filia Heli, vel Joachim, utrumque enim nomen tribuitur Patri Beatæ Vir-

ginis: & Heli, Heliachim; & Joachim habentur pro synonymis. In hac sententiâ facile intelligitur diversitas nominum in utraque genealogia usque ad Zerobabel, & Salathiel. Sed adhuc difficultas restat, quare iterum post Zerobabel, & Salathiel diversitas nominum occurrat? cui solvenda difficultati nihil aliud responderi potest, nisi Sancti. Lucam post Salathiel genealogiam prosecutum fuisse per avos, atavosque legales, non scilicet actum a Sancti. Matthæo rogeret, ostenderetque, Christum Dominum a David originem traxisse & naturalem, & legalem (e).

240. Quantum spectat ad apparentes antilogias cum Vet. Testamento, communis responsio est ad primum, Joram genuisse Oziam, ut Matthæus refert, non immediate, sed mediate; eo modo, quo Christus dicitur filius David, a quo per longam generationum seriem originem traheret: quæ autem Matthæo fuerit causa tres intermedios reges Ozorham, Joas, & Amasiam omittendi, non facile est divinare.

241. Eademque ratione omissus est Joachim Josiæ filius, & pater Jechonias: fortasse quia adeo impius fuit, ut sepultura asini ortas portas Jerusalem sepeliri mererit, ut refertur *Jerem. XXII. 19.*

242. Sterilitas Jechonias; quæ tertio loco opponebatur, communiter ab Interpretibus eo sensu explicatur, non quod Jechonias carnerit filius, sed quod nemo ex ejus stirpe paternum regnum occupare deberet.

243. Postrema difficultas de additio Caiman gravior videtur; cui solvenda multi illustres Interpretes fidenter pronunciant, Caiman imperiti alicujus librarii manu fuisse Lucæ genealogiæ insertum; imo inde irrepisse & in græcam versionem LXX: ad cap. XI. Gen. 12. ubi legitur, *Αφραξιδ γιος υγιος τοῦ Κανιζα Αρφαξιδ genuit Caiman* (f).

244. Obj. sexto. Possunt Christi miracula alieni genio superiori tribui, qui ipsi nequam in vita adstiterit, sed etiam post mortem, ita ut ejus ope novam vitam recuperaverit. Si enim Magi ope demonis nonnulla mirabilia patraverunt, quidni poterit Christus opitulante genio aliquo superiori

(a) S. Augustinus Lib. II. *Retractionum* c. 12. Synch. Hieronymus in cap. I. Matthæi. S. Joan. Damascenus Lib. IV. *De fide orthodoxa*. cap. 15. &c.

(b) S. Ambrosius in Lucam putavit, ab hoc Evangelista fuisse nominatos parentes Christi carnales, a Matthæo autem legales.

(c) Nam ad hos etiam pertinuisse legem *Leviticus*, patet ex historia Ruth, quam vi illius legis Booz dixit ejusdem consanguineus.

(d) Apud Eusebium Lib. I. *Hist. Eccles.* c. 7. Vid. etiam Sancti. Thomæ. 3. P. Quest. 31. artic. 3. ad 2.

(e) Omitto novam opinionem Nicol. Peregrini Cellotii, qui ostendere conatus est, apud Matthæum cap. I. 16. non esse legendum: *Jacob genuit Joseph virum Mariæ*; sed potius: *Jacob genuit Joseph conjugem Mariam*; ac proinde genealogiam a Matthæo descriptam non esse Josephi, sed Mariæ. Hanc idem sententiam antea

Cellotii versionem refutavit Ferdinandus Miagrelli Camalduli. epist. edita Romæ 1764.

(f) Vult de hac postrema difficultate Petrus Libro IX. *de doctrina temporum* cap. 17. Natalis Alexander in *Hist. Eccl. Vet. Test. de II. mundi statu* Dissert. IV. *Græcorum de mysteriis, & annis Christi* Dissert. V. Calmet super vers. 24. cap. X. Gen. Homburg in not. ad vers. 10. cap. XI. Gen. Petitdidier in *Dissert. Hist. de sacra scriptura*; ex acatholicis vero Usserus c. 6. *Chronol. Sacra*, Spanhemius in *dubis Evangelicis*, Sam. Bochart in *Geogr. Sacra* Lib. II. cap. 13. Cæterum de antilogiis, quæ videantur esse inter duas genealogias Matthæi, & Lucæ, consili possunt huiusmodi. Grævenon Dissert. IV. *Serry Exercitation* XLII. & XLIII. *de Christo*, Calmet in *Dissert. de conciliatione genealogiarum* J. Ch. apud S. Matthæum & S. Lucam, Cornelius Jansenius, alique Interpretes.

ris ordinis multo mirabiliora facere? Reipsa ea gerente fuisse ingentem magorum colluviem veteres Scriptores Svetonius, Tacitus, Dio Chrysostomus, Dio Cassius, Apulejus, Lucianus, Spartianus, Celsus, Porphyrius, alique narrant.

245. Resp. Mortuorum suscitationem opus esse, quod cuiuscunque genti potentiam superat: quis enim poterit animam corpori iterum copulare, nisi qui eam primo creavit? Deinde vel genis iste Christo assistens malus fuisse fingitur, vel bonus. Si malus, quomodo potuit Christo contra alios spiritus malos optulari? nam omnes Christi actiones ad hunc unum scopum tendebant, ut dæmonium regnum destrueretur. Hinc Christus Dominus ad hanc ipsam Judæorum calumniam refellendam dicebat Lucæ XI. & seq. *omne regnum in se divisum desolabitur. Si autem & sathanas in seipsum divisus est, quomodo stabit regnum ejus?* Rursus, quomodo potuit spiritus malus ejus doctrinæ tam bonæ, & tam sanctæ testimonium reddere? Si autem contra dicatur, genuinum Christo adstantem fuisse bonum, quomodo poterat tam stupendis miraculis falsitatem, imo plane horrendam blasphemiam probare? Christus enim miraculis suis nihil aliud populo persuadere volebat, quam se esse filium Dei a Patre missum, eique conequalem, & consubstantialem.

246. Obj. septimo. Mirum est, ac fere prodigio simile, tot, quæ a nobis creduntur, miraculorum Christi, atque etiam Apostolorum nullam inveniri mentionem neque apud Plavium Josephum, qui tamen alios impostores multo minus celebres non prætermisit; neque apud alium auctorem Paganum, vel Judæum illius ævi, sed solum apud Christianos, quorum testimonium in propria causa suspectum est.

247. Resp. (a) Omnes auctores qui primi miracula Christi, Apostolorumque scripserunt, fuisse vel Judæos, vel Ethnicos, qui eorumdem miraculorum evidentiâ convicti ad Christi religionem transierunt. Tales fuerunt Evangelistæ, talis Paulus, ceterique Apostoli; tum postea Clemens, Ju-

stinus, Ignatius, Polycarpus &c. Neque vero refert, hæc eos litteris non mandasse, nisi postquam religioni Christianæ nomen dederunt. Tantum enim abest; ut id eorum fidem imminuat, quin potius eandem majorem in modum confirmet, & roboraret. Demonstrat quippe, adeo iis fuisse de veritate miraculorum Christi persuasum, ut ejus assecle fieri vellent: imo nec postea recusatant pro ejus sanctissimæ religionis defensione acerbissima subire supplicia; quod omnibus fere primis nostræ religionis scriptoribus accidit.

248. Aliorum vero scriptorum silentium nullum causæ nostræ præjudicium avertit. Primo, quia argumentum est negativum, cui opponimus aliorum scriptorum nubem, quorum fides nullo modo suspecta esse potest; cum nec decipi poterint, nec ulla appareat causa, propter quam mentiri voluerint. Secundo, quia facile reddi potest hujus silentii ratio. Vel enim ea miracula falsi convincere oportebat, vel ea suo suffragio probare. Primum erat impossibile, alterum vere probosum iis videbatur, si veritatem miraculorum Christi constantes, non etiam ipsius religionem amplecterentur. Josephum tamen minime siluisse, contendunt Critici bene multi, celebre illius testimonium, quod legitur L. XVIII. *Antiq. Judaic.* cap. 4. ut genuinum vindicantes. Miraculum etiam tenebrarum, quæ in Christi morte factæ sunt, a Phlegonte, ab aliis commemoratum creditur (b).

249. Just. Non potest negari, plurimos, imprimis autem sapientes, nobiles, divites, fuisse religioni Christianæ contrarios; At. enim XXVII. 22. dicebant Judæi Paulo: *De secta hac (Christiana) notum est, quia ubique ei contradicuntur.* Certum pariter est, plura opera contra nostram religionem fuisse ab Ethnicis divulgata, quæ si fuissent conservata, facile esset Christi, ejusque discipulorum dolos; fraudesque detegere (c).

250. Resp. Hanc universalem contradictionem religioni Christianæ ortam fuisse ex præjudiciis & erroribus, quibus totus mundus tenebatur. Nec facile erat hujusmodi obstaculum superare; sed divina

vir-

(a) Cum Hieron. Savonarola in *Triumpho Crucis*, *visio de veritate fidei* libro I. cap. 4. editio. curata a Pat. Raym. Corsio Florentini 1767. in 12.

(b) Qui plura Ethnicorum testimonia videre cupit, adeat Huetium in *Demonstr. Evang.* Prop. III. Bulletin dans l'*Hist. de l'Etablissement du Christianisme tiré des seuls auteurs Juifs, & Payens* à Paris 1764. in 4. & P. de Colonia in libro *La religion Chretienne autorisée par les témoignages des anciens Auteurs Payens*. De testimonio Phlegontis, an eclipsis ab eo memorata cum tenebris factis in Christi morte conveniat, major est inter eruditos controversia, quæ an. 1732. & seq. inter Wistonium, & Sichesium in Anglia recruduit. Ajebat primus in duobus operibus, quorum alterum Londini prodit an. 1702. sub hoc titulo: *Testimonium Phlegontis defensum* &c. Alterum 1733. *Epistola ad Sichesium*, qua evincitur, testimonium Phlegontis eas tenebras indicare, quæ moriente Christo conigerunt.

Arturus Sichesius autem negantem sententiam defendit, quam tueri quoque conatus est Laur. Moschimus in notis ad H. Librum Origenis *contra Celsum* p. 198. edit. an. 1745. germanico idiomate. Etiam a Sinesibus fuisse eam eclipsim observatam, contenderunt post Adrianum Greslonium in *Hist. Sin.* P. Couple Mullerius, & alii. Sed eos refutatos habes a Boyero in Dissert. hac de materia, edita a Kirchio in *Miscellaneis Berolinensibus*, & a P. Societ in suis Dissert. de *Astronomia Sinesium*. Vid. Dissert. Pat. Calmet *De tenebris in obitu Jesu Christi*.

(c) Inter alios emicniit Porphyrius, cujus opera in XV. libros divisa, teste S. Gregorio Nazianz. in IV. Orat. *contra Julianum*, a Gentilibus veluti divina predicabantur. Iste autem Philosophus tam vetus, quam novum testamentum evertere conabatur. Porphyrii vitam edidit Lucas Holstenius, & prostat in *Biblioth. græca* Jo. Alb. Fabricii T. IV. Hierocles etiam *Ægy-*



virtute religio Christiana ubique tandem triumphavit, ibique sedem suam fixit, ubi prius summum erat idololatriæ imperium.

251. Quidquid autem libri contra Christum, ejusque Discipulos vulgati continebant, adhuc legi potest in operibus nostræ religionis apologistarum, qui objectiones inimicorum totidem ipsorum verbis reliquerunt suis scriptis insertas. Sic Justinus Tryphonius, Origenes, Celsi, Cyrilli Juliani, & Augustinus Porphyrii argumenta expressis ipsorum verbis recitant. Et profecto si iniqua illa Gentilitatis lumina aliquod solidi contra nostram religionem obijcerent, aliquos certe, præcipue autem doctos, ab ea ad idololatriam rursus revocassent, aut saltem impedivissent, nec Christi fides magis, magisque in dies propagaretur; at vero res contra accidit; nam Crux Christi, non minus contra sapientiam Philosophorum, quam contra potentiam tyrannorum triumphavit; & tandem ubique sapientes, juxta ac potentes, sponte sibi fasces submittere vidit. Legatur S. Jo. Chrysostomi Liber in *S. Bibliam contra Julianum, & contra Gentiles* Tom. II.

252. Obj. 8. Si vera fuissent Jesu Christi miracula, totus mundus ei adhaesisset, Judæi præcipue, qui eo tempore Messiam expectabant, eaque propriis oculis videre debuerunt; atqui nonnisi paucissimi, lique ut plurimum rudes, & ignobiles, qui facile decipi possunt, Christo crediderunt, ceteri autem potentiores, & perspicaces, Christum pro impostore habuerunt, unde etiam ipsius mortem a Pilato instantes petierunt, ejusque Discipulos persecuti sunt. Hinc Joa. VII. 48. Pharisæi dicebant: numquid ex Principibus aliquis credidit in eum, aut ex Pharisæis? Sed turba hæc, quæ non novit legem, maledicti sunt. Indicium hoc est manifestissimum, decantata Christi miracula non fuisse nisi meras fraudes, quibus soli imperiti decipi poterunt.

255. Resp. Potissimum causam, cur Judæi Christo Domino non crediderint, fuisse divulgatum apud eos errorem, Messiam, quem expectabant, venturum cum temporali potentia ad regnum Israel terrenum restitutum. Potuissent certe, imo & debuissent ex ipsius miraculis divinam Jesu Christi virtutem cognoscere; id tamen factum non fuisse iis mirabile non videbitur, qui corruptam ho-

minam naturam, ac passiones propius considerant. Aliud est convincere intellectum, aliud voluntatem movere, plerique carnis cupiditatibus abstracti, & illecti, æternæque temporalium cura nimis occupati ea, quæ ad animæ salutem pertineant, aut leviter, aut nullatenus perpendunt; unde etiam cavebat olim Horatius Lib. I. epist. 2.

*Quæ lædunt oculos, festinas demere? si quid Est animum, differs curandi tempus in annum?*

Hinc fieri potuit, ut bene multi ad miracula Servatoris nostri, ut ut celebrata ubique, ne attenderint quidem, ne scilicet animi tranquillitatem amitterent. Alii autem assueti multa audire de Magis, ea magiciis artibus tribuebant; nec volebant diligentiam impendere, ut a falsis deceptorum præstigiis illi secernerent. Alii denique iis visis, vel auditis fortasse commoti erant, sed rerum temporalium amore, quasi glutine quodam implicati, rem in posterum differabant; post autem impressione a miraculis facta sensim decreascente, in sua cæcitate, quam nimium amabant, increduli permanserunt. Pauperes autem facilius convertebantur, quia hujusmodi obstaculis minus detinebantur (a).

254. Uterius ad cordis corruptionem tollendam satis non sunt externa miracula, nisi etiam interior, potentiorque præsto sit Dei gratia; fides enim est donum Dei. Si itaque visis miraculis Christi ejus religionem amplexi sunt, quibus opulante Dei gratia magis cordi erat æterna ætiam salus, quam terrena, & corporalis bona; sen, ut dicitur Act. XI. l. 48. Paulo, & Barnabæ prædicantibus, crediderunt, quotquot erant præordinati ad vitam æternam. Et cap. XVI. 14. de Lydia dicitur: *cujus Dominus aperuit cor, ut intellegere hæc, quæ dicebantur a Paulo.*

255. Ceterum facilius intelligitur, his, aliisque de causis potuisse multos, divites præsertim, superbosque sapientes, certissimis, stupendisque Christi miraculis repugnare, quam fuisse alios, nec illos quidem paucos, nec omnes indoctos, aut ignobiles, sed multos omnis generis (b), qui sine miraculis ad eam religionem convolerant, quæ sensui, & cupiditatibus corruptæ naturæ & diametro repugnabat, & quæ Judæis scandalum videbatur.

pti præfatus, & magnus religionis Christi hostis in duobus libellis, quos ad Christianos direxit, ita falsitatem Scripturæ sacræ arguere conatus est, tanquam sibi tota esset contraria, ut loquitur Lac. L. V. Div. inst. c. 2. ubi alium etiam scriptorem memorat religionis nostræ adversarium.

(a) Egregie Lactantius Lib. VII. *Div. Inst.* cap. 1. postquam de monstravit, homines avaritia, libidinibus, aliisque vitiiis impediri ad credendum, subdit: *Eo fit, ut pauperes, & humiles Deo credant facilius, qui sunt expediti, quam divites, qui sunt impediti pluribus implicati: imo vero catenati, & compediti servantur ad natum domine cupiditatis, quæ illos inextricabilibus*

Gazzaniga Theol. Tom. I.

vinculis irretiti; nec possunt in calum aspiciere, quoniam mens eorum in terram prona, humique defixa est. Virtutis autem via non capit magna onera gestantes &c. Dignum est illud caput, ut totum legatur.

(b) P. Thomas M. Manachius in l. *Tomo Originum, & antiq. Christ. Lib. II. cap. 177.* contra Cainepem Virringam, & P. Casus Inn. Ansaldo in opere *Multitudo maxima eorum, qui prioribus Ecclesiæ saculis Christi religionem professi sunt adversus Davidem Clarkensem &c. Turin 1765.* in 8. luculenter ostenderunt, nec paucos, nec solus rudes, & ignobiles fuisse illos, qui Christi religioni in ipsius primordiis nomen dederunt.

hatur, gentibus autem stultitia. Rese S. Thomas (Lib. I. Cont. Gent. cap. 6.) post magistrum suum Augustinum, esset autem, inquit, omnibus signis mirabilibus, si ad credendum tam ardua, ad operandum tam difficilia, & ad sperandum tam alta mundus absque mirabilibus signis inductus fuisset a simplicibus, & ignobilibus hominibus. Legatur etiam S. Jo. Chrysostomus Hom. VI. in epist. I. ad Corinth. Tom. X.

256. Sed nec illud silentio est prætereundum, hanc multorum, præcipue inter Judæos, excæcationem fuisse tam in vet. quam in novo test. multoties prædictam (a); & Apostolos, ac Discipulos a Magistro suo præmonitos, quod ejciendi erant ex civitatibus, odio habendi, flagellandi, occidendi; & proinde tantum abest, ut multorum incredulitas veritatem Christianæ religionis labefaceret, quin potius confirmaret.

257. Inst. Illud saltem imperceptibile videtur, si vera fuissent tot, tamque stupenda prodigia, quæ in Christi nativitate facta dicuntur, Angelorum visiones, stellæ apparitio, Magorum adoratio, infantium cædes, Simeonis prophetiæ, & alia id genus, fuisse postea Jesum Christum per longum amorum curriculum ab omnibus ignotum, & nonnisi triennio ante mortem iterum inclaruisse.

258. Resp. Id pluribus de causis fieri potuisse. Primo potuit ab aliquibus credi in magna illa infantium strage ab Herode edita (b) vivis sublatum. Secundo ejus foga in Ægyptum, & longum a sua patria exilium eorum prodigiorum memoriam delere potuit; præcipue cum ea non in Nazareth, sed in Bethlehem, & Jerusalem facta fuerint. Tercio ad id conferre potuit communis fere Judæorum persuasio, venturum quidem circa ea tempora Messiam, sed venturum cum potentia, & majestate. His, aliisque de causis potuit Christus diu latere. Ceterum omnes criticæ regulas evertere necesse est, si volumus sacra plenissime demonstrata levibus hujus generis conjecturis impugnare.

259. Objic. q. Nec falsis religionibus, imo nec atheismo martyres defuerunt, qui certe nihil lucrari se posse sperabant: ex quo Apostoli sine ulla spe lucris resurrectionem Christi prædicaverunt, concludi non potest, eos impostores non fuisse &c.

260. Resp. Discrimen esse, quia falsarum religionum professores sua culpa decipi possunt; agitur enim de dogmatibus, in quibus ob præjudicia, subtilitates, aliasque causas locus errori facile esse potest; contra vero Apostoli decipi circa Christi resurrectionem non poterant, cum hoc es-

set factum, in quo judicando non ingenio, non diligentia opus erat, sed tantum sensibus.

261. Martyres vero atheismi nullos fuisse potest; si qui enim propter atheismum supplicio affecti sunt, ut sæc. elapso Lucilius Vanuii, ii præteriti atheismi poenas lute coacti sunt, optione minime eis facta vitam conservandi, si resipiscere velent, cum Apostolis contra, & pluribus aliis Martyribus nedum venia, sed etiam præmia sæpius offerrentur; si Christum abnegarent. Verum si etiam Athei invenirentur, qui mortem subire, quam atheismum ejutare maluerint (quodquam non facile credo posse hujusmodi exempla asserti), id fortasse vitæ desperatione egerint, mortem minime metuentes, post quam nihil mali superesse credebant. Contra autem Apostoli, & Christiani, qui futuræ vitæ præmia, & poenas & credebant ipsi, & aliis prædicabant; ignorare non poterant, post hujus vitæ supplicia, alia ipsis superesse æterna, si ausi fuissent tam impudenter mentiri.

262. Objic. dicendo (c). Cum Doctores signum a Christo petissent, non respondit Jesus: jam sexcenta signa, & miracula vidistis; neque eorum petitioni satisfecit, miracula edendo, sed respondit: Generatio mala, & adultera signum querit, & signum non dabitur ei, nisi signum Jonæ prophetæ; hoc est prædictio sæcæ doctrinæ (d). Et quoties Judæi miracula a Christo videre cupierunt, ab eo increpati sunt, ut Joann. IV. 48. Nisi signa, & prodigia videritis, non creditis.

263. Ulterius nullum a Christo factum fuisse miraculum, inuolentem indicat illa Judæorum interrogatio Joann. VI. 30. Quod ergo tu facis signum, ut videamus, & credamus tibi? Christus autem in Judæorum memoriam non revocavit signa jam facta, sed quæstione declinata, de pane cælesti sermone instituit.

264. Tercio. Si aliquid videbatur Christi insignis miraculum, certe illud fuit de panum multiplicatione; & tamen illud discipuli non intellexerunt. Nam Marci VI. 52. dicitur: Non enim intellexerunt de panibus; erat enim cor eorum obcæcatum. Et rursus VIII. 21. Christus Dominus increpans eos, dicebat: Quomodo nondum intelligitis?

265. Demum si Christus tot miraculorum autor extitit, cur ea facere non potuit in patria sua, ut dicitur Matth. cap. XIII. 58.? Neque enim satis est respondere, ex hominum incredulitate id esse ortum; namque ad hominum incredu-

(a) Isaïe V. 9. Vade, & dices populo huic: audite audientes, & nolite intelligere; videte visionem, & nolite cognoscere. Exceca cor populi hujus, & aures ejus aggravæ, & oculus ejus claudet, ne forte videat oculis suis, & auribus suis audiat, & corde suo intelligat, & convertatur, & sanem eum. Hanc autem & alias similes Isaïæ prophetias sine adimpletas, notavit S. Joannes Evangelista Cap. XII. 37. & seq. idem

etiam prædixit Christus Marci IV. 11. & seq.

(b) De qua vid. P. Ansaldi in opere, cui titulus: Herodiani infanticidii vindicta.

(c) Cum Rousseauio Lettres écrites de la Montagne. Lettr. 3.

(d) Matth. XII. 39. & XVI. 4. Lucæ XI. 28. & Marci XIII. 11.

dulcitatem vincendam miracula erant ordinata.

266. Resp. Hoc sane prodigium eniliter videri posse, hominem, qui se Evangelio credere proficitur, ut Rousseavius est, in tam absurdum paradoxum delapsum esse, ut probare ex Evangelio conetur, vel nulla a Christo facta esse miracula, vel ea non fuisse in testimonium ipsius doctrinae allata. Sed quæ objecta sunt, seorsim consideremus.

267. Respondet ad primum Sanctus Thomas ( III. P. quæst. 43. art. 1. ad 1. ) cum S. Jo. Chrysostomo, hoc esse intelligendum, quod tunc non acceperunt tale signum, quale petebant, scilicet de celo, non quod nullum signum eis dederit, sexcenta enim in Evangelio memorantur; ut proinde intolerabilis esset contradictio, si hoc significaret, nullum a Christo factum esse miraculum (a).

268. Miranda est autem Rousseavii confidentia, dum signum Jonæ prophetae nihil aliud esse vult, quam Evangelii prædicationem, cum Christus ipse sua verba statim explicuerit de miraculo resurrectionis, e vestigio subdicens: Sicut enim fuit Jonas in ventre ceti tribus diebus, & tribus noctibus, sic erit filius hominis in corde terræ tribus diebus, & tribus noctibus.

269. Recte etiam Christus Judæos obijungens dixit: nisi signa &c., non quia miracula nulla fecerit, sed quia, ut S. Thomas observat ( loco cit. ad 3. ), miracula tantum diminuant meritum fidei, inquantum per hoc ostenditur duritia eorum, qui nolunt credere ea, quæ Scripturis divinis probantur, nisi per miracula. Maldonatus autem putat, hæc verba fuisse a Christo non increpando, sed pronuntiando prolata, & legendum esse cum aliquibus: nisi signa, & prodigia videretis, non crederetis; quasi Regulam, qui petebat, ut ejus filius sanaretur, ita fuerit allocutus: sanabo filium tuum, ut tu, & multi alii credant. Ceterum festive plane ex his concludit Rousseavius, noluisse Christum miraculis trahere homines ad fidem, cum hoc ipso in loco Evangelista referat, Christum prodigiose filio Reguli (b) sanitatem reddidisse, quo facto credidit ipsa (Regulus), & domus ejus tota. Ut enim Angelicus subdit: Melius est eis, ut vel per miracula convertantur ad fidem, quam quod omnino in infidelitate permaneant; dicitur enim I. Cor. XIV. 22. quod signa data sunt infidelibus, ut scilicet convertantur ad fidem.

270. Ad secundum. Oportet totum contextum percurrere, ut appareat, quantum Rousseavius a vero ejusdem sensu aberraverit. Primo dicit E-

vangelista, multitudinem magnam secutam fuisse Jesum, quia videbant signa, quæ faciebat super his, qui infirmabantur: post autem describit insigne illud miraculum multiplicationis panis, & piscium, quod signum cum vidissent homines, dicebant: Quia hic est vere propheta, qui venturus est in mundum. Tertio. Mare pedibus calcans venit in Capharnaum. Hæc omnia miracula in eodem capite descripta, mirum est non vidisse Rousseavium. Quando ergo Judæi Christum interrogant: quod ergo tu facis signum? idem est, ac si dicant: quæ hæctenus signa fecisti, nondum sufficienti, ut te filium Dei credamus; nam Moyses majus signum fecit, quam fuerit panis multiplicatione: patres nostri manducaverunt manna in deserto &c., volentes scilicet, ut miraculum multiplicationis panis sæpius renovaret, quod vinceretur otiosi, quemadmodum Hebræi in deserto. Christus autem, non declinata questione, sed omnino ad rem de cælesti pane, cujus figura erat manna, sermonem instituit. Carnales enim Judæi tantum de pane terreno cogitabant, & iterum simile miraculum expeiebant, dicentes: Domine, semper da nobis panem hunc. Quod si Christus miraculum iterare iustus de causis recusavit, non propterea concludi potest, ipsum aut nulla miracula edidisse, aut iis noluisse uti, ut Judæos ad se converteret.

271. Ad tertium. Christus ideo reprehendit Apostolos, quia viso miraculo multiplicationis panum, adhuc solliciti erant de cibo, & cogitabant ad alterum iterum dicentes; quia panes non habemus. Quo cognito, ait illi Jesus: quid cogitatis, quia panem non habetis, nondum cognoscitis, nec intelligitis.... nec recordamini, quando quinque panes fregi in quinque millia, quot copiosos fragmentorum plenos sustulistis? dicunt ei: duodecim. Quando & septem panes in quatuor millia, quot sportas fragmentorum tulistis? & dicunt ei septem; & dicebat eis: quomodo nondum intelligitis? scilicet nihil vobis defuturum, quousque mecum eritis? Marci VIII. 16. & seq.

272. Ad ultimum. Falsum est, Christum nulla fecisse miracula in patria sua, & multo magis falsum, non potuisse eum ibi miracula facere; nam apud Matthæum dicitur: Et non fecit ibi virtutes multas, propter incredulitatem eorum, quia scilicet non credentes primis miraculis indigni erant, ut alia, & majora reciperent. Apud Marcum vero dicitur: Et non poterat ibi virtutem ullam facere, nisi paucos infirmos manibus

(a) S. Hieronymus in Comment. in hunc loc. Tom. VII. Sic signum postulat, inquit, quasi que viderant, signa non fuerint. Sed in alio Evangelista quid petant, plenius explicatur. Volumus a te signum videre de celo? Marci VIII. 11. vel in morem Eliæ, ignem de sublimi venire cupiebant, vel in similitudinem Samuelis tempore ætivo, contra naturam loci mugire so-

nitrua, coruscare fulgura, imbres vana, &c. Sollicite non contenti illis miraculis, que jam viderant, vel audierant, nova postulant, & maiora.

(b) Textus græcus habet Βασίλειος, idest regis, & fortasse aliquis erat ex regia Herodis familia. Nostra autem vulgata videtur secuta aliam lectionem, que habet Βασιλίκης, Regulus.

bus impositis curavit. Quod autem dicitur, non poterat, S. Thoma interprete (III. P. quæst. 42. art. 2. ad 1.) idem est, ac congruum non erat, ut inter incredulos miracula operaretur; quemadmodum Gen. XVIII. 17. *Dixit Dominus: num celare potero Abraham; quæ facturus sum?* & XIX. 22. non potero facere quicquam donec ingrediaris illuc?

273. Frustra autem Rousseavius addit, miraculis opus fuisse ad hanc incredulitatem tollendam, si verum est, quod nos dicimus, fidem debuisse miraculis stabiliri. Frustra, inquam; neque enim tenebatur Christus tanto magis miracula multiplicare, quanto incredulitas Judæorum crescebat; & ea jam miracula ediderat, quibus eorum vinici potuisset pertuicacia.

174. Objic. 11. Quædam referuntur Christi miracula inutilia, ridicula, & Deo indigna; cujusmodi est imitatio aquæ in vinum, ut convivæ jam ebrii magis inebriarentur Joann. II. 19., ficulneæ arefactio, quod fructus intempestive non faceret Marci XI. 13. & Matth. XI. 13. & Matth. XXI. 19., & dæmonum immisio in porcorum gregem, qui se in mare præcipitarent Matth. VIII. 50. seq.

275. Resp. Primo, sanioris criticæ regnare esse, ut si aliquid obscurum sit, per clarius explicetur, non contra. Jam vero miracula habemus insignia, & indubia, quibus Christi divinitas invictissime demonstratur. His ergo innixi debemus etiam alia sapienter, & utiliter facta æstimare, quamquam eorumdem finis non lateret: non autem, ut adversarii faciunt, ex quo quorundam miraculorum finis, & utilitas non lateat, omnia inutilia reputare. Et ulterius potest horum signorum aliqua non incongrua ratio assignari.

276. Miraculum conversionis aquæ in vinum non fuit inutile: eo enim, ut dicitur Jo. II. 11. manifestavit gloriam suam, & crediderunt in eum discipuli ejus (a). Neque vero negotium facessat illa vox inebriari, quasi Christus voluerit convivarum ebrietati cooperari. In sacris enim litteris non semper hæc vox sumitur in proprio sensu, sed quandoque significat bibere, quantum

natura indiget, in quo sensu hic usurpanda est. Sic Gen. XLIII. 34. de fratribus Joseph dicitur: *biberuntque, & inebriati sunt cum eo*; scilicet ex hilarati sunt. Et Prov. XI. 25. *qui inebriat, ipse quoque inebriabitur*.

277. Ficulneæ exsiccatio parabola fuit, ut intelligenter Judæi, Synagogam esse delendam, æo quod fructus non tulerit. Non refert, quod, ut dicit S. Marcus, non erat tempus ficorum; non enim necesse est parabolas in omnibus ad amissum cum re significata congruere, sed sufficit, si in eo congruant, quod principalis intenditur (b).

278. Ultimam ostendit Dei potentiam in dæmones. Sed aliæ etiam Christo fuerunt causæ id faciendi; puta ut dæmonium expulso signo magis sensibili rudibus iis pastoribus innotesceret; unde factum est, ut illi in civitatem properantes omnia nunciarent (c).

279. Obj. ultimo ( cum Spinoza, & Wolstono ). Possunt miracula Christi in sensu allegorico intelligi, ut nempe cæcos illuminaverit, cum homines veritatem docuit, infirmos sanaverit, mortuosque suscitaverit, spiritualiter &c. Reipsa Sancti Patres sensu allegorico in explicandis Scripturis sæpius uti sunt, ac inter alios Origenes.

280. Resp. Sanctos Patres utique sensu allegorico usos nonnumquam fuisse, ita tamen ut litteralem non omittenter, qui primo, & præcipue attendi debet. Ceterum in re nostra plusquam evidentissimum est, non posse Christi miracula in sensu allegorico explicari. Quomodo enim Judæi calumniati fuissent, eum in Beelzebub principe dæmoniorum prodigia operari, si nulla operatus fuisset? Quomodo allegorice illud miraculum de multiplicatione panis, & piscium semel; atque iterum factum intelligi poterit? Satis est verba Evangelistæ percurrere, ut appareat, ea nulla machinarum vi ad sensum allegoricum pertrahi posse. Ita enim Marci VIII. 19. & seq. Christus discipulos interrogat: *Quando quinque panes fregi in quinque millia, quot copiosius fragmentorum sustulistis? dicunt ei duodecim. Quando & septem panes in quatuor millia, quot sportas fragmentorum tulistis? & dicunt ei septem*.

281.

(a) *Quis*, inquit S. Athanasius *De Incarnat. Verbi Dei* num. 18. Tom. 1. pag. 40. edit. Patav. 1777. *quis aquarum naturam mutatam, atque in vinum conversam considerans, non credat, hujusce rei auctorem omnium quoque aquarum esse creatorem?*

(b) Aliqui, ut se ab hac difficultate liberarent, illa verba Marci XI. 13. *et quæpos ficus in ea vendenda curantur* non enim erat annus ficorum; quia scilicet licet esset tempus ficorum, annus erat sterilis, & propterea ficulnea inventa est sine fructu. Alii, quibus hæc explicatio non placet, post Einsium Lib. II. *Exercit. Sacr.* cap. 6. ita textum græcum paulisper mutant: *et quæpos ficus*; atque ita vertunt: ubi enim erat (Christus), erat tempus ficorum. Sed hæc explicatio, quæ celebri Xaverio Mattæi admodum placuit Tom. I. *sua versione italica lib. postic. scriptu-*

*ra sacre Dissert. prælim. cap. 5. præterquam quod textum græcum sine fundamento mutat, non parvis est obnoxia difficultatibus.* Satis est veterum Patrum, atque Interpretum vestigia sequi, qui in hac parabola mysterium reprobationis Judæorum contineri docent.

(c) Grocius non improbabilius censet, id forsasse a Christo factum, ut præceptum de non comedenda carne suilla a Gentilibus irrisioni improbe haberi, ostenderet. Natum est illud Juvenalis in Judæos sarcasma: *Nec distare putant humana carne suillam.* Aliqui etiam crediderunt, Christum voluisse eo miraculo punire Judæos, qui contra legem Moysis porcos alebant. Sed S. Thomas in *Comment.* ad hunc locum Matthiæ scite observat, porcos illius pertinuisse ad Gentiles, quam sententiam adoptat etiam, atque illustrat P. Calmet *pariter in Comment.*



281. Denique, ut sexcenta alia omittam, quænam amentia est, mystice explicare Christi resurrectionem, quando dicitur expresse, non fuisse inventum corpus ejus in sepulchro, sed solum lintheamina, quibus fuerat involutum; apparuisse illum sæpius discipulis, cum eis fuisse per 40. dies conversatum, & locutum, cum eis denique dedis- se carnem suam ad palpaandum? Si de spirituali, & mystica resurrectione sermo esset, auct. Thomas adeo difficilem se præbuitisset ad eam creden- dam? an pro certo ejusdem argumento voluis- set propriorum sensuum experimentum habere? Sed jam pulet me ista refellere, dicam cum Sancti. Augustino (ep. 118. al. 56. cap. 4.) cum non puduerit eos ista sentire. Cum vero aut sint etiam descendere, non jam eorum, sed ipsius generis humani me pulet, cujus aures hæc ferre potuerunt (a).

## CAPUT IV.

Ex aliis miraculis post Christi ascensionem in cælum in Ecclesia editis ostenditur veritas di- vine revelationis in N. T.

282. Stupendum, & irrefragabile certe mira- culum fuit prodigiosa S. Pauli conversio, quæ so- la sufficeret ad veritatem evangelicæ doctrinæ de- monstrandam. Illa autem describitur in *Actibus Apost.* IX. & XXII. scilicet cum spirans mina- rum, & cædis in discipulos Domini Damascus pergeret, ut si quos invenisset hujus vitæ (nempe Christianæ) viros, ac mulieres, viñctos per- duceret in Jerusalem, subito lux de cælo eum cir- cumfulsit, & ad terram prostratus audivit vocem dicentem sibi: Saule, Saule, quid me perseque- ris? Ipsi autem interroganti: Quis es Domine? responsum fuit: ego sum Jesu, quem tu perse- queris: durum est tibi contra stimulum calcitra- re. Pergit autem sacer textus enarrare, quomodo surrexit Saulus nihil videus: quomodo fuerit in- troductus Damascus: quomodo ibi ab Anania, Domino eum admonente, repertus, ab eoque vi- sum receperit, & tandem baptizatus fuerit. Post autem factus was electionis ingressus in Synago- gas prædicabat Jesum, quoniam hic est filius Dei, stantibus omnibus de tam mirabili, & su- bita mutatione.

283. Porro ingenium hic acuat Increduli, quan- tum possunt, atque hujus conversionis naturales

causas inquirant; nemini cordato persuaderi un- quam poterunt, illum sine miraculo factum fuisse. Nam primo eam ipse S. Paulus *Actor.* XXII. exposuit, cui non video, cur fides denegari queat. Secundo S. Paulus non ex infima plebe erat, aut idiota, & rudis; sed civis Romanus, & legis do- ctor, quem proinde decipi tam facile hæc in re potuisse, non est suspiciandum. Tertio non erat præjudiciis, aut studio religionis Christianæ præ- occupatus, imo ejus osor, & persecutor infensis- simus. Denum adeo fuit de veritate religionis Christianæ hoc miraculo convictus, ut postea pro ea ubique annuntianda, & propaganda nullis un- quam pepercerit laboribus; nec dubitaverit pro Christo Domino omnes persecutiones, flagella, caseeres, extremum denique supplicium tolerare.

284. Vir etiam fuit sanctissimis moribus præ- ditus, non pecunie cupidus, non ambitione ela- tus, non denique illo alio vel minimo vitio coin- quatus; adeo ut ejus accensatores, & inimici nihil ipsi exprobrare unquam potuerint, nisi quod de- serta Synagoga Christianam religionem amplexus esset, eamque ubique prædicaret. Si ejusmodi vi- ro in talibus rebus circumstantiis miraculum, suæ conversionis causam, narranti non credimus, nescio cui alteri credendum sit (b).

285. Sed non unum hoc fuit ad confirmandam nostram religionem miraculum editum. Hanc po- testatem Christus Dominus Apostolis, eorumque successoribus promiserat Joann. XIV. 12. inquit: Qui credit in me, opera, quæ ego facio, & ipse faciet, & majora horum faciet, quia ego ad Patrem vado. Et Marci XVI. 17. in nomi- ne meo demonia ejicient, linguis loquentur no- vis... super ægros manus imponent, & bene habebunt. Hanc autem divinam professionem fuisse adimpletam, asserit ipse Sanctus Marcus in fi- ne sui Evangelii, inquit de Apostolis: illi au- tem profecti prædicaverunt ubique, Domino coo- perante, & sermonem confirmante sequentibus si- gnis. Et S. Paulus Hebr. II. 4. Contestante Deo, inquit, signis, & portentis, & variis virtutibus.

286. Id ipsum confirmant ea multa miracula, quæ leguntur in *Actis Apostolorum*; præcipue ve- ro cap. II., ubi describitur donum linguarum Ap- postolis imperitum: cap. UL., ubi Petrus in no- mine Jesu Nazareni claudum sanavit, præsentem omni populo; unde etiam quinque virorum millia conversi sunt: cap. V., in quo multa Petri, a- liorumque Apostolorum signa, & prodigia referun- tur:

(a) Voolstonum, confutarunt Edmundus Gibson Epi- scop. Lond. in suis *epist. pastor.* & Stackonsius *le sens littéral de l'Ecriture*. Novissime autem Pater Thomas Maria Gerboni Ordin. Prædio. in *Theolog. revelata* tom. 2. lib. 3. qu. 1. artic. 2. provinciam sibi assumpsit singula Christi miracula a calumniis, falsisque interpre- tationibus Voolstoni vindicandi. Inter veteres Lactan- tius Lib. IV. *divin. Institution.* eloquenter explicat, quomodo miracula Christi vera fuerint *non te pœit ad*

*litteram*, & nihilominus mysticam significationem habebant.

(b) Vel hoc solum miraculum satis esse debere ad obstruendum os Voltairii, aliorumque ejus similium, qui sæpius repetere solent, miracula non videri nisi ab hominibus tardi, & imbecillis ingenii, nulla autem fuisse unquam visa viris doctis, & spiritibus for- tibus, seu incredulis. Exemplum S. Pauli eos impu- dentis mendacii aperte convincit; quamquam plura alia ejusdem generis præsto sunt.

tar cap. IX., ubi Petrus Lydda Æneam paralyticum restituit, & in Joppe Tabitham a morte revocavit: cap. XII., ubi refertur prodigiosa Petri liberatio a vinculis: c. XIII. quando Paulus Elymano magus crevit: & c. XIV. quando idem Paulus curavit claudum ab utero matris: cap. autem XX. Paulus Troade Eutychem adolescentem a mortuis suscitavit; & cap. XXVII. Paulus exorta tempestate prædixit; solam navim amissum iri, omnes autem secum navigantes salvos futuros, quia ipsi Deus eos donaverat.

287. Ab aliis etiam Apostolis plura fuisse edita prodigia, dubitandum non est: quamvis de eorum actis admodum pauca supersint vestigia historiarum monumenta, quia primi fideles in sævissimis illis, quæ tunc fuerunt, persecutionibus, vix otium scribendis nanciscerentur, nullaque eorum, quæ literis consignata erant, partium hostium vi, partim injuria temporum interierunt.

288. Miracula in Ecclesia etiam post mortem Apostolorum non defuisse, confirmatur plurimum Sancti Patrum testimonio, quos vel deceptos fuisse, vel alios decipere voluisse, vix suspicari non auit notis ipsorum prudentia, doctrina, & sanctitas (a).

289. Sancti Irenæus (lib. II. contr. hæreses cap. 32.) refert sua ætate (nempe desinente sæcul. II.) alios demonia ejicere, alios præsentium habuisse futurorum, alios manuum impositione curasse infirmos, imo & mortuos suscitasse, qui (inquit S. Pater) & perseveraverunt nobiscum multis annis. Idem testatur Justinus in Apologia. I., & in Dial. cum Tryphone, Tertullianus ad Scapulum cap. 2., & 4., tum etiam in Apologetico cap. 25. Origenes Lib. I. Contra Celsum u. 2. Tom. I. & sæpe alibi, atque alii Patres non pauci. Notum præterea est, vitam Sancti Gregorii Neocæsariensis Episcopi Sæc. III. fuisse quasi seriem non interruptam miraculorum: unde etiam Thaumaturgus fuit appellatus.

290. Atque, ne infinitus sim, ea referre suf-

ficiet, quæ S. Augustinus oculatus testis de miraculis narrat, quæ facta sunt Mediolani in translatione corporum Ss. Gervasii, & Protasii: *Ibi eram, inquit Sancti. Pater in Sermon. 286. Mediolani eram, facta miracula novi... cœcus nōtissimus universæ civitati illuminatus est... Nondum audivimus, quod oblit, forte adhuc vivit; in ipsa eorum basilica, ubi sunt eorum corpora, totam vitam suam servitium se esse devovit. Nos illum gavisi sumus videntem, reliquimus servientem.* Eadem repetit, & plura addit de miraculis sui temporis Lib. XXII. de Civitate Dei cap. 8., tum lib. IX. Confess. cap. 7. & alibi. Imo contra epistolæ fundamenti cap. 4. Tom. VII. inter ea vincula, quibus se Ecclesiæ Catholicæ alligatum teneri profitebatur, enumerat etiam miracula. Vid. quoque S. Ambrosius, qui Deo movente eadem corpora Ss. Gervasii, & Protasii reperit, & miraculorum intercessionem eorundem Martyrum editorum testis fuit, in ep. 22. ad Marcellinam sororem suam Classe I. (b).

291. Non is ego sum, qui omnia, quæ a vetustis scriptoribus etiam gravibus miracula referuntur, ita certa esse dixerim, ut pinculum sit de iis dubitare. Melchior Canus (lib. XI. de locis theol. c. 5.) Theologum admonendum esse putavit, ne id statim illi persuasum sit, omnia, quæ magni auctores scripserint, univè esse perfectæ; nam & labuntur aliquando, ut ille ait, & oneri cedunt (c). Quando tamen S. Patres, vel alii prudentes, ac sobrii scriptores ea narrant, quorum testes ipsi fuerint, quis, nisi scepticus, eis fidem denegabit?

292. Scio præterea, fuisse omni tempore plurima miracula pia fraude, ut dici solet, conficta, itaque non paucos nostrorum Scriptorum libros refectos esse: quæ res, inquitur laud. Canus, implis quidem non levem subsannandi occasionem præbet, pijs vero lacrimandi. Et multo autem Cantum has pias fraudes deplorabat S. Augustinus in Lib. de mendacio, in cujus fine ita concludit: *ad sem-*

(a) Vid. Gabriel Seignieur de Corveion Dissert. sur la durée du pouvoir miraculeux dans l'Eglise, que invenitur in 2. tomo operis ab eo versæ ex Anglico sermone D. Addison de la religion Chretienne. Lausanne 1757.

(b) Auditor Eneyclopedie Iordanensis, T. XXVI. art. Miracles horum miraculorum veritatem solide demonstrat; eaque edita fuisse fatetur in testimonium veritatis, & sanctitatis religionum; quæ confessio ab homine heterodoxo vix expectanda erat, nisi eam evidentia faci, ut puto, extorsisset. Haud ignoro, quæ Jo. Clericus sub larvato nomine Jo. Phereponi contra hæc miracula scribere non est veritus; sed enim pro ineriorum castigatione Lud. Muratori in Lib. III. De antiquorum moderatione in religionis negotio, Cap. 13.

(c) Adit autem, hæc de Beda atque Gregorio iure fortasse, ac vere dicere se posse; quoniam ille in Historia Anglorum, hic in Dialogis quidam scribunt vulgo jactata, & credita; que hujus præsertim sæculi Aristarchi incerta esse censuunt. Subdit tamen: Sed

quoniam modeste, & circumspecto judicio de tantis viris pronuntiandum est, ne in his quidem doctis rejectione sunt plurimi; pauca enim in eis probis arguere, quamvis historiarum ecclesiasticarum revocari ad reiorum judicia contendat, ac si necesse est, in alteram peccare partem, omnia eorum probari legentibus, quam multa reprobari, nullo. Non ita probare inobtemperantis de aliis scriptoribus, qui Sandorum vitas commentis, falsisque contaminarunt; ut dolendum sit, multo severius fuisse a Laertio vitas Philosophorum scriptas, quam a Christianis vitas Sandorum; quo in numero præcipue recenset auctores librorum, qui Speculum exemplorum, & Legenda aurea nominantur: in illonum, inquit, miraculorum monstra sapias, quam vera miracula leges: hanc homo scripsit ferri oris, plumbæ cordis, animum certe parum severi, & prudentis. Totum illud c. 6. legi meretur, in quo accuratè discentie, qui sint probatæ fidei auctores, qui contra non sint.

plurimam salutem nullus ducendus est, opulante mendacio; non enim malis convertentium moribus ad bonos mores convertendum est. Tom. VI.

293. Optimum erit, ut eadem puto, tres miraculorum classes distinguere: nam aliqua ita certa sunt, ut nequeant sine temeritate negari. Rursus alia ita falsa apparent, ut illico inter aniles fabulas amandari debeant. Inter has autem duas classes tertia intermedia est plurimum miraculorum, de quibus vir prudens iudicium suspendit, ut nec temere illa recipiat, nec rursus temere illa repudiet. Istud tamen certum videtur, vix potuisse tot, & tanta miracula fingi, nisi aliqua vera extitissent: quemadmodum nemo de falsis, & adulteris nummis eudendis cogitasset, nisi multi essent genuini.

294. Concilium Trid. Sess. XXV. de invocac. venerat. & reliquis Sanctorum sapientissime decrevit, nulla admittenda esse nova miracula, nisi recognoscendo, & approbante Episcopo, qui simul atque de iis aliquid conserptum habuerit, adhibitis in consilium Theologis, & aliis piis viris ea faciat, quae veritati, & pietati consentanea iudicaverit. Quamquam Ecclesia Catholica diligentiam adhibere soleat ad probanda nova Sanctorum miracula, egregie pro more suo exponit Benedictus XIV. in opere De Servorum Dei beatificatione, & Beatorum canonizatione Lib. IV. Pate 1.

295. Ex his patet frustra quosdam acatholicos Ecclesiae Rom. exprobare tot, & tanta miracula, vel plane falsa, & ridicula, vel saltem dubia, minimeque probata, quae ab aliquibus minus cante & creduntur, & evulgantur. Id non Ecclesiae, sed heteroclitae quorundam credulitati tribui debet. Qua in re intolerabilis est, qui sub

nomine Phileleutheri Helvetii librum edidit de miraculis (Edimburgi 1762. in 2.), ubi inutilli solertia exquisivit quidquid minus solide, imo plane insulse a quibusdam nostris auctoribus de miraculis scriptum fuit: & omnia non privati illis scriptoribus, sed plane Ecclesiae Catholicae ascribit; cum tamen non igitur verit, non paucos inter Catholicos sanioris criticae Theologos (inter quos idem scriptor laudat Melch. Caum, & Lud. Vives) haec omnia improbare. Longum nimis esset omnes hujus Libri calumnias exponere, & refellere (a).

## APPENDIX

## De quatuor Evangeliorum Apostolica Origine.

296. Suspendis Christi miraculis, ac veridiciis ejus oraculis confirmandis sola universalis, ac constantissima eorum traditio usque ad nos propagata abunde sufficit: ita ut si nulli etiam extarent sacri codices a testibus coevis, & oculatis conscripti, nihilo minus non possent sine maxima temeritate negari, aut in dubium revocari. Reipsa enim fides miraculorum Christi in Ecclesiae nascentis exordio ubique propagabatur sola testimonio traditione, cum nulli adhuc essent sacri codices, postea conscripti. Nihilo tamen minus operae pretium existimamus eorum auctoritatem breviter vindicare contra nuperos incredulos, qui eos ut suppositos rejicere audent. Ut autem breviores simus, de solis quatuor Evangelis, Matthaei, Marci, Lucae, & Joannis agemus, in quibus medium miracula, & vaticinia Jesu Christi, sed potissima etiam Divinae ipsius Doctrinae capita continentur (b). Et cum nostra disputatio in praesentiarum

tan-

(a) Inutitns hic auctor comparationem inter miracula Pythagorae, & Apollonii Tyanensis, ac miracula Sancti Francisci, Dominici, & Ignatii Loyolae, atque simul omnia ledarum risu exponit. Ut autem id facilius obtineat, undequaque corrasit quicquid de iis apud ineptissimos scriptores invenire potuit. Imo plerumque iis utitur libris, qui apostolica censura jure, meritoque proscripti jam fuerant; ut sunt exempl. grat. *Alcoranus* Franciscanorum prohibitis in *Indice Tridentino*; opera Petri de Alva, & Astorga prohibita 24. Novembr. 1655. aliaque hujus furfuris, & dubia certis, falsa vix ubique permiscet. Regula autem generalis, qua nititur ad omnia nostra miracula explodenda, haec est, quia sunt in Ecclesia Romana, quae erroribus, superstitionibus, atque idololatria tota polluta est. Quod si igitur, inquit in praefat. pag. 45. impeditur volunt, quominus inanitia illa commenta rideamus, dicant nobis impostorum, quid laudem sit transubstantiatio, quae tot mirabiles effectus edit; probent, Deum per sanctissimum suum naturam efficere posse, ut miraculo idololatriae stabilitor, & ruitus ineptissimi confirmetur &c. quasi vero demonstratum jam fuerit, Ecclesiam Rom. esse Synagogam Satanae, in qua nulla miracula fieri possint. Eum quidem non pulet fidenter dicere, id *millies* ostensum fuisse, ac si in-

genus, & sincerus, ut videri vult, reipsa esset, reticere non debuisset, *millies* etiam a nostris fuisse responsum, & plane demonstratum, nostra dogmata semper fuisse credita in ea Ecclesia, quae innumeris Christi, Apostolorum, aliorumque plurimorum Sanctorum miraculis est illustrata. Sed sufficit hoc specimen earum ineptiarum, & calumniarum, quae sine stomacho legi non possunt.

(b) Evangeliorum auctoritates plures ex modernis pseudo-philosophis impugnare conati sunt; ut auctor de l'Analyse de la Rel. Chret.; auctor item des *questions Encyclopediques* &c. &c. Sed omnes superasse videtur Nicol. Freretis, sive alius quidam, qui sub ejus nomine ann. 1767. pestilentissimum edidit opus inscriptum *Examen critique des Apologistes de la religion chretienne*, in cujus primis capitulis demonstratum nunquam fuisse contendit, Evangelia esse genuinos eorum, quorum nomina praefertur, factus. Hunc librum illico confutavit Bergerius in opere: *la certitude des preuves du Christianisme* Parisiis 1769. Post autem peculiariter privetiv Evangeliorum contra Freretum confirmandam suscepit duo Dominicani, P. Vincent. Fassin in Libro singulari *De apostolica origine Evangeliorum Ecclesiae Catholicae* Librum 1775. & de Religionae Catholicae optime meritis P. Anton. Valsecchi in

tantummodo sit contra Naturalistas, aliosque incredulos, intactas eas controversias relinquimus, quæ nos inter, & acatholicos de nonnullis novi fidei Libris, vel capitibus viget.

297. Ex quidem Evangelia nostra esse eorum auctorem, quorum nomina præferunt, certos, ac legitimos fœtus, constans, & universalis fuit apud omnes traditio; cuius traditionis origo in ipsis primis Ecclesiæ primordiis invenitur. Nam Papias Hierapolitanus (quem Joannis auditorem, & sodalem Polycarpi fuisse dicit Irenæus) apud Eusebium Lib. III. *Hist. Eccl.* cap. 59. aperte memorat Evangelia Marci, & Matthæi; imo memorat etiam Evangelia Lucæ, & Joannis, si bene ominatur P. de Magistris in *Dissert. IV. apologet. de LXX. Virali versione* n. 10. videlicet fragmentum, quod Lud. Muratori ex Codice Biblioth. Ambrosianæ (in Tomo III. *Antiqu. mediæ ævi* col. 854.) tanquam Cæli antiqui scriptoris ediderat, esse Papiæ tribuendum, & esse continuationem textus, quem Eusebius loco mox laud. ejusdem Papiæ recitat: in eo autem fragmento duo Evangelia Lucæ, & Joannis expresse nominantur.

298. Præterea S. Irenæus, *vir apostolicus*, utpote discipulus S. Polycarpi, qui S. Joannis Evangelistæ auditor fuit (a) in Lib. III. *contr. Hæreses* c. 1, hæc habet: *Matthæus in Hebræis ipsorum lingua Scripturam edidit Evangelii; cum Petrus, & Paulus Romæ evangelizarent, & fundarent Ecclesiam. Post vero horum excessum (b) Marcus discipulus, & interpret Petri & ipse, quæ a Petro annunciata erunt, per scripta nobis tradidit. Lucas autem sefellor Pauli, quod ab illo prædicabatur Evangelium, in libro conludit. Postea & Joannes discipulus Domini, qui & supra petrus ejus recumbebat, & ipse edidit Evangelium. Et in Lib. cap. XI. n. 8. Neque autem, inquit, plura numero, quam hæc sunt, neque rursus pauciora capit esse Evangelia; cuius numeri mysticas addit rationes. Primum Irenæi locum affert etiam Eusebius Lib. V. *Hist. Eccl.* cap. 8.*

elegantissimo opere Italico: *La religion Vincitrice* P. II. Patavii 1776. Accessit demum & Nic. Spedalieri nell' *Analisi dell' eresia critico del Sign. Nic. Freret sulle prove del Cristianesimo*. Romæ 1778. in 4. Horum scriptorum laboribus utemur & nos in hac eadem materia pertrahenda; atque ad hos fontes renitemus, qui plura desiderant.

(a) Ut ipse scribit in Lib. III. *contr. hæreses* c. 5. n. 4.; & etiam apud Eusebium Lib. V. *Hist. Eccl.* cap. 20.

(b) Christophorus legebat: *παρὰ τὴν πρῶτην Μαρκίου ἡγεμένης* &c. post editionem evangelii secundum Matthæum Marcus &c. ne scilicet credatur, a Marco fuisse Evangelium conscriptum post mortem S. Petri, cum Eusebius referat Lib. II. *Hist. Eccl.* cap. 15., non solum eo vivo, sed etiam probante, Marcum conscripsisse Evangelium ex iis, quæ a S. Petro audierat. Confer notationem f. ad hunc locum

299. Irenæo suppar est Tertullianus, qui in Lib. IV. *contra Marcionem* n. 2. (c) *Constitutimus*, inquit, in primis Evangelium instrumentum Apostolos auctores habere. Post autem eorundem nomina profert, addens: *nobis fidem ex Apostolis Joannes, & Matthæus insinuant, ex Apostolis Lucas, & Marcus instaurant*. Tandem ita concludit: *contra Marcionem Evangelio, scilicet suo, nullum adscribit auctorem; quasi non licuerit illi titulum quoque adfingere, cui nefas non fuit ipsum corpus evertere*: quibus verbis genuina nostra Evangelia apocrypho Marcionis opponit. Adulteratum autem, & falsum fuisse Marcionis Evangelium, & integra, ac vera esse nostra Tertullianus n. 4. & sequent. ostendit ex antiquitate, cum nostra Evangelia in Ecclesiis Apostolicis, aliisque vetustis publice legerentur; illud vero Marcionis plerisque nec notum esset, & ab iis, quibus erat notum, etiam damnatum.

300. Quartus antiquæ, & communis traditionis testis est Clemens Alexandrinus, qui apud Eusebium Lib. VI. *Hist. Eccl.* cap. 15. trium Evangelistarum Marci, Lucæ, & Joannis nomina recenset, atque ordinem, quo Evangelia exarata fuerunt.

301. Quintus demum antiquæ traditionis testis sit Clementis discipulus Origenes, qui initio Sæc. III. magna doctriam laude florebat. Ita autem de eo scribit Eusebius Lib. VI. *Hist. Eccl.* cap. 25. in primo libro expositionum in Evangelium Matthæi, ecclesiastico insistentis canonis quatuor duntaxat Evangelia esse testatur his verbis: *sicut ex traditione, inquit, accepti de quatuor Evangeliiis, quæ sola in universa Dei Ecclesia, quæ sub cælis est, citra controversiam admittuntur: primum scilicet Evangelium scriptum esse a Matthæo.... secundum fuisse accipimus Evangelium Marci..... tertium Evangelium Lucæ; postremum vero Evangelium Joannis*. Ita Origenes veterem, & universalem traditionem exponit (d).

302. Hæc autem traditio semper in Ecclesia conservata, & propagata fuit; atque ex ea firmis-

S. Irenæi, & Petri Pogginii *De Rom. Sancti Petri itinere* Exercit. XI.

(c) Hoc opus fuit a Tertulliano editum initio Sæc. III. (d) Neque vero quæquam moveat, quod idem Origenes lib. VI. *contra Celsum* num. 36. scribit, *nusquam in Evangeliiis in Ecclesia receptis Jesum dici fabrum*; cum tamen id habeatur *Matth. XIII. 55.* & expresse *Marci VI. 3.*; ut enim notat Grotius ad locum *Matth. aut memoria sefellit Origenem, aut Marci exemplaria eo tempore aliam habuerunt scripturam*. Respice in laud. *Matthæi* loco Christus non dicitur *faber*, sed *fabri filius*; observante autem Millio in Proleg. ad N. T. pag. LXVI. etiam apud Marcum multi colices non habent *τίναρ* *faber*, ut nostra vulgata legit: sed *οὗ τῷ τίνος* *fabri filius*; quod legisse videtur Origenes. Ceterum Origenes Hom. I. in Lucam quatuor nostra Evangelia genuina ab aliis, quæ tunc circumferebantur, accurate distinguit.



sintem argumentum destinebat S. Augustinus contra eos, qui aut sunt Evangeliorum, aut alioquin N. T. Codicum veram originem aut integritatem in dubium revocare, ita contra Faustum Manichæum conclusus Lib. XXXIII. cap. 6. Tom. VIII. De quo Libro certum erit, cujus sit, si litteræ, quas Apostolorum dicit, & tenet Ecclesia ab ipsis Apostolis propagata, & per omnes gentes tanta eminentia declarata, utrum Apostolorum sint, incertum est? . . . Platonis, Aristotelis, Ciceronis, Varronis, aliorumque ejusmodi auctorum Libros unde noverant homines, quod ipsorum sint, nisi eadem temporum sibi nec succedentium contestatione continuis? Atque ita pergit exemplis demonstrare ex ecclesiastica traditione indubie evinci, omnes Libros Canonicos esse iis auctoribus tribuendos, quibus semper a fidelibus communi consensu tributi fuerunt.

303. Obijcit primo Freretus, fuisse ab ipso Ecclesie exordio plures, qui hæc Evangelia, ut apocrypha, respuerunt. Et certe Manichæi apud S. Augustinum Lib. XXXII. contra Faustum cap. 2. dicebant, totum N. T. non ab Apostolis scriptum fuisse, sed longo post tempore a quibusdam incerti nominis viris, qui, ne sibi non haberetur fides, scribentibus quæ nesciret, partim Apostolorum nomina, partim eorum, qui Apostolos secuti viderentur, scriptorum suorum frontibus inciderunt, asseverantes secundum eos se scripsisse, quæ scriperint (a). Et Lib. XLIII. cap. 3. omnia tribuebat nescio quibus, & ipsi inter se non concordantibus semi-Judeis. Deinde ut S. Irenæus Lib. III. c. 11. asserit, Ebionæi solo Evangelio secundum Matthæum utebantur; Marcion Evangelium secundum Marcum circumcisebant, alii Evangelium secundum Marcum præferebant. Denique Valentiniani utebantur tantummodo Evangelio Joannis. Hoc tamen, S. Augustino teste in Libro de hæresibus n. 30. Alogi respuebant.

304. Resp. Non negamus, recensitos hæreticos, aliosque paucos rejecisse vel unum, vel alterum, vel etiam omnia nostra Evangelia. Sed horum paucorum dissenius nullum potest concordari omnium catholicarum Ecclesiarum consensui nocuentium afferre. Cui consensui Catholicorum aliquid etiam pondus addit aliorum pene omnium hæreticorum confessio, qui sacrorum codicum auctoritas infirmari minime audebat; sed potius ad suos errores tuendos eorumdem sensum pervertebat. Hu-

jus rei testis sit S. Irenæus in Lib. III. cap. 11. n. 7. iniquis: tanta est autem circa Evangelia hæc firmitas, ut & ipsi hæretici testimonium reddant eis; & ex ipsis egrediens unusquisque eorum conetur suam confirmare doctrinam. Irenæus & Ethnici ipsi, Celsus, Porphyrius, Julianus, qui Religionem Christianam quocumque potuerant cavillationum, ac difficultatum genere impugnarunt, nunquam tamen de Evangeliorum auctoritate litem movere ausi sunt (b).

305. Ulterius qui nostra Evangelia vel sæde truncabant; vel penitus rejiciebant, non aliam plerumque hujus rei causam prætexebant, quam quod essent eorum erroribus adversa, ut videtur est apud laudatos supra Irenæum, & Tertullianum, & Augustinum. Hi autem Patres argumentis opposito utebantur ad Evangeliorum veritatem demonstrandam, quia scilicet doctrinam continent veræ, & antiquæ traditioni consentaneam; quam traditionem potissimum in Ecclesiis Apostolicis requirendam esse præcipiebant, in primis autem in Ecclesia Romana, cui totam doctrinam Apostoli cum sanguine suo profuderunt, ut inquit Tertullianus ( de præscript. adv. Hæret. ); & ad quæ propter potiorem principalitatem necesse est omnem convenire Ecclesiam, ut ait Irenæus laud. Lib. III. c. 3.

306. Quod si aliquas alias causas afferrebat rejiciendi Evangelia, ut apocrypha, hæc adeo frivolæ erant, ut merito contemnerentur: ex. gr. quod S. Matthæus de seipso loquatur in testis persona; plura enim suppetunt exempla etiam profanorum auctorum, qui ita de seipsis nonnumquam locuti sunt, quia tamen ullum de eorumdem operibus dubium suboriatur. Id autem inulto magis præstare poterunt scriptores *Sacrorum inspirati a Deo*, qui ea literis mandabant, quæ iis Spiritus S. dictabat.

307. Frigidum pariter erat, & levisimum, quod obijciebat primo ex numero Evangeliorum; Apostolos enim, inquit, *Rom. H. 16.* non nisi unum Evangelium agnovisse videtur, dicens, secundum Evangelium meum; deinde ex evangeliorum titulo; cur enim, interrogabant, non appellantur Evangelia Matthæi, Marci &c. sed potius Evangelia secundum Matthæum, secundum Marcum &c. nisi ut inde cognosceremus, non ipsos Matthæum, Marcum &c. sed aliquos posteriores homines ea Evangelia conscripsisse, secundum quod a Matthæo, Marco &c. audierant.

308.

(a) Repugnat Beausobrins affirmans, quatuor Evangelia, & S. Pauli epistolas fuisse a Manichæis receptas Tom. I. Hist. Crit. Du Maniché, & du Manichéisme, P. I. Lib. I. cap. 5. Sed qui S. Augustini testimonium Beausobrini auctoritati non præferat?

(b) Celebris fuit confessio Juliani apostatæ apud S. Cyrillum Lib. X. contra ipsum, divinitatem scilicet Jesu Christi fuisse a S. Joanne Evangelista luculenter traditam: ita enim Christianos arguebat: *Jesum quippe* Gazaniga Theol. Tom. I.

pe illum neque Paulus Deum dicere ausus est, neque Matthæus, neque Lucas, neque Marcus, sed bonus ille Joannes . . . primus id prodere ausus est. Quo loco & Freretus revincitur, qui Evangelia suis auctoribus judicari, & Sociniani confutatur, qui Christi divinitatem ab Evangelista Joanne luculenter expressam præfæcimus inficiantur. Facile autem esset concordiam S. Joannis in hoc dogmate cum aliis scriptoribus sacris contra Julianum ostendere, si locus id siceret.

308. Hæ difficultates, si ita appellari possunt, facillime expediuntur, observando cum Origene in fine Toib. V. in Joannem, quod per quatuor scriptum est, unum esse Evangelium, quia omnes unam, eandemque exponunt Christi doctrinam. Dicuntur autem communiter quatuor Evangelia, quia hæc unica Christi doctrina a quatuor fuit litteris mandata: & ita etiam dicitur proprie Evangelium Christi secundum Matthæum, Marcum, Lucam, & Joannem, idest secundum quod a Matthæo &c. litteris traditum est. Sed piget in his levissimis rebus tempus terere (a).

309. Dices. Certum est, non multo post Apostolorum ævum plurimas exortas fuisse de sacris Libris controversias, multa Evangelia, multaque alia scripta falso Apostolorum nomine fuisse vulgata (b). Ut igitur quædam opera ut genuina reciperebantur, alia vero ut apocrypha rejicerentur, ab hominum arbitrio pendeat; nam si in eorum potestate fuisset, qui videri sunt, modo volumina sacra haberemus a nostris omnino diversa, & fortasse longe plura.

310. Resp. Has ipsas controversias indicare, non clausis, ut dici solet, oculis, sed re quam diligentissime perpensa fuisse Sacros, & canonicos Libros ab apocryphis, vel dubiis secretis. In hac autem secretionem faciendam antiqui Patres traditionem pro regula semperunt, ut Eusebium testatur Lib. III. Hist. Eccl. cap. 25. & ante Eusebium Origenes apud eundem Eusebium Lib. VI. cap. 25. Hinc tres constituerunt Sacri. librorum classes. Nam ubi invenerunt, libros quosdam apud omnes Catholicas Ecclesias perpetua traditione ut Canonicos habitos, eosdem ut divinitus inspiratos debita veneratione prosecuti sunt. Ubi contra certis notis de aliorum suppositione constabat, sive quod erroribus, aut fabulis scaterent; sive etiam quod nullibi ut sacri, & divini rece-

pti essent, eos inter apocryphos rejecerunt. Ubi deum res incerta erat, ut quando nonnulli libri in aliquibus Ecclesiis legebantur, in aliis autem non, judicium caute suspendebatur, ique inter *ἀποκρυφῶς*, hoc est dubios reponebantur (c). Ceterum si nostra Evangelia rejicienda essent, quia aliqua apocrypha ab impiis hominibus conficta fuere, quidni & omnes historię explodantur, cum multas esse constet falsas, & commentitias? Quidni etiam veræ novitæ repudiuntur, quia certum est, plures esse adulterinas? Vid. S. Augustinus Lib. XXVIII. contra Faustum cap. 6. Tom. VIII.

311. Constat præterea, quantæ diligentia majores nostri libros apocryphos, vel corruptos & manibus fidelium eripere semper curaverint, & qua severitate tenebrosos illos puniverint, qui sacros libros confingere, vel adulterare ausi sunt. Tertullianus Lib. de Baptismo cap. 17. narrat, Presbyterum quendam in Asia loco motum fuisse, seu diglutitum privatum, quod convictus fuerit, aliquam Scripturam sub nomine S. Pauli evulgasse. Ut omittam, quod Hincmarus (in Opusculis SS. Capitulum ad Hincmarum Laudun. c. 18.) refert, Macedonium Episcopum Constantinop. fuisse ab Anastasio Imperat. urbe pulsum, quoniam falsavit Evangelia (d).

312. Obj. 2. Veteribus Ecclesiæ Patribus Barnabæ, Clementi Rom. Ignatio, & Polycarpo quatuor nostra Evangelia ignota fuisse videtur; neque enim ea laudant, sed potius alia, quæ modo in apocryphis numerantur. Justinus primus est, qui ea Evangelia noverit, quæ nos pro genuinis habemus. Id autem confirmari potest nonnullis exemplis. Primo Barnabæ in sua epist. aliqua verba D. N. J. C. affert, quæ teste Menardo cap. 4. 7. in nostris Evangelis non inveniuntur. Secundo S. Clemens pariter quædam habet, quæ nonnulli ex libris apocryphis depravare potuit; ut

in

(a) Potest aliqui, Evangelistas ipsos proprium nomen suis Evangelis præfixisse, sed S. Joan. Chrysostomus in Hom. I. in epist. ad Roman. contra opinatus est.

(b) Jo. Alb. Fabricius in Codice Apocrypho N. T. Tom. I. quinquaginta Evangeliorum titulos collegisse se dicit. Sed non pauci solis verbis differunt. Vid. Remigius Ceillier Tom. I. Des Auteurs Eccl. Lib. 3. cap. 2. & P. Calmeri Dissert. in Evang. apocrypha. Hic tamen observandum est, non omnes hos libros fuisse eodem modo apocryphos. Quidam enim erroribus scatebant; & propterea tanquam *abnormi*, & *impii* rejiciebantur; ut loquitur Eusebius Lib. III. Hist. Eccl. cap. 25. Sed quædam erant alia scripta minime quidem ab Apostolis edita, quæ tamen nec doctrinam falsam, neque historias Evangelis genuinis adversas continebant; quæque proinde poterant a Fidelibus legi, & etiam a Patribus allegari: in his præcipue numerantur duo Evangelia secundum Hebræos, & secundum Ægyptios, quæ diu in aliquibus Ecclesiis recepta fuerunt.

(c) Irridendos plane se præbent nonnulli nostrorum temporum pseudocritici, qui ad elevandam Canonicis sacrorum codicum auctoritatem in scenam adducunt ve-

terem libellum synodicum, quem exhibet Jo. Alb. Fabricius Biblioth. græca Tomo XI, ubi pag. 198. de Synodo Nicæna hæc habentur: sacros etiam libros, & apocryphos manifestos fecit. In domo enim Dei, inferiori loco juxta divinam mensam omnia locat, Dominum invocans oravit, ut qui divinitus inspirati essent, superius; qui autem adulterini; inferius (quod & fallum est) inveniarent. Quis ignobilis isti, fabulisque plenæ sæculi IX. sæctræ fidem adjungat, & non potius Eusebio synchrono, & gravi scriptori, qui etiam Concilii pars non exigua fuit? Neque minus infeliciter conjectura du Marsais, seu auctor de l'Analyse de la Rel. Chret. Christianos, ut bono Religiosis consulerent, inter innumera Evangelia secum ipsis discordia, & quatuor selegisse nisi *sincera*, quæ minus secum pugnare viderint; cetera vero rejecisse, ut *spuria*.

(d) Hanc tamen Macedonium culpam merito suspensam habent, imo falsam reputant erudit; quod nihil de ea apud graviores, & vetustiores scriptores legatur. Se potius credidit, Macedonium injuste fuisse ab Euty-chiano Imperat. expulsum, quod Concil. Chalcedonen- se strenue defenderet.

in 2. epist. ad Cor. n. 12. Christum dicit interrogatum, quando venturum esset regnum ejus, respondisse: cum duo erunt unum, & quod foris, ut quod intus, & masculum cum femina, neque mas, neque femina. Quæ verba ex apocrypho Evangelio secundum Aegyptios depropterea esse dicimus ex Clemente Alexandrino Lib. III. Stromatum. Et in eadem epistola n. 5. idem Clemens Roman. hæc habet, quæ in nostris Evangeliiis non prostant: ait enim Dominus; eritis sicuti agni in medio luporum. Respondens autem Petrus ei dicit: Si ergo lupi agnos discernerint? Dixit Jesus Petro: ne timeant agni post mortem suam lupos &c. Ac demum num. 8. refert hæc verba Christi, quæ ut conjectatur Græbuis, ex Evangelio secundum Aegyptios hausta sunt: Si parvum non servastis, quis magnum vobis dabit? Dico enim vobis: qui fidelis est in minimo, & in majori fidelis est. Tertio S. Ignatius in epist. ad Smyrnæos n. 5. scribit, Christum dixisse discipulis: apprehendite, & palpete, & videte, quia non sum demonum incorporeum. Hæc autem, observante S. Hieronymo de Scrip. Eccl. in Paulum, in Evangelio secundum Hebræos inveniuntur.

313. Neque vero, addit Freretius, ex quo veteres illi Patres nonnulla, imo plura allegant, quæ in nostris Evangeliiis habentur, colligere licet, eos fuisse iisdem nostris Evangeliiis usos; potuerunt quippe hæc ipsisina depropterea ex aliis Evangeliiis, quæ nos apocrypha reputamus. Imo illa, & non nostris eos usos fuisse aliquot, ex quo nonnulla addiderit, quæ in nostris desiderantur.

314. Resp. Nullatenus ex allatis exemplis concludi posse veteres Patres usos fuisse Evangeliiis apocryphis. Potuerunt enim ea, quæ referunt, & non habentur in nostris Evangeliiis, traditione, quæ tunc recens, & admodum vivida erat, certo cognoscere; quemadmodum S. Paulus in *Act. Apost. XX. 35.* hæc Christi verba afferit: beatus est ille quem accipere, quæ non nisi ex Apostolorum traditione acceperat, cum nullibi scripta legantur. Neque interest ea, quæ a primis illis Patribus afferuntur, reipsa in quibusdam notis Evangeliiis legi; non enim omnia in iis contenta falsa sunt, sed plurima vel ex nostris Evangeliiis, vel ex hominum traditione in iis fuisse inserta.

315. Præterea nonnumquam Sancti Patres verba Evangeliorum allegabant, non *verba verba* literaliter, sed potius quantum ad sensum, & aliquando cum adjecta paraphrasi (a). Exempla habemus etiam in Patribus Justino posterioribus, & qui tunc scripserunt, quando sola quatuor nostra Evangelia pro genuinis habebantur. Sic S. Jacobus Nisenns Sæc. IV. ( pag. 34. edit.

Rom. 1756. ) hæc verba Christi allegat: *væ illis; qui se efficiunt miseros; vos autem nolite vos efficere miseros.* Manifestum est autem, eum respexisse ad verba Christi *Matth. VI. 16.* Cum jejunatis, nolite fieri, sicuti hypocritæ tristes &c. Et rursus pag. 80. verba parata sunt fieri bona, & beatus erit, per cujus moris venerint; malum quoque paratum est fieri; & *væ illi, per cujus manus venerit.* Ubi iterum dictum intendit ad illud Christi Domini, *væ mundo a scandalis.* *Matth. XVIII. 7.* (b).

316. Demum etsi daremus, aliqua Evangelia, aut scripta apocrypha fuisse a nonnullis Patribus innocenter deceptis lecta, & pro authenticis allegata, nihil tamen inde veritati nostrorum Evangeliorum demeretur; quandoquidem, ut supra monuimus num. 310. nostra Evangelia authentica esse dicimus ex eo, quod non in una, alterave Ecclesia, sed in omnibus, aut saltem in Apostolicis, aliisque insignioribus publice recepta essent. Quod de aliis apocryphis dici non potest.

317. Quanquam, si rem bene perpendamus, plerumque Sancti Patres Evangeliiis illis apocryphis uti sunt, non quasi ea pro genuinis, & Canonicis venerantur; sed quia antiquæ traditionis testimonium reddere poterant. Sic Origenes *Tract. VIII. in Matth. Scriptum est, inquit, in Evangelio quodam, quod dicitur secundum Hebræos ( si tamen placet alicui suscipere illud, non ad auctoritatem, sed ad manifestationem prophetiæ questionis )* &c. Atque hoc sensu S. Hieronymus sæpe Evangelium secundum Hebræos allegavit, quod etiam ex hebraico in latinum sermonem vertit.

318. Dices. Mirabile tamen est apud laudatos veteres Patres, Barnabam, Clementem, Ignatium, Polycarpum &c. nunquam occurrere nomina Matthæi, Marci, Lucæ, Joannis: quæ certe non omisissent, si eorum Evangeliiis fuissent uti: hæc enim nomina majorem ipsis auctoritatem conciliassent.

319. Resp. Primo in more apud Sanctos Patres positum fuisse, ut Scripturas sive veteris, sive novi testamenti sæpius allegarent sine nomine auctorum, quod infuitis pene eorum testimoniis facile esset ostendere.

320. Deinde parum, aut prorsus nihil nobis obest, a Patribus illis primis Apostolicis non fuisse nomina Evangelistarum expressa, cum certum sit ab iisdem fuisse eorum Evangelia lecta, & sæpius allegata, tanquam verbum divinum. Et quidem utraque epistola S. Clementis ad Corinthios plena est testimoniis trium Evangeliorum Matthæi, Marci, & Lucæ: nam Evangelium S. Joannis nondum in lucem prodierat; plena est etiam testi-

mo-

(a) Vid. Menardus in not. ad c. I. vers. lat. vet. Inter.

(b) Etiam Sand. Leo in Epistol. 19. cap. 1. hæc Christi verba laudat, quæ modo in Libris sacris non le-

gantur: vos autem queritis de passillo crescere, & de majore minores esse. Sed observantibus Balleriniis in nota 10. ea olim legebantur in Evangelio Sancti Matthæi cap. XX. post vers. 18.

moniti erutis ex epistolis S. Pauli, quod Cotele-  
rius ostendit. Plurima quatuor Evangeliorum lo-  
ca inveniuntur in epistolis sanctorum Barnabæ,  
Igeatii, & Polycarpi. Iustinus in *Apologia* I. n.  
67. consuetum fuisse testatur, in Ecclesiis scri-  
pta Apostolorum legi. Et denique Tertullianus de  
*pæscriptis*. adv. *Her.* cap. 56. *ipsas authenticas*  
Apostolorum litteras in Ecclesiis Apostolicis fuisse  
suo tempore recitatas, asserit.

321. Adde, si argumentum Freretii quidquam  
valeret, valeret etiam contra Evangelia apocry-  
pha, quibus eos Patres usos fuisse nobis persua-  
dere vult; quemadmodum enim non nominant E-  
vangelia Matthæi, Marci &c.; ita nec nominant  
alia secundum *Hebræos*, secundum *Ægyptios*,  
secundum *Thomam*, vel *XII. Apostolos*, &c.

322. Obj. 3. Evangelium Matthæi longo tem-  
pore post ipsius Matthæi mortem fuisse scriptum,  
multis argumentis evincitur. Primo ex cap. XXIII.  
35. ubi dicitur Zacharias filius Barachiz occisus  
inter templum, & altare; hunc enim in obsidio-  
ne Jerusalem, quæ post mortem Apostolorum con-  
tigit, a Zelotis occisum fuisse Josephus narrat  
Lib. IV. de bello Judaico cap. 5. Præterea in eo-  
dem Evangelio cap. XVIII. 17. hæc verba leguntur:  
*Si Ecclesiam non audierit, sit tibi sicut*  
*ethnicus, & publicanus*: at vero cum Ecclesia  
vox græca sit, probabiliter id scriptum videtur  
ab aliquo Hellenista, non a Matthæo, qui hebraice  
scripsisse dicitur. Est insuper parum verisimile,  
Matthæum, qui publicanus ipse fuerat, voluisse  
hoc genus hominum ethnicis æquiparare  
(a). Denique cum in hoc Evangelio sicut etiam  
in aliis vetus Testamentum, ex græca versione  
αὐτῶν LXX. adhibeatur, indicium id est, ea non  
fuisse ab Apostolis, vel ab aliis, qui græce non  
callebant, sed potius ab Hellenistis elucubrata.

323. Resp. Primam difficultatem non leve ne-  
gotium facere sacris interpretibus, qui ad eam  
tollendam diversas ineunt vias. Quidam post S.  
Hieronymum (in *Comment.* ad hunc loc. Math.)  
putant legendum esse Zachariam filium *Joadæ*,  
quem populus jubente Joas rege in atrio templi  
lapidibus interemit, ut legitur 2. Paralip. XXIV.  
21. Quomodo autem iste Zacharias fuerit appel-  
latus filius *Barachiz*, alius nodus est, quem non  
uno modo solvunt. Primo dicunt, Joadæ patrem  
fuisse Achiam, adeoque potuisse appellari vel *Jo-  
ajdam*, vel *Barachiam*, seu *filium Achiz* (nam

vox *בן* *bar* hebraice significat *filium*). Ita Si-  
mon Petrus dictus est *Bar-Jona* filius Jonæ, Na-  
thanael *Bar-tholomeus*, Elymas magus *Bar-Jesu*  
&c. Secundo hæc nominis immutationem fortasse  
vitio alicujus exscriptoris contigisse; nam S. Hierony-  
mus testatur, in Evangelio, quo utebantur  
Nazaræi, fuisse scriptum *filium Joadæ*. Tercio  
addunt alii, a S. Matthæo non fuisse positum,  
nisi nomen Zacharie, ab aliquo autem imperito  
additum *filium Barachiz*.

324. Alii vero contendunt, Christum propheti-  
cæ eadem illam prædicasse, quæ post anno  
circiter 34; contingere debebat. Neque vero obest,  
inquiunt, tempus præteritum; quo Christus uti-  
tur dicens: *occidistis*; nam in prophetiis recte u-  
surpari potest presentis præteriti, aut etiam præte-  
ritum ad demonstrandam eventus certitudinem. Sic  
Isaia clamabat: *puer natus est nobis*, prædicans  
Jesu Christi ortum: cujusmodi exempla afferri pos-  
sunt bene multa. Nec iterum obest, hunc Zacha-  
riam a Josepho non dici Christianum, qualis cer-  
te esse debebat, cum a Christo Domino laude-  
tur; potuit enim Josephus id ignorare (b).

325. Dux aliæ objectiones facilius expediuntur,  
observando, linguam græcam fuisse tempo-  
ribus Apostolorum apud Judæos notissimam, ma-  
gnumque usum versionis græcæ LXX. Interpre-  
tamdem Christus, & Apostoli sæpius allegarunt;  
ut in concordia vet. Test. cum Evangelio gentili-  
bus, quibus potissimum annunciandum erat, fa-  
cilis appareret (c).

326. Levissima autem est conjectura ex eo du-  
cta, quod Matthæus non debuerit publicanos, ex  
quorum genere ipse fuerat, ethnicis æquiparare;  
in eo enim sita est æquiparatio, ut quemadmo-  
dum cum ethnicis, ita cum publicis peccatoribus,  
cujusmodi censebantur tunc temporis publi-  
cani, commercium vitari deberet.

327. Corollarium i. Evangelia, aliæque scripta  
sub eminenti Apostolorum nomine vulgata non so-  
lum Incredulorum causæ non prosunt, sed re be-  
ne perpensa etiam obsunt. Primo enim iis ipsa  
sanioris critices regulis, quibus libri nothi rejiciuntur,  
genuini confirmantur. Secundo, licet libri  
apocryphi plurima falsa, & etiam veritatis doctrinae  
Christi adversa contineant, omnes tamen, vel  
fere omnes mire consentiunt in asserendis iis mi-  
raculis, quibus Christus divinam suam missionem,  
& supernam revelationem confirmavit; quod u-

NUM.

(a) Ita Bolingbroekius dans l'examen important &c.  
(b) Hanc postremam sententiam adoptarunt P. Cal-  
met in hunc locum, Tillamontius Tomo I. *Hist. des*  
*Emper. romain.* 54., Tillemontius in *Annal.* Tom.  
I. ad an. V. ante Domini n. 75., Grotius, Ham-  
mondus, Lud. de Dieu, alii. Prima tamen responsio  
mihi solidior videtur.

(c) Vidiri potest erudita exercitatio de Christo gra-  
ce loquente Dom. Diodati Neap. 1767. ubi etiam in  
appendice §. I. communem, & veterem opinionem,

quod S. Matthæus Chaldaice, seu potius lingua Syro-  
Chaldaica Evangelium scripserit, evertere ausus est.  
Et quamquam hæc exercitatio fuerit a multis fortiter  
opposita, dubitari tamen non potest, linguam græ-  
cam tempore J. C. fuisse inter Hebræos admodum u-  
sitatam. Contra Diodatum legi meretur vir clarissimus  
Jo. Bern. de Rossi in Universitate Parmensi linguæ  
Christi, & Hebræorum Palestine post tempora Macha-  
bæica Parma 1772. in 8.



num in præsentiarum est contra Incredulos controversiæ caput.

328. Corollarium 2. Ex hæcenus dictis manifeste sequitur, non solum nostra Evangelia, aliaque Canonica scripta, non fuisse ab aliquo tenebris conficta, sed neque fuisse in rebus majoris momenti interpolata. Ut enim ratiocinabatur S. Augustinus Lib. XXXII. *contra Faustum* cap. 16. Tom. VIII. *quisquis hoc primitus ausus esset, multorum colicorum vetustiorum collatione confutaretur: maxime quia non una lingua, sed multis eadem scriptura continetur.* Aliud est de quibusdam levioribus mendis, aut variationibus, quæ facile poterunt aut non deprehendi, aut dissimulari.

329. Coroll. 3. Hinc etiam patet prorsus esse exhibendum, quod Victor Tunniensis habet in *Chronico*, videlicet: *Messala viro Clariss. Cons. Constantinopoli, jubente Anastasio Imperat. sanctissima Evangelia, tanquam ab idiotis Evangelistis composita reprehenduntur, & emendantur* (a). Certe hujus enormis facinoris nulla apud aliquem alium gravem auctorem invenitur mentio, si unum Isidorum Hispalem excipiamus, qui in *Chronico* Victoreni excubans inquit: *Anastasius Acephalorum errorem vindicans Episcopos Chalcedonensis Synodi defensores exilio damnat: Evangelia quoque, tanquam ab idiotis Evangelistis composita, reprehendit, & emendat.* At vero cum Scriptores orthodoxi multa hujus Imperatoris Eutychiani patribus additi crimina patefecerint, non prætermisissent profecto eum tam horrendi facinoris accusare, quo ipsa religio Christianam fundamenta evellere tentasset.

330. Accedit, non eam esse Victoris Tunniensis auctoritatem, ut aliis silentibus in re tam gravi fidem a nobis extorquere possit. Ac deum, etiamsi deum, Anastasium id efficere voluisse, certum est tamen id non effecisse, imo nec efficere potuisse; neque enim poterat omnes codices, qui toto orbe Christiano dispersi erant, prorsus e medio tollere (b).

#### MONITUM DISCIPULIS PERNECESSARIUM.

331. Opportunum duximus, tota hac in dissertatione multos recentiorum impiorum libros pro-

priis eorum titulis nominare; tum eruditionis gratia, ne scilicet juvenes nostri eos a quibusdam sciolis indebita cum laude memorari audientes, insolita Scripturam nomina mirentur, eorumque auctoritate moveantur; ut *sciamus; qualia sint, in quibus magnifici isti cor exaltant suum* (Sancti Ambrosii Libro I. in *Lucam*): tum vero maxime ut ab iis tanquam a venenosis præcavere possint.

332. Et quidem diversi generis hominibus eorum lectio admodum periculosa esse solet. Periculosa est primo iis, qui politicioribus quidem literis exculti sunt, sed profundiora Theologiæ arcana non penetrarunt, nec Religionis fundamenta ita callent, ut possint cum ejus hostibus justo Marte decertare. Cum enim isti confinia inter ea dogmata, quæ sine piaculo negari non possunt, & hominum opinionibus ignorent, facile contingit, ut a callidis adversariis extra viam abripiantur; eoque facilius, quod plerumque increduli nihil minus velle se simulant, quam Religionem evertere; sed eam dumtaxat ab aulicis superstitionibus expurgare se profitentur.

333. Uterius qui sunt sæcularibus litteris editi, plurimum solent rationi deferre, auctoritati parum. Illic iterum facile seducuntur ab incredulis, qui ea præcipue de causa mysteriis bellum indicunt, quod ea non possint a suæ rationis decempeđa metiri.

334. Denum in certaminibus theologicis nullo modo exercitati satis luminis non habent, ut possint acuta impiorum sophismata detegere, & eludere, etiam quando vident, Religionis fundamenta iis aperte convelli.

335. Id plane nostris pseudo-philosophis compertum est, adeoque suos Libros eo idiomate, eoque stylo evulgare student, ut etiam a rudibus, imo vel ab ipsis fœminis legi comode possint. Quamobrem auctor sum, ut nemo in theologicis rebus non apprime instructus memoratos contra Religionem libros perolvere audeat. Didum est olim sapienter a Quintiliano: *Felices artes, si soli deus artifices judicarent: quanto magis id esset iis rebus ad Religionem pertinentibus observandum, ubi errare, nedum turpe, sed admodum noxium est?*

336. Sed & aliud est hominum genus, quibus horum librorum lectio maxime perniciosa esse solet,

(a) Hæc Victoris verba post Jac. Basnagium in *Hist. Eccl.* Lib. VIII. cap. 2. §. 8. retulit Jo. Millius in *Prolegomenis* ad N. T. iis autem abissis est Ant. Collinsius in impio suo libro de *libertate* cogitandi scd. 2. ut nostra Evangelia tanquam corrupta rejicienda esse, ostenderet. Collinsium confutavit Wesselingius in peculiari Dissert. Trajecti ad Rheenum 1738. & Bentleyus in opere inscripto *La fripponnerie laïque* pag. 168. & seq.

(b) Laud. supra Joan. Millius satis probabiliter putat, *sophistas, aliosque dicendi magistros, quibus hand parum fastidita forte erat Evangelicæ styli barbaries, apud Imperatorem egisse, ut Evangeliorum historiam de*

*novo conficiendam, & sermone puriore græco exprimendam curaret, leveque, & impium Principi eorum male tanti consilii: eo usque fuisse obsecrat, ut serio cogitaret de hæc Evangeliorum reformatione, seu etiam forte opus ipsum inchoaret. Verum, subdit, hujusmodi Evangelia nulla unquam in publicum prodidisse, tam certum est, quam quod certissimum. Ipsum nomen sane novorum Evangeliorum dici hand potest, quantas per universum orientem exercebantur fuisset tragedias, eorum graves tumultus, nec fortasse sine Imperatoris ipsius cæde sopiendos.*

let, adeoque non tantum jure ecclesiastico, & divino positivo, sed & jure ipso naturæ interdicta. Il nimirum sunt, qui in fide ininitæ stabiles, fortesque se esse cognoscunt, quique cupiditatibus suis abstracti, & illecebræ Religionem non admodum cordi habent, quorum denique interesset ea falsa esse quæ fides docet. *Facile credunt miseri, quod optant*: hinc ad conscientie remorsus pacandos, libenter iis argumentis conquescent, quibus præcipua Religionis nostræ dogmata, eorum passionibus contraria impugnantur. Multam in controversiis præjudicia vim habent; nulla autem majora sunt præjudicia, quam quæ a passionibus nostris excitantur. Hinc nec quæcumque rerum theologiarum scientia a periculo deceptionis nos immunes aliquando facit; cum nempe passionum halitus inenitem obnubilant, & voluntatem corumpunt.

337. His, aliisque de causis non solum ecclesiastica, sed etiam sæculari potestate impiorum librorum lectio interdicti semper consuevit. Præsto sunt vel ex ipsa historia profana antiquissima exempla. Scimus enim Protagoræ libros fuisse olim Atheniensium judicio flammis additos. Plura etiam Romanæ reipublicæ memorantur decreta contra libros, qui patriam Religionem offendeant. Constantinus Imperator Arii Thaum cremari jussit, pœna mortis iis comminata, qui impium eum librum occultare præsumerent. Idemque Porphyrii libros comburi curaverat (apud Socratem Libro I. *Hist. Ecclesiast.* cap. 3.) Theodosius junior, ac Valentinianus Augusti scripta

Nestorii, aliorumque hæreticorum, ac denique Marcianus Eutyphorianorum opera cremari jusserunt, ut in P. IV. Synodi Ephesiæ refertur.

338. Majori autem cura, ut par erat, Ecclesiæ Pastores in id semper incubuerunt, ut venenatis pascuis suas oves interderent. Et quantum ea, quæ nunc viget in Ecclesia Romana circa librorum censuram, disciplina recentior sit, a Pio IV., Sancto Pio V., & Clemente VIII. constituta, a Benedicto autem XIV. nova methodo confirmata (vid. ejusd. Pontif. Constitutio *Sollicita* VII. Id. Jul. 1755.) usus tamen perniciosos libros prohibendi in Ecclesia antiquissimus est, imo Apostolis coævus; ut enim legitur Act. XIX. vers. 19. *Multi eorum, qui fuerant curiosa sectati, contulerunt libros, & combusserunt eorum omnibus.*

339. Post Apostolos autem eandem curam eripiendi libros perniciosos & manibus fidelium semper adhibuerunt Romani Pontifices, ut pluribus exemplis manifestum fieri potest, præcipue autem Gelasii, cujus decretum de libris apocryphis, & caute legendis invenitur in Collect. Labbeana Concilior. Tomo IV., & Gregorii Magni, qui codicis ejusdem lectionem omnibus interdixit esse voluit Lib. VI. Epist. 66.; ad quem locum scite adnotarunt doctissimi editores Benedictini, *agnoscendam esse in Romanis Pontificibus libros aliquos prohibendi potestatem, & consuetudinem, cui parere tenebantur etiam Orientalis Ecclesiæ alumni, Constantinopolitano Patriarchæ, aut alteri alicui subditi* (a).

(a) Adi. .... sis P. Antonium Valsecchium L. III. *Dei fundamenti della Religione* P. III. c. 3. & ... Theoph. Raynaudum in *Erotemate de malis, ac bonis libris*, Bellarminum de *locis theol.* Lib. III. cap. 20, *Getsemani de jure, & more prohibendi, expurgandi, & abolendi libros hæreticos, & noxios* adv. Franc. Junium Ingolstadt 1603. in 4.; ejusdemque orationem de vitandis librorum moribus noxiorum lectione Tom. XIII. Opp., Jacobi Boileau *bonjuxis sive disquisitionem historicam de librorum circa res theologicas approbatione*, Claudij Espenacii in *Tract. de suspectorum librorum lectione* inter ejus opera Parisiis vulgata pag. 618.: Franc.

Anton. Zachariam *Storia polemica delle proibizioni de libri Romæ 1777.*, *Recueil des Actes, & memoires du Clergé de France* Tom. I. Tit. IV. *De l'impression, & approbation des livres concernant la Religion*. Extat item præclara Estii oratio de fugienda lectione librorum hæreticorum in fine ejusdem Comment. in Sac. Script. Leges denique saluberrimas in hac materia ab Imperatoribus Carolo VI., & Francisco I., tum etiam ab immortalis nominis Augusta Maria Theresia latas memorat Pappus Joseph. Kiegger in suis *Instit. Jurisprudentiæ Ecclesiæ* ann. 1765. Part. I. pag. 143.

# SECUNDA PARS

## DE FUNDAMENTIS RELIGIONIS CATHOLICO-ROMANÆ CONTRA HETERODOXOS.

1. Multiplices incredulorum difficultates contra religionem revelatam hactenus Deo opitulante enodavimus. Unam tamen huic loco reservare opportunitum duximus, quia ejus solutio nobis quasi janua aperit ad veram Christi religionem, quam Ecclesia Romano-Catholica proficitur, a falsis Heterodoxorum sectis discernendam.

2. Ita autem obijciunt Christianæ religionis hostes: insignis doctrinæ a Deo revelatæ character esse debet perspicuitas, ut nempe verus, germanusque ejus sensus a quolibet etiam facile percipi queat; doctrina enim ita obscura, ambigua, & æquivoca, ut in quacunque partem detorqueri possit, certe a Deo revelata non est. At vero in doctrina Christiana, quam cœlestem, & divinam prædicamus, hujusmodi perspicuitatis character non apparet, cum videamus, e prima ipsius origine usque ad hæc nostra tempora, de vero ejusdem sensu lites semper fuisse, & adhuc esse plane immortales: non ergo doctrina potest esse a Deo revelata. Ita Increduli.

3. Sed nihil Catholicis facilius, & nihil, ut puto, difficilius Acatholicis, quam hanc objectionem expedire. Dicimus nos, doctrinam Christi in sacris litteris, atque Apostolicis traditionibus contentam, non semper perspicuam esse posse, cum propter mysteriorum sublimitatem, tum propter alias causas, quas sine perpetuo miraculo Deus impedire non potuisset: Deum tamen huic obscuritati tollendæ nobis facile, ac tutissimum medium suppeditasse, nempe vivum magisterium Ecclesiæ, cui Christus Dominus totius revelationis depositum, & custodiam tradidit, & cui perpetuo se præsto futurum promisit usque ad consummationem sæculi. Ab ea igitur facile est cuicumque fidelis etiam rudi, verum, germanumque divinæ revelationis sensum sine ullo erroris periculo addiscere. En itaque insignem illum, quem Increduli jure, meritoque exposcunt, divinæ revelationis characterem, scilicet doctrinæ revelatæ perspicuitatem.

4. Quomodo autem possint Heterodoxi huic ipsi objectioni Incredulorum plene satisfacere, ego equidem non video. Habent illi, quemadmodum & nos, divinam revelationem in sacris litteris utrius-

que testamenti contentam. Sed primo Apostolicas traditiones rejiciunt, quæ a patribus in filios usque ad nos derivatæ, nobis luculenter patefaciunt doctrinæ ab Apostolis prædicatæ legitimum sensum. Hinc magno se ipsos privant ad veram ejusdem revelationis intelligentiam consequendam adjumento.

5. Deinde dum supremum, & infallibile Ecclesiæ magisterium audire recusant, & unusquisque proprio suo fallibili judicio innititur, necesse omnino est, ut in varias, sibi repugnantes sententias distrahantur, ut nihil plane habeant certi, & determinati, quo tuto pedem figere queant. Hinc illæ obscuritates, æquivocationes, ac perpetuæ controversiæ in divina revelatione, de quibus Increduli merito conqueruntur. In sola igitur Ecclesia nostra verus ille divinæ revelationis character habetur (a). Sed id obiter modo. Aliis enim argumentis operosius demonstrare aggredimur, in sola Ecclesia Romano-catholica Religionis a Christo institutæ vera fundamenta perpetuo fuisse conservata, & adhuc conservari.

6. Ut vero id meliori, quo potest, ordine disponatur, totam hanc secundam partem bifariam dividemus, & primo methodum Heterodoxorum refutabimus in controversiis definiendis, quæ de vera Divinæ revelationis intelligentia exoriantur; post autem methodum Ecclesiæ Catholicæ omni argumentorum genere confirmabimus. Operæ tamen pretium erit, in antecessum disserere de divinis, & Apostolicis traditionibus, ostendendo supernam revelationem a Deo hominibus factam non in solis utriusque fœderis libris comprehendi, sed etiam orali traditioni fuisse commendatam, ejusque ope in Ecclesia perpetuo conservari. Sit itaque

### DISSERTATIO I.

*In qua demonstratur contra Heterodoxos, Divinam revelationem non solum in sacris litteris, sed etiam in divinis traditionibus contineri.*

Haud exigui momenti, ut prima fronte aliquibus videri potest, ista controversia est; per-

quia-

(a) Hoc argumentum eleganter juxta, ac solidissime pertrahit Pater La-Berthonye O. P. in sua XII. Inst. theologia contra incredulos Dom. II. Des Oeuvres pour la defense de la Religion à Paris 1777. Legi etiam

invenitur, quæ auctor de l'histoire de la vie, & des oeuvres de la Mothe-Fenelon in 2. Amsterdam. 1717. de se ipso narrat p. 104. & scilicet, recte concludens, aut Deistam esse oportere, aut Catholico-Romanum.

magni enim interest, quibus fontibus Divina revelatio continetur, & per quos canales ad nos usque dimanaverit, determinare. Danda est igitur opera, ut hæc materia copiose, atque accurate, ut par est, pertractetur (a).

## CAPUT I.

Quid sit traditio, & quotuplex,  
& quinam ejus hostes?

7. Traditionis nomen, si generatim accipiamur, doctrinam significat ab uno alteri traditam sive voce, sive scripto: unde Sanctus Paulus 2. Thessal. II. 15. *Tenete, inquit, traditiones, quas didicistis, sive per sermonem, sive per epistolam nostram.*

8. Hic tamen traditionis nomen sumitur pressius pro eo, quod a Deo revelatum est, sed a nullo auctore canonico litteris mandatum (Franc. Veronius in *Regula fidei* append. §. 4.): seu pro doctrina a Christo, ejusque discipulis viva voce tantum communicata, quamvis postea ab aliis fuerit etiam litteris consignata.

9. Duplex est autem traditionis partitio, altera ratione materię, seu objecti, altera ratione principii. Nam ratione materię alia est traditio dogmatum fidei, alia præceptorum, quæ mores spectant, & alia demum eorum, quæ ad Ecclesię disciplinam pertinent. Quæ divisio satis ex se clara explicatione non indiget.

10. Ratione vero principii dividuntur traditiones in divinas, & ecclesiasticas. Divinæ iterum distinguuntur in eas, quæ a Christo Domino immediate suam originem ducunt, & in eas, quas non a Christo, sed ab Apostolis accepit Ecclesia. Inter primas recensetur traditio Sacramentorum, quæ Christus ipse instituit, atque Apostolis traditione reliquit. Istæ traditiones vocari communiter

solent peculiari quadam ratione *Divinæ*, vel etiam *Dominicæ*. Exemplum aliarum traditionum, quæ dicuntur *Apostolicæ*, suppleat traditio librorum Canonicorum N. T., quæ a Christo Domino immediate repeti non potest; diu enim post ejus ascensionem in cælum hi libri conscripti fuerunt. Sunt tamen & istæ traditiones *Divinæ*, quia ab Apostolis suggerente Spiritu Sancto nobis relictae sunt; quamvis majoris distinctionis gratia solescit appellari *Apostolicæ*: & hæc distinctio a Patribus etiam Concilii Tridentini Sess. IV. facta fuit (vid. infra num. 13.). Ambæ istæ traditiones constituent Verbum Dei non scriptum.

11. Aliæ denique sunt *ecclesiasticæ*, quæ nempe præcepta quædam continent, ab Ecclesia sequentibus temporibus imposita; ejusmodi sunt observantia quarundam festivitatum, abstinentia certis diebus a carnibus, vel etiam a lacticiniis, &c. De his traditionibus ecclesiasticis, nulla nobis in præsentiarum est controversia; quomobrem nec minutiores earum divisiones persequi volumus.

12. Sed tota controversia est de solis traditionibus divinis, & apostolicis, quæ ad fidem, moresque pertinent. Est autem hæc controversia cum Lutherò, Calvino, aliisque, qui ante duo sæcula luctuoso schismate ab Ecclesia Catholica desciverunt. Contendunt nempe, totam, quanta est, divinam revelationem in solis litteris contineri, quas proinde unicam fidei nostræ regulam esse vultum (b).

13. Contra vero Catholici una cum sacrosancta Trident. Synodo Sess. IV. profitentur veritatem, & disciplinam, quam Dominus noster Jesus Christus Dei filius proprio ore primum promulgavit, deinde per suos Apostolos prædicari jussit, contineri in libris scriptis, & sine scripto traditionibus, quæ ipsius Christi ore ab Apostolis acceptæ, ab istis Apostolis Spiritu Sancto dictante, quasi per manus traditæ ad nos usque perven-

(a) Narrat Sozomenus Lib. VII. *Hist. Ecclesiast.* c. 1. Theodosium Imper. ad finiendam controversiam de Trinitate, quæ eo tempore Ecclesiam turbabant, consilio Nestarii Patriarchæ Constantinopolitani, professus se variam Sedarum principibus, ut ex veterum Doctorum, atque Sacrę Scripturę Interpretum doctrina, hoc est antiqua Patrum traditione, omnia definirentur; Sedarios vero id detrectasse. Ex qua historia apparet, & veterum Catholicorum morem fuisse, in rebus fidei traditionem consulere, & hæreticorum vitium eandem respuere.

(b) Calvinistę tamen, qui in *Anglia Episcopales* dicuntur, quia Ecclesiasticam hierarchiam contra Presbyterianos vel Puritanos conservant, apostolicas traditiones nobiscum admittunt, ut videri potest in præfat. ad epistolam Jo. Launoy Cantabrigiæ 1699. in fol. tum apud Guill. Beveregium in præf. ad Codicem Canonum *Ecclesię primitivę*. Celebris etiam Molanus Abbas de Lockham Lutheranus non admodum difficilem se in recipiendis traditionibus ostendebat apud Bossuetum Tom. I. *Œuvres posthumes* edit. Amstel. 1353. in 4. p. 70. & seq. ita enim agebat in suis privatis cogi-

tationibus de methodo reunionis Ecclesię Protestantium cum Ecclesiâ Romana catholica. De traditionibus, sive verbo Dei non scripte ... res compositi faciles, si dicamus statum controversiæ inter nos (Protestantes) & Catholicos non esse, an dentur traditiones, sed an per traditionem accepit Ecclesiâ novum aliquem fidei articulum, ad salutem crediti sub æterna beatitudinis jactura necessarium, in scriptura neque totidem verbis, neque per bonam consequentiam extantem. Posterius negant Protestantes, non prius: ex quibus moderatores admittunt, non solum ipsam Sacram Scripturam nos traditioni debere, sed in articulis fundamentalibus genuinam, & orthodoxam Scripturę sensum, ut multa alia ... ex traditione magis cognoscibilia taceamus &c. Illi autem illi respondet Bossuetus p. 224. Si Protestantes consentiant, scripturę sensum, alique permulta traditione dimittat esse cognoscibilia, vix ulla superest difficultas. Sed & Leibnitiis apud eundem Bossuetum p. 446. ultro fatebatur, plures ex Protestantibus non inchoari, aliquas revelationes ad nos pervenisse apostolica traditione.



nerunt. Atque ad earum veritatem magis firmandam, anathema dictum est ei, *qui sciens, & prudens illas contempserit* (a). Quod Ecclesiae Catholicae decretum demonstrat sequens

## CAPUT II.

*Præter verbum Dei scriptum admittendum est etiam verbum Dei ore traditum; atque hoc necessarium est tum ad orthodoxum Sacrae Scripturae sensum determinandum, tum etiam ad quædam fidei, morumque dogmata, quæ in sacris litteris non continentur.*

14. Et primo observare juvabit, omnia Religionis nostræ dogmata fuisse a Christo Domino oretenus tradita, non autem scripto consignata. Imo hæc ipsa dogmata ab Apostolis primo oretenus fuerant prædicata, & ab Ecclesia diu sine scripturis illibata conservata. S. Lucas in principio sui Evangelii se ea scribere testatur, quæ illi tradita fuerunt ab iis, qui ab initio illa viderant. Certum pariter est, non omnes Apostolos ea litteris consignasse, quæ populi prædicarunt. Ac demum non omnia Evangelia, aliæque novi testamenti scripta uno, eodemque tempore prodierunt; nunc apparet ipso Ecclesie nascentis exordio divinarum traditionum usus, easque esse Scripturæ Sacra antiquiores.

15. Sed ulterius non omnia ab Apostolis fuisse scripta, verum aliqua solum ore tradita, aperte indicat S. Paulus 2. ad Thessal. II. 15. inquit, *itaque fratres state, & tenete traditiones, quas didicistis, sive per sermonem, sive per epistolam nostram.* Quem locum, licet nullo glossæmate indigere videatur, ita tamen majoris claritatis gratia commentatur S. Jo. Chrysostomus (Hom. IV. Tom. XI. pag. 552.): *Hinc est perspicuum quod non omnia tradiderunt (Apostoli) per epistolam, sed multa etiam sine scriptis; & ea quoque sunt fide digna. Quamobrem quoque traditionem censeamus esse fide dignam. Est traditio, nihil amplius quære. Eademque fere habet S. Basilii Lib. de Spiritu Sancto c. 29.*

(a) Quia Concilium minime determinavit, quænam sint illæ traditiones, quas Apostoli vel ab ore Christi Domini, vel ab interna Spiritus Sancti inspiratione acceperunt, male infert auctor Juris publ. Eccl. Cathol. ad Statum Germaniæ pag. 16. & seq. edit. 1745. anathema ab eodem Concilio ei dictum, *qui traditiones sciens, & prudens contempserit*, esse fulmen vagum, quo Protestantes minime feriuntur, cum isti non negent *jus*, nempe admittendas esse tales traditiones, si extant, sed solum *factum*, sen tales traditiones existere. Male inquam; ex toto enim illo capite constat, Concilii Trid. mentem fuisse contra Protestantes definire ipsum *factum*, nempe divinas, & apostolicas traditiones existere, licet quænam illæ sint, eo loco determinare noluerit, quod postea præstitit, ubi statuerit dogma, quod in sacris litteris, aut nullatenus, aut

Gazaniga Theol. Tom. I,

16. Quibus testimoniis exploditur contentiua illa quorundam explicatio, qui contendunt, Apostolum loqui non de dogmatibus fidei, sed de rebus ad externam Ecclesie politiam spectantibus; vel Apostoli locutionem non esse accipiendam in sensu disjunctivo, sed copulativo, quasi diceret: *quæ didicistis tam per epistolam, quam per sermonem*, quia eandem doctrinam, quo altius fidelium animis imprimetur, & scripto, & verbis exposuerat. Utraque hæc explicatio & Apostolicæ sententiæ manifestam vim facit, & a Sanctis Joann. Chrysostomo, & Basilio aperte excluditur.

17. Nec minus frivola est aliorum responsio, qui dicunt, ea, quæ ab Apostolo Paulo fuerant Thessalonicensibus sermone tradita, fuisse postea ab aliis auctoribus scripto consignata. Frivola est, inquam, hujusmodi responsio, tum quia omnino fundamento caret; tum quia temere supponit, Apostolos quasi ex condito inter se convenisse, ut quæ unus solum viva voce tradiderat, alter litteris exararet; tum demum quia aliqua fidei dogmata a nullo prorsus sacro auctore fuisse conscripta; inferius allatis exemplis manifeste declarabitur.

18. Similis, & adhuc clarior est alter ejusdem Apostoli locus 2. ad Timoth. I. 15. *Formam habere sanorum verborum, quæ a me audisti in fide, & in dilectione in Christo Jesu. Bonum depositum custodi.* Quæ verba sic iterum commentatur S. Jo. Chrysostomus inquit: *nos modo per litteras, sed etiam verbis Discipulo quæ essent agenda, disclavi.* Tom. XI. p. 672.

19. Probat, secundo eadem prima pars nominis Sanctorum Patrum testimoniis: omnia enim afferre nimis longum esset, & parum utile contra eos, qui traditiones rejicientes etiam parvi faciunt veterum Patrum auctoritatem. Et quidem sufficere deberet S. Ignatius Martyr, qui S. Petro Apostolo post Sancti Evodii in Cathedra Antiochena successit. Hic, referente Eusebio (Lib. III. Hist. Eccles. cap. 36.) primos Christianos hortabatur, ut *Apostolorum traditionibus* (b) *tenacius inhaerent, quas quidem* (subdit Eusebios) *ad certiore posteritatis notitiam testi-*

*saltem non perspicue continebatur, occasio se obtulit*; ut Sess. VI. de Sacramentis, Sess. XXV. de Purgatorio, ac de invocatione, veneratione, & reliquiis Sanctorum, & sacris imaginibus &c. Et si Ecclesie fulmen declinare possent in hac re Protestantes, illud etiam declinare possent in ceteris omnibus suis erroribus dicendo, paratos se esse ad omnia dogmata recipienda, quæ fuerunt a Christo seu Ecclesie revelata, solum *factum* se negare, scilicet hoc, vel illud dogma fuisse revelatum.

(b) Frigide cavillatur Th. Ittigius in Hist. Eccles. Sect. I. cap. 3. in eo, quod Eusebius dicat in numero singulari *venerunt*, inaleque verterit Hebr. Valesius in plurali *traditionibus*. Sed quidquid sit, satis liquet, sermonem ibi esse de Apostolorum doctrina, non scripta, sed ore tradita.

monio suo confirmatas scriptis mandare necessarium dixit.

20. S. Epiphanius *Hær. LXI. Sed & traditione quoque*, ait, opus est; neque enim ex Scripturis per se possunt omnia. Idcirco alia scripto, traditione alia sanctissimi Apostoli reliquerunt.

21. Eusebius denique, ( ut plures alios nunc omittamus, quorum inferius testimonia opportunius asserentur ) de Apostolis loquens *Lib. I. Demonstr. Evangel. cap. 8. ad imbecillitatem*, inquit, multorum se demittentes partim litteris, partim sine litteris, quasi iure quodam non scripto servanda commendaverunt.

22. Prob. secunda pars, nempe traditiones esse necessarias ad orthodoxum Sacra Scripturæ sensum determinandum, de qua tamen plerique adversariorum nobis consentiunt (a). Sæpius enim contingit, sive innata quorundam Scripturæ locorum obscuritate, sive hominum præjudiciis, & perversitate, ut de vero, ac genuino ejusdem Scripturæ sensu controversiæ excitentur. Ad eas autem finiendas nihil aptius esse potest, quam antiqua fidelium traditio: ea enim facile innotescit, quomodo a primis Apostolorum temporibus illa Scripturæ loca fuerint intellecta: eamque esse legitimam ejus interpretationem certo certius colligimus, quæ constanti, & universali majorum traditione semper in Ecclesia viguit.

23. Hanc rationem ita olim proponebat Vincentius Lirinensis in suo *Companionio* l. c. 2. *Quis Scripturam Sacram*, inquit, pro ipsa sua altitudine non uno, eodemque sensu universi accipiunt; sed ejusdem eloquia aliter, atque aliter alius, atque alius interpretatur, ut pene quot homines sunt, tot illinc sententias erui posse videantur. Aliter namque illam Novatianus, aliter Sabellius, aliter Donatus exponit, aliter Arius, Eumonius; Macedonius, aliter Photinus, Apollinaris, Priscillianus; aliter Iovinianus, Pelagius, Cælestinus, aliter postremo Nestorius. Aique ideo multum necesse est propter tantos tam varii erroris anfractus, ut prophetica, & apostolica interpretationis linea secundum ecclesiasticam, & catholicam sensus normam dirigatur &c. Dignus est locus, qui quamvis prolixus, totus legatur.

24. Idem antea scripserat Eusebius Cæsariensis contra Marcellum Ancyranum cap. 1.; loquens enim de catholicis dogmatibus; hæc, inquit, præterquamquod sunt divinis litteris consignata, sunt etiam adhuc majorem in modum confirmata per traditionem Catholicæ Ecclesiæ Dei a finibus ad fines terræ, quæ ex non scripta

traditione sacrarum Scripturarum testimonia confirmat, & obsignat.

25. Plura in hanc rem adducere non est necesse; nam per se clara est, & nemo ignorat, verbum Dei fuisse ab Apostolis prædicatum, Ecclesiis traditum, & fusiis, ac sæpius fidelibus explicatum, prius quam sacris litteris consignaretur; quo fit omnia omnino sanctæ nostræ religionis dogmata, traditione continerentur, nullumque in verbo Dei scripto reperiri posset, quod etiam traditione non sit propagatum: traditio ergo in subsidium vocata optima erit Sacra Scripturæ interpretes. Unde ipsa experientia constat, in controversiis de dogmatibus fidei, & morum plus esse virium in traditionibus quam in Scripturis, utpote quia traditionum ope facilius verum, & legitimum Scripturarum sensum assequimur.

26. Probat. denique tertia pars, scilicet necessarias esse divinas, atque apostolicas traditiones propter aliqua religionis dogmata, quorum nulla, vel saltem non expressa invenitur in sacris paginis mentio. Certe vel ipsi Calvinistæ, & Lutherani eodem fere ac nos novi Testamenti libros, ut *canonicos*, & divinitus inspiratos agnoscunt, & venerantur. Quod quidem dogma aliorum fundamentum est: sacris enim & canonicis libris sublati omnem apud ipsos religionem corrumpere necesse est. At vero totam sacram Scripturam a capite ad calcem evolvant, nobisque ostendant, ubinam divinarum istorum codicum Canon inveniat, ut propterea concludi possit, etiam capitalem hunc fidei articulum una cum ceteris omnibus scriptum esse. Sane, ut Eusebius Cæsar. *Lib. VI. Histor. Eccles. Cap. 25.*, & alibi observat, nonnisi ex traditione Ecclesiarum potuit sacrarum librorum Canon efformari.

27. Mirum est, quantum torqueantur adversarii, ut ab hoc validissimo argumento se expediant. Primo eorum aliqui dicunt, librorum *Canonicitatem* non esse in fidei articulis numerandam (b). Secundum divinarum librorum *addivitiam* non esse probandam, quia hoc est Religionis nostræ principium; nulla autem scientia sua principia probat (c). Tertio Scripturas Sacras ex qualitatibus quibusdam, quæ ipsis natales sunt, satis dignosci, quin ad traditionem confingere indigeamus (d).

28. Verum hujusmodi responsionibus causæ suæ infirmitatem Adversarii produunt. Primo enim quid absurdius dici potest, quam Canonem sacrarum librorum ad fidem non pertinere, cum plane totius fidei fundamentum sit? quasi vero eadem prorsus ratione credi possit, hos libros canoni-

COS

(a) Vid. Sam. Basnagius *Diss. IX. de Tradit. n. 8.* & 9. *Tom. I. Annalium Politicorum ecclesiasticorum.*

(b) Molinæus in *Clypeo fidei* Sect. 4.

(c) Basnagius *Diss. IX. n. 12. Tom. I. Annal. Eccles.*

(d) Ita idem Basnagius n. 13., tum do ministri

Calviniani Jo. Clandius, & Petrus Jurins, atque antea iohannes Calvinus ipse *Lib. I. Institut. c. 7.* contendens, Scripturam non obscuriorem veritatis sine sensum præferre, quam coleris sit res albas, vel nigras, & sapientis suaves, & amaras.

eos esse a sacris scriptoribus divino afflante Spiritu elucubratos, qua credimus, Iliadem, aut Euxidem ad eos auctores pertinere, quorum nomina praeseferunt; & non potius divina, supernaturaque fide centum esse omnibus debeat, iisdem divinam revelationem, divinamque auctoritatem contineri. (a) . . .

29. Ad haec cum Adversarii nullam aliam fidei nostrae regulam agnoscat, nisi divinos libros, undeam fidei dogmata haurire, aut probare poterunt, si aliquis eos libros esse genuinos, & authenticos, impune, & citra fidei iacturam negare possit?

30. Alterum vero merum sophisma est: nam principia alicujus scientiae non probantur, quando vel per se perspicua sunt, vel ab alia scientia sunt demonstrata; at vero de librorum canonicorum authenticis, & inspiratione & multa jam exorta sunt dubia; & alia exoriri possunt, ad quae tollenda nulla alia est via, quam traditio, qua sola eorundem *vero exitus* constat.

31. Ad tertium. Non negamus quidem esse sacris libris quasi impressa divina inspirationis vestigia, quibus ab aliis discernantur; sed id non ita luculenter, & certo constat, ut possimus eos, qui ipsam inficiantur, ad incertis redigere, nisi in subsidium advocetur traditio, quemadmodum etiam praecisa temporibus factum est. Et saepe quis non miretur, ad hanc responsionem confugere Basnagium, cum ibidem (num. 21.) veritate adhaerens dicat, non omnibus libris canonicis olim debitam venerationem fuisse adhibitam, propter obscuriores divinitatis notas? (b) . . .

32. Praeter Canonem scripturarum multa sunt alia, quae Protestantibus ubique credunt, in sacris autem litteris aut nullatenus, aut saltem aperte non continentur. Hujusmodi sunt perpetua

Deiparae Virginitas contra Helvidium, substitutio Dominicae in locum Sabbati; licitum esse eam sanguinis, ac suffocati non obstante Apostolice interdicio; ac potissimum valere baptismum collatum ab Haereticis, malisque hominibus, ac valere quoque eundem baptismum collatum pueris ante usum rationis, & per solam aquae infusionem.

33. Et quantum ad hunc baptismi valorem, merito Nicolius (Tom. II. des *œuvres de controver.* ch. 17.) urgebat Protestantibus, eos, reiectis traditionibus, nullo modo esse de suo baptismo securos. Nam primo omnes in infantia baptizati sunt; at vero Anabaptistae, qui paedobaptismum respiciunt, nunquam poterunt expressis, atque aperte Scripturarum testimoniis convinci (c). Praeterea Omnes pariter baptizati sunt per aquae effusionem, & non per immersionem, cum tamen verbum *baptizem* denotet immersionem; nec ullibi legatur in sacris litteris posse indifferenter infusionem adhiberi, aut immersionem, & solum hoc constat ex usu, & traditione Ecclesiae. Tertio. Quomodo ex solis sacris litteris probantur adversarii, baptismum ab Haereticis collatum esse validum (d)? Primi autem ipsorum Patres Lutherus, Zuinglius, Calvinus, alii fuerant baptizati in Ecclesia Catholica, quam multarum haereson ream esse volunt. Et cum multo minus ex sacris litteris constat, validum esse baptismum a non baptizato collatum, nemo baptizatus ab illis primis invalide baptizatus poterit esse de suo baptismo tutus (e). Ad haec, cum aliqui eorum credant, baptismum a laicis valide conferri non posse, multo magis sequitur, primos pseudo-reformatores, qui a nostris Sacerdotibus baptizati erant, non fuisse valide baptizatos, cum nostros Sacerdotes, & Episcopos appellet pseudo-Episcopos, & Sacrificulos.

54.

(a) Id quidem imprenderet exordium etiam Henr. Holdeno de *resolutione Fidei* Lib. I. capit. 4. pag. 43. edit. Paris. in 8. ann. 1767. Imo & alia nonnulla hic auctor adiecit, quibus Scripturae sacrae dignitate deprimere visus est, ut traditionis non scriptae auctoritatem extolleret; de quibus merito reprehensus est ab Argentino ibid. pag. 453. & seq.

(b) Non refutari meretur singularis Franc. Turretini responsio, qui in *Institut. Theol. Elencico* Loco II. quest. 16. Scripturae traditionem & traditionem aliorum dogmatum secerit vult, quia illa est *formalis*, & *divina*, & hujusmodi traditiones admitti posse concedit; aliae autem sunt *passivae*, & *materialiter*; & has explosandas esse vult. Ut enim testemur de hac inaudita, & parum intelligibili distinctione, facile est demonstratum, eodem modo credi ut dogma fidei quatuor Evangelia esse verbum Dei, ac credantur cetera dogmata, ut proinde si primum creditur ex sola traditione, sequum sit, quaedam alia similiter credi.

(c) Paedobaptismum ex antiqua traditione Ecclesiae potissimum repetit S. Augustinus L. IV. de baptismo cap. 24. utens illa regula: *quod universa tenet Ecclesia, nec conciliis institutum, sed semper retentum est; nonnullis auctoritate apostolica traditum, reliquis credi-*

tur Tom. IX. Imo inter adversarios non pauci paedobaptismum aut solum, aut potissimum ex traditione repetunt, ut Jo. Lightfootus in *Horis Hebr.* ad Matth. III. 6. & Sim. Basnagius in *Analitico politico-Ecclesiastico* ad annum Christi 29.

(d) Idem S. Augustinus eodem opere de baptismo Lib. V. cap. 23. de valore baptismi Haereticorum loquens, *Apostoli, inquit, nihil quidem exinde praesceperunt. Sed miracula illa, quae opponebat Cypriano, quae eorum traditione avarum sumptuosa credenda est, sicut sunt multa, quae universa tenet Ecclesia, & ubi hoc ab Apostolis praecipia bene credantur, quoniam scripta non reperiantur.*

(e) Hieron. Sancti Pater in Libro II. contra epist. Parmeniani cap. 13. *Alia questio est, inquit, utrum & aliis, qui nunquam fuerint Christiani, possit baptismum dari, nec aliquid temere inde affirmandum est sine auctoritate tanti Concilii, quantum tanti rei inficit. Hanc questionem rursus movet Lib. VII. de baptismo, cap. 53., & respondet: nobis tutum est, in ea non progredi aliquid temeritate sententia, quae nullo in Catholico regionali Concilio capta, nullo plenario terminata sunt. Quamvis postea baptismum a non baptizato rite collatum sibi validum videri affirmet.*

54. Neque vero respondeant Adversarii, hæc, & similia dogmata contineri in sacris litteris; non quidem totidem syllabis, & expressis verbis; sed sensu, atque analogia, quam Apostolus Roman. XII. 6. indigitat dicens, *sive prophetiam secundum rationem* (græce *λογισμῶς* fidei.) (a).

55. Non inquam; sæpius enim provocati, ut nobis ostendant; quomodo implicite dogmata superior memorata in sacris litteris contineantur, nihil nisi inania verba dare potuerunt; sicuti plerumque inane est verbum istud *analogia*, quæ ex Scriptura eruiere se omnia dogmata profitentur; unusquisque enim in suis placitis statuendis *analogiam fidei* sectari se credit; & ita hæc fidei analogia ad dogmata omnino contraria pertrahitur. Et ulterius, si etiam concederetur, ea in sacris litteris implicite, & subobscurè contineri, adhuc tamen necessaria esset traditio, & contra Hæreticos luculenter demonstraretur.

56. Probatior ulterius traditionum usus ex Conciliis, quæ solis Scripturis minime contenta, etiam veterem, constantemque Ecclesiæ traditionem censendam esse, semper censerunt. Concilium Nicænum vocem *quædam* quamquam in Scripturis minime reperitur, quia tamen a veteribus Ecclesiæ Patribus usurpata fuerat, ad hæresin Arianam condemnandam adhibuit; cui voci etiam Eusebius Cæsariensis consensit, postquam ea nonnullis ex antiquis disertis, & illustres Episcopos, & Scriptores suos esse cogovit (b). Synodus V. in fine definitivissè se asserit, quæ tradita sunt, tam a divinis Scripturis, quam a *St. Patrum doctrina*; ostendens fidei nostræ dogmata in Scriptura contineri, & Traditione. Synodus VII. in fidei definitione ad Iconomachos damnandos potissimum traditiones adhibuit, ac conclusit: si quis Ecclesiæ traditiones sive scripto, sive consuetudine valentes non cupaverit, anathema. Synodus vero VIII. A. D. X. Can. 1. *Sanctiones*, inquit, *Ecclesiæ Catholicæ, & Apostolicæ per traditionem . . . acceptas, servandas, custodiendasque profitemur*. Et facile esset, per omnes Synodos œcumenicas discutendo, eandem Ecclesiæ praxim semper ostendere: unde mirum non est, si etiam Tridentina Sess. IV. *Orthodoxorum Patrum exempla secuta*, traditiones tum ad fidem, tum ad mores pertinentes, tanquam vel cretus a Christo, vel a Spiritu S. dictatas, & continua successione in Ecclesiæ Catholica conservatas pari pietatis affectu, ac reverentia suscipere, ac venerari precepta est (c).

57. Denique etiam Græcos schismaticos Ecclesiæ Romanæ in traditionibus suscipiendis consentire nihil eorum testimonio allatis ab Arnaldo, & Nicolio perspicue ostensum fuit. (*Perpétuité de la Foi de l'Eglise Catholique* T. III. L. VIII. c. 17.

58. Imo si seposito Patrum studio suos ipsos libros polemicis adversarii considerare vellent, in quibus nostrorum dogmatum veritatem adversus Socinianos, aliosque Hæreticos vindicant, se a traditionibus nullatenus abstinere posse videntur (d).

59. Objic. primo. Sacrae litteræ omnem traditionem *hypocritæ* non scriptam aperte condemnant. Nam Deuter. IV. 2. præcepit Deus, *Non additis ad verbum, quod vobis loquor: nec auferetis ex eo*. Simile quid legitur Apoc. XXII. 17. *Si quis apposuerit ad hæc, apponet Deus super illum plagas scriptas. in libro isto* (vid. etiam Deuter. XII. 32. & Proverb. XXX., 5. & 6.). Accedit illud Sancti Pauli ad Gal. I. 8. *Sed licet nos, aut Angelus de cælo evangelizet vobis, præterquam quod evangelizavimus vobis, anathema sit. Ac demum Christus Dominus Math. XV. 3. & 6. Phariseos, quod traditiones sectarentur, acriter objurgat. Vid. etiam Marci VIII. 3. & 7.*

40. Resp. Traditiones divino-apostolicas nulla ratione appellari posse additamentum verbo Dei; nihil enim aliud sunt, quam ipsissimum verbum Dei, seu divina revelatio non scripta. Et quemadmodum locis Scripturæ supra laudatis non prohibentur alii canonici libri posterius Deo inspirante exarati, ita nec prohibentur traditiones, quæ ab eodem Spiritu Dei originem trahentes, ad nos usque propagatæ sunt; & tota prohibitio eo præcepto sæpius repetita solum falsas, profanasque doctrinas submovet, non eas, quæ verbo Dei sive scripto, sive tradito continentur. Id vidit etiam Grotius, qui ingenue fateatur, nihil inde contra traditiones erui posse (in *Comment. ad cit. loc. Deuter.*).

41. Sed si rem diligentius considerabimus, non solum hoc præceptum traditionibus non opponitur, sed eas potius confirmant; nedum enim prohibetur additio, verum etiam subtractio verbo Dei: Nec auferetis ex eo: auferunt autem, & divinum verbum imminuunt, qui traditiones expolunt (e).

42. Christus etiam Phariseos merito objurgabat, quod falsas, & commentitias traditiones contra inaudata Dei sectarentur. Clara sunt hæc Christi

(a) Phil. Marnixius ita respondet epistol. I. inter Epistolæ protestantium virorum Amstelod. 1684.

(b) Vid. Theodoretos Hist. Eccles. L. I. c. 8.

(c) Jo. Lannojo in sua epist. 14. ad Ludov. Marcianum incredibili diligentia, & labore per omnia cœcilia discurrens, continuum traditionis usum eruditè ostendit.

(d) Id variis exemplis probat Bauchinius *Lettres polemiques* Lett. 2. §. 29. & 30.

(e) Etiam apud Judæos veras, & divinas videri traditiones a pluribus demonstratum fuit contra Karaitas omnium traditionum esores. Et quidem ut omittam apocryphum Lib. IV. Esdræ, qui cap. 14. refert, Deum aliquæ revelasse Moysi, ut ea palam faceret; &



eti verba laud. loco *Matth.* Quare & vos transgredimini mandatum Dei propter traditionem vestram? Quoniam qualis esset hæc falsa Pharisæorum traditio, non ita facile dictum est; locus enim est obscurus (a). Quomodo autem potuisset Christus legitimum traditionum usum reprehendere, cum ipse cælestem suam doctrinam non scripto, sed orali traditioni totam commendaret?

43. Instat Basnagius: Si Pharisæi, ex quibus in *Cathedra Moysis* sedentibus Ecclesia Judaica constabat, commentitias, & damnabiles traditiones habebant, quidni & Ecclesia Romana eodem modo in traditionibus recipiendis falli poterit? Præstat itaque omnes traditiones a Religione procul ablegare.

44. Respond. Mirum est, non vidisse Basnagium, ex solis Pharisæis minime Ecclesiam Judaicam fuisse conflantam; erant enim Pharisæi una ex tribus Judæorum sectis (vid. *Joseph Antiquit. Judaic. Lib. XIII. cap. 5.*), ut proinde Pharisæorum errores immerito toti Judæorum Ecclesie tribuantur. Unde etiam Christus propriam eorum traditionem nuncipavit, propter traditionem vestram. Quænam autem persecutio est, si tota erravit in falsis traditionibus suscipiendis Pharisæorum secta, etiam Ecclesiam Catholicam errare possit? Anne putat Basnagius, nihil plus a Christo fuisse Ecclesie sponse suæ tributum, quam Pharisæi in veteri Synagoga habuerint? Uterius, cum Christus alibi jussit, ea omnia esse servanda, & facienda, quæ Scribæ, & Pharisæi super cathedram Moysis sedentes dixerint *Matth. XXIII. 2. 5.* videntur, has falsas traditiones fuisse ab eis privato sermone evulgatas, non autem ex cathedra prolatas (b).

45. Inst. 2. S. Paulus 2. *Tim. III. 16.* Omnis scriptura, inquit, divinitus inspirata utilis est ad docendum, ad arguendum, ad corripiendum, ad erudiendum in justitia, ut perfectus sit homo Dei, ad omne opus bonum instructus: nullis itaque opus est traditionibus *apocryphis* non scriptis, Præterquam multa a Christo vel facta, vel dicta sunt, præter ea, quæ scripta habemus; admonet nos tamen S. Joannes cap. XX. 30, & seq. ea, quæ scripta sunt, ad salutem sufficere. Multa quidem, inquit, & alia signa fecit Jesus in conspectu discipulorum suorum, quæ non sunt scripta in libro hoc; hæc autem scripta sunt, ut credatis, quia Jesus est filius Dei; & ut credentes vitam habeatis eternam; sufficiunt ergo Scripturæ &c.

Haec vero, quæ absconderet: David in Psalmo LXXXVII. traditiones apertè insinuat, dicens, quanta mandavit patribus nostris, nota ea facere filiis suis, ut cognoscat generatio altera. S. Hilarius in Psalm. II. *Moses*, inquit, quævis veteris testamenti verba in litteris condidisset, tamen separatim quadam ex occultis regis secretiora mysteria... intimaverat. Idem testatur Origenes Hom. V. in *Nam.* Phrynia autem harum veterum traditionum exempla suppeditat Jo. Lightfootus in *Ho-*

46. Resp. ad primam. Si illa esset hujus argumenti vis, cum Apostolus non loquatur, nisi de Scripturis Veter. Testam. quas nempe Timotheus ab infanti didicerat, sequeretur, solum Vetus Testamentum ad salutem sufficere, quod nec adversarii nostri contendunt. Apostolus itaque non dicit, Scripturam sufficere, sed utilem esse; sufficit autem, si illi etiam Libri novi Testamenti, & sacræ traditiones adjungantur, quas in hac ipsa epistola Timotheo suo maxime preinoleat, inquit, *II. 2.*, Quæ audisti a me per multos testes, hæc commenda fidelibus hominibus, qui idonei erunt & alios docere. Imo in eodem ipsissimo loco Paulus verbum Dei traditum a scripto aperte distinguit, & utrumque ad plenam dogmatum nostrorum fidem necessarium esse, ostendit. Primo enim dicit: Tu vero permane in his, quæ didicisti, & credita sunt tibi, sciens a quo didiceris. Hæc ad traditionem *apocrypham* referenda sunt; & postea sequitur: Et quia ab infanti sacras litteras nosti, quæ te possunt instruere ad salutem per fidem, quæ est in Christo Jesu. Verbum igitur Dei tam scriptum, quam ore traditum Apostolus commendabat Timotheo, ut perfectus esset, ad omne opus bonum instructus.

47. Joannis autem verba intelligenda sunt de miraculis Christi, quæ tunc sufficiebant ad ejus divinitatem comprobendam; quænam enim multa plura fecerat, ea tamen scripsisse satis erat; non autem de doctrina, quasi ea solum, quam S. Joannes in suo Evangelio scripserat, ad salutem sufficeret.

48. Inst. 3. Si Scriptores sacri aliqua omisissent dogmata, ad salutem necessaria, imperfecta forent eorum volumina, quod blasphemum est dicere. Rursus: vel hoc factum fuisset eorum incuria, vel ex divino consilio. Primum sine injuria veterum Patrum, quod ea litteris consignare ausi fuerint, quæ Domino prohibente Apostoli non scripserant; addit Basnagius (n. 36.): cum multa in N. Testamento legantur, ex quibus ad salutem nil emolumenti redit, quis credat, fuisse postea alia gravissima omissa, ut maneam, multumque esset nostræ fidei obiectum in Evangelio contentum?

49. Resp. ad 1. Sacrorum Scripturum libros perfectos esse, quia ea omnia continent, quæ scripto tradi debebant; non autem quasi nihil omnino ad fidem, moresque pertinens fuerit ab eis prætermisum. Certe Adversarii negare non possunt, aliqua esse ab uno Evangelista scripta, quæ

ris Hebræicis, & potissimum traditionem paedobaptismi in proselytis; unde infert, etiam in novo testamento infantibus rite administrari contra Anabaptistas. Quod idem observavit Sam. Basnagius ad ann. Christi 29. imo & Lutherus in opere contra Anabaptistas.

(a) Vide Calmet, & auctores ab eo citatos in Comment. tum Menochium, & Estium.

(b) Confer Melch. Canum Lib. V. de *leis theol. cap. 3. concl. 3.*

quæ fuerunt ab aliis omiſſa; omne propterea erunt aliorum Evangelia imperfecta?

Sol. Ad 2. Sine dubio tenendum est, utique divino consilio, & inspiratione factum esse, ut plurima ad fidem, moresque spectantia scriberentur, alia vero nonnisi viva voce traderentur: divinorum autem consiliorum rationes nemo certo cognoscere præsumat. Sed id fortasse factum est, ut fideles Pastorum vocibus facilius aures accommodarent, cum intelligerent, & genuinum Scripturæ sensum, & nonnulla dogmata iis fuisse commendata, quæ fidelibus deinde traderent, juxta præceptum Apostoli Timotheo datum: *quæ a me audisti (a)*.

51. Nec propterea accensandi sunt Sancti Patres, & veteres ecclesiastici scriptores, si ea scriptis consignarunt, quæ Apostoli sola voce tradiderunt; nam consilium divinum non erat, ut hæc a nullo protus scriberentur; sed solum ne scriberentur a sacerdotibus, ut proinde non essent pars verbi Dei scripti, sed solum traditi. Vid. testimonium S. Ignatii relatum sup. n. 19.

52. Quæ postremo loco addit Basnagius, levissimæ conjecturæ sunt, ex divinatorum consiliorum ignoratione ductæ. Quid illi diceret, si quis pari temeritate, ac ille usus, sciscitaretur ab ipso; eorum minuta quædam, quæ fidei nihil conferre videntur, adeo perspicue, & distincte exarata sint; quædam vero fidei dogmata subobscure, & implicite (nam id negare non possunt vel ipsi traditionum hostes), ita ut de iis lites vigeant immortales? Adoranda sunt, non perscrutanda divina consilia. *Cedit curiositas fidei*, inquit Tertullianus (de præscript. Heretic. capit. 14.). Non omnia voce tradita, certum est: quare id Deus voluerit, ignotum.

53. Obj. 2. Sanctus Irenæus omnes traditiones excludit. Nam Lib. III. cap. 1. inquit: Non per alios dispositionem salutis cognovimus, quam per eos, per quos Evangelium pervenit ad nos; quod quidem tunc prædicaverunt, postea vero Dei voluntate in scripturis nobis tradiderunt, fundamentum, & columnam fidei nostræ futurum. Unde sic colligitur: Irenæus, ait, omnia scripto mandata esse, quæ Apostoli prædicarunt; atqui Apostoli nihil de necessariis ad salutem in suis

prædicationibus omiserunt: ergo &c. Ulterius eadem Lib. c. 2. Hæreticos reprehendit quod in scripturis inveniri non posse veritatem assererent ab his, qui nesciunt traditionem, quod id ipsum est, quod nos dicimus. Demum Lib. IV. cap. 34. Legite, inquit, diligentius id, quod ab Apostolis est Evangelium vobis datum, & legite diligentius Prophetas, & invenietis universam doctrinam, & omnem passionem Domini nostri prædictam in ipsis: supervacaneæ ergo sunt traditiones.

54. Resp. ad 1. Eorum verborum hunc esse sensum: non diversa, seu contraria fuisse ab Apostolis scripta, ac prædicata, sed eadem fuisse scripta; quæ prædicata. Nec enim, subdit immediate, fas est dicere, quoniam ante prædicaverunt, quam perfectam haberent agnitionem, sicut quidam audent dicere, gloriantes emendatores se esse Apostolorum; quo loco Marcionitas perstringit, Evangelii corruptores, & mutilatores, qui docuisse videntur, diversa, & contraria fuisse ab Apostolis prædicata, & scripta (b). Non autem vult frequens ita omnia fuisse ab Apostolis scripto exarata, ut prorsus nihil aliud prædicaverint, ad nos orali traditione propagandum; hoc enim nedium alienum est ab ejusdem scopo, sed etiam locis perpetue doctrinæ contrarium. Ex pluribus locis unus pro traditionibus asserendis sufficiat Lib. III. cap. 4. Non oportet adhuc querere apud alios veritatem, quam facile est ab Ecclesia sumere, quum Apostoli, quasi in depositorum dives plenissime in eam contulerunt omnia, quæ sunt veritatis.... Quid enim & si de aliqua modica questione disceptatio esset, nonne oportet ad antiquissimas recurrere Ecclesias, in quibus Apostoli conversati sunt, & ab eis de præsentis questione sumere, quod certum, & re liquidum est? Quid autem, si neque Apostoli quidem scripturas reliquissent nobis, nonne oportebat ordinem sequi traditionis, quam tradiderunt iis, quibus committebant Ecclesias? Ibidem etiam ostendit, multas esse nationes fideles, apud quæ sola traditione siue sacris libris religio conservabatur (c).

55. In alio loco (Lib. III. cap. 2.) tantum abest, ut nobis sit contrarius Irenæus, quin potius mirifice favet. Hæreticos enim exagiat, qui cum

(a) Vid. sup. n. 46. & Meleh. Caput L. III. de loc. theol. cap. 3. ubi multas hujus rei rationes affert. Sed & illud addendum videtur, a Christo Domino fuisse omnibus Apostolis solum præceptum, ut Evangelium prædicarent Marci XVI. 15.; quod omnes reipsa præstiterunt. Quidam autem etiam scripserunt, variis de causis ad id faciendum impulsus, ut exponit Eusebius Lib. III. Hist. Eccles. cap. 24.

(b) Vid. Tertullianus Lib. II. contr. Marc. & Epiphanius Har. XLII.

(c) Plura vid. ap. Renatum Massnet Diss. III. prælim. art. 3. & Nicolaum le Nourry Dissert. IV. in I-repæm art. 5. Sed non est alio re-brother adnotare, quæ S. Lugdunensis Episcopus, & Martyr de iis nationibus,

quæ sine sacris litteris solam traditionem acceperant, ibidem subdit: *Hanc fidem*, inquit, qui sine litteris crediderunt, quantum ad sermonem nostrum barbari sunt; quantum autem ad sententiam, & consuetudinem, & conservationem propter fidem, perquam sapientissimi sunt, & placent Deo, conversantes in omni iustitia, & castitate, & sapientia: Quibus si aliquis annuntiaverit, ea quæ ab hæreticis inventa sunt, proprio sermone eorum colloquens, statim concludentes aures longe longius fugient, ne audire quidem intinentes blasphemum colloquium. Sic per illum veterem Apostolorum traditionem ne in conceptionem quidem mentis admittant; quodcumque eorum portentilogium est.

ex Scripturis arguntur, ad traditionem confugiant, quasi non possit ex his inveniri veritas ab his, qui nesciunt traditionem.... Quum autem ad eam iterum traditionem, quæ est ab Apostolis, quæ per successores Presbyterorum in Ecclesiis custoditur, provocamus eos, qui adversantur traditioni; quibus verbis cæcus est, qui non videat, a S. Irenæo, primisq. Patribus consuevisse Hæreticis non minus traditiones, quam Scripturas objici. Neque hic locum habet subtilis illa heterodoxorum evasio, qui nomine traditionis intelligi volunt sacras litteras per manus fidelium in ecclesiis traditas; luce enim clarius apparet, hic traditiones Scripturis opponi.

56. Ultimam tam leve est, ut vix responsione sit dignum. Agit S. Pater contra Marcionitas, aliosque illis similes, ab athero Deo dicentes esse prophetas; quorum crassissimum errorem inconvineat, eos hortatur, ut Evangelium cum Prophetis diligenter conferant; & cum istis Christi actionem, doctrinam, & passionem prædictam invenerint, concludant, enimdem prorsus esse veteris, novæque legis auctorem.

57. Obj. tertio. Tertullianus Lib. adv. Hermogen. cap. 22. Adoro, inquit, Scripturæ plenitudinem, quæ mihi & splendorem manifestat, & facta... scriptum esse doceat Hermogenis officina. Si non est scriptum, timeat vix illud adjucentibus, aut detrahentibus destinatum, ex quo loco dupliciter contra traditiones ita colligi potest. Primo manifestum est, Tertullianum postremis hisce verbis digitum intendere ad loca Scripturæ superius num. 39. allegata; ergo ea ita intelligenda sunt, ut vetitum sit quodcumque etiam minimum verbo Dei scripto additamentum. Secundo, nullum esset Tertulliani argumentum contra Hermogenem, si cernisset, alium esse præter Scripturam nostrorum dogmatum fontem. Præter Idem Tertullianus Lib. de Resurr. carnis cap. 3. Ausus, inquit, Hæreticis, quæ cum Ethnicis sapiunt, ut de Scripturis solis quæstiones suas sistant, & stare non poterunt: censet ergo ex solis Scripturis esse inter Christianos controversias fidei dirimendas. Et cap. 47. Hæreticos ad traditiones fugientes appellat lucifugas Scripturarum. Nemum non recipio, inquit Apellem alloquens Lib. de carne Christi cap. 7. quod extra Scripturam de tuo inferis: ergo &c.

58. Resp. Generaliter Tertullianum falsas hominum traditiones rejicere, non divinas, & apostolicas, quæ sexcentis in locis commendat, sapiens enim ad confutandos Hæreticos non solum Scripturis, sed etiam traditionibus utitur; & inter alia celebris est illa regula, quam in aucto suo libro de Præscriptione Hæreticorum tradit (a), videlicet non esse ad Scripturas provocandum, nec in iis constituendum certamen, sed potius

querendum esse, quænam Ecclesiæ sint ab Apostolis fundatæ, vel Apostolicarum soboles, & ab eis desumendam esse veritatem Scripturarum, & expositionum, & omnium Traditionum Christianarum (Idem repetit etiam cap. 20. & seq. Lib. IV. contr. Marc. cap. 5.). Et postea ita ront contra Hæreticos concludit: In summa, si constat, id verius, quod prius; id prius, quod ab initio; id ab initio, quod ab Apostolis; pariter utique constat, id esse ab Apostolis traditum, quod apud Ecclesias Apostolorum fuerit sacrosanctum. His præmissis, haud difficile erit mentem Tertulliani explicare.

59. Et quidem primo in loco objecto arguit Hermogenis temeritatem, qui iis Scripturæ verbis, In principio creavit Deus cælum, & terram, aliquid addere ausus fuerat, ipsi Scripturæ, & orthodoxæ traditioni contrarium; scilicet creasse Deum cælum, & terram non ex nihilo, sed ex aliqua subjacente materia, quam nomine principii significari volebat. Propterea dicit Africanus Doctor: Adoro Scripturæ plenitudinem, id est, non recipio, quod illi Hermogenes de suo addidit. Postea subdit: Si non est scriptum (Hermogenis additamentum) timeat vix illud adjucentibus destinatum; hoc est non ex eo solum, quia non est scriptum, sed quia insuper nullum habet nedium in sacris litteris, sed neque in veris traditionibus fundamentum, imo est utrisque contrarium. Hoc autem Tertulliani argumentum, ideo falsum aliquid reputetur, quia in sacris litteris non invenitur scriptum, si generaliter sumatur, certe infirmum est, non autem in ea causa, quam Tertullianus cum Hermogene habebat. Is enim cælum, & terram ex subjacente materia creatam fuisse somniabat, quod nedium in scripturis non reperitur, sed & absurdum per se est, & sacris litteris, & veræ traditioni oppositum.

60. Quod vero alibi (de Resurrect. carnis cap. 5.) dixit: Ausus, hæreticis &c. est intelligendum per exclusionem falsarum rationum, quibus hæretici quidam ex Philosophia carnis resurrectionem contra Scripturas impugnabant, non autem per exclusionem veræ, & divinæ traditionis, quæ nunquam sacris litteris opponitur, unde subdit, cogendos esse Hæreticos, ut de Scripturis solis quæstiones suas sistant: hoc est alegandas esse rationes philosophicas, ubi de mysteriis agitur, quale est illud resurrectionis carnis, de quo ibidem disputabat; non autem vult, una cum falsis rationibus etiam veras traditiones esse eliminandas. Ideo autem Hæreticos appellat lucifugas Scripturarum, quia verum, & genuinum Scripturarum sensum, ipsius solisradio scriptum, ut ipse inquit corrumpebant.

61. Postremis verbis (de carne Christi cap. 7.) significat Tertullianus, se non recipere Apel-

(a) Qui teste Fleury Hist. Eccles. Lib. V. n. 28. inter utiliores Tertulliani libros recensetur.

lis explicationem, quia de ipsius ingenio contra Scripturas prodibat: contendeat enim hic Hæreticus, Christum veram carnem non habuisse, & propterea illa verba *Matth. XII. 47. Ecce mater tua, & fratres tui, solum tentant gratia Christo fuisse dicta*, comminiscatur.

62. Obj. quarto, Origenes *Hom. I. in Jeremiam* Tom. II. *Necesse est nobis, inquit, Scripturas sanctas in testimonium vocare: sensus quippe nostri, & enarrationes sine illis testibus non habent fidem. Et Tract. XXIII. in Matth. n. 18. ( Tomo III. p. 481. ) Debemus, ad testimonium omnium verborum, quæ proferimus, in doctrinâ proferre sensum Scripturæ, quasi confirmantem, quem proferimus, sensum. Si itaque nihil affirmandum est sine Scripturarum testimonio, supervacaneæ sunt traditiones.*

63. Resp. ad 1. Id ab Origene fuisse dictum non generaliter de omnibus fidei nostræ dogmatibus, sed singulariter de ea re, quam præ manifestis habebat, scilicet de quibusdam veterum Prophetarum oraculis Servatori nostro accommodandis; in quo certe nulli usui Christianorum traditio esse poterat: sed quando actum est de aliis fidei dogmatibus, quorum vel nulla, vel non satis clara erat in sacris litteris inventio, ad traditionem, tanquam ad fidei regulam confugit. Sic de prædubaptismo in cap. VI. epist. ad Rom. Tom. IV. *Ecclesia, inquit, ab Apostolis accepit traditionem etiam parvulis baptismum dandi. Quid clarior? Et apud Eusebium Libro VI. Hist. Eccles. cap. 25. Sicut traditiones, inquit, accepi de quatuor Evangelicis, quæ sola in universa Dei Ecclesia, quæ sub cælo est, circa controversiam admittuntur.*

64. Alia autem in loco non ea mens est Originis; ut nonnisi Scripturas rejectis Traditionibus adhibere debeamus; sed ut ablegatis arbitriis, & alienis interpretationibus, verus, & genuinus Scripturæ sensus teneatur; quare e vestigio subdit: *Sicut enim omne aurum, quod fuerit extra templum, non est sanctificatum; sic omnis sensus, qui fuerit extra divinam Scripturam, quamvis admirabilis videatur quibusdam, non est sanctus &c.* Ceterum in *Comment. in Matthæum n. 45. ( Tom. III. p. 864. )* de Hæreticis loquens, illis, inquit, credere non debemus, nec exire a prima, & ecclesiastica traditione, nec aliter credere, nisi quemadmodum per successionem Ecclesiæ Dei tradiderunt nobis.

65. Obj. quinto. S. Cyprrianus Stephanum Rom. Pontifici traditionem alleganti de non rebaptizandis hæreticis, ita respondet epist. 74. *ad Pompejum: Unde est ista traditio? . . . ea facien-*

*da esse, quæ scripta sunt, Deus testatur. . . Si ergo aut in Evangelio, aut in Apostolorum epistolis, aut a libris continetur, ut a quacunque hæresi venientes non baptizentur. . . servetur divina hæc, & sanctis traditio.* Nullam ergo aliam traditionem agnoscebat Cyprrianus, quam quæ in Scripturis continetur.

66. Resp. S. Cyprrianum suis præiudiciis abruptum, traditionem a S. Stephano allegatam de non iteando Hæreticorum baptismo repudiassè, tanquam apocrypham, & sacris litteris contrariam; unde Stephanus illud adaptabat a Christo dictum *Phariseis Marc. VII. 8: relinquentes mandatum Dei, tenetis traditionem hominum*, vel, ut ipse legebat, *rejecitis mandatum Dei, ut traditionem vestram statuat*. Illi insuper contrariam traditionem obiebat, quam divinam, & apostolicam reputabat, & concludebat, eum *Sacramentum divinæ traditionis impugnare*. In quo S. Martyr vehementer quidem erravit, humanæ fragilitatis nobis relinquens exemplum, non tamen veras traditiones exposuit (a). Id patet ex alia S. Martyris epistola 75. *ad Iubianum*, ubi inquit: *Si rejecitis humanæ contentiones erroribus ad Evangelicam auctoritatem atque ad Apostolicam traditionem sincera, ac religiosa fide revertamur, intelligemus &c.*

67. Firmilianus etiam ( qui Sancto Cypriano consentiens, traditionem Ecclesiæ Romanæ de non rebaptizandis Hæreticis respuebat ) alibi veras traditiones, ut fidei, morumque regulam statuit; ita enim in sua epistola inquebat: *Nos veritatem, & consuetudinem jungimus, & consuetudini Romanorum consuetudinem, sed veritates opponimus, ab initio hac tenentes, quod a Christo, & ab Apostolis traditum est.* Ex quibus patet, utramque litigantium partem in veris traditionibus admittendis convenisse.

68. Obj. 6. S. Athanasius initio *Orationis contra gentes* ( Tom. I. edit. Patav. 1777. ) . *Sanctæ, inquit, & divinæ Scripturæ satis sunt ad veritatem indicandam: quod iterum repetit in epist. I. ad Serapionem num. 19. tum in Lib. I. de Incarnatione Christi contra Apollinaristas n. 6. ( Tom. I. P. II. p. 759. ), ubi Apollinaristas redarguens, ait igitur, inquit, divinas negat Scripturas, aut si eas admittitis, ne præterea, quæ scripta sunt, alia proferre excogitatis insanabili fallacia verba: Præterea in fragmento epist. XXXIX. Festalis ( Tom. I. P. II. p. 777. ) postquam libros canonicos utriusque Testamenti recensuit: *Hi sunt, inquit, salutis fontes, ut qui sitit, eorum eloquiis impleatur: in his solis pietatis doctrina docetur. Gemina inveniuntur in**

*Sy-*

(a) Facillior esset huius difficultatis solutio, si cum P. Rayn. Missorio Ord. Minorit. in lib. cui titulus *In duas celeberrimas epistolas S. Firmiliani, & Cypriani &c. Disputationes criticae &c.* dicere liceret, totam hanc Stephanum inter, & Cyprrianum contro-

versiam esse fiditiam. Sed vir non minus styli elegantia, quam doctrina eximius eruditiorum hac in re suffragia obtinere non potuit. Vid. ejus Concilia P. Sbaralea in opere inscripto *Germana S. Cypriani &c. opinio de hæreticorum baptismo, &c.*



*Synopsi sacrae Scripturae*; quod tamen opus, sit nec ne Sancti Athanasii, dubitatur.

66. Resp. Hæc, & alia hujus generis bene multa, quæ nedom ex S. Athanasio, sed etiam ex aliis Patribus afferri possunt, esse intelligenda non universaliter de omnibus nostræ Religionis dogmatibus, sed de iis solum, de quibus tunc agebatur cum Hæreticis, quæque satis clare, & evidenter ex solis Scripturis demonstrari poterant. Et quidem in *Orat. contra gentes* agit de Dei unitate, & vanitate idolorum, ad quæ demonstranda sufficere dixit *sacras, & inspiratas Scripturas*. In *epistola ad Serapionem* agit contra Arianos & Pneumatomachos, qui variis cavillationibus divinitatem Filii, & Spiritus S. in sacris litteris luculenter expressam evertere inoliebantur; unde sophistici ipsorum interrogationibus respondet, ut ea tantum, quæ Scripturis continentur, satis habeant: siquidem omnino sufficiunt, quæ in hanc rem proferunt exempla. Non autem ibi sacras traditiones excludit, quibus non semel S. Athanasius feliciter usus est ad Filii, & Spiritus Sancti tuendam divinitatem.

70. Contra Apollinariem vero certum est, sufficere Scripturas, ad ostendendam veram Christi carnem; quamquam Apollinaristarum errores etiam traditioni contrarios ibidem ostendit, subdens: *Dei Ecclesia non ita accepit, neque ita tradidit, &c.*

71. Demum in *epistola Festeli* solum libros canonicos, & genuinos falsis, & apocryphis Hæreticorum libris opponit, eosque fontes esse dicit salutaris, &c. non traditionum, sed librorum apocryphorum exclusionem.

72. Verum veras, divinasque traditiones nunquam fuisse a S. Athanasio rejectas, vel ex solo primo testimonio objecto luculenter colligi potest, si integrum, totumque reddatur. Ita enim pergit: *extant quoque plurimi ea de re libri a beatis nostris Magistris conscripti, quos si quis legerit, Scripturarum interpretationem quodammodo intelliget, & eam, quam expetit, cognitionem consequi poterit.* Et in vita S. Antoni n. 89. postremam hujus Sancti orationem ad Monachos refert, quæ inter alia eos hortabatur, ut servarent Patrum traditionem.

73. Obj. 7. S. Basilii in *Asceticis* (a) cap. de vera ac pia fide ait, argumentum infidelitatis esse, aut eorum, quæ scripta sunt, aliquid rejicere, aut eorum, quæ non scripta sunt, introducere. Et *epist. 80.* Siemus, inquit, arbitrari inspirata a Deo scriptura, & apud quos inveniantur dogmata divinis oraculis con-

sona, illis omnino veritatis adjudicetur sententia. Ac denique *epist. 189. n. 3.* Sed criminando, ait, obijciunt, non sic suam habere consuetudinem, nec Scripturam assentiri. Quid igitur ad hoc quoque nos? Non putamus æquum esse, ut vigentem apud ipsos consuetudinem rectæ doctrinæ legem, & normam ducamus. Etenim si valet ad rectæ doctrinæ demonstrationem consuetudo, licet & nobis proferre, & usitatum apud nos morem opponere. Quod si hunc illi rejiciunt, neque nobis prorsus illos sequi necesse est. Itaque Scriptura divinitus inspirata nobis sit arbitra, & apud quos inventa fuerint dogmata divinis verbis consona, ad eos accedat omnino veritatis suffragium (b).

74. Resp. ad t. S. Basilium per ea, quæ scripta non sunt, & quæ dicit nefas esse introducere, intelligere traditiones falsas, & Scripturæ contrarias; nam veras, & Apostolicas traditiones passim & ipse recipit, & Hæreticis obijcit. Nam in *Lib. de Spiritu S. cap. 27.* Dogmata, inquit, quæ in Ecclesia servantur, ac prædicantur, partim ex conscripta doctrina habemus, partim ex traditione Apostolorum, quæ utraque eadem ad pietatem vim habent. Et cap. 29. Macedonianis obijcientibus Spiritus S. divinitatem in Scripturis non inveniri, ita respondet: *Si nihil aliud est receptum absque Scripturis, ne hoc quidem recipiatur. Sin plurima arcana citra scriptum recepta sunt nobis, cum aliis pluribus & hoc recipiamus. Arbitror autem Apostolicum esse, etiam non scriptis traditionibus in hæerere.*

75. Ad 2. Recte, sapienterque S. Doctor standum esse arbitratui S. Scripturæ dicebat in controversia tunc enata, an unam, vel tres divinas hypostasies prædicari oporteret. Unam hypostasim prædicabant Latini, maxime suæ consuetudini innixi; cui Latinorum consuetudini contrariam consuetudinem Græcorum ipse opponere; postea autem præmissa utriusque partis consuetudine item hanc ex Scripturis definiendam esse conebat (c). Idem præstitit S. Basilii etiam in aliis casibus, in quibus Hæretici falsas suas traditiones veris, & Apostolicis obijcebant. Ne scilicet contentioni serram duntius reciprocarent, argumentum ex traditione desumptum aliquando prætermisit, quo tamen alibi, ubi opportuna se se offerebat occasio, efficaciter usus est (d).

76. Obj. 8. Quædam S. Cyrilli Jerosolym. loca (e) *Catech. IV.* Divinorum, inquit, sanctorumque fidei Sacramentorum nihil ne minimum quidem absque divinis Scripturis tradi debet. Et

Cath.

(a) Nonnulli ap. Sozomenum Lib. III. c. 14. hunc librum Eustachio Sebastiano tribuunt.

(b) Basilio maxime triumphat Sohnetus in *Medalla Theol. P. IV.*

(c) Quamquam tota hæc Latinorum, Græcorumque dissensio pura, putaque erat *λογωμαχία*. Res profecto ridicula, vel potius miserranda, inquit S. Gregorius *Gazzaniga Theol. Tom. I.*

Nazianz. *Orat. XXI. n. 35.* Tom. I. p. 410. nove edit. PP. Manrin. Paris. 1778. *diversa fidei speciem præbuit tuis illa, & jejuna de vocem sono alteratio.*

(d) Vid. *Pref. in Tom. III. Opp. S. Basilii* g. 6. n. 3. & 4. ubi nonnulla alia S. Basilii loca explicantur.

(e) Quæ magno studio collegit Riretus III. *Critici Sacri* cap. 9.

*Cath. XII. Nisi Prophetarum de singulis acceptis testimonia, ne credas assertionibus. Alia plura sunt, sed generis ejusdem (a).*

77. Resp. Sanctum Cyrillum velle solum, omnes symboli articulos, quos ibi explicandos suscepit, ex Scripturis esse confirmandos; non autem propterea censuit, traditiones non esse necessarias, sive ad verum, germanumque sacramentum Scripturarum sensum investigandum, sive ad quendam dogmata, quæ in Scripturis non inveniuntur, stabilienda. Annon fidei dogma, imo & fundamentum sunt libri sacri? Hos vero non aliunde, quam ab Ecclesia, quæ traditionis est custos, accipiendos esse vult. *Disce quoque, ait Catech. IV. studiose ab Ecclesia, quinam sint Vet. Test. libri, qui vero novi, neque mihi legas quicquam apocryphum.*

78. Obj. 9. Theophilus Alex. epist. I. (alias II.) *Paschalis. Diabolus, inquit, spiritus est, aliquid extra Scripturarum auctoritatem putare divinum.*

79. Resp. Si id ex apocryphis traditionibus contra Scripturas eruatur, *conc.*, si ex vero traditionis fonte dimanet, nego. Agebat Theophilus eo loco contra Origenem, qui, ut Theophilus putabat, superbia intumescens absurda opinionum monstra contra Scripturas invexerat, ignorans, quod dæmoniaci spiritus esset instigatus, sophismata humanarum mentium sequi, & aliquid extra Scripturarum auctoritatem putare divinum; ex quibus verbis apparet, illam particulam extra Theophilo idem sonare, ac contra.

80. Obj. decimo. S. Hieronymus pluribus in locis traditiones explodit. Primo in *Ps. XXXVI.* ubi exponens illa verba: *Dominus narrabit in Scripturis populum, & principum. Quomodo, inquit, narrabit? non verbo, sed scripto.* Secundo in cap. I. *Micheæ*, ubi ait: *Ecclesia Christi... non est egressa de finibus suis, idest de Scripturis sanctis, sed captam retinet possessionem.* Tertio in cap. I. *Aggæi*, inquit: *Sed & alia, quæ absque auctoritate, & testimoniis Scripturarum, quasi traditione Apostolica, sponte reperiuntur, atque confingunt, percutit gladius Dei.* Quarto in cap. XXIII. *Matth.* his verbis: *Quod de Scripturis non habet auctoritatem, eadem facilitate contemnitur, qua probatur.* Demum in cap. I. *epist. ad Titum*, dicens: *Sine Scripturarum auctoritate garrulitas non habet fidem.*

81. Resp. ad 1. Commentarium in Psalmos saniorum criticorum judicio. S. Hieronymo adjudicari (b). Quauquam illius Commentatoris scopus

non alius esse videtur, quam apocryphas, & S. Litteris contrarias traditiones rejicere. In aliis autem locis S. Doctor non veras, sed falsas Traditiones respicit.

82. Nam in cap. I. *Micheæ* Hæreticos reprehendit, qui futilibus, vanisque traditionibus innixi dogmata Scripturis contraria invehant, quos propterea allegorice dicit, *non in Scripturis, sed in vicinia Scripturarum domum suam non risu, sed plañu dignam, & lacrymis construxisse.*

83. In cap. I. *Aggæi* Montanistas indigitat, qui vanas suas observantias falso apostolicæ traditionis prætextu communire satagebant; unde etiam dicit, *quasi traditione apostolica.*

84. In cap. XXIII. *Matth.* falsam nonnullorum traditionem irridet, qui ex quibusdam apocryphorum somnis Zachariam, qui occisus fuit inter templum, & altare, patrem Joannis esse comminiscantur.

85. In postremo loco garrulos appellat Judæos, qui sine illo Scripturarum fundamento, imo contra ipsas Scripturas, nascentem Dei Ecclesiam subvertere molebantur.

86. At vero quanti Hieronymus fecerit traditiones, liquet ex ejus operibus, in quibus sæpius Hæreticis divinas, & apostolicas traditiones opponit; cum in *Dial. adv. Luciferianos* agens de manuum impositione cap. 4. inquit: *Exigit, ubi scriptum sit? In actibus Apostolorum.* Etiam si Scripturæ auctoritas non subesset, totius orbis in hanc partem consensus instar præcepti obtineret. Nam & multa alia, quæ per traditionem in Ecclesiis observantur, auctoritatem sibi scripturæ legis usurpaverunt. Et cap. 8. Episcopos Afros, qui rebaptizabant, errorem deposuisse ait, Ecclesiæ traditionibus inhærendo. Ac demum contra Helvidium: *Numquid non possum, inquit, totam veterum Scripturam seriem commovere? Ignatium, Polycarpum, Justinum Martyrem, multosque alios apostolicos, & eloquentes viros? Et infinitos esse, si omnia loca, in quibus S. Doctor traditiones laudat, coacervare vellem.*

87. Obj. undecimo ex S. Jo. Chrysostomo, qui in *Ps. XCV.* ita habet: *Si quid dicitur absque Scriptura, auctoritatem cogitatio claudicat; & Hom. XLIX. in Matt. Non nisi ad Scripturas divinas refugium esset, ait, volentium agnoscere fidei veritatem.* Demum Hom. XIII. in epistol. ad Cor. Scripturam vocat exactam rerum omnium lancem, normam, & amissim.

88. Resp. Primo loco excludi a S. Jo. Chrysostomo futilis, & commentitias traditiones, non autem solidas, & in veritate fundatas, quod ex his

(a) Albertinus Lib. II. de *Eucharistia*, Rivetus Lib. III. *Crit. Saeri*, Crocus *Censur. Scriptur.* p. 228. Hottingerus in *Elencho scriptor. suppos.* Hulsemannus in *Patrologia* p. 1037. alique Protestantes Catecheseon libros esse suppositos, aut variatos ostendere conati;

sed frustra, ut videre est ap. Ceillier Tom. VI. *des auteurs Eccles.* p. 486. Joannem Grancolas in præfat. *Catecheseon* lingua gallica ab eodem edit. Natal. Alexandrum Sæc. IV. cap. 6. art. 12. aliosque.

(b) Vid. Ceillier Tomo X. *des Auteurs Eccles.* p. 309.

his verbis præcedentibus colligitur: Neque enim oportet quicquam dicere sine testibus, solaque animi cogitatione.

89. Quod autem secundo loco objectum est, restringi debet ad id, de quo ibi S. Joannes agebat, scilicet ad Antichristi tempora, de quibus nihil aliud scimus, quam quod Deus nobis in sacris Litteris revelare voluit: non autem id est generaliter ad omnia dogmata traducendum. Ceterum communis modo inter Criticos opinio est, opus imperfectum in S. Matth. falso S. Jo. Chrys. attribui.

90. In eo autem, quod postremo loco objectum est, adversariorum fides desideratur: non enim Scripturam, sed *divinarum legum sententiam* vocat *exactam rerum omnium lincem, ac normam, & amissum* (a). Sed de ejus mente vide, quæ superius dicta sunt n. 15. & 18.

91. Obj. 12. ex S. Augustino, qui Lib. II. de Doctrin. Christ. cap. 9. n. 14. In iis, inquit, quæ aperte in Scriptura posita sunt, inveniuntur ea omnia, quæ continent fidem, moresque vivendi: supervacaneæ ergo sunt traditiones. Præf. Traß. XLIX. in Joan. Elefla sunt, inquit, quæ scriberentur, quæ saluti credentium sufficere videbantur. Demum Lib. II. de peccat. mer., & remiss. cap. 56. n. 59. Ubi, inquit, de re obscurissima disputatur, non adjuvantibus divinarum Scripturarum certis, clarisque documentis, cohibere se debet humana præsumptio. Quibus similia tradit in epist. 190. alias 157. ad Optatum cap. 5. inquit: ubi res naturaliter obscura nostrum modulum vincit, & aperta Divina Scriptura non subvenit, temere hinc aliquid definire humana conjectura præsumit.

92. Resp. ad primum, Augustinum esse explicandum de iis præcipuis fidei, morumque præceptis, quæ ab unoquoque fideli sunt explicite credenda, vel facienda, non autem de omnibus omnino fidei, morumque capitibus: nonnulla enim esse vel credenda, vel facienda, quæ vel solum obscure, & implicite, vel nulla prorsus ratione continentur in sacris litteris, non ignoravit S. Pater, qui Lib. V. de Bapt. cap. 25. Tom. IX. ita scribit: Sunt multa, quæ universa tenet Ecclesia, & ob hoc ab Apostolis bene præcepta creduntur, quamquam scriptis non reperiuntur. Et epist. 164. al. 99. ad Evodium cap. 3. Tom. II. loquens de Adamo, quem fuisse a doloribus inferni liberatum a Christo, ita subdit: quod cum non inaniter credidisse credendum est, undecumque illud traditum sit, etiam si canonicarum scripturarum hinc expressa non proferatur auctoritas. Non ergo putavi Sanctus Doctor, omnia pertinentia ad fidem, & ad mores esse scripta. Lib. autem

II. cont. Jul. c. 10. Tomo X. catholicorum auctoritate Sanctorum peccati originalis propagationem probat: quod invenerunt in Ecclesia, inquit, tenuerunt: quod delicerunt, docuerunt: quod a Patribus acceperunt, hoc filius tradiderunt.

93. In secundo loco objecto agit de Christi miraculis, ex quibus ea scripta sunt, quæ ad nostram Religionem confirmandam plausu sufficienter. Vide sup. n. 47.

94. Tertius, & quartus locus ad eas questionnes referendus est, pro quibus definiendis nihil neque ex sacris litteris, neque ex traditione suppetit, cujusmodi esse putabat Augustinus questionem de origine animarum; de qua in utroque loco disputabat.

95. Inst. S. Augustinus Lib. XI. cont. Faustum cap. 5. de sanctorum Patrum operibus loquens, in quibus traditiones contineri dicuntur, Liberum, inquit, ibi habet Lector, auditorve judicium, quo vel approbet, quod placuerit, vel improbet, quod offenderit. Et consonat S. Thomas I. P. q. 1. art. 8. ad 1. dicens: Sacra doctrina utitur auctoritate canonicæ scripturæ proprie ex necessitate argumentando; auctoritatibus vero aliorum Doctorum Ecclesiæ, quasi argumentando ex propriis, sed probabiliter.

96. Resp. Tam Augustinum, quam Angelicam intelligi debere de Patribus divisim acceptis, & inter se non consentientibus, non autem quando unanimi fere consensu, aperte, frequenter, constanter vel Scripturæ sensum exponunt, vel aliquod dogma fidei propagant; tunc enim solum veram traditionem constituunt; ut cap. seq. latius ostendetur.

97. Obj. 13. Lactantius traditionum usum respuit: inquit enim Lib. II. Div. Inst. cap. 8. Sapientiam sibi adimunt, qui sine ullo judicio inventa Majorum probant, & ab aliis pecudum more ducuntur; sed hoc eos fallit, quod Majorum nomine posito, non putant fieri posse, ut aut ipsi plus sapiant, quia Minores vocantur, aut illi desperint, quia Majores nominantur. Quod ergo impedit, quin ab ipsis sumamus exemplum, ut quomodo illi; quæ falsa invenerant, posteris tradiderant; sic nos, qui verum invenimus, posteris meliora tradamus?

98. Resp. Lactantium loqui de Gentilium Philosophorum erroribus, quos aliqui imprudentes eorum auctoritate præoccupati sine ullo examine sequebantur; unde caput ita exorditur: Oportet in ea re maxime, in qua vitæ ratio versatur, sibi quæque confidere, suoque judicio, ac propriis sensibus niti ad investigandam, & perpendendam veritatem, quam credentem alienis erroribus decipi, tanquam usu rationis expertem.

Quæ

(a) Hæc sunt S. Patris verba: ἡ τῶντα ἀκριβὲς ὁρῶν ἀναφωτὴς ἔχοντες, καὶ ὑποκρινάμενοι καὶ κατὰ τὴν τοῦ Θεοῦ νόμον τῶν ἀνθρώπων: idque, cum exactam rerum omnium

lincem, ac normam, & amissum habeamus, nempe divinarum rerum sententiam. Tomo X. p. 537.

Quam quidem recte dicta sunt a Lactantio Gentilibus, qui solam rationem dicem sequebantur: sed vel ipsis nostris Adversariis minime sufficere viderentur, quando de Religionis Christianæ mysteriis agitur, quæ certe non ex rationis penu, sed ex divino verbo deprimi debent.

99. Obj. 14. Traditionum usus magnam prælet erroris occasionem; nihil enim familiaris errantibus, quam traditionem prætexere. Celebris est Eusebii locus de Papa (Lib. III. *Hist. Eccles.* cap. ult.). Item scriptor, inquit, alia nonnulla nudæ vocis traditione ad se pervenisse testatur, novas quasdam Servatoris fabulas, ac prædicationes, alique nonnulla fabulis propria. Ex hoc traditionis fonte Millesiariorum prodigiosa signenta fluxerunt. Marcion a S. Matthei discipulis se fuisse instructum gloriabatur (apud Clementem Alex. Lib. VI. *Stromatum*). Attamen contra Christi divinitatem traditionem allegabat, quam ab Apostolis usque ad Victorem R. Pont. viguisse dicebat (apud Eusebium Lib. V. *Hist. Eccl.* cap. 27.). Polycrates cum Asiaticis Episcopis Quartodecimanis contra Victorem R. P. antiquam Apostolorum traditionem iactabat; similiterque Afri reprobantibus contra Stephanum traditionem potissimum se tuebantur; multisque aliis exemplis ostendi potest, traditiones esse veluti Pandoræ pyxidem, ejus operculo omne genus corruptelarum, abusuum, & superstitionum in Ecclesia inventam fuit (a).

100. Resp. primo, Hæreticos sæpius Scripturis, quam traditione fuisse abusus, dicente S. Augustino initio Tract. XVIII. in Joan. *Hæreses non aliunde venire, quam ex Scripturis male intellectis*: nec tamen adversarii inde concludunt, Scripturas esse eliminandas, imo potius debemus ita colligere: Hæretici in desperatæ suæ causæ patrocinium traditionis simul, & Scripturis abutebantur; ergo ratum, firmumque erat apud omnes, traditiones non minus, quam sacras litteras esse fidei nostræ regulam, quamvis utrique male abuterentur (b).

101. Resp. secundo, esse certas notas, quibus veræ, apostolicæ, & divine traditiones a falsis, & commentitiis secerantur; & illam in primis, quam sæpius Vincentius Lirinensis inculcat, ut id reputemus vere a Christo, & Apostolis descendere, quod ubique, quod ab omnibus traditionem est.... ut sequamur universitatem, antiquitatem, consensionem (Commonit. l. e. 3.). Quæ traditiones hujusmodi characteribus insignitæ non sunt, aut pro apocryphis, aut saltem pro dubiis habende sunt, quod capitæ sequenti uberius declarabitur.

102. Inst. ( cum Basnagio n. 26. ) Tutius, &

utilius sacra fidei, morumque dogmata litteris, quam hominum memoris commendata fuissent; nam verba volant, sed scripta manent. Hinc nullos ex profanis Legislatoribus traditioni suas leges commendasse legitur.

103. Resp. Id verum esse, si dumtaxat humanis adminiculis innitatur, quemadmodum profani Legislatores; non autem si præcipua nostra fiducia in divinæ providentiæ præsidio quiescat, cui æque facile fuit sive per litteras, sive per traditiones pura, & incorrupta suæ Religionis dogmata ad ultimos homines continua successione propagare. Et sane si potuit per bis mille annos ante Moysen sola traditione divina Religio in populo electo servari, cur non poterit etiam nonnulla dogmata eadem divina providentia custodiri?

104. Obj. 15. cum Harduino, qui contendit (c), Ecclesiam non indigere operibus SS. PP. quæ ipse omnia apocrypha esse demonstrare conatur: Cur quaerit, inquit, Ecclesia ad definiendam aliquam de fide controversiam, quid senserit Ambrosius, Hieronymus, Augustinus, & alii? An debet Ecclesia ab illis doceri? Nonne ab illa, si & Catholici, & Doctores fuerint, ipsi didicerunt? Oblitane est ipsa, quod illos docuerit? Eversa autem Patrum auctoritate, corrui etiam traditio, quæ illi innuitur.

105. Resp. Ut nihil dicamus de paradoxo, & ridiculis Harduini somniis de omnium veterum monumentorum suppositione, quæ operis dispendium esset refutare, argumentum ipsius putidum est paralogismus. Utique Sancti Patres suam de fide doctrinam ab Apostolis, & primitiva Ecclesia acceperunt, sed eandem postea incorruptam, & puram ad nos usque transmiserunt. Præclare S. Augustinus Libro I. contra Julianum cap. 7. num. 31. de Patribus loquens, ex qua (Ecclesia) inquit, generati sunt, ut hæc discerent, ejus Patres facti sunt, ut hæc docerent. Cumque nulla amplius a Deo fiat nova revelatio, quæ tota a Salvatore nostro & a Spiritu Sancto Apostolis facta est, Ecclesia nostrorum temporum non aliter cognoscit, quæ fuerit ista revelatio, nisi consulti sacris litteris, & traditione, in quibus tota, quæstæ est, continetur.

106. Obj. 16. Certum est multas olim in Ecclesia obtinuisse traditiones, quæ postea tractu temporis obsoleverunt, ut usus lactis, & mellis præstandi in baptismo, quam memorat Tertullianus de corona militis c. 4. & Lib. I. contr. Marc. c. 14. trina immersio in eodem baptismo, communicio sub utraque specie; canones penitentiales, & aliæ plurimæ: imprimis autem illa de Encharistia tradenda parvulis; quam S. Augustinus

(a) Ita scripsit Mart. Chemnitz in *Examine Conc. Trid.* P. I. Lib. 2.

(b) Nonnulla errorum exempla, in quos aliqui Scripturis male innixi, non ita pridem lapsi sunt, insinuat eruditissimus Bened. Bacchini in *Litteræ polemiche*

contro il Sig. Giacomo Piceno Lett. 2. §. 20.  
(c) In proleg. ad *Censuram Script. veterum*, quæ juxta autographum prodierunt Londini an. 1766 in 8. pag. 58.



gustinus Libro I. de peccat. mer., & remis. c. 24. ac duo Romani Pontifices Innocentius I. & Gelasius apostolicam esse, atque ad salutem pertinere, putarunt.

107. Resp. Alias esse traditiones spectantes ad disciplinam, alias ad fidem, & mores. Primæ mutabiles sunt, aliæ constantes, & immutabiles, nec unam ex his posterioribus Adversarii afferre poterunt, quæ temporis vetustate obsoleverit. Primi generis, non autem secundi, sunt omnes recensitæ traditiones, unde iustis de causis cessare poterunt.

108. Quantum vero pertinet ad Eucharistiam, quæ olim parvulis dabatur, respondet Cardinal. Norisius (in *Vindiciis Augustini*. cap. 4. §. 4.) Romanos Pontifices, & Augustinum non censuisse, Eucharistiam esse parvulis necessariam ad salutem, sed potius baptismum; qui tamen ex veteri Ecclesiæ disciplina non conferebatur sine Eucharistia. Nimirum Sanct. Doctor contra Pelagianos necessitatem baptismi hoc argumento ad hominem ostendebat: Pelagiani credunt, summptionem Eucharistiæ esse necessariam ad salutem propter illa Christi verba Joan. VI. 54. *Nisi manducaveritis carnem filii hominis, & biberitis ejus sanguinem, non habebitis vitam in vobis*: at vero Eucharistia non datur sine baptismo: ergo &c.

109. Natalis autem Alexander (Dissert. XVI. in Sæc. II. §. 22.) observat, potius rem, & virtutem Eucharistiæ, quæ in conjunctione, & incorporatione cum Christo posita est, quam ipsam Eucharistiæ summptionem, fuisse judicatam parvulis necessariam. Sane S. Fulgentius (in resp. ad questionem Ferrandi Diaconi epist. XII. cap. 11. num. 25. edit. Paris. in 4. 1684.) affirmat, pueros baptizatos salvari, etiamsi Eucharistiam non sumpserint; & ex S. Augustini auctoritate, quam ibi allegat, dicit, ambigendum non esse, tunc unumquemque fidelium corporis, sanguinisque Domini participem fieri, quando in baptismo membrum Corporis Christi efficitur; nec alienari ab illo panis, calicisque consortio, etiamsi antequam panem illum comedit, calicemque bibat, de hoc sæculo in unitate corporis Christi constitutus abscedat. Sacramenti quippe illius participatione, ac beneficio non privatur, quando ipse hoc, quod illud Sacramentum significat, invenit.

110. Hinc sapienter Concilium Trident. Sess. XXI. cap. 4. docet, parvulos usu rationis carentes nulla obligari necessitate ad Sacramentalem Eucharistiæ communionem.... neque ideo tamen dammandam esse antiquitatem, si eum morem in quibusdam locis aliquando servavit, ut enim sanctissimi illi Patres sui facti prohibi-

lem causam pro illius temporis ratione habuerunt, ita certe eos nulla salutis necessitate id fecisse, credendum esse. Unde etiam Canone quarto anathemate eos percellit, qui dixerint, parvulis, antequam ad annos discretionis pervenerint, necessariam esse Eucharistiæ communionem.

111. Objicies ult. (cum Riveto in *Traët. de usu Patrum* cap. 6.) Etiamsi detur existere traditiones divinas, & apostolicas, dici nullatenus potest, eas esse verbum Dei, cum nihil aliud contineant, quam testimonium hominum, & cum homines isti, qui traditionis sunt testes, ut veteres, docti, graves, non fuerint tamen divinæ inspirationis lumine illustrati, testimonium infallibile nobis suppeditare non possunt.

112. Resp. Nullatenus negari, aut in dubium revocari posse, doctrinam fidei avita traditione ad nos usque propagatam esse verè, & propriè verbum Dei: est enim illud ipsum verbum divinum, quod Christus Apostolis tradidit, vel iis Spiritus Sanctus suggestit. Apostoli autem toti mundo prædicando annunciarunt, atque Ecclesiæ reliquerunt. Neque vero obest, quod testimonio veterum Patrum, quod utique humanum est, non divinum, imitatur. Si enim hæc ratio obesset, etiam de verbo Dei scripto dubitari similiter posset, cum non in codice autographo illud legamus, sed in libris manu hominum non inspiratorum exscriptum, vel impressum, aut etiam in alienas linguas conversum. Verum, ut Theologi recte movent, distinguendum est *motivum formale* nostræ fidei ab ejusdem *motivi formalis applicatione*. Motivum est divina revelatio scripto, vel traditione contenta, applicatio motivi est ipsius revelationis cognitio, quæ a nobis acquiritur per lectionem, vel auditionem verbi Dei, tam in sacris codicibus, quam in veteribus Ecclesiæ monumentis (a).

113. Testimonium vero S. Patrum, quamvis humanum, & per se fallibile sit, si divisim accipitur, si tamen consideretur, prout pleno consensu, ubique, & semper nobis aliquam fidei, morumque veritatem suppeditat, tale est, ut nos plenissime certos reddere debeat, eam, & non aliam fuisse apud ipsos, & apud omnes, ubique, & omni tempore Ecclesiæ fidem. Ipsi enim quod acceperunt ab aliis, suis cœvix tradiderunt, & posteris reliquerunt.

114. Neque vero quis objiciat cum Dallæo, & Patres aliquando errasse, & sibi ipsis repugnasse, & sæpe suam doctrinam non ita perspicue exposuisse, ut plene de eorum inerte nobis constare possit. Non inquam: breviter enim respondemus, hæc omnia, etiamsi vera essent, ad rem nostram non

(a) Hæc ruidiori Minerva, & breviter exposita sunt pro solutione difficultatis Rivetianæ. Suis autem locis accurate, copioseque ostenditur, applicationem motivi

formalis fieri per Ecclesiæ infallibilem auctoritatem, proponentis ad credendum dogmata sive in sacris litteris, sive in divinis traditionibus contenta.

non pertinere; agimus enim hic de veri nominis traditionibus, quales non habentur, nisi quando Patres omnes, vel fere omnes de aliqua doctrina inter se omnino consentiant. Ex tunc nullus est locus privatis aliorum erroribus, vel controversiis, aut obscuritati.

## CAPUT III.

*De notis, quibus veræ traditiones divinæ a falsis distinguantur.*

115. Traditionum orores hoc potissimum obijcere solent, quod non facile sit divinas ad humanas, & veras a falsis discernere. At vero si infallibilem Ecclesiæ vocem, ut par est, audire velint, omnis illico sublata esset difficultas. Ut enim inferius ostendimus, ipsi a Deo suprema auctoritas collata fuit, quemadmodum de genuino sacr. scripturarum canone, earumque vero sensu, ita etiam de variis traditionibus, & legitima earundem interpretatione infallibiliter iudicandi.

116. Hujus supremæ, atque infallibilis potestatis firmissima suo loco afferemus documenta. Sed hic tantum observamus breviter, omnium traditionum divinarum, atque apostolicarum depositum penes Ecclesiam esse, prout loquuntur S. Irenæus supra num. 54., & Tertullianus iqm. 55. laudati; imo & alii Patres. Sed ante illos idipsum manifeste indicat Sanct. Apostolus Paulus commendans Timotheo hoc sacrarum traditionum depositum (vid. supra n. 18. & 46.) quod etiam aliis Episcopis cum iniecit, dubitari non potest. Si autem Ecclesia a Deo constituta est sacr. traditionum custos, ad eam totique pertinebit veras & genuinas a spuris discernere.

117. Hoc autem jure sibi divinitus collato semper Ecclesiam usam fuisse in Conciliis œcumenicis usque ad postremum Tridentinum, superius ostendimus num. 36., ut proinde facillimum unicuique sit hoc modo divinas, & apostolicas traditiones a falsis, vel humanis discernere.

118. Neque audiendus est Basnagius, qui (Dissert. IX. num. 32.) non veretur hanc nostram sententiam appellare certo certius absurdissimam. Hujus autem tam exaggeratæ assertionis hanc potissimum affert rationem, quia, inquit, Concilia, Patresque quid adire solent, si germanus traditionis sensus sit penes solum præsentem Ecclesiam?

119. Non, inquam, est audiendus Basnagius, cum tota ejus obiectio ex ignorantia nostræ doctrinæ oriatur. Cum enim dicimus, ad Ecclesiam præsentem pertinere iudicium de veris traditionibus, ac germano earundem sensu, non arbitramur, id ab Ecclesia præstari posse sine ullo veterum Patrum, ac Conciliorum examine, quo antiqua doctrina ad nos usque traditionis opere derivata dignoscatur. Sed solum contendimus, peculiarem Spiritus Sancti opem semper Ecclesiæ præ-

sto esse, ne in hoc examine instigando erret, prout Christus Dominus, qui eam suo sanguine fundavit, ac perpetuo regit, Apostolis sæpius promisit. Qua sola observatione liquet, non esse supervacaneum Sanctorum Patrum, veterum Conciliorum, totiusque antiquitatis studium; objectionemque Basnagii levissimam esse, ex supina, atque affectata ferum nostrarum ignorance ortam.

120. Sed iusuper non negamus, licere cuilibet privato de traditionum veritate, genere, ac sensu certarum regularum criterio judicare. Negamus solum, hoc privatorum iudicium unum summa diligentia peractum, esse infallibile: ac volumus, id a quolibet privato fieri non aliter debere, quam cum omnimoda Ecclesiæ magisterio subiectione. Sed hæc obiter; latius enim, & accuratius suo loco tractabuntur. Nunc de regulis, quibus etiam fideles privati haud difficile discernere possunt diversa traditionum genera, breviter dicere aggredimur.

121. Prima regula ad determinandas veras traditiones a falsis ea est, quam Vincentius Lirinensis in *Commonit.* l. c. 5. proponit, ut id reputemus ex divina traditione certo descendere, quod ubique, quod semper, quod ab omnibus traditum est: Hinc error Millenariorum in veris traditionibus numerari non potest, quia nec ubique, nec semper, nec ab omnibus patrocinium invenit, ut ostenditur suo loco.

122. Hoc autem non ita presse intelligi debet, quasi ad veram traditionem constituendum necessarius sit veterum consensus omnino unanimis; nam paucorum dissensus veris traditionibus minime officit. Hinc ita prosequitur idem Lirinensis interrogans: quid si in ipsa vetustate duorum, aut trium hominum, vel certe civitatis unius, aut etiam provincie alicujus error deprehendatur? Respondet autem: tunc omnino curabit, ut paucorum temeritati, vel inscientiæ, si quæ sunt universaliter antiquitus universalis Ecclesiæ decreta præponat. Quod si huiusmodi decreta non inveniuntur, tunc, subdit, operam dabit, ut collatas inter se majorum consulas, interrogetque sententiam eorum dumtaxat, qui diversis licet temporibus, & locis, in unius tamen Ecclesiæ Catholica communiōe, & fide permanentes magistri probabiles extiterunt: & quicquid non unus, aut duo tantum, sed omnes pariter uno, eodemque consensu, aperte, frequenter, perseveranter tenuisse, scripsisse, docuisse cognoverit, id sibi quoque intelligat absque ulla dubitatione credendum.

123. Observavit etiam sapienter Card. Perronius (in epist. ad Casaubonum observat. 5.), ut doctrina aliqua a sanctis Patribus pro catholica, & orthodoxa universim trahita, esse credatur; non esse necesse eam in omnibus Patrum monumentis reperiri. Neque enim omnes scripsere de omnibus, nec omnia ad nos eorum scripta pervenere. Doctrinæ alicujus pro catholica habenda.

bendæ il erit certissimum indicium, cum regionis cujusque clarissimi Patres ad confirmandam eam consentiunt: nec quisquam, nisi deterioris, aut suspectioris notæ ab ea dissenserit. Sic S. Augustinus adversus Pelagianos undecim, Synodus autem Ephesina adversus Nestorium decem Patribus, usque illustribus, in doctrinam unam conspirantibus in medium adductis universæ Ecclesiæ consensum se se repræsentare judicavit.

124. In hac tamen Patrum conspiratione istud quoque attendendum est, an veritatem, in quam conspirant, ut fidei dogma, proposuerint, & contra sentientes in hæreticorum numero habuerint, tunc enim plusquam manifestum est, id non alionde, quam ex traditione divina descendere; nam fidei dogmata omnia ex divina revelatione oriuntur; nec ulla post Apostolorum tempora Ecclesiæ nova facta est revelatio. Hujusmodi traditioni divine debemus dogmata de perpetua Deiparæ Virginitate, quia Helvidius eam negans, reputatus est Hæreticus; de Episcoporum potestate, & de precibus pro defunctis, quia Aerius utrumque negans damnatus est; de successione Rom. Pontificis in totius Ecclesiæ primatum, quia qui illi parere detrectarunt, habiti sunt, ut schismatici; & alia hujus generis.

125. Regula Secunda. In traditionibus divinis, quæ ad fidem spectant, nulla unquam mutatio admitti potest, quia fides est invariabilis; sed in iis, quæ spectant ad mores, aliqua inveniri possunt, quæ ad tempus certum, & determinatum restricta fuisse, apostolica traditione docemur. Exemplum est in illo præcepto, quod Apostoli ex divina inspiratione constituerunt Act. XV. 28. seq. dicentes: *Visum est Spiritui Sancto, & nobis ... ut abstinereis vos ab immolatis simulacrorum & sanguine, & suffocato.* Cum autem postea fuerit hoc præceptum in tota Ecclesia abolitum, credere omnino oportet, traditione apostolica fuisse fideles edoctos, illud ad prima nascentis Ecclesiæ tempora tantum pertinuisse. Alias quis unquam ausus fuisset, præceptum hoc ab Apostolis ex Spiritu S. inspiratione factum violare? (a).

126. Regula tertia est quam S. August. initio epist. LIV. ad Januarium exponit, ut illa, quæ non scripta, sed tradita custodimus, quæ quidem toto terrarum orbe servantur, datur intelligi, vel ab ipsis Apostolis, vel plenariis conciliis ... commendata, atque statuta retineri.

127. Hinc quarta exurgit regula, quam pariter S. Augustinus præscribit Lib. IV. de Baptismo cap. 24. Tom. IX., scilicet quod universa tenet

Ecclesia, nec Conciliis institutum, sed semper retentum est, nonisi auctoritate apostolica traditum reffissime creditur. Hanc regulam Sancti Pater in laud. mox epist. LIV. ad Januarium cap. 6. deducit ex iis verbis Sancti Pauli I. Corinthi. XI. 54. *Cetera autem, cum venero, ordinabo.* Insert enim Sancti Pater, ab ipso Sancto Paulo ordinatum fuisse, quod in Ecclesia de sumptione Eucharistiæ nulla morum diversitate varietur. Et sane eorum, quæ post Apostolos inventa sunt, epocha facile reperitur; & plerumque in universa Ecclesia obtinere non poterunt. Ex hac regula liquet, ex traditione apostolica omnino descendere, quæ Ecclesia de Sacramentorum materia, & forma, ac de Missæ Sacrificio docet, & ubique observat. Idem dicitur de jejuniis antepaschali, de paedobaptismo, ac de pluribus aliis.

128. Quinta regula est, ut id, quod in Ecclesia ubique observatur, humanam autem superat potestatem, nonnisi ex divina institutione dimanare credatur, quæ perpetua traditione conservata fuerit. Sic potestas, quæ Ecclesia, ubi necessitas, aut publica utilitas postulat, uti solet, vota dissolvendi, aut juramenta relaxandi, nonnisi a Deo, cui vota nuncupantur, & juramenta sunt, oriri potuit; traditione autem edocetur, eam fuisse colatam Ecclesiæ quando Christus Dominus primum Petro Apostolorum Principi, deinde etiam ceteris Apostolis claves regni celorum dedit, ut possent solvere, & ligare super terram, Matth. XVI. 19. & XVIII. 18. (b).

## DISSERTATIO II.

*Exponitur Systema A catholicorum de judicandis controversiis fidei.*

1. Verbum Dei esse fidei nostræ regulam firmissimam, & inconvulsam, nos inter, & Protestantes omnino convexit; sed magna oritur controversia, quæ totam continet causam deplorandi illius schismatis, quod ante duo sæcula magno religionis damno factum est, quinam scilicet sit legitimus, & supremus verbi Dei interpret, a quo proinde omnes, quæ de Scripturarum sensu nascuntur, quæstiones componi, & finiri queant. Nos catholicam Ecclesiam, ut supremam omnium litum tribunal veneramus; atque hanc unicam esse viam dicimus, eamque facilitam, quæ omnes de fide controversiæ, numero infinitæ, & ad solvendum intricatissimæ, quas spiritus cavillationis & dudum jam excitavit, & adhuc excitare non cessat, finiri queant (c).

2. Contra vero Protestantes hanc Ecclesiæ aucto-

(a) Vid. Nat. Alexander Diss. X. in Sec. I., & Meloch. Canus Lib. 11. de locis theol. c. 18. resp. ad 4.

(b) De traditionibus imprimis consuleret sunt Melochior Canus Lib. III. de locis theologicis, Nat. Alexander Dissert. XVI. in Sec. II. in qua & Riveti Tra-

ctatus de Patrum auctoritate, & Dallæi libri de vero Patrum usu referuntur, deinde passim omnes controversiarum tractatores.

(c) Origenes Lib. III. contra Cælestum num. 11. Tom. I. jam ab initio fuisse de sensu librorum, qui divini

Horritatem, veluti tyrannicum jugum execrantur, & unicuique libertatem ex animis concedi volunt, ut illud sequatur, quod verbo Dei conforme esse perspexerit.

3. Cum autem ab iis sciscitatur, quomodo examinis instituto possit tandem veritas secure determinari, tunc in varias distrahuntur sententias. Quidam verbum Dei adeo ex se clarum esse, & perspicuum dicunt, ut nullo alio iudicis opus sit, ac proinde inferuat, *solum Sac. Scripturam iudicem esse, normam, & regulam agnoscere, ad quam ceu ad lydiū lapidem omnia dogmata exigenda sunt, & iudicanda* (a). Alii addunt spiritum privatum dicantem eis, quinam genuinus, & quinam spurcius sit revelationis sensus. Quidam arbitrium iudicandi fidei dogmata soli rationi attribuerunt. Alii denique absurde quidem, sed tamen Protestantium systemati omnino consentaneae, nullum esse dixerunt fidei questionum iudicem, sed unicuique liberum esse de quolibet dogmate, prout sibi visum fuerit, sentire, & *Tolerantismum, seu Indifferentismum* invexere.

4. Haec varia Protestantium systematis puncta a nobis explodenda sunt; ut inde postea supremam, atque infallibilem fidei, moruque controversias iudicandi potestatem Ecclesiae vindicemus. Primo autem ostendimus, quam vana sit, & intuta via examinis ad veritatem in religionis negotio certo inveniendam.

#### CAPUT I.

*Ostenditur, viam examinis in determinandis articulis fidei nec esse omnibus possibilem, nec tutam.*

5. Certum plane est, plerosque nostrae Religionis articulos etiam a rudibus *explicitè* credi oportere; omnes autem omnino, saltem *implicitè*: frustra enim eos revelasset Deus, qui *docet nos utilia* (Isaie XLVIII. 17.), si ipsos credere necessarium non esset. At vero torqueant se, quantum volunt Adversarii, nunquam explicare nobis poterunt, quomodo rudes, ac idiotae *via examinis* ad certam dogmatum nostrorum cognitionem pervenire queant; ad talem nempe, ut de iis aliquid fidei elicere possint.

6. Primo enim, si nostrae Religionis dogmata rite, ut par est, examinare vellent, deberent sacras litteras a capite ad calcem attente legere, perscrutari, atque intelligere: 2. cum versiones non

sint a Deo inspiratae, deberent primos, & originarios fontes consulere; ad quod requiritur perfecta linguarum graecae, & hebraicae peritia: 3. cum nulla sit haeresis, quae aliqua sacrorum codicum loca in sui patrocinium non advocet, deberent idiotae haec loca, quibus abutuntur haeretici, cognoscere, & cum aliis conferre, ut verum, ac legitimum divini verbi sensum eruereut. At vero dicant bona fide Adversarii, quisnam idiotarum haec omnia praestare potest?

7. Solent quidem Heterodoxi dogmata in suis catechismis comprehensa aliquibus Sacrae Scripturae testimoniis breviter communire, quibus rudes contentos, & convictos esse volunt. Sed idne est; *examinis via* ad certam eorum cognitionem pervenire? Examiniaruntne, aut possunt illi rudes examinare, aut testimonia illa sint ex libris canonicis deprompta? 2. an sint principia revelationis in originalibus textibus conformia? 3. noverruntne, atque expenderunt omnes interpretationes, quibus alii doctissimi viro eadem loca explicant? 1. revocaruntne ad trutinam alia ejusdem Sacrae Scripturae loca, quae illis opponi videntur? Opus hoc est laboris, & difficultatis plenum, quod otium requirit, ingenii acumen, multam lectionem, peritiam linguarum, utilitiam haeresum, aliaque plurima, quae rudibus, imo iis omnibus, qui multis hujus vitae negotiis occupantur, omnino desunt. Hi tamen maximam hominum partem constituunt, ut nonnisi paucissimi inveniuntur, qui sint hujusmodi adjumentis ad examen necessariis instructi.

8. Hinc, nisi lucem in meretricie negare velint, Adversarii confiteri debebunt, fideles apud ipsos, non secus ac apud nos, paucissimi exceptis, nullo prorsus examine uti, sed sola auctoritate duci in religionis negotio. Cum hoc tamen discriminæ, quod Catholici in credendo nituntur auctoritate Ecclesiae, quam nec fallere, nec falli posse, sibi certo persuasere: quo fit, ut eorum fides, quamvis caeca, sit tamen *rationalis*; nihil enim magis rationi consonum, quam infallibili Ecclesiae auctoritati caecam fidem adhibere. Aetholici vero credant sine examine; & fidunt auctoritati suorum Pastorum, quos & falli, & fallere posse, non ignorant. Talem autem fidem rationabilem esse nemo dixerit (b).

9. Soli igitur in sacris disciplinis eruditi, omnibusque necessariis adjumentis instructi, possunt, instituto examine, veritatem nostrorum dogmatum inquirere. Sed hi paucissimi sunt, & si suae praeclarae tantummodo iuvantur, metuere semper de-

*esse credantur; inter fideles dissidia, notat; idque variis exemplis declarat.*

(a) In formula Lutheranorum apud Hieronym. Krommerum in locis *Ante-Syncretisticis* anit. 5.

(b) Hoc invidium argumentum contra viam examinis insinuat invenio a Sancti. Thoma 2. 2. quest. 1. art. 9. ad 1., ubi inquit: *veritas fidei in Sacra Scriptura diffuse continetur, & variis modis, & in qui-*

*busdam obocure; ita quod ad eliciendam fidei veritatem requiritur longum studium, & exercitium; ad quod non possunt pervenire omnes illi, quibus necessarium est cognoscere fidei veritatem: quorum plerique alii negotiis occupati studio vacare non possunt. Confer Petrum Nicolium in Operibus controversia, ubi haec rationem incredibili vi, & eloquentia arguit.*



debent, ne quocumque etiam diligentissimo instituto examine fallantur. Sciunt enim, se homines esse egroti obnoxios; vident controversias de fide pene omnes esse multis difficultatibus implexas: non ignorant, altos ingenio, & doctrina præstantes, in diversas, ac contrarias abire sententias: quomodo ergo sibi solis fidentes ad eum certitudinis gradum pervenire poterint, qui ad actum fidei eliciendum est necessarius?

10. Id ipsius adhuc evidenter apparebit, si coherentèr ad Acaholicoorum principia animadvertimus, fieri posse, ut rudis hominum verum sacrae scripturae sensum feliciter assequatur, quam multi alii docti, & sapientes, imo quam integræ Synodi, ac tota ipsa Ecclesia. Id confessus est Joann. Claudius in suo colloquio cum Bossueto (a); & aperte ex ipsorum systemate fuit. Cum enim veliat, nullam esse in Ecclesia tota auctoritatem prorsus infallibilem interpretandi verbum Dei, consequenter docent, vel ipsas definitiones Conciliorum quorumcumque non esse acceptandas, nisi postquam instituto examine constiterit, eas esse verbo Dei conformes (b). Si quis ergo eas putet; non esse verbo Dei consonas, easdem rejicere poterit, & consequenter existimare, se melius germanum Sacrae Scripturae sensum assecutum fuisse, quam integras, & universales Synodos.

11. Rursus, si illæ falli possunt, cur quilibet privatus, & singularis homo, utut doctissimus, idem de se ipso non metuat? Ac proinde via examinis, si tuta non est, quando tota simul Ecclesia eidem insistentis aliquid dogma definit, multo minus tuta erit, quando viri privati, quamvis

doctissimi, ea utuntur, tamquam regula ad dogmata fidei invenienda, & determinanda. Quo tandem fiet, ut tota nostra sanctissima religio in incerto fluctet, neque ulla de ejus dogmatibus haberi possit firma, & stabilis fides.

12. Accedit, hoc dogmatum nostræ Religionis examen in systemate Adversariorum, ex solo verbo Dei scripto fieri oportere, quod unicam esse dicunt fidei nostræ infallibilem regulam, & judicem; si enim ratiocinia humana adisceant, cum hæc non sint verbum Dei, non amplius eam, quæ requiritur in rebus fidei, certitudinem consequi poterunt. At vero nihil minus apparet in examini, quæ de religionis dogmatibus ipsi institunt, & sæpius provocati a Catholicis, ut ex solis, atque expressis sacrae Scripturae verbis manifeste ostendant, vel unum dogma a Romana Ecclesia creditum esse falsum, aut unum ex novis ipsorum doctrinae capitulis esse articulum fidei ad salutem necessarium, hæcenus huic tam justæ petitioni satisfacere non poterunt. Semper enim ad hæc probanda utuntur interpretationibus, consequentibus, & ratiociniis, quæ non sunt ipsam verbum Dei infallibile, sed verba, & cogitationes hominum, in quibus, proinde se falli posse prudenter metuere deberent (c).

13. Neque vero nobis regeant, etiam apud Catholicos, imo apud ipsos S. Patres hanc methodum obtinere. Libenter enim id concedimus; at in eo apparet discrimen, quod nostra fides non imitatur hujusmodi ratiociniis, vel interpretationibus, sed judicio Ecclesiæ, cui Spiritus Sanctus præsto semper est, ut earet. Contra autem

A-

(a) Vid. *La Conférence de M. Bossuet avec M. Claude Tom. IV. des Oeuvres de M. Bossuet*. Claudius quidem id postea emollire conatus est, dicens, se de falsis Synodis locutum esse, quæ hominibus improbis, atque hypocritis constant. Bossuetus tamen facile demonstravit, id etiam de veris, & canonicè celebratis Synodis ab ipso fuisse concessum, & concedi debuisse. Vid. *Reflexions sur un écrit de M. Claude* pag. 581. in eodem Tom. IV. Et certe ex principiis Protestantium tunc demum cognoscimus, Synodos esse veras, & legitime celebratas, quando peracto examine compertimus, ab iis ita esse intellectas, & explicatas sacras litteras, quemadmodum eas intelligendas, atque explicandas esse nobis videtur; ut proinde quilibet ita ratiocinari debeat: ego judico hunc, & non alium esse Sacra Scriptura sensum, atque hæc Synodus mecum consentit, aut a me dissentit: ergo hæc Synodus est vera, aut est falsa. Et sic etiam de tota Ecclesia colligere debent, quicumque volunt, ex doctrina cognoscendam esse veram Ecclesiam, doctrinam autem proprio examini subijciunt. Confer Nicolium Tom. III. des Oeuvres de controverse c. 6. & seq.

(b) Calvinus Lib. IV. Institut. cap. 9. postquam visus esset Conciliorum auctoritatem venerari, ita demum statuit: quoties Concilii aliquis decretum profertur, expendi primum diligenter velim, quo tempore habita sit, quo de causa habitum, & quo consilio; quales homines interfuerint; deinde illud ipsum, de quo agitur, ad Scriptura amplexum examinari, idque in

Gaizaniga Theol. Tom. I.

eum modum, ut Concilii definitio pondus suum habeat, atque instar præjudicii: neque tamen, quod dixi, impediatur. En quomodo debeat quilibet de Conciliis ipsis judicare.

(c) Præstat hoc aliquo exemplo confirmare. Catechismus Heidelbergensis Domini XXVIII. q. 7. loquens de communionem sub utraque specie, Christus; inquit, me, & omnes de poculo distributo bibere jussit in sui memoriam. Si autem sciscitemus, ubinam scriptum sit, omnes fideles jussos esse de poculo bibere, allegantur statim verba Christi Matth. XXVI. 27: bibite ex eo omnes. At vero, reponebantur Catholicis, hæc verba spectare ad Apostolos, non autem ad omnes fideles, provocant ad locum Pauli I. ad Corinth. XI. 23. & seq. Quod si iterum cogantur, ut ex Pauli expressis verbis nos doceant, mandatum esse omnibus fidelibus de calice bibere, hærent, & ad ratiocinia, & consequentias confugiunt. Et ita se res habet in omnibus plane controversiis, ut ostenderint nostri Theologi, ac inter alios Hadrianus, & Petrus Frater de Waleburch in *Methodo Augustiniana* P. II. cap. 3. Multa quidem conferunt, ut ostendant in Scriptura interpretatione posse nos uti ratiociniis, etiam philosophicis, nec ego repugno. Sed tamen semper verum est, eos non sequi solam, & nudam Sacra Scripturam, quæ est verbum Dei infallibile, ut, ad capiendos imperitos proferri non desinant; sed suas interpretationes, & ratiocinia, quæ humanae sunt cogitationes erroris obnoxie.

A Catholicorum fides iis tota inniti debet, cum tamen agnoscant, *omnes homines natura sua esse mendaces, & ipsa vanitate saniores*; ut loquitur Confessio eorum Belgica art. 6.

14. Ex quibus omnibus manifeste consequitur, *viam examinis maxime fidelium parti esse propterea impossibilem*, iis autem paucissimis, qui se insistere possunt, minime esse tutam: ut proinde fideles omnes non alio modo esse queant in sua fide, & religione securi, quam si infallibili Ecclesie auctoritati innituntur.

15. Adversarii cum nullatenus valeant se ab huiusmodi laqueis extricare, nos iisdem involvere conantur, eadem argumenta contra nos retorquentes, ut ostendant, eadem propterea ratione non posse nos tuto pervenire ad cognitionem infallibilis Ecclesie auctoritatis, cui nostram fidem committimus. Primo enim, inquirunt, examinare deberemus, an Ecclesia Christi infallibili hae polleat auctoritate: secundo an illa Ecclesia, quae hoc summum privilegium sibi vindicat, sit Romana, vel alia quaedam ex iis multis communioibus, quarum quaelibet se veram Christi Ecclesiam esse iactat: utrumque autem examen esse rudibus impossibile, doctis autem minime tutum. Hinc colligunt, si *via examinis*, ut impossibilis, & minime tuto rejiciatur, *pyrrhonismus* in religionem inveli oportere (a).

16. Sed primo aperte liquet, apud nos non nisi hanc unam esse controversiam discutiendam, apud adversarios autem innumeratas, eas scilicet omnes, quae quotidie exoriuntur, & quae exoritur in posterum. Nos superata hac prima difficultate, ab Ecclesie oraculis omnia facile, ac tuto discimus: illi in singulis, ut ita dicam, passibus nova semper, & insuperabilia inveniunt obstacula; ut proinde vel ex hoc capite magnum appareat nos inter, ac illos discrimen.

17. Deinde ut cognoscamus, veram Christi Ecclesiam infallibili polleat iudicandi auctoritate in controversiis fidei, & morum definiendis, praeter perspicuas, & saepius iteratas Christi promissiones, vel sola rudibus, aliisque sufficere potest vetustissima, & perpetua ejusdem Ecclesie consuetudo, qua exortas controversias fidei ad suum tribunal vocavit, & invocato Spiritus Sancti auxilio definitivum, & ita quidem, ut fideles ad plenam suam definitionibus praestandam obedientiam adigeret; reluctantes vero anathemate percussos e sinu suo ejiceret. Accedit etiam vel ipsa sana ratio, quae nobis dicat, debere aliquem supremum, & infallibilem esse controversiarum iudicem, sine quo nulla esse potest in fide unitas, & concor-

dia, imo nec certitudo; hoc autem iudicium nulli alii melius, & tutius tribui posse, quam universo Ecclesiae pastorum coetui. Quis enim de ipso tam arroganter praesumat, & credat, se posse facilius verum Scripturae sensum assequi, quam tot Ecclesiae Patres, tot Pastores, & Doctores, qui Ecclesiam Christi a primo ejus ortu usque ad nostra tempora illustrarunt, & gubernarunt?

18. Quod autem haec vera Christiana Ecclesia sit Romano-catholica; etiam facile demonstratur a Theologis ex notis, & characteribus verae Ecclesiae. Interim tamen, ut res compendio agatur, rudibus sufficit breviter observare, illam esse Ecclesiam a Christo fundatam, quae suos Pastores perpetua serie usque ad Sanctum Petrum nune-rat, quae proinde omnibus aliis Ecclesiis est antiquior, quae non ex separatione ab aliqua alia formata fuit; sed potius aliae ab ipsa se separantes formatae fuerunt. Et hoc adeo patens est, ut quotiescumque contingit, aliquos ex variis, & multis Heterodoxorum sectis ejurata haerese veram Ecclesiam quaerere, non ad aliam accedant, quam ad Romanam.

19. Mirum autem est, quod dicant viam auctoritatis ad pyrrhonismum ducere, cum potius evidentissimum sit, nulla alia ratione posse hunc pyrrhonismum evitare, quam se committendo infallibili Ecclesie iudicio. Ut enim inquitbat S. Augustinus contra epistol. fundamenti cap. 4. *turbam non intelligendi vivacitas, sed credendi simplicitas tutissimum facit*. Et iterum (De utilit. credendi. cap. 16. Tom. VIII.) postquam multa de Ecclesiae auctoritate dixisset, ita rectissime ratiocinatur: *Si Dei providentia non praesidet rebus humanis, nihil est de religione satagendum. Sin vero... non est desperandum ab eodem ipso Deo auctoritatem aliquam constitutam, quo velut gradu certo innitentes attolamur in Deum*. Ac demum, cum ostendisset, hoc auctoritatis culmen esse in Ecclesia Romana, ita concludit: *cui nolle primas dare, vel summae profectio impietatis est, vel praecipitis arrogantiae*.

20. Quae Sancti Doctoris verba nobis obviam suppeditant rationem, ut seposita etiam questione de infallibili Ecclesiae auctoritate, vel ipsum sequamur sanum, & communem hominum sensum, qui certe dicat, ut potius iis definitionibus inhaeremus, quae a Pastoribus simul congregatis post diligens, & maturum examen eduntur, quam ut unusquisque re per se ipsum examinata proprium suum iudicium iudicio omnium aliorum praeferat. *Via ergo auctoritatis, quam Ecclesia sem-*

(a) Hoc potissimum modo Jo. Claudius vim argumenti sibi a Bossuet, & Nicolio propositi declinare conabatur. Jo. autem Frid. Coita in *Supplem.* ad Tom. XII. *Loc. theol.* Jo. Gerhardi art. 28. ut hanc difficultatem auget, fingit *Ecclesiam vocem in Pontificio-rum systemate tam vagam, atque ambiguum significu-*

tum habere, ut ubicum illius auctoritas residet, nullo modo appareat. Sed omnes Catholici nomine *Ecclesiae infallibilis* in definiendis dogmatibus non aliud intelligunt, quam coetum Pastorum vel dispersorum, vel in conciliis congregatorum, ut inferius ostendetur.

semper obtinuit, & adhuc obtinet, tum ipsi rationi conformior, tum multitudini fidelium sola accommodata, ac denique tutior, imo sola tuta apparet: contra autem *via examinis* & multis impossibilis est, & præsumptionis, temeritatis ac periculi plena apparet.

21. Obijciunt autem primo exemplum Christi, & Apostolorum, qui in religionis negotio omnia examinanda esse nos docuerunt. Christos enim nunquam soli voluit suæ auctoritati credi, sed turbas remittebat ad examen miraculorum, ac prophetiarum veter. testamēt. ut Matth. XI. 4. & seq., & Jo. V. 39. Sic etiam egerunt Christi discipuli, in quorum divinis scriptis perpetuo testimonia veterum Prophetarum allegata legimus. Et Sanctus Paulus Act. XVIII. 10. & sequi. Beroensium diligentiam laudat, qui *susceperant verbum cum omni aviditate, quotidie scrutantes Scripturas, si hæc ita se haberent.*

22. Respond. Christum Jesum debuisse primo suam divinam missionem, auctoritatemque ostendere; & tunc examini erat locus. Constituta autem hac sua suprema auctoritate, non amplius licuisse ea in examen vocare, quæ ille credenda, & agenda tradebat. Hinc Joann. VIII. 12. & seq. dicebat: *ego sum lux mundi; qui sequitur me, non ambulat in tenebris, sed habebit lumen vite.* Ceterum falsum omnino est, Christum Dominum non exegisse aliquando, ut suo testimonio plenam fidem turbæ adhiberent. Cum enim Pharisei aui essent illi obijcere loc. cit., ut de te ipso testimonium perhibes, testimonium tuum non est verum. Respondit Jesus, & dixit eis: *etsi ego testimonium perhibeo de me ipso, verum est testimonium meum...* & testimonium perhibet de me, qui misit me, Pater.

23. Jesu Christi exemplum, imitatur Ecclesia, & primo contra incredulos veritatem divinæ revelationis ex miraculis potissimum, & prophetiis invide demonstrat. Deinde ex promissionibus sibi a Christo Domino factis ostendit infallibilem illam, & supremam potestatem, qua semper usa est, & sine qua unitas religionis servari non potest. Ex quo autem sicut, & semper fuerint filii rebelles, & tenebrarum, qui has veritates agnoscere recusant, non propterea de iis dubitare possumus, aut excusare, qui non credunt; sicut inexcusabiles erant obcecati Pharisei, qui Jesu Christi testimonium audire recusabant.

24. Idem dicendum est de Apostolis. Ceterum ipsi, quam eorum sanctissimus Magister, aliter se gerebant cum iis, qui divinæ revelationi jam aures præbuerant. Nam Joann. VIII. 5. dicebat Jesus ad eos, qui crediderunt ei, Judæos: *si vos manseritis in sermone meo, vere discipuli mei eritis, & cognoscetis veritatem, & veritas liberabit vos.* Unde Sanctus Augustinus in Lib. de utilitate credendi cap. 14. potissimum exemplo Christi ita revincebat Manichæos: *fide ille docebat; vos ratione ducitis; clamabat il-*

*le, ut crederetur, vos reclamatis: laudabat credentes ille; vos objuratis.*

25. Id ipsum præstiterunt Apostoli. Judæos enim, ac Gontiles incredulos miraculis, prophetiis veter. testam., omnique alio argumentorum genere ad veram Religionem perducere satagebant. Postquam autem ei nomen jam dedissent, tunc non amplius cum ipsis disceptabant, sed potius præcipiebant dicentes: *visum est Spiritui Sancto, & nobis &c.* Act. XV. 28.

26. Quod autem obiectum fuit de Beroensibus, ita explicatur a Bossueto (in colloquio cum Claudio) ut tunc Beroensibus licuerit examinare, quando Ecclesie auctoritati nondum collum submiserant. *Susceperant* quidem *verbum cum aviditate*, idest libenter audierant, quæ a Paulo, & Sila prædicabantur: nondum tamen ea penitus credebant, sed scrutabantur Scripturas, an ita se haberent; quod in iis adhuc Catechumenis non solum tolerari, sed laudari etiam debebat.

27. Quod si quis omnino contendant, jam tum Beroenses fuisse fideles, tunc dicendum est, eos fuisse scrutatos Scripturas: *non quod dubitarent de veritate Pauli, & Silæ, sed ut prophetica scripta cum illorum verbis conferendo, magis magisque in veritate confirmarentur; & haberent, unde alios convincerent.* Verba sunt Hugonis Grotii celeberrimi inter Protestantes. Scripturæ interpretis ad hunc locum. Et certe nisi hæc, & similia loca ita explicentur, illud consequetur absurdum, non solum Ecclesie definitiones esse examini subjiciendas, sed etiam quæcumque Apostoli, imo & ipse Jesus Christus docuerunt.

28. Obj. 2. Jure ipso naturæ potest unusquisque, ac debet ea diligenter examinare, quæ ad salutem suam pertinent. Hinc Lactantius L. II. Divin. Institut. postquam multa dixisset ad evitendam Majorum auctoritatem, qua decepti Ethnicis superstitionem sectabantur, ita concludit cap. 8. *Oportet in ea re maxime, in qua vitæ ratio versatur, sibi quemque confidere, suoque judicio; ac propriis sensibus magis niti ad investigandam, & perpendendam veritatem, quam credentem alienis erroribus decipi, tanquam ipsum rationis expertem. Dedit omnibus Deus pro virili portione sapientiam, ut & inaudita investigare possent; & audita perpendere,...* Sapientiam sibi adimunt, qui sine ullo judicio inventa Majorum probant, & ab aliis peccudum more ducuntur. Plura ibidem habet lectu dignissima.

29. Respond. Hoc juxta examinis, non solum in religione, sed & in aliis etiam quibuscumque rebus, nonnisi iis tribui præse, qui omnibus ad certum judicium ferendum instructi sunt prædiis. Iis autem maximam hominum partem carere jam ostensum est: Imo quantumcumque sint aliqui in sacris litteris, rebusque theologicis periti, adhuc tamen non sine summa arrogantia nota præstarent ea examinare, quæ Ecclesia,

in qua tot semper fuerunt, & adhuc sunt, Pastores docti, pii, ac diligentissimi, & cui demum infallibilis Spiritus Sancti præsentia præsto est, accurato præmisso examini jam definivit.

30. Verba autem Laëtantii ad hanc rem minime spectant; quia Majores illi, de quibus loquitur, & quorum auctoritate Ethelici se tuebantur, non erant nisi homines errori obnoxii, qui aliis dictis Minoribus nominis temporis vetustate præcellabant; unde merito subdebat: *sed hoc eos fallit, quod Majorum nomine posito non putant fieri posse, ut aut ipsi plus sapiant, quia Minores, vocantur, aut illi desuperint, quia Majores nominantur.* Nos autem credimus Majoribus nostris, scilicet Ecclesiæ Pastoribus, qui Spiritus Sancti gratia ita reguntur, ut falli nequeant. Et sane; nisi ita intelligatur Laëtantius, posset aliquis incredulus eadem fallacia etiam Apostolorum auctoritatem labefactare, & convellere.

31. Obj. 5. Methodus est inversa, & præposita, ut prius cognoscamus Ecclesiam, & deinde veram Jesu Christi doctrinam; nam illa demum est vera Christi Ecclesia, quæ veram ejus doctrinam profitetur; unde etiam idem Christus Dominus ita Apostolis præcepit Matth. XXVIII. 19.: *euntes docete omnes gentes, baptizantes eos &c.* ostendens, prius esse homines in vera doctrina instruendos, deinde Ecclesiæ per baptismum aggregandos.

32. Respond. Subtilem hanc cavillationem vel ex eo solo corrumpere, quod, ut supra ostensum est, hac methodo examinis vix homines docti, indocti autem ne vix quidem possent veram Christi Ecclesiam agnoscere. Verba autem Christi Jesu significant, adultos (nam de parvulis alia est ratio) docendos esse de articulis necessariis fidei, & morum, non via examinis, aut discussionis, vel instructionis; nisi forte circumstantiæ id eum aliquibus per indulgentiam fieri postulent. Id autem adhuc servatur in Ecclesia, quæ a Catechumenis exigit ante baptismum professionem fidei, inter cujus articulos etiam ille continetur, ut credant Ecclesiam. Præclare Sancti Augustinus de utilitate credendi cap. 9., postquam improbasset methodum hæreticorum, qui Catholicam Ecclesiam maxime criminantur, quod illis, qui ad eam veniunt, præcipit, ut credant; se autem non jure credendi imponere, sed docendi fontem aperire gloriantur: ita subdit: *vera religio, nisi credantur ea, quæ quisque postea, si se bene gesserit, dignusque fuerit, assequatur, atque percipiat, & omnino sine quodam auctoritatis imperio iniri recte nullo pacto potest (a).*

33. Inst. Si ita res se habet, poterit quilibet in secta, in qua natus est, & educatus, tranquil-

le permanere; quod idem est, ac religionis indifferentissimum invadere.

34. Respond. Id minime consequitur. Nam primo debet quilibet, & facile potest veritatem Religionis Christianæ evidentiter cognoscere. Præterea debet inquirere, quænam inter tot Christianorum communionis sit legitima, ac vera Christi Ecclesia. Porro ad hæc duo examinanda præsto sunt firmissima, & evidentiæ argumenta, quæ vocantur *credibilitatis motiva*, quæ etiam rudes, si eam, quæ par est, diligentiam adhibere voluerint, haud difficile intelligere possunt. His autem duobus inventis potest jam quilibet in Ecclesia Catholica secure, & tranquille vivere; quin necesse sit, omnia, & singula hujus Ecclesiæ dogmata ad examen revocare; quod non solum rudium, sed etiam doctissimorum hominum ingenium, & facultatem superat.

35. Obj. 4. Hæc via auctoritatis religionem Christianam exponit ludibrio infidelium, quia homines expoliât ratione, & libertate examinandi; 2. ad fanaticismum ducit, ut cuilibet enthusiastæ credere debeamus; 3. ignorantie fons est, & origo, cum nullam industriam exigat; 4. tyrannidem, & crudelent intolentiam secum affert.

36. Resp. Primum falsum esse, ipsa quotidiana experientia demonstrat. Nam primo Adversarii ipsi, velint nolint, fateri coguntur, non solum prioribus temporibus, sed etiam sub ipsa pseudo-reformatione, ac postea, maxime hominum partem, sine examine credere: 2. & primis Ecclesiæ sæculis, & etiam posterioribus Religionem nostram felicitur in quatuor orbis partibus propagatam fuisse sine examine, & sola virorum Apostolicorum prædicatione. 3. Fateri insuper debent Adversarii, semel ac aliquid in divinis eloquiis revelatum inveniat, illud certissime credendum esse, nec ulli licere rationes inquirere, an illud verum sit; nec tamen dicent propterea, nos ratione ex polari, quia nunquam melius nostra ratione utimur, quam quando eam divinæ revelationi subjicimus. Nihil insuper magis rationi consentaneum, quam a Christo fundatore nostræ Religionis aliquem fuisse relictum vivum iudicem controversiarum, sine quo ejusdem religionis unitas, & puritas conservari non poterat.

37. Nihil istum magis falsum est, quam *flamæ auctoritatis*, qualem nos agnoscimus, ad fanaticismum ducere. Ubi enim quæso est, ut esse potest fanaticismi periculum, quando ea dogmata credimus, quæ universa Ecclesia longo, ac diligentis præmisso examine fidelibus credenda proponit? Nam præterquamquod evidentes habemus, ac sæpius repetitas promissiones, *Spiritum Sanctum cum ea permansurum in æternum*, non-

110

(a) Hanc Sancti Doctoris sententiam, quæ viam examinis improbari quilibet videt, ab injusta Joannæ Pherepponi, seu Joannæ Clerici censura vindicavit La-

mindus Pritanius, nempe Lud. Muratorius: Lib. I. de ingeniorum moderatione in religionis negotio cap. 5.



ne ratio ipsa dicat, multo magis esse a periculo fanaticismi remotos, qui pluribus, doctisque Pastoribus una simul rem diligentissime examinantibus credunt, quam qui unice suis fallacibus inquisitionibus fidunt? Et ubinam integras sectas Quakerorum, Anabaptistarum, Davidicorum, Inspiratorum, seu Neo-prophetarum Cebennensium, aliorumque similium nasci, & propagari vidimus, nisi apud eos, qui repudiato tutissimo Ecclesiae iudicio fidei nostrae capita in examen vocare praesumpserunt? (a).

58. Infallibilem porro, quam nos veperamus Ecclesiae auctoritatem, non esse ignorantiae fontem, aut asylum, ut adversarii perperam obiciunt, satis demonstrant tot, quae jam prodierunt, & quotidie prodeunt Catholicorum scripta doctrinae, & eruditiois plena; quod ab Heterodoxorum requitate minime negatum iri speramus. Nam primo vastissimus est rerum ab Ecclesia minime definitarum campus, in quo eruditorum ingenium liberrime spatium potest. Deinde Ecclesia non prohibet viris doctis, vel de ipsis dogmatibus prudenter disputare; ita tamen ut proprium iudicium ejusdem definitionibus dociles subijciant in obsequium fidei.

59. Injusta demum est tyrannidis, aut intolerantiae querimonia. Quemadmodum enim Religio sancta exigit, ut nostrum intellectum in captivitate redigamus, quotiescunque aliquid invenimus a Deo revelatum, quin tamen eam tyrannidis accensum, ita nec tyrannidis accusari potest Ecclesia, dum filiis suis ea credere jubet, quae a Spiritu Sancto edocta divinitus esse revelata certo, & infallibiliter cognoscit. Quod si auctoritate sibi a Deo concessa in filios inbedientes, ac rebelles poenae salutaribus quandoque a-

nimadvertit, id facit, ut spiritus salvus sit in Domini nostri Jesu Christi. I. Corinth. V. 5.

## CAPUT II.

Ostenditur, perperam Heterodoxos ad Scripturae sacrae persecutatem confugere, ut viam examinis omnibus possibilem reddant.

40. Et primo, etiamsi liberaliter concedere velimus, quod adversarii contendunt, omnes articulos fidei, & morum ad saltem necesarios, ita perspicue in sacris litteris contineri, ut nemo, qui illas diligenter, atque attente legat, eosdem ignorare queat, multas tamen adhuc superessent difficultates rudibus plane inusperabiles de Canonum librorum sacrorum, de fidelitate versuorum, de varietatibus codicum, atque editionum, de apparentibus antilogiis, ac potissimum quatenam sint loca clariora, & quatenam obscuriora, ut recte conciliari possint. Haec autem, atque id genus plura homines non solum rudes, sed etiam doctos, si prudentes sunt, accipites facere debent, ac trepidos, ne in rebus maximi momenti cum aeterno suae salutis dispendio a veritate aberrant: neque haec justa anxietas alio modo tolli posse videtur, quam infallibili Ecclesiae auctoritate (b).

41. Sed praeterea S. Scripturam non esse ubique, & in omnibus articulis ex se sola perspicuam, multis, gravibusque momentis evincitur. Nam primo S. Petrus 2. epistol. III. 16. loquens de epistolis S. Pauli ait, in iis esse quaedam difficultia intellectu, quae indoctis, & instabiles depravant, sicut & ceteras scripturas ad suam ipsorum perditionem. Haec autem difficultia intellectu spectare ad salutem ex eo liquet, quod in-

do-

(a) Nihil frequentius in ore Protestantium, quam fanaticismi plena omnia esse in systemate Romanensium, ut ait Jo. Frid. Cotta in Supplem. ad Lib. XII. Loc. Theol. Joana. Gerhardi §. 30.; sed si adversarii rem hanc peccato animo tantisper considerare velint, facile videbunt nullam majorem esse falsitatem; cum nobis Catholicis non licet privatas nostras opiniones in rebus fidei sequi, sed omnes teneamus Ecclesiam sanctam audire. Sordis autem auribus praeterenda non est illa ejusdem Cotta, aliorumque ei similium calumnia plane intolerabilis, scilicet a cordatoribus Pontificiorum non dissimulari, Deismum primos suos natales Ecclesiae Romanae debere. Quis Catholicorum hoc unquam dixit, aut dicere potuit? Primi, & celeberrimi hujus impietatis corripit, & propagatores, Hobbesius, Spinoza, Tolandus, Voolatinius, Collinsius, Pélusius, Rousseavius erant in Ecclesia Catholica nati, & educati? Anne Deismus minus serpit in Communionibus Protestantium praeterit in Anglia, quam in Communione Romana? Ego vero (pace adversariorum dixerim) potius censeo, examinis libertate a Luthero, Calvino, alisque pseudo-reformatibus concessa, ostium immane fuisse hinc hominum pesti apertum; tunc enim discorsum est a primae simplicitate credendi, & de omnibus disputando, omnia confusa

sunt, & perturbata. Hinc parvi nescientes, cui crederent, prorsus nihil credere maluerunt. Sane Laur. Mosheim in *Histor. Ecclesiast.* Tom. V. pag. 302. edit. Yverd. 1776. candidè fatetur temporibus Cromwellianis fuisse epocham Deistarum in Anglia sub Sidney, Nevillio, Martino, & Arringtonio; quando scilicet cuilibet permissum erat, quidlibet credere, ac profiteri. Sed haec obiter.

(b) Ex quo Scriptura sacra debeat esse in rebus ad salutem necessariis omnino clara, Remonstrantes bene collegisse videntur, omnia ea dogmata, quae in sacris litteris non omnino perspicue continentur, utriusque verisimilitudinis, minime esse ad salutem necessaria. Addebant postea, omnia ea dogmata, de quibus inter varias Christianorum Communiones disputatur, apud omnino perspicue contineri in sacris litteris; unde consequens erat nonnisi paucissima Religionis nostrae dogmata, ea scilicet sola, de quibus nulla est inter Christianos controversia, esse ad salutem necessaria. Videri potest id latius explicatum in *Institutionibus theol.* Sim. Episcopi, & in praefat. quam illis permittit Arnoldus Poelenburgius. Nescio, quomodo defensores claritatis sacrae scripturarum possint solide hanc Remonstrantium doctrinam refellere.

docti, & instabiles ea depravare dicuntur ad *sum ipsorum perditionem*; quod de rebus levioris momenti dici non posset. Præterea Actor. VIII. 31. Eunuchus Caudacis Reginae Æthiopum ingenue Philippo confessus est, se Scripturas, quas legebat, minime assequi: *Et quomodo, inquit, possum (intelligere), si non aliquis ostenderit mihi?* (a) Deum Discipuli Christi Domini non semel fassi sunt, parabolæ, & doctrinam Magistri sui sibi impervias esse. Matth. XIII. 36. *Edisserere nobis parabolam zizaniorum agri.* Et Lucæ XXIII. 34. *Et ipsi nihil horum intellexerunt: & erat verbum istud absconditum ab eis: & non intelligebant quæ dicebantur.*

42. Id ipsum Sancti Patres tanquam certissimum habuerunt, & propterea eorum plurimi, ut Origenes, Chrysostomus, Ambrosius, Hieronymus, Augustinus, magno labore sacras litteras commentariis illustrare studuerunt; cui labori certe supersedere potuissent, si genuinum Scripturarum sensum facile omnibus pervium esse putassent, ut sola lectione opus esset. Audiat inter alios S. Hieronymus, qui postquam totum ferme vitæ suæ tempus in studio sacrarum litterarum consumpserat, earundem obscuritatem variis alatis exemplis demonstrat in Epistol. LIII. atque in eos graviter invehitur, qui sacras litteras adeo faciles esse credunt, ut possit quilibet eas per se intelligere, & explicare: *Quod medicorum est, inquit, promittunt medici; traſtiant fabrilis fabri: sola Scripturarum ars est, quam sibi omnes passim vindicant (scribimus indoliti, dogmæ poemata passim). Hanc garbula anus, hanc delirus senex, hanc sophista verbosus, hanc universi præsumunt, lacerant; docent, antequam discant, & in Epist. CXXI. ad Algasiam*

qu. 8. *omnem epistolam S. Pauli ad Romanos nimis obscuritatis involutam esse, scribit. S. autem Augustinus Epist. LV. (alias CXIX. in fine) humiliter fatebatur, se in ipsis sanctis scripturis multo nescire plura, quam scire (b).*

43. Quid? quod vel ipsi Adversarii velint non hanc Scripturæ obscuritatem agnoscere, & facili cogantur? Si enim esset per se certissima, facillima, apertissima sui interpretes, ut Lutherus vanissime loquitur (in præfat. articul. a Leone X. damnat.), ut quid ejus assecræ eam tot laboriosis commentariis illustrare conati sunt? Ut quid prioribus minime contenti, novos semper in lucem emittunt? Ulterius, quomodo in tanta Scripturæ luce, adeo ejus interpretes a se ipsis dissentiant? Unde oriri potuit inter ipsos Protestantés, qui Scripturæ perspicuitatem deprædicant, tanta opinio, errorumque diversitas? Sane, ut acute Nicollus observat (*Præjugés légitimes contre les Calvinistes cap. 16.*) videtur Deus voluisse sensibili, funestaque experientia prædicatores perspicuitatis Scripturarum confundere, permittendo, ut de omnibus fere iis Religionis dogmatibus, quæ evident in Scripturis contineri jactant, mire inter se dissentientes luctarentur, omnesque ferme jam obsoletas hæreses suscitarent. His animadversis nemo negaverit, illud sapienter olim fuisse a Nat. Alexandro dictum (Diss. XVI. in Sæc. H. §. 12.): *Obscuram esse Scripturam sacram, res est adeo evidens, ut nullum sit Hæreticorum commentum isto insanius (c).*

44. Quoniam si etiam Scriptura sacra ubique esset perspicua, tamen dirimendis omnibus quæstionibus fidei non sufficeret; quod vel ipso quotidiano rerum usu evidenter apparet. Nemo enim, qui Theologiam vel a limine salutariter,

(a) De hoc Eunuchio vid. S. Hieronymus epist. LIII. ad Paulinum num. 5. ubi inquit: Ego, ut de me interim loquar, nec sanctorum sum hoc Eunuchio, nec studiosior; qui ... tantus amator legis, divinæque scientiæ fuit, ut etiam in vehiculo sacras litteras legeret, & tamen, cum librum teneret, & verba Domini cogitatione conciperet, lingua vocaret, labiis personaret, ignorabat eum, quem in libro nesciens venerabatur. Venit Philippus, ostendit ei Jesum, qui clausus latebat in littera. O mira doctoris virtus! eadem hora credit Eunuchus, baptizatur, & sanctus est, ac de discipulo magister: plus in deserto fonte Ecclesia, quam in aratro Synagoga templo reperit. Hac a me perstricta sunt breviter ... ut intelligeres, te in scripturis sanctis, sine prævio, & monstrante semitam, non posse ingredi.

(b) Multa alia SS. PP. testimonia si quis desideret, adeat celeberrimum Jacobum Coccium in *Thesoro Catholico*, quem a Lutheri castris ad Rom. Ecclesiam reversus edidit Colonia 1599. continet autem ingentem testimoniorum ex SS. Patribus copiam: *Opus infinita lectionis*, ut eum vocat Eard. Bona in *Notitia auctorum* premissa traditæ de divina Palmodia. Idem autem, sapientissimus Cardinalis vitæ vertit Coccio, quod inter veros Auctores, & supposititios nullum statuerit discrimen.

(c) Jo. Augustus Ernesti in opus. de difficultatibus novi Testam. recte interpretandis qu. 209. edit. Lugd. Batav. 1764. Hic non dissimulabo, inquit, sed pro me feram ingenie, ex quo tempore cæperim discernere posse sonos verborum a rebus, & sensum, cogitationemque verbi a sensu, & cogitatione rei; multo magis autem ex quo cæperim aliquid in interpretando videre, in dies mihi difficultiorem viam esse legitimam, & justam interpretationem N. T. multoque difficultiorem, atque impeditiorem, quam Homeri, Thucydidis, Polybii, aliorumque græcorum scriptorum. Neque in eo meulli arbitror, &c. Ita doctissimus iste Lutheranus. Neque vero alii suum facere possunt subtili illa distinctione, quam Jo. David Michaelis affert in *Compendio Theol. dogmaticæ* Gottingæ anno 1760 in 8. concedens esse aliquam obscuritatem, sed non ambiguitatem, obscuritatem rerum, non verborum. Ex citatis enim eorum dissidiis satis evincitur, talem esse Scripturæ obscuritatem, ut ea solus non possint controversiæ fidei omnino definiri. Memorabile est, quod Lutherus in Lib. I. contra Zwinglium, & Oecolampadium olim scribebat: Si duntaxat steterit mandus, iterum fore necessarium propter diversas Scripturæ interpretationes, quæ nunc fiunt, ad conservandam fidei unitatem Conciliorum decreta recipiamus, atque ad ea confugiamus.

ignorare potest ingentem illam controversiarum se-  
grem, quæ tum inter Catholicos, & Protestantes,  
tum inter Protestantés ipsos, longo jam temporis  
intervallo viget: quolibet pars Scripturas sibi  
patrocinari glorior: quæ uni testimonia clara  
videntur, ab altero reputantur obscura: quæ ab  
istis in suæ causæ patrocinium affectuntur, ab  
aliis diverso, & sæpe contrario sensu explicantur;  
& nulla asulget spes, futuram aliquando harum,  
& similiarum controversiarum finem. Sic ex. gr.  
nihil clarius Catholicis simul, & Lutheranis vi-  
detur his verbis: *hoc est corpus meum*, pro ad-  
struenda reali Christi præsentia in Eucharistia;  
nihil tamen hæcenus præseerunt cum Calvinistis,  
quibus persuasum est, ea esse figurate accipien-  
da. Catholicis insuper, Lutheranis, & Calvinistæ  
jam a duobus sæculis cum Sociianis pro vera,  
& consubstantiali Verbi divinitate pugnant, quam  
in sacris litteris luculenter contineri merito ere-  
dunt; nec tamen controversia sublata est, quia  
nullum adversarii admittunt supremum iudicem,  
qui de vero ac legitimo Scripturarum sensu sen-  
tentiam irrevocabilem ferat.

45. Hanc rationem diserte pro more suo pro-  
ponit Vincencius Lirinensis in *Commonit.* l. cap.  
2. iniquis: *Forsitan requiret aliquis, num sit  
perfectus Scripturarum Canon, sibi que ad omnia  
satis, superque sufficiat, quid opus est, ut ei  
ecclesiasticæ intelligentiæ jungatur auctoritas?*  
Quia videlicet Scripturam sacram pro ipsa sua  
altitudine non uno, eodemque sensu universi ac-  
cipiunt, &c. Vide supra Dissert. l. n. 25.

46. Obj. 1. Deus ipse tantum esse Scriptura-  
rum perspicacitatem testatur, ut plane nullo in-  
terprete, aut iudice, ad eas intelligendas opus sit.  
Nam Deut. XXX. 11. *Mandatum hoc*, inquit,  
quod ego præcipio tibi hodie, non supra te est,  
neque procul positum. Quæ verba S. Paulus Rom.  
X. 8. Evangelio accommodat, inquit: *quid di-  
cit Scriptura? Prope est verbum in ore tuo, &  
in corde tuo: hoc est verbum fidei, quod præ-  
dicamus.* Uterius Psal. XVIII. 9. dicitur: *Præ-  
ceptum Domini luculum, illuminans oculos.* Psal.  
item CXVIII. 105. *Lucerna pedibus meis ver-  
bum tuum, & lumen semitis meis.* Ac demum  
Proverb. VI. 23. *Mandatum lucerna est, & lex  
lux.* Idem confirmat in novo Test. Apostolorum  
Principes 2. epist. l. 19. inquit: *Habemus fir-  
miorem propheticum sermonem, cui benefacitis  
attendentes, quasi lucernæ lucenti in caligino-  
so loco: ergo &c.*

47. Resp. ad primum, ibi sermonem esse de  
præceptis populo Israelitico datis, quæ dicuntur  
non esse supra vires hominum, neque admodum  
difficilia; sive ut cognoscantur, sive ut adimplean-  
tur, adjuvante nimirum gratia Dei, quæ Israelitis  
in vet. Testam. non deerat, per fidem in Chris-  
tum venturum. Quanquam etiam in huiusmodi  
præceptis intelligendis aliquam oriri posse diffi-  
cultatem, indicavit ipse Moyses Deuter. XVII. 8.

& seq., iubens, ut si aliquid difficile, & ambi-  
gnum oriretur, iudicium deferretur ad Sacerdo-  
tes. Et Christus Dominus Matth. XV. 3. & seq.  
Pharisæos reprehendit, quod quartum Decalogi  
præceptum prave intelligerent.

48. Sed quidquid sit, male ex hoc loco quis-  
piam colligeret, omnem Scripturam esse intelli-  
ctu facillimam; nam multa alia sunt obscura, &  
impervia, quibus explicandis, & intelligendis,  
& multo labore opus est, & duce aliquo, qui sine  
nullo erroris periculo nos dirigat. Certe in vet. Test.  
omnia nostræ religionis dogmata perspicue conti-  
neri, nec adversarii ipsi contendunt.

49. S. autem Paulus ibi loquitur non de omni-  
bus, & singulis Religionis nostræ dogmatibus,  
sed generatione fidei in Jesum Christum, quæ  
salutis nostræ radix est, ac fundamentum; & vult,  
hanc fidem facilem esse propter luculentissimam e-  
jusdem Servatoris nostri miracula, unde illico  
subdit: *quia si confitearis in ore tuo Dominum  
Jesum, & in corde tuo credideris, quod Deus  
illum suscitavit a mortuis, salvus eris:* creden-  
do scilicet alia etiam mysteria ab ipso revelata;  
& observando omnium ipsius mandata, in quibus  
certo determinandis multis, & magnæ oriuntur  
controversiæ, nunquam finiendæ, nisi præter Scrip-  
turas, vivi Iudicis, nempe Ecclesiæ oraculum  
audiatur.

50. Ad alia loca hæc una est responsio. Scrip-  
turæ dicuntur *luculæ*, imo *lucerna*, & *lumen*,  
non quia ipsæ ubique in se clare sint, & sine  
ullo alio adminiculo ad omnes fidei controversias  
finiendas sufficiant; sed quia adiuncta recta in-  
fallibilis Ecclesiæ interpretatione nos illuminant,  
& ad viam mandatorum inoffenso pede percurren-  
dam nos dirigunt. Hinc idem Rex Propheta, qui  
dixerat: *lucerna pedibus meis verbum tuum*, i-  
bidem lumen Dei flagitat, ut Scripturas cogno-  
scere possit: *Da mihi intellectum, & scrutabor  
legem tuam: Revela oculos meos, & conside-  
rabo mirabilia de lege tua: Faciem tuam illu-  
mina super servum tuum, & doce me justifi-  
cationes tuas:* ac tandem ita concludit: *Decla-  
ratio sermonum tuorum illuminat.*

51. S. autem Petrus in loco objecto vult, præ-  
ter argumenta a se memorata, quæ Christi divi-  
nitatem ostendebant, scilicet vocem Patris audi-  
tam in monte Thabor &c., esse alia etiam fir-  
miora, saltem respectu Judæorum, quæ ex Pro-  
phetis vet. Testamenti oraculis depromebantur.  
Ceterum comparatio lucernæ lucentis in caligino-  
so loco potius ostendit, per propheticum sermo-  
nem non omnem sublatam esse obscuritatem, quem-  
admodum per Incarnam non omnis tollitur in  
loco caliginoso obscuritas.

52. Dices. Si aliqua est in Scripturis obscuri-  
tas, nominis respectu eorum est, qui pravis cor-  
dis affectibus obsecant, ejus splendētissimam lu-  
cem videre non possunt; quod Christus iis verbis  
indicat Matth. XI. 25. *Abcondisti hæc a sapien-*

tibus, & prudentibus, & revelasti ea parvulis. Et Paulus 1. Cor. II. 14. Animalis homo non percipit ea, quæ sunt Spiritus Dei. Spiritualis autem judicat omnia; tum 2. Cor. IV. 5. Quod si etiam cæptum est Evangelium nostrum, in iis, qui pereunt, est opertum, in quibus Deus hujus sæculi cæcavit mentes infidelium, ut non fulgeat illis illuminatio Evangelii. Ac denique S. Petrus cum dixisset 2. epist. III. 16. quædam esse in epistolis S. Pauli difficilia intellectu, quo sensu id accipit velit, statim exponit, subdens: quæ indocti, & instabiles depravant. Non ergo in se, sed solum indoctorum, & instabilitium hominum respectu quædam sunt in Scriptura difficultates. Hinc Christus dicebat Joann. VII. 17. Si quis voluerit voluntatem ejus (Dei) facere, cognoscat de doctrina, utrum ex Deo sit.

53. Resp. primo. Etiam liberaliter Adversariis daremus, Scripturas nonnisi iis obscuras esse, qui pravis affectibus, aut præjudiciis in transversum agunt, hoc tamen sufficeret, ne Scripturæ solæ dici possent legitimum fidei controversiarum iudex; semper enim posset aliquis merito dubitare, an taliter comparatus sit, ut veram Scripturarum intelligentiam consequatur. Quoniam multi, inquit apposite S. Augustinus (de util. cred. cap. 15. n. 55.) sapientes videri volunt; neque utrum stulti sint, dignoscere facile est.

54. Sed ulterius a vero, & obvio objectorum verborum sensu aberrant Adversarii; neque enim iis in locis (excepto ultimo ex Epist. 2. S. Petri) de obscuritate, vel peripatetice Evangelii sermo est, sed in primo loco gratia fidei significatur, quam Deus parvulis, hoc est humilibus, concessit, denegavit vero prudentibus, & sapientibus, nempe scientia sæculari inflatis, & superbis.

55. Quos autem Apostolus 1. Cor. II. animales homines vocat, ii sunt parvuli in Christo, lacte nutriendi, ut evidentissime patet ex subsequentibus verbis cap. III. 2. lac vobis potum dedi, non escam; nondum enim poteratis, sed ne nunc quidem potestis; adhuc enim carnales estis. Spirituales vero sunt jam perfecti, quibus propterea ad Gal. VI. 1. jubet, ut alios instruant. Vos, qui spirituales estis, instruite hujusmodi &c. Non ergo, ut Adversarii volunt, homines animales sunt impii, & pravis affectibus perturbati; neque spirituales omnia omnino Scripturæ loca intelligunt, ut de bullo debeant errore tinere.

56. Alio loco 2. Cor. IV. Apostolus non agit de intelligentia Scripturarum, sed de Evangelii receptione; & significat, non omnes quidem recipere Evangelium, id autem non ex sua culpa eorum, quorum mentes ita exæscant erant, ut radiantem Evangelii lucem non viderent.

57. Postremum denique S. Petri locum præposuere omnino Adversarii explicant; duo enim dicit satis inter se distincta. Primo esse quædam in Paulinis epistolis intellectu difficilia, idque absolute, & respectu omnium. Tum hæc loca diffi-

cilia ab indoctis, instabilibusque hominibus depravari. Sane Magnus Augustinus neque indoctus erat, neque instabilis; fatetur autem de fide, & oper. cap. 15. & 16. locum illum Apostoli 1. Corinth. III. 12.: si quis superædificat super fundamentum &c. obscurissimum esse, & ex istum, quæ S. Petrus esse intellectu difficilia dixerat.

58. Ad illud, quod additum est ex cap. VII. S. Joannis, facilis est responsio: inter alia enim, quæ ad voluntatem Dei faciendam requiruntur, est debita, & perfecta obedientia Pastoribus ab ipso constitutis, ut Ecclesiam Dei regant; juxta illud Math. XVIII. 17. Si Ecclesiam non audieris, sit tibi sicut Ethnicus, & Publicanus. Et Lucæ X. 16. Qui vos audit, me audit. Ad cognoscendam igitur veram Christi doctrinam, dociles Ecclesiæ magisterio in primis necessaria est.

59. Inst. 2. Hoc interest vetus inter, & novum Test. quod illud erat liber signatus, ut dicitur 1. sam. cap. XXIX. 11. & seq. novum autem Testament. est liber apertus, ut dicitur Apoc. V. 5. ergo &c.

60. Resp. Discrimen, quod inter vetus, novumque Testamentum intercedit, in eo situm esse, quod in veteri fædere omnia in figura contingebant; & propterea liber signatus dicebatur; in novis solutis signaculis ab Agno apertus est liber, cum nempe adveniente veritate figuræ cessarent; non ita tamen liber apertus est, ut omnia possint ab unoquoque sine Ecclesiæ magisterio intelligi, & explicari.

61. Obj. 2. Sancti Patres Scripturam esse ita perspicuam dicunt, ut quilibet possit sine alterius ope omnia nostræ Religionis dogmata in ea invenire. Nam primo S. Jo. Chrysostomus Concione III. de Lazaro Tom. I. adeo manifesta, & clara esse dicit, quæ Apostoli, & Prophetæ tradiderunt, ut per se quisque discere possit ea, quæ dicuntur, ex sola lectione, & infra: qui enim non sunt, manifesta quæcumque in Evangelio scripta sunt? Item (Hom. III. in 2. Ep. ad Thessal.) Quid opus est, inquit, sermone? omnia sunt dilucida, & rella. Accedit S. Augustinus, qui in Ps. VIII. num. 8. Deum dicit, inclinasse Scripturas sacras usque ad infantium & lactentium capacitatem; & in Epist. 137. (alias 2. n. 3.) postquam dixit, magnum esse Christianarum litterarum profunditatem, illico subdit: non quod ad ea, quæ necessaria sunt saluti, tanta in eis perveniat difficultate; sed cum quisque ibi fidem tenuerit, sine qua pie, recteque non vivitur, tam multa, tamque multiplicibus mysteriorum umbraculis opacata, intelligenda proficicentibus restant, tantaque non solum in verbis, quibus ista dicta sunt, verum etiam in rebus, quæ intelligendæ sunt, latet altitudo sapientiæ, ut annosissimis, acutissimis, flagrantissimis cupiditate discendi hoc contingat, quod eadem Scriptura quodam loco habet (Ecclesiastici XVIII. 6.) Cum consummaveris homo, tunc in-



*Incipit.* Ubi distinguit Augustinus res ad salutem necessarias, easque posse a quolibet in Scripturis cognosci docet; & mysteria ad fidem non pertinentia, & hæc sola impervia esse dicit. Et in Lib. II. de *Doctrin. Christ.* cap. 6. obscura quædam in Scriptura esse concedit, vult tamen, eadem posse ex aliis locis clarioribus perspicue intelligi. *Magnifice*, inquit, & salubriter Spiritus Sanctus Scripturas sacras modificavit, ut locis apertioribus fami occurreret, obscurioribus autem fastidia detergeret. Nihil enim fere de illis obscuritatibus eruitur, quod non planissime diffusum alibi reperitur. Unde adversarii inferunt, loca Scripturæ obscura posse facile intelligi, si juxta Hermeneuticæ regulas, per alia clariora explicantur. Ac demum in fine Lib. II. de peccat. meritis, & remissione hæc habet: ubi de re obscurissima disputatur, non adjuvantibus divinarum Scripturarum certis, clarisque monumentis, cohibere se debet humana præsumptio... Illud tamen credo: quod etiam hic divinarum auctoritas esset, si homo id sine dispendio promissæ salutis ignorare non posset.

62. Resp. Ad mentem Sanctorum Patrum Scripturas esse perspicuas in historiis, moralibusque præceptis, & etiam, si placet, in præcipuis fidei dogmatibus, quæ a nemine ignorari possunt; non tamen ubique, & in omnibus, quæ Pastoribus, & Doctoribus, aliisque præcipuis Ecclesiæ membris nota esse debent, & certa. Non aliam esse S. Jo. Chrysostomi mentem, liquet ex contextu; ubi enim eorum prætextum refellens, qui a Scripturis legendis se excusabant, quod eas non intelligerent, inquit: *Quis audiens, beatos esse mites, beatos misericordes, beatos mundo corde, ceteraque hujusmodi, egebit præceptore, ut aliquid eorum discat, quæ dicuntur? Verum signa, miracula, historie non cuius nota, manifesta que sunt?* En quæ clara in Scripturis, manifesta que sunt. Sed haud ignorans S. Pater, alia esse obscuriora, pro iis intelligendis aliam regulam deinde tradit, subdens: *Quod si non poteris assiduitate lectionis invenire, quod dicitur, accede ad sapienterem, vade ad Doctorem &c.* Quod si Doctores, & interpretes inter se non consentiant, quid aliud restat, nisi Ecclesiam omnium Doctorum magistrati audire? Idem est etiam sensus aliorum verborum (ex Hom. III. in epist. 2. ad Thessal.) ; ita enim pergit: *Quenam ea obscuritas, dic quæso? Annon sunt historie? Non est, quæ sunt clara, & dilucida, ut de iis, quæ sunt obscura, percontaris.*

63. Ad 2. Dico, mentem S. Augustini esse, ea, quæ ad salutem pertinent, posse sine tanta difficultate in sacris literis intelligi, si tamen Ecclesiæ magisterium audiamus, non autem si eo re-

jecto nostræ rationis lumen duntaxat sequamur. Id enim sexcentis in locis S. Pater insinuat; ex quibus pauca pro temporis angustia seligam. Libro III. de *doctr. Christ.* c. 2. *Cum verba propria, inquit, faciunt ambiguum Scripturam... consulat regulam fidel, quam de Scripturarum planioribus locis, & Ecclesiæ auctoritate percipit.* Lib. I. cont. Cresconium cap. 33. *Quisquis, ait, fulti metuit obscuritate questionis, Ecclesiam de illo consulat, quam sine ulla ambiguitate Scriptura sacra demonstrat: ac demum celebratissimum est illud S. Patris dictum contra Epist. Fundamenti cap. 5. Evangelio non crederem, nisi me catholice Ecclesiæ commoveret auctoritas.*

64. Cohærenter ad firmissima hæc S. Doctoris principia explicari debent ejus testimonia objecta. Nempe primo dicit ad ea, quæ sunt saluti necessaria, sine tanta difficultate perveniri posse, quia si quæ est in istis obscuritas, ex doctrina Ecclesiæ tollitur: contra autem in aliis, quorum cognitio ad salutem necessaria non est, Ecclesia tacente, inulta, & insuperabiles occurrunt difficultates. Secundo verissimum est, locis obscurioribus licet ab aliis clarioribus affundi. Sed nisi Ecclesiam ducem habeamus tantum, & infallibilem, facile continget, ut erremus, maxime cum utraque litigantium pars loca sibi propitia clariora vocare soleat, infesta vero obscuriora. Quanquam S. Pater ibi non agit de articulis fidei, sed potius de illis questionibus, in quibus nulla est Ecclesiæ definitio. Postrema verba S. Patris spectant ad illam questionem tunc maxime agitam de origine animæ, in qua recte monebat, cohibendam esse humanam præsumptionem, cum nihil expresse revelatum, vel ab Ecclesia definitum esset (a).

65. Ceterum Scripturarum obscuritatem sæpius agnoscit, & fateatur S. Augustinus. Ea satis sunt, quæ in Lib. XII. *Confess.* cap. 14. habet: *Mira profunditas eloquiorum tuorum, quorum ecce ante nos superficies blandiens parvulis; sed mira profunditas, Deus meus, mira profunditas! Horror est intendere in eam, horror honoris, & tremor amoris.*

66. Cum autem postremo Adversarii ad tollendam quæcumque ex sacris literis obscuritatem ad Hermeneuticæ regulas confugiant, eas quidem ad sacram Scripturarum intelligentiam plurimum valere concedimus, sed omnino ad fidei certitudinem sufficere inficelamur, nisi aliqnod lumen præsto sit, cum traditiones, tum maxime ecclesiasticarum definitioem, ut de vero, genuinoque Scripturarum sensu certi esse omnino possumus (b).

67. Dices (c) cum Lutheo in assert. articuli. a Leo-

corum sufficere negabat, & ulterius requiri dicebat linguarum usum, quem optimam esse Scripturæ interpretationem putabat. Gravem quidem contra ipsam censur-

(a) Vid. Card. Norisius in *Vindictis August.* cap. 4. §. 3.

(b) Etiam Lud. Wotzenius collationem plurimum lo-  
Gazzaniga Theol. Tom. I.

*Leone X. damnatorum*). Sancti Patres quidquid, vel contra hæreticos disputando, vel Orthodoxos in concionibus admonendo proferebant, semper Scripturarum testimoniis communiare satagebant: quod frustra ab iis factum fuisset, nisi Scripturæ per se perspicuæ forent, vel saltem clariores iis dogmatibus, quæ probare conabantur, alias magis notum ex minus noto probassent.

68. Resp. Primo multa esse in Scripturis satis clara, & manifesta, quamvis non omnia sint huiusmodi; in aliis vero obscurioribus Sancti Patres Scripturam perpetuo allegabant, ut ostenderent, doctrinam Ecclesiæ, quam explicabant, a sacris litteris non esse alienam. Ceterum ubicunque dubium de sacrarum litterarum sensu oriebatur, non ad alium iudicem confugebant, quam ad Ecclesiam. Unus sufficiat Origenes, quo nemo diutius, aut laboriosius Scripturis illustrandis iusdavit; at vero Tract. XXIX. in Mathæum quotiescumque de aliquo loci Scripturarum sensu ambigitur, non aliter credendum esse statuit, nisi quemadmodum per successionem Ecclesiæ Dei tradiderunt nobis. Addere possemus etiam testimonium Rufini, qui in *Hist. Eccl. Lib. II. cap. 9.* loquens de S. Patribus Basilio, & Gregorio Nazianzeno, *Soli, inquit, divinæ scripturæ voluminibus operam dabant, eorumque intelligentiam non ex propria presumptione, sed ex majorum scriptis, & auctoritate sequebantur; quos & ipsos ex apostolica successione intelligendi regulam suscepisse constabat.*

69. Obj. 3. Scriptura sacra, cum sit verbum Dei, debet esse omnibus suis numeris absoluta; atqui talis non esset, imo imperfectissima foret, si aliqua laboraret obscuritate; hoc enim reputari solet vitium in quolibet scriptore non leve: ergo &c. Ulterius Deus in sacra Scriptura suam nobis revelare voluntatem dignatus est, quo saltem consequi possumus (2. Tim. III. 15. & Joan. XX. 31.): quamobrem non incongrue appellatur epistola Dei ad homines; ab aliis vero comparatur tabulæ topographicæ, quæ viator ad iter secure peragendum dirigitur; atqui absurdum est volumine Deum nobis suam voluntatem ita revelare, ut nihil intelligamus: ergo &c.

70. Resp. Ad primum, hac difficultate premittam Adversarios, qui nimia evidentia coacti factentur, sacras litteras saltem in articulis non necessariis esse aliquando obscuras (a). Certe ipsi nobiscum dicent, non sacra Scripturæ vitio, sed aliis, & quidem multis ex causis ejusdem obscuritatem oriri. Oritur primo ex rerum, quas con-

tinet, profunditate; cum enim mysteria Trinitatis, peccati originalis, Incarnationis, prædestinationis, reprobationis, & similia humanæ mentis aciem superent, necesse est, ea loca obscura esse, in quibus de iis agitur. Secunda, & quidem non exigua obscuritatis Scripturarum causa est imperfecta, quæ modo superest, earum linguarum peritia, in quibus primo sacri libri exarati sunt; phrasium item, & idiomorum, quorum usus jam a longo tempore obsolevit. Tertia causa est metaphorarum, ac troporum frequentia. Quartam constituent nonnullæ apparentes antilogiæ. Additur denique hominum perversitas, qui vel ipsis, quæ sunt omnino perspicuæ, variis, & distortis interpretationibus tenebras offundere nituntur; adeo ut nisi vivus aliquis iudex existat, nullus unquam futurus sit controversiarum finis. Quid clarius, amabo, his paucis verbis: *Hoc est corpus meum?* Et tamen diverso prorsus, & contrario sensu a Catholicis, ab Evangelicis, a Pseudo-reformatis, a Socinianis intelliguntur; & licet ubique non pauci homines hactenus floruerint omni sacrarum scientiarum genere peritissimi, nondum tamen consentire inter se potuerunt. Quod si in loco, qui adeo clatus videtur, tanta est doctissimorum hominum dissensio, quid erit postea de aliis, certe multo obscurioribus, dicendum?

71. Ad 2. Deus sufficienter, imo luculentissime suam nobis voluntatem, & omnia Religionis mysteria revelasse censendus est, ex quo nobis dederit Ecclesiam sui verbi interpretem, nostramque magistratam; nihil quippe fieri poterat melius ad omnes in fide controversias tollendas. Quatacumque enim claritate libri sacri pollerent, nunquam defuissent homines indociles, qui pravis interpretationibus controversias ascitarent. Hinc sapienter Synodus Tridentina Sessione IV., ad coercenda petulantia ingenia decrevit, ut nemo suo prudentius innixus, in rebus fidei, & morum, ad edificationem doctriinæ Christianæ pertinens, sacram Scripturam ad suos sensus contorquens, contra eum sensum, quem tenuit, & tenet sancta Mater Ecclesia, cujus est iudicare de vero sensu, & interpretatione Scripturarum sanctarum, aut etiam contra unanimem consensum Patrum, ipsam Scripturam sacram interpretari audeat. Hinc patet, quo sensu sacra Scriptura appellari possit epistola Dei ad homines, vel tabula nos in nostræ salutis itinere dirigens, scilicet adjuncto Ecclesiæ magisterio, non autem seposito.

CA-

ram trahit Labadias, sed sibi non deficit Wotzenius edita *Censura Censuræ*; pluresque invenit tunc sententias adimplatores. Nec ipsi ergo Adversarii inter se satis conveniunt, quid ad rectam Scripturæ intelligentiam opus sit.

(a) Joan. Gerardus in cap. 6. Loc. I. Theologici confitetur, quædam in Scripturis obscuris dista, & intel-

lectu esse difficiliora. Ita quoque Franc. Terretinus in *Instit. Theolog. elenchica* Tom. I. quæst. 17. addens, etiam res ad saltem necessarias non ubique perspicue tradi, sed aliqua esse *diversa* difficulta intelligi, quæ tamen alibi planissime dicta inveniri ex suis præjudiciis contendit. Ita demum omnes fere Aetholici.

## CAPUT III.

*Solvuntur quædam objectiones, quibus Heterodoxi probare nituntur, solam sacram Scripturam esse omnium controversiarum fidei, morumque judicem.*

72. Obj. I. Ad solam Scripturam in fidei questionibus definiendis confugiendum esse ipsæ sacra litteræ aperte testantur. Nam Joan. V. 39. Christus ad finiendam controversiam de se ipso cum Judæis exortam, illos ad Scripturam remittit. *Scrutamini Scripturas...* & illæ sunt, quæ testimonium perhibent de me. Eo plane modo, quo Judæi ipsi olim dixerant Nicodemæ Joan. VII. 52. *scrutare Scripturas*, & vide quia a Galilæa Propheta non surgit (a). Præterea idem Christus non aliam proponit judicem, quam verbum suum. Sermo, inquit Joan. XII. 48. *quem locutus sum, ille judicabit eum in novissimo die.*

75. Resp. Ad primum, dubium esse, an verbum illud scrutamini debeat modo imperativo intelligi, ut sibi Adversarii pro certo sumunt, an vero in præsentii indicativo, quasi dicat Christus: *Consulatis scripturas, quia vos putatis in ipsis vitam æternam habere*; obsecrati non videtis, quia illæ sunt, quæ testimonium perhibent de me. Nec difficultas tollitur ex fonte græco, ubi habetur *ἰσχυρὰ*, quæ pariter vox sive imperativo, sive indicativo temporis respondet (b).

74. Sed etiamsi concedatur, id dictum esse imperativo modo, non sequitur, Scripturam esse a Christo propositam, tanquam controversiarum judicem absolute, sed solum hypothetice, quando scilicet cum iis Adversariis res agitur, qui nihil aliud audire se præstiterunt, quam Scripturam. Christus enim & doctrina, & miraculis, & testimonio Joannis divinam suam missionem comprobaverat, sed frustra, quapropter Judæos incredulos provocat ad Scripturas, quibus solis inhærere se profitebantur, ut ex prophetiis in ea contentis tandem convincerentur. Eodem plane modo Ecclesia cum hæreticis agit; auctoritate, qua pollet, controversias cum ipsis exortas verbo Dei tam scripto, quam tradito inhærere definit: sed quia indoctiles inveniuntur, qui aures ei præbere noluunt, non dignatur per suos Doctores etiam ex Scripturis cum iis contendere, ostendens, se a divina revelatione ne latum quidem unguem in suis definitionibus aberrasse, Apostolum imitatus dicentem 1. Cor. IX. 22. *Factus sum infirmis infirmus, ut infirmos lucrificarem*, Sed quando cum suis filiis obediuntibus agit, Apostolorum pariter exemplum sequitur, qui exorta controversia lega-

lium, primo magnam fieri conquisitionem permiserunt Act. cap. XV. 2. & seq. post autem re defuita ad omnes fideles decretum transmiserunt, quo nullus amplius relinquebatur disceptandi locus, sed cæca ab omnibus obedientia exigebatur.

75. Verba autem Christi Domini Joan. XII. solum significant, omnium nostrorum dogmatum, morumque regulam esse divinum verbum, sive litteris scriptum, sive ore traditum, ad cujus normam in novissimo die omnes judicandi sumus. Hoc tamen non excludit vivum, ac infallibilem controversiarum judicem, quodmo-  
do sicut Christus in novissimo die erit nostrarum actionum iudex, utram scilicet cum verbi sui norma concordet; ita oportebat etiam in terris esse aliquem judicem; qui ejus vice fungens de fide nostra, & moribus sententiam ferret, an scilicet verbo Dei concordent. 130

76. Obj. Sancti Patres exortis controversiis non ad aliam judicem provocabant, quam ad Scripturas. Celebre inter alia est illud S. Augustini Maximino dictum Lib. III. contra ipsum c. 14. Tom. VIII. *Nec ego Nicænum, nec tu debes Ariminense, tamquam præjudicatoris, proferre Concilium. Nec ego hujus auctoritate, nec tu illius detineris. Scripturarum auctoritatibus, non quorumcumque propriis, sed utriusque communibus testibus res cum re, causa cum causa, ratio cum ratione concertet.* Similia habet de unic. Eccl. c. 5. Consentiunt vero S. Basilii epist. 80. Optatus Milevitanus Lib. V. adv. Parmenianum c. 5. S. Athanasius epist. de Synodo Arimini. S. Ambrosius Lib. I. de fide cap. 4. alique.

77. Resp. Id merito factum a S. Patribus, & etiam a nobis fieri, quotiescumque controversia cum iis est; qui Ecclesiæ definitionibus acquiescere renunt, & solas Scripturas audire volunt; oportet enim cum eis de aliquo principio convenire, ex quo argumenta desumantur. Id tamen non probat, S. Aug. aliisque Patribus non fuisse de infallibili Ecclesiæ auctoritate questionibus definiendis persuasum. Sic Protestantes, quando ipsis disputandum est cum Judæis, ad solas Scripturas Vet. Test. se conferunt; quia eas solas Judæi admittunt: anne propterea quis infert eos novi Test. Canonicos Libros respicere? Ceterum quando S. Aug. contra Pelagianos disputabat, atque tam facto schismate ab Ecclesia se separasset, Ecclesiæ definitione controversiam finitam esse dicebat (Serm. 152. de Verbis Dom. al. 2. in fine): *Jam de hac causa* (contra Pelagianos) *duo concilia missa sunt ad Sedem apostolicam: inde etiam rescripta venerunt. Causa finita est: utinam aliquandiu finiatur error.* Et incipiendo ab Apostolorum ævo perpetuus inter fideles usus ob-

(a) Id est magnus ille Propheta in lege promissus: ex Galilæa enim etiam illi Propheta fuerunt, ut Jonas.

(b) Erasmus in Comment. Non minus Græcis, inquit, quam nobis incertum est, utrum scrutamini im-

perandi modo dictum sit, an indicandi. Beza autem, Cameracensis, alique Heterodoxi in tempore indicativo hanc vocem accipiunt. Vid. Synopsis Critic. ad hanc locum.

tinuit, ut exortis majoris momenti controversiis, Ecclesiae oraculum coactis Synodis audiretur.

## CAPUT IV.

*Ostenditur, spiritum privatum non esse tutum sacrae Scripturae interpretem.*

78. Inter varias hominum sectas, quae excusant seinel catholicae Ecclesiae iugo, una post aliam continua successione prodire, non omnino incelebris est illa, quae medio circiter superiore saeculo in Anglia; Gregorio Foxio obstericantē erupit, & Quakerorum, seu Tremulorum dicta est, quod, cum se Spiritu divino afflatus putabant, toto corpore contremiscebant. Haec secta, Magistratibus frustra invitis, non paucos nactus est proselytes, praecipue ex quo a celebri inter eos Rob. Barclayo meliorem in formam redacta fuit (a). Major eorum pars in Pensilvaniam migravit, quam provinciam in America Carolus II. Angliae Rex Penno donaverat magno Quakerorum patrono. Eorum capitale dogma erat, Spiritum S. unicuique verum, germanumque Scripturae sensum intime manifestare, eo fere modo, quo scriptoribus sacris primitus revelando dictavit.

79. A Quakeris in hac parte non differunt novi illi *Inspirati*, sive Neoprophetae Cebeunenses, quorum historiam una cum scriptis amebis in eorum causa editis Jo. Georgius Walehins refert (c).

80. Sed, quod ad nos magis pertinet, Protestantium plerique, dum nullum alium controversiarum fidei iudicem praeter Scripturam sacram agnoscunt, in Quakerorum deliramenta incaute delapsi sunt, non aliam al discernendos libros sacros, ac canonicos a spuris, tum etiam verum, ac legitimum eorum sensum a falso regulam sequentes, quam privatum spiritum, seu internam

Spiritum S. motionem, vel, ut Leibnitius aiebat (d), per rationes inexplicabiles, quibus divini luminis ratio aliqui se veritatem agnoscere affirmant, licet ejusdem veritatis rationes explicare non possint (e).

81. Quantum autem a veritate aberrant, ostenditur primo ex epist. 2. S. Petri c. 1. 20. ubi inquit: *Hoc primum intelligentes, quod omnis prophetia Scripturae propria interpretatione non fit; non enim voluntate humana allata est aliquando prophetia, sed Spiritu S. inspirati locuti sunt sancti Dei homines.* Porro, ut viri docti observant (Estius in Comment. & Baechius in Lett. polem. Lett. 2. §. 4.), nomine prophetiae hic non intelligitur, nisi expositio Scripturae, quod aliis parallelis Sacrae Litterarum textibus confirmari potest, in quibus prophetia pariter sumitur pro expositione sacrae Scripturae; unde laudati testimonii sensus hic est: *Cum non voluntate humana, sed Spiritu S. inspirati locuti sunt sancti Dei homines, neque voluntate humana, seu interpretatione propria Scripturae explicatio fieri debet: ex quo colligitur, non privatum nostrum sensum, & arbitrium, sed Spiritum Sanctum (cujus vox per unanimum Sanctorum Patrum consensum, & supremam Ecclesiae auctoritatem personat) firmam esse Scripturae explicandae regulam.*

82. Deinde legitimum, ac totus verbi Dei interpretes debet esse infallibilis, ut nempe nos de rei veritate certos, pascatos reddat: atqui hujusmodi non est spiritus privatus; nemo enim ignorat, fuisse saepius hujusmodi privatos interpretes spiritui mendacii deceptos, dicente Ezechiele XII. 5. *Vae prophetis insipientibus, qui sequuntur spiritum suum, & nihil vident: & nulla certa, clara, & aperta inter spiritum veritatis, & mendacii disjunctio nota ab Adversariis hactenus allata est, aut afferri potest: ergo &c.*

85.

(a) *Theologia vero Christ. Apologia*: Amstel. 1676. & in *Catechesi* ibid. 1679.

(b) Si quis hujus sectae historiam nosse desiderat, adeat Gerhardtum Croesum in *Historia Quakeriana* Amstel. 1696. recusa anno 1704. P. Catrovium *Hist. der Anabaptisten, du-Davidisme, & der Quakers*. Paris 1733. Vol. 3. Extat etiam lepida ejusdem Quakeri epistola ad Voltairem, in qua plures circa Quakerorum historiam, & doctrinam errores huic scriptori convelluntur. Qui vero Quakerorum dogmata data opera impugnavant, sunt Jo. Brown ex Presbyteriano aetate in opere inscripto: *Quakerismus via ad Paganismum*, Jo. Reivers in *Anti-Barclajo* Hainburgi 1683. Jo. Guillelmus Bajerus in *Collatione doctrinae Quakerorum, & Protestantium* Francofurti 1691. in 8. cum in *Synopsi*. & *examine Theologiae Enthusiastarum recentiorum* Jenae 1701. in 4. Jo. Georgius Neumannus in *Synopsi errorum Fanaticorum &c.* Wittenbergae 1695. in 8. Samuel Schlegelnig in *Quakerismo confutato*, elique quorundam catalogum exhibet Christ. Matth. Passius in *Introduci. in Hist. Lettere P. II. L. 3. ad §. 11.*

(c) In der Historischen und Theologischen Einleitung, &c. c. 6. §. 16. Vid. etiam M. de Bruys *Hist.*

*du fanatisme de notre tems*. II. T. in 12. Utrecht 1732. & Samuel Turretinus *Præservativ. contre le Fanatisme*, ou *refut. des prét. inspirés &c.* à Geneve 1723. in 8.

(d) In epist. quae est in opus. citatiss. de la *tolérance des religions*, *Lettre de M. Leibnitz*, & *réponse de M. Pelizon* à Paris 1692. in 12.

(e) Id. de Claudio, & Jorio Bossuetus ostendit in *III. Avertisse. aux Protestans* num. 15. & seq. Vid. etiam Maritorius de *Ingen. Modest.* L. 1. c. 9. Lutherus sane in *Affertione omnium Articul. per bullam Leonis X. damnatorum* totus est, ut ostendat, S. Scripturas proprio spiritui esse intelligendas. Imo postquam laudasset Patrum studium, & diligentiam in Scripturis exponendis, subdit: *diligentiam pluribus quandoque non dare, quod dat vel uni sola occasio, & nesio quae Spiritus impulsio.* Nonniquam tamen & Lutherus, & ejus aesse videantur excludere spiritum privatum, & dicunt interpretationem Scripturae non aliunde, quam ex ipsa Scriptura esse desumendam. Sed est lusus in verbis: recte enim supra auctoritate Ecclesiae, & via examinis inveni, semper verum est interpretationem fieri a quolibet privato, seu spiritu privato.



83. Id magis declaratur. Lutherus enim, Calvinus, alique, quos ultima ætas tulit, Ecclesiæ pseudo-Reformatores, non solum cum Catholicis, sed etiam secum ipsis in Scripturæ interpretatione acerrime digladiantur, & quidem in rebus gravissimis, & capitalibus: ut ex. gr. de sensu verborum istorum: *Hoc est corpus meum*. Etiam insigne illud testimonium Jesu Christi apud Sanctum Joannem X. 30. *Ego, & Pater unum sumus*, tum illud 1. Epist. S. Joann. V. 7.; *Tres sunt, qui testimonium dant in cælo, Pater, Verbum, & Spiritus Sanctus, & hi tres unum sunt*. Lutherus de unitate essentie in divinis personis nobiscum interpretatur; contra alii privatum suum spiritum secuti de unione solum inoralis. Longum esset dicere de paradoxo, & absurdis opinionibus, quæ ferme quotidie apud Heterodoxos nascuntur, quasque eorum parentes, vel patruus ex Scripturis spiritui privato intellectis probare nituntur (a). Porro, cum veritas una sit, fieri certe non potest, ut omnes illæ sibi repugnantes sententia sint veræ: consequenter necesse est, spiritum privatum saltem aliquando falli. Quis autem litem dijudicabit? Spiritui privato unus alter spiritum suum privatum opponet, & unusquisque ab altero sciscitabitur, quemadmodum a Michæa sciscitabatur Pseudo-propheta Sedecias 2. Paralip. XIII. 23. *per quam viam transiit Spiritus Domini a me, ut loqueretur tibi?*

84. Ad hæc. Vel spiritus privatus est iudex tantum discretivus, & fallibilis, vel decisivus, & infallibilis. Si primum, cum nemo teneatur alterius spiritui fallibili fasces submittere, tot emerent sententia, & sectæ, quot capita; illudque repeti poterit, quod olim Tertullianus agebat (*De præscript. hæret.*). Item sicuti Valentinianis, quod Valentino, idem Marcionitis, quod Marcioni, de arbitrio suo sibi innovare. Id quod reipsa contigit; nam de Protestantium inconstantia luculentissimum argumentum præbent tot illæ sectæ, quæ ex sacris litteris secundum privatum uniuscujusque spiritum intellectus natæ sunt, & novæ in dies nascuntur. Neque id solum, sed

unaquæque etiam secta non semel in suis dogmatibus vehementer variavit, qua de re satis est videre aureum Bossueti librum de variationibus Ecclesiarum Protestantium. Si vero Adversarii spiritui privato infallibilem iudicii decisivi auctoritatem conciliare audeant, id unienique mulieri tribuunt, quod universis Ecclesiæ præsulibus denegant, & vel omnem prorsus auctoritatem tollent anarehia invectione, vel tyrannidem multo majorem ea inducent, quam se ( ut loquuntur ) detestari in Papismo profuturum (b).

85. Obj. tamen Adversarii aliqua ex sacris litteris ad confirmandum spiritum privatum. Primo Deus ore Isaie promittit, fore tempus, in quo omnes ab ipso immediate interna illustratione doceantur. Cap. LIV. 12. & 13. *Ponam... universos filios tuos doctos a Domino, & Jeremiam XXXI. 33. & 34. Dabo legem meam in visceribus eorum, & in corde eorum scribam eam... Et non docebit ultra vir proximum suum*. Jam vero hujusmodi promissionem in novo Testamento adimpletam esse Christus testatur Joan. VI. 45. *Scriptum est in Prophetis. Et erunt omnes discipuli Dei. Omnis, qui audit a Patre, & didicit, venit ad me*. Ulterius S. Joannes ep. 1. cap. 2. 20. & 27. *Sed vos, inquit, unitionem habetis a Sancto, & nostis omnia... Et non necesse habetis, ut aliquis doceat vos de omnibus, & verum est, & non est mendacium*. In eadem epist. cap. IV. 1. dilectus Apostolus nos monet, ut spiritum nostrum diligenter examinemus: *Charissimi, nolite omni spiritui credere, sed probate spiritus, si ex Deo sint*: pro certo itaque habet, spiritui privato oredeudum esse, semel ac constitit, ipsum ex Deo esse. His verbis consonat etiam Apostolus Paulus 1. ad Thessal. V. 19. *dicens: Spiritum nolite extinguere; prophetas nolite spernere; omnia autem probate, & quod bonum est, tenete; ac deinceps 1. Corinth. II. 14. & 15. Animalis homo non percipit ea, quæ sunt spiritus Dei... spiritualis autem judicat omnia, & ipse a nemine judicatur*.

86. Resp. ad 1. Hanc esse sensum promissionis

(a) De iis vult Bossuet *Dernier avertissement aux Protestans*; & Baechinus *Lettre Palamische* let. 1. §. 20.

(b) Protestantes, ut fucum impensis faciant, magnificis verbis prædicare solent, se tantummodo fidere Scripturis sacris, easque solas Ecclesiæ antepone. Reipsa tamen non Scripturas, sed privatum suum iudicium toti Ecclesiæ præponunt. Controversia enim inter nos, & illos in eo præmissa sita est, an in Scripturarum intelligentia debeat quilibet fidelis via auctoritatis procedere, credendo definitionibus Ecclesiæ; an via examinis, quæ scilicet, seposita quacunque auctoritate, etiam omnium Ecclesiæ pastorum, debeat quilibet rem proprio iudicio examinare, & illam Scripturæ sensum amplecti, qui legitimus & verus privatus spiritui visus fuerit. Non itaque disputatur, an Ecclesiæ sit Scripturis præponenda; sed an privatum cujuslibet iudicium sit præponendum iudicio Ecclesiæ totius. Hoc

illi affirmant, & hoc affirmantes, privato cujuslibet iudicio eam infallibilem tribuunt iudicandi potestatem, quam Ecclesiæ auferunt. Hoc autem quam absurdum sit, facile quisque videt; debet enim quilibet etiam rudis, & insula prorsus continere omnes, quotquot hædumus fidei, Sanctos, Doctores, & Martyres Ecclesiæ, imo vel ipsi primi Concilia œcumenica, quæ instat quatuor Evangeliorum veteres Christiani venerantur; acque apud se constitere, potuisse hos omnes esse hypocritas, quibus Deus veritatis spiritum concessere noluit; neque antea. posset eos tanquam veræ Ecclesiæ membra agnoscere, quam illos sibi consentientes in Scripturarum intelligentia invenissent. Hoc horribile paradoxum Jo. Claudius admittit non est veritatis, quamquam illud variis argutiis, & equivocationibus emollire conatus fuit, ut videtur apud Petrum Nicolium *Oeuvres de controverse* Tom. III. P. II. cap. 6.

facti a Deo per Isaiam, & Jeremiam, venturum esse tempus, in quo non amplius Prophetarum ore Deus populum suum docebat, sed ore Filii sui, quando nempe illum mittit in mundum; quod Christus adimpletum esse iis verbis inquit: *Scriptum est in Prophetis &c.*, clarius autem Apostolus Paulus initio epistolae ad Hebr. dicens: *Multifariam, multisque modis olim Deus loquens Patribus in Prophetis, novissime diebus istis locutus est nobis in Filio.* Latere porro lavare videntur, qui aliquid pro spiritu privato hinc conatur erueret.

87. Ad 2. ex epistol. 1. S. Joannis. cap. II. resp., nomine *unctionis* intelligi propriam gratiam Dei interioriorem, qua, ut inquit S. Thomas explicans hunc locum ( 2. 2. qu. 8. art. 4. ad 1. ) *justi circa, quae sunt de necessitate salutis, sufficienter instruantur a Spiritu Sancto.* Inde tamen non excluditur magisterium Ecclesiae, quod de dogmatibus Religionis certissime, & sine ullo erroris periculo instruat. Alioquin, ut bene S. Augustinus observat ( Tract. III. in hoc cap. II. ep. 1. S. Joannis ), supervacanea fuisset haec ipsa epistola S. Joannis. *Tu dixisti, quia nactus ipsius docet vos de omnibus; ut quid talem epistolam fecisti? quid illos tu docebas? quid instruebas? quid aedificabas?*

88. Aliud S. Joannis monitum ex cap. IV. probate spiritus, si ex Deo sint, referendum est ad Pseudo-prophetas, quos ibidem vitandos esse, Apostolus monet, subdens: *Quoniam multi Pseudo-prophetæ ezierunt in mundum.* Hos autem facile cognoscere posse dicit, si doctrinam spargant veræ Christi divinitati, atque humanitati contrariam, unde statim addit: *In hoc cognoscitur spiritus Dei; omnis spiritus, qui confitetur Jesum Christum in carne venisse, ex Deo est; & omnis spiritus, qui solvit Jesum ( hoc est alterutrum negat, sive ejus divinitatem, sive humanitatem ) ex Deo non est; & hic est Anti-Christus.* Quod perinde est, ac si nos diceremus: omnis, qui aliam doctrinam prædicat a doctrina Ecclesiae, est hæreticus, & non audiendus. Nullatenus autem hinc voluit S. Joannes innere, posse nos spiritum privato in sacris Litteris interpretandis credere.

89. Quod autem Apostolus Paulus Thessalonicensibus præcipit: *spiritum nolite extinguere &c.* hinc habet sensum: nolite Spiritus S. dona, quæ dantur ad aliorum utilitatem, prohibere, neque prophetas speruere, seu interpretationes Scripturarum, quæ ab aliis proferuntur. Sed tamen monet, ne omnia sine debito examine recipiant, subdens: *Omnia probate &c.* quæ verba non ita intelligenda sunt, ut quilibet juxta privatam suam spiritum debeat examinare, judicare, & eligere, quasi non liceat, ut inquit apposite Tertullianus de Præscript. Hæret. c. 5. *omnibus male examinatis in electionem alicujus mali impingere per errorem, sed omnia probanda sunt juxta ma-*

gisterium Ecclesiae, quæ est columna, & firmamentum veritatis.

90. Postremum ex epistol. 1. Cor. capit. II. non ita intelligendum est, quasi homo spiritualis, id est in lege Dei perfecte instructus, possit omnia judicare secundum suum privatum spiritum judicio potestatis, sed judicio discretionis, prout Ecclesiae magisterio edoctus est. Sicuti legisperitus potest de multis judicare, quæ alii minime intelligunt, judicio tamen discretionis tantummodo; judicare enim judicio decisivo, & potestatis pertinet ad iudicem. Et quod additur, *ipse autem a nemine judicatur*, cum restrictione sumendum est; scilicet a nemine, qui non sit æque, aut magis spiritualis, & perfectus; nam Sanctum Petrum, qui utique spiritualis erat, fuisse a S. Paulo aliquando judicatum, & reprehensum legimus.

91. Dices. Christus Dominus Luc. XI. 13. sine dubio promittit, quod *Pater noster de caelo dabit spiritum bonum petentibus se*: unde etiam S. Hieronymus epistol. 53. ad Paulinum n. 2. de Scripturarum intelligentia sequens, inquit: *petenti datur, pulsanti aperitur, quaerens invenit &c.*

92. Resp. Nominis spiritus boni hic non intelligi spiritum privatum interpretandi Scripturas, sed bona gratiæ, quæ Deus iis non denegat, qui orant sicut oportet; unde S. Matthæus eadem Christi verba referens cap. VII. 11. bona in genere commemorat, dicens: *Quanto magis Pater vester, qui in caelis est, dabit bona petentibus se?* Spiritum ergo intelligendi sacras litteras a Deo obtinemus, sicut & alia bona, si oraverimus, prout oportet. Sed quisnam certus omnino sit, se orare, sicut oportet, dicente Apostolo Rom. VIII. 26.: *quid oremus, sicut oportet, nescimus?* Adde, intolerabilem esse eorum præsumptionem, qui sibi persuadent, posse se veram Scripturarum intelligentiam assequi sine magisterio Pastorum, & Doctorum, quos teste Sancto Paulo Ephes. IV. 11. *Deus nobis dedit, ne simus parvuli fluctantes, & circumferamur omni vento doctrinæ.*

## CAPUT V.

*Demonstratur, humanam rationem esse non posse sacrarum Scripturarum interpretem.*

93. In religionis negotio sensus esse debet rationi locus: danda tamen est opera, ne hæc debitos sibi fines audacius prætergrediatur, & suprema divinæ revelationis jura lædat. Videlicet, ne dum licitum, sed plane utilissimum cuique est motiva nostræ credibilitatis expendere; at postquam evidentibus argumentis convicti fuerimus, divinam in sacris litteris contineri revelationem, nullus amplius rationi ad dogmatum naturæ, causasque investigandas, discutiendasque locus est, sed cæca fide illud omne credere oportet, quod constit-

rit a Deo fallere, & falli nescio fuisse revelatum. Sed quidam id minime attendentes, nonnisi illud credendum esse statuerunt, quod infirmis, & caligantibus rationis nostræ oculis veram perspicue visum fuerit. Hinc rationem unicam esse volunt Sacræ Scripturæ interpretanda regulam.

94. Vetus hic error Manichæorum fuit, quem S. Augustinus in Lib. de utilitate credendi, Tomo VIII. multis argumentis confutavit (a). Iterum tamen suscitatum novissimis a quibusdam Scholasticis, qui neglectis purioribus Theologiæ fontibus, scilicet Scripturæ Sacræ, & traditionis oraculis, potissimas partes in stabilendis Fidei dogmatibus rationi delerebant; de quibus proinde Gregorius IX. aiebat ( apud Nat. Alexand. Hist. Eccl. Sæc. XIII. cap. 1. art. 3. ); *Dum fidem conatur plus debito ratione adstruere naturali, nonne illam reddunt quodummodo inutilem?* Inter alios huc scopulo magis alissit Petrus Abailardus, docens: *nihil fide esse credendum, quod virtutem intellectus excedat.* Quamquam Scholastici mysteria jam revelata non de medio tollere, sed tantummodo naturali ratione probare nitentur.

95. At vero majori licentia, nostra, Patrumque nostrorum memoria a Socinianis, aliisque, qui omnia a Religione mysteria eliminare conabantur, Scriptura rationi subiecta fuit. Celebres sunt turbæ superiore sæculo hac de causa in Hollandia excitatæ, Dukerio, Roellio, auctore Diss. *Paradoxa*, aliisque primas rationi, & Philosophiæ in sacramentis Scripturarum interpretatione dandas esse contentibundis (b).

96. Quam sit hæc opinio absurda, prob. 1. ex sacris literis. Apostolus Paulus ad Heb. XI. 1. *Est autem fides, inquit, sperandarum substantiarum rerum, argumentum non apparentium: rerum nempe, quæ nullo rationis argumento probari possunt; quæ vel sola fidei definitione luculenter apparet, eos, qui rationem in fidei controversiis iudicem statuunt, perinde facere, ac eum, qui orta de coloribus lute, cæcum constitueret ejusdem arbitrum.*

97. Præter idem Apostolus 2. Cor. X. 4., & 5. *Arma, inquit, militiæ nostræ non carnalia sunt, sed potentia Deo ad destructionem munitionum, consilia deservientes, & omnem altitudinem ex-tollentes se adversus scientiam Dei, & in captivitate redigentes omnem intellectum in obse-*

*quum fidei; ac Rom. cap. XI. post explicatum arcanum gratiæ, & prædestinationis mysterium, ita demum v. 33. concludit: O altitudo divitiarum sapientiæ, & scientiæ Dei! quam incomprehensibilia sunt judicia ejus, & investigabiles viæ ejus!*

98. Adde possunt & illa verba Christi Domini Matth. XI. 25. *Confitebor tibi Pater, Domine cæli, & terræ, quia abscondisti hæc a sapientibus, & prudentibus, & revelasti ea parvulis: & cap. XVI. 17. Beatus es Simon Bar-Jona, quia caro, & sanguis non revelavit tibi, sed Pater meus, qui in cælis est.* Quibus omnibus quid insinuat, nisi doctrinam Christianam esse supra rationem, totamque a revelatione pendere, ut proinde omnino abereant, qui eam ad rationis amissionem exigere volunt?

99. Id ipsum communi calculo confirmant sancti Patres, ut S. Basilii Magni, qui Hom. in Psalm. CXV. fidem definit assensum nulla prævia inquisitione nitentem; & L. II. adv. Eunom. post multa egregie in hanc rem disputata ita concludit: *Nam si cuncta intelligentia nostra mensurare voluerimus, & quod mente non capimus, id nihil omnino esse putaverimus, amittetur profecto fidei, amittetur etiam spei remuneratio.* Quorum similia habet Sanct. Athanasius inquisiens L. II. contr. Apollin. de salutari adventu J. C. num. 11.: *Non enim fides evidenter apparens fides dici poterit: rerum fides est, quæ quod impossibile est in potentia, quod infirmum in virtute... esse credit; tum Sanct. Joann. Chrysostomus Hom. XXIV. in Joan., qui ideo, inquit, nos fideles appellatur, ut humanarum cogitationum veritate contempta, ad fidei altitudinem eademas. Ac demum notissima est illa Sancti Gregorii Magni sententia Homil. XXVI. in Evang. *Nec fides habet meritum, ubi humani ratio præbet experimentum.**

100. Porro nullus esset dicendi finis, si omnia aliorum Ecclesiæ Patrum testimonia in hanc rem afferre vellemus. Duo tamen Patres silentio minime sunt prætereundi, Ss. Cyrillus Alexand. & August. quorum prior Lib. II. contr. Julianum: *Oportet, inquit, quæ supra nos sunt, fide venerari, non ratione inquirere. Imbecillior quippe mens hominis est, quam ut intelligentia cape-*

*judicem esse debere, hoc sophismate contendit: Deus, quem adoramus, non est Deus tenebrarum, nec ideo mihi rationem largitus est, ut ea non uteretur &c.* Sed non meminit hic auctor eorum, quæ aliis in locis ejusdem operis vere docuerat, Deum utpote ens infinitum alio lumen nostræ rationis excedere, non vix alid cognoscere possumus, quam eum esse. Ita Tomo II. p. 214. T. II. p. 58. & alibi. Rationem autem nobis largitus est Deus, ut ea nesciret in illis, quæ ipsa cognoscere potest; atque ut ipsa doctrine intelligeremus, Deo primo veritatis fonti esse omnem fidem præstandam, etiam in mysteriis, quæ illam longe superant.

(a) Jo. Phereponus, sive Jo. Clesiens S. Augustinum in contrarium erroris invidiosè commentus est, quasi omnia in Religione rationis usum eliminaverit, sed Ludov. Muratorijs eum pro meritis castigavit. Confer cap. V. lib. I. de ingeniorum moderatione in religionis negotio. Hanc ipsam calumniam Sancto Doctori impegit Jac. Basnagius in Hist. Eccl. reform. Tomo I. P. I. c. 4. art. 2. Sed S. Doctorem vindicavit Bossuetus dern. averit. aux Protestans hnm. 72.

(b) Ut nihil dicam de absurdis paradoxis Jo. Jac. Rousseau, qui cum alibi sæpe, tum præcipue in suo Emile Tomo III. p. m. 139. rationem in rebus fidei

pere illa possit. S. autem Augustin. Tract. XX. in Joann. Credimus, inquit, ut cognoscamus, non cognoscimus, ut credamus. Quid est enim fides, nisi credere, quod non vides? In libro autem de utilitate credendi totus est, ut hanc veritatem & argumentis, & exemplis confirmet.

101. Obj. 1. Spiritus Sanct. nos movet Ecclesiastici XIX. 4., ne facile credamus; nam qui cito credit, levis est corde. Cui simile est *in xpo* illud (apud Q. Ciceronem de petitione Consil. capit. 10.): Nervos, atque artus esse sapientiae, non temere credere: nihil itaque credendum est, quod non certa, & evidenti ratione constet.

102. Resp. cum S. Augustinus, nos non temere, nec cito credere, cum sacris litteris credimus, quarum divinarum auctoritatem evidentissimis argumentis compertam habemus. Christus enim, inquit S. Doctor cap. 14. de utilit. cred. n. 32., miraculis sibi conciliavit auctoritatem; auctoritate meruit fidem, fide contraxit multitudinem; multitudine obtinuit vetustatem, vetustate roboravit Religionem, quam non solum Haereticorum ineptissima novitas fraudibus agens, sed nec gentium quidem veterinosus error violenter adversans aliqua ex parte convelleret. Et S. Bernardus epist. 170. c. 1. Quid magis, inquit, contra rationem, quam rationem velle transcendere? Et quid magis contra fidem, quam credere nolle, quidquid non possis ratione attingere? Vid. S. Thomas Lib. I. cont. Gent. c. 6.

103. Inst. Apost. Rom. XII. 1. exigit a nobis obsequium, sed rationabile: & S. Petrus epist. 1. c. III. 15. vult, ut simus semper parati ad satisfactionem omni poscenti rationem de ea, quae in nobis est, fide (ut in edit. Sixtina legitur): ergo &c.

104. Resp. in hoc esse rationabile nostrum obsequium, quod sine evidentibus credibilitatibus motibus Dei revelationem non credimus; sed hac semel constituta, ipsa sana, & recta ratio dicat, quidquid ei revelare placuerit, sine ulla dubitatione credamus, etiamsi nostrae mentis aciem longe superet: sicut enim plura in se habet Deus, quae nos possumus sola ratione duce cognoscere, ita etiam plura revelare potuit, quae nostram intelligendi capacitatem superant. Egregium nobis hac in re praebuit exemplum Abraham Pater omnium credentium, qui praeceptum immolandi filium utut videri posset rationi contrarium, adimplere paratus erat. Eodem sensu intelligenda sunt verba S. Petri; quauquam in Vulgata ita legitur: parati semper ad satisfactionem omni poscenti vos rationem de ea, quae in vobis est, spe. Et ita etiam habet textus graecus, *ὥστε τὰς ἐν ὑμῖν ἀπίστας*.

105. Obj. 2. S. Augustinus epist. 143. alias 7. haec tradit regulam: Si manifestissimae, certae-

que rationi velut Scripturarum sanctorum obicitur auctoritas, non intelligit, qui hoc facit; & non Scripturarum illarum sensum, ad quem penetrare non potuit, sed suum potius obicit veritati, nec quod in eis, sed quod in seipso velut pro eis invenit, opponit.

106. Resp. Aliud est, nihil a Deo nobis in sacris litteris revelari, quod rectae rationi opponatur, aliud nihil revelatum esse supra rationis captum. Primum asserit S. Doctor, quod nos etiam supra (P. I. Dissert. II. cap. 7.) fusiori calamo probavimus; non autem secundum: imo contrarium ibi immediate antea docuerat, dicens: si ratio contra divinarum scripturarum auctoritatem reddatur, quantumlibet acuta sit, fallit veri similitudine; nam vera esse non potest; & Lib. IV. de Trin. cap. 6. Contra rationem, inquit, nemo sobrius, contra Scripturas nemo Christianus, contra Ecclesiam nemo pacificus senserit.

107. Objic. 3. (a). Scripturae Sacrae nobis a Deo non est, nisi mediate, nempe per sacros Scriptores, & quidem mediis vocibus, quibus sensus suos declarant; contra vero ratio nobis est a Deo immediate; aequum est igitur, ut haec illi praefereamus &c. Accedit, quod ratio nostra innuitur evidentiae, revelatio autem plerumque obscura est: jam vero communis hominum sensus dicat, obscura esse per elatiora explicanda, non contra; ergo etiam revelatio erit subijcienda rationi, non ratio revelationi.

108. Resp. Iam hoc Scripturam Sacram infinitis parasangis rationem nostram superare, quod illa, utpote verbum Dei, nulli sit vel minimo errori obnoxia; nostra vero ratio sit finita, imo angustis admodum limitibus coarctata, & erroribus exposita; unde sit, ut semel ac certo constititerit, Deum locutum esse, filius vocis dumtaxat attendere debeamus. Et quavis quae per rationem cognoscimus, majorem habeamus evidentiam; quae tamen fide credimus, majorem habent certitudinem, ut praecclare demonstrat Sanct. Thomas 2. 2. qu. 4. art. 8.

109. Ad vero si ita est, inquirunt Adversarii, nullatenus a Mahumetanis differemus, apud quos uia sine ratione valet auctoritas.

110. Resp. cum S. Augustinus, utrumque extremum declinandum esse; nam & suus rationi concedi debet locus, quae nobis faciem praebet tum ad revelationem, tum ad Ecclesiam, quae revelationis est custos, cognoscendam; cum autem ad id pervenerimus, quasi extinguitur rationis lumen circa mysteriorum essentiam, quorum rationem ignoramus, solaque nos ducit auctoritas, cui ratione ipsa duce tutissime adhaeremus. Ceterum recte observat S. Doctor de utilitate credendi cap. ult., in hoc errare Adversarios, quod dum nos excitant, ut rationi plus nimio deferamus, de le-



thargicis phreneticos faciunt; inter quos morbos, cum sit uterque plerumque mortiferus, hoc tamen interest, quod lethargici sine aliena vexatione moriuntur; phreneticus autem multis sanis, & iis potissimum, qui volunt subvenire, metuendus est. Non simus igitur lethargici; sine evidentibus creditilibus motivis leviter credentes, quod Mahumetani faciunt; nec in oppositum vitium incurantes simus phrenetici, mysteria divina inbecilli nostræ rationi furiose subijcientes. Dignus est, qui hac de re legatur Angelicus Lib. I. con. Gent. cap. 6., ubi discrimina multa nos inter, & Mahumetanos breviter simul, & luculente ostendit.

## CAPUT VI.

*Demonstratur, eos, qui viam examinis in Fidei controversiis institui volunt, necessario in Tolerantismum, seu Indifferentismum labi.*

111. Tolerantia duplex est, alia civilis, & politica, qua scilicet Principes, & rerum publ. Magistratus diversarum Religionum homines in suis districtibus tolerant; alia religiosa, & theologica, qua in Religiosis negotio ampla unicuique libertas conceditur, ut quæ ipsi sententia verior visa fuerit, eam sine ullo salutis periculo adoptet (a). Fuit hic error Apellis hæretici sæculo II., qui ut Eusebius narrat Hist. Eccles. Lib. V. cap. 15., assererat esse non omnino examinandam fidem; sed unumquemque in eo, quod semel imbibisset, præstare oportere. Quippe eos, qui in Crucifixo spem suam collocassent, servandos esse affirmat; dummodo in bonis operibus deprehen-

derentur. Eandem hæresim S. Augustinus a Rhetorio quodam exortam ex Philastro refert de Hæresibus n. 72. quæ omnes Hæreticos recte ambulare, & verâ dicere affirmat; quod ita esse absurdum, subdit S. Pater, ut mihi incredibile videatur. (Vid. Philastrius de Hæresibus num. 90.)

112. Sed quod Sanct. Augustino prorsus absurdum, atque incredibile videbatur, nos propriis oculis conspiciamus. Iis enim vivimus temporibus, in quibus Indifferentismus heu quantum! grassatur. Porro Indifferentismus theologicus iterum parti solet in universalem, quo omnes prorsus Religiones, & sectæ probantur, isque fere cum Naturalismo, aut etiam Deismo convenit (b); & particularem, in quo revelatio divina tanquam basis, & fundamentum admittitur, sed varæ Communiones, quæ doctrinam a Deo revelatam sectari se credunt, tametsi secum ipsis omnino pugnent, æquo tolerantur, non solum tolerantia civili & politica, de qua nos minime disputamus, sed etiam theologica, itaut possit unumquemque secundum rectam Theologiam in sua seque salutem consequi.

113. Qui hunc Indifferentismum profitentur, non undequaque inter se concordant: sunt enim, quæ arctioribus limitibus eundem definiunt, docentes eos solos esse tolerandos, qui nedum in confitenda Religione Christiana, sed etiam in præcipiis quibusdam ejusdem Religionis articulis, quos fundamentales vocant, inter se consentiunt (c). Alii vero id latius extendunt, contententes, ea solum esse necessario veluti dogmata fidei credenda, de quibus omnes ad unum Christiani consentiunt; ea vero, in quibus aliqua dissensio est, pro ad ipsam reputanda (d).

114.

(a) Joan. Jac. Rousseavius hanc distinctionem irridet, ut puerilem *Emile* Tom. III. p. 172. in nota; quis enim non videat, aliud esse, homines errantes tolerare; aliud tolerare eorum errores, quasi nihil æternæ ipsorum salutis noceant? Prima tolerantia civilem hujus mundi vitam respicit, altera æternam. Hanc tamen distinctionem postea probare visus est idem Rousseavius in epist. ad Archiepiscop. Paris.; sed solitis suis Paradoxis indulgens tolerantiam theologicam probat, civilem, & politicam damnat.

(b) Hujusmodi Indifferentismum profitebantur Spinoza in tractatu theologico politico de libertate philosophandi, Antonius Collinsius, Jo. Tolandus, alique hujus fœderis, quorum libertatis specimen exhibere possum verbis Theod. Lind. Lan in impiissimo opere, cui titulus: *Meditationes philosophicae de Deo, mundo, & homine* supra relatis in P. I. Dissert. II. n. 124. not. (a) Hujus indifferentissimi professores vocantur etiam Latitudinarij, vel Moraliste, quia a suis assensibus nullam exigunt dogmatum fidem, sed solum morum honestatem.

(c) Flerat hoc systema a plerisque delineatum, ut a Jo. Claudio *Defense de la Religion Reformée*, a Mazaratroy *Traité de l'Église*, ab Huissevio Ministro Salmuriensi in libro la *Réunion du Christianisme* (quantum hic habenas plinquam aliis laxavit, in sua Christiana Theol. Tom. I.

stianorum unitate etiam Socinianos comprehendens), & ab aliis. Sed nemo explicatius, & clarior illud proposuit, quam Petrus Jurinus in libro *Veras Ecclesie systema* in 8. a Dordrecht 1686, & in altero, quem Nicolij traditum de l'unité de l'Église biennio post opposuit, cum hoc titulo *De unitate Ecclesie, & articulis fundamentalibus*, contentens, omnes eos ad essentialia Ecclesie unitatem pertinere, qui veritates fundamentales conservant. Quos tamen libros simul cum aliis Jurij operibus acriter pro merito exagitavit, vel inter ipsos Pseudo-Reformatos Elias Saursius in *Examine Theologiae Jurii*; unde majorum postea dissensionum origo facta est, de quibus ad nos nihil attinet dicere. Contra Jurinum æmulum suum in scenam venit etiam Bælius lepidissimo libro, quem sub larvato nomine Car. Larebonij edidit 1692. cum hoc titulo: *Janna calorem reservata fœntis Religionibus a ceteris adm. viro Petro Jurio &c. Porta patens, esto, nulli claudatur honesto*. Ipse tamen Bælius systema tolerantie longe majoris, imo latissimum Indifferentismum in Religiosis negotio involvere natus est, contentens, unumquemque teneri ad eam opinionem sequendam, quam putat esse veram, sen, ut ipse loquitur, ad sequendam veritatem putativam; Tomo II. Op. pag. 219.

(d) Ita totidem fere verbis Jo. Clericus in Dissert.

114. Jam vero *Indifferentismi*, qui nostra, Patrumque ætate late serpere cæpit, primum origo ab Arminianis, seu Remonstrantibus (a) repetenda videtur; hi enim cum fuissent in Synodo Dordracena condemnati, anathemate percussi, & ab Ecclesia ejeti, iuque secum agi merito conquirebantur, hoc ferme ratiocinio utentes. Excussa semel infallibili Ecclesiæ auctoritate, quam fidei controversiarum iudicem Catholici agnoscut, nulla ratione ii culpandi sunt, qui a Calvino, aut quocumque alio homine dissentiant; quo enim iure potuit Calvinus a receptis Ecclesiæ sententiis recedere, eodem potest quilibet a Calvino dissentire, si ipsam a vero, legitimoque Scripturæ sensu aberrare viderit: si enim tota Ecclesia, hoc est, integer Pastorum, omniumque cætus errare potest, multo magis Calvinus, aut quilibet alius, utut doctissimus, errori obnoxius esse poterit (b).

115. Huiusmodi ratio adeo valida visa est, ut ex tempore plerique aut ad Catholicæ Ecclesiæ gremium redierint, aut ad laxissimum *Indifferentismum* declinaverint; & quidem merito, ita enim recte colligebat Isaacus Papinius, Ecclesiæ olim Anglicanæ Minister, post autem ad catholicam unitatem reversus (c): *Mihi persuasum fuit, Protestantibus, si vel latum unguem a Tolerantismo recederent, a Catholicis vinci; vinci vero ab Hæreticis, & Infidelibus, si non recederent, quibus arma ad se defendendum suppeditant; neque enim facere possunt, quin omnibus salutem concedant, plenamque credendi, & docendi quilibet libuerit, tribuant facultatem. Eadem argumenta, quibus Tolerantes eos ferendos esse probant, qui sacras literas, quacumque demum ratione explicantur, pro fidei regula habent, non minus efficaciter probant ferendos esse Infideles, & generaliter quotquot bona fide se esse profitentur, etiamsi Athei essent. Et quibus momentis a tolerantia Christianismi hostes excludunt, etiam tolerantia eos omnes indignos esse pro-*

nunciant, quos tolerandos esse profitentur.

116. Sed non erit abs re, aliud simile testimonium Petri Coste afferre. *Annon verum est, inquit ille num. 10. suæ dissert. Protestantibus alloquens, Scripturam Sacram esse unicam fidei Christianorum regulam, nullamque in terris esse ejus interpretem infallibilem? Utrumque omnibus Protestantibus principii loco est. At vero, si id sincere profitentur, prout millies in suis sermonibus, Fidei confessionibus, & libris contra Romano-Catholicos editis professi sunt, etiam confiteri debent, æquale esse unicuique Christiano jus, Scripturam Sacram per se ipsum interpretandi, eamque doctrinam, quæ Christianorum uni est articulus Fidei, quia eam in Scripturis videt, alteri non esse, quia eam in iisdem Scripturis invenire non potest; ac consequenter nemo ex Protestantibus jure potest eos infamare, anathematizare, & pro hæreticis habere, qui postquam omnem diligentiam in sacrarum literarum studio impenderit, quodvis aliud, quam consubstantiationis, ubiquitatis Corporis Christi, & prædestinationis absolutæ dogmata invenit: & ita prosequitur, clarissime ostendens, rejecto semel infallibili Scripturarum interprete, & concessa unicuique examinis facultate, nulli hominum posse molestiam creati, ex quo ab aliis dissentiat, dummodo in se bona fide, & ex interna animi persuasione facere profiteatur.*

117. Aliquod huic malo remedium Protestantibus afferri posse putantur, multiplicatis professionibus fidei, & cogendo homines, ut Synodorum definitionibus se submitterent. Id factum est Synodo Dordrechtana, damnatis Arminianis, & in Charentoniana anno 1644. proscriptis Independentibus. Verumtamen nihil magis absurdum, & Protestantium principii repugnans, quam huiusmodi remedium. Protestantibus enim volunt, quacumque Synodum, etiam ex omnibus mundi partibus conflatam, errori obnoxiam esse, & fieri posse, ut a-

li-

de eligenda inter dissentientes Christianos sententia, quam tractatui Hugonis Grotii de veritate Religionis Christianæ adnexuit: cum etiam in opere Gallico de l'Incrédulité. Vestigia secutus est Jo. Lockii, qui hanc Tolerantiam primo proposuit in epistola de Tolerantia ad Cl. virum T. A. R. P. T. O. A. scripta a P. A. P. O. J. L. A., hoc est Theologia apud Remonstrantes Professorem, tyrannidis osorem Lymburgium Amstelodamensem; Scripta a pacis amico, persecutionis osore Jo. Lockio Anglo (extat inter opera ipsius posthuma ann. 1710.); tum in Christianisme raisonnable, quem in gallicum idioma vertit Petrus Coste, & dissertatione unci, où l'on établit le vrai, & l'unique moyen de réunir tous les Chrétiens, malgré la différence de leurs sentimens. De hodierna Protestantium tolerantia legatur elegans juxta, ac solida epistola VII. doctissimi P. Engelberti Klupselii Augustiniani in Fascio. 3. Volum. 3. Biblioth. nova ecclesiast. Friburgensis.

(a) Arminiani dicti sunt a Jacobo Arminio, qui cum in aliquibus punctis, maxime de gratia, & prædestinatione, a Calvinii doctrina recederet, acres habuit cum

Franco Gomaro rigido Calvinista controversias. Porro ad has controversias pacandas ann. 1618. habita est Synodus Dordrechtana, in eaque Gomaristarum, & Principis Mauriti de Nassau præpotentia Arminii damnati sunt. Barnevelius magnus Pensionarius eorum patronus fuerat antea capite plexus; Hugo Grotius carceri additus, multi exilio pulsati; ceteri omnes afflicti sunt, ut Abr. Calovius in Consideratione Arminianismi describit. Mitto Gasp. Brantium in vita Jac. Armini, Jac. Triglandium in Refutatione apol. Remonstr., aliosque. Arminianorum tamen sæpio majores quotidie vires sumpit, & doctissimos inter Protestantibus vires acquisivit.

(b) Id latius exponit Jo. Vyrenbogarius epist. 325. inter epist. præstantium virorum a Phil. Limborchio edit. Vid. etiam Bossuetus Hist. des variat. Lib. XIV. n. 67. & seq. & VI. Avertis. aux Protestans P. 41. & 111.

(c) In Libro les deux voies opposées, en matière de Religion, l'examen particulier, & l'autorité. II. Part. Sect. I. n. 13.

liquis simplex, & rudis homo verum, & germinum Scripturæ sensum attingat, quem Synodus non attingit; hinc unicuique Synodorum definitiones examinandi potestatem faciunt; quemadmodum prius Novatores defecit jam, & a tota Ecclesia recepta dogmata ad incudem rursus vocarunt, imo & rejecerunt; ergo & Synodi, & fidei formulæ inutile prorsus remedium sunt ad continendos in fide populos, unitatemque Religionis servandam. Ita semper responderunt *indifferentes*; nec unquam potuit, aut potuerit hoc eorum argumentum solvi.

118. Atque ex hoc principio tot, & tam diversæ natæ sunt inter Protestantes sibi ipsis repugnantes sectæ, quæ cum æquali gaudeant in Scripturis interpretandis auctoritate, debent se mutuo tollerare; neque enim una potiore jure fruitur, quam altera, ut proinde una possit alteram merito condemnare (a).

119. Sic vivente adhuc Luthero orti sunt *Anabaptistæ*, qui baptismum infantibus, aut sine trina immersione collatum nullum esse contendebant; quia in sacris litteris, ubi omnia dogmata perspicue contineri dicebatur, nihil de baptismo infantum, aut de baptismo per aspersionem inveniri poterant. Hi a Pelargo, seu Nic. Storkio Lutheri discipulo primam originem agnoscunt. Sed postea in varias sectas & ipsi subdivisi sunt, quas alii 14., alii etiam plures numerant; earum autem præcipua est, quæ *Mennonitarum* audit, a Mennone Simonis ejus institutore. Hæc secta postea Socinianismi accusata fuit; unde illud: *Anabaptistam esse indoctum Socinianum & Socinianum doctum Anabaptistam*.

120. Eodem tempore orti sunt *Synergistæ*, qui Melancthonis magisterio gloriantur. Hinc enim a primo Lutheri errore de servo arbitrio, & fatali illa prædestinatione, quæ libertatem perimebat humanam, recedens, hominem suis viribus gra-

tia cooperare docuit; unde postea ejus assecræ *Synergistæ*, seu *Cooperantes* dicti sunt, & in contrarium Semipelagianorum errorem declinarunt. Cujus erroris merito etiam accusantur *Huberiani*, doctrinam sequentes Sam. Huberi, qui omnes omnino homines ad vitam æternam eodem modo prædestinatos esse effutiebant, ut totum inter Sanctos, & reprobos discrimen non ab electione divina, sed ab humana voluntate repetatur.

121. His oppositi sunt *Flaciani*, ita vocati a Matthia Flacio Illyrico, qui disputans cum Victorino Strigelio, Synergistam promacho in celebri collatione Vinariensi ann. 1560. ut peccatum originale firmius assereret, voluit ipsum esse hominis substantiam, quem postea errorem pertinacissime defendit; unde & *Manichæismi* accusatus fuit: ac tandem loco motus, exul, & miser vitam finivit.

122. Haud leves etiam inter Lutheranos fuere *Osiandristicæ* controversiæ excitatæ ab Andrea Osiandro ferocis ingenii homine, qui nos justificari dicebat per intuitum, & substantialem justitiæ divinæ unionem; hancque absurdam sententiam audacissime contra Lutherum defendit. Contra hunc autem disputans Franc. Stancarus, religionis Catholicæ desertor, Christum Jesum tantummodo ut hominem mediatorem nostrum esse, contendebat. Quem errorem postea acrius defendere natus est edito libro ann. 1562. cui titulus *De Trinitate, & mediatore D. N. J. C. &c.*; nec paucos nactus est sectatores (b).

123. Non paucos assecræ etiam invenit Joann. Agricola, Islebins, qui *Antinomi* dicti sunt, quia Christianos a legis observatione liberos esse dicebant. Contra eos Lutherus sex edidit dissertationes; sed irriti labore; nam etiam post mortem Lutheri Antinomorum Secta turbas excitare non destitit.

124. Secutæ deinde sunt celebres controversiæ

*Syn-*

(a) Eadem semper fuit omnium hæresium fortuna. Sic S. Irenæus Lib. I. c. 21. & seq. observat, ex Simone Mago omnium hæreticorum patriarcha continuo ortos esse Menandrianos, Saturnianos, Basilidianos, aliosque. Antea autem c. 5. dixerat, Valentinianos, cum plurimi essent, ita tamen fuisse inter se divisos, ut vix duo, aut tres de omnibus sibi consentirent. S. quoque Augustinus idem notavit in Donatistis, scilicet eorum hæresim jam suo tempore fuisse in plurima frusta discussam Lib. I. de Baptismo c. 6. Tomo IX. Marcionitas item vix natos a se ipsis dissensisse, & inde ortos Lucianistas, Apellianos, & Severianos, tradidit S. Epiphanius Lib. I. contra hæreses. Id ipsum accidit Montanistis, quos idem S. Epiphanius Lib. II. contra hæreses testatur fuisse disceptos in Pepusianos, Ariorytias, & Phrygastas; tum Manichæis, de quorum multis sectis videatur S. Augustinus de hæresibus. Nemini etiam ignotæ sunt varæ, ac multiplices Ariænorum, Nestorianorum, Eutychianorum &c. divisiones. Nempe quotquot se ab unitate Ecclesiæ separarunt, sibi ipsis constare non potuerunt. Apposite Ter-

tullianus de præscript. hæretic. c. 42. de omnibus hæreticis aiebat: *mentior, si non etiam a regulis suis variant inter se, dum unusquisque proinde suo arbitrio modulatur, quæ accipit, quemadmodum de suo arbitrio ea composuit ille, qui tradidit.*

(b) Alios etiam errores pertinaciter docuit infelix iste apostata, propter quos ab ipsis Protestantibus in hæreticus habitus misere obit ann. 1574. De eo agunt Belius in *Diffinitione*, & Gerdesius in *Specim. Italiae* ref. p. 337. Stancarum confutavit celeberr. Stanislaus Orichovius Polonus libro, cui titulus, *Chimara, sive de Stancari funesta regno Polonia sæcla*. Ipsius autem Orichovii historiam refert Franc. Ant. Zacharia Dissert. VIII. Tomo II. delle Diss. varie Italiane a storia Eccl. appartenenti Rom. 1780. Et de Stancaro legendus eruditissimus Hier. Tiraboschi Tomo VI. della Storia della Letteratura Italiana P. II. p. 387. Porro Frid. Staphylus Osiandristicæ controversiæ stomachicus ad Rom. Ecclesiæ sinum scilicet reversus est anno 1755. Vid. ejus *Epitomen trimembris theologiae Lutheranae*.

*Syncretistæ*; quibus occasione deditur Georg. Calixtus Theologus Helmstädiensis; sed quæ postea in Frid. Ulr. Calixtum Georgii filium, & Abr. Calovium adeo recruduerunt, ut tandem *Syncretistæ* fuerint a communione Ecclesiæ Lutheranæ prorsus exclusi. Postea tamen illi debuit ea tolerantia concedi, quam ipsi alii dissidentibus concedendam esse ex principiis Protestantium recte inferebant (a).

125. Secuta sunt etiam certamina *Pietistica* auctore Phil. Jac. Spenero. Aliqui enim hoc ducere falsis pietatis principii haud leves inter Protestantes tumultus excitantur, ita ut duæ factiones fuerint efformatæ *Orthodoxorum*, & *Pietistarum*, quæ acriter inter se decertabant. Hæc pugna usque fere ad nostra tempora duravit, atque in ea multi, & magni apud Protestantes nominis Theologi se exercuerunt, ut videre est apud Christoph. Matth. Psaffium ( in *Introduct. in Hist. theol. liter.* P. I. Lib. II. §. 10. & P. II. Lib. 3. ), & Jo. Franc. Buddeum in *Isagoge Hist. theol.* Tom. II. pag. 1234.

126. Nec defuerunt, qui obsoletos jam Origenis errores ab orco revocarent; dicti propterea *Origenistæ*. In his eminnerunt Jo. Guill. Peterseus, & Joana Leadea, quæ societatem philadelphicam in Anglia instituit. Eorum autem *apōstolus* erat universalis *æmoxrasia*, seu futura aliquando universalis omnium damnatorum liberatio. Prostant Peterseii tria volumina in folio inscripta *Μυστήρια, ἀποκατάστασις, ἀνάστασις*. Majorique postea audacia eundem errorem defendit Jo. Conr. Dippelius, sub adscitio nomine *Christiani Democratici* (b). Qui error etiam Socinianis, & pluribus aliis inter Heterodoxos communis est.

(a) Contendebat *Syncretistæ*, dissensiones inter Lutheranos, Calvinistas, ac Pontificios spectare articulos fundamentales, adeoque debere istas tres Religiones se mutuo tolerare. Harum controversiarum historiam edidit Abr. Calovius an. 1682. Eam etiam accurate describit Jo. Alb. Fabricius in *Hist. Biblioth. Fabriciana* P. IV.

(b) Copiandi Dippelii provinciam assumpsit Franc. Alb. Aepinus in *Compendio metæologiae fanaticæ recentioris ææ Joann. Conr. Dippelii scriptis collecto*, ac ordine systematico disposito &c. Rostochii an. 1721. 4. Auditor autem epistolarum gallicarum de Religione homini essentiali etiam 14. alias epistolas edidit de l'etat des ames séparées des Corps, in quibus errores Dippelianos confirmare satagit.

(c) Confer Christoph. Matth. Psaffium in *Introduct. in Hist. theol. litt.* Lib. I. de Theol. Exeget. §. V. nota dd., & Frid. Ulr. Calixtum in *Tract. theol. de Chilismo*, cum antiquo, tum renato.

(d) *Interimistæ* ii dicti sunt, qui Lipsiensi forislim anno 1548. a Phil. Melanchtone, aliisque Theologis Wittembergensibus, jussu Mauricii Electoris Saxoniæ concinnatæ, & interim Lipsiensis appellatæ ( ut distingueretur a alijs aliis formula nominis ejusdem, nempe Ratisbonensi an. 1542. & Augustinæ an. 1547. ) adhererant, & qui etiam *Adiaphoristæ* nuncupabantur, quia plerique a Luthero in Ecclesia Romana hæreticos condemnata reputabant *adiaphora*. Cum autem

127. Similiterque inventi sunt, qui putidas *Chilistarum* fabulas suscitarent. Hujus erroris accusator memoratur mox Joann. Cöll. Peterseus in *Nube testium veritatis de regno Christi glorioso* &c., quem postea non pauci alii inter Protestantes adoptarunt (c).

128. Denum, ut omittam *Interimistas*, *Rathemanistas*, *Majoristas*, *Schwenkfeldianos*, *Hernhutistas* (d), aliosque non paucos, notissima sunt dissidia excitata ab *Ubiquistis*, qui ut divinæ, ita etiam humanæ Christi naturæ immensitatem tribuebant; quique acerrime confutati sunt non solum a Sacramentariis, sed etiam a pluribus confessionis Augustanæ professoribus; quos propterea Ubiquistæ contemptum *Crypto-Calvinianos* vocare solebant. Ceterum infinitus essem, si omnes apud Lutheranos enatas controversias enumerare vellem, ex quibus totidem schismata totius sectæ dimanassent, nisi dissidentes fuissent, & adhuc essent tolerati: unde patet vel ipsa experientia comprobari, *viam examinis* in religionis negotio non necessario in *Tolerantissimum*, seu *Indifferentissimum* ducere.

129. Quod id ipsum facile etiam esset ostendere in secta Calviniana. Nam præter majores illas, quas supra commemoravimus, *Gomaristarum*, & *Remonstrantium* sectas, nemini ignota sunt nomina *Episcopaliū*, *Presbyterianorum*, *Independientium*, & *Non-conformistarum*, seu *Puritanorum* in Anglia: item *Supralapsariorum*, & *Infralapsariorum*, *Hypotheticorum*, & *Absolutorum*, *Coccejianorum* & *Poeticorum*, *Pujonistarum*, *Quackherorum* &c. &c. qui in articulis haud levibus inter se dissident (e).

130. Celebris etiam est in Calvinianorum secta

isti a rigidis Lutheranis, quorum agmen ducebat Matthias Flacius, acriter reprehenderentur, magnæ turbæ excitatæ sunt, quæ diu durarunt. *Rathmanistarum* nomen ab Hermanno Rathmano ortum est, qui in opere de regno gratia J. C. aliqua docuit contra Saxoniæ Theologorum sententiam de efficacia divini verbi ad convertendos homines, a quibus proinde Theologis admodum exagitatus fuit, sed alios in secta Lutheranæ invenit suæ doctrinæ patronos. *Majoristæ* asseque Georgii Major, nna cum Catholicis necessitatibus bonorum operum ad salutem defendebant; illis autem se opponerant rigidi Lutherani: quorum partes sustinens Nic. Amsdorfus eo usque processit, ut diceret, bona opera non solum non prodesset, sed plane obesse æternæ hominum salutis. Gaspar Schwenckfeldius a Lutheranis damnatus est, quod plura in doctrina Lutheranæ reprehenderet; socios tamen non paucos invenit, quorum confessionem refert Jo. Chr. Kucherus in *Bibliotheca Theologia Symplicia*. Sed has omnes controversias, aliasque non paucas, quæ factionem Lutheranam diu, multumque turbabant, fusius refert Conr. Schlösserlingius in *Catalogo hæreticorum* XIII. tom. ix. 8. Francofurti ab anno 1597. ad an. 1599. *Hæreticistæ* denique sectæ suæ parentem agnoscunt Nic. Lud. Comitem de Zeinzendori, qui Agraui in superiore Lusatia anno 1769. inter suos misere obiit; sed ejus secta adhuc viget.

(e) *Episcopales* sunt, qui hierarchiam in Ecclesia,



Jo. Fischer, seu Piscatoris historia, qui cum dixisset, iustitiam Jesu Christi, quam nobis impunitari docuit, eam solam esse, quam in sacrificio mortis exerceat, non autem illam, quam exercuit aliis bonis operibus in vita, & cum monitus respiceret nolisset, in synodis Rupellensi an. 1707. & Privasiensi an. 1612. aliisque condemnatus est; sed hæc condemnatio defuncti supremæ, atque infallibilis auctoritatis controversiæ finem minime imposuit; ejusque opinio postea tolerata fuit, agente potissimum Petro Molinæo, cui propterea etiam publice gratiarum actiones in synodo Insulæ Franciæ decretæ sunt (apud Blondellum in *Adis authenticis* p. 72.)

131. Ex his, aliisque pluribus, quæ brevitas ratio præterire nos cogit, satis apparet, seposita infallibili Ecclesiæ auctoritate, necessario inveniendam esse mutuum omnium errorum tolerantiam, qui quotidie nascuntur: nemo enim tenetur aliis, utut innotis, vel doctoribus, imo neque integris, & numerosissimis Synodis fasces submittere, atque errores ejurare.

132. Contra vero in Ecclesia Romana nasci quidem possunt, & sæpe nascuntur errores, diu tamen vivere non possunt, nec crescere, aut dilatarsi. Multis enim exemplis nostra, ac superiore ætate ostendere facile est, enatas controversias fuisse statim ab Ecclesiæ auctoritate sopitas, & puras, sanamque doctrinam servatas. Quod si aliqui peruelles filii matris Ecclesiæ definitionibus parere detestantur, illico ab ejusdem Ecclesiæ sinu expulsi, faciem discordiæ foris agitant. Unde etiam S. Cyprianus epist. 41. olim S. de Novatiano contumaci aiebat: *scias, nos nec curios esse debere, quid ille doceat, cum foris doceat.*

Catholicorum more servaverunt. Presbyteriani Episcopus non habent, sed totum jus in sacra, & circa sacra ad cœtum Presbyterorum pertinere dicunt. Contra utrosque insurrexerunt Independentes, qui presbyteriali regimen mutato tantum nomine, & pompa episcopalem tyrannidem appellabant, & utroque excusso iugo omne jus in sacra magistratui politico concedi volebant. Horum doctrinam exponit, totisque viribus defendere conatur Lud. Molinæus, Petri Molinæi filius in impio libro, cui titulus: *Paranesis ad adificatores imperii in imperio, in qua defenduntur jura Magistratus adu. Moysen Amyrædum, & vindicant ceteros potestates Ecclesiasticæ presbyterianæ.* Hinc scripta innumera inistica, & magna dissidia, quæ etiam ad alias Communiones Calvinisticas extra Angliam se propagant. Puritani item, qui Non-Conformistæ discordias auxerunt, ii nempe, qui decretis Edvardi VI. & Regiæ Elisabethæ in ritibus Ecclesiasticis se conformare recusant, purumque Calvinismum profitebantur. Horum originem, dogmata, persecutiones, variasque sortum describit Daniel Neal in *Hist. Puritanorum, seu Protestantum non conformitarum* vol. 4. in 8. Supralapsarii dicti sunt, qui Calvinii doctrinam pressius sequentes docent, Deum non solum providisse, sed plane predeterminasse lapsum Adam, ut necessario sequeretur. Oppositum sentientes dicti sunt *Infal-*

133. Hinc patet, quam inepte Phil. Melancthon Staphylo Novatoribus hæc perpetuas eorum discordias obijciendi responderit (in respons. ad *criminat. Staphyli*): *semitinus nostra vulnera, & ea deploramus; sed oratoris impudentiam miror, qui ita nobis ærumnas nostras exprobrat, quasi nulla sint scelera suæ factionis.* Idemque etiam Petrus Bælius regerebat asserens, ducentas hæreses, Bellarmino teste, Ecclesiam Romanam discerpisse, quin eas impedire poterit infallibilis ejus auctoritas. Neque enim inficiamur, apud nos errores, & hæreses quandoque prodire, sed adversarii ipsi fateri debent, apud nos esse promptum, & efficacissimum medium, quo errores illico suffocentur, & controversiæ omnes finiantur; eo autem carere omnes A catholicos, qui propterea, velint nolint, debent ex suis principis omnes errantes tolerare.

134. Quamquam postea hæc tolerantia iterum pugnat cum alio capitali eorumdem principio, quo statunt, sacras literas esse in omnibus Religionis nostræ dogmatibus *apertissimas, planissimas, atque omni ex parte perspicuas.* Hoc enim posito sequitur, non posse errantes ignorantia invincibili excusari, adeoque nec tolerari. Sed hoc sensus demonstrare aggredimur.

## CAPUT VII.

*Ostenditur contra Jurium (a), aliosque Tolerantes, nemini licere citra salutis dispendium fidei dogmata ab Ecclesia definita rejicere, quæcumque ea sint.*

135. Petrus Jurijus aliquos Tolerantiam limites figere se posse speravit posita distinctione in-

sarii. Primam sententiam postea adoptarant Gomarista, alteram Arminiani. Hinc etiam nata sunt nomina *Absolutorum, & Hypotheticorum*, quorum primi decreta *absoluta* ad mentem Calvinii ponebant, alii *hypothetica*, inter quos magnis sibi nomen comparavit Moses Amyrædus; nempe secutus Iulium Pajonius, qui sectam Pajonistarum instituit, Pelagianismi restauratrice. Cocejanii sunt, qui Joann. Cocejum, & Foetiani, qui illius cumulum, & hostem Gisbertum Voetium sequuntur. Primo private erant inter utrumque controversiæ, ex quibus postea due sectæ nate sunt, quæ adhuc inter se digladiantur. Adhuc etiam vigent in Hollandia factiones *Ruelliste, Becheriste, Verchoviste, Hattemista &c.* quæ a suis magistris nonnece debeamus. Si quis plura desiderat, aliter potest præter laudatum sæpius Bossuetum, P. Ignatium Finii Ord. Præd. in *Schola veritatis orthodoxæ* Tom. I. Narrat. I. De origine, & multiplicatione sectarum, & hæresum nostri temporis.

(a) Jurij systema non ita pridem amplexus Petrus Franciscus Contray (valde enim ipsi commode accidebat, cum se diceret similis & Canonico Regni Congregat. S. Genovefæ, & in Anglicana Universitate Oxfordiensi Doctorem) in præf. ad suam gallicam versionem *Hist. Conc. Pauli Sarpti, in relatione rerum suarum, & in pluribus aliis suis operibus.*

inter articulos *fundamentales*, & non *fundamentales*; & in his solum postremis facta unicuique sentiendi, prout maluerit, potestate. In constituenda vero ratione, qua articuli *fundamentales* a non *fundamentalibus* discernantur, non facile se expedit. Duas quidem (*vrai Système de l'Eglise* p. 209; & 317.) ad id statuit regulas, scilicet illum solum vult esse errorem fundamentalem, qui Dei gloriam, & ultimum hominis finem everit, aut qui unanimi, perpetuo, ac universali Christianorum consensui oppositur. Sed multo mentis acumine non est opus, ut quilibet videat, has regulas vix, ac ne vix quidem posse ad usum deduci. Quilibet enim ab Ecclesia dissentiens demonstrare conabitur ex ipsis sacris literis suo modo explicatis se nihil contra Dei gloriam, & ultimum hominis finem invehire; & multos etiam, si opus fuerit, opinionum suarum, ut ait monstrosum, patronos allegabit (a).

136. Catholici contra non inficiantur, distinguendos esse articulos quosdam Religionis *capitales*, alios autem *minus principales*; sed sensu a tolerantibus omnino diverso. Nempe articulos *capitales* eos vocant, quos nemo etiam rudis ignorare potest citra salutis periculum: *minus* autem *principales*, quos ab illiteratis inculpate ignorari posse concedunt; voluit tamen eosdem saltem implicite credi; & nullum vel minimum fidei dogma ab Ecclesia definitum, negari posse unanimiter docent.

137. Id autem prob. primo, quia nobis Scriptura sacra ubique fere unitatem fidei commendat; unde Apostolus Eph. IV. 4. dicebat: *Unum corpus, & unus spiritus... unus Dominus, una fides, unum baptisma*, & Philip. II. 2. *Implete gaudium meum, ut idem sapiatis, eandem charitatem habentes, unanimes id ipsum sentientes*. Huiusmodi autem unitatis centrum esse Ecclesiam, cuius proinde definitionibus nemo refragari possit, facile colligitur ex iis Christi verbis Matth. XVIII. 17.: *Si Ecclesiam non audierit, sit tibi sicut ethnicus, & publicanus*; & ex aliis Apostoli Pauli in Epist. ad Titum III. 40. *Hæreticum hominem post unam, & secundam correptionem devota*,

138. Non sum nescius, hæc, aliaque similia Scripturæ S. testimonia a Tolerantibus explicari de unitate fidei in articulis *fundamentalibus*. Sed hæc eorum evasio ex perpetuo Ecclesiæ non facile præcluditur; nam constat, eos semper pro hæreticis fuisse habitos, & condemnatos, qui ab ejus doctrina dissentiebant etiam in articulis, qui, Jurio iudice, *fundamentales* non sunt. Exemplum sit de Novatianis, qui tanquam ab Ecclesiâ segregati habebantur, nec, nisi errore deposito, in communionem recipiebantur. Ita enim de his habet canon octavus Concilii Nicæni: *De his qui se Catharos, ilest puros quandoque nominant (ii erant Novatiani) ad catholicam autem, & apostolicam Ecclesiam accedunt... ante omnia hoc in scriptis ipsos profiteri convenit, quod adhaerebunt, & sequentur catholicæ Ecclesiæ decreta, idest quod & cum digamis communicabunt, & cum iis, qui in persecutione lapsi sunt*. Hæc certe duo puncta, in quibus Novatiani errabant, non tanti momenti videbantur Jurio, ut eos in articulis *fundamentalibus* peccasse dicat; & tamen erant ab Ecclesiâ exclusi, nec, nisi ejurato errore, factaque professione sequendi in posterum catholicæ Ecclesiæ decreta, admittebantur. Eodemque plane sensu in altero Concilio Œcumenico, nempe Constantinop. ann. 381. Can. 7. Ariani, Macedonianis, Sabbatiani, Novatiani, Quartodecimani, atque Apollinaristis scripto exigebatur professio fidei, qua omnem hæresim anathematizarent, *quæ non sentit, sicut sancta, catholica, & apostolica Ecclesia*. Porro si aliqui sunt in *fundamentalibus* articulis non errantes, in iis certe numerari deberent præter Novatianos Sabbatiani, & Quartodecimani; & nihilominus hi etiam a catholicæ Ecclesiæ sinu avulsi reputantur, quod adeo verum est, ut Joann. Ger. Vossius vir inter Protestantæ magni nominis, putaverit, fuisse in Symbolo hanc vocem *Catholicam* Ecclesiæ additam, ut vera Christi Ecclesiâ toto orbe dispersa, ab Hæreticorum, Schismaticorumque conciliabulis distingueretur (*de tribus Symbolis*).

139. Præter. Eadem fuit ab ipsis Ecclesiæ incunabulis Patrum sententia: nam S. Ignatius in

E.

(a) Joan. Frid. Stapernus Calvinista in Tomo I. *Instit. Theol. polemice* c. 4. §. 1801. articulum fundamentalem definit talem veritatem, quæ ad ipsam religionis Christianæ essentialiam pertinet, ut illa sublata, ipsa etiam religionis forma, atque essentia pereat. Recenset postea innumeros Acatolicorum scriptores, qui de hac materia copiose egerunt, qui tamen vel ipsi de prima definitione inter se dissentiunt. Aliqui eorum distinguerunt articulos fundamentales in tres classes, ut alii sint necessarii ad religionem, alii ad salutem, alii ad Ecclesiam. Quidam sola principia religionis naturalis, quæ omnibus notissima sunt, ad salutem sufficere posse dixerunt: re ipsa enim ista, & fortasse hæc sola a nemine eorum negantur, qui se Christianos nunc-

cupant. Sed redeamus ad Stapernum, qui consequenter ad suam definitionem articulos *fundamentales*, qui ad religionis essentialiam pertinent, vult tam clare esse revelatos, ut a quovis etiam indulto intelligi queant, licet non perfecte, tamen distincte. Porro cum verum in hominibus sit intellectus acumen, neque in eodem homine semper idem, sequitur, aliquos articulos esse fundamentales respectu unius, qui majori pollet intelligendi vi, & non aliterius, cujus intellectus est obtusior; adeoque articulos fundamentales non eodem esse numero omnibus; ac proinde certum, a quo definitum articulorum fundamentalium numerum deserviri non posse. Quæ posita doctrina, nemo non videt, aullos certos tolerantie limites determinari posse.

*Epist. ad Philadelphenses* n. 3. *Ne erretis, inquit, fratres mei. Si quis schisma facientem sectatur, regni Dei hereditatem non consequitur; si quis in aliena sententia ambulat, iste passioni non consentit.*

140. Cleoneas Alexandr. Lib. VIII. *Stromatum* n. 17. hæreses a vera Ecclesia, quæ una est, manifeste sejungit; & ita concludit: *In unius ergo sortem cooptatur Ecclesia, quæ est una, quam conantur hæreses in multas discindere, & iterum: Ecclesie eminentia, sicut principium constructionis, est ex unitate:* post autem hæreses, quæ Ecclesiam Dei conabantur discindere, enumerat, scilicet Valentis, Marcionis, & Basilidis, tum Peraticorum, Phrygum, Eneaticorum, Docitarum, & Hæmatitarum, Cajanitarum, Ophianorum, & Entychitarum, quas omnes Iulius, ut puto, inter errores fundamentales non enumerabit.

141. Origenes autem in Comment. epist. ad Titum hæreticos quoscumque a salute omnino excludit. Sicut hi, inquit, qui fornicationibus, immunditiis, atque impudiciis, & idolorum cultibus maculati sunt, regnum Dei non possidebunt; ita & hi, qui in hæresim declinaverunt. Et ne quis sibi fingat, Origenem hæresis nomine nonnisi errores fundamentales intellexisse, observandum est, eos etiam inter hæreticos ibidem recensere, qui non omnes humanas animas, unitas, ejusdemque dicunt esse substantias, sed diversas naturas animarum.

142. Auctor Constitutionum Apostol. I. IV. c. 18. *Impios hæreticos, inquit, respicere nolentes deducite, & a fidelibus separate, & Ecclesia Dei palam expellite.* Porro cap. 10. diversa hæreticorum genera enumerans, *Quidam eorum, inquit, docent non esse nubendum, & abstinendum esse a carne, & vino. . . . Alii vero ex iis aiebant, sola suilla abstinendum, comedenda, quæ secundum legem immunda habentur; circumcisionem ex lege usurpandam. . . . Atque hi omnes sunt Diaboli instrumenta, & filii iræ (a).*

143. S. Cyprianus in libro de *Unit. Ecclesie* totus est, ut hæc veritatem demonstret, imo hæreticos esse ab Ecclesia præcisos docet. *Nec perveniet, inquit, ad Christi præmia, qui relinquit Ecclesiam Christi. Alienus est, profanus est, hostis est. Habere jam non potest Deum patrem, qui Ecclesiam non habet matrem. Si potuit evadere quisquam, qui extra arcam Noe fuit, & qui extra Ecclesiam foris fuerit, evadet. Eademque pene phrasi S. Augustinus usus Lib. IV. de *Symb. ad Catechum.* cap. 13. Si*

*quis, inquit, absque Ecclesia inventus fuerit, alienus erit a numero filiorum: nec habebit Deum patrem, qui noluerit Ecclesiam habere matrem. Et similia sæpe repetit.*

144. Longum esset dicere de aliis Ecclesie Patribus subsequentiis, nec admodum necessarium, cum Iulius ipse concedat, jam tertio sæculo hæc opiionem, quam crudelem, absurdamque vocare illi placet, in Africa invaluisse inter Rehabaptizantes, unde in Asiam penetrasse contendit, ideo enim ( ut recte idem Iulius observat ) Cyprianus, Firmilianus, alique Hæreticorum baptismum nullum esse existimabant, quia pro certo habebant eos extra Ecclesiam esse (b); & alibi liberter S. Augustinus nobis concedit, eundem ab errore sui sæculi deceptum esse, commissens.

145. Unus tamen addendus est S. Hieronymus, in quo aliquid sæ causæ præsidium sibi Iulius advenisse visus est: at quam immerito vel ex eo solo apparet, quod in *dial. adv. Luciferianos* Hæreticorum sectas appellet *Antichristi Synagogas.*

146. Sed & illa distinctio articulorum fundamentalium, & non fundamentalium ad mentem Iulii nedum commentitia est, post 17. sæcula primum audit, sed etiam sanctis Patribus contraria, a quibus sine ullo discrimine omnis hæresis condemnatur. Et ulterius nulla certa regula constituit hætenus potuit, qua sine omni controversia articulorum fundamentalium catalogus constitueretur. Quos enim Iulius ex. grat. articulos Trinitatis personarum, Divinitatis Verbi, Christique satisfactionis in fundamentalibus ponit, eosdem Sociniani post Sabellium, Arium, Photinum, a Religione Christiana penitus explodunt. Episcopus autem, alique non pauci indifferentes esse contendunt, ut possit quilibet in iis iudicio, & arbitrato suo optuari. Atque isti postremo sibi ipsis, quisque principiis magis consentanei sunt. Si enim tolerandi sint errantes in articulis minus principalibus, quia humanum est errare, non minus ceteri omnes tolerari debebunt, qui humana fragilitate in dogmatibus gravius errant, cum neminem agnoscat horum dogmatum iudicem infallibilem præter divinas litteras, quas quilibet privato suo iudicio recte intelligere credit. Et ita inventa semel hæc tolerantia, nulla jam erunt errorum monstra, quæ æquo jure sibi asylum in Ecclesia, & tolerantiam non vident.

147. Obj. 2. ( & hoc est potissimum Jarii fundamentum ). Hæretici sunt Ecclesie membra, quod colligitur primo ex parabola zizaniorum, quæ inimicus homo bono semini supersemavit in agro Domini, Matth. XIII. Nomine enim agri ve-

(a) Constit. Apost. Auctor communiter Sæc. III. floruisse putatur. Vid. Nat. Alexander Diss. XVII. in Sæc. I.

(b) S. Basiliius ep. 188. ad Amphiloichium can. 1.

inquit: *Vissum est antiquis, Hæreticorum quidem baptismum penitus rejicere; Schismaticorum vero, ut adhuc in Ecclesia existentium admittere.*

venit Ecclesia, quemadmodum Catholici contra Donatistas cum S. August. explicauerunt (a): nomine autem zizaniorum veniunt Hæretici, quemadmodum S. Hierony., & Chrysostomus, in hunc locum commentantur. Secundo idipsum colligitur ex Apostolo 2. ad Tim. II. 20. ut dicit: *In magna domo non solum sunt vasa aurea, & argentea, sed & lignea, & fictilia, & quædam quidem in honorem, quædam autem in contumeliam.* Porro domus significat Ecclesiam, quemadmodum S. Cyprianus epist. 51. & 52. S. Augustinus Lib. VII. contra Donat. c. 51. aliique interpretantur; vasa autem fictilia, & lignea quid aliud sunt, nisi hæretici? de iis enim paullo ante Apostolus dixerat: *Sermo eorum, ut cancer serpit, ex quibus est Hymenæus, & Philetus, qui a veritate exciderunt.* Si autem Hæretici sunt in Ecclesia, tolerari possunt, & debent.

148. Resp. Nostra parum interesse, quantum ad præsentem quæestionem cum Tolerantibus attinet, siue Hæretici dicantur in Ecclesia esse, siue non, dummodo tamen concedatur, eos, quando Ecclesiæ definitionibus humiliter colla subdere renuunt, nullatenus salutem consequi posse. Hoc enim est potissimum nostræ controversiæ caput cum tolerantibus, an liberum unicuique sit, citra piaculum, & salutis dispendium, spreta Ecclesiæ definitione, quam mavult, sententiam sequi. Liberum autem non esse ex iis ipsis parabolis, & figuris eruiur, quibus Adversarii contra nos abutuntur. Si enim Hæretici sunt zanzia, *alligabuntur tandem in fasciculos ad comburendum*: si sunt vasa lignea, & fictilia, *sunt vasa in contumeliam, vasa iræ apta in interitum* Rom. IX. 21., & 22. Hinc recte observavit Nicolius (de l'unité de l'Eglise Lib. 2. c. 1. & 4.), quæestionem esse de solo nomine, si quis tantum contendat, hæreticos manifestos aliqua ratione esse in Ecclesia, quemadmodum certum est, in ea esse hæreticos occultos, & peccatores. Quæstio autem, quæ nobis cum Tolerantibus est, non de solo nomine, sed gravissima, & capitalis dici debet; quia isti contendunt, ita hæreticos quosdam pertinere ad Ecclesiam, ut etiam in hæresi contumaces perseverent, possint nihilominus salutem consequi.

149. Ceterum vehementer errant Adversarii vel in hoc ipso, quod Hæreticos apertos, & contumaces in Ecclesia esse contendunt; quod ex neutro sacrarum litterarum loco conficitur; nam in parabola zizaniorum *ager* secundum Christi Domini explanationem est *mundus* (v. 38.). Quod si aliqui Sancti Patres, vel interpretes per agrum intellexerunt Ecclesiam, iidem postea zizaniorum nomine intellexerunt non hæreticos, sed peccatores, quos contra Donatistas esse in Ecclesia contendeant. Ita expresse Sanctus Augustinus locis

citatis, & alibi. Non absimiliter Sancti Cyprianus, & Augustinus cum nonnullis aliis per magnam domum intelligunt Ecclesiam, sed per vasa lignea, & fictilia peccatores interpretantur; non hæreticos, quos extra domum, seu Ecclesiam esse ponunt. Audiat ipse S. Augustinus (Lib. XIII. contr. Donat. c. 51.): *Ex hoc numero innumerabili non solum turba intus premens cor paucorum in tantæ multitudinis comparatione sanctorum, sed etiam disruptis rebus hæreses, & schismata existunt in eis, qui jam magis ex domo, quam in domo esse dicendi sunt; de quibus dicitur 1. Joann. II. 19. Ex nobis exierunt, sed non erant ex nobis &c.*

150. Quod si alibi S. Pater (nempe Lib. IV. contra Donat., cap. 12.) aut alii quandoque dicunt, hæreticos esse in Ecclesia, vel id intelligendum est de hæreticis occultis, vel si de hæreticis manifestis est dictum, accipiendum id est latiori quadam significatione, quatenus hi etiam propter baptismum, & fidem in Christum Dominum aliqua ratione valde remota ad Ecclesiam pertinent; qua distinctione nonnulla Sanctorum Patrum loca, quæ secum pugnare videntur, facillime conciliantur.

151. Dices. Contra Cyprianum, & Afros rebaptizantes tandem fuit definitum, Hæreticorum baptisma esse validum; atqui Apostolus Paulus eodem modo dicit, unum esse in Ecclesia baptismum, quo una fides est: *Unus Dominus, una Fides, unum Baptisma* Eph. IV. 5. erit ergo etiam valida eorum fides. Præter S. Augustinus Lib. I. de Baptismo frequenter repetit, ideo baptizatos ab Hæreticis non esse iterum baptizandos, quia Ecclesia illos parit; si ergo Hæreticorum sæcra possunt Christo filios generare, sunt ipsius sponsæ: si autem sponsæ, pertinent ad ipsius corpus, quod salvandum esse Apostolus tradidit Ephes. V. 25.

152. Resp. ad 1. Baptismus Hæreticorum esse validum, quia idem prorsus est, ac baptismus Catholicorum; ut enim dicit S. Aug. Lib. II. cont. Epist. Petilian. c. 27. baptismus neque istorum, neque illorum est, sed Christi, in utrisque unum, *quævis ipsi non sunt unum.* Fides contra Hæreticorum non est una, quia non credunt, quod Christus Ecclesiæ revelavit, & Ecclesia suis filiis credendum tradit.

153. Ad 2. Observo, idem fuisse olim S. Augustino a Donatistis obiectum Lib. I. de Baptismo capit. 10. ut inde concluderent, se habere Ecclesiam matrem, quæ filios potius de Christi baptismo generare: cui difficultati ita S. Doctor respondit: *Quasi vero (secta Donati) ex hoc generet, unde separata est, & non ex hoc, unde conjuncta est. Separata est enim a vinculo charitatis, & pacis, sed juncta est in uno baptismo..... Ecclesia generat & per uterum*

(a) In Brevecolo collationis cum Donatistis Collat. diei tertie c. 8. & 8. tum Lib. II. Cont. Cresconium c. 34. & alibi Tomo IX.



nam, & per uteros ancillarum ex iisdem Sacramentis, tanquam ex viri sui semine; & infra cap. 15. *Ecclesia omnes per baptismum parit, sive apud se, ilest ex utero suo, sive extra se, de semine viri sui, sive de se, sive de ancilla.* Quanquam autem S. Augustinus una cum Ecclesia Catholica docuit, valere baptismum ab hæreticis rite collatum, nunquam tamen ait illud, aut ullus Catholicus existimavit, licite ab eis conferri, vel licite aliquem posse, nisi urgente necessitate, apud eos baptismum recipere; unde asperius dixerat (capit. 1.) *Sicut non recte foris habetur, & tamen habetur, sic non recte foris datur, & tamen datur.* Excipit solum (capit. 2.) eum hominem, quem forte coegerit extrema necessitas, ubi Catholicum, per quem recipiat, non invenit.

154. Ceterum nec illud prætereundum existimo, quod si huiusmodi argumentum, cui multum fidei Juris, aliquid valeret, id valeret quoque, ut colligeremus, Hæreticos quoscunque, etiam in articulis fundamentalibus errantes; quin & Judæos, & Paganos, & Atheos ipso in Ecclesia sinu, atque in salutis via esse; quia baptismus etiam ab ipsis utroque inpiissimis collatus, ratus, & validus semper habitus fuit; quam tamen consuetudinem Juris minime probat.

155. Obj. 2. S. Paulus 1. Corinth. III. 11. & seq. *Fundamentum aliud, inquit, nemo potest ponere præter id, quod positum est, quod est Christus Jesus. Si quis autem superedificat super fundamentum hæc, aurum, argentum, lapides pretiosos, ligna, fœnum, stipulam, unuscujusque opus manifestum erit. . . . & unuscujusque opus, quale sit, ignis probabit. . . . et cuius opus arserit, detrimentum patietur, ipse autem salvus erit, sic tamen quasi per ignem.* Ex quo loco sic Juris colligit: Superedificantes super fundamentum Christi, sunt Doctores; aurum, argentum, & lapides pretiosi sunt doctrinae veræ; ligna vero, fœnum, & stipulae sunt doctrinae erroneæ; atqui S. Paulus superedificantes ligna, fœnum, & stipulam dicit salvandum esse, sic tamen quasi per ignem; ergo &c. Addunt aliqui & illa verba Rom. XIV. 5. *Unusquisque in suo sensu abundet;* quibus amplam unicuique concessam esse volunt facultatem de Religione sentiendi, prout maluerit.

156. Resp. Teste S. Augustino (a) locum hunc esse obscurum, & intellectum difficilem; unde variae de eo ortæ sunt explanationes. Duae autem sunt præcipuæ, quas S. Thomas ex veteribus Ecclesiæ Patribus deprempsis exhibet *Comment.* in hunc loc. Ies. 2. Prima est, ut per ligna, fœnum, & stipulam intelligantur peccata venialia, quæ igne purgari debent, a salute tamen ho-

minem non impediunt. Altera autem, ut per homines superedificantes ligna, fœnum, & stipulas, ii intelligantur, qui fidei ab Apostolis fundatæ superaddunt in doctrina sua aliqua multa, & quæ non sunt manifesta, nec veritatis ratione firmantur, sed sunt vana, & inania. Porro homines superedificantes ligna, fœnum, & stipulas, hæreticos esse non posse, vel ex eo solo liquet, quod isti non ædificant super fundamentum Christi, quin potius errores suos pertinaciter defendendo, ipsum Christi fundamentum concitant evertere.

157. Resp. ad 2. Apostolus non permittit, nunquamque abundare in proprio sensu, ubi agitur de dogmatibus fidei, sed vel in rebus adia-phoræ, vel potius, ut explicat Estius, insinuare voluit, eos esse tolerantos, qui ex Jodæis ad fidem conversi adhuc legem Moisaicam in delectu ciborum observabant, donec plenus de ejusdem legis abrogatione instruerentur. Hæc explicatio coheret cum verbis antecessitibus: *Is, qui manducat, non manducantem non spernit, & qui non manducat, manducantem non judicat.*

158. Obj. la celebri schismate decem tribuum Israel semper fuerunt Sancti, & Prophætæ, ut Elias, Eliseus, alique, quanquam isti neque ascendentes in Jerusalem, ut adorarent in templo, neque cum tribu Juda communionem servarent; ergo etiam extra Ecclesiam possunt esse sancti &c.

159. Resp. Eos, qui inter schismaticas tribus sancti fuerunt, neque in idolatriam fuisset lapsos, neque schismati adhaerisse, nam de iis dixit Deus Lib. 5. Regum XIX. 18. & Roman. XI. 4. *derelinquam mihi in Israel septem millia virorum, quorum genus non sunt incurvati ante Baal.* Neque eos etiam schismati adhaerisse, hinculenter patet exemplo Elisei, qui, ut colligitur ex Lib. 4. Regum III. cum Josaphat Rege Juda potius communicabat, quam cum Joram rege Israel, cuius tamen subditus erat; unde Joram eum consulenti respondit vers. 14. *si non vultum Josaphat regis Judæ, erubescerem, non attentissem quidem te, nec resperissem.* Quod si isti viri pii, & justi in Jerusalem quotannis, rege Israel prohibente, non ascendebant, credendum est, eos ab hoc præcepto, quod nonnisi positivum erat, fuisse a Deo dispensatos (b).

160. Obj. 4. In Ecclesia Judaica erant variae sectæ Sadducæorum, Phariseorum &c. omnes toleratæ; de iis enim Josephus sic ait (c). *Sadducæorum vero doctrina facit, ut animæ cum corporibus intereant. . . . Eorum opinioni suffragantur pauci, sed dignitate primi. Hegesippus autem dicit, septem fuisse apud Judæos sectas, quæ nec resurrectionem, nec futurum Christi adven-*

(a) De Fide & operibus cap. 15. & 16. Quæst. 1. ad Dilectum, & Enarrat. in Psalm. VIII.

(b) Vid. Bossuetus seconde Instruction Pastorale sur les promesses num. 79. & seq.

(c) Lib. XVIII. Antiquit. Judaicæ, c. 1. Vid. etiam Lib. XIII. cap. 5.

tum, ut unicuique pro meritis mercedem tribuat, credebant (a).

161. Resp. Saduceos, aliosque hæreticos minime fuisse toleratos in Republ. Judaica, quantum ad eorum doctrinam. Quamobrem Josephus ipse mox allegatus ita pergit: *Si quando magistratus gerunt iusti, & necessitate coacti, Phariseorum opinionum assentiantur, quod eos aliquando non ferret populus.* Et Rabbi Manasse Ben Israel in primo suo libro de resurrectione testatur, ab antiquis Iudeis eos, qui animæ immortalitatem negabant, non fuisse inter Israelitis reputatos. Tolerantia itaque illa erat mere civilis, non theologica. Quod si hæc tolerantia sufficeret, inde probaretur, etiam tolerandam esse idololatram; quandoquidem non pauci, nec tam raro inventi inter Hebræos sunt nefandissimi huius criminis rei.

162. Obj. 5. In exordio nascentis Ecclesiæ plurimi erant Judaizantes, ut Nazareni, alique contemdes, observantiam legis Moisaicæ esse ad salutem necessariam, contra ac in Concilio Hierosolymitano definitum fuerat: at vero nihilominus hi fuerunt ubique tolerati; imo testatur Eusebius lib. IV. *Hist. Eccl.* cap. 5. primos quindecim Hierosolymitanæ Ecclesiæ Episcopos ex circumcissione fuisse. Id porro non alia ratione explicari potest, nisi quia huiusmodi error fundamentalis non erat.

163. Resp. cum S. Thoma 1. 2. quæst. 105. art. 4. ad 1. tria tempora circa legalium observationem distinguenda esse, prout ea S. August. distinguit epist. 82. alias 19. *unum quidem ante Christi passionem, in quo legalia neque erant mortifera, neque mortua: aliud post tempus Evangelii divulgati, in quo legalia sunt mortua, & mortifera: tertium autem est tempus medium, scilicet a passione Christi usque ad divulgationem Evangelii, in quo legalia quidem fuerunt mortua, quia neque vim aliquam habebant, neque aliquis ea observare tenebatur; non tamen fuerunt mortifera, quia illi, qui conversi erant ad Christum ex Iudeis, poterant illa legalia licite observare, dummodo non sibi ponerent spem in eis, quod ea reputarent sibi necessaria ad salutem, quasi sine legalibus Fides Christi justificare non posset.* Posita hæc eximia duorum Ecclesiæ luminum Augustini, & Thomæ doctrina, patet, in exordio Ecclesiæ eos fuisse toleratos, qui legis caeremonias ad sufficientem usque Evangelii prædicationem ita observa-

runt, ut tamen eas ad salutem necessarias esse non dicerent.

164. Porro in Concilio Hierosolymitano fuerat quidem definitum, Gentiles ad legis observationem non teneri, non autem fuerat legis observantia interdicta (b). Quando autem universæ Ecclesiæ consensus observatio legalium damnata est, nemini amplius citra piaculum id facere licuit: quamobrem S. Hieronymus epist. 112. al. 59. ad S. Aug. *Quicumque eas (caeremonias) observaverit sive ex Iudeis, sive ex Gentilibus, cum in barathrum diaboli devolutum dicitur.*

165. Eusebius autem primos quindecim Hierosolymorum Episcopos fuisse quidem ex circumcissione refert, hoc est ex Iudeis conversis, ex quibus solis ferme tota Hierosolymitana Ecclesia primo illo tempore constabat, nihil autem addit, quo probetur, illos simul cum Evangelio legis caeremonias inmiscuisse.

166. Obj. 6. Constat historia Ecclesiastica, olim fuisse a Theophylo Alexandrino evectum ad Episcopatum Ptolemaidensem Synesium quemdam, philosophum quidem præstantissimum, sed religione semipaganum; censebat enim, animas corporibus præexistere, mundum æternum futurum, nullamque esse sperandam corporum resurrectionem. Hæc de se ipso fasus est in pluribus epistolis (c). Hæc eadem etiam referunt Evagrius Lib. I. *Hist. Eccl.* cap. 15., Nicephorus, & Photius.

167. Resp. Synesium, quando ad Episcopatum evectus est, fuisse quidem nonnullis Origenianis erroribus implicitem, qui ea tempestate, Origene nondum damnato, tolerabantur; non autem ulla heresi a Catholica Ecclesia sejunctum. Nam quantum ad resurrectionem mortuorum, non eam penitus negasse, sed potius singulares aliquas opiniones circa eam habuisse videtur: *Decantant illam resurrectionem; inquebat: sacrum quidpiam, & arcanum arbitror, longeque absum a vulgi comprobandis opinionibus.* Ceterum mirandum non est, si difficillimis illis rebus Imperii temporibus Ecclesia usa sit quadam œconomia in huius Episcopi electione, ex cuius ingenio, præclarisque virtutibus, multa bona jure sperabat, ut rerum ostendit eventus. Photius in Bibliotheca Cod. XXVI. tradit, Synesium, simul atque Episcopum creatum est, resurrectionis etiam doctrinam credidisse (d).

168. Obj. 7. S. Augustinus Epistol. XLIII. al. 192.

(a) Apud Eusebium Lib. II. *Historia Eccles.* cap. 23.

(b) Act. XV. 28. & seq. S. Justinus in *Dial. cum Tryph.* Thophoni interroganti, an qui in Christum credit, unaque legalia observat, salvus esse possit, ita respondet: *Ut mihi videtur, mi Trypho; ego fore, ut sciretur quisquis talis est: modo ne ceteris, hoc est illis, qui per Christum a gentium errore circumcisi sunt, omnino persuadere contendat, nullam salutem sperandam esse non observantibus, quod tu sonabaris ini-*

quo nostri colloqui, pernegans, me salutem asserentem, ni ista servavero.

(c) Præcipue in epistola 105. ad fratrem suum Eutopium, & 66. ad Theophilum Edition. Parisiæ an. 1612. a Petavio factæ græco-latine.

(d) Baronius ad an. 410. putavit, hæc omnia fuisse a Synesio de seipso arte conficta, ut Episcopalia munera omnes declinaret. Sed enim constat Locas Holstenius in *Dissert. De Synesio, & de fuga Episcopatus.*

192. ad Gloriam Qui sententiam suam, inquit, quamvis falsam, atque perversam, nulla pertinaci animositate defendunt, præsertim quam non audacia presumptionis suæ pepererunt, sed a seculis, atque in errore lapsis parentibus acceperunt, querunt autem cauta sollicitudine veritatem, corrigi parati, cum invenerint, nequaquam sunt inter hæreticos deputandi: potest ergo aliquis, Augustino teste, ab Ecclesia citra piaculum dissecari, dummodo id pertinaci animositati non faciat, paratus corrigi, cum invenerit veritatem.

169. Resp. cum S. Thoma 1. 2. quæst. 2. art. 2. ad 3. hujusmodi errantes, de quibus S. Augustinus loquitur, non esse eos, qui Ecclesie definitionibus pertinaciter repugnant, quos communiter vocamus hæreticos formales, sed eos, qui errant in articulis nondum ab Ecclesia determinatis, vel qui Ecclesie definitionem invincibiliter ignorant; hos enim esse ignorantia invincibili excusatos, nemo Catholicorum dubitat, quamvis in quibusdam proprie sit hæc invincibilis ignorantia, non ita facile est determinare. Id plane constat ex certissimis ejusdem Sancti Patris principiis, Libro enim IV. de Baptismo capite 16. proposito exemplo duorum sequentium errorum Photini, quorum alter ignoret definitionem Ecclesie, alter probe sciat, de primo ait: *Istum nondum hæreticum dico, nisi manifestata sibi doctrina Catholice fidei resistere maluerit ... Itaque in hoc sola falsa opinio, in illo autem etiam divisio corrigenda est (a).* Ignorantia porro in iis invincibilis non est, quibus non innotuerit, se esse in quadam secta, quæ a Catholica, Romanaque Ecclesia se sejunct, in ea tamen permanere eligant: vel quod rem diligenter discutere nolunt examinis difficultate repulsi; vel quod sibi falso persuadent, quamlibet Religionem esse æqualiter Deo acceptam, nec vitio homini deputandum esse, si in articulis non fundamentalibus erret. Si enim, ut in re tanti momenti necesse est, inplorata Dei ope, omnique præsumptione, ac superbia affectu semoto, omnem ad veritatem inquirendum operam, curamque impenderit, non dubito, quin Deus gratia sua præsto eis futurus sit, ne fallantur.

170. Obj. 8. Socrates Libro VII. Hist. Eccl. cap. 41. de Proclo Constantinop. Episcopo hæc

habet: *Ipsi propositum erat parvi facere, si quia de Deo aliter, quam ipse sentiret.*

171. Resp. Hoc est, ut paulo ante idem Socrates dicit. *Proculus ergo omnes placidus fuit, dum hæreticos hac ratione potius, quam vi ad rectam fidem adducere studeret. Cum enim nullam omnino hæresim exagitare insitisset, mansuetudinis dignitatem integram servavit, ac veluti depositum quoddam Ecclesie restituit.* Contra ac fecerat ejus prædecessor Ariens, qui interduum terribilem se hæreticis exhibebat. Hæc autem non indicant tolerantiam theologiam, sed prudentem œconomiam.

172. Dices: Durum, & inhumanum est, infinitam propemodum hominum multitudinem ex ea solum condemnare, quod a Catholica Ecclesia, errore ineutis, cordis tamen simplicitate dissentiant, quorum plurimi fide, charitate, & veri Evangelii zelo pleni sunt. Ulterius, si Deus non visum unam esse Religionem voluisset, easdem omnibus circa eam ideas judicasset, sicut in Arithmetica fecit; ita ut quemadmodum in numerorum calculis, ita etiam in Religiosis negotiis omnes convenirent. Accedit, in nostra libertate non esse, has potius, quam alias in vobis ideas gigui; tyrannicum autem esset, si Deus propter eam Religionis ideam homines damnaret, quam habere, vel rejicere in eorum potestate non est (b).

173. Resp. In hujusmodi quæstionibus non esse nimium rationi fidendum; sed illud tenendum, quod sacris litteris, sanctorumque Patrum traditioni conformius est: neque inhumanum, aut crudele sine blasphemia appellari potest, quod ex inscrutabili divinorum judiciorum abyso certo constat esse constitutum. Et sane, si ita liceret colligere, multa alia dogmata posset impune negari, ut peccati originalis transfusio in omnes homines, penarum æternitas, aliaque id genus, quæ fide credimus, ratione autem comprehendere non valeamus. Apostolus Paulus inter opera carnis, quæ a regno Dei excludunt, etiam hæreses, & sectas recenset ad Gal. V. 26. Apostolo tota consensit Ecclesie traditio: hoc sufficit, ut id certo certius esse credamus, ut ut incomprehensibile sit.

174. Quod autem additum est, plurimos ab Ecclesia Catholica dissidentes charitatem habere, si de iis, qui scienter, & pertinaciter dissent, in-

Observat etiam Nat. Alexander in Sac. V. cap. IV. art. 1. lapsos esse Evagrium, & Photinum, qui Synesium Episcopum Cyrenensem fecerunt, fuit enim patria quidem Cyrenensis, sed Episcopum Ptolemaidis. Vid. P. Hist. Critique de l'Ecclesie, ou des nouveaux Platoniciens, ubi Tomo I. pag. 161. & seq. auctor evincere nititur, Synesium non prius fuisse baptizatum tunc, & ad Episcopatum eledum, quam ethnicas opiniones ejurasset.

(a) Multa alia S. Patris loca afferri possent; sed non sunt præmittenda, quæ habet in Lib. XVIII. de

Civitat. Dei cap. 51. Tomo VII. Quæ ergo in Ecclesia Christi morbida aliquid, novumque capiunt, si correpi, resistunt contumaciter, itaque pestifera, & mortifera dogmata emendare nolunt, sed deservare peristant, hæretici fiunt, & foras exeuntes habentur in exercitiis inimici.

(b) Ita Jo. Ger. Noodt Prof. Leydensis in Sermone de Felig. ab imperio jure gentium libera, quem gallice vertit Barbeyracus sub tit. Disc. sur la liberté de conscience.



intelligatur, tam falsum est, quam quod maxime. *Caritatem*, inquit S. Aug. de *Symbolo* c. 11. non habent, qui ab Ecclesiæ Catholicæ communionis præcisi sunt: & iterum Lib. III. de Baptismo. c. 16: quodlibet hæretici, & schismatici accipiant; & charitas, quæ operis multitudinem peccatorum, donum est Catholicæ unitatis, & pacis. Et ante eum S. Cyprianus de schismaticis loquens, inquit (de unitate Ecclesiæ): Ardeant licet flammis, & ignibus traditi, vel obiecti bestiarum animas suas ponant, non erit illa Fidei corona, sed pænis perfidiae; nec religiosæ virtutis exitus gloriosus, sed desperationis interitus. Occidi talis potest, coronari non potest.

175. Ultimum, si quid probat, tolerantiam universalem inducit, non solum omnium Hæreticorum, sed etiam Indæorum, Gentilium, atque ipsorumum Atheorum. Sed facile est respondere, Deum, quamvis noverit, in Religionis negotio talem esse evidentiam, qualis in Arithmetica theorematibus invenitur, ut nemo vel volens refragari posset, tantam tamen perspicuitatem in ea constituisse, quæ ad hominem suæ salutis sollicitum plene convincendum sufficeret, ut proinde iis merito possit visum veriti, qui non credant. Nihil vero magis falsum, quam in nostra potestate non esse, Dei gratia opulante, recte de Religione sentire. Utatur homo ea, quæ par est in re tanti momenti diligentia, & nullus dubito, quin Dei auxilio, erroribus expolis, veram, & unicam Religionem cognoscet, sancte amplectetur, & conservabit.

176. Obj. ultimo. Etiam in Ecclesia Rom. infinita propemodum sunt circa fidei dogmata dissensiones, & controversiæ. Nam primo variæ, sibi quæ adversæ sunt scholæ, Augustinianorum, Thomistarum, Scotistarum, Molinistarum; deinde vel ipsi unitis scholæ asseclæ haud raro inter se vellementer pugnant, & tamen id sine illo salutis dispendio fieri posse, putatur. Quidni eadem quoque indulgentia Heterodoxis in articulis levioris momenti concedatur?

177. Resp. In eo positum esse magnum discrimen, quod inter Catholicos salva fidei unitate de illis disputare licet, quæ Ecclesiæ definitione nondum determinata sunt, dummodo id fiat non partium studio, sed veritatis amore, non verborum acrimonia, animorumque offensione, sed charitatis officio servato; & cum ea animi dispositione, ut omnis controversia cesset, semel ac Ecclesiæ oraculum prolatum fuerit. At vero tolerantæ effrenem sibi licentiam postulant; cum ea etiam se in controversiam vocare posse præsumunt, quæ infallibili Ecclesiæ definitione rata, & firma,

jam sunt. Quæ licentia si daretur, nulla jam essent fidei dogmata utut capitalia, quæ par jure in controversiam vocari non possent. Quomodo enim Socinianum persuaderemus, Trinitatis mysterium dogma esse capitale, qui illud plane articulum Fidei esse negat? Atque aperta semel hæc porta, eo usque tolerantismus excurreret, ut quælibet secta nedom Christianorum, sed & Judæorum, Mahumetanorum, atque ipsorum Gentilium tolerari debeat. Sed de his hæcenus.

### DISSERTATIO III.

*Demonstratur, Ecclesiam esse legitimam, supremam, & infallibilem Fidei controversiarum judicem.*

1. Hæc est disputatio cum Hæterodoxis omnium maxima; si enim contra ipsos evicerimus, Ecclesiæ esse supremam, & infallibilem omnium Fidei controversiarum judicem, jam veluti uno idæ multorum capitum hydra de medio tollitur; omnes enim, quæ nos inter, & ipsos dissipationes videntur, cessare necesse est, si Ecclesiæ iudicium audire non detrectaverint. Hinc celebris illa inter Bossuetum, & Jo. Claudium collatio circa hoc unum punctum versata fuit: ex eo enim omnes aliorum certa quadam ratione dependent. Ut autem hæc materia, quæ summi momenti est, ordinatè, & perspicue pertractetur, in variâ capita dividenda erit; & primo, quid nomine Ecclesiæ veniat, explicandum est.

### CAPUT I.

*De nomine, & definitione Ecclesiæ.*

2. Ecclesia, si vim nominis græci *ἐκκλησία*, vel *ἐκκλησία*, unde *ἐκκλησία* dicta est, attendamus, significat hominum convocationem, seu aggregationem, vel cætum; ac proinde quæcumque hominum congregatio, in eo etiam cætus malignantium vocatur Ecclesia, ut in Ps. XXV. 5. A nobis tamen hoc loco Ecclesia sumitur pro cætu populi fidelis; & quidem generaliter, prout omnes Ecclesiæ particulares unam, eamque universalem constituent: quo sensu dicimus in Symbolo Apostolorum: *credo. Sanctam Ecclesiam Catholicam.*

3. Hoc sensu sumpta Ecclesia olim definiti solebat congregatio, vel collectio fidelium (a). Quamobrem Melchior Canus Lib. IV. de locis theol. cap. 2. probat illam definitionem traditam a Nicolao Papa, scilicet Ecclesiam esse Catholicorum collectionem; quia hæc definitione excluduntur ab Ecclesia infideles nondum baptizati; &

(a) Ita S. Thomas Lib. contra Gentes cap. 98. loquens de Ecclesia, quæ, inquit, in fidelium collectionem consistit; & in IV. Sententiarum Dist. 20. quest. 2. art. 4. ipsam vocat congregationem fidelium, iuxta

& Catechismus Rom. Part. I. cap. 6. de novo Symbolo li. art. militans Ecclesia, inquit, est cætus omnium fidelium, qui adhuc in terra vivunt.



mo & hæretici, quos Ecclesie partes non esse, non modo communis Scholasticorum Theologorum, sed etiam S. Cypriani, Augustini, & Gregorii Papi, ac duorum generalium Conciliorum Lateranensis, & Florentini inconcussa sententia est. Et certe, ut bene adyerit laud, mox Melchior Canus, absurdum est, qui Catholice Ecclesie partes non sint, hos Ecclesie Christi partes asserere.

4. Quamquam vero hæc Ecclesie definitio accurata, & sufficiens olim habita fuerit, pro maiore tamen perspicuitate, atque ut magis aperte vera Ecclesia Christi ab Hæreticorum, vel Schismaticorum communionibus seungeretur, modo ab omnibus fere adoptata est definitio Ecclesie a Bellarmino L. III. de Ecclesia militante c. 2. tradita, ut sit *cætus hominum ejusdem Christianæ fidei professione, & eorundem Sacramentorum communionis colligatus, sub regimine legitimorum Pastorum, ac præcipue unius Christi in terris Vicarii Romani Pontificis (a).*

5. Hæc definitio, ut patet, non nisi Ecclesiam in terris militantem designat, de qua sola nobis in præsentiarum cum Protestantibus controversia est, non autem regnauit in cælis, quæ proprie est cætus ille clarissimus, & felicissimus beatorum spirituum, & eorum, qui de mundo, de carne, de iniquissimo dæmone triumpharunt, & ab hujus vitæ molestiis liberi, ac tui æternæ beatitudinis fruuntur. Ita Catechismus Rom. P. I. de nono Synb. art. num. 5. qui etiam scite observat, non duas has esse Ecclesias, sed ejusdem Ecclesie partes duas: quarum una accessit, & cælesti patriæ jam potitur; altera in

diebus sequitur, donec aliquando cum Salvatore conjuncta in sempiterna felicitate conquescat.

6. Observat insuper idem Catechismus, in Ecclesia militante duo esse hominum genera, bonorum, & improborum; & improbi quidem eorumdem Sacramentorum participes, eandem quoque, quam boni, fidem profiterentur, vitæ, ac moribus dissimiles: boni vero in Ecclesia dicuntur ii, qui non solum fidei professione, & communione Sacramentorum, sed etiam spiritui gratiæ, & charitatis vinculo inter se conjuncti, & colligati sunt (b).

7. Hinc patet, interam charitatem, & sanctitatem ad veram Ecclesiam pertinere; imo ejusdem Ecclesie quasi animam, & spiritum; nulla tamen ejusdem charitatis mentio in tradita definitione facta est, ut nempe posset omnibus ejusdem membris accommodari. Atque, ut verum fateamur, ea definitio non totam Ecclesiam, essentialiter complectitur, sed tantum eam partem, quæ visibilis est, eam, ut ita dicamus, ipsam Ecclesie corpus, de quo maxime solliciti esse debemus, ubi agitur de Ecclesie auctoritate, cui obtemperare tenemur: hæc enim visibilis esse debet, quod aliquanto operosius ostendamus.

## CAPUT II.

Vera Christi Ecclesia debet esse visibilis.

8. Id primo variis figuris sacre litteræ exprimitur; modo enim Ecclesiam designant nomine montis in vertice montium omnibus conspiciui, ad quem fluent omnes gentes Isaia II. 2. modo

100-

plura de hac definitione Ecclesie desiderat, adeat Tomassinum in Tract. de Ecclesia Quest. I. art. 2. & clariss. P. Antonia. Valsecchi in egregio Libro recens Patrum vulgato 1787, in 4. cui titulus *Verità della Chiesa Romana*, cap. 1.

(b) Notandum autem est (Bellarmin. supra laud. subdit) ex Augustino in Breuicollationis tertia, Ecclesiam esse corpus vivum, in quo est anima, & corpus: & quidem anima sunt interna dona Spiritus Sancti, fides, spes, charitas &c. Corpus autem externa professio fidei, & communicatio sacramentorum, ex quo fit, ut quidam sint de anima, & de corpore Ecclesie; & proinde uniti Christo, cupiti interius, & exterius; & tales sunt perfectissime de Ecclesia; sunt etiam quidam membra viva in corpore. Rursum aliqui sint de anima, & non de corpore, ut Catechumeni, vel excommunicati, si fidem habuerint, & charitatem, non fieri possunt. Denique aliqui sint de corpore, & non de anima, ut qui nullam habent internam virtutem, & tamen spe, aut timore aliquo temporali proficiunt fidei; & in sacramentis communicant sub regimine Pastorum; & tales sunt sicut capilli, aut ungues, aut nudi humores in corpore humano. Hæc posita doctrina facillime conciliantur illa loca S. Aug. in quibus dicit, peccatores esse extra Ecclesiam, cum hi, quibus asserit, eos esse in domo Dei, & intra Ecclesiam. Nimirum non pertinent ad Ecclesie animam, pertinent tamen ad corpus.

(a) Jo. Lannois Part. VIII. epist. 13. ad Nicol. Gattinur ostendere conatus est, hanc Bellarmini definitionem fuisse veteribus prorsus ignotam; & omnes Ecclesie definitiones a veteribus traditas, improbo, ut ille solebat, labore collegit, incipiendo a S. Justino, usque ad Canisii tempora, a quo primum inentionem factam fuisse dicit regimini Pastorum, ac præcipue Rom. Pontificis; cum antea Ecclesia fuerit semper definita breviter, & simpliciter cætus, seu congregatio fidelium. Pace tamen Lannois S. Ignatius in epist. ad Trallianos cap. 3., postquam nominasset Diaconos, Presbyteros, & Episcopum, sine his, inquit, Ecclesia non vocatur. Ita apud Cotelierum in *Patribus Apostolicis*, sed apud h. Vossium legitur sine his Ecclesia electa non est. Et adhuc expressius S. Cyprianus ep. 66. ad Pupianum Ecclesiam dicit esse plebem Sacerdotum adunatam, & Pastori suo gregem adhaerentem. Ceterum de ipso Lannois hæc definitio omnino inprobare videtur, dimissoque, quia Bellarminus adiecit, non ad ipsam Ecclesie naturam, sed solum ad ipsius statum pertinere dicantur. Eandem improbant Heterodoxi, qui saltem tertium membrum de subiectione erga Rom. Pontificem ablatum vellent: ut videri potest apud Jo. Gerhardum in *locis theol.* Loc. 10. §. 139. Is autem satis molesto sit opponere S. Ambrosium in Ps. XL. num. 30. dicentem: ubi est Petrus (vel ejus successor Rom. Pontifex), ibi Ecclesia. Sed contra istos opportuniorem habebimus disputandi locum. Qui

nomine civitatis supra montem posita, quæ non potest abscondi Matth. V. 14.; comparatur etiam soli Ps. XVIII.; aliisque hujusmodi symbolis declaratur, Ecclesiam Christum nudum visibilem, sed etiam splendidam, totoque orbe clarissimam futuram. Atque ut Ecclesiam suam visibilem redderet, Verbum Dei antea absconditum in sinu Patris visibilem carnem assumpsit, sibi que Apostolos, primosque Discipulos visibili societate coniunxit.

9. Sed illustris hac in re est locus ille Matth. XVI. 18., ubi Christus audita confessione Petri, illi dicit: *Tu es Petrus, & super hanc petram ædificabo Ecclesiam meam, & portæ inferi non prævalent adversus eam: & tibi dabo claves regni caelorum &c.* quibus in verbis luce meridiana clarius apparet, fuisse Ecclesiam supra petram visibiliter ædificatam, utpote quæ auctoritatem claviu visibiliter exercet, ligando, atque solvendo.

10. Ministerium etiam visibile in ea instituit Christus, quando jam jam ascensus in caelum Apostolis ita præcepit Matth. XXVIII. 19. seq. *Euntes, baptizantes eos, docentes eos servare omnia, quaecumque mandavi vobis &c.* Quod visibile Ecclesiæ ministerium clarius exponit S. Paulus Eph. IV. n. 11. seq. dicens: *& ipse (Jesus) dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores ad consumptionem sanctorum, in opus ministerii, in ædificationem Corporis Christi &c.* Quæ omnia visibilem Ecclesiam constituent.

11. Hinc etiam, quod Ecclesia perpetuo usu consuevit, filios suos dociles instruere, errantes corrigere, inobedientes punire, ac rebelles, & contumaces a sinu suo expellere, quæ omnia non nisi in visibili Ecclesia fieri possunt. Atque hic demum dicitur Ecclesia a persecutoribus affligi, ab hæreticis, & schismaticis lacerari, a iustis honorari, ab Evangelicis operariis coli, & dilatari, fructificare &c. quæ, & alia id genus plura intelligi non possunt, si Ecclesia esset invisibilis.

12. Accedit demum, teneri nunquamque veræ Dei Ecclesiæ se adjungere, extra quam nulla est salus: at vero qui id fieri posset, si Ecclesia esset invisibilis? Vid. sup. n. 143.

13. Respondent quidam aliqui (a), non semper necessariam esse externam communionem cum verâ Ecclesia; sed aliquando sufficere internam, quæ cum Ecclesia invisibili per fidem haberi potest. Sed primo externa confessio fidei certe est necessaria, dicente Paulo Rom. X. 10. *Ore fit confessio ad salutem.* Necessaria est item Sacramentorum participatio: quæ duo cum nomen in verâ Ecclesia haberi possint, eandem veram Ecclesiam cognoscere opus est. Præterea nobis præceptum a Christo fuit, ut Ecclesiam; ejusque Pastores adjuvamus Matth. XVIII. 17.: & Luc. 16.; debet ergo verâ Ecclesiæ, ejusque Pastorum cognitio præcedere: & cum hæc omnia semper necessaria sint, etiam semper visibilis debet esse Ecclesia.

14. Hæc autem cum dicimus, non contendimus, Ecclesiam esse in omni sua parte visibilem; sed solum esse semper visibilem saltem quantum ad externum ministerium, & quantum ad auctoritatem definiendi, imperandi, solvendi, atque ligandi; hoc autem sufficit, ut Ecclesia dicatur visibilis, quemadmodum homo visibilis dicitur, quamquam nobilior ejus pars, nempe anima, non videatur (b).

15. Obj. 1. Sacra litteræ hoc ponunt Ecclesiæ inter, & Synagagam discrimen, quod hæc visibilis fuerit, illa invisibilis. Nam Jeremiæ XXXI. 33. de fidelibus Ecclesiæ dicitur: *dabo legem meam in visceribus eorum, & in corde eorum scribam eam; & ero eis in Deum, & ipsi erunt mihi in populum.* Adhuc clarius Apostolus ad Hebr. XII. 18. Ecclesiam, quam nomine montis Sion designat, opponit Synagagæ sub nomine montis Sinai; & hæc visibilem, & tractabilem dicit, secus vero Ecclesiam. *Non enim, inquit, accessistis ad tractabilem montem, & accessibilem ignem, &c. sed accessistis ad Sion montem, & civitatem Dei viventis, & Jerusalem cælestem &c.*

16. Resp. ad 1. Antithesim, quam Jeremiæ instituit, non in eo esse, quod Synagoga fuerit visibilis, invisibilis vero Ecclesia; sed potius in donis gratis, quæ multo majora, & efficaciora collata sunt Ecclesiæ in novo fœdere, quam fuerint Synagagæ in veteri testamento concessa; quod uberius explicat S. Paulus Hebr. VIII. & X. 16. seq. Imo & Ezechiel clarius expresserat XXXVI. 26. his verbis: *auferam cor lapideum de carne*

(a) Jo. Gerhardus, & Franc. Turretianus, aliique ex Protestantium sæda.

(b) Protestantes, ut in aliis pluribus capitulis, ita & in hoc multum variant, ut demonstravit Bossuetus in Lib. XV. *Histor. variat. Eccles. Protest.* Nam primo Ecclesiam semper esse visibilem ex communis ejus natione confessi sunt; quod ex omnibus fere eorumdem *Confessionibus* Bossuetus ostendit. Post autem, ut faceret Juris in suo system. *vera Ecclesia*, cum perpetuo premeretur a *Syntheticis*, ubi nam Ecclesia fuerit ante pseudo-reformationem; experiri non potuit docere, eam fuisse invisibilem, & in solis iustis, vel

electis conservatam. Hinc acriter de Ecclesiæ visibilitate disputari coepit. Neque vero (saltem ex parte Catholicorum) hæc disputatio pura *apocrypha* dici potest, ut Basnagius contra Bossuetum contendebat Tom. II. de *P. Hist. de l'Église*; est enim intine conjuncta cum aliis dubiis summopere necessariis, an Ecclesia aliquando deferretur, vel deessere possit; & an sit in dogmaticis definitionibus infallibilis? Ac prout pro visibili Ecclesia tentata, & laudatissimus Bossuetus, & multi alii ex nostris strenue hærentes dimicaverunt; quorum exemplum & nos imitari oportet.

vestra, & dabo vobis cor carneum: scilicet mole, & obediens per gratiam Jesu Christi diffusam in cordibus nostris; unde etiam eodem loco Ezech. subdit Deus: & faciam, ut in preceptis meis ambuletis, & iudicia mea custodistis, & opereamini. Quæ omnia eo unice tendunt, ut gratiæ N. T. euergiam, & abundantiam ostendant.

17. Nec etiam obsunt verba S. Pauli objecta; nam primo Apostolus videtur loqui de Ecclesia triumphante in cælis, quæ certe est invisibilis; non autem de militante, cuius ministerium, sacramenta, professio fidei, aliaque permulta visibilia sunt. Quamobrem inquit vers. 22. accessistis ad Sion montem, & civitatem Dei viventis, Jerusalem cælestem, & multorum millium Angelorum frequentiam. Quod si aliquis contendat, loqui Apostolum de Ecclesia simul triumphante, & militante, ut reipsa interpretes credunt, tunc facile respondemus, Apostolum respicere ad dona spiritualia gratiæ, præcipue autem ad promissiones cælestes, quæ propriæ sunt legis gratiæ: cum in antiquo fædere promissiones saltem explicitæ nonnisi temporales essent (a).

18. Obj. 2. Christus Dominus interrogatus a Phariseis, quando venturum esset regnum Dei, respondit Lucæ XVII. 20: non venit regnum Dei cum observatione; neque dicent: ecce hic, ecce ille ecci. Ecce enim regnum Dei intra vos est. Porro regnum Dei nihil est aliud, quam Ecclesia. His consonant etiam alia ejusdem Servatoris verba Joann. IV. 23: venit hora, & nunc est, quando veri adoratores adorabunt in spiritu, & veritate. Jam vero, ubi est vera adoratio Dei, ibi est vera Ecclesia; si ergo adoratio est tantum in spiritu, adeoque invisibilis, etiam Ecclesia invisibilis esse debet.

19. Respond. ad t. Regnum, de quo quæstio tunc erat, esse regnum, seu adventum Messie: hunc autem adventum esse Dominus dicebat, non cum observatione, id est non cum pompa, & maiestate terrena, quemadmodum illi præstolabantur carnales Judei. Imo addebatur, esse jam hoc regnum inter ipsos; reipsa enim Christus advenerat, ad fundandum regnum spirituale, visibile tamen propter externam doctrinam, externa sacramenta, atque externam obedientiam legitimis Pastoribus, quibus vinculis voluit fideles simul colligari.

20. Et sic etiam intelligi debent nonnulla alia loca Scripturarum, in quibus regnum Dei spirituale appellatur; ut cum dicitur 1. Petri II. 3, & ipsi tamquam lapides vivi superædificantur: domus spiritualis, sacerdotium sanctum, offerre spirituales hostias. Ecclesia enim est certe ædificium spirituale, quia præcipue ejus partes, mysteria, actus fidei, spei, & charitatis, justitiae, & prædestinati, imprimis autem interior gratia,

ac Spiritus Sancti dona spiritualia sunt. Inde tamen non fit, totam ipsam Ecclesiam esse spirituales, & invisibilem, quia multa alia in ea sunt visibilia, & externa, quæ in sensus incutunt. Sic homo invisibilis non dicitur, quamquam potissima ejus pars, nempe anima, spiritualis est, & invisibilis.

21. Verba autem Christi Joann. IV. nullatenus excludunt cultum externum, & etiam sensibilem orandi modum, qualis in Ecclesia adhibetur; sed solum exigunt internam spiritus affectum, sine quo nihil valet cultus externus: quamobrem de Judeis dicebat Deus: populus hic labiis me honorat, cor autem eorum longe est a me Isaiæ XX. 13., & Matth. XV. 8. Addidit etiam Christus, in veritate, ad excludendum superstitionis Samaritanorum cultum.

22. Obj. 3. In Symbolo profitemur nos credere Ecclesiam; sed objectum fidei est invisibile: Ergo &c.

23. Respond. Ecclesiam a nobis & videri, & credi; diversa tamen ratione. Eam videmus in corpore Pastorum; qui nos regunt, & quibus obedire tenemur; videmus in doctrina; quam ore etiam profitemur; in Sacramentis, quæ participamus; eamque hoc modo vident ii etiam, qui eamdem non credunt. Credimus autem, eam esse a Jesu Christo fundatam, & a Spiritu Sancto dirigi. Credimus, spirituale, & divinum in ea sacrificium offerri; atque etiam credimus eam esse infallibilem in dogmatibus fidei, & morum proponendis: hinc credendo Ecclesiam credimus ea omnia, quæ nobis Ecclesia proponit credenda. Non pauca alia sunt; quæ simul videmus, & credimus. Sic Sacramentorum materia, & forma sensibiles sunt; invisibilis autem est gratia, quæ in iis confertur. Christus Dominus visibilis erat in humanitate assumpta, invisibilis in divinitate: tunc etiam Thomas dixit: quia vidisti me, Thomas; credidisti; qui tamen aliud vidit, & aliud credidit.

24. Obj. 4. S. Augustinus, alique Patres, sæpius docent Ecclesiam coalescere ex justis, quæ certe non videntur. Præterea idem S. Pater loquens de temporibus Antichristi Epist. 193. alias 80. c. 11. quando, inquit, sol obscurabitur... Ecclesia non apparebit. Iino nostris etiam temporibus eam invisibilem aliquando fieri docet, inquit Epist. 93., alias 48. cap. 9. num. 30. ipsa Ecclesia aliquando obscuratur, & tamquam obnubilatur multitudine scismaticorum.

25. Resp. Mirum esse ab Adversariis advocari in patrocinium suæ causæ S. Augustinum, qui contra Donatistas non solum visibilem esse Ecclesiam, sed admodum conspicuam esse debere, atque omnibus manifestam, data opera multis in locis demonstravit (b). Quando autem eam ex justis

(a) Vide, quæ dicta sunt Part. I. Diss. III. n. 75.

(b) Vigl. Tract. I. in Epist. S. Joann. n. 13. & Lib.

III. contra Epistol. Parmeniani c. 5. T. IX. ubi ait: nulla est securitas unitatis, nisi ex promissione Dei Ec-



etis confessere dicit, doctissimam; & insignem ejusdem porionem indigit; non autem totam Ecclesiam, in qua etiam peccatores contineri. Augustinus ipse serpsus tradidit. Rursus iusti, quamvis visibiles non sint ex charitate; quæ intus latet, visibiles tamen sunt ex professione externa fidei, ex participatione Sacramentorum, & ex obedientia legitimis Pastoribus. Hinc S. Augustinus lib. VII. de baptismo cap. 51. loquens de Ecclesia, prout est templum Dei sanctum, dicit eam esse in Sanctis Dei servis ubique dispersis, & spirituali unitate devinctis in eadem communione Sacramentorum; omnino significans, præter invisibile vinculum spirituale, requiri in iustis etiam visibilem Sacramentorum communionem.

26. Cum vero Ecclesiam obscuratum iri dicit turbulentis illis Antichristi temporibus, non vult, eam futuram prorsus invisibilem, sed solum minus gloriosam, minusque conspicuam. Ita enim pergit: tunc stellæ cadent de cælo, & virtutes cælorum movebuntur, quoniam (non omnes) qui gratia fulgere videbantur, persequentibus cadent, & cadent; & quidam fideles fortissimi turbabuntur.

27. Eademque ratione etiam alia verba explicanda sunt, videlicet multitudinem scandalorum nonnunquam obscurari Ecclesiam fulgorem; non autem Ecclesiam ipsam fieri prorsus invisibilem. Nam S. Pater continuo de eadem Ecclesia subdit: sol etiam tunc in suis firmissimis eminet.

28. At vero, inquit, contingere aliquando potest, ut exortis in Ecclesia disputationibus de fide, ignoretur a populo, quænam litigantium paraverit adhereret; ut in controversia de rebaptizandis hæreticis contigisse agnoscit S. Augustinus.

29. Resp. Id quidem contingere posse in aliquibus, sed non in omnibus dogmatibus fidei; eoque in casu, qui certe rarissimus erit, Ecclesiam adhuc visibilem permanere in ceteris partibus: fideles autem debere iudicium Ecclesiæ expectare, eique & ore, & corde se subijcere: quod & in controversia anabaptismi factum est.

30. Scholion. Si vera Ecclesia Christi semper visibilis esse debet, manifeste consequitur, Ecclesiam Romano-Catholicam esse veram; utpote quæ non solum visibilis, sed plane splendida, & glo-

riosa semper apparuit, tum in cõtinua successione Romanorum Pontificum, in quibus veneratur caput atum visibile; tum in celebratione plurimorum Conciliorum generalium; tum in proscriptioe omnium hæresum, quæ exorta sunt; tum denique in tot vicis doctrinæ, virtutibus, & sanctitate spectatissimis, qui in ea omni tempore floruerunt. Non sic autem fuerunt visibiles societates Protestantium, ut suis innox demonstrabatur.

## CAPUT III.

Ostendatur, Ecclesiam Christi visibilem nec defecisse unquam, nec deficere posse.

31. Donatistæ olim, ut iustam aliquam in schismatis causam prætexerent, veram Christi Ecclesiam defecisse commenti sunt; quem absurdum errorem variis in libris confutavit S. Augustinus. Horum vestigia premit Sociniani, eorumque amici Remonstrantes (a).

32. Protestantes autem, qui Ecclesiam dividunt in visibilem, & invisibilem, hanc secundam nunquam deficere posse, dicunt; atque de hac sola omnes perennitatis promissiones, quas sæpius repetitis in sacris literis invenimus, intelligi volunt. Ecclesiam autem visibilem, sin minus prorsus cessare, aut totam extingui, saltem ita posse obscurari contendunt, ut neque ubi sit, nec an re ipsa sit, facile distingui queat. Atque id sæpius contigisse arbitrantur; sedum in veteri Synagoga, sed etiam in novo Testamento (b).

33. Catholici, quamvis concedant, posse Ecclesiam Dei aliquando minus fulgere; negant tamen, eandem sic obscurari posse, ut nullibi, & nullatenus appareat; multoque magis insisterunt, eam totam extingui posse, & cessare. Dixi totam; tristis enim experientia sæpius demonstravit, Ecclesias particulares extingui penitus posse. Ratio autem discriminis est, quod Ecclesia non sit indefectibilis ex propria ipsius essentia, sed ex promissionibus divinis, quæ toti Ecclesiæ, non singulis ejus partibus, factæ sunt.

34. Inter varias autem hujusmodi promissiones celebris est illa: Tu es Petrus, & super hanc petram ædificabo Ecclesiam meam, & portæ in-

ferre non poterit. & ideo necesse est, ut omnibus terrarum partibus nota sit. Idemque repetit sexcentis in locis contra Donatistas.

(a) Ita Faustus Socinus in epist. I. ad Radecium; quem secuti sunt Valent. Smalcius in Refut. thesium Wolff. Flanzii, Volkens lib. IV. de vera Relig. c. 7. aliquæ passim Sociniani. Idemque postea docuerunt Simon Episcopus in disp. privata de Ecclesia, & in Institut. Theol. lib. IV. Steph. Curcellæus in Tract. de Ecclesia J. C., ac denique alii prætermissis Phil. Limborchius; quamvis isto alioqui ambigue, & tergiversando loquatur.

(b) Hanc sententiam fuso, ut solet, defendere niti-

unt Joann. Gerhardus Luther. in Tomo XI. Locorum theol. cap. 7; ex Calvinistis autem Franc. Turretinus in Part. II. Institut. theol. elenct. Loco XVIII. q. g. Porro hæc doctrina ab omnibus Heterodoxis inveniendi fuit, ne quoquo modo suis persuaderent, se a primæva Christi, & Apostolorum Ecclesia descendere. Cum enim nec perpetuum surgum Pastorum successionem, nec visibilem hominum societatem, qui eandem cum ipsa fidei professi fuerint, alibi ceperiant, eo devoluti sunt, ut dicebant, hæc quidem semper fuisse, sed non semper apparuisse; & in hac invisibili fidelium societate veram Dei Ecclesiam usque ad tempora pseudo-reformationis fuisse conservatam; & tunc iterum novam suam splendorem recepisse.



inferi non praevalerunt adversus eam Matth. XVI. 18. tum aliam Matth. XXVIII. 19. *Euntes ergo docete omnes gentes &c.* & ecce ego vobiscum sum omnibus diebus usque ad consummationem saeculi. Utraque haec promissio ad Ecclesiam visibilem spectat, quae nempe ex baptizatis, & baptizandis, doctoribus, & discipulis, Pastoribus, & plebe constanda erat. Ulterius non ad Apostolos restringi potest, utpote qui usque ad consummationem saeculi victuri non erant; respicit ergo etiam eorum successores, & totam Ecclesiam visibilem (a).

35. Neque vero quis regeat, has promissiones fuisse conditionatas, atque iis similes, quibus promissum est, Ecclesiam futuram gloriosam, non habentem maculam, aut rugam, aut aliquid huiusmodi, sed sanctam, & immaculatam Ephes. V. 27; quae promissiones non absolutae erant, sed conditionatae.

36. Non, inquam; etenim, ut observat S. Augustinus Sermon. VIII. alias IX. de verbis Apostoli, cap. 5. huiusmodi promissiones spectant ad Ecclesiam triumphantem, non militantem: haec enim orare debet: *dimitte nobis debita nostra*; adeoque habet maculas, & rugas. Sed haec de re inferius sermo redibit cum. 106. & seq.

37. Nec etiam valet exemplum, quod aliqui afferunt, promissionis factae Regibus Prov. XVI. 10. *Divinitio in labiis Regis, in iudicio non erabit os ejus*; cum tamen nemo inde colligat, Reges in suis iudiciis nunquam errare. Observat enim doctissimus P. Houbigant ex textu Hebraico potius ita legi debere: *labia Regis sunt quasi oraculum*: quia nempe populi debent ipsis obedire, ac propterea iisdem Regibus inculcatur, ne in iudiciis suis errent; ut illa verba non tam promissionem contineant, quam admonitionem; scilicet omnem a Regibus adhibendam esse diligentiam, ne errent.

38. Praeter allatas Christi promissiones, quae Ecclesiam nunquam deficere posse ostendunt, celebre est etiam illud testimonium Apostoli 1. ad

Timotheum. III. 14. & seq., ubi post nonnulla monita eidem Timotheo data ita concludit: *Hae tibi scribo . . . ut scias, quomodo oporteat te* (b) *in domo Dei conversari, quae est Ecclesia Dei vivi, columna, & firmamentum veritatis*. Quae verba licet perspicua in se sint, tamen clariora adhuc fiunt ex commentario Sancti Augustini, qui Sermon. I. in Psalm. CIII. num. 17. verba illa: *fundavit terram super firmitatem ejus mystice de Ecclesia intelligens, quae fundata est super fundamentum Christi Jesu, non inclinabitur*, inquit, *in saeculum saeculi. Ipsa, (Ecclesia) est praedestinata columna, & firmamentum veritatis*.

39. Hic locus valde torquet Adversarios; nude ad ejus vim eludendam varias excogitantur ejusdem interpretationes. Primo aliqui id non alia de causa dictum volunt, nisi quia Ecclesia verbum Dei, seu sacros codices servat, & custodit. Secundo alii cum Galvino (c) ea verba *columna &c.* significare dicunt munus Ecclesiae veritatem praedicandi, & propagandi. Tertio quidam cum Jac. Picenino (in apologia c. 16.) illa verba ad solam Ecclesiam Ephesinam spectare contendunt, cujus zelum in veritatis defensione ibi commendat Apostolus. Quarto alii id de Timotheo dictum credunt; nam insolens non est, ut qui pro veritate fidei egregie laborant, columnae, fulcra, & firmamenta veritatis appellentur (d). Quinto Jo. Cameronius (in Myrotheca Evangelico) ea verba de Ecclesia invisibili, quae solos electos complectitur, intelligit. Sexto sunt etiam, qui syntaxis innuunt, ut periocha iis verbis absolva- tur: quae est Ecclesia Dei vivi; sequentia vero cum versiculo proximo ita conjungunt: *columna, & firmamentum veritatis, & manifeste magnum est pietatis Sacramentum, quod manifestatum est in carne &c.* seu, ut legebant Jo. Clericus (Tom. II. Artis Criticae c. 10. n. 17.) & Schultetus (Dissert. in hunc locum), *Mysterium pietatis est columna &c.* Alii alias hujus textus interpretationes exhibuerunt adeo obscuras, ut ipsae interprete indigere videantur (e).

40.

(a) Georgius Bullus ex Episcopaliana secta in pro-  
mo *Defensionis fidei Nicenae* ex laudatis Christi  
promissionibus, Synodum Nicenam infallibilem fuisse e-  
vincit. Similiter Joann. Pearsonus in sua *Expositione*  
*Symboli Apostolici* art. 9. ex iisdem promissionibus  
concludit, Ecclesiam universalem perire non posse.  
Frigida autem est illa cavillatio, quam refert, & refel-  
lit Bossuetus in II. Instr. Pastor. sur les promesses de  
J. C. faites à son Eglise §. 39. Christum scilicet non  
promississe, se futurum cum Apostolis, nisi usque ad  
consummationem saeculi, nempe saeculi Apostolorum.  
Manifestum est enim innumeris locis parallelis, hanc  
phrasim denotare usque ad finem mundi. Vid. apud  
eundem Matth. XIII. 39. 40. 49., item XXIV. 13.

(b) Illa portio te in graeco non invenitur; unde  
etiam magis patet praecipua de modo conversandi in  
Ecclesia Dei non spectare tantum ad Timotheum, sed  
ad omnes fideles. Confer Estium in hunc locum.

Gazzaniga Theol. Tom. I.

(c) Lib. IV. Institut. cap. 1. num. 10., & in Com-  
ment. ad hunc locum, ubi etiam insulse argumentum  
in nos retorquet, dicens, si Ecclesia columna est ve-  
ritatis, non esse apud nos Ecclesiam, ubi non modo  
sepulta jacet veritas, sed horrendum in modum diruta,  
& eversa pedibus calcatur. Quasi scilicet satis sit id  
insuperanter asserere, ac saepius repetere, quia solidis  
demonstrat.

(d) Ita Guill. Chilinsworthus Anglus in *Traict. de la*  
*ta, & salutari Protestantium religione* P. I. c. 3. §. 76.

(e) Aliqui etiam putarunt, ea verba, *columna, &*  
*firmamentum veritatis* ad Christum referri, bandantes  
auctoritatem Procopii in *Comme. in Exodum*, Cyrilli A-  
lex. Lib. III. de adoratione, Clementis Alex. Lib. I.  
Stronatom, & Epiphanius tunc *Heresi* LXIX., tum in  
*Anacoreto*. Sed isti Patres potius allegorice ad Christum  
referunt illam columnam nubis, & ignis, quae Israe-  
litis dux itineris fuit. Ceterum in tot, & tam varie

40. Sed breviter hactenus allatae refutantur. Prima interpretatio infirma prorsus est; si enim Ecclesia solum custos esset sacrorum librorum, potius arcae, quam columnae comparari debuisset; arcae enim esse conservare, columnae vero sustentare. Hinc Judaei, qui vetus Testamentum conservant, ejusdem Capsarii a S. Augustino appellati sunt.

41. Alia explicatio Calvinii admitti potest, si eo sensu intelligatur, Ecclesiam munus esse, ita praedicare, & defendere veritatem, ut nunquam in hoc munere obduendo deficere possit; id enim indicant ea verba: *columna, & firmamentum veritatis*, praecipue si cum allatis superius promissionibus Christi conjungantur.

42. Qui vero laudata verba ad Ecclesiam Ephesinam restringant, id sine ullo fundamento faciunt, cum Apostolus generatim de Ecclesia loquatur, cujus, ut supra vidimus cum S. Augustino, tantum indicat esse firmitatem, & constantiam in fide, ut non *inclinetur in saeculum saeculi*.

43. Quartam interpretationem falsam esse, facile apparet ex ipso textu: non enim ad Timotheum, sed ad Ecclesiam ea verba referuntur: *Columna, & firmamentum veritatis*. Neque obstat, fuisse tum in sacris litteris, tum saepius apud sanctos Patres egregios Ecclesiae Pastores nomine *columnae, fulcri, & firmamenti veritatis* insignitos. Quilibet enim facile videt, in verborum similitudine magnam sensus diversitatem, ut nempe Ecclesia in sensu proprio ita appelletur, quia ex Christi promissionibus a veritate exidere non potest; alii vero in sensu minus proprio, quia veritatem pro sua virili defendunt. Sic Christus est prima veritatis columna, seu potius veritas ipsa; Ecclesia est pariter columna veritatis in Christo fundata; ac demum sancti Doctores possunt & ipsi vocari columnae veritatis, prout Ecclesiae inharent.

44. Quinta interpretatio de Ecclesia invisibili textui Sancti Pauli aperte repugnat, qui praecepta Timotheo dat, quomodo debeat in Ecclesia *conversari, & praedicare*, quod certe de Ecclesia visibili intelligi debet, & quae cum ibi *solo, & idcirco* *ἡ ἐκκλησία* vocetur, nullo unquam modo deficere potest.

45. Qui demum syntaxim mutant, praeterquam quod temeritatis notam non effugiant, aliter textum coordinantes, quam a majoribus nostris lectus, & intellectus fuit, etiam sensum perturbant, & mirum, inquit Grotius (in Comment.) quam laborent, ut haec verba sequenti periodo connectant. Omnino hic duo sibi vult Apostolus: primo Ecclesiae auctoritatem commendare, eam columnam esse dicens, & firmamentum veritatis;

post autem explicare, quae sit hujusmodi veritas, quam Ecclesia sustentat, scilicet locutionis mysterium, quod vocat, *magnum pietatis Sacramentum*, & in quo velut in nucleo omnia religionis nostrae dogmata continentur.

46. Nec valet conjectura Abr. Schultetii (in observ. ad hunc locum) scilicet 1. suspensam videri dictionem, cum sequentia prioribus non cohaerant: 2. quia Apostolus a conjunctione & novo argumento inchoaret: 3. durum esse, Ecclesiam dici columnam veritatis, cum potius veritas sit columna Ecclesiae; quod pluribus Patrum dictis confirmari potest.

47. Omnes enim vanae sunt haec conjecturae, quarum prior est aperte falsa, cum optime fiat sensus. Altera est etiam falsa, quia non novum argumentum Apostolus inchoat: deinde nec est insolens in sacris Litteris, ut novi argumenti initium desinatur a particula conjunctiva &. Ad tertium dici recte potest, veritatem esse columnam Ecclesiae, quia est fundata in veritate, & rursus Ecclesiam esse columnam veritatis, quia ex Christi promissionibus eam semper retinebit; atque hoc sensu dixit etiam Chrysostomus Hom. XI. in hunc locum: *veritas est columna Ecclesiae*.

48. Ad comprobendam perpetuam visibilibus Ecclesiae in Christi fide constantiam innumera etiam praesto sunt Ss. Patrum testimonia, ex quibus tamen nonnulli pauca brevitate studio seligemus. Et quidem communem hanc fuisse omnium fidelium persuasionem, manifeste colligitur ex epistola Alexandri Patriarchae Alexandrini ad eum cognominem Alexandrum Episcopum Constantinopolitanum (apud Theodoretum Lib. I. *Histor. Eccles. c. 1.*), ubi, *profiteor*, inquit, *unam, ac solam Catholicam Ecclesiam, quae semper quidem inextinguibilis est, licet universi orbis eam oppugnet: videlicet autem est omnis impie factionis haereticorum, qui adversus ipsam consurgunt*.

49. S. Augustinus Lib. II. de Abraham c. 3. *Ecclesia*, inquit, *tumditur saecularium curam fluxibus, sed non subruitur: coeditur, sed non labefactatur; commotiones fluxuum, & insurrectiones passionum corporalium facili premere, ac mitigare; speciat aliorum naufragia ipsa immobilitas, & extorsit periculi &c.*

50. S. Jo. Chrysostomus Hom. IV. in Isaiam, *Ecclesia*, inquit, *firmioribus, quam ipsum caelum radicibus defixa haeret;... facilius est solum extingui, quam Ecclesiam deleri*. Et in Oratione, quam habuit, antequam iret in exilium (Tom. III. pag. 145.) *Nilil, inquit, Ecclesia potius... si Ecclesiam oppugnes, sincere nequis: omnibus paupere fortior est Deus... Eccle-*

adversariorum interpretationibus illud apposite occurrit, quod de Gnosticis olim dicebat S. Irenaeus Lib. IV. cap. 35. *Con igitur inter eos conveniret de his, quae in Scripturis sunt praedicta, tunc a nobis confute-*

duntur. Alias vexatissimi hujus loci interpretationes refert doctissimus P. Bacinus Ord. S. Bened. in tertia epist. polem. advers. Jac. Piceninum.

ecclēsia est ipso cōelo fortior; cōelum; & terra transibunt; verba autem mea non transibunt Math. XXIV. 35. Quae verba? Tu es Petrus &c. Matth. XVI. 18.; si non credis verbo, rebus crede. Quot tyranni Ecclesiam opprimere tentaverunt? ... nihilque perfectum. Ubina sunt homines illi? silentio, & oblivioni traditi sunt. Ubina Ecclesia? plus quam sol splendet &c. Nemo autem negaverit, S. Jo. Chrysostomum de Ecclesia visibili locum fuisse.

51. Sancti Hieronymus Comment. in cap. II. Isaie, super petram, inquit, fundata Ecclesia nulla tempestate concutitur, nulla turbine, ventisque subvertitur: indigitat scilicet illa Christi verba Matth. VII. 24. & 25., quae Ecclesiae adaptari possunt: *Edificavit domum suam supra petram, & descendit pluvius, & venerunt flumina, & flaverunt venti, & irruerunt in domum illam, & non excidit: fundata enim erat supra petram.*

52. S. autem Augustinus in operibus contra Donatistas hanc Ecclesiae firmitatem quam frequentissime explicandi occasione habuit, eos refellens, qui Ecclesiam peritisse blasphemabant, aut solum in parte Donati inveniri. Et in Ps. LX. *Non vincetur Ecclesia, sidenter, & securo ajebat, non eradicabitur, nec cadet quibuslibet temptationibus, donec veniat hujus saeculi finis (a).*

53. Ac deum, ut de multis aliis faciam, S. Bernardus explicans illa verba Canticum III. 4. tenui eum, ne dimittam, sic ait Serm. I. XXXIX. in Cantica n. 4. Ita est: ex tunc, & deinceps non deficit genus Christianum; nec fides de terra, nec caritas de Ecclesia: venerunt flumina, flaverunt venti, & immergerunt in eam, & non cecidit; eo quod fundata est supra petram; petra autem erat Christus.

54. Sed quid opus est veterum testimoniis, cum longa XVIII. saeculorum experientia luculenter ostendat, nullam humanam, vel diabolicam vim sufficere unquam, aut sufficere ad evertendam Dei Ecclesiam, quam Deus ipse se in perpetuum servaturum esse promisit? Tribus, & amplius saeculis, cum adhuc quasi in incunabulis esset, eam omni violentia perniciosissime oppugnavit simul conjuncti Judaei, & Pagani. Omnes vicia Imperii Romani ad eam exterminandam directae erant; sed frustra. Ecclesia de omnibus triumphavit, atque in ipsa Romani Imperii sedes vexillum Crucis erexit. Everso Rom. Impetio magna Barbarorum colluvies omnia diu, multumque turbavit: sola Ecclesia immota sub-

sistens ipso barbaros mansuefecit. Fetocius, ac multo crudelius, & saepe perpetuum contra eam fuit Haereticorum bellum; primumque extinctis alii successerunt, usque ad haec nostra tempora. Ipsam quidem dilaceravit, penitus tamen concollere non potuerunt. Tota mundi historia nullum simile durationis exemplum nobis suppeditat; quo fit, ut certo concludere debeamus, non humanis artibus, non nativa sua virtute, sed una superba Omnipotentis Dei ope Ecclesiam firmam consistere, ut proinde credere debeamus ipsam permanentem usque ad consummationem saeculi. Id praevidit olim praedens ille Gamaliel, qui suos Judaeos sic alloquebatur: *si est ex hominibus consilium hoc, aut opus, dissolvetur; si vero ex Deo est, non poteritis dissolvere illud Act. V. 38.*

55. Scholion. Adeo haec manifesta sunt, ut Joann. Francisc. Budden. (in *Histor. Theolog. dogm. Lib. V. cap. 5.*) saepius confessus fuerit, Ecclesiam, etiam qua parte visibilis est, nunquam posse totam corrumpi, & cessare; ne tamen inde concedere cogatur, eam esse infallibilem, contendit, nullibi fuisse promissum Ecclesiae, ut in auditos, gravissimosque errores labi non possit; imo conatur evincere, eam reipsa lapsam fuisse. Sed mirum est, hominem doctum non vidisse, si cum hac restrictione promissiones Christi intelligi debeant, posse eas non uni veram Christi Ecclesiae, sed cuicumque haereticorum sectae facile adaptari; nulla enim fuit adeo corrupta, ut totum plane verbum Dei depraverit. Sed de hoc postea.

56. Multa obijci solent, ut ostendatur, Ecclesiam in V. T. saepius defecisse; & primo quidem defecisse dicitur, Adam, & Eva peccantibus: in iis enim duobus tota Ecclesia continebatur. Secundo, temporibus Noe, quando, ut dicitur Gen. VI. 11. corrupta est terra coram Deo, repleta est iniquitate. Terrio, Abrahami aetate, quem fuisse aliquando idololatram cum sua familia ex *Isaiae XLIII. 27.* & *Isaie XXIV. 2.* colligitur. Quarto tempore Moysis, cum tota synagoga vitulum aureum adoravit *Exodi XXXII.* Quinto, sub Judicibus post Joque; tunc enim *Hebraei*, ut habetur *Judic. II. 11.* servierant *Baalim*, ac dimiserunt Dominum Deum patrum suorum. Sexto, tempore Eliae prophetae, qui 5. Reg. XIX. ta. conquebatur, se derelictum solum. Septimo alii etiam Prophetae universalem totius Israelis corruptionem saepius deplorabant: sic *Isaiae cap. I. 6.* dicebat: *a planta pedis usque ad verticem non est in eo sanitas.* Ore item *Jeremiae* dicebat Deus *II. 29.* Omnes dereliquistis me: & E-

(a) Non possumus non exseribere alia ejusdem Sancti Patris verba, quamquam aliquanto proluxiora Serm. II. Enarrat. in Psalm. Cl. num. Tom. IV. ubi inquit: *Sed illa Ecclesia, quae fuit omnium gentium, jam non est, perit. Hoc dicunt, qui in illa non sunt. O impenitentem vocem! Illa non est, quia tu in illa non es. Vide, an tu adeo non sis: nam illi erit, etsi, non es.*

Hanc vocem abominabilem, detestabilem, praesumptionis, & falsitatis plenam, nulla veritate suffultam, nulla sapientia illuminatam, nullo salo conditam, vanam, temerariam, praesumptam, perniciosis praevidit Spiritus Dei &c. Et post aliqua ejusdem generis Ecclesiam inducit, quae seipsam consolatur divina illa promissione: ecce ego vobiscum sum &c.

zechiel. X. 18. dicitur: *egressa est gloria Domini a limine templi*. Octavo; tempore captivitatis Babylonice, *cum defecit hostia, & sacrificium*. Nono, tempore natiuitatis Christi; nam in Iudæa ipsa *populus ambulabat in tenebris*. Decimo denique, tempore mortis Christi, ubi illud impletum est, quod Christus prædixerat discipulis suis Mat. XXVI. 21. *Omnes vos scandalum patientini in me in ista nocte; scriptum est enim: percutiam pastorem, & dispergentur oves gregis*. Imo & post resurrectionem; Christus enim exprobrauit incredulitatem discipulorum, & duritiam cordis, quia his, qui viderant eum resurrexisse, non crediderunt. Marci XVI. 14.

57. At vero etiam si Ecclesia in Veteri Testamento tota non semel defecisset, quod tamen nullatenus contigisse puto, non inde consequeretur, eam etiam in Novo Testamento posse in tantam calamitatem incidere, post tam amplas, & perspicuas promissiones ipsi Christo factas, quod portæ inferi non præualebunt adversus eam, quod Spiritus Sancti docebit eam omnem veritatem, quod cum ea permansurus sit omnibus diebus usque ad consummationem sæculi.

58. Allata tamen momenta non demonstrant, veram Religionem in Veteri Testamento penitus aliquando defecisse, quamquam non semper eodem modo floruerit; neque enim insolens est in sacris litteris, ut propter multos impios, omnes ut impii redarguantur, ut cum in Psalmo XIII. dicitur: *omnes declinaverunt, simul inutiles facti sunt: non est qui faciat bonum, non est usque ad unum*. Sed expédiamus singula. Peccatum Protoparentum nostrorum fuit superbæ, & inobedienciæ, non infidelitatis, qua sola Religio prorsus extinguitur. Deinde illos fere statim pœnituit, ut proinde vix posset dici per illud peccatum religio sublatâ. Vemum illico post peccatum facta est promissio futuri Redemptoris, a quo proprie incipit Ecclesia.

59. Quod dicitur, tempore Noe fuisse corruptam terram, & repletam iniquitate, vel omnem carnem corruptissimam suam, debet cum aliqua restrictione accipi; nam 1. Familia Noe vesan religionem colebat. 2. Mathusalem, qui ipso anno diluvii mortuus est, iustus erat (a). 3. Probabile est quoque multos, qui aquis diluvii perierunt, fuisse per pœnitentiam salutem consecutos, ut colligitur ex 1. Petri III. 19. (b).

60. Quod obijciatur de Abraham, nullum aliud habet fundamentum, nisi fortasse, quod Isaac

cap. XLIII. 27. legitur: *Pater tuus primus peccavit*. At verò primo certum non est, hæc verba ad Abrahamum referri; secundo possent hæc verba intelligi de aliis peccatis, a quibus Abraham immunis non fuit, & non de idololatria. Difficilius fortasse erit, ejus familiam ab hoc crimine vindicare; sed eruditissimus Alexius Symmachus Mazochius (in *Spicilegio Biblico* ad Josue XXIV.) scite observavit, illa verba *servieruntque Diis alienis* non spectare ad Thare patrem Abraham, & Nachor, sed universæ ad populos transfluviales; ita enim putat illum textum esse coordinandum: *trans fluvium habitaverunt patres vestri a sæculo* (inter quos erant etiam Thare pater Abraham, & Nachor); *servieruntque Diis alienis*; ut proinde de Thare, & Abraham, & Nachor nihil aliud dicatur, nisi eos habitasse trans fluvium, ubi populi serviebant Diis alienis. Ceterum ætate Abrahami alios etiam fuisse veri Dei cultores, manifeste patet exemplo Melchisedech, qui dicitur Gen. XIV. 18. *erat sacerdos Dei altissimi*.

61. Multo magis apparet, perpetuum fuisse verum Dei cultum post institutum a Moyse Synagogam. Neque omnis Israel in vituli adoratione prævaricatus est: constat enim, nec Moysem, nec Josue, apud quos residebat summum imperium, in execrabile illud flagitium consensisse; imo verissimum est, Levitas, multosque alios ex populo fideles Deo permansisse; nam ubi primum Moyses exclamavit Exodi XXXII. 25. *si quis est Domini, jungatur mihi: congregati sunt ad eum omnes filii Levi, qui consecrantes manus suas Domino, occiderunt quasi XXXIII. milia hominum* (c): ex quo indicatur, hos non fuisse nefandi illius criminis reos. Clarius adhuc S. Paulus 1. Corinth. X. 9. nonnisi aliquos in idololatram lapos fuisse inuivit, dicens: *Neque idololatram efficiamini, sicut quidam ex ipsis, quemadmodum scriptum est* (Exodi XXXII. 6.) *Sedit populus manducare, & bibere &c.* Præterea erat etiam domus Jetro, seu Raguel, in qua vera Religio vivebat.

62. Quæ objecta sunt 5. 6. 7. & 8. loco indicant quidem, magnam fuisse in ipso populo electo morum corruptionem; non autem omnem cultum Dei cessasse, tam externum positum in sacrificiis, & legalibus observantiis, quam internum in spiritu, & veritate; ipsæ enim sacræ litteræ aperte innunt, semper aliquos fuisse, quos elegit Deus sibi, ac a reliqua multitudine gratiæ suæ do-

(a) Græci hujus Patriarchæ memoriam inter justos Vet. Test. faciunt vel 19. Decembris, vel in Hebdomada Septuagesimæ. Aliqua etiam Latinorum Martyrologia ipsius mentionem habent die 22. Febr. Ita refert Bailletus T. 1. *des vies des Saints* 22. Febr.

(b) Viti. S. Thomas 3. P. quæst. 52. art. 2. ad 3., & Guill. Estius in Comment. ad hunc locum S. Petri.

(c) Natalis Alexander Dissert. Xh. in Sæc. Vh. art.

8. contra P. Glandinum Frassen ostendit, mendum esse in nostra Vulgata, & legendum *quasi tria milia*. Verisimile est, hoc mendum irrepisse ex eo quod S. Paulus 1. Corinth. X. 8. habet: *Neque fornicemur, sicut quidam ex ipsis fornicati sunt, & occiderunt una die 23. milia*. Manifestum est autem, S. Paulum respicere non ad occisionem idololatrarum, sed ad fornicatores, quorum occisa sunt 24. milia n. 25.



donis discrevit. Sic enim Elias conquerebatur, se relictum esse solum 3. Regum XIX. 10. dictum ei fuit a Domino ( ibid. v. 18. & Rom. XI. 4. ): *Et derelinquam tibi in Israel septem millia virorum, quorum genus non sunt incurvata ante Baal.* Neque etiam credendum est, istos omnes ita delinxisse, ut Ecclesia, si non omnino deleta, saltem invisibilis fuerit; & possint non incongrue verba Elie cum aliqua exceptione intelligi, hoc est *pene solus*, quamquam LXX. vertant *omnino solus* (a). Sed præterea eodem tempore Ecclesia erat visibilis, imo & florens in regno Juda sub optimis Principibus Asa, & Josaphat.

63. Ita etiam, "quamquam dicitur, sub impio Achaz Rege Juda clausas fuisse portas templi Dei 2. Paralip. XXVIII. 24. Isaias tamen nunquam a populo se segregavit, quod procul dubio fecisset, si omnes consensissent in idolatriam. Neque se separavit Jeremias, aliique Prophetæ sub impio Manasse, aliisque regibus prævaricatoribus, quod patet ex iis verbis 2. Paralip. XXXVI. 15. mittebat autem Dominus Deus patrum suorum ad illos per manus nuntiorum suorum de nocte consurgens, & quotidie commones; quorum similia etiam inveniuntur apud Jeremiam XI. 7. ac XXV. 5. & 4. Sic denique, ut alia præteream, cum dixisset David Psalm. XIII. & LII. nullum esse de filiis hominum, qui faciat bonum; conqueritur postea de impiis, quod *deverint plebem Dei, sicut escam panis; & alibi dicit, Dominum esse in generatione justa.* Et recte notavit S. Augustinus contra Donatistas, qui similibus testimoniis abutebantur ( in epist. contra Donatistas, sen de unitate Ecclesie cap. 15. ), a Scripturis divinis sic redargui impios, tamquam nullus bonus omnino remaneret.

64. Tempore autem Christi nativitatis veram Dei religionem extinctam non fuisse, patet 1. ex Pastoribus, qui ab Angelo moniti, Christum recte natum adoraverunt; 2. ex Magis; 3. ex Simone sené, ex Anna Prophetissa, ex parentibus S. Joannis Baptistæ, ex Maria Virgine, & Joseph ejus conjugo, aliisque multis. Ita etiam tempore passionis præter pias mulieres, & discipulos, Christum confitebantur Joseph ab Arimathæa, Nicodemus, latro in cruce, & forsasse aliqui ex iis, qui revertentur percutientes pectora sua. Certius autem id asserti posse videtur de Centurione,

aliisque sepulcri custodibus; de quibus dicit S. Matthæus XXVII. 54.: *Centurio autem, & qui cum eo erant, custodientes Jesum, viso terræmotu; & his, quæ fiebant, timerunt valde, dicentes: vere filius Dei erat iste.* Petrus etiam ab externæ infidelitatis peccato statim Dei gratia liberatus est, cujus proinde fidem, inquit S. Leo, non fuisse vitam, sed constantiam superatam ( Serm. 9. de Pass. Dom. cap. 4. ). Ceteri etiam Apostoli, quamquam relicto Christo Domino fugientes a debita constantia, atque extrema fidei confessione defecerint; quamquam aliquandiu latuerint, aut occulte congregarentur propter metum Judæorum ( Jo. XIX. 38. & XX. 19. ), non tamen vere dici potest, eos a fide interna defecisse. Quod autem S. Marcus dicit, Christum exprobrasse incredulitatem discipulorum &c. non de omnibus intelligi debet, sed de aliquibus; nam S. Matthæus cap. ultimo 17. quidam autem, inquit, ( non omnes ) dubitaverunt.

65. Neque obstat, quod S. Bernardus ( Tract. de lament. B. V. ) dicat, in solâ B. Virgine in triduo illo fidem Ecclesiæ stetitisse. Nam 1. Tractatus ille quæ spurius est, & teste Bellarmino ( De scriptor. Ecclesiast. ) indignum, quod S. Bernardus tribuatur; quippe quod inepta, & falsa nonnulla contineat; 2. id posset explicari de fide omnino viva, quæ in aliis Apostolis non fuit.

66. Neque etiam obstat, quod S. Augustinus ea verba Psalm. LXVIII. *dececerunt oculi mei* ita commentetur; *quando passus est ( Jesus ), quando mortuus est, omnes discipuli desperaverunt, quod ipse esset Christus.* A latrone Apostoli vili sunt, qui tunc credidit, quando illi defecerunt. Hæc enim S. Patris verba non presse accipienda sunt pro vera desperatione, sed pro aliqua trepidatione: unde alibi in Psalm. LXXIV. n. 6. ) eadem repetens, ita prosequitur: *ergo columnæ illæ; quæ passione Domini nutaverunt, resurrectione firmatæ sunt; ubi Apostolos non lapsos esse, sed tantum nutasse dicit.*

67. Dices. S. Augustinus in Ps. CXVIII. n. 2. expresse asserit; Ecclesiam aliquando in solo Abel fuisse, aliquando in solo Henoch, aliquando in sola domo Noe, aliquando in solo Abraham, & in solo Loth, & familia ejus.

68. Resp. S. Doctorem nonnisi præcipuos quosdam

(a) Sæpius solent Protestantes hoc Elie testimonio uti, ut persuadeant, eodem modo delinxisse suam Ecclesiam ante tempora Lutheri, & Galvini, quod illa septem millia, in quibus vetus Ecclesia conservabatur, delitescerebat. Verum si res ita se haberet, saltem postquam primi pseudo-reformatores apparuerunt, delinissent isti fideles delitescere ipsi se adjungere, & palam omnibus declarare, se antea semper crepulis, quod Lutherus, & Galvianus primo docere incipiebant. Attamen sæpius provocati Novatores, ut non quidem septem millia, sed saltem aliquos nominarent, qui in eadem cum Lutero, & Galvino sententia semper fue-

runt, ne nunquam solum indigitare potuerunt, & velint nolint, fateri coguntur, omnes, quotquot toto orbe erant Christiani, ea ignorasse, quæ ab istis fidei reformatoribus tunc primo predicari ceperunt. Est. Quid præterea? Non solum ceteri fideles, sed ipsi Lutherus, & Colampadius, & Zuinglius, & Calvinus, & alii omnes fuerant in antiqua Ecclesia fide enutriti, ut proinde debuerint sicuti aliorum, ita etiam propriam fidem reformare, & non solum a tota Ecclesia catholica, sed a se ipsis quoque recedere. Ubi ergo erant isti decantati septem millia, quæ in sint Ecclesiæ Romanæ delitescerebat, nec curabant gemitu ante Baal?

idam justos voluisse nominare, in quibus eminebat Ecclesia. Certe ab Ecclesia non exclusit Adam, & Evam, quando eam in solo Abel fuisse dicit. ( De toto hoc argumento dignus est qui legatur Melchior Canus Libro IV. *De locis theol.* cap. post. )

69. Obj. 2. Mura sunt Scripturarum oracula, quæ ostendunt, Ecclesiam aliquando defecturam. Et quidem celebris est illa Azariæ prophetia 2. Paralip. XV. 3: *Transibunt autem multi dies in Israel absque Deo vero, & absque Sacerdote, Doctore, & absque lege.* Tum etiam Danielis IX. v. ult. *Deficit hostia, & sacrificium, & erit in templo abominatio desolationis, & usque ad consummationem, & finem perseverabit desolatio.* Lucæ pariter XVIII. 8. *Filius hominis veniens, putas, inveniet fidem in terra?* Denique Apostolus ad 2. ad Thessal. II. 5. ne quis, inquit, vos seducat ullo modo, quoniam nisi venerit discessio ( græce ἀποστασία ) primum, & revelatus fuerit homo peccati, filius perditionis &c.

70. Resp. ad 1. omisiss variis interpretationibus (a), illam Azariæ prædictionem esse referendam non ad Ecclesiam universalem, sed ad Judaicam gentem, quæ in pœnem perpetrati Beicidii toto orbe dispersa est, absque Deo vero, quia eum ut trium in personis, & cultu vero non colit, absque Sacerdote, Doctore, & absque lege, quia Prophetæ a Deo inspirati jamdiu ab illa gente defecerunt, & lex abrogata est. Dicit autem Prophetæ: *transibunt multi dies*; ut indicet, hanc populi Israelitici derelictionem non futuram perpetuam; Judæos enim esse tandem aliquando ad Evangelium convertendos, pluribus Scripturæ locis aperte innuitur.

71. Prophetia Danielis, prout Christus ipse interpretatus est *Math. XXIV. 15. Marc. XIII. 14. & Luc. XXI. 20.* intelligi debet de Jerusalem eversione, quæ sub Tito facta est, & cessatione legalium veteris Synagogæ, quæ legalia post templi eversionem, quando scilicet Evangelium jam sufficienter promulgatum erat, ita cessarunt, ut ædum mortua, sed etiam mortifera evaderent.

72. Quando vero Christus dicit: *Filius hominis &c. loquitur de fide valida, constanti, & cum charitate conjuncta, quæ tunc rara erit, non tamen prorsus nulla, quod Christus ipse clarius explicuit Math. XXIV. 12.* ubi loquens de turbulentissimis Antichristi temporibus dicit: *refrigescet charitas multorum, non omnium.* Ita hunc locum exponunt S. Hieronymus in *Dial. contra Luciferianos*, & S. Augustinus *De unit. Ecclesiæ* capit. 15. Tom. IX. (b).

73. Sic etiam apostasia, quæ prædictur tem-

pore Antichristi, multorum erit, non omnium. Nam Christus ipse promisit, futuros etiam aliquos eo tempore in fide constantes. *Mat. XXIV. 22. propter electos brevioribus dies illi.*

74. Dices. Futuram tempore Antichristi generalem, & plevam Ecclesiæ defectionem, ut cesset omnis ritus sacer, & Ecclesiæ nullibi appareat, manifeste indicat S. Joannes *Apocal. XII. 6.* ubi Ecclesiā vobis exhibet sub figura mulieris, quæ fugit in solitudinem ubi habebat locum paratum Deo. Id ipsum confirmat S. Ephrem Syrus, & Augustinus. Primus quippe (Secm. de Antichristo) omnes, inquit, communi voto, parique sententia summo cum gaudio ipsum constituent regem. S. Aug. autem (epist. 199. alias 80. cap. 2. u. 39.) Quando sol obscurabitur, ait .... Ecclesia non apparebit, impiis tunc persecutoribus ultra modum servientibus.

75. Resp. Vaticinio S. Joannis prædici quidem, adeo vehementer futuram Antichristi persecutionem, ut populus fidelis quæsiturus sit in deserto, & latibulis securitatem; inde tamen non fit, Ecclesiam perituram, aut saltem ita obscuratam iri, ut non appareat; nam S. Joannes ibidem perspicue contrarium innuit, nempe non defuturos Pastores, qui pascant eam: erit ergo grex cum Pastoribus, adeoque visibilis Ecclesia.

76. Verba S. Ephrem non ad omnes omnino homines spectant, sed ad omnes impios; nam aliquos electos constantes futuros Christus promisit. S. autem Augustinus vult quidem, obscurandam esse Ecclesiam, non ita tamen, ut prorsus deficiat, aut saltem omnino invisibilibus reddatur; quod cum ex aliis ipsius locis, tum ex contextu ipso luculenter appareat; ita enim prosequitur S. Pastor: *Stellæ cadent de caelo, & virtutes colorum movebuntur, quoniam multi (non omnes) qui gratia fulgere videbantur, persequentibus cadent, & cadent; & quidam fideles fortissimi turbabuntur.*

77. Obj. tertio, & admodum exaggerant tempora Aziana, in quibus dicebat S. Hilarius (in Lib. cont. Auxentium) se potius latentem Ecclesiam credere, quam videre. Et decontatum est quoque illud S. Hieronymi (in *Dial. cont. Luciferianos*): *Ingemuit totus orbis, & se esse Arianum miratus est.* Et in Lib. cont. Jo. Jerosol. u. 4. Tom. II. dicit: *Arianorum, & Euzonianorum hæresim toto orientem (excepto Papa Athanasio, & Prudino) possedisse.*

78. Resp. Fuisse quidem eo tempore Ecclesiam magnopere turbatam, non tamen dici posse, eam aut perissem, aut invisibilem fuisse factam. Sane S. Aug. Vincentio Donatistæ hunc eundem Hila-

(a) Quæ videri possunt apud P. Calmetum in Comment. ad hunc locum.

(b) Verba S. Aug. hæc sunt: *Huc nos intelligimus, dicitur, vel propter ipsam fidei perfectionem, quæ ita difficilis est in hominibus, ut in ipsis quoque admira-*

*bilibus sanctis, sicut in ipso Moyse, invenitur aliquis, ubi trepidaverint, vel trepidare poterint: vel propter illam iniquorum abundantiam, & paucitatem bonorum, de qua satis diximus.*

ri locum obijcenti ita respondet ( ep. 93. al. 43. n. 30. seq. ): Ecclesia aliquando obscuratur, & tanquam obnubilatur multitudine scandalorum, sed etiam tunc in suis firmissimis eminet. Tale tunc erat tempus, de quo scripsit Hilarius, unde putasti insidiandum testimonio tot divina, tanquam perierit Ecclesia de orbe terrarum. Ostendit autem primo, illo Arianorum tempore obscuris ipsorum verbis multos parvi sensus fuisse delusos, ut putarent hoc credi ab Ariano, quod etiam ipsi credebant; quomodo deceptos fuisse Patres Concilii Ariminensis, certum est. Addit deinde, S. Hilarium nomen de decem Asiæ provinciis fuisse locutum, quas potissimum turbavit Ariana factio. Ac demum hæc, quæ videntur dicta de omnibus, non esse tamen de omnibus intelligenda; habent enim etiam scripturæ canonicæ hunc arguendi morem, ut tanquam omnibus dicatur, & ad quosdam verbum perveniat.

79. S. Hieronymi pariter dicta hyperbolica esse, omnes norunt, qui non ignorant, 1. Patres in Concilio Ariminensi incaute quidem formulæ sibi ab Ariano oblatæ subscripsisse, fidei tamen Nicænæ constanter adhæsisse; 2. in Concilio Ariminensi non fuisse totum inundum, imo nec majorem ejus partem conclusam. Nam S. Athanas. biennio post calamitatem Ariminensem ita Joviniano Imp. scribebat an. 363: Tamest pauci quidam huic fidei ( Nicænæ ) adversentur, præjudicium tamen facere non possunt, quippe cum orbis universus apostolicam fidem retineat (a). Et non multo post ita S. Basilus scribebat Ecclesiæ Evæsenorum epistol. CCLII. Tom. III. stare in fide: circumspicite orbem terrarum, & videte exiguum esse hanc partem, quæ morbo laborat: reliquam autem Ecclesiam, quæ a terminis usque ad terminos Evangelium suscepit, in sana hac versari, et incorrupta doctrina.

80. Obj. ult. In Sess. 3. Conc. Constantiensis inter alias constitutiones synodales a Cardinal. Franc. Zabarella promulgatas hæc etiam erat, ne Concilium dissolvatur, quousque Ecclesia sit reformata in fide, & in moribus: censuit ergo sacrum Concilium, Ecclesiam, ut in moribus, ita etiam in fide fuisse deformatam.

(a) Ibi autem enumerat universas totius orbis Ecclesias, nempe Hispania, Britannia, Gallia, totius Italia, Dalmatia, Dacia, Mysia, Macedonia, Græcia, & Africa universæ, necnon Sardinia, Cypris, Creta, Paphlagonia, Lycia, Icaria, Egypti, Libia, Ponti, Cappadocia &c.

(b) Cum Ecclesiæ nec defecisse, nec deficere unquam posse tuentur, loquuntur solum de defectibus in dogmatibus fidei, & morum. Neque enim negamus, plures in disciplinam aliquando irrepisse abusus, & multa adhuc reperi, quæ reformatione indigerent. Sufficit ac legere, quæ S. Bernardus suo tempore deplorabat mala, præcipue in epist. 257. ad Eugenium, tum quæ scribebant Guill. Durandus Episcopus Mimatensis dicens Speculator in Tract. de modo gener. conc.

81. Resp. Ea verba referenda esse ad errores, quos Joan. Wicleffus, Joan. Hus, & Hieronymus de Praga in Ecclesia sparserant, & a quibus sacrum illud Concilium Ecclesiam universalem representans, Ecclesiam ipsam purgare satagebat, rescatas nempe putridas, & infectis membris. Ceteram plusquam manifestum est, sacrum Concilium nunquam censuisse, Ecclesiæ universalis fidem aut defecisse unquam, aut deficere potuisse; id inquam manifestum est ex ejusdem Concilii verbis sess. VIII. ubi inquit: Sancta Ecclesia Catholica in fidei veritate superni luminis radiis illustrata, Domino providente, & Sanctorum patrociniis opem ferente, semper immaculata permanens, erroris tenebris, veluti hostibus profugatis, gloriosissime triumphavit.

Reipsa postea tota reformatione in eo Concilio salubriter facta mores tantummodo, & disciplinam spectavit.

82. Scholion. Si verum est, Ecclesiam nec defecisse unquam, nec deficere posse, ut luce meridiana clarius ostensum fuit, manifeste consequitur, solam Ecclesiam Catholico-Romanam esse veram, omnes autem alias sectas esse falsas; illa enim sola de antiquitate sua merito gloriatur, cum quælibet alia secta novitatem suam agnoscere, & fateri debeat. Deo igitur Opt. Max. qui me in hujusmodi Ecclesiæ sinu nasci, & educari speciali beneficio voluit, gratiæ sempiternæ (b). Sed quoniam hoc argumentum est contra omnes Protestantibus admodum efficax, operæ pretium ducimus, illud aliquanto uberius explicare.

## CAPUT IV.

Ex demonstrata hætenus Ecclesiæ visibilis perpetuitate colligitur, Sectas, quæ ab Ecclesiâ Romano-Catholica se separarunt, esse extra Ecclesiam Christi.

83. Solent semper Catholici urgere omnes heterodoxos verbis Tertulliani de præscript. hæret. c. 32. Edunt ergo origines Ecclesiarum suarum, evolvunt ordinem Episcoporum suorum, ita per successiones ab initio decurrentem, ut primus ille

celebr. Cardin. Petrus de Alliaco, Gersonius, & alii: præcipue autem Nicol. de Clemangis in famoso suo libro de corrupto Ecclesiæ statu. His quætelis resonabant etiam Concilia Pisanum, Constantiense, & Basiliense, ut alios prætermittam, quorum testimonia studiose collegimus Protestantibus, ut ita imperitis persuaderent, necessariam fuisse, quam Lutherus, aliique infelicitè suscepunt, Ecclesiæ pseudo-reformationem. Verum facile fuit Catholicis respondere: reformationem, quæ ab omnibus bonis desiderabatur, fuisse in disciplina tantum, quæ admodum collapsa erat, nullatenus autem in fide, quæ singulari Dei providentia in tanta morum corruptione salva, & intacta semper conservata fuerat; & nihil in Constantiensi, aut Basiliensi, atque in omnium postrema Tridentina Syno-

le *Episcopus* aliquem ex *Apostolis*, vel *Apostolicis* viris, qui tamen cum *Apostolis* perseveraverit, habuerit auctorem, & antecessorem; quibus verbis Tertullianus pro certo principio habet, quod superiore art. demonstravimus, Ecclesiam Christi visibilem deficere non posse: unde merito cum eodem Tertulliano c. 37. omnes hæreticos interrogamus: *qui estis, quando, & unde venistis?* &c.

84. Hoc argumentum valde premit omnes Protestantes, & inritum est, quantum se torqueant, ut illud eludant. Franc. Turretinus (in *Instit. Theologicæ Elencticæ* loco XVIII. quæst. 10.) conatur ostendere, absurde, & iniuræ ab A Catholicis postulari, ubinam esset ipsorum Ecclesia, antequam Lutherus, Zuinglius, Calvinus, alique secessionem a nobis facerent. Hæc autem sunt ipsius monumenta: 1. perperam nos argumentari ab ignorantia rei ad ipsius negationem; plura enim sunt, quæ ignoramus: 2. Vitiose etiam nos rationari ab ignorantia loci ad negationem rei; ut si quis pegeret, thesauris esse in mari, quia ignoratur, ubinam sint: 3. hanc quæstionem esse historicæ, non fidei; cuius proinde solutio non est ad salutem necessaria: 4. non posse solvi hanc quæstionem, quia verba Patrum monumenta aut perierunt, aut corrupta a nobis sunt: 5. Nec nos posse ostendere, ubinam fuerit nostra Ecclesia, quæ docet transubstantiationem, Missæ Sacrificium, Sanctorum invocationem, imaginum cultum, indulgentias &c., hæc enim non erant in veteri Apostolorum Ecclesia (a).

85. Huiusmodi tamen, & similes evasiones perspicue ostendunt, quantum Novatores in hac causa laborent. Prima enim, & secunda facile præcluduntur ex eo quod Ecclesia Christi, ut supra demonstratum est, semper visibilis esse debeat, quamquam aliquando magis, aliquando minus illustis; eorum autem, quæ visibilia sunt, determinari possunt & locus, & tempus. Cum vero dicunt, huius quæstionis solutionem non esse necessariam, cum historiam spectet, non fidem, insigniter fallunt, & fallunt; quid enim magis necessarium cuilibet fidei quam veram Ecclesiam noscere, quam credere se proficitur in symbolo, & extra quam salus obtineri non potest? Vera autem Ecclesia cognosci nequit, nisi illa cognoscatur, quæ a Christo fundata, & ad nos usque perpetua successione propagata est. Quamquam innumera propemodum sunt ad Historiam pertinentia & certa fide credenda. Quartum effugium vanum esse ostendunt tot sacræ antiquitatis monumenta, quæ supersunt, ex quibus nos luce meridiana clarius demonstrant, omnibus sæculis

fuisse Ecclesiam; & quibus in locis modo magis, modo minus floruerit. Fuisse autem hæc monumenta a nostris corrupta; mera calumnia est, quæ nec refutari meretur.

86. Quoniam vero hic locus non est ostendendi, omnia nostræ Ecclesiæ dogmata fuisse semper, & ab omnibus credita, solum Adversarios provocamus, ut ipsi tempora determinent, & auctores nominent, a quibus hæc dogmata fuerint primo in religionem inuenta. Nos vero publicis historiæ tabulis palam omnibus facimus, quando, & qui receptam in Ecclesia doctrinam cæperint impugnare, a quibus fuerint refutati, & quando ab universali Ecclesia damnati. Ut vel hoc solo argumento & vetustas nostræ doctrinæ, & novità errorum luculenter demonstretur.

87. Nec magis felicitur causam suam tnetur Turretinus, dum asserit, snam Ecclesiam semper fuisse, 1. quia singularis Dei Providentia substantiam rerum credendarum, & faciendarum in Ecclesia nostra conservavit, licet variis erroribus doctrina illa subinde permixta fuerit: 2. quia semper substituit in omnibus electis, qui substantiam doctrinæ salutaris in ministerio publico se creverunt ab erroribus subinde gliscitibus: 3. vult, hanc Ecclesiam fuisse *ambulatoriam*, & sine pastorum successione. Denum eam fuisse in variis cætibz ab Ecclesia Rom. separatis, quales imprimis fuerunt Waldenses, & Albigenes.

88. Nam 1. hæc singularis Dei providentia, ad conservandam substantiam rerum credendarum, & faciendarum in Ecclesia, certe oritur ex promissionibus eidem Ecclesiæ factis: at vero hæc promissiones non possunt ad aliquas tantum veritates restringi, cum potius legamus *Matth. XXVII. 19. Euntes &c. docentes eos servare omnia, quæcumque mandavi vobis, & ecce ego vobiscum sum &c.* item *Joan. XIV. 16.* Christus promisit Ecclesiæ *spiritum veritatis*; & rursus *XVI. 13. Cum autem venerit Spiritus veritatis, docebit vos omnem veritatem*: singularis igitur Dei Providentia, qua Ecclesiam curat, debet ad omnia extendi. 2. Isti electi, qui in ipso Papatu, seu ut ajunt, in *media Babylone*, a superstitionibus, erroribusque gliscitibus se immunes servaverint, fictitii sunt, nec ab adversariis recenseri possunt; omnes enim, quotquot erant in Ecclesia Catholica, sive pastores, sive oves, eundem habebant cultum externum, ut proinde eos simul cum aliis fuisse pollutos dicendum sit, si ille cultus erat idololatriæ. Quod additum est 3. de Ecclesia *ambulatoria*, præterquamquod commentitium est, difficultatem non tollit; semper enim quæretur, ubinam Ecclesia illa fuerit? quinam il-

do de fide reformatum fuit, sed potius antiqua, quæ nondum defecerat, a nova pseudo-reformatum erroribus vindicta est. Hoc egregie ostendit Bossuetus in initio sum incomparabilis *Historia de variationibus Ecclesiarum Protestantium*.

(a) Joan. Gerhardus Loco XXIII. §. 176. ingenue fatetur, *quomodo Ecclesia Dei conservata sit, & ubi locorum singulis annis extiterit, demonstrari non posse.*



illius pastores? quæ ejus doctrina? quæ Sacramenta? qui ritus &c.? Hæc enim sub oculis cadunt.

89. Postremum longiorem explanationem exposularet, ut scilicet compendium saltem historicum exhiberemus istarum Sectarum, in quibus Protestantæ suæ Ecclesiæ successione frustra requirunt. Sed pro nobis constituta brevitate satis fuerit adnotare, inter tot *testes veritatis*, ut eos appellant, qui in aliquo puncto ab Ecclesia Catholica olim recesserunt, hæcenus nec unum allegari potuisse, qui in omnibus dogmatibus, vel saltem majori eorum parte Protestantibus consenserit. Sic ex. gr. allegant Vigilantium contra Sanctorum cultum; iste tamen in omnibus fere reliquis doctrinam Catholicam sectabatur. Arius sacrificium altaris rejiciebat, sed erat Arianus etiam Claudius Taurinensis, & non alia ratione allegatur, ut *testis veritatis*, nisi quia erat iconoclasta. Berengarius etiam a Calvinistis adeo laudatus nonnisi dogma præsentis realis in Sacramento Eucharistiæ inficiatus est: cetera retinuit. Jo. Viclesius magis a doctrina Catholica recessit, sed multa impie docuit, quæ nec Protestantes approbare audent. J. Hus Eucharistiam adoravit, transubstantiationem credidit, & Missæ sacrificium semper retinuit. Idem de Hieronymo Pragensi dicatur. Nihilominus quia hi duo in pluribus capitibus ab Ecclesia Catholica condemnati fuere, & tanquam pertinacis supplicio affecti, nedum inter *veritatis testes*, sed etiam inter *Martyres* habebunt locum (a).

90. Deinde qui ad Waldenses confugerunt, ut aliquam suarum Ecclesiarum successione inve-

niant, nimis procul distant ab origine Apostolica; constat enim, hujusmodi sectam nonnisi sæc. XII. erupisse; & non minus a Waldensibus, quam ab aliis Novatoribus queri potest, ubinam Ecclesia ante Petrum Waldum sectæ fundatorem existeret? Me quidem non latet, eos in sua *Confessione fidei* edita an. 1541. jactasse olemem quandam traditionem, quæ suæ sectæ epocham ab anno Æ. C. 150. repetebant. Sed nugæ hæc sunt, omni vel levissimo historicæ monumentum destitute.

91. Nec minus teneantur alii, qui an. 320. quemdam Leonem una cum multis fidelibus a Sylvestro Rom. Pontifice secessisse asserunt, propterea quod bona temporalia a Constantino Imper. Ecclesiæ donata acceptaverit; atque in hoc anno Waldensium originem figere volunt. Porro hujus successione, vel sectæ mentio nulla est apud Philastrium, Epiphanium, Augustinum, aliosque Patres, qui tamen neque obscurissimas lures prætermiserunt. Addo, quando Bucerus, & Œcolampadius an. 1530. Waldenses sollicitant, ut cum Sacramentariis fœdus pangerent (quod reipsa postea an. 1536. cum Genevensibus ope Farel sanctum fuit) eorum doctrinam a novis pseudo-reformatorum dogmatibus fuisse admodum diversam, nude Waldensium Ecclesiæ reformanda fuit; quod Theod. Beza lib. I. *Hist. Eccl.* fateri non dubitavit (b).

92. Neque illud prætermittendum videtur, quod multis ex ipsis nostris adversariis fatentibus, vera Ecclesia saltem prioribus tribus, vel quatuor sæculis (aliqui etiam fatentur usque ad VI. sæc.) incontaminata permansit. Jam vero scisciter, ubinam tunc illa fuerit? An in ignobili, & ob-

scu-

(a) Eadem ratione inter *testes veritatis* recenseri solent Basiliius Groningensis, Bertramus, Petrarcha, Carolus Magnus, Ludovicus Pius, Hugo Capetus, & quotquot in aliquem errorem lapsi sunt, vel aliquam enim Romanis Pontificibus controversiam habuerunt. In his quærent Protestantæ suarum Ecclesiarum successione visibiles; quorum tamen plerique, ut Carolus Magnus, Lud. Pius, Hugo Capetus, Franc. Petrarcha insigni calumnia in hostibus Ecclesiæ Rom. numerantur. Et quamvis aliqui istorum, maxime autem Petrarcha, fuerint Romane Sedi iniquiores, non tamen ab ipsa, facta schismate, se separarunt; aut inconvulsis ejus dogmatibus restiterunt.

(b) Reipsa cum adum fuit de incedna enim Waldensibus societate, Œcolampadius, & Bucerus proposuerunt Petro Massonio, & Georgio Morello eorum legatis, ut non amplius crederent, *illicitum esse juramentum; non posse a Christianis exerceri magistratum munia; non posse a Ministris aliquid possideri, a nullo autoritate posse impios ad mortem damnari; in Eucharistia esse Corpus Christi reipsa præsens; confitendum esse peccata, & esse alia Sacramenta præ baptismum, & eorum.* Ceterum male a nonnullis Waldenses confunduntur cum Albigensibus; illi enim sic dicti sunt a Petro Waldo, divite mercatore Lugdunensi, qui an. 1160. desiderio evangelicæ paupertatis omnia bona sua distribuit; unde etiam *pauperes Lugdunenses*

Guzzaniga Theol. Tom. I.

appellati fuere. De eorum erroribus legi in eorum Rainerius Sacconus, eo majore fidei dignis, quod antea fuerat eorum Episcopus, post autem ad Ecclesiam reversus Dominicane familie illustris decessit, eos autem exponit, & confutat in *Summa de Catharis, & Leonistis*. Videri etiam possunt Nic. Eymierius in *Directorio Inquiritorum*, Petrus de Pilichdorf in libro contra *Waldenses*, ac demum Claudius Scellensis Archiep. Taurinensis, qui an. 1577. diligentissime eorum errores inquisivit, pluresque ipsorum ad veritatem revocavit; ejus autem opus add. *errores, & sectam Waldensium* Parisiis prodit an. 1520. Flores & antiquas eorum confessiones memorat Jo. Legerus in *Hist. Wald.* ac præcipue unam ms., quam tradidit dienti Cronvello an. 1658. ab eoque repositam in bibliotheca Cathedrali. Multas item recenset Matthias Flacius Illyricus in *Catal. testium veritatis*, attamen nonnisi una est authenticæ an. 1341. extensa, præter illam, quam Waldenses Bohemi an. 1535. ediderunt, quamque Lutherus, utpote stia placitis consensuæ honorificæ prefatione præhavit, improbat autem Calvinus. Waldenses sapinus damnati sunt, præcipue vero a Lucio III. an. 1181., & ab Innocentio III. in Concilio IV. Lateran. 1215. Ecclesiasticæ autem auctoritatis etiam suam adjunxit Fredericus II. Imperator ea constitutione, quam legitur apud Goldastum T. I.

aurissima aliqua secta, ejus nec mentio ulla invenitur? Annon potius in ea parte, quæ successionem habuit Pastorum, & in qua tot viri & doctrina, & vitæ sanctimonia præstantes semper floruerunt?

93. Felicius rem suam agere sibi videntur Protestantes, dum in Manicheorum secta successionem quaerunt; reipsa enim hæc est antiquissima; & ad prima Ecclesiæ sæcula, imo ad ethnicæ philosophiam orientalem pertingit. Sed meminisse debent, *xristi* hujus sectæ *gamma* esse duo summa omnium rerum principia, unum bonum, alterum malum: 2. rejecisse eos Vetus Test.: 3. etiam corripisse mysterium incarnationis: 4. negasse matrimonium, & necessitatem baptismi; pluraque alia absurda docuisse, ut S. Augustinus refert de *Hæres.* n. 46, hæc autem omnia se desolati Protestantes nobiscum profitentur.

94. Neque ab iis erroribus alieni erant Pauliciani, Manicheorum soboles, qui in Oriente primum rebellati sunt, & nefandas contra suos Principes rebellionem moverunt, ut videre est in ipsorum historia a Petro Siculo teste oculato conscripta. Hi postea sæc. XI. in Italiam, & Galliam, secundo autem sequenti in Germaniam, & Angliam pestiferam suæ hæreses lumen late propagarunt. Primo *Cathari*, idest *puri*, aut *Catharistæ*, seu *Purificantes* appellati sunt, deinde *Albigenses* ab arbe *Albiga*, *Petrobrusiani* item, & *Henriciani* a Petro de Brui, ejusque discipulo Henrico ipsorum antesignanis. Qui in Anglia vocati sunt *Poplicani*, vel *Publicani*, ejusdem furfuris erant. Sed hæc sufficiant (a).

95. Solum addendum, ex quo nostri sæpius Protestantibus objecerint, eos resuscitasse errores in Albigensibus, Waldensibus, Wiclefitis, Husitis &c. jam damnatos, perperam Turretinum colligere, nostra confessione patere, Ecclesiam reformatam existisse ante Lutherum, & Zuinglium. Primo enim liquido constat, doctrinam Novatorum partim consentire erroribus veterum hæreticorum, partim ab illis dissentire. Secundo, istæ omnes sectæ fuerint semper novitatis accusatæ; unde illas soli sociando, non addunt, nisi novatorum numerum. Tertio, scire cuperem, quid Turretinus Socinianis responderet, si illi etiam, quando objurgantur, quod damnatos Sabellii, Arii, & Photini errores ab orco revocaverint, simili retorsione uterentur?

96. Videntur tamen Adversarii huic Hæreticorum successioni non admodum fidere; nam potius aliam quaerunt in ipsa Ecclesia Catholica, seu, ut ipsi dicunt, in *Papatu*. Ita nempe rem Turretinus componit: *Licet Doctores Ecclesiæ Rom. errores multos, graves, & exitiales puriori doctrinæ Evangelii permiscerent, quia ta-*

*men profitebantur, retinere se adhuc religionis & salutis fundamenta, potuerunt veri fideles puriorem, & sanam doctrinam ab exitiis, & cibum salubrem a veneno discernere, quomodo oves in pascuis, tam venenatis, quam salutaribus herbis referitis, salubres eligere norunt; & a noxiis abstinere.* Addit autem, Pastores Ecclesiæ Rom. sub duplici *sermone* seu habitudine spectari posse; scilicet & quatenus puram Evangelii doctrinam proponebant, & quatenus fermentum corruptelarum suarum, & traditionum immiscebant; priori sensu fuisse veros doctores, posteriori seductores.

97. Pronum est tamen illico animadvertere: 1. rudem plebem, & alios in theologicis rebus non plene exercitatos, quæ maxima est pars fidelium, vix ac ne vix quidem potuisse distinguere, quandam Doctores Ecclesiæ duram Evangelii doctrinam traderent, & quando fermentum suarum corruptelarum adspargerent; hæc enim probe discernendi ars est. Theologorum præcipua. 2. Nonnisi diviuando, & sine ullo fundamento adversarii fingunt, fuisse semper doctos, piosque theologos, qui hæc discernere; eos enim nominare nequeunt. 3. Si etiam tales aliquando existisse probaretur, ii fuisse hypocritæ, & simulatores; exterius enim fuissent professi fidem, quam non credebant, Sacramenta omnia suscepissent, quæ contemnebant, Missæ sacrificium Deo obtulissent, quod superstitiosum, itaque idolatriæ plenum reputabant. Sciscitor autem, an Protestantes suis permitterent ita vivere in Ecclesia Romana, sicut eos vixisse communiscuntur, quos sue communionis predecessores appellant? Denum adhuc probandum esset, tales hypocritas perpetua serie sibi successisse, ne si interrumpatur series, Ecclesiam aliquando defecisse, dicendum sit.

98. Frustra vero nonnulla adducunt exempla hæreticorum, qui ab Ecclesia vel sponte discesserunt, vel ejecti fuerunt; nam 1. in his perpetuam invenire non possunt successionem usque ad tempora Apostolica. 2. Si hæc exempla valerent, potiore jure possent iis abuti Sociniani, vel Anabaptistæ. 3. Quamvis Protestantes multos ab antiquis Hæreticis errores lauserint, cum nulla tamen eorum secta omnino conveniunt. 4. Denum negare saltem non possunt, infinite plura nobis suppetere exempla eorum, qui nostram doctrinam serie nunquam interrupta & professi ipsi sunt, & aliis tradiderunt. Habemus enim in nostra communione, & Pastorum successionem certam in Ecclesiis Apostolicis, vel Apostolicarum filiaribus, & apertam ejusdem doctrinæ professionem in operibus Sæctorum Patrum, aliorumque Scripturum; videmus qui, & quando nonnunquam in paucis erraverint, maxima aliorum parte contradicente; sci-

(a) Et qui plura desiderant, adeant Bossnetum in *Hist. crit.* ubi luce clarior ostendit, quam immerito in hujusmodi damnatis sedæ suæ causæ patro-

cinum quaerant Protestantes. Legi etiam meretur Cardinal. Vinc. Gotti in *vera Ecclesia Christi* Tom. II. cap. 9.

seimos, quinam fuerint in suis erroribus peritiores, & quonodo, & quando ab Ecclesia condemnati &c. Hæc omnia ex publicis tabulis apparent. Provocamus autem adversarios, ut suarum Ecclesiarum successionem, & doctrinam eadem certitudine, & perspicuitate ostendant.

## CAPUT V.

*Assertitur summa, & infallibilis Ecclesie auctoritas in definiendis questionibus fidei, & morum.*

99. Hæc materia artissime conjuncta est cum illa, quam cap. 3. pertractavimus. Si enim ex Christi promissionibus Ecclesia visibilis nec errare, nec deficere potest, debet quoque in ea esse suprema, & infallibilis auctoritas definiendi controversias, quæ de fide, & moribus in ea exoriantur.

100. Porro hæc iudicandi potestas in Pastoribus dumtaxat reperitur, quos posuit Spiritus Sanctus regere Ecclesiam Dei Act. XX. 28., & vocari solent Ecclesia docens; ut in republica una tantum est pars, quæ imperat, leges fert, de eorumque sensu iudicat, ceterorum autem laus in obedientia est posita.

101. Rursus Pastores ipsi considerari possunt vel divisi, vel simul collecti: primo modo non representant Ecclesiam, nec sibi vindicant infallibilitatis privilegium: sed solum prout collective sumuntur; tunc enim Ecclesiam docentem constituunt.

102. Ac demum Pastores collective sumpti adhuc dupliciter considerari debent, vel prout in aliquo dogmate docendo simul conspirant, quavis locorum intervallo disjuncti; vel quando simul coeunt in Conciliis, & controversias ex Dei verbo discutunt, ac tandem unanimi sententia definiunt. Utrouque modo Ecclesiam esse infallibilem certo teneamus; idque primo ostendere aggredimur de Ecclesia toto orbe dispersa: post autem de eadem in Conciliis congregata dicemus.

103. Certe supremam fuisse etiam in Ecclesia veteri iudicandi potestatem, liquido constat ex Deuter. XVII. 8. seq. Huc respexit Christus Dominus, quando Matt. XXIII. 2. dicebat: super cathedram Moysi sederunt Scribæ, & Pharisæi: omnia ergo, quæcumque dixerint vobis, servate, & facite. Quæ verba ita pulchre ex-

ponit Sanctus Augustinus Libr. IV. de Doctr. Christian. capit. 27.: illa ergo cathedra non eorum, sed Moysi cogeat eos bona dicere, etiam non facientes. Agebant ergo sua in vita sua: docere autem sua, cathedra illos non permittebat aliena.

104. Sed luculentius adhuc hæc veritas declarata est in N. T. clarissimis iis promissionibus, quas supra num. 38. seq. recensuimus, ac præcipue in verbis Sancti Pauli i. ad Timoth. III. ubi Ecclesia dicitur columna & firmamentum veritatis, quatenus ipsa fundata in Christi promissionibus sine ullo errandi periculo omnes veritates, quas a Spiritu Sancto accepit, fideliter custodit, ac filiis suis credendas proponit.

105. Respondet Jo. Gerhardus (Loco XXIII. cap. 9.), promissiones Ecclesias factas non esse absolutas, sed conditionales, ut conditionales erant illæ, quæ ad Vetus Testamentum spectabant, si nempe verbo divinitus promulgato adhæreat. Id autem multis locis Vet., ac Novi Testamenti confirmare conatur (a).

106. Resp. Eas promissiones, conditionales, quas solent adversarii proferre, ad singulos fideles spectare, non autem ad totam Ecclesiam. Sane ipsemet Gerhardus cap. præced. Ecclesias promissam fuisse durationem perpetuam, & quidem absolute fatetur, & solum contendit, non fuisse promissam perpetuam claritatem externam, ut semper visibilis sit. Quam sententiam suffragio suo approbat omnes alii, quando contra Socianos Ecclesiam non posse omnino deficere nobiscum demonstrant. Cur ergo non erunt absolute etiam illæ promissiones, quibus Spiritus Sanctus auxilium promittitur, ne erret?

107. Deinde cuiusnam quæso ponderis essent illæ tam sæpius repetitæ Christi promissiones, si nihil aliud Christus sponsæ suæ pollicitus fuisset quam eam nunquam erraturam, quandiu divino verbo adhiæserit? Autem idem esset, ac spondere, Ecclesiam non erraturam, quandiu non erraverit? Certe aliquid plus illi promittere voluit, quando dixit, portas inferi non esse contra eam prævalituras; enim ipsis pastoribus se futurum usque ad consummationem sæculi, &c. Christus enim censendus est in Apostolorum persona etiam successores ejus muneri compellasse, ut recte notat Grotius, quia Apostoli non erant victuri usque ad consummationem sæculi.

108. Accedit in hujus rei confirmationem in-

jo-

(a) Loca a Gerardo allegata non respiciunt Ecclesiam nostram; hæc autem sunt ex Vel. Test. Lev. XXVI. 11. Paralip. XV. 2. Pr. CXXXII. 13. Jerem. VII. 13. ex Novo autem Joan. VIII. 31. Si vos manseritis in sermone meo, vere discipuli mei eritis: quæ verba a Christo dicta sunt iis Judæis, qui jam crederant. Joann. XV. 14. Vos amici mei estis, si feceritis, quæ præcipio vobis; ubi paritella si videtur sumi pro quia, nempe quia fecistis &c. 1. ad Timoth. VI. 4. Si quis aliter docet, & non acquiescit sanis

sermonibus D. N. J. C. & ei, quæ secundum pietatem est, doctrina, superbus est, nihil sciens &c. quæ verba quomodo huc spectant, non video; Hebr. III. 6. Domus (Christi) sumus nos, si fiduciam, & gloriam spei usque ad finem firmam retineamus; quod etiam repetitur v. ad designandam necessitatem perseverantiae usque in finem. Eadem fere ratio est de aliis locis 1. Ep. Joann. II. 18. & 24. Item Rom. XI. 19. & seq. omnia nippæ ad privatos fideles, non ad Ecclesiam pertinent.

jorum nostrorum exemplum, qui omnes enatas controversias ad Ecclesiam tribunal semper deferre consueverunt, ejusque definitionibus ore, & corde omnino assentiri. Id primo docuerunt Apostoli in controversia de legalium observantia. Id postea in causis gravioribus Sabellij, Pauli Samosatani, Aetij, Pelagij, Nestorij, Eutychetis &c. semper servatum est. Audito autem summo Ecclesiae Matris oraculo, qui fideles erant ejus filii, illico paruerunt, & qui parere detrectarunt, treuendo anathemate percussi, ut rebelles, ejecti sunt: quæ excommunicationis sententia, & rejectio cæta fidelium crudelis, & injusta foret, si Ecclesia non polleteret summa, & infallibili auctoritate controversias fidei definiendi.

109. Perquam facile nobis esse innumera pene SS. Patrum testimonia pro hoc dogmate confirmando afferre; sed paucis contenti esse debemus, quoniam factis ipsis, ut niox ostendimus, supremam, & infallibilem Ecclesiae auctoritatem agnoverunt S. Irenæus Lib. III. *adv. hæreses* c. 4. *Non oportet, inquit, adhuc quæreræ apud alios veritatem, quam facile est ab Ecclesia sumere, cum Apostoli quasi in depositarium dives plenissime contulerint omnia, quæ sunt veritatis.*

110. S. Ambrosius ita Valentiniano Imperat. scribebat Lib. V. Ep. 32.: *Certe si vel Scripturarum seriem divinarum, vel vetera tempora retractemus, quis est, qui abnuat, in causa fidei, in causa, inquam, fidei, Episcopos solere de Imperatoribus Christianis, non Imperatores de Episcopis judicare?*

111. Sed iustar omnium sit S. Augustinus, qui hanc veritatem clarius explicandi contra Donatistas occasionem habuit. In Lib. I. *contra Cresconium* c. 53. loquens de valore baptismi ab hæreticis collati, *quavis, inquit, hujus rei certe de Scripturis Canonice non proferatur exemplum, eandem tamen Scripturam etiam in hac re a nobis tenetur veritas, cum hoc facimus, quod universe jam placuit Ecclesiae, quam ipsarum Scripturarum commendat auctoritas, ut quoniam sancta Scriptura fallere non potest, quisquis falli metuit hujus obscuritate questionis, eandem Ecclesiam de illa consulat, quam sine ulla ambiguitate sancta Scriptura demon-*

*strat.* Et in Lib. II. c. 32. *Non accipio, inquit, quod de baptizandis hæreticis, & schismaticis beatus Cyprinus sensit, quia hoc Ecclesia non accipit, pro qua beatus Cyprinus sanguinem fudit.* Ac demum celebre est illud ejusdem S. Doctoris effatum (*contra epist. fundamenti* c. 5.): *Ego Evangelio non crediderim, nisi me Ecclesie Catholice commoveret auctoritas* (a).

112. Ratio quoque theologia infallibilem hanc Ecclesiae auctoritatem manifeste vincit: ut enim in quacunque bene ordinata republica præter leges debent esse Magistralis, & Judices earundem custodes, & interpretes, ita in Ecclesia præter verbum Dei aliquis debet esse supremus ejusdem custos, & interpres, qui controversias de legitimo verbi Dei sensu exortas finire possit: unde sapienter inquit Melchior Casus (L. XII. *de locis theol.* cap. 6.) *si in exploranda Scripturæ intelligentia nullus est Ecclesie certus iudex, aude dicere, rempubl. fuisse nullam stultius constitutam.* Hujusmodi autem interpres debet esse tutus, & infallibilis, ut non simus parvuli fluctuantes, & circumferamur omni vento doctrinae Eph. IV. 14.; sed ut idem sapiamus, & in eadem permaneamus regula. Phil. III. 16.

113. Et certe, ut quid Christus Dominus tanto opere suam religionem instituisset, eamque & Scripturis, & traditione per universum orbem propagari voluisset, si nullum esset tutissimum medium, quo possemus ejusdem doctrinam certo cognoscere? Jam vero posita Ecclesiae auctoritate, quam Acalholici negant, nullum est, aut esse potest medium, veram Christi doctrinam certissime cognoscendi; media enim, quæ nobis suppeditant Acalholici, ipsis fateutibus errori obnoxia sunt & restat igitur &c.

114. Hujus rationis tanta est vis, ut ipsi Adversarii sin minus verbis, factis saltem cogantur necessitatem hujus supremi & infallibilis iudicis confiteri. Taceo enim de appellatione ad Concilium generale, quæ adhuc prostat in duabus eorum confessionibus Augustana, & Argentoratensi: solum observo, quæ Calvinistæ in suis Synodiæ egerunt (b), præcipue in Dordtacena, & Charentoniana contra Remonstrantes, Latitudinarios, atque Independentes. Eos enim condemnarunt, a-

na-

(a) Isaac Beausobrius (*Discours sur les livres apocryphes* Tomo II. de l'histoire des dogmes des Manichéens p. 446.) hoc tamquam in actu disputationis incantis a S. Patre probatum vellicare audeat; nec alio modo emoliri posse dicit, nisi per auctoritatem Ecclesiae investigatur ejus testimonium, quo nobis Evangeliorum auctoritas, confirmat. Verum ut multis aliis in locis, ita etiam hic nimia Sancti Doctorem carpenti prurigo Beausobrium fellellit: ex verbis enim sequentibus facile apparet, S. Augustinum ibi agere non de Ecclesie testimonio, sed de ejus auctoritate in definiendis dogmatibus fidei; ita enim prosequitur: quibus ergo obtemperavi dicentibus: *Credite Evangelio; cur eis non obtemperem dicentibus mihi: noli credere Manichæis*

Alias admodum frivolas, & ineptas hujus loci interpretationes a Jac. Picenino allatas refutat Card. Vinc. Gotti in sua *Verba Christi* Tomo II. P. I. art. 3. §. 3. Joann. Franc. Buddens in *Instit. Theol. Dogm.* Lib. I. c. 2. in not. ad §. 39. ut se ab hoc, aliusque id genus nodis expellat, inquit: *negari nequit, veteris Ecclesiae doctores, dum Ecclesia auctoritate hæreticos compescere voluerunt, interdum ita locutos, ut plus, quam decet, ei tribuere viderentur.* Ita periculis est, non solum hanc, sed omnes difficultates in Theologia dissolvere.

(b) Quorum collectionem dachus volum. edidit Aimonius.



mathemate percussurum, atque e sinu suo eje-  
cunt; quæ agendi ratio erat omnium iniquissima,  
si in sua societate supernam, & infallibilem quæ-  
stiones fidei definiendi auctoritatem non agnosce-  
bant, ut illi condemnati merito conquirebantur.  
Insuper eorum Ministri adiguntur, ut juramento  
se obstringant ad definitiones synodorum fideliter  
tenendas, & docendas. Quod iterum injustum est,  
si quilibet jns habet eas examinandi, & rejicien-  
di, dum illas verbo Dei consentaneas non inveniat.

115. Neque vero jvat respondere, id fieri o-  
portere ad externum ordinem in Ecclesia servan-  
dum. Nam primo, quando de fide agitur, non  
sufficit externa obedientia, sed requiritur internus  
cordis assensus; corde enim creditur ad justitiam  
Rom. X. 10. Præterea, quæ in Synodis damnantur,  
repuntatur errores, quibus nemo tuta consen-  
tia adhaerere potest. 5. Additur contra refracta-  
rios excommunicatio, quæ eos privat omnibus bo-  
nis spiritualibus. 4. Denum additur etiam jura-  
mentum, quo homines se adstringunt ad ea dog-  
mata usque ad mortem credenda (a).

116. Nullatenus autem audiendi sunt, qui hanc  
infallibilem Ecclesiæ auctoritatem appellant domi-  
nium in sacris litteris expresse prohibitum, nempe  
a Sancto Petro 1. Epist. V. 13. ubi inquit:  
*neque ut dominantes in cleris, sed forma fa-  
ci gregis ex animo;* & a Paulo 2. Cor. I. 23.  
*non quia dominamur fidei vestræ: unde etiam  
hanc auctoritatem non alio, quam odioso tyran-  
nidis titulo nominant.*

117. Resp. enim, Ecclesiam proprie non domi-  
nari, sed dominari Spiritum Sanctum, qui Ecclesiam  
regit, ne in verbi Dei intelligentia erret. Præterea  
in locis objectis excluditur solum dominatus tempo-  
ralis; quasi Apostoli propter evangelium vellent tem-  
porale dominium in fideles exercere, unde acute ob-  
servat Erasmus in græco non esse dictum a S.  
Paulo *ὅτι ἐπὶ κοινῶν τῆς ὑμῶν πίστεως, non quia  
dominamur fidei vestræ,* ut legit Vulgata; sed  
*ὅτι ἐπὶ πνεύματι*, id est non dominamur vobis, sed  
*causa fidei*; quem sensum etiam adoptant Theo-  
doretus, Gagnius, & alii. Quod adhuc expres-  
sus S. Petrus innuit in verbis supra-allatis, quæ  
referuntur ad illud præceptum a Christo Aposto-  
lis datum *Matth. XX. 25. principes gentium  
dominantur eorum, non ita erit inter vos.*

118. Perperam etiam obijciunt ea Christi ver-  
ba Joann. V. 34. *ego non ab homine testimo-  
nium accipio.* Neque enim Christus ab homini-  
bus testimonium accipit, cum Ecclesia ipsius ver-  
ba interpretatur: sed potius a Spiritu Sancto, qui  
Ecclesiæ præsto est, & de quo Christus ipse di-

cit Joann. XV. 26.: *ille testimonium perhibebit  
de me.* Quanquam locus allatus ex Joann. V.  
aliū omnino sensum habet, scilicet non indi-  
guisse Christum testimonio Joannis, vel aliorum  
hominum ad suam divinitatem comprobendam,  
quandoquidem testimonium multo majus habebat,  
nempe operum suorum, & Dei Patris. En iute-  
grum textum: *Vos misistis ad Joannem, & tes-  
timonium perhibuit veritati: ego autem testimo-  
nium ab homine non accipio...* Ego habeo tes-  
timonium majus Joanne... *Opera, quæ ego  
facio, testimonium perhibent de me...* Et qui  
misit me, Pater, testimonium perhibuit de me.

119. Neque denum ex quo Pastores Ecclesiæ  
sint legitimi judices sensus Scripturarum, efficitur,  
eos esse supra Scripturas, ut perpetuo claman-  
t Adversarii, sicuti ex quo magistratus, &  
judices de sensu legum judicium proferant, mi-  
nime sequitur, eos esse supra leges. Si Ecclesia  
sibi potestatem arrogaret immutandi Scripturas,  
vel eas rejiciendi, tunc esset supra Scripturas,  
sed hanc blasphemiam Catholicorum nemo so-  
mutavit. Quas enim Scripturas ex traditione pri-  
morum fidelium accepit, has fideliter, & inte-  
merate custodit; & quando de earum sensu du-  
bia occurrunt, non proprio arbitratu, sed re-  
bene perpensa, adhibita etiam perpetua traditione,  
resolvit; & ne in resolutione erret, Spiritus Sati-  
s est ei præsto est.

120. Multa colligit Joann. Gerhardus ex sacris  
litteris, ut ostendat, Ecclesiæ reipsa errasse. 1.  
Apostoli communem errorem secuti, arbitrati sunt,  
Messiæ regnum futurum temporale: unde *Act. I. 6.*  
interrogabant: *Domine, si in tempore hoc res-  
titues regnum Israel.* 2. Nec sciebant Scriptu-  
ram, quia oportebat Christum a mortuis resur-  
gere, ut Joann. XX. 9. dicitur de Petro, & Joanne.  
3. Ut colligitur *Act. X.*, Petrus ignorabat,  
Gentiles ad Evangelium esse admittendos, & non-  
visi nova visione fuit de hac veritate edoctus; inde  
etiam *Act. XI.* de hac re debuit cum Judæis  
conversis disceptare. 4. Idem Petrus *Act. X. 14.*  
videtur ignorasse abrogationem legalium; reneue-  
bat enim manducare commune, & immundum,  
in quem iterum errorem lapsus est, segregatus se  
a mensis Gentiliū; quomobrem a Paulo *Gal. II.*  
reprehensus fuit, quod non recte ambularet ad  
veritatem Evangelii. Addit deinde alia exempla  
Galatarum, Corinthiorum, Pergamensium, &  
Thyatiensium, quorum errores Scriptura memora-  
rat, ac deus quæ totius Ecclesiæ Orientalis, quam  
ut schismaticam, & hæreticam Ecclesia Romana  
anathematizat.

121.

(a) De hac auctoritate, quam Protestantes contra sua  
quidem principia, sed quadam tamen necessitate adadi  
sibi arrogunt, digni sunt, quæ audiantur Remon-  
strantium quæritæ in *Epistolis præstantium, & erudi-  
torum virorum* &c. De eadem etiam plurimum dispu-  
tavit Bossuetus in *Colloquio cum Jo. Claudio.* Sed præ-

stat etiam audire Bellium, qui in *Dist. Ari. Main-  
bourg* rem. D. inquit: *in omnibus societatibus esse de-  
bet tribunal, a quo suprema sententia pendat in con-  
troveritiis privatorum, & quod potestatem habeat insi-  
gendæ pœnas rebellibus debitas: alioquin turba impedi-  
ri non possent, & controversiæ æternam durarent.*

121. Quantum attinet ad 1. & 2. negari non potest, Apostolos nonnulla ignorasse, antequam Spiritus Sanctus eos doceret omnem veritatem necessariam ad salutem; nec tamen eo tempore debeat auctoritas infallibilis in Ecclesia, cum esset præsens, & visibilis Christus Dominus ejus caput, apparet suis discipulis, & loquens de regno Dei Act. 1. 3.

122. Resp. ad 5. Petrus non ignorabat, nec ignorare poterat, Gentiles esse ad Evangelium vocatos, cum id sæpius prædixit Christus, imo & omnibus Apostolis præceperit, ut docerent omnes gentes. Solum ergo dici potest, vel ipsum opportunitatem spectasse, de qua tunc fuit per visionem admonitus, vel potius non tam ipsam, quam per ipsum fuisse alios Judæos de hac re edoctos, quæ ipsis paradoxa videri poterat; vel demum per novam revelationem fuisse Apostolis magis explicatum, quod antea non bene intellexerant; unde etiam Sanctus Paulus Ephes. III. 5. inquit: *Nunc revelatum est Sanctis Apostolis ejus, & Prophetis in Spiritu, Gentes esse coheredes, & concorporales, & participes promissionis ejus in Christo Jesu per Evangelium.*

123. Resp. ad 4. Neque etiam ignorabat S. Petrus, abrogata esse legalia; ut enim narrat Sanctus Paulus Galat. II. 12., prius cum gentibus edebat, post autem segregabat se, timens eos, qui ex circumcisione erant; ex quo patet, eum non errasse in fide, ut crederet, adhuc homines legalibus adstringi, sed in eo peccasse, quod recedens a Gentilium mensa imprudenter occasionem scandalis aliis præberet, seu ut Tertullianus ait de præscript. hæret. cap. 23. illud fuit vitium conversationis, non prædicationis; quamobrem etiam Paulus non dicit, eum ambulasse contra Evangelium, sed potius non recte ambulasse ad veritatem Evangelii. Quod autem dicebat in visione Act. X.: *Abstine, Domine, quia numquam manducavi omne commune, & inmundum*, non probat, eum credidisse, hæc non posse sine peccato comedi, sed solum se nunquam comedisse. Ceterum nescio, quomodo adversarii non solum Ecclesiam, sed ipsos quoque Apostolos obnoxios errori facere non vereantur; quos tamen fuisse Spiritu Sancto plenos Scriptura testatur. Ex singulariter Sancto Petro dixit Christus: *rogavi pro te, ut non deficiat fides tua.* Lucæ XXII. 32.

124. Quæ postea adduntur de Ecclesiis particularibus, nullam habent difficultatem, cum neque neget, has deficere posse; divisim tamen, non collectim; quia si singulæ simul deficerent, etiam Ecclesia universalis, quæ ex illis conflatur, tota periret, quod fieri non posse Christus promissit. In Ecclesia Orientali, præcipue in Græca, non paucos Orthodoxos, & Apostolicæ Romanæ Sedis fideles divina gratia semper servavit.

125. Obijciunt secundum nonnulla Sancti Patrum dicta, ac præcipue Hieronymi, qui in fine ep. 119. ad Minervium, & Alexandrum in-

quiebat: *Nec juxta Pythagoræ discipulos præjudicata doctoris opinio, sed doctrinæ ratio ponderanda est;* & Tertulliani, qui in Apologet. c. 4. *suspecta lex est, inquit, quæ probari se non vult; improba autem, si non probata dominetur.*

126. Resp. S. Hieronymum de sua, aliorumque privata auctoritate loqui, non de Ecclesiæ. loquitur enim: neque tanta est meæ pusillitatis auctoritas, qui nihil sum. . . . quanta eorum, qui nos in Domino præcesserunt. Nec juxta Pythagoræ &c. De Ecclesiæ auctoritate aliter loquitur S. Doctor; & ut alia præteream, notissima sunt, quæ Damaso scribebat Epist. 15. *Ego nullum primum, nisi Christum sequens, beatitudini tuæ, idest Cuthedræ Petri, communione consocior; super illam petram edificatam Ecclesiam scio. Quicumque extra hanc domum agnum comederit, profanus est. Si qui in Noe arca non fuerit, peribit regnante diluvio.* Imo in eadem epistola ita concludit: *Meum propositum est, antiquos legere, probare singula, retinere, quæ bona sunt, & a fide Ecclesiæ Catholicæ non recedere.*

127. Tertulliani autem verba, si quid probarent, non tam Ecclesiæ, quæ non est lex, quam Scripturæ auctoritatem everterent, quæ prima est Christianorum lex. Sed Africanus Doctor ibi agit de legibus humanis; quas Imperatores ethnicæ tulerant contra Christianos, quasque rursus examinari merito poscebat, ut eorum cognita injustitia, tollerentur. Unde etiam exemplum affert Lycurgi, cujus leges fuerant a Lacedæmonis examinatæ, & emendatæ, quia de causa superbus ille legislator præ dolore obiit.

128. Ceterum Tertullianus multa tradit de Ecclesiæ auctoritate, præcipue in Libro de præscript. hæret., ubi cap. 19. vult, prius querendum Ecclesiam, seu ut ejus verbis utar, a quo, & per quem, & quando, & quibus sit tradita disciplina, qua fiant Christiani; quibus verbis designatur Ecclesia, & postea pergit: *ubi enim apparuerit, esse veritatem, & disciplinam, & fidei Christianæ, illic erit veritas Scripturarum, & expositionum, & traditionum;* unde regulam suam statuit, ut inspiratur, quænam sunt Ecclesiæ apostolicæ, & apostolicarum soboles, & quæ proinde Apostolorum doctrinam tam viva, quod ajunt, voce, quam per epistolam receperunt; atque infert, omnium doctrinam, quæ cum illis Ecclesiis Apostolicis, Matricibus, & originalibus fidei conspirat, veritati deputandam; & hoc vocat præscriptionem; hoc testimonium veritatis. Præcipuam autem auctoritatem deferet Ecclesiæ Romanæ, cui totam doctrinam Apostoli cum sanguine suo profuderunt.

129. Ob. tertio palmarem, ut putant Adversarii, difficultatem. Non potest Ecclesiæ suprema, & infallibilis auctoritas tribui, nisi incidendo, in circulum vitiosum, unde quasi ex labyrintho nullus est exitus. Hæc enim auctoritas ex sacris

litteris demonstranda est; at vero quoniam sint sacra, & canonice Scripturae, & insuper quoniam sit legitimus earundem sensus, ab ejusdem Ecclesiae auctoritate pendet. Quod si dicatur, posse nos ex solis Hermeneuticæ regulis ea loca intelligere, quæ infallibilem Ecclesiae auctoritatem tribuunt, poterunt parvi jure ex iisdem regulis alia omnia loca intelligi, ex quibus pendet omnia nostræ fidei dogmata, quin ad Ecclesiam confugiemus.

150. Insuper Ecclesia sibi vindicans hanc auctoritatem, infallibiliter definit, se infallibilem habere definiendi potestatem; & nisi hæc haberetur Ecclesie definitio, non esset hoc dogma ab omnibus indubia fide credendum, adeo ut posset quilibet impune de Ecclesie auctoritate dubitare. Hæc tamen omnia putam, putamque involvunt petitionem principii.

151. Resp. Primo hac ipsa difficultate, si qua est, premi etiam Adversarios. Hanc enim libertatem, quam sibi arrogat, omnia fidei dogmata privato suo spiritu examinandi, ex Scripturis probare conantur. Quando autem ab ipsis sciscitatur, quoniam sint canonici libri, & quoniam eorumdem germanus sensus, iterum ad spiritum privatum perpetuo circulo nos provocant.

152. Resp. 2. Nullum in hac materia esse circulum vitiosum. Nam quando contra Heterodoxos infallibilis Ecclesie auctoritas ex sacris litteris ostenditur, non ita adhibetur libri sacri, de quibus canonici necne sint, inter nos, & illis disputatur, sed ita duntaxat, de quorum *adversis*, nulla prorsus est disputatio; hincundeque postea hæc *adversis* deriverit. Sumimus ergo id, quod utique litigantium parti commune est; & certum, ut inde Ecclesie auctoritatem supremam ostendamus. Rursus quando ex canonicis illis, & divinis libris testimonia in rem nostram allegamus, non ea in nostro sensu intelligenda esse contendimus, quia Ecclesia ita intelligenda illa esse definit; sed nos nostris Adversariis, quoad fieri potest, accommodando, ex certis, & communibus Hermeneuticæ legibus evincimus, hunc, & non alium esse obviun, & germanum eorumdem sensum. Nullus itaque est in nostro rationio vitiosus circulus (a).

153. Accedit, quod supremam Ecclesie auctoritatem aliis etiam argumentis invicte demonstramus; ac potissimum ex constanti omnium sæculorum usu; ex ipso enim Apostolorum ævo id semper servatum est, ut graviores fidei, morumque controversie ad Ecclesie tribunal deferrentur, ejusdem infallibili oraculo definirentur; cui oraculo omnes illi, qui fasces submittere recusa-

runt, tanquam ethnici, & publicani ejedii sunt. Quo fit, ut omnes fideles hanc infallibilem, & supremam definiendi auctoritatem, ut nostræ religionis dogma capitale, semper habuerint, atque habere debeant.

154. Neque demum Ecclesia utens auctoritate definiendi controversas fidei sibi a Deo collata, id sibi arrogat, de quo disputatur, sed potius in ea possessione manet, in qua semper fuit. Et non solum iniquum, sed ridiculum plane foret, ut a possessione sua decederet, quia aliqui ipsius rebelles filii eidem obtemperare detrectant. Nec etiam ad confirmandum hanc auctoritatem aliqua opus erat definitio; nam antiqua, & nunquam interrupta possessio ad id sufficiebat. Quod cum pro certo habuit Synodus Tridentina, dum Sess. IV. de Ecclesie auctoritate dixit: *cupis est judicare de vero sensu, & interpretatione Scripturarum sanctarum*.

155. Dices (cum Jario *Vrai syst. de l'Eglise*): Ecclesie universalis de nulla re judicat, nihil definit, neminem docet, aut condemnat: hæc enim omnia ab Ecclesiis particularibus fiunt, seu potius ab eorum Pastoribus.

156. Resp. Nihil magis falsum dici posse. Primo enim Ecclesia universalis in Conciliis œcumenicis congregata judicat, definit, docet, condemnat. Id factum est in ipso Ecclesie exordio ab Apostolorum Concilio; & postea secutis temporibus, quotiescunque opus fuit: deinde quando Ecclesie particulares, seu earundem Pastores simul uniuntur in aliquo dogmate proponendo, vel oppositis erroribus condemnandis, ex singulorum communis consensu resultat generalis totius Ecclesie definitio, & doctrina. Neque vero in hac auctoritate exercenda requiritur populi vox. Aut definitio; nam hæc auctoritas spectat ad Ecclesiam docentem, quam Pastores constituent. Quanquam nec deest etiam populi consensus, qui id credit, quod Ecclesia docens illi credendum proponit (b).

157. Dices adhuc. Si communis fuisset olim Christianorum doctrina, Ecclesiam habere supremam, & infallibilem judicandi potestatem, nulla unquam fuissent hæreses, & nulla schismata; quæ tamen semper Ecclesiam ab ipso sui exordio afflixerunt. Præterea saltem nunc in Ecclesia Romana nullæ esse debent Theologicæ ille controversiæ, quæ olim excitatæ, non sine gravi fidelium scandalo, ac detrimento adhuc hodie perdurant.

158. Respond. primæ difficultati, si quid ea valeret, etiam Apostolorum, atque ipsius Christi auctoritatem, quæ certe summa erat, & infallibilis, eversum iri; hæreses enim, & schismata etiam

A.

(a) Confer elegantissimum Fasciolum in *Acroasi VI. Dialectica*.

(b) Hanc Jarii objectionem fusius diluit illustrissimus Bossuetus in *Hist. var. Eccles. Præstantium*, Lib. XV. n. 86. & seq., ubi ex ipso Jario ostendit,

Ecclesiam universalem loqui, docere, judicare, condemnare &c. Ostendit insuper, quoniam falsa sit idea Ecclesie universalis a Jario confecta, quæ colligit omnes communionis, quæ appellantur Christianæ, suo sine completatur.

Apostolorum vero fuerunt ab iis excitata, qui eorum doctrinam, quæ utique cælestis erat, & divina, corrumpere conabantur; nec auctoritati ipsius a Christo collatæ parere volebant. Christus item invenit perveracem Judæos, quorum durities neque verbis, neque miraculis suis emolliri potuit. Denique & sæcularis Regum auctoritas hoc argumento labefactaretur, cum tam multi justas ipsorum leges contemnant. Si igitur Regnum, Apostolorum, atque ipsius Christi auctoritas propter inobedientes, & sefractarios non evertitur, stabit etiam summa Ecclesiæ auctoritas in rebus fidei, morumque definiendis, quanquam aliqui eidem obtemperare recitent; quod Christus ipse futurum esse prædixit, dum eos, qui Ecclesiam non audierint, habendos esse iussit, sicut ethnicos, & Publicanos Math. XVIII. 17. Nimirum tanta est hominum infirmitas, & nequitia, ut nisi Deus gratia sua interiore præsto sit, nulla eos auctoritas continere in officio possit.

139. Respond. secundæ difficultati, Ecclesiam iustis de causis suam definitivam sententiam in multis controversiis, quæ inter Catholicos agitantur, aliquando suspendere. Nemo autem molestus sciscietur, quanquam sint hæc iustæ causæ; neque enim semper subditi, & filii datum est, causas perscrutari eorum, quæ a matre Ecclesia prudenter sine dubio fiunt (a). Addo, nullas Ecclesiæ novæ revelationes fieri, & unius ea definiti ab Ecclesia posse fidei dogmata, quæ in verbo Dei sive scripto, sive oretenus tradito continentur. Si itaque Deo non placuit aliqua nobis in verbo suo revelare, ea ab Ecclesia definiti non possunt. Nonnullas huius generis quæstiones enumerat Sanctus Augustinus, Lib. II. de peccato originali cap. 15. Tom. X., & concludit in iis, & multa ignorari salva Christiana fide, & alicubi errare sine aliquo hæretici dogmatis crimine.

140. Obijc. quarto. Posita infallibili de rebus fidei iudicandi potestate, quam nos Ecclesiæ tribuimus, sequitur, inutile esse sacrarum litterarum studium: sufficit enim suprema Ecclesiæ oracula nosse.

141. Respond. neg. sequelam; Scripturarum enim divinarum studium semper est fidelibus utilissimum; & primo quidem ad confirmandam fidem nostram, quando videmus, Ecclesiæ defini-

tiones esse sacris litteris apprime conformes: deinde plurimum prodest ad augendam fidem, quæ per charitatem operatur: quot enim in sacris eloquiis invenimus exhortationes, promissiones, & minas? quot vitium exempla, & alia bene vivendi incitamenta? Utile præterea est sacrarum litterarum studium, ut præter dogmata, ac præcepta, etiam agnoscamus consilia, quæ ad Christianam perfectionem adipiscendam inagnum conferunt adjumentum. Denique utilissimum est Scripturarum studium ad convincendos hæreticos, qui Ecclesiæ definitionibus acquiescere nolunt; vel saltem ut nos, aut alios ab eorum fallaciis decipi patiamur.

142. Quamquam autem fateamur, sacrarum litterarum studium esse summoque utile, negamus tamen esse omnibus necessarium. Sane ab initio religionis nullæ erant sacræ litteræ, & tamen erat, & florebat Ecclesia. Ulterius etiam postea multæ barbaræ nationes fuerunt ad Christi fidem perductæ, apud quas nullæ adhuc erant sacræ Scripturæ versiones, utpote quæ tardius fieri cœperunt. S. Irenæus Lib. III. *adv. hæres.* cap. 4. postquam necessitatem divinarum traditionum asseruisset, subdit, multas gentes barbarorum, sine charta, & atramento, & sine litteris credidisse, eorumque fidem, ut maxime puram commendat (b). Denique etiam nunc ubique in Ecclesiis consuetudo vetustissima viget, quam non puto ab Adversariis improbatum iri, exigendi professionem Symboli tum & Catechumenis, tum a simplicibus, & rudibus, qui Scripturas nondum legerunt, imo fortasse nec legere norunt. Cur ergo eadem ratione non possunt isti etiam dogmaticas Ecclesiæ definitiones recipere, & firmiter credere, etiam si sacras litteras non legerint?

143. Obijc. ult. Non constat inter ipsos Catholicos, ubinam suprema illa iudicandi potestas resideat. Quidam enim Romano Pontifici, alii Conciliis generalibus, & alii denique Ecclesiæ totæ terrarum orbe diffusæ eam attribuunt (c).

144. Resp. Omnes ad unum Catholicos habere supremam, & infallibilem iudicandi potestatem agnoscere in Ecclesia universali, sive illa sit in Conciliis Œcumenicis legitime congregata, sive toto terrarum orbe dispersa, & in unam, eandemque doctrinam consentiens. De hac re nulla est inter Catholicos disputationis umbra. Totā contro-

ver-

(a) Invenimus aliquando etiam graves errores longo tempore in Ecclesia toleratos, quia, ut observat Bossuetus Lib. XV. *Hist. variat. Eccl. Protest.* num. 128., apes est, eosdem ex seipsis dissipatum iri, & timeri potest, ne solam condemnationem famosiores reddantur, inasque hominum malitia dilateatur.

(b) Sanct. Joan. Chrysost. Homil. II. alias I. in Evangelium Sanct. Joannis Tomo VII. asserit quidem, etiam Barbaros, Syros, Ægyptios, Indos, Persas, Æthiopes Evangelium S. Joannis in propriam linguam vertisse; sed non propterea labefactaret assertio S. Irenæi, qui quasi duobus sæculis antea vixit, & qui

fortasse & aliis nationibus barbaris loquebatur.

(c) Mirum quantum sibi in hoc argumento placeant Heterodoxi, ut Bellius in sua *Critique générale de l'Hist. de Calvinisme* Gr. Jo. la Placette in *Dissert. de insensibili Eccles. Rom. scepticismo*, & Boillierius dans le *Pyrromisme de l'Eglise Romaine*. Imo iste positus in opusculo aliquo commendabili, cui titulus *Court examen de la thèse de M. de Prades* pag. vi. hoc argumentum tantū facit, ut Facilitatem Sorbonicam, atque ipsam totam Ecclesiam Rom., quasi novus Goliath audacter ad ipsius solutionem provocet.



versia, quæ inter eos viget, solummodo est de Pontifice Romano; an scilicet ipse etiam, qui solus aliquid ex cathedra definit, infallibilis sit? Sed hæc controversia ad fidem minime spectat, & salvo charitatis vinculo inter Catholicos agitur. Solum obiter Adversarios monemus, nullum omnino apud nos esse articulum fidei, qui non a Pontifice, & simul ab Ecclesia definitus non sit.

## CAPUT VI.

*Ostenditur, Concilia generalia rite, ac legitime celebrata, in fidei morumque definitionibus errare non posse.*

145. Concilia Ecclesiæ definiti possunt *Conventus legitimi Episcoporum, ad ecclesiastica negotia pertractanda*. Hic autem sermo non est, nisi de æcumenicis, ad quæ Episcopi totius Ecclesiæ Catholice convocantur. Quamvis porro necesse non sit, omnes Episcopos simul convenire, quod nec moraliter fieri potest, tantum tamen eorum numerus ex omnibus Catholicis orbis partibus congregari debet, quantus universali Ecclesiæ representandæ par sit (a).

146. Ut autem rite celebrentur Concilia, necesse est, omnem ab his violentiam procul esse. Hinc secundum Concilium Ephesium quamquam ex omnibus mundi partibus legitime congregatum, communi tamen omnium fidelium consensu nullo est, quia nulla in eo fuit suffragiorum libertas, Dioscori, ceterorumque Eutychnianorum violentia omnibus ecclesiasticis regulis violatis.

147. Generalium Synodorum convocatio ad solam auctoritatem summi Pontificis spectat, sicut & alia omnia, quæ pertinent ad totam Ecclesiam, ut inquit Sander Thomas 2. 2. q. 1. art.

10., quia solus in tota Ecclesia primatus iurisdictionis potitur; unde Ecclesiastica illa regula a Sororate Lib. II. *Histor. Eccles.*, & Sozomeneo Lib. II. cap. 10. memorata: *Ne absque consensu Romani Pontificis quidquam ab Ecclesiis decernatur* (b).

148. Ad eundem etiam Rom. Pontificem spectat Concilii æcumenici præsidere, vel per se, si præsens Concilio adsit, vel per suos legatos.

149. Sed hæc ad Canonistas, a quibus etiam peti possunt, quæ de aliis Conciliis latius disputari solent, nempe de nationalibus, quæ scilicet conflantur ex Episcopis unius regni, vel nationis, Patriarcha, vel Primatu præside; de provincialibus, quæ a Metropoli ex Episcopis suæ Provinciæ convocantur; & de diocesanis, quæ Episcopus cum suis diocesis Clero celebrat (c). Cum enim propositum nobis sit, sermonem habere de Conciliis, quæ omnes fatentur esse rite celebrata, parum interest impræsentiarum disquirere, ad solum Pontificem pertineat necne jus convocandi Concilia: quamvis enim vel inter Catholicos aliqua de hac re controversia sit, nemo tamen negat, Concilia, quæ a Sede Apostolica, universæque Ecclesiæ probantur, pro legitimis habenda esse.

150. Est autem controversia cum Luthero, Calvinio, ceterisque Hæreticis, qui ut Ecclesiæ universæ, ita etiam Conciliis infallibilem iudicandi potestatem denegant (d). Catholicorum contra una vox est, ejusmodi generalia Concilia recte celebrata in fidei, morumque dogmatibus errare minime posse, non secus ac Ecclesiam, quam representant. Hæc autem communis Catholicorum sententia.

151. *Prob. 1.* Ex Concilio habito ab Apostolis in controversia legalium, ut Ecclesiæ in fidei controversiis definiendis normam præscriberent. Suam

(a) In Concilio Hierosolym. non nisi quatuor, aut quinque fuere Apostoli. Conciliis etiam Orientalibus parci intererant Occidentales: quia tamen illi fidem totius Ecclesiæ Occidentalis, exponebant, jam totius Ecclesiæ consensus apparebat. Ceterum prorsus falsa, & absurda est illa Iurii opinio, qui in *Reflex. Hist. sur les Conciles* contendit, omnes omnino Episcopos adesse oportere, ut aliquod Concilium vere sit *Œcumenicum*. Neque id solum, sed præterea multis absurdum vult; ceteros quoque doctos, etiam laicos, esse vocandos; nullo colligit, nullum hæcenus celebratum fuisse, nec celebrari posse Concilium universale. Sed eadem ratione colligere potuisset, nullum celebratum fuisse Concilium nationale, aut provinciale; neque enim illi interfuerint omnes quotquot erant in scientiis ecclesiasticis apprime instructi. Adversus Mel. Capum Lib. V. de locis theol. c. 2.

(b) Jo. Lannoin in pluribus suis epistolis P. VI. conatur ostendere, nedum multa Concilia fuisse ab Imperatoribus congregata, sed etiam jus ea congregandi ad solum Pontificem non pertinere. Idem censet Dupin *Traité de la Doctrine Chret.* Lib. I. c. 13., & auctor libri, cui titulus *Eclaircissement de plusieurs difficultés touchant les Conciles généraux* Part. V. §.

Gazzaniga Theol. Tom. I.

4. Natal. Alexand. Diss. V. in sæc. IV. in resp. ad 2. object. docet, Conciliorum convocacionem, jure *ragiminis ecclesiastici* spectare ad Episcopos, & summos Pontifices (quod postea fuis ostendit Dissert. XI.) jure tamen protectionis, quam fidei, & Ecclesiæ impendere tenentur, spectare etiam ad Principes. Sed vid. Card. Bellarminus Lib. I. de Conciliis, & Ecclesiæ cap. 12. 13. 19. & 20. Hanc auctoritatem convocandi Concilia summis Pontificibus vindicavit etiam Jos. Regger. *Instit. Juris. Eccl.* edit. Viennæ. 1765. Sect. 2. cap. 4. num. 199. contra Rupertum J. C. Justinum Febronium, qui in suo opere de *statu Ecclesiæ* &c. c. 9. §. 1. & 3. sibi probandum sumpsit, nulla lege divina, aut humana convocacionem universalium Conciliorum summo Pontifici reservari; sed tacito dimittat Principum, & Ecclesiarum consensu jus hujusmodi Romani præsumi delatum fuisse. Quem tamen errorem una cum multis aliis egravit in celebri sua *retraditione* exhibita Pontifici Mix. Pio VI. ann. 1778. n. 20.

(c) De postremis duobus tomis in 4. editis Bened. XIV. inscriptis de *Synodo Diocesana*, omnium laudibus celebratissimos.

(d) Conter Bellarmin. præfat. ad Lib. I. de *Conc. & Ecclesiæ*.

enim definitionem tamquam infallibile Spiritus S. oraculum ita pronuntiavit *AR. XV. 28. : Visum est Spiritui Sancto, & nobis &c. (a).*

152. Neque vero est, cur quisquam respondeat, id potuisse ab Apostolis dici, quia quilibet eorum Spiritu Sancto plenus erat, & infallibilis, non autem ab Ecclesiæ Pastoribus, qui eodem privilegio non gaudent.

153. Non, inquam. Etenim si Apostoli ex peculiari illa Spiritus Sancti inspiratione, qua afflati erant, questionem definire voluissent, potuissent separatim id præstare. At vero cum voluerint una simul in Conciliū convenire, rem diligenter, magnaque disquisitione discutere, & ex communi consensione definire; non alia de causa id eos fecisse dicendum est, nisi ut ostenderent, Christum suæ Ecclesiæ semper præsto esse, prout jam promiserat Matth. XXVIII. 20. *Ecce ego vobiscum sum omnibus diebus usque ad consummationem sæculi;* & Joan. XVI. 16. *Rogabo Patrem, & alium Paracletum dabit vobis, ut maneat vobiscum in æternum, Spiritum veritatis.*

154. Id fuit a Patribus V. Synodi observatum Collat. VIII. ubi inquit, licet Spiritus Sancti gratia circa singulos Apostolos abundaret, & non inligenter alieno Consilio ad ea, quæ agenda erant, non tamen aliter voluerunt de eo, quod movebat, definire, priusquam communiter congregati divinarum Scripturarum testimoniis unusquisque sua dicta confirmaverit.

155. Huic nostræ rationi illud videtur obstare, quod quemadmodum Christus dixit Apostolis: *Ecce ego vobiscum sum &c.*, ita etiam dixit Matth. 18. 20.: *Ubi sunt duo, vel tres congregati in nomine meo, ibi sum in medio eorum;* atqui tamen inde non colligitur, Concilia omnia particularia in nomine Jesu Christi congregata habere privilegium, ut falli nequeant: ergo &c.

156. Sed resp. eo loco non esse sermonem de Episcopis in aliquo Concilio congregatis, sed de hominibus piis convenientibus ad orandum, quibus Christus Dominus suum præsidium pollicetur, dummodo petant, sicut oportet, & ea petant, quæ sunt utilia ad salutem; ut enim inquit S. Thomas (in Comm. ad hunc locum), *impossibile est preces multorum non exaudiri; ex multis orationibus fiat quasi una.* Unde etiam dixit Jesus in vers. præced.: *Si duo ex vobis consenserint super terram, de omni re quamcumque petierint, fiet illis &c. (b).*

(a) Frustra est Jo. Mosheimius, dum in suo opère mendacis, & erroribus pleno de rebus Christianorum ante Constantinum Magnum §. 48. contendens, Concilia nulla re alia, quam posteriorum temporum consuetudine, & opinione, idest incertissimis faleris nisi, negat Conveniunt illius fuisse Concilium proprie dictum. Sed tota antiquitas hunc conventum pro vero, & legitimo Concilio semper habuit, imo pro primo omnium, quæ postea consecuta sunt, Conciliorum exemplari, &

157. Prob. 2. Quemadmodum cuncta generalia totam rempublicam; ita Concilia generalia rite celebrata universam representant Ecclesiam: atqui, ut supra probatum est, Ecclesia in dogmaticis definitionibus falli non potest: ergo &c. Major probat. Quamquam enim ad Concilium generale non omnes undequaque Episcopi conveniant, imo nec convenire possint, si tamen plures ex omnibus mundi partibus simul congregati inveniantur, nec ceteri repugnent; imo definitiones Concilii unanimiter recipere parati sint, jam satis aperte Ecclesiæ universas representantur.

Hinc S. Augustinus Lib. I. de bapt. cap. 18. plenarium Concilium vocat totius Ecclesiæ consensionem; & Martinus V. in diplomate, quo recipiendorum in Ecclesia hæreticorum modus prescribitur, jubet eos interrogari, utrum credant, quod illud sacrum Concilium Constantiense universalem Ecclesiam representans approbavit; Eugenius autem IV. (epistola ad Fridericum Rom. Imperat.) Concilium, inquit, generale Constantiense, sicut & cetera Concilia, Catholicam Ecclesiam representans suscipimus; & Leo X. Sess. XI. Conc. Lateran. In presenti, inquit, Concilio Lateranensi universalem Ecclesiam representante &c.

158. Dices. Referente Paulo Sarpio in Hist. Conc. Trid. Lib. II. p. m. 135. & seq. cui etiam Card. Pallavicinus consentit (Hist. Concil. Trid. Lib. VI. cap. 2.) cum plurimi Episcopi vehementer instarent, ut synodus Tridentina suis titulis hunc etiam adderet: *Representans universam Ecclesiam*, Legati Pontifici renuerunt, asserentes, id in antiquis Ecclesiæ Conciliis minime reperiri. Quæ Legatorum responsio fuit a Paulo III. Rom. Pontifice approbata; & consequenter vetitum, ne Synodus Tridentina sese tanquam Ecclesiam universalem representantem inscriberet.

159. Resp. Nullam fuisse controversiam, an Tridentina Synodus Ecclesiam universalem repræsentaret; id enim erat omnibus certum, sed solum, an huiusmodi titulo uti deberet: alique autem a Legatis afferrebaturs causæ, cur id minime expediret, inter quas non postremum locum illa obtinere videbatur, quod veteres Synodi eodem titulo usæ non fuerint, quamquam nemini dubium esse potest, quin universalem Ecclesiam se repræsentare existimaverint. Sane Concilium Nicænum ad Arianos condemnandos hanc phrasim adhibuit: *eos anathematizat Catholica, & Apostolica Ecclesia* (ad calcem Symboli), quod dicere non po-

forms. Quibus autem, & quam certissimis fulcris innitantur Concilia, ex his monumentis, quæ allata sunt, & quæ mox afferuntur, abunde constabit.

(b) Sunt tamen, qui ex laud. Christi verbis infallibilem Conciliorum auctoritatem colligunt. Reipsa hoc in sensu allegata fuerunt a duobus Conciliis œcumenicis, scilicet Chalcedonensi in Epist. ad S. Leonem, & Constantinop. III. A. A. 18. Vid. Bellarmius de Ecclesia; & Conciliis Lib. II. c. 2.

potuisset, nisi se universalem Ecclesiam representare putasset.

160. Prob. 3. ex Ss. Patribus. S. Ambrosius, sequor autem, inquit epist. XXXII. *tractatum Niceni Concilii, a quo me nec mors, nec gladius poterit separare*. S. Basilii epist. CXIV. Patres Nicænos non sine Spiritus S. afflatu locutos fuisse, dicit. S. autem Augustinus Lib. I. contr. Donat. cap. 18. non alia ratione S. Cyprianum excusat, nisi quia Rebatizantium controversia nondum fuerat plenarie Concilio definita, & S. Cyprianum siue dubio censuram affirmat (Lib. II. c. 4.). si jam illo tempore *questionis huius veritas eliquit, & declarata per plenarium Concilium solideretur*. S. Cælestinus in epist. ad Concilium Ephesinum P. II. Ad. 2. *Spiritus Sancti, inquit, testatur præsentiam congregationis Sacerdotum, & paulo post: Spiritum namque est pro debita sibi veneratione, in quo utique nunc apostolorum frequentissime illius, quam legimus, congregationis inspicenda reverentia est*. S. Leo de Chalcedonensi Concilio loquens; Quæ nostro, ait, prius ministerio (Dominus) designaverat, universæ fraternitatis irretractabili firmavit consensu (ep. CXX. al. LXX. ad Theodoretum). Denique S. Gregorius M. Sicut, inquit, sancti Evangelii quatuor libros, sic quatuor Concilia suscipere & venerari me fateor (a).

161. Uterius tanta erat apud veteres de Conciliorum infallibili auctoritate persuasio, ut fideles omnes pro eorum definitionibus tuendis bonorum expoliationem, exilia, & mortem ipsam tolerare non dubitarent. Satis est ea legere, quæ Catholici pro Nicæna fide tendi, a Vandalis in Africa perpassi sunt (b). Illi vero, qui generalium Synodorum decretis parere contumaciter detestabant, ut hæretici, excommunicati, atque ab Ecclesia præcisi, a Catholicis semper habiti sunt.

162. Unum addo ex Bossuet (c), nempe vel ipsos Calvinistas, in variis, quas habuerunt, Synodis hanc infallibilem iudicandi auctoritatem factæ comprobare visos esse. Etiam in Synodo Vtriusque (d) omnes solenni iuramenti religione se obstrinxerant, ad Synodi nationalis definitiones acceptandas, ex firma persuasione, ut ibidem dicitur, quod Deus ei præselebit, eamque in omni veritate, & æquitate per verbi sui regulam dirigit. Hoc autem iuramentum vel sacrilegi plane erat, si Synodum falli posse credebant, vel illusorium, si tantum sub ea conditione Synodo se adhesuros iurabant, ut eam a recta fidei regula non deviasse constaret. Hoc enim modo etiam

Hæretici nostris, & nos Hæreticorum quorumlibet Synodis adhesuros iurare possemus, si nempe a veritatis tramite non deflectant. Accedit, quod Remoustrantes, & Independentes ab Ecclesia tanquam putrida membra in Conciliis Dordrechtano, & Charentoniano eieci sunt, quod iudicium, negata infallibili Conciliorum auctoritate, omnium iniquissimum est.

163. Obj. primo (e) Concilium illud, quo Iudæi de Christi morte deliberarunt Joann. XI. 47. certo fuit æcumenicum: atqui hoc Concilium errore omnium maximo lapsus est: ergo &c.

164. Resp. (f). Eo tempore Synagoga errasse, quo infallibilis esse desiderat, & quo ei nova Christi Ecclesia jam successerat. Nimirum promissa, & tributa fuerat Synagoga auctoritas infallibilis, non tamen usque ad consummationem sæculi; nostræ Ecclesiæ promissa est, sed dumtaxat usque ad Christi adventum: imo, Messia adveniente, ejusdem occasus erat oraculis Prophetarum prænuntiatus. Non tamen, Synagoga errante, omnis sublata erat infallibilis auctoritas, sed hæc erat in ipso Christo visibilis ipse Ecclesiæ capite; cuius Divinitas & antiquis prophetiis, & recenti Joannis, ac Simeonis testimonio, ac denique prodigiis, & miraculis adeo luculenter demonstrata erat, ut esset inexcusabilis, qui eam non agnosceret. Aliter hæc difficultatem expedit Melchior Canus Lib. V. de loc. theol. cap. post. in resp. ad 2. Consultatur, si lubet.

165. Obj. 2. S. Gregorius Nazianz. ab Imperatore Theodosio ad Concilium Constantinop., quod anno 382. celebrandum erat, invitatus, ita libere respondit Epistol. 55. ad Procopium: *Ego, si vera scribere oportet, hoc animo sum, ut omnem Episcoporum conventum fugiam; quoniam nullus Concilii finem latum, & faustum vidi, neque quod depulsionem malorum potius, quam accessionem, & incrementum habuerit*. Itane vero de Conciliis scriptis S. Gregorius, si summam, & irreformabilem auctoritatem a Christo haberent?

166. Resp. S. Gregorium loqui de Conciliis sui temporis illegitime celebratis, & in quibus malis Arianorum artibus, & Constantii, ac Valentis Arianæ hæreses factorum præpotentia, omnes Ecclesiasticæ regulæ violatæ fuerant. Nec concilia generalia erant, si unum Arimienense excipitur; de quo postea. Videtur quidem etiam ad Concilium Constantinopolitanum, quod an. 381. celebratum fuerat, digitum intendere; sed non quantum ad fidem, quæ in eo contra Arianos, & Macedonianos egregie defessa fuerat; sed quantum ad

A.

(a) Lib. I. Ep. 24. Nemo autem miretur non nisi priora quatuor Concilia a S. Gregorio memorari. Nam in V. nulla nova fidei definitio facta fuit, & insuper eo tempore illud Concilium nondum erat ab omnibus receptum, ut inferius n. 182. declarabitur.

(b) Vid. Victor Vitenis in tribus libris de Vandalorum persecutionibus.

(c) Exposition de la doctrine Chrétienne n. 20. & Conférence avec M. Claude.

(d) Anno 1617. in Libro Discipline c. 9. art. 3.

(e) Cum Calvino lib. IV. Inst. c. 9.

(f) Cum Bossuet Conf. avec M. Claude Tom. IV. Opp. edit. Paris. 1743. in 4.

aliquas turbas in eodem post mortem Meletii excitatas, propter quas ipse e re iudicaverat, a Constantinopolitano Episcopatu se abdicare (d). Ceterum quanti S. Gregorius Concilia rite celebrata faceret, apparet ex iis, quæ de Patribus Nicænis scribit, nempe eos fuisse a Spiritu S. coactos (orat. XX. n. 14. Tom. I.)

167. Obj. 3. S. Augustinus Lib. II. de baptismo cap. 5. Concilia, inquit, quæ per singulas regiones, vel provincias fiunt, plenariorum auctoritatis, quæ fiunt ex universo orbe Christiano, sine ulla ambagibus credere, ipsaque plenaria sæpe priora posterioribus emendari, cum aliquo experimento rerum aperitur, quod clausum erat, & cognoscitur, quod latebat. Si autem emendantur, profecto errant.

168. Resp. Primo S. Augustinus nomine Concilii plenarii non intelligere Synodos vere œcumenicas, de quibus nos loquimur, sed nationales, quæ magna quidem Episcoporum frequentia celebrantur, non tamen universam Ecclesiam representant. Hujus explanationis fundamentum est non leve, quod ibidem dicit S. Pater, Concilia plenaria sæpe priora posterioribus emendari, quod in Concilia œcumenica cadere nullatenus potest; nam ætate S. Augustini nonnisi duo aut ad summum tria numerabantur Concilia œcumenica, Nicænum, Constantinopolitanum, & Sardicense (a): quamobrem inepte illa particula sæpe fuisse apposta; & eo etiam ineptius, quod nullum ex his Conciliis fuerat expendatum. Ulterius S. Augustinus, qui eo loco gradatim incedit ab epistolis Episcoporum ad Synodos provinciales, ab his ad generales, per saltum fuisset progressus ad Concilia œcumenica, nulla facta Synodorum nationalium mentione, si Concilia plenaria ea intellexisset, quæ nos œcumenica dicimus.

169. Neque vero inusitatum est, ut nationale Concilium vocetur plenarium. Nam S. Augusti-

nus etiam plenarium illud vocat, quo Rebaptizantium controversia finita est, quodque Arelatense I. vel aliud non œcumenicum a doctissimis viris fuisse putatur. Id etiam in more videtur in Africa fuisse: in codice enim illius Ecclesiæ (Tom. II. Conc. can. 48.) Synodus Capana celebrata an. 589. plenaria vocatur, & Concilium Carthaginense habitum an. 405. vocatur universale (lib. post can. 90.). Donatistæ etiam suum Concilium Bagajense appellare solebant Concilium universale, perfectum, generale, & plenarium (b). Id quoque Romanis usitatum fuit, ut liquet ex Conciliis celebratis sub Symmacho, in quibus dicitur: Symmachus Concilio generali præsidens, quanquam nonnisi Episcopi Italiae is adessent. Etiam Concilium Toletanum III. se universale Synodum appellavit. Ac demum Patres Concilii Constantin. I., qui nonnisi orientales erant, suam Synodum appellaverunt œcumenicam, quæ certe tunc temporis generalis non erat. Neque enim ea Synodus pro generali habita est, nisi postquam Damasus R. P. in Rom. Concilio ea confirmavit, quæ Constantinopoli contra Hæreticos statuta fuerant. (Videsis Theodoretum L. V. Hist. Eccl. cap. 9.)

170. Obstat quidem videntur ea S. Augustini verba: Quæ fiunt ex universo orbe Christiano. Sed hæc cum aliqua restrictione accipienda esse, patet ex eo, quod subdit, hæc plenaria Concilia sæpe emendari, quod certe de œcumenicis dici ab Augustino nulla ratione poterat, cujus ætate duo, aut tria tantummodo celebrata fuerant, nullumque ex his a posterioribus emendatum.

171. Resp. 2. Locutum esse de Synodis male celebratis, cujusmodi fuerint ejus ætate duo Concilia Ariminense, & Seleuciense, ab Ecclesia rejecta, & emendata, quando experimento rerum detecti fuerint Arianorum doli (c).

172. Obj. 4. S. Leo M. de Concilio Chalcedo-

(a) Mortuo Meletio, S. Gregorius Nazianz. contendebat, neminem esse in ejus locum sufficiens, juxta fœdus cum Paulino sancitum, ut qui eorum superaret fuisset, solus Cathedram Antiochie occuparet. Id autem evincere non potuit; nam alii Meletio Flavium subrogarunt, quod schisma Ecclesiæ Antiochenæ diutius propagatum fuit. Præterea Episcopi Macedoniae, & Egypti exaltationem S. Gregorii ad Episcopatum Constant. improbare cœperunt, quia antea fuerat Zozimorum Episcopus; translatio interea de uno ad alium Episcopatum sacris canonibus interdicta erat. His, absque de censis S. Gregorius se ab Episcopatu abdicavit, in cuius locum Nectarius adhuc Catechumenus sufficiens est, nulla habita ratione Apostolici præcepti de non elevandis ad Episcopatum Neophytis 1. ad Tim. III. 6. & can. 2. Conc. Niceni. Legi potest vita S. Gregorii Nazianzeni conscripta a Card. Baronio, & inserta Tomo II. Epist. & Opus. ejusdem Cardinalis a Raymundo Alberico Romæ edit. 1759. Videtur imprimis cap. XVI., ubi agitur de S. Gregorii abdicacione ab Episcopatu.

(b) Quod tamen ab Africanis fuisse concilium Aria-

norum putabatur. Decepti siquidem ab Arianis fuerant, qui conciliabulum ab ipsis Philippopolii celebratum pro Sardicensi Concilio venditabant. Vid. S. Augustinus Lib. II. Cont. Cresconium c. 34. Tom. IX.

(c) Vid. S. Augustinus Lib. II. contr. epist. Parmen. cap. 3. cum Lib. II. de bapt. cap. 7. Lib. III. c. 2. & Lib. III. cont. Crescon. c. 37.

(d) Alii dicunt, S. Doctorem non fuisse locutum de emendatione in dogmatibus fidei, & morum; quod hæc inepte colligunt ex iis verbis adjectis, cum aliquo experimento rerum aperitur, quod clausum erat, & cognoscitur, quod latebat, quæ verba dogmatibus accommodari nequeunt, sed duntaxat factis, aut rebus disciplinæ. Huic explanationi obstat videtur scopus S. Augustini refutandi Donatistas, qui anabaptismum auctoritate S. Cypriani, & Synodorum, quæ ille celebraverat, ineri conabantur, qui certe error ad fidem spebat. Huic vero difficultati solvende addunt S. Doctorem fuisse in suo ratiocinio his gradibus quasi progressum. 1. Epistolas Episcoporum posse a Synodis Provincialibus emendari. 2. Provincialium Synodorum decreta pariter emendari posse a Nationalibus. 3. I-



nensi loquens, quod in primis quatuor œcumenicis numeretur. *Multa*, ait in epistol. ad Pulcheriam Aug., in illo ambitio, & temerario gesta fuisse. Hic autem loquendi modus Spiritum S. Conciliis assistere non significat.

173. Resp. Verba S. Leonis esse referenda ad Patriarchatus prerogativam, quæ in Concilio Chalcedonensi Episcopo Constantinopolitano tributa fuit, non sine Patriarchæ Alexandrini injuria, cui primus honoris, & dignitatis gradus, quem in Ecclesia Orientali obtinebat, ademptus est. Quamobrem hoc Concilii Chalcedon. decretum fuit diu a Romanis Pontificibus improbatum; sed quæ ad fidei dogmata pertinebant, plena omnium Patrum & totius Ecclesiæ consensione firmata sunt.

174. Obj. 5. Ipsum primum Apostolorum Concilium erravit, decretum scilicet ipsi repugnans efformando; statuit enim cœrenonia legales esse abolutas; & postea præcipit abinentiam a sanguine & suffocato Aët. cap. XV. 26.

175. Resp. Nullum esse in illius primi Concilii sanctionibus pñgam. Quamquam enim legalium observantia generaliter abolita fuit, conveniens tamen visum est, ut aliqua haberetur ratio præcepti de non comedendis carnis eum sanguine, quod a Deo post diluvium Noe impositum fuerat Gen. IX. 4. quod proinde etiam ad Gentiles pertinebat, cum & ipsi a Noe originem traherent. Quod tamen præceptum ad disciplinam spectabat, & temporarium erat; unde etiam postea cessavit. Vel dicendum cum S. Thoma 1. 2. quæst. 105. artic. 4. ad 3. præceptum fuisse abinentiam a sanguine, & suffocato, ut posset coas-

lescere unio Gentilium, & Judæorum simul habitantium. Judæis enim propter antiquam consuetudinem sanguis, & suffocatus erant abominatio. Hac vero causa cessante, cessavit etiam hæc prohibitio (a).

176. Obj. 6. In Concilio Nicæno decreta edita sunt a veritate omnino absorta. Nam can. 10. decretum est, eos, qui militiæ cingulum, quod deposuerant, iterum resumerent, penitentia decem annorum esse subiuciendo; cum tamen militiæ licita sit, ut colligitur ex verbis S. Jo. Baptistæ apud Lucam III. 14. Ulterius can. 19. statuitur, rebaptizandos esse Paulianistas, cum tamen certum sit, baptismum ab Hæreticis collatum valere.

177. Respond. ad 1. cum Cahr. Albaspinæo (in not. ad hunc can.), hunc canonem esse intelligendum tantum de penitentibus, quibus licitum non erat militiæ cingulum, id est, non arma solum, sed alia etiam publica sæcularia munera iterum resumere, quæ cum penitentia statu coniungi non poterant. Hinc sæpius hujusmodi canon repetitus fuit (b). Alii tamen censent, hunc canonem de iis esse intelligendum, qui grassante persecutioe Licinii militiæ cingulum potius deponere, quam a Religione Christiana deficere elegerunt; post autem rerum temporalium desideria eandem militiam Christiana Religione repudiata resumpserunt, quos sancta Synodus decem annorum penitentia subiecit (c).

178. Ad 2. resp. cum S. Augustino in Lib. de Hæres. n. 34. Paulianistas regulam baptismatis vitiasse, atque hæc de causa fuisse eorum baptismum irritum declaratum (d). Ceterum tantum ab-

stas quoque a Synodis plenariis, quod ad Donatistas refellendis satis superque erat. Post autem quasi ad mensuram cumulum addidisse, etiam plenaria Concilia posse a posterioribus emendari, ut minus in dogmate, saltem in factis, vel etiam mutatione discipline, cum nempe experimento verum &c. Ennius auctor libri *Eclaircissement sur les Conciles* c. p. III. §. 3. S. August. dictum intelligendum esse veli de iis rebus, quæ in Conciliis quidem tenentur, sed expresse tamen non designantur, qui sententia subscribit etiam P. Card. Lud. Richard. Ord. Præd. in sua *Analyti Conciliorum* Tom. I. c. 13. §. 4. Atque hoc eodem sensu explicari solet celebris illa responsio Jacobî Novelli Cardinalis, qui postea Summus Pontifex fuit, & dignus Benedictus VII. Cum enim aliqui constitutionem Joannis XXII. *Cum inter nonnullos vellicaretur*, quod Ennius Nicolaus III. Exiit reformasset, respondet Jacobus Card. illud quod circa fidem, & mores male determinatum est per Papam, vel Concilium, potest per alium perspecta melius veritate corrigi, & emendari, & quidem ibi loquens de Concilio generali, siquæ ex iis quæ addit in resp. ad sextum articulum. Quilibet vero sit de verbis, ex toto contextu apparet, Jacobum Card. non intelligisse ea, quæ in Conciliis determinantur, ut certa fide ab omibus habenda credenda; ita enim subdit in resp. ad 10. n. nisi Ecclesia expresse determinaverit, quod tale quid sit tenendum, sicut pertinet ad fidei articulum. Unde etiam concludit, Nicolaum III. non nisi leviter peccasse, quia illius dictum non fuit postquam sub articulo fidei. Na-

talis Alexander Diss. XI. in Sæcul. XIV. artic. 1. ostendit, Joan. XXII. constitutiones in dogmate fidei non esse contrarias constitutioni Nicolai III. Exist.

(a) In aliquibus tamen Ecclesiis abinentia a sanguine diu servata fuit. Vid. gels. S. R. I. Principi Mari. Gerbert *Monumenta vet. Liturgie Germanicæ* pars ult. ubi referuntur ea, quæ in antiquissimo Germanicæ Sacramentario continentur, Concili etiam possunt Nicol. le-Norrey in *Apparatu ad Bibliothecam maximam vet. Patrum* Dissert. I. de Clementis Alexandr. operibus cap. 3. art. 5. & Daguet Tomo II. *Conférences ecclésiast.* Diss. 42. sur la 14. Canon du Concile d'Ancyre.

(b) Vid. Can. 5. ep. Siricii ad Episc. Tarrac. can. 2. S. Innoc. ad Episc. Rothomag. & can. 5. 10. & 12. S. Leonis ep. ad Rusticum.

(c) Ita respondet Zegerus Bern. Van-Espen in schol. ad hunc Canonem in *Comment. in canones, & decreta juris veteris*, & c. novi, &c. sinæque interpretationem confirmari putat ex Ensebio, qui Lib. X. *Hist. Eccl.* cap. 8. de Licinio dicit: *Civiles militantes, nisi damnatis sacrificare mallet, excaharari; & honore militiæ spoliari jubet*. Quod repeti etiam in vita Constantini Lib. I. cap. 54.

(d) Verba S. Aug. hæc sunt: *Istos sane Paulianos baptizandos esse in Eccl. Cath. Nicæno Concilio constitutum est. Unde credendum est, eos regulam baptismatis non tenere, quam secum multi hæretici, cum de Catholica discederent, abstulerunt, eamque custodiunt*.

abest, fuisse hoc canone ambaphtinum probatum, ut contra multi putent eo ipso canone fuisse condemnatum; dum enim solos Paulianistas rebaptizari praecepit, aliorum haereticorum baptismus probari videtur.

179. Obj. 7. Concilia Ariminense, & Seleuciense anno 459. in Arianam impietatem consensere. Ephesinum II. anno 449. probavit haeresim Eutychianam. Duo etiam Constantinopolitana in causa Photii turpissime errarunt; nam in altero, anno 861., praesidentibus Nicolai I. Legatis, S. I. gnatiis a Patriarchatu Constantinopolitano impie deturbatus est, atque in ejus locum Photius adhuc laicus suffectus; in altero autem anno 879. praesidentibus pariter Jo. VIII. Legatis, ideam Photius autea rite depositus, fuit iterum restitutus, & Synodus VIII. generalis abrogata.

180. Resp. In hujusmodi Conciliis id non fuisse servatum, quod S. Leone teste (Epist. XL.) necessarium est, ut *nempe omnium sententia ex libertate prolatis, id tranquillo, & aequo constituatur examine, quod fidei congruat, & errantibus subveniat.* In Ariminensi enim, & Seleuciensi Imperat. Constantii violentia omnia agebantur, idemque contigit sub Dioscoreo in latrocinio Ephesino; propterea haec Concilia ab omnibus Fidelibus execrationis sunt habitae. Id ipsum dici debet de duobus Conciliis Constantinopolitanis in causa Photii, quae etiam a Romanis Pontificibus Nicolao I. & Joanne VIII. improbatæ, ac rejectæ sunt.

181. Sed sciscitabitur aliquid, quænam certa, & clara sit regula Concilia rite, & legitime celebrata ab aliis discernendi? Repondeo, multa haberi Concilia, quæ esse rite, & ex juris regulis congregata, & celebrata, facile quilibet videre potest, & de quorum proinde infallibilitate anfloritate nullum snboriri potest dubium. Ita etiam quædam recenseri possunt, in quibus violentia, malæque artes adeo palam, aperteque adhibitæ sunt, ut de eorum vitio facile constet. Sed si quædam sint, de quibus prudenter dubitari queat, rite nec ne, ac legitime celebrata sint, tunc Ecclesiæ judicium attendendum est. Si enim universali Ecclesiæ consensione recipiantur, argumentum est, ea fuisse, quantum ad substantiam saltem, rite peracta; & si aliqui in eis defectus contigerint, ii subsequenti Ecclesiæ consensu tolluntur. Cum vero iis universali Ecclesiæ consensus non suffragatur, hoc ipso & Conciliorum generalium numero expungi debent.

182. Neid tamen inde colligit, Concilia œcumenica non ex seipsis summa auctoritate pollere, sed tantum ex Ecclesiæ acceptatione eam mutuari, quo pacto a provincialibus Synodis non distinguantur; nam & ipsæ sunt infallibiles, semel ac Ecclesiæ universalis suffragium iis accesserit. Non, inquam; si enim Concilia generalia rite celebrata sint, ex seipsis infallibilitati pollent auctoritate, nec ab Ecclesiæ rejici possunt, cum ipsam Ecclesiam, ut dictum est, representent.

Solum ergo quando ambigitur, rite nec ne celebrata sint, consensus Ecclesiæ accedens omne dubium tollit. Contra vero Concilia particularia etiam rite celebrata falli possunt.

183. Obj. 8. Concilium V. (celebratum an. 552.) quod certo pro œcumenico habetur, longo tempore non fuit ab Ecclesiis Hispaniarum, Venetiarum, aliisque receptum: ergo &c.

184. Resp. Ecclesias plerasque occidentales dum recusasse Concilium V. recipere, non quia arbitrantur, posse sine grandi piaculo Concilia generalia in materia fidei rejici, sed quia putabant, Concilium V. non fuisse œcumenicum, utpote quod fuerat ab Imperatore Justiniano una cum solis Episcopis orientalibus celebratum, Vigilio R. P. aliisque Episcopis occidentalibus dissentientibus. Et reipsa Synodus V. œcumenica dici non poterat, nisi postquam Vigilius, ejusque successor Pelagius cum universa Ecclesia ei adhaeressent, paucis exceptis Venetiarum, atque Istriæ Episcopis, qui propterea ut schismatici habebantur, donec tandem & ipsi communi jam consensui accesserunt.

185. Dices. S. Gregorius M. Constantio Episcopo Mediolan. scribens (Lib. II. Indict. 3. epist. 57.) induluit, ut cum Theodelinde Longobardorum Regina Synodi V. quia illa offendeatur, nulla memoria fieret; atqui tunc temporis Synodus V. universalis communiter habebatur: ergo &c.

186. Resp. Id esse tribuendum cuidam prudenti Rom. Pontifici *condescendentia*, quia, ut idem Pontifex ibi subdit, in ea (Synodo) de personis tantummodo, non autem de fide aliquid positum est, scilicet nulla nova facta est fidei definitio, ut explicat Bossuetus: quanquam enim multi canones ad fidem spectantes a Synodo V. fuerint conditi, quia tamen constabat, nihil aliud iisdem canonibus actum, quam ut Ephesina, & Chalcedonensis firmaretur fides, S. Gregorius dicere potuit, de fide nihil fuisse positum, scilicet nullam novam fidei definitionem. Et hæc etiam ratio indulgentiæ cum Longobardis fuit, quia Concilio non in dogmatibus fidei, sed tantum in tribus Capitulis, de scriptis scilicet Theodori Mopsiæsteni, Theodoretii, & Ibas relictis habebatur.

187. Dices secundo. Concilium V. e diametro pugnavit cum Concilio Chalcedonensi; hoc enim Theodoretum, & Ibas in suam communionem ut catholicos recepit; secus vero Synodus V. quæ utrinque una cum Theodoro Mopsiæsteno prorsus: necesse est ergo alterutrum Synodum errasse.

188. Resp. Hoc quidem fuisse pluribus visum, qui propterea Synodum V. recipere detrectabant; quasi id sine Chalcedonensis injuria fieri non posset. Sed hi magno in errore versabantur, diversa enim causa in utraque Synodo agitata fuit. In Chalcedonensi actum est de personis, & quia Theodoretus, Ibas penitentia, & sinceræ fidei signa exhibuerunt, ad communionem, & pristinum ho-

noris gradum admissi sunt. Nihil etiam contra Theodorum Mopsuestenum actum est, quia in pace Ecclesiae iam obierat. In Synodo autem V. eorum scripta solummodo ad trutinam vocata sunt, quod in Chalcedonensi actum non fuerat, & quia erroribus scatebant, merito condemnata fuisse (Confer. Natal. Alexandr. Dissert. IV. in Sæc. VI.).

189. Obj. 9. Synodus Nicæna II. seu VII. generalis (an. 787.) fuit in Concilio Francofordiensi, a trecentis Patribus circa cultum imaginibus Sanctorum decretum reprobata, & condemnata (an. 794.); quæ condemnatio iterum confirmata fuit in Concilio Parisiensi habito sub Imperatore Ludovico Pio; Caroli M. Filio (an. 825. Vid. Fleury Hist. Eccl. Lib. 47. n. 4.) Adde celebres libros Carolinos, Caroli M. factus, in quibus Synodus Nicæna impie Iconomachorum Synodo comparatur.

190. Resp. non Synodum Nicænam II., quæ generalis fuit, sed Francofordiensem, & Parisiensem, quarum neutra generalis erat, & ante eas auctoritas Librorum Carolinorum errasse, & quidem dupliciter. Primo, quod putaverint Synodum Nicænam œcumenicam non fuisse; quamquam huius erroris aliquam excusationem habuisse videntur, eo quod nulli ex Germania, Gallia, Hispania ei interfuerint Episcopi; imo magna pars occidentis ei sperte relinqueretur. Et quamquam Hadrianus Papa eam susceperat, pondum tamen solemniter confirmaverat (a). Hinc Patres Francofordienses, & Parisii ejusdem Synodi acta ad trutinam revocari posse, arbitrati sunt.

191. Errarunt insuper Synodi Francofordiensis, & Parisina una cum auctore librorum Carolinorum, putantes, in Synodo generali Nicæna adorationem latræ, quæ soli Deo debetur, fuisse Sanctorum imaginibus attributam. Error autem ex interpretis vitio ortus est, qui græca verba Constantini Constantiæ in Cypro Episcopi imperito in linguam latinam hoc modo transtulit: Ego etiam indignus his consensio, & ejusdem sum sententiæ; suscipiens, & honorarie amplectens sanctas, & venerabiles imagines, secundum servitium adorationis, quod consubstantiali, & vivificæ Trinitati emitto (Lib. III. Carol. cap. 17. n. 532.); quæ postrema verba omnino vitiosa erant: ut enim Anastasius Bibliothecarius observat, ita verti debuisse: Et adorationem, quæ fit secundum latræ, soli supersubstantiali, & vivificæ Trinitati emitto.

192. Attamen quantum ad rei substantiam Pa-

tres Francofordienses, & Galli a Nicænis non dissimabant. Hinc Hadriano, quamquam Nicænam Synodum jam receperat, tanquam Domino Apostolico, & Patri suo se indivise adherere profitebantur. Post autem pacatis animis, requie melius perspecta, communi totius Ecclesiæ suffragio Synodus VII. œcumenicæ, & infallibilis Syodi venerationem obtinuit.

193. Addit Natalis Alexander (Dissert. VII. in Sæc. VIII. 8.), Patres Francofordienses existimasse definitionem Synodi VII. catholicam esse; fuisse tamen sociorum, & negligentium reos illius Synodi Patres, qui Constantini professionem hæreticam, ut ipsis quidem ex interpretis vitio videbatur, non emendaverant.

194. Dices cum Dallæo. Incredibile plane videtur, in trecentis Præsulibus neminem inveniri potuisse, qui græcum filiona ita calleret, ut verum, germinumque Synodi VII. sensum assequeretur. Ulterius aderant in Concilio Francofordiensi Theophilactus, & Stephanus, qui Synodo VII. interfuerant, ut proinde prodigio simile videatur, non fuisse errorem interpretis detectum.

195. Resp. Etsi id mirum videatur, negari tamen non posse, cum certis constet historiæ monumentis.

196. Post hæc Petrus (b) plura simul coarctat Concilia, quæ generalia fuisse suo Marte defuit, nec tamen fuerint ab Ecclesia recepta, cuiusmodi sunt Concilia Tyri, & Jerusalem, in quibus S. Athanasius condemnatus est (anno 355.) duo Antiochena (an. 340. & 341.) Sardicense (an. 347.), & Mediolanense (an. 354.) Verum mirari subit, ignorasse Jurium, hæc omnia Concilia, si Sardicense excipias, fuisse particularia, de quibus non est nobis hoc loco concertatio; & insuper plerique ex iis fuisse Arianorum vi illegitimè celebrata (c).

197. Perperam etiam a nonnullis errores quorundam Conciliorum vel in factis, vel in ordine obijciuntur, quibus breviter respondemus cum doctissimo Cano Libro V. de locis Theol. cap. postea ad 7. argum.: Nos in dogmate fidei, & decretis ad salutem fidelium necessariis Conciliorum auctoritatem asserimus: in rerum gestarum iudicio; & ordine non asserimus. Nec in his, quæ parum, vel certe nihil ad nos attinent, tempus, & operam sumimus.

198. Obj. 10. Singuli Episcopi, ex quibus Synodus œcumenica conflatur, falli possunt, & re ipsa sæpe contingit, eorum multos falli; nulla ergo

(a) Hadrianus in epist. apolog. ad Carolum M. I. piam, inquit, suscipimus Synodum, sed adhuc præ eadem Synodo nullum responsum Imperatori reddidimus. Auctor autem Libror. Carolinorum Lib. IV. c. 18. Inter cetera deliramenta, inquit, quæ in eadem Synodo vel gesta, vel scripta dicuntur, hoc quoque non omnibus deliramentis minus est, quod eandem Synodum universalem nuncupat; cum neque universalis fidei incon-

cursam habeat paritatem, neque per universarum Ecclesiarum gestam constet auctoritatem.

(b) Reflexions historiques sur les Conciles p. 26. & seq.

(c) Excipiendum est tamen Concilium Antiochenum an. 432., quod observantibus Fratribus Balleriniis in Tom. III. Operum S. Leonis p. 28., fuit non ab Arianiis, sed ab Orthodoxis, qui Nicæna Synodo interfuerant, celebratum.

go videtur ratio, cur omnes simul falli non possint. Sicut enim multitudo quantumvis magna hominum cæcorum nunquam constituit cætum hominum videntium, ita quælibet congregatio Episcoporum fallibilium Concilium infallibile constituit non potest.

199. Resp. Infallibile Conciliorum auctoritatem non ex intrinseca Episcoporum virtute, & scientia, sed ex extrinseca Spiritus Sancti ope descendere, quem Ecclesiæ nunquam defuturum repetitæ sapiens Jesu Christi promissiones nos certos faciunt. Hoc autem privilegium singulis promissum non est, sed omnibus, prout Ecclesiam constituent, vel representant.

200. Inst. 1. Promissiones divine suspenduntur ab hac conditione, quod Episcopi sancti, & iusti sint. Nain Malach. II. 6. patrum Dei cum Levi his verbis exprimitur: *Lex veritatis fuit in ore ejus, & iniquitas non est inventa in labiis ejus etc.*, & Dan. IX. 4: dicitur: *Deus custodiens patrum, & misericordiam diligentibus te*, & *custodientibus mandata tua*. In quem locum S. Hieronymus ait: *Non ergo, quod pollicetur Dominus, statim futurum est, sed in eos sua promissa complet, qui custodiunt mandata illius: unde constat patrum retinendam veritatis quondam cum sacerdotali tribu intum per posterorum culpas irritari: & iterum (in cap. XVIII. Jeremiæ): Falso, dicit, Sacerdotes illa iactare: non peribit lex a Sacerdote, nec consilium a sapiente, nec sermo a propheta, cum Scriptura dicat: in perversam animam non intrabit sapientia*. Profecto, inquit (*Vrai système de l'Eglise* pag. 7.), nulla ratione credi potest, Spiritus S. in medio hypocritarum esse. Cum itaque certo constare nequeat, an Episcopi in Concilio congregati iusti, an hypocritæ sint, nec certo de infallibili Conciliorum auctoritate constare poterit (a).

201. Resp. Episcoporum sanctitatem minime requiri ad infallibilem Conciliorum auctoritatem stabilendam. Sancti non erant Scribæ, & Pharisæi; & tamen de illis dicebat Christus Matth. XXIII. 3. *Quaecumque dixerint vobis, servate, & facite, secundum autem opera eorum nolite facere*. Hæc enim Pastorum infallibilis auctoritas in Conciliis est gratis data ad utilitatem aliorum: gratiæ autem hujusmodi etiam peccatoribus tribui possunt; ut patet ex Apostolo Paulo 1. Corinth. XIII. 1. & seq.

202. Promissiones autem illæ conditionatæ, quemadmodum & verba S. Hieronymi, intelligi de-

bent de singulis Pastoribus, non autem de omnibus simul collectis, quatenus universam Ecclesiam aut constituent, aut repræsentant. Quod si quædam sint Scripturæ, aut sanctorum Patrum loca similia, quæ ad universam Synagoga spectare videantur, ad illud tempus sunt referenda, quo Christus venturus erat, & ipsa cessare debebat.

203. Inst. 2. Hujusmodi promissiones a conditione suspendi declarat Apostolus Roman. XI. 20. & seq. ubi ex quo Judæorum Synagoga Deus non pepercerit, nobis quoque timendum esse, concludit, ne forte nec nobis parcat; censeat ergo, & nostra Concilia deficere posse, sicut aliquando Synagoga defecit, nisi &c.

204. Respond. Apostolum loqui de singulis, non de omnibus. Tu autem fide stat: inquit, noli altum sapere, sed time; si enim Deus naturalibus rationibus non pepercit, ne forte nectibi parcat.

205. Inst. 3. Quamvis S. Petrus, quando Christum confessus est, ab eoque claves recepit, universam repræsentare Ecclesiam, ut plurimi Patres testantur (b), non tamen certum est, eum accepisse infallibilis auctoritatis privilegium, quod ad suos successores Romanos Pontifices dimanaret; de hoc enim acerrime inter Catholicos disputatur; & adhuc sub iudice lis est: ergo etiam si concedatur; Concilium repræsentare universam Ecclesiam, non potest tamen inde colligi, ad ipsum etiam auctoritatis infallibilis privilegium promanare.

206. Resp. Qui Romani Pontificis infallibilem auctoritatem negant, dicunt Petrum repræsentasse Ecclesiam, tanquam futurum visibile ipsius caput, non autem quasi ipsa tota esset Ecclesia; at vero Concilia œcumenica universam Ecclesiam œmanino repræsentant, & reipsa eam constituent, cum ex omnibus mundi partibus aliqui simul conveniunt, ceteri autem ipsi adherent. Qui vero infallibilem Rom. Pontificis auctoritatem defendunt, multo facilius singulares promissiones a Christo factas S. Petro explicant, & cum Sanct. Patrum traditione conciliant. Sed id modo non agimus, de sola illa prærogativa solliciti, quæ Ecclesiæ convenit, cujus Rom. Pontifex est supremum visibile caput.

207. Obj. ult. Qui Conciliorum infallibilem auctoritatem tuerentur, inter se digladiantur, an eam a Pontificis confirmatione recipiant, an vero eandem a seipsis habeant immediate. Hæc secunda sententia placet Gallis, prima vero Romanis: nisi ergo prius constet, quandonam Concilia infallibilia sint, inutile est eorumdem auctoritatem propugnare.

208.

(a) Hoc etiam urgebat Calvinus Lib. IV. Instit. c. 9. n. 8. contendens, quoties Concilia aliquis decretum præferunt, expendi primum diligenter oportere, quo tempore habitum sit; quo de causa habitum, & quo consilio, quales homines interfuerint &c. At vero quomodo rudes, quorum maxima pars est, hæc omnia expendunt? Anne doctos interrogabant, usque acquir-

ascent? Sed primo ipsis doctis quamdifficile erit hæc omnia expendere; præcipue si agatur de Conciliis longo tempore antea celebratis. Deinde qui totius Ecclesiæ auctoritatem nihil faciunt, quomodo istorum assertionibus acquiescent?

(b) Apud Natal. Alexand. Sec. I. Diss. 4. §. 3. n. 4. & Diss. 8. in Sac. XI. & XII. n. 3.



208. Respond. Quidquid sit de ea questione, quæ inter Catholicos salva fidei unitate agitur, illud omnibus ratum, fixumque est, Concilia generalia a Pontifice confirmata esse infallibilia, eujusmodi sunt ea omnia, quæ sine controversia pro legitimis, & œcumenicis habentur; & ex quibus solis nostra fidei, morumque dogmata eruiunt. Quamquam enim Gallorum judicio Concilia legitime celebrata, etiam ante Pontificis confirmationem ut infallibilia habeantur; nemo tamen eorum est, qui dicat, per accedentem postea Pontificis confirmationem eadem Concilia vitari: imo ipsi Galli fatentur, Pontificis confirmationem, saltem tanquam solemnem supremi capitis accessionem, majus robur iisdem Conciliis addere; per eam enim magis luculenter apparet capitis cum toto corpore consensio: & insuper fateri debent, deficientem Pontificis confirmationem, saltem dubitari merito posse, an Concilium sit œcumenicum, seu universam Ecclesiam repræsentans.... Vid. Melchior Canus Lib. V. de locis theol. cap. 5.

## APPENDIX

## De Concilio Tridentino.

209. Cum Protestantes omnia fere Concilia hæcenus celebrata, exceptis quatuor primis, parvi faciant, contra nullum tamen ita debacchantur, sicuti contra Tridentinum, a quo ipsorum errores condemnati fuere (a): propterea operæ pretium visum fuit, peculiaria illius vindictas agere, non quidem quantum ad singula, quæ in eo definita sunt; res enim hæc nonnisi longis disputationibus perfici posset, quibus hic locus non est; sed tantummodo generaliter examinando præcipua criminationum capita, quibus ejusdem Concilii auctoritatem labefactare conantur.

210. Negant autem primo loco, illud fuisse vere œcumenicum; 1. quia illi non interfuerint Episcopi Græci, & Ecclesie Orientalis. 2. quia non fuerunt vocati Protestantes. 3. quia exiguis in eo fuit Episcoporum numerus, præcipue sub Paulo III. & maxima illorum pars erat Italorum, qui specialiter solent esse Romano Pontifici addicti: unde etiam passim vocabatur Concilium Papæ, & Italorum. Imo contra sessiones habitas sub

Paulo. III. reclamantur Germani, & Galli pariter reclamantur contra sessiones, quæ sub Julio III. habitæ fuerant. 4. quia nec fuit ubique receptum, præcipue in Gallia; ubi Clero pro ejus receptione sæpius instante Reges, & Sequatus semper resisterunt.

211. Hæc tamen levia sunt. Et quantum ad priores duas difficultates, ostendunt adversarii vel unico in tota retro antiquitate exemplo, fuisse ad œcumenica Concilia eos vocatos, qui erant a communione Ecclesie catholice propter hæresim, vel schisma separati. Quomodo enim ii convocari debent, qui sunt a toto corpore jam sejuncti? Ceterum Protestantes ad Concilium Tridentinum invitati fuerunt, datis etiam publicæ fidei litteris, amplissimæque potestate eis facta, ut de iis rebus, quæ in ipsa Synodo tractari debebant, omni libertate conferre, proponere, & tractare, ac ad ipsum œcumenicum Concilium libere, & tuto venire, & in eo manere, & commorari, ac articulos, quot illis videbantur, tam scripto, quam verbo offerre, & proponere, & cum Patribus, sive iis, qui ab ipsa S. Synodo electi fuerint, conferre, & absque ullis conviciis, & contumeliis disputare, necnon quando illis placuerit, recedere possint, & valeant. Ita Sess. XIII. & XV. Quæ libertas postea in Sess. XVIII. fuit ad omnes alios dissidentes extensa. Unde immerito conqueruntur, se inauditos condemnatos fuisse, cum id eorum culpa eveniret.

212. Ceterum quamquam Protestantes se Concilio sistere recusaverint, eorum tamen causa fuit ea diligentia, quæ maxime adhiberi poterat, discussa, ut fidem facit ejusdem Concilii historia, & testis est etiam Didacus Payva Lusitanus, qui unus ex cœtu Patrum Tridentinorum fuit. Hic enim in Lib. I. *Defens. Trident. fidei* hæc inter alia multa habet, Protestantes alloquens: postquam adventus vestri spero, in quam Cæsaris litteris fuerant magna omnium nostrorum exultatione ingressi ( Patres Concilii ), prorsus abjecerunt, & vestra tergiversatione intelleximus, non veritatem vos, sed erroris excusationem captare, diligentissime procurarunt, ut eorum libri, qui se nuper ab Ecclesia Romana totos abalienarunt.... Tridentum undique comportarentur... ut causam a vobis callide, & veteratorie desertam

(a) Eminent inter eos Car. Molinæus in *Concilio imperialis Concilii Trident. latine, & gallice* Tomo V. operum, & Innoc. Gentilius in *Exam. Concil. Trident. utriusque autem objectiones accuratè pro more suo dispungit* Nat. Alexander Diss. XII. in Sæc. XVI. art. 17. Petrus Jurinus in *Reflex. Histor. sur les Conciles, & particulièrement sur celui de Trente* ejus historiam compendiarium genio suo accommodatam exhibet vol. 2. in 12. Amst. 1683. Leibnitzius etiam in tractatu, quem cum Bossuet habuit de Protestantium reconciliatione cum Ecclesia Romana, quamquam fatetur, plerumque fuisse in eo Concilio recte, sapienterque statuta, conatur tamen evincere illud pro œcumenico habendum non

esse; adeoque ea retrahari posse, quæ fuerant in illo contra Protestantes definita; cui constanter respondit Bossuetus, id permitti non posse, quia omnia iterum retraherentur, quæ in aliis Conciliis usque ad Nicænum definita fuerant. Sed ab A Catholicis solet omnibus præferri Mart. Chemnitzius in *examine Concilii Tridentini*, cujus auctorem editionem dedit Georg. Christianus Joannis Francof. ad Menium 1709. Chemnitzii conatus retulit inter alios celeberrimus Theologus Lusitanus Didacus Payva d'Andrada in libris X. *Orthodoxarum explicationum, & in Defensione Trident. fidei Catholica* lib. quinquæ.

tam scriptis saltem coram tanto consensu de-  
fenderetis, & tueremini.... atque fuisse nos  
sæpius ab integerrimis Legatis familiariter ad-  
monitis, omni asseveratione affirmare possum,  
ut minore diligentia vestras, quam sanctorum  
Patrum lucubrationes, evolveremus &c. Plura e-  
nim in hujus rei confirmationem addit.

215. Quod vero dicunt, de sessionibus habitis  
sub Paulo III. nullam continere difficultatem, po-  
stquam doctrina in iis contenta fuit demum in  
sess. ultima a toto Concilio detecta, & unanimi  
calenlo approbata, atque ab Ecclesia universa re-  
cepta; unde communis omnium consensus etiam  
de primis illis sessionibus tandem apparuit. Sa-  
ne in Concilio Ephesino supra ducentos erant E-  
piscopi orientales, & nonnisi duo, aut tres occi-  
dentales; & in Concilio pariter Chalcedonensi duo,  
vel tres occidentales, sexcenti autem Orientales;  
nec tamen nostri unquam de iis conquesti sunt,  
quasi in Concilio dominarentur. Imo & illud ad-  
dendum, quod memoratus innox Didacus Payva te-  
statur, scilicet nihil defuisse consuevisse, *quam-  
diu graves aliquot, ac spectati viri a majori parte  
dissentiebant*; quod nonnullis etiam exemplis  
ibidem confirmat; ut proinde perperam major I-  
talorum numerus officere, cum non a majori  
numero, sed ab unanimi fere suffragiorum consen-  
su definitiones fidei procederent.

216. Quantum ad postremam, Bossuetus Leib-  
niti id ipsam perpetuo objicienti constanter re-  
spondit, Concilii Trident. decreta, quæ ad fidem,  
& mores pertinent, fuisse toto orbe catholico re-  
cepta; ubique enim tenentur, creduntur, & de-  
fenduntur. Ubique etiam recepta est professio fi-  
dei a Pio IV. edita, in qua summam tota Conc.  
Trident. doctrina expressa est, una cum distincta  
ejusdem Concilii mentione: quo eluditur subtilis  
illa Leibnitii cavillatio, contententis, doctrinam  
Conc. Trid. non autem ejusdem Concilii auctori-  
tatem ubique obtinere; ita enim habet professio  
fidei: *cetera item omnia a sacris canonibus,  
& æcumenicis Conciliis, ac præcipue a Sacro-  
sancta Tridentina Synodo tradita, definita, &  
declarata indubitanter recipio, atque profe-  
teor* (a).

(a) Cavillabatur Leibniti, in Professione fidei Pia-  
na, quoniam Henricus IV. in sua abjuracione emisit, fuisse  
suppressam mentionem Concilii Tridentini. Sed illi  
repositus Bossuetus in *Dissert.* qua pluribus epistolis  
Leibnitii respondit Tom. I. *des ouvrages postum.* Cæc.  
p. 411. ad hæc abjuracionis in Gallia factæ non in-  
veniri; in abjuracione tamen, quam nomine Regis Ro-  
mæ ediderunt duo Card. Peironius, & Ossatius, nihil  
fuisse in Piana professione fidei immutatum. Ceterum  
Nat. Alexander Dissert. XII. in Sæc. XVII. art. v5.  
num. 43. pro certo asserit, Ecclesiam Gallicanam tan-  
dem recepisse Concil. Trid. in *generalibus Cleri comi-  
tibus illam representantibus* ann. 1615. *Lutetia Parisio-  
rum celebratis*. Quævis promulgationem ejusdem Con-  
cilii a Rege hæcenus impetrare non potuit. Vult Pe-

215. Quod autem objicitur, regnum Galliæ Cle-  
ro pro Concilii receptione sæpius instanti semper  
restitisse, nonnisi de rebus ad disciplinam spiri-  
tibus intelligi potest: in rebus enim fidei; ut sci-  
te animadvertat idem laudatissimus Bossuetus,  
nunquam deliberatum fuit, nec deliberari pote-  
rat, an Concilium recipiendum esset; nisi veli-  
mus dicere, deliberari inter Catholicos potuisse,  
an credi debeat, Ecclesiam esse infallibilem; vel  
deliberatum in Galliis aliquando fuisse, an reli-  
gio Catholica, servari deberet. Inauditum autem  
non est, ut quædam disciplinæ capita etiam in  
Conciliis statuta alicubi non recipiantur. Sic S.  
Gregorius Papa epist. 31. Lib. VI. *Romana*, in-  
quit, *Ecclesia eosdem canones, vel gesta Syn-  
odi illius (Constantinopolitanæ.) hæcenus non  
habet, nec accepit; in hoc accepti, quod est  
per eam contra Macedonum definitum*.

216. Et post hæc universalem Ecclesiam totius  
receptionem frustra, & otiose adhuc repetuntur il-  
læ tam sæpe decantatæ querelæ, Episcopis inte-  
gram non fuisse libertatem, omnia ex Rom. Pon-  
tificis arbitrio acta, res non satis diligenter exa-  
minatas, graves inter Episcopos servilis discor-  
dias, & alia hujus generis ex famosa Pauli Sar-  
pi historia depremta. Primo enim norunt viri  
cordati, hæc partim omnino falsa esse, partim  
exaggerata; partim ad rem principalem minime  
pertinere; quod nobis laud difficile fore ostende-  
re, nisi obstatet necessariæ brevitatis ratio. Deinde  
quidquid leviter fortasse peccatum est, id to-  
tum subsecuta Ecclesiæ universæ consensio abunde  
sanavit, in Ecclesia enim universa privilegium  
*æquæ auctoritatis* præcipue residet, hæc autem Con-  
ciliū contra canones celebratum recipere non  
potest, quin graviter erret; & promissiones Jesu  
Christi deficiant.

217. Ceterum quantum pertinet ad libertatem  
suffragiorum, omittere non possum luculentissi-  
mum ejusdem testimonium, quod nobis suppedit-  
at Didacus Payva, iniquens: *Testari certe ipse  
possum, nihil fuisse a Patribus magis exoptatum,  
a Legatis vigilantius procuratum, quam  
ut nihil in eo non libere, non peccate, atque le-  
gitime fieri, certissimis argumentis constaret* (b).

218.

trus de Marca *De concord. Sacerd. & Imp.* Lib. II.  
cap. 7. n. 6. ubi etiam dicit, Concilii Trid. definitio-  
nes fidei admittas fuisse edito publico, quod ea de  
re latum est anno 1579.

(b) Præcipue libertati Concilii obstare ahiquibus vi-  
debatur illa formula in Sess. XVII. (quæ fuit prima  
sub Pio IV.) adhibita: *Proponentibus Legatis, & Præ-  
sidentibus*. Veruntamen 1. certum est ex tota Concilii  
historia, eam duntaxat fuisse contrariam ad vitandam  
confusionem, quæ procul dubio fuisset maxima, si qui-  
libet ex Patribus quilibet proponere voluisset. 2. non  
propterea fuisse sublatam libertatem singulis, præci-  
pue autem Oratoribus Principum, exponendi Legatis,  
& Præsidentibus, quæ videbantur necessaria, aut utili-  
lia, ut ipsi postea ea in sessionibus proponerent; quæ

218. Alia communis Protestantium querela contra Synodum Tridentinam est, quod Ecclesia Catholica fuerit in ea simul pars, & iudex; nam causa erat iudicanda inter Ecclesiam Catholicam, & Protestantes, qui eam gravissimorum errorum accusabant, potissimum autem ferre non poterant, eidem Synodo presidere Pontificem Rom. a quo iam antea (nempe a Leone X.) fuerant condemnati, & contra quem præcipua erant accusationum capita. Addebant præterea, se Concilium liberum sæpe postulasse, auctoritate imperatoris aliorumque Principum colligendum, & celebrandum; tale autem non fuisse Tridentinum.

219. Sed nihil magis injustum, quam hujusmodi querelæ, quæ si locum haberent, nulla unquam hæresis condemnari potuisset; semper enim causa agebatur inter Ecclesiam Catholicam, & Novatores; eodemque prætextu se subtrahere potuissent a iudicio Ecclesie Arius, Macedonius, Nestorius, & quotquot in Synodis œcumenicis condemnati fuere. Imo & inter ipsos Aetholicos non aliter res instituta fuit, quotiescunque actum est de Remonstrantibus, Latitudinariis, Independentibus, aliisque condemnandis. Et si hæc methodus apud Aetholicos obtinet, quanto potiore jure obtinere debet in Ecclesia Catholica, quæ firmiter credit, in medio suæ congregationis esse ipsum Jesum Christum, qui Pastorum mentem dirigat, ne in re tanti momenti a veritate aberrant? Et postremo, quænam alia erit controversia finitendi via?

220. Quod addunt contra summi Pontificis auctoritatem, plane toti antiquitati repugnat, quæ semper Pontifici Rom. jux convocandis Conciliis œcumenicis, eisque presidendi tribuit. Refert Socrates Lib. II. *Histor. Eccles.* cap. 8. Concilium, quod Episcopi Orientales Antiochiæ celebraverant, ex eo capite ut nullum habitum fuisse, quod Rom. Pontifex nec per se, nec per suos Legatos eidem interfuerit, cum ecclesiastica regula vetet, ne absque consensu Rom. Pontificis quidquam in Ecclesia decernatur. Idem habet Sozomenus Lib. III. cap. 10. Et nimis longus essem, si omnia, quæ huc spectant, antiquitatis monumenta afferre vellem. Et plane ridiculum erat exigere, ut

Pontifex jurius sui Primatus, quibus ab exordio Ecclesie potiebatur, se abdicaret, quia Novatores ea agnoscere recusabant.

221. Scholion. Male Leibnizius, ut quocumque tandem modo evinceret, Concilium Tridentinum retractari posse, dicebat, hic agi de puro facto, scilicet an illud Concilium legitimum, atque œcumenicum fuerit, remota questione juris, an Concilia legitime celebrata infallibilia sint. Respondebat enim Bossuetus, negato hoc facto, necessario consequi, Ecclesiam, quæ Concilium Tridentinum, hactenus pro œcumenico habuit, ejusque definitionibus constanter adhæsit, in turpissimum errorem fuisse lapsam. Neque hoc solum; sed enim nullum sit aliud Concilium, quod majori polleat auctoritate, uno negato, jamjam aperiri ad cetera etiam neganda. Imo vel ipsa prima quatuor, quæ tamen se venerari Aetholici fatentur, in dubium revocari possent. Ariani enim, Macedoniani, Nestoriani, & Eutychiani arma a nostris Protestantibus mutuabuntur, ut pari jure ea Concilia fuisse illegitime celebrata, conentur evincere. Sed quid multa? Si mille congregatur Concilia, nunquam ea probarent adversarii, quotiescunque in his suos errores condemnatos viderent.

## CAPUT VII.

## De notis Ecclesie.

222. Ut quæ hactenus longa quidem, sed admodum necessaria oratione pro asserenda summa, & falli usque Ecclesie auctoritate in rebus fidei, & morum determinandis attulimus, ad usum deducantur, necesse omnino est, eam cognoscere Ecclesiam, quæ vera est, & cui propterea soli divinæ promissiones factæ sunt. Quæ quidem in re magna opus est diligentia: solemus enim semper fuit hæretici suas factiones, & sectas, quæ non sunt nisi *Synagoga Satanae*, & *Ecclesie malignantium*, sacro Ecclesie Christi nomine iungere (a).

223. Certæ igitur afferendæ sunt notæ, quibus veram Christi sponsam omnino perspicue detegere valeamus; tum ut a falsis doctoribus caventes so-

jus libertatis in tota Concilii historia varia occurrunt exempla. 3. Denum in Sess. XXIV. cap. ultim. ad tollendum omnem verpulum declaravit sancta Synodus, mentis sua non fuisse, ut ex prædictis verbis solita ratio traheretur in generalibus Conciliis ultra ex parte immutaretur &c. Nihil autem dico de illo Pauli Sarpi scornate *Spiritum Sanctum Romæ Tridentinum in mantica a christibus deferri consuevisse*. Ponida calumnia est, cui detergere sufficit vera hujus Concilii ad præsolvere, præcipue autem litteras, quas S. Carolus Borromeus Pii IV. nepos, ejusdem Pontificis mandato Legatis scribebat. Sui officio fungebatur Pontifex ea mittendo ad Concilium, quæ tradari opus esse iudicabat, plenam tamen Patribus in iis definiendis libertatem relinquebat.

(a) Tertullianus Lib. IV. contra Marcionem cap. 5. *Faciunt, inquit, favos & vespa faciunt Ecclesiam & Marcionita*. Idem de Novatianis asserbat sanctus Cyprianus Epist. LXXIII. ad Jubaianum, eum similis assimilans, quæ homines imitatur. Idem de Ariosis, Donatistis, ceterisque hæreticis dici potest, quorum exemplum Lutherani, & Calvinisti imitati sunt, & qui ex duobus istis majoribus sectis potius prodierunt, de quibus singulatim dicere nimis longum esset, & minime necessarium. Brevis, inquit, Melchior Canus initio Lib. IV. de locis theolog. hæretici omnes hoc gentile est, simul atque sic Ecclesie auctoritate urgeri vident, ut illam spernere, aut Ecclesie rem ad se, nomenque transferre, & eam in illis esse negare, in quibus revera est.

nam Ecclesiæ Matris vocem audiamus; tum etiam quia ex veteri, & unanimi Sæ. Patrum doctrina ratum, & firmum omnino est, nullam extra veram Ecclesiam Christi obtineri posse salutem; quidquid Novatores aliqui contra hanc communem, verisimamque sententiam effutiant, quas super Dissert. cap. 6. & 7. refutavimus.

224. Porro ex communi hominum sensu notæ alienius rei, adeoque etiam Ecclesiæ, debent illi soli convenire; alias essent ad illam rem indicandam ineptæ. Deinde debent esse faciles, & sensibiles, ut cuilibet, modo diligentius adhibere velit, perviæ sint. Tertio notæ non semper constituunt intrinsecam rei naturam, sed satis est, si eam extrinsece indicent, & nos doceant, ubinam res ipsa sit: unde & proprietates alicujus rei possunt esse ejusdem notæ.

225. Ut autem hæc materia, quæ tanti est momenti, quanti hominum, quos Christus pretioso suo Sanguine redemit, æterna salus, clara in luce ponatur, eam in plures articulos partiemur; in quorum primo notas a Protestantibus inventas exponemus, & refutabimus, in ceteris autem eas stabilimus, quas Synodus Constantinopolitana nobis in Symbolo tradidit, Ecclesiam appellans unam, sanctam, catholicam, & apostolicam.

### ARTICULUS I.

*Exponuntur, & rejiciuntur notæ, quibus veram Christi Ecclesiam cognosci oportere, A catholicis contendunt.*

226. Et quidem primo sunt aliqui inter A catholicos, qui totam hanc controversiam supervacaneam esse putant, nec notis opus esse ad veram cognoscendam Ecclesiam (a). Alii autem, qui passim nobiscum necessitatem fatentur, statuendi aliquas notas, quibus vera Christi Ecclesia cognoscatur, modo plures, modo pauciores enumerant (b). Ut plurimum tamen duas esse volunt essentialis, & proprias, scilicet puram verbi Dei prædicationem, & legitimam Sacramentorum, scilicet baptismi, atque eucharistiæ (non enim plura agnoscent) administrationem. Imo Jo. Gerhardus (in *Locis theolog.* Tom. XI. loc. XXIII. c. 10.). Si stricte loqui volumus, ait, posset una

*tantum propria, & essentialis Ecclesiæ nota constitui, videlicet, pura verbi Dei prædicatione, cujus appendix est legitimum Sacramentorum usus. Non negant tamen Heterodoxi, alias esse notas Ecclesiæ communes, minus proprias, & accidentales.*

227. Si autem ipsi nihil aliud vellent, quam in vera Christi Ecclesia puram semper conservari verbi Dei prædicationem, ac legitimum Sacramentorum usum, quo tendere videntur omnia, quæ coæcervant, Scripturarum, sanctorumque Patrum testimonia, nulla prorsus nobis esset cum iis controversia; nos enim ipsi superius (num. 4.) Ecclesiam definientes eam constitui docuimus per veras fidei professionem, ac legitimum Sacramentorum usum.

228. Verum hic non quaeritur, in quo sita sit Ecclesiæ natura; sed potius quomodo possit certis signis cognosci. Absurdum autem videtur, talia veræ Ecclesiæ nota constitui; quæ vix a doctis Theologis, ab aliis vero fidelibus, qui maximam partem constituunt, ne vix quidem cognosci possunt. Ut enim cognosceretur, ubinam sit pura verbi Dei prædicatione, oportet diligentissimo, atque accurato examine singula prædicationis verbi Dei, & Sacramentorum administrationis puncta perpendere, ea cum sacris litteris conferre, adversariorum difficultates audire, & dispungere, aliaque hujus generis non pauca examini media adhibere, quæ rudibus impossibilia omnino esse, sapientibus autem perdifficilia, nec satis tuta superius (Dissert. II. cap. 1.) ostendimus. At vero omnes, nemine excepto, debent veram Dei Ecclesiam cognoscere, atque interius, exteriusque conjungi; ut possint in ea salutem æternam consequi: alia igitur quaerenda sunt veræ Ecclesiæ signa, beneficio quorum possit quilibet eam certo cognoscere, atque a falsis communionibus discernere.

229. Hanc invictam rationem nobis suppeditat Sanctus Augustinus *Contr. Epist. fundamenti* cap. 4. Tom. VIII., ubi enumerans varia motiva, quibus se in Ecclesia Catholica teneri affirmabat, censuit, omittendam esse sincerissimam sapientiam, seu puritatem doctrinæ, quia, inquit, ad ejus cognitionem via examinis pauci spirituales in hac vita perveniunt.

250.

(a) Ita Simon Episcopus in *Disput. priv. de notis Ecclesiæ* cap. 2. tum Andr. Jadcicus in notis ad Smigleum, ac Piscius in *resp. ad decem orationes Græcæ* etiam iam sentire consequenter debent, quotquot indifferentissimum, ac tolerantissimum admittunt, multoque magis, qui Ecclesiam invisibilem sibi effingunt.

(b) Lutherus in *ultim. Part. Libri de Conciliis, & Ecclesiæ*, septem proponit Ecclesiæ notas, quarum prima est vera, & incorrupta prædicatione Evangelii, sequenda legitima administratio baptismi, tertia legitima usus eucharistiæ, quarta legitimus usus clavium, quinta legitima electio Ministrorum, sexta oratio publica pro salute veraculo, septima mysterium crucis, seu tri-

bulationes intus, & foris. Addit tamen, vel solam primam sufficere ad convincendos animos, quod ibi sit Catholica Ecclesia. In *Confessione Augustana* art. 7., tum in ejusdem *Confessione. Apologia* poenisi due priores ex supra relatis notis proponuntur. His consonat etiam Calvinus *Lib. IV. Institut.* cap. 1. §. 9. & seq. ubi tamen §. 12. vult, illas duas notas ita esse intelligendas, ut si quidpiam vitii vel in doctrina, vel in sacramentorum administratione obrepit, non debeat nos ab ejus Ecclesiæ communione alienare. Quæ sententia etiam a Lutherano adoptata fuit, utpote necessaria ad mutuam tolerantiam.



230. Insinuat quoque ibidem aliam hujus omissionis causam, quia nempe de ipsa doctrinae puritate controversia vigeat eum suis adversariis; unde subdit: ut ergo hanc omittam sapientiam, quam in Ecclesia esse catholicam non creditis, multa sunt alia, quae in ejus gremio me justissime tenent. Et de unit. Ecclesiae cap. 5. num. 9. Et illa, inquit, interim seponenda sunt, quae... & secundum nos, & secundum illos possunt interpretari. Est quidem auctorum hominum judicare, atque discernere, quis ea probabilius interpretetur, sed nolumus in has ingeniorum contentiones, in ea causa, quae populos tenet, nostram disputationem committere. Ita disputator omnium cautissimus S. Augustinus.

231. Contra vero Protestantes dum contendunt, solum, aut praecipuum verae Ecclesiae notam esse doctrinae puritatem, nos deducere volunt in illum controversiarum labyrinthum, unde exitus inveniri non possit. Et quomodo, amabo, poterit aliquis certo iudicio affirmare, sectam ex. gr. Lutheranorum veram esse Ecclesiam Dei propter puram, quae in ea sit, verbi Dei praedicationem, eum non ignoret, eandem sectam non a Catholicis solum, sed etiam a Calvinistis, Socinianis, aliisque accusari, quod verbum Dei insigniter corrumperit? Idem dicatur de ceteris omnibus communionibus, de quarum orthodoxia lites vigent immortales.

232. Hujusmodi autem difficultas, quae certe gravissima est, adhuc inajor efficitur, si consideremus, quod adversarii pene omnes docent, etiam in vera Ecclesia posse doctrinam minus puram praedicari, nec per quamlibet corruptelam cessare veram Ecclesiam Dei; sed tunc solum, quando corruptela ad puncta essentialia, seu, ut ipsi loquuntur, *fundamentalia* se extendit. Primum enim quis certo determinabit, quoniam sint dogmata religionis *fundamentalia*, et quoniam minus necessaria? Deinde quis tam facile, rudis praecipue, de variis corruptelae gradibus iudicium feret? Quod tamen iudicium necessarium omnino est, si ex doctrinae puritate veram Ecclesiam Dei cognoscere debeamus (a).

233. Hinc veteres Ecclesiae Patres potius ab Ecclesia esse veram verbi divini intelligentiam demonstrandum volebant, quam ex pura verbi Dei praedicatione cognoscendam Ecclesiam. Plura haec in re ipsa eorum testimonio praesto essent, sed pauca sufficiunt.

234. S. Irenaeus Lib. adv. Haer. cap. 2. Quil enim, ait, & si de aliqui modica questione disceptatio orta fuisset, nonne oporteret in antiquissimas recurrere Ecclesias, & ad iis sumere de praesenti questione, quod certum, & liquidum est? & cap. 5. loquens de Ecclesia Romana, ad hanc Ecclesiam, inquit, propter potentiorum (vel, ut alii legunt, potiorum) principatitatem necesse est omnem convenire Ecclesiam.

235. Tertullianus autem de Praescript. Haeret. cap. 21. Quil praedicaverint Apostoli, ait, idest, quid illis Christus revelaverit, & hic praescribam, non aliter probari debere, nisi per easdem Ecclesias, quas ipsi Apostoli condiderunt?

236. S. Aug. Lib. 1. contra Crescentium c. 25. Tom. IX. agens de gravissima Anabaptismi materia, hanc regulam statuit, quae sine dubio in aliis materiis etiam valet: quisquis falli metuit hujus obscuritatis questionis, eandem Ecclesiam de illa consulat, quam sine ulla ambiguitate Scriptura demonstrat. Non itaque volunt isti Patres, ex doctrina cognoscendam esse Ecclesiam, sed potius ex Ecclesiae doctrina. Et notissima insuper est illa ejusdem S. Augustini vox contra epistol. fundam. cap. 5. Evangelio non crederem, nisi me Ecclesiae commoveret auctoritas. Ac demum adhuc clarior in Pal. LVI. num. 6. Tom. IV. de haereticis loquens ait: Ideo ergo erraverunt a ventre, quia locuti sunt falsa? an potius ideo locuti sunt falsa, quia erraverunt a ventre? In ventre quippe Ecclesiae veritas manet. Quisquis ab hoc ventre Ecclesiae separatus fuerit, necesse est, ut falsa loquatur.

237. Obijciunt Adversarii primo non pauca Sacrae Scripturae loca, quibus dicitur, oves Christi lavacro aquae in verbo vitae Ephes. V., 26., officium Ecclesiae esse praedicare Evangelium, & baptizare Matth. XXVIII. 19. ac demum haec omnia esse dona Jesu Christi Ecclesiae propria, quibus a falsis distinguitur, unde inferunt, veras Ecclesias notas, quibus dignoscatur, non esse, nisi puram verbi Dei praedicationem, & legitimum Sacramentorum usum.

238. Resp. Ut aliquid sit Ecclesiae nota, non sufficere, illud in vera Ecclesia reipsa inveniri, aut essentialiter illi competere, aut demum per illud eam a Satanis Synagoga distingui, sed requiri ulterius, ut illud in omnium oculis in-

(a) Ex hac communi Protestantium doctrina recte colligebat Petr. Nicolaus in Tom. III. des ameres de controverſie c. 19. rudes, & idiotas, qui a penda reformatioibus sedici se permisissent, nullo modo posse propter ignorantiam a schismaticis crimine excusari, utpote qui ab Ecclesia Romana, quae in certa possessione erat doctrinae fidei, & ministerii sacramentorum, se segregarunt; quin scirent, aut scire possent, eam errare, & quidem graviter, in articulis fundamentalibus. Audiebant quidem tunc, sicuti modo audiunt a suis

pseudo-pastoribus, Ecclesiam nostram gravissimorum errorum in fide, & moribus accusari, sed nihil magis injustum, sanaeque rationi contrarium, quam hujusmodi accusationibus fidem adhaerere, principiam sciretur, aut sciri posset, eas esse legitimas, & certas; praecipue cum tunc viderent, & adhuc videant, multos, gravissimos, doctissimos, atque integerrimos, viros Rom. Eccl. constanter, & inviolasse adherere. Sed id obiter. Vid. infr. n. 193. & seq.

curret, ut facile quilibet possit ejus ope veram Ecclesiam invenire. Jam vero audimus quidem ab omnibus Christianis commutationibus puram Christi doctrinam jactari: an autem talis reipsa habeatur doctrinæ puritas, quis certo judicet? Quis etiam certo determinare audeat, ubinam & a quibus Sacramenta rite, & legitime administrantur?

239. Sed quid ulterius, si aliquis Catholicus Heterodoxos moneat, primo apud eos non esse legitimum Eucharistiæ usum, quia legitimos ejusdem Ministrorum non habent, veros nempe Sacerdotes divino sacri ordinis caractere instructos? Secundo præter hæc duo alia quinquæ esse Sacramenta a Christo instituta, nec veram esse Ecclesiam, quæ duobus solis utcumque retentis alia exprodit? Tunc certe rudes saltem, & indocti, quorum semper maxima pars est, hærebunt omnino, cum tale non valeat examen instituire, quod de rebus tanti momenti non opinione solum, sed plane ad veritatem persuadeantur.

240. Objic. 2. Sancti Patres perpetuo solebant Ecclesiam ex verbo Dei in sacris litteris contento demonstrare. Sic S. Augustinus epist. CV. (alias CLXVI. num. 14. Tom. II.) *In scripturis, inquit, discimus Christum: in scripturis discimus Ecclesiam; & pergit postea multis Scripturarum testimoniis veram Dei Ecclesiam ostendere.* Item in Libr. de unit. Ecclesiæ c. 4. num. 6. Tom. IX. num. inquit, *humanis documentis, sed divinis oraculis sanctam Ecclesiam demonstrari.* Et iterum cap. 20. num. 50. Donatistas provocat, ut *utrum ipsi Ecclesiam teneant, non nisi de divinarum Scripturarum canonicis libris ostendant.*

241. Resp. S. Augustinum utrobique contra Donatistas probare Ecclesiam, non ex pura verbi Dei prædicatione, ac legitimo Sacramentorum usu, ut adversarii contendunt, sed potius ex notis, quas nos constituimus, præcipue autem ex nota Catholicitatis, seu ex eo, quod vera Dei Ecclesia debeat esse toto terrarum orbe diffusa, prout sæpius in sacris litteris veteris potissimum testamenti promissum fuit; qua nota etiam nos inferius utemur.

242. Id facile patet ex ipsis laudatis Sancti Patris locis contra Donatistas; & præcipue ex libro de unitat. Eccles., ubi ita persequitur: *Si enim Sacræ Scripturæ in Africa sola designarunt Ecclesiam . . . non tenent Ecclesiam, nisi Donatistæ . . . Si autem Christi Ecclesiæ Canoniarum Scripturarum divinis, & certissimis testimoniis in omnibus gentibus designata est, recte iuferbat, Donatistarum sectam in sola Africæ parte conclusam non esse veram Ecclesiam.* Et cap. 19. postquam multis Prophetarum, ac Christi Domini vaticiniis confirmasset, Ecclesiam esse toto orbe dilatandam, ita colligit: *Hoc in Lege, & Prophetis, & Psalmis esse scriptum ipse (Christus) testatus est: hoc ejus ore commendatum tenemus: hæc sunt causæ nostræ do-*

*cumenta, hæc fundamenta, hæc firmamenta.* Ex Scripturis igitur Sanctus Pater demonstrabat veram Ecclesiam; non ex iis probande veritatem doctrinæ in Ecclesia prædicatæ; sed probando Ecclesiæ promissum esse diffusionem per totum mundum, seu ex nota catholicitatis.

243. Inst. S. Joann. Chrysostomus (in Opere imperf. in Matthæum Homil. XLIX. Tom. VI.) hæc habet: *antea multis modis ostendebatur, quæ esset Ecclesia Christi, & quæ gentilitas; nunc autem nullo modo cognoscitur, quæ sit vera Ecclesia Christi, nisi tantummodo per Scripturas.*

244. Resp. Opus imperfectum in Matth. non esse genuinum factum S. Jo. Chrysostomi, sed inguobilis auctoris, imo hæretici Ariani, ut criticis omnibus notum est; quamquam a non paucis veteribus sub nomine S. Jo. Chrysostomi fuerit sæpius laudatum; quamobrem nec operæ pretium videtur, in ejus mente investiganda immorari. Probabiliter tamen videns suam sectam ad paucos ita redactam, ut nullos jam veræ Ecclesiæ characteres haberet, ad scripturas confugiendum esse volebat, ut inde aliquod desperatæ causæ suæ patrocinium quæreret, scilicet hæreticorum more, qui suas sectas Ecclesiæ nomine insignire quacunque demum ratione volunt.

245. Inst. secundo. Verus S. Jo. Chrysostomus. Homil. XXXIII. in Acta Apostolorum num. 4. Tom. IX. Gentilem, qui Christianus fieri velit, sed nesciat, cui Christianorum communioni adhæreat, ita monendum censet: *si diceremus, nos: rationis credere, merito turbareris. Si vera Scripturis nos credere dicamus, ejusque simplicibus, & veris, facile tibi fuerit judicare. Si quis cum illis consentit, Christianus est; si pugnat cum illis, hic procul est a canone: nullam ergo aliam S. Pater Ecclesiæ invetiendæ viam indigitat, quam examen doctrinæ.*

246. Resp. Ita quidem assertit S. Pater in principio; sed omittenda non sunt, quæ postea subdit. Cum enim Gentilis objicere posset, facile subhi non esse ex Scripturis veram Dei Ecclesiam cognoscere, quia non uno modo exponuntur, se aptum esse discipulum, non Doctorem, eo tandem Sanct. Pater devenit, ut hanc aliam notam proponat, qua etiam rudis potest veram Ecclesiam cognoscere, scilicet originem apostolicam. Ut vero, inquit, clarius loquar, illi (hæretici) quosdam habent, a quibus appellantur, hæresiarchæ certe nomen: sic singulæ hæreses. Nobis vir nullus nomen indidit, sed ipsa fides; attendens nimirum ad nomen Catholicæ, quod Ecclesia nostra ex ipsa origine apostolica obtinuit.

## ARTICULUS II.

## PROPOSITIO.

Proponuntur veræ notæ, quibus facile ab unoquoque possit Ecclesia Christi cognosci. Earum autem prima est unitas.

247. Doctores Catholici non omnino inter se convenire videntur in proponendis veræ Ecclesiæ notis; sed levis hæc est discrepantia; nam omnes consentiunt in quatuor illis, quas Synodus Constantiopolitana proposuit, quando in Symbolo Ecclesiam, quam proderet omnes fideles jubentur, appellavit *unam, sanctam, catholicam, & apostolicam*. Parum autem refert, si aliqui alias addunt (a).

248. Sed illud primo observandum ex Bellarmino Libr. IV. de *notis Ecclesiæ* cap. 3., huiusmodi notis non ita evidenter demonstrari, nostram Ecclesiam esse veram, sicut evidenter demonstratur propositio aliquam geometricam; tunc enim vel nullus omnino, vel nonnulli paucissimi inveniuntur, qui id negarent. Talis nihilominus evidentiæ in iis invenitur, quæ hominem prudentem, sæpæ salutis sollicitum movere debet, ut inexcusabiles sint, qui perveraciter refragantur.

249. Observandum ulterius, ex istis notis non demonstrari directe, & intrinsece veritatem dogmatum, quæ vera Christi Ecclesiæ proficetur; sed argumenta tantummodo suppeditari, quibus ostendatur, nostram Ecclesiam esse illam ipsam, quam Christus sibi desponsavit, & cum qua perpetuo se permansurum sæpius promisit; unde postea indirecte sequitur, omnia, quæ ab illa proponuntur, dogmata, verissima esse debere propter infallibilem iudicandi potestatem illi collatam.

250. Frigida autem est illa cavillatio Adversariorum (apud Joann. Gherardum in locis theologicis Loco XXIII. cap. 10.) dicentium, notas nostras, si rem faciunt tantum evidenter credibilem, esse suspectas, quia multa sunt credibilia, quæ tamen non sunt vera. Incepta hæc est cavillatio, quæ non habet locum, ubi dicitur, aliquid esse evidenter credibile; tunc enim habetur illa certitudo moralis, quæ in omnibus, etiam gravissimis huius vitæ negotiis, homines prudentes dirigi solent. Sed age, primam veræ Ecclesiæ notam statuamus.

(a) S. Augustinus toto libro de *unitate Ecclesiæ*, seu epistola ad Catholicos contra Donatistas Tom. IX. non alioquin probat, Ecclesiam nostram esse veram, nisi quia sola Catholica est, scilicet toto orbe diffusa juxta prædicationes sæpissime factas in Legge, & in Psalmis, in Prophetis, atque etiam ipsius Christi ore. Non propterea alias ejusdem veræ Ecclesiæ notas rejicere censendus est, quas alibi commemorat, præcipue cont. epist. fundamenti c. 4. Tom. 8. Vide infra nom. ult.

Veræ Christi Ecclesia debet esse una, maxime vero unitate fidei, & regiminis: hæc proinde unitas est veræ Ecclesiæ nota.

251. Prob. primo, Ecclesiam debere esse unam ex variis utriusque fœderis locis. Cant. VI. 8. dicitur, *una est columba mea, perfecta mea, una est matris suæ*. Nominem autem columba designari Ecclesiam sancti Patres, atque imprimis S. Augustinus jam observavit (b).

252. Observantur etiam, unitatem Ecclesiæ designari in Sacra Scriptura variis figuris, ut in illa *una domo*, in qua comedendus erat agnus paschalis Exodi XII. 46., tum in tunica illa inconsutili Jesu Christi, quam a militibus minime scindi voluit Deus Joan. XIX. 23. seq. ac denique similitudine unius corporis, cujus sunt multa membra Roman. XII. 4. & 1. Corinth. XII. 12. Has omnes figuras unitatis Ecclesiæ collegit, & pulchre exornavit S. Cyprianus in aureo opere de *unitate Ecclesiæ*.

253. Hanc autem unitatem potissimum esse in doctrina fidei, clarius, ac sine figuris nos docet S. Paulus Ephes. IV. 3. seq., ubi hortatur fideles, ut sint solliciti *servare unitatem spiritus in vinculo pacis: unum corpus*, inquit, & *unus spiritus*. . . . *Unus Dominus, una fides, unum baptisma, unus Deus, & pater omnium &c.*; & Roman. XVI. 17. *Rogo vos fratres, ut observetis eos, qui dissensiones, & offensacula præter doctrinam, quam vos didicistis, faciunt; & declinate ab illis*. Et nihil magis in Paulinis epistolis; imo toto novo fœdere nobis inculcatum est, quam unitas, & concordia maxime in doctrina.

254. Unitatem etiam regiminis sub diversis Pastoribus, & uno capite idem Sanct. Paulus aperte declarat, dum vult, Ecclesiam esse *unum corpus in Christo* Roman. XII. 5. & alibi frequenter; quod certe corpus sine capite esse non potest. Et cum Ecclesia sit corpus visibile, etiam illius caput visibile esse debet. Quod adhuc luculentius idem S. Apostolus ostendit Ephes. IV. 11. dicens, *Christum dedisse quosdam quidem Apostolos, quosdam autem Prophetas; alios vero Evangelistas, alios autem Pastores, & Doctores; . . . in ædificationem Corporis Christi*. Ac demum, ut sexcenta alia loca omittam, ce-

le.

(b) Speciminis loco sit Optatus Milevitanus Lib. I. adv. Parmenianum, ubi inquit, *Christus sponsus est unus Ecclesiæ, sicut in Cantico Canticorum ipse testatur, qui cum una laudat, ceteras damnat*. Et ante enim S. Cyprianus de *unit. Ecclesiæ* n. 7. *quam unam Ecclesiam, ait, etiam in Cantico Canticorum Spiritus Sanctus ex persona Domini designat, & dicit: una est columba mea &c.*

lebre est illud monitum Pastoribus datum Actor. XX. 28. *Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei, quam acquisivit sanguine suo.*

255. Hanc doctrinam, atque regiminis unitatem Sancti Patres pro veræ Ecclesie nota semper habuerunt. Nam Sancti. Pater Augustinus de unit. Ecclesie cap. 4. de iis loquens, qui ab Ecclesia ita dissentiunt, ut eorum communio non sit cum toto, quacumque diffunditur, sed in aliqua parte separata inveniuntur, ejusmodi erant Donatistæ, manifestum est, inquit, eos non esse in Catholica Ecclesia. Non alia, utique ratione id manifestum erat, nisi quia Ecclesie Catholice nota, & character est unitas. Et antea cap. 2. *Hæc autem Ecclesia, inquit, Corpus Christi est, sicut Apostolus dicit Coloss. I. 24. pro Corpore Christi, quod est Ecclesia.* Unde utique manifestum est, eum, qui non est in membris Christi, Christianam salutem habere non posse.

256. Simili omnino sensu Sanctus Cyprianus de unitate Ecclesie n. 8. postquam Ecclesiam unam esse ostendit, hanc Ecclesie unitatem, inquit, qui non tenet, tenere is fidelem credit? Qui Ecclesie renititur, ac resistit, qui cathedram Petri, super quam fundata est Ecclesia, deserit, in Ecclesia se esse confidit (a)? Quando & beatus Apostolus Paulus hoc item doceat, & Sacramentum unitatis ostendat dicens: unum corpus, & unus spiritus &c. Nempe pro signo, & nota veræ Ecclesie unitatem statuens, ac contra pro nota falsæ Ecclesie divisionem. Unde etiam num. 10. *Quisquis, inquit, ab Ecclesia segregatus adulteræ jungitur, a promissis Ecclesie separatur.* Item num. 12. *Hanc unitatem qui non tenet, Dei legem non tenet, non tenet Patris, & Filii fidem, vitam non tenet, & salutem.* Quid clarius, & apertius considerari potest, ut intelligamus, quinam ad Ecclesiam pertineant, aut non pertineant? adeoque quænam sit, & ubinam sit vera Dei Ecclesia, in qua sola obtineri potest æterna salus?

257. De unitate autem cum Romano Pontifice se loqui declaravit Sancti. Martyr non uno in loco, neque obscure; nam allatis verbis Christi Domini ad Petrum Matth. XVI. *Tu es Petrus &c.* inquit: *Et quamvis Apostolis omnibus post resurrectionem suam paræi potestatem tribuit... tamen, ut unitatem manifestaret, unitatis ejusdem originem ab uno incipientem sua auctoritate disposuit. Et postea: Primatus Petro da-*

*tur, ut una Christi Ecclesia, & Cathedra una, monstretur (b).* Et in Epist. 55. ubi loquens de Fortunato, & Felicissimo schismaticis inquit: *navigare audent, & ad Petri Cathedram, atque ad Ecclesiam principalem, unde unitas Sacerdotalis orta est, a schismaticis, & profanis literas ferre.* Et sane nulla esset regiminis unitas, si nullus esset primus inter Pastores, qui cæteros in officio continere posset. Unde idem Sanctus Pater in laud. epist. *Neque enim, ait, aliunde hæreses obortæ sunt, aut nata sunt schismata, quam inde, quod Sacerdoti Dei non obtemperatur, . . . cui si secundum magisteria divina obtemperaret fraternitas universa . . . nemo dissidio unitatis Christi Ecclesiam scinderet.*

258. Clemens Alexandrinus in Lib. VII. Stromatum num. 17. postquam multa in hanc rem disputasset, ita concludit: *Et iis, quæ dicta sunt, manifestum esse existimo; unam esse veram Ecclesiam eam, quæ est antiqua . . . In unius ergo sortem cooptatur Ecclesia, quæ est una, quam conantur hæreses in multas dividere. Ubi unitatem conjungit antiquitati, atque hoc inter veram Ecclesiam, atque hæreticorum sectas ponit discrimen; quod illa unitatem servet, istæ autem in partes dissecetur. Inno addit Ecclesie eminentiam esse ex unitate.*

259. Prætereo multos alios Patres, ne nimis sim; sed præterire non possum verba S. Optati Milev. in Lib. II. de schismate Donatistarum, ubi primum dicit: *Ecclesia una est . . . Hæc apud hæreticos, & schismaticos esse non potest.* Deinde ostendit, hujus unitatis centrum deducendum esse ab Apostolica Petri sede. Nam Parmenianum alloquens, negare non potest, inquit, scire te in urbe Romana Petro primo cathedram Episcopalem esse collatam, in quâ sederit omniura Apostolorum caput Petrus . . . in qua una Ecclesie unitas ab omnibus servetur . . . ut jam schismaticus, & peccator esset, qui contra singularem Cathedram alteram collocaret. Ita multi alii Patres, qui unitatem tanquam proprium Ecclesie Christi characterem prædicant, & insuper hujus unitatis centrum, & vinculum dicunt esse Rom. Pontificem S. Petri successorem.

260. S. Patrum auctoritate etiam manifesta ratio suffragatur. Quis enim sanæ mentis sibi persuadeat, voluisse Christum Dominum pretiosius sui sanguinis effusione talem sibi acquirere Ecclesiam, quæ in varias, sibi quæ repugnantes sectas divisæ nec unam fidem profiteretur, nec eadem haberet Sa-

(a) Hanc ignoro, hæc verba: qui Ecclesia renititur &c. a Fello, Baluzio, aliisque additicia reputari. Smt tamen laudata a Pelagio II. in epist. ad Episcopos Istriæ, & inveniuntur in pluribus antiquis codicibus; atque etiam resceatur, adhuc integra ois laudati testimonii manet.

(b) Nolo, de horum postremorum verborum controversiam moveri, ut enim bene observat Pruden-

tius Maras in prefat. suæ editionis Cypriani ex recognitione Stephani Baluzii §. 3. reliqua S. Patris verba, etiam his demptis, sufficiunt ad primatum S. Petri ostendendum, sine quo veram unitatem haberi, & conservari non posse S. Martyr contendebat. Sed de S. Petri primatu dicetur suo loco.



Sacramenta, neque certo, ordinatque Pastorum regimini subderetur? Tales autem sunt Protestantium communiones, in quibus nulla est unitas fidei, cum quilibet ex Scriptura sacra suo modo intellecta suos sibi fidei articulos condant, nullaque haberi potest certa regiminis forma, cum nulla pars ab altera pendeat, nullo existente communi viaculo, atque unitatis centro (a).

261. Obj. 1. Unitas fidei, quæ dicitur Ecclesiæ nota, vel est unitas in doctrina vera, & pura, vel unitas qualiscunque. Si hoc secundum dicatur, hæc unitas etiam invenitur apud nonnullos hæreticos, apud Paganos, Judæos, potissimum vero apud Mahumetanos. Si autem sit unitas in doctrina vera, nostra sententia eadem erit cum sententia Protestantium, qui volunt, puram doctrinam evangelicæ prædicationem esse Ecclesiæ notam.

262. Resp. certe unitatem, quæ est Ecclesiæ nota, esse unitatem in doctrina pura, imo veritatem doctrinæ esse ab ejus unitate inseparabilem, in hoc tamen a sententia Protestantium admodum distans, quod isti puritatem doctrinæ cognosci volunt, diligenti de singulis articulis instituto examine; quod & nimis longum esset, & ut superius ostendimus, nec indolens possibile, nec sapientibus tutum. Alia ergo via nos unitatem veræ doctrinæ ponimus; quia scilicet in Ecclesia Christi debet esse medium certum, & efficax hujus unitatis conservandæ; hoc autem medium nullum aliud esse potest, quam suprema, & infallibilis judicandi potestas, qualis apud nos est. Hinc aptissime dicebat S. Augustinus epist. CV. c. 5., *Deum in cathedra unitatis doctrinam posuisse veritatis*; & in Ps. LVI. n. 6. T. IV. *quisquis, inquit, ab hoc ventre Ecclesiæ separatus fuerit, necesse est falsa loquatur*. Et ante ipsum S. Cyprianus epist. 37. Ecclesiam vocabat *domicilium unitatis, & veritatis*.

263. Facile est enim, unitatem in doctrina pura, quam Ecclesia nostra profitetur; cognoscere ex promissionibus, quibus Christus Domini doctrinam puram in perpetua Pastorum successione se conservaturum pollicitus est. Nam Matth. 28. 19. 20. Apostolis præcepit, ut *docerent omnes gentes, utique doctrinam puram, & sanctam*; post autem pollicitus est, se cum iis futurum *omnibus diebus usque ad consummationem sæculi*. Quibus verbis pronum est advertere, promissam fuisse in Ecclesia perpetuam successionem Pastorum, qui veram doctrinam prædicarent usque ad finem mundi.

264. Multo autem facilius est etiam rudibus, cognoscere unitatem regiminis, quæ apud nos semper conservata fuit, & est veræ Ecclesiæ nota. Visibilis enim apud nos est hierarchia, in qua supremum obtinet locum Pontifex Maximus. Illi enim, nedum fideles omnes, sed etiam Pastores subjiciuntur. Et hæc unitas est summopere necessaria ad impedienda schismata, quibus nulla major perniciæ reipublicæ Christianæ esse potest, prout variis locis contra schismaticos Donatistas ostendit S. Augustinus, & ante eum S. Cyprianus in quibusdam epistolis, & in sæpe laudato opere *de unitate Ecclesiæ*. Hanc duplicem unitatem doctrinæ & regiminis ita explicatum potest quilibet etiam rudis, modo debita uti velit diligentia, facile cognoscere; eam proinde merito inter visibiles Ecclesiæ notas recensuit Synodus generalis Constantinopolitana.

265. Dices. In Ecclesia Romana non habetur hæc doctrinæ unitas. Nam primo vel ipsi veteres Ecclesiæ Patres haud raro discordes in doctrina fuerunt; imo vix ullus eorum est, qui in graves errores lapsus non sit, ut patet in Millenniis, in Rebaptizantibus, in Quartodecimariis &c. Secundo etiam nunc variae sunt, sibi quæ repugnantes Theologorum sententiæ; imo integræ Scholæ Thomistarum, Augustinianorum, Scotistarum, Molinistarum lites inter se, & controversias habent immortales. Tercio demum jaundit Ecclesia Romana accusata fuit, & adhuc accensatur, quod nedum in ritibus, moribus, ac disciplina, sed in ipsis dogmatibus variaverit, atque ab antiqua doctrinæ puritate defecerit.

266. Resp. primæ objectionis parti, nec tam multos, nec tam graves esse Ss. Patrum aevos, ut aliqui inter Protestantes antiquæ Ecclesiæ, & traditionis ores exaggerant. Sed quidquid de hoc sit, hujusmodi veterum Patrum errores nullum unitati fidei nocumentum afferunt: tunc enim errarunt, quando res nondum satis discussæ erant, & infallibilis Ecclesiæ judicio nondum definitæ. Hinc enim judicio illos sese submissuros, si tunc prodisset, dubitare nos non sinit nota eorumdem pietas, & quam profitebatur, Ecclesiæ universæ, ejusque visibili capiti observantia. Hoc fuit a S. Augustino jam animadvertum in causa Rebaptizantium: nec aliter exaudivit S. Cyprianum, aliosque cum eo errantes Africæ, Asiæque Episcopos. Vid. Lib. I. *De baptismo contra Donatistas*, cap. 18. Libr. II. cap. 4. T. IX. & multis aliis in locis (b).

267.

(a) Protestantes, ut ab hac molestissima difficultate se extricarent, illam unitatem excogitarunt in principiis solum *fundamentalibus*, quæ religionem indifferenter laicam aperit januam, & quam insuper dissert. c. 8. explosumus.

(b) Multi in hac rem affert exempla Facundus Herimianensis in Lib. XII. c. 1. (apud Jac. Sirmondum Tom. II. *Operum variorum*), ac postea sic concludit: *Gazzaniga Theol. Tom. I.*

*Multi sunt imperfecti in Ecclesia Christi, & tamen in servanda ejus unitate perfecti; qui cum per ignorantiam suam in pluribus errant, in nullo tamen errare credunt Ecclesiam, ejus se confident unitate salvari. Quamquam doctus hic Episcopus hoc egregio principio in malæ causæ patrocinium alutebatur, scilicet in defensionem trium Capitulorum ab Ecclesia damnatorum,*

267. Quod vero secundo loco obiectum fuit de variis apud nos sententiis, variisque sibi adversis Scholis, nullam prorsus ingerit difficultatem. Licuit enim semper, semperque licebit salva unitate fidei eam opinionem sequi, quæ sacris litteris, sanctorumque Patrum traditioni conformior videretur, quod Ecclesia nihil definierit. Unitas doctrinæ fidei non in eo sita est, ut nulla sit opinionum diversitas; quod sine perpetuo Dei miraculo obtineri non posset; sed ut præsto sit efficax, & infallibile medium ad omnes dissensiones in fide, & moribus tollendas. Quemadmodum civitatis, aut reipublicæ unitas non impedit, quin lites inter cives oriantur, exigit tamen, ut supremum sit tribunal, cujus decisioni omnes controversiæ subiectæ sint.

268. Nihil vero magis falsum, quam quod Adversarii nunquam nobis obijcere cessant, Ecclesiam scilicet nostram in doctrina fidei variasse; & sæpius provocati, ut epochas, auctores, aut certa monumenta harum variationum ostendant, id nunquam præstare valuerunt. Variationes in ritibus, cæremoniis, usibus, atque etiam in disciplinæ præceptis nonnumquam fuisse, haud inviti fatemur. Sed hæc omnia sunt natura sua mutationi obnoxia; & Ecclesia, quamquam antiquitatis studiosa, & quoad fieri potest, tenax, tamen ut pia, & benigna mater sæpius debet infirmitati filiorum indulgere.

269. Ceterum variationes in fide, quæ una semper, & constans esse debet, nunquam fuisse factas evidenter a nostris fuit sæpius demonstratum. Imo facile est ostendere, has variationes nec fieri potuisse, quin magnæ contentiones, discordiæ, & turbæ excitarentur, quarum tamen nullum invenitur in ecclesiasticis monumentis vestigium. Fingamus enim, ut adversarii placet, has mutationes, non quidem repente, quod impossibile fuisset, sed sensim, ac sensim irrepsisse; tunc cum nonnisi pauci in initio essent novatores, major pars, quæ avitæ doctrinæ tenaciter adhærebat, eos facile detexisset, & condemnasset. Sed fingamus etiam, eos paucos delituisse; an etiam delitescere poterant, quando eorum numerus angebatur, ut alteri parti æqualis esset, ac etiam superior? Præcipue quia necesse omnino erat, in iisdem Ecclesiis, in iisdem Urbibus, in iisdem Monasteriis, ac pene in iisdem domibus alios esse eodem tempore, qui veterem servarent fidem, & alios, qui novam consarentur invehere. Non poterat ergo novitas non adverti. Et tunc impossibile creditur est omnes fuisse ita stupidos, & mutos, ut nemo vocem extolleret, & reclamaret. Hinc

discordias nasci necesse erat, disputationes excitari, & contentiones, celebrari Concilia, & fieri schismata.

270. Sane qui in historia Ecclesiastica prorsus hospites non sunt, & peregrini, haud ignorant, quæ contentiones, & turbæ ortæ fuerint, quotiescumque novitates in doctrina fidei eruperant. Sic nota sunt schismata & hæreses, Gnosticorum, Docetarum, Ebionitarum, Marcionitarum, Valentiniaporum, Montanistarum, postea Sabellianorum, Arianorum, & uno verbo omnium eorum, qui ob corruptam priscam Christi doctrinam ab Ecclesia vel sponte discesserunt, vel ut contumaces ab eadem ejecti sunt. Quidni igitur simili modo variationes aliarum, si quæ factæ fuissent, in omnium oculis incurrissent, & turbas, ac contentiones excitassent? Cum itaque nulla extent harum turbarum monumenta, vel id solum sufficere, etiamsi alia argumenta deessent, ut pro commentitiis habeantur, quas nobis nunquam obijcere cessant A catholici pristinae fidei mutationes.

271. Obj. secundo. In nostræ religionis exordio nulla erat regiminis unitas; nam primis duobus sæculis singulæ Ecclesiæ seipsas regebant sine ulla ab aliis dependentia; nulla enim afferri possunt vel ex sacris litteris, vel ex Patrum traditione huius dependentiæ monumenta ante sæculum III. Ulterius diversi tunc erant apud singulas Ecclesias mores, & variae consuetudines. Sic ex gr. in Ecclesia Ephesina non tolerabantur Nicolaitæ Apoc. II. 6. qui tamen tolerabantur in Ecclesia Pergamena ibid. 15. Neque tunc ulla novimus celebrata Concilia, quæ tamen necessaria videntur, ut una sit ubique disciplina, & una Ecclesiæ facies: non ergo unitas regiminis tunc erat Ecclesiæ nota (a). Addendum, inaudita tunc fuisse nomina Archiepiscoporum, Primate, & Patriarcharum.

272. Resp. nihil esse magis a veritate alienum, quam hanc primarum Ecclesiarum independenciam. Satis est ipsa confessio Adversariorum, quod sæc. III. omnes jam Ecclesiæ essent simul mutuis vinculis non solum fidei, & charitatis, sed etiam disciplinæ, & dependentiæ colligatæ, ut credamus, eandem unitatem, mutuamque conjunctionem etiam primis duobus sæculis viguisse. Sed præterea mutæ Ecclesiarum communionis ante sæc. III. testes sunt epistolæ Dionysii Episcopi Corinthiorum ad diversas Ecclesias, quas Eusebius memorat Lib. IV. Hist. Eccl. cap. 25. tum S. Ignatii Episcopi Antiocheni, ac denique S. Clementis Romani, ad Corinthios, qui omnes sæculo II. floruerunt (b). Demum nemini ignota est con-

(a) Ita obijcit Laur. Mosheimus in *Commentariis de rebus Christianorum ante Constantinum Magnum* Sæculi I. §. 28. ita ante eum obijciebat quidam pseudo-minister Calvinista, quam Bossuetus egregie confutavit dans la *seconde Instruction Pastorale sur les promesses de J. C. à son Eglise* §. 59. & seq. Tom. V. Opp.

edit. Paris. 1743. Hic autem pseudo-minister erat Jac. Basnagius, multis aliis operibus apud suos celebris, ut notant editores ejusdem T. V. in additione prævia.

(b) Dionysii epistolæ ab Eusebio loco citato septem numerantur, quæ injuria temporum perierunt. Unius tamen fragmentum nobis servavit Eusebius, quæ ad

controversia de celebratione paschali, propter quam S. Victor Rom. Pontifex inultas Asiae Ecclesias a sua communione rescindere paratus erat, nisi pacis sequester S. Irenaeus sese interposuisset. Et quamquam Victor saeculo II. ad finem vergente regnavit, hæc tamen controversia jam sub Antico post medium saeculi II. exorta erat. Quæ omnia indubia sunt monumenta mutui inter Ecclesias commercii etiam ante saeculum III.

275. Et sane cum Christus Dominus unitatem suis discipulis majorem in modum commendaverit, & cum sacrae litteræ nobis exhibeant Ecclesiam a Christo fundatam tanquam unum regnum, unum ovile, unum populum, & tunc corpus, jam hoc ipso satis indigitur, in ea ab ipso sui exordio semper viguisse, & vigere debuisse tum internam animorum, tum etiam externam membrorum colligationem, & unitatem, atque Ecclesiae, quæ sequentibus temporibus toto orbe congregabantur, suis matricibus, a quibus originem traherant, fuisse subjectas, ipsasque matres unam præcipuam agnovisse, scilicet Romanam, quam S. Petrus Apostolorum Princeps omnium matrem & magistram esse voluit, dum eam sui primatus heredem reliquit: & ad quam propterea ut S. Irenaeus loquitur Lib. II. *contr. hæreses* cap. 3. *propter potentorem principalem, necesse est omnem convenire Ecclesiam, hoc est eos, qui sunt indigne fideles.* Et S. Cyprianus: *Primatus, ait, Petro datur, ut una Christi Ecclesia, & cathedra una monstretur.*

274. Quamquam vero disciplina fuerit in diversis Ecclesiis diversa, non tamen inde sequitur, Ecclesias ipsas fuisse a se divisas, & independentes; nam etiam saeculo III. & sequentibus, imo & modo disciplina alicubi varia est & diversa, unitas tamen fidei, & regiminis inviolata servatur.

275. Multoque minus huic unitati obstat quædam corruptela in moribus, quæ alicubi tolerantur vel negligentia Pastorum, vel ad majora mala impedienda. Nam certe primæ illæ Ecclesiae Pergamena, Corinthiorum, & Galatarum ab Apostolorum auctoritate pendebant: scimus tamen quosdam etiam in eis irrepisse abusus, quos Apostoli ipsi eradicare curabant.

276. Quod autem nulla primis illis temporibus

sciamus celebrata fuisse Concilia, id partim sniori persecutionum ubique fere sævientium tribuendum est, partim aliis causis, præcipue vero, quod recentis adhuc apostolica traditione facile possent abutis, & errores a singulis Episcopis rescari; nulla autem ratione id adscribi debet separationi, vel independentiæ Ecclesiarum.

277. Postremum de Archiepiscopis, Primitivis, & Patriarchis levissimum est. Haud enim iudicandum, fuisse aliquam in forma regiminis Ecclesiastici posterioribus temporibus necessitate quadam id postulante mutata, vel de novo constituta. Crescente enim fidelium multitudine, novisque Ecclesiis erectis, necesse fuit ad confusionem vitandam certas dioceses dividere, & determinare, atque in ipsis diocesis Pastores inferioris ordinis uni Episcopo, Episcopos vero suis Metropolitibus, Primitivis, ac Patriarchis subijcere. Hæc tamen veterem Ecclesiastici regiminis essentiam minime sustulerunt, quæ semper cantum fuerat, ut oves Pastoribus, & Pastores ipsi supremo Ecclesiae capiti debitam præstarent obedientiam: Ceterum quamvis nomina *Archiepiscoporum, Primitivum, & Patriarcharum* fuerint in primitiva Ecclesia inaudita, res tamen ipse, quæ istis nominibus significatur, aliqua ratione obtinuerunt: consueverunt enim semper Ecclesie, quæ filiae erant, suis matricibus debitum honorem, atque etiam obedientiam deferre (a).

278. Dices. Nec etiam modo est in Ecclesia Romana decantata illa doctrina & regiminis unitas; nam primo mira est in variis nationibus, præcipue autem apud Græcos disciplinæ varietas, & oppositio, & quidem in rebus gravius momenti, ut in celibatu Clericorum, in consecratione panis azymi, vel fermentati, in solutione matrimonii propter adulterium. Secundo in ipsa Ecclesia Latina de Romani Pontificis auctoritate quot sunt discordiæ! Alii enim infallibilem esse sibi persuadent, alii contra ipsum fallibilem volunt. Alii illum superiorem faciunt Conciliis œcumenicis; alii inferiorem, & subiectum. Alii ipsius auctoritatem ætatis admodum limitibus circumscribunt, ut Galli; alii latioribus; quidam demum nullis omnino.

279. Resp. varietates disciplinæ, quæ semper

III. *Hist. Eccl.* cap. 16. Consulat Jo. Bapt. Cotelierus in *Patribus Apostolicis*.

(a) Nec refutari meretur Calvinus, dum Lib. IV. *Instit. Christ. Relig.* cap. 13. n. 14. Ecclesiam nostram unitatem abscissam esse clamat, ex quo ordinis Religiosi instituti fuerit: & scribit non est veritas, quod sint hodie *Monasteria, tot esse schismaticorum conventicula*. Ubi etiam opportunam occasionem invenit, integra injuriarum plastra pro more suo, & omnium hæreticorum in Monachos exoneranda. Quasi vero qui vitam Monasticam profectur, sint ab unitatis centro divisi, & non potius ardentioribus vinculis eidem colligati; & quasi hæreticorum insecuti non eadent in majorem Monachorum gloriam, juxta illud: *cituperari a multis, laudari est.*

Soterem Rom. Pontif. directa erat, & in quo beneficiorum ab Ecclesia Romana plurimis aliis Ecclesiis collatorum præclara sit mentio. Dionysius autem florent medio Sæc. II. & ante Dionysium S. Ignatius Antiochenam regebat Ecclesiam an. 107. martyrio coronatus. Septem adhuc supersunt ejusdem Sancti Ignatii epistolæ variis Ecclesiis inscriptæ, quas Vossius ex codice Florentino græce edidit nā excepta ad Romanos, quam diligenter Theodoricus Ruinartii debemus, erutam ex Codice Bibliothecæ Colbertinæ. His autem duobus antiquior est Clemens Romanus ann. 102. Martyrii gloriam consecutus. Hinc Corinthii in causa religionis consueverunt. His autem respondit beatissimus Pontifex ea epistola, quam adhuc suo tempore in pluribus Ecclesiis legi consuevisse testatur Eusebius Lib.

in variis Ecclesiis obtinuerunt, nullo modo unitati regimini obesse: videmus enim etiam in regnis temporalibus pro diversitate regionum, hominum, aut etiam temporum diversas consuetudines, imo & leges vigere, cum tamen omnia unius Principis regimini subiecta sint. Ita etiam fit in Ecclesia; & unitas regiminis sita est in debita fidei legitimis Pastoribus obedientia, præcipue autem Romano Pontifici, cuius auctoritas in tota, qua late patet, Catholica religione extenditur. Et hæc auctoritas suprema divinitus instituta fuit, utpote omnino necessaria ad schismata tollenda, ut sancti Patres nos docent, & inferius suo loco ostenditur.

280. De summi autem Pontificis primatu non solum ordinis, sed etiam auctoritatis, & jurisdictionis, nemo Catholicorum dubitat; cum sit hoc firmissimum nostræ Ecclesiæ dogma. Si quæ controversiæ in hac materia apud nos sunt, ad aliqua puncta restringuntur, de quibus cum nulla adhuc sit Ecclesiæ definitio, salvo fidei, & charitatis vinculo inter nos disputatur.

281. Obj. tertio. In Ecclesia Romana fuerunt aliquando schismata; immo, vel etiam plures nonnunquam existerunt, qui se summos esse Pontifices jactarent, & quilibet suos assecles habebat; ut incertum plane esset, quinam jure, quinam autem injuria summum sibi Pontificatum arrogaret. Insuper adhuc viget magnam illud Ecclesiæ Orientalis ab Occidentali dissidium: & tamen quælibet se veram esse Christi Ecclesiam existimat: vel ergo unitas non est veræ Ecclesiæ nota, vel neque Occidentalis, neque Orientalis Ecclesia, est vera.

282. Resp. primæ objectionis parti, hujusmodi schismata plerumque haud diu durasse, atque unitatem, ac pacem brevi fuisse in Ecclesia restitutam. Deinde hæc schismata errore facti continebant, non juris. Scilicet omnes Catholici concordissima unitate credebant, summum Pontificem esse venerandum, ut visibile totius Ecclesiæ caput, & Christianæ societatis centrum, a quo nemo sine magno piculo disjungi possit. Solum vocabatur in dubium, quinam esset verus, & legitimus Romanus Pontifex. Ceterum quando manifeste constabat de canonica veri Pontificis electione, qui illi debitam obedientiam præstare recusabant, ut schismatici ab Ecclesiæ unitate rescindebantur.

283. Et sic recisi sunt omnes Orientales, qui contra Romanos Pontifices veros ac legitimos vexillum rebellionis erexerunt. Imo justissime potest Dei judicio evenit, ut ipsa Ecclesia Orientalis, quæ Latinæ unita florentissima erat, post fuerosissimum schisma in varias partes misere discerperetur, ut nulla amplius sit in ea unitas. Sic Rutheni, Armeni, Aethiopes, Syri, aliique populi singuli suos habent Patriarchas, vel suas

Synodos; nec ullam amplius servant inter se communionem, dum interius Ecclesia occidentalis ubique diffusæ, & simul unita pristinum semper servavit splendorem. Imo Deus Opt. Max. non paucos tam inter Græcos, quam inter Orientales sua providentia eidem unitos retinuit.

284. Obj. ult. In ipso primordio Ecclesiæ multæ natæ sunt hæreses, & in illa fuerunt schismata, quin tamen desisteret esse vera Ecclesia Christi: non ergo unitas &c. Sane Clemens Alexandrinus Lib. VII. *Stromatum* num. 16. refert, Judæos, & Gentiles fuisse a nostra religione alienos, propter dissensionem hæresum.

285. Resp. Hæreticos illos, & Schismaticos nullum unitati Ecclesiæ nocupentum intulisse, quia vel sponte ab eadem recesserunt, vel ut contumaces egressi sunt. Ita nec modo unitati Ecclesiæ obsunt, quotquot ejus vocem audire detestant; isti enim separantur ab unitate.

286. Non ita respondere possunt Aetholici, qui nullum habent nec fidei, nec regiminis certum vinculum, ut proinde non etiam habere possint unitatem, quam temporariam quandoque, & accidentalem. Ad fucum quidem imperitis faciendum, jactant se habere fidei unitatem in sacris litteris; verumtamen cum nullum agnoscant supremum, & infallibilem earum interpretem, sed quilibet privato suo spiritu, & studio eas intelligat, manifestum est, Scripturas sacras non posse esse centrum unitatis in doctrina, sed esse potius perpetuum discordiarum fomitem, quod experientia tam vetus, quam recens, ac quotidiana mirifice confirmat. Sed de hac re dictum est satis in Dissert. II. cap. 5. & seq.

287. Manifestum est etiam, non habere Aetholicos, nec habere posse in suis communionibus unitatem regiminis, & ministerii. Postquam enim eorum antesignani a debita snis Pastoribus, ac præcipue Romano Pontifici obedientia se subtraxerunt, æquale jus etiam eorum assecle acquisiverunt, ab obedientia novorum Pastorum se subtrahendi. Habitas quidem fuisse in aliquibus sedibus quandoque Synodi, & erecta fere ubique Consistoria, quibus obtemperandum esse volunt. Sed si posita semel Pseudo reformationis principia valeant, hæc tribus nullius prorsus sunt auctoritatis; semper enim quilibet privatus examinare debet, an, quod Consistoria jubent, vel Synodi definiunt, sit verbo Dei consentaneum. Quod si consentaneum non videatur, non solum poterit quilibet, sed etiam debet obedientiam denegare. Hinc tot apud Heterodoxos ab ipso pseudo-reformationis exordio nata sunt schismata; quibus tollendis nullum aliud inveniri potuit remedium, quam motus omnium tolerantia, quæ tandem in purum, putumque religionis indifferentissimum conversa est (n).

288. Scholion. Ex hæctenus dictis sponte fluit, Lu-

(n) Nota quibus sunt, quæ Philip. Melancthon scribebat amico suo Joseph. Camerario, cupiens auctorita-



Lutheranos, Calvinistas, aliosque, qui Sæc. XVI. se ab Ecclesiæ Catholice unitate separarunt, esse schismatis reos. Solent illi quidem hanc prætexere suæ separationis causam, quod Romana Ecclesia ab avita Christi Domini doctrina in punctis capitalibus defecerit. Hoc falsum esse nostri Theologi iuvile demonstrarunt. Sed si etiam a spinoso, & longo huius rei examine abstinemus; facile est ostendere, hanc non fuisse *justam* illius secessionis causam, ut proinde hic prætextus eos a crimine schismatis non excuset.

289. Maxima enim Aatholicorum pars iudicare non potuit, imo nec scire, Ecclesiam Romanam a recta fide in punctis capitalibus aberrasse; nam pars eorum maxima ex pueris constat, vel adolescentibus, ex fœmibus, ex rusticis, artificibus, mercatoribus, militibus, aliisque vulgaribus hominibus, qui nunquam examinarunt, aut examinare poterant hanc, quæ prætexebatur, secessionis ab Ecclesiæ Catholice causam, scilicet an reipsa Ecclesia Catholica, quæ in longissima erat, ac pacifica suæ doctrinæ atque auctoritatis possessione, a vera Jesu Christi fide tam enormiter defecisset.

290. Debebat insuper hæc maxima ignorantium multitudo, & poterat facile considerare, hanc apostasie criminationem non solum Ecclesiæ, quæ tunc in omnibus mundi partibus diffusa erat, intentari, sed etiam Ecclesiæ temporum præcedentium per XII. circiter sæcula (nam apostasie initium communiter reputatur a sæculo IV. vel V.), in qua tot floruerant viri ingenio, doctrina, theologiæ scientia, & pietate morum spectatissimis; tot insuper erant Academiæ celeberrimæ, quæ a sua origie fidei Ecclesiæ Romanæ, indivulse semper adhererant; tot Sancti Patres, tot Episcopi, tot Romani Pontifices, qui eandem doctrinam professi fuerant, & scriptis suis, aliquando etiam sanguine, defenderant, & confirmaverant; in qua denique tot celebrata fuerant frequentissima, & œcumenica Concilia, quæ magno totius orientis, atque occidentis consensu eam ipsam doctrinam, quæ ut apostatica condemnabatur, suis definitionibus consecraverant. Hæc, inquam, omnia debebant illi rudes, & facile poterant considerare, quando a suis Pseudo-reformatioribus audiebant, Ecclesiam Romanam accusari, quod in punctis *fundamentalibus* a recta Jesu Christi fide declinasset.

291. At vero his perpensis communis, & sana ratio cuilibet dictabat, tantam hominum doctissimorum multitudinem, tot Pastores, & Doctores, tot celeberrimas Academiæ, tot denique Concilia non facile condemnari posse gravissimorum errorum, nisi accusationis veritas esset evidenter demonstrata; nec ad hoc sufficiebat aliqua utut speciosa accusatorum argumenta. Id etiam rudes, modo communi æquitatis sensu uti vellent, facile cognoscere debebant.

292. His positis, dicant bona fide Adversarii, an maxima eorum communiōnis pars, quæ, ut observavimus, ex rudibus tota constabat, accusationes apostasie, & idololatriæ Ecclesiæ nostræ intentatas serio, ac diligenter examinaverit, aut examinare potuerit? An Ecclesiam interrogaverit, & discusserit, quæ pro iusta sui defensione afferebat? An, si etiam interrogasset, & utraque parte audita, rem totam, qua summa poterat diligentia, sine præjudiciis examinasset, ingens iste ignorantium, & rudium populus ea prædictis esset auctoritate, ut totam XII. sæculorum Ecclesiam ad suum tribunal vocatam iudicaret, & condemnaret?

293. Hic velint nolint fateri debent omnes, quotquot æqui sunt, Protestantes, maximam eorum partem neque examinasse, neque examinare potuisse causam, ob quam a Catholica Ecclesia funestissimo schismate recedebatur; sed, quemadmodum Christi Domini fuerat clarioribus populi sine examine condemnatis, ita sine examine iudicatum, & condemnatum totam Ecclesiam Catholicam, tanquam apostaticam, & idololatram, ut proinde ab ea recedendum esset, juxta illud, quod loco probationum ab omnibus conclamabatur: *recedite, recedite; exite inde, poluitam nolite tangere, exite de medio ejus*, Isaie LIII. 11.

294. Si res ita perfecta fuit initio pseudo-reformationis, imo adhuc quotidie apud omnes heterodoxos ita peragitur, quoniam, amabo, poterant illi primi, & quoniam possunt etiam hodierni Aatholici iustum, ac legitimam, aut saltem probabilem suæ secessionis causam prætexere? Et quomodo maxima eorum pars potest a gravissimo schismatis crimine excusari?

295. Quod si maxima Aatholicorum pars est certe schismatica, ut ostensum est, quid postea dicendum erit de paucis illis viris doctis, qui totam secessionis luctuosæ causam fortasse examinaverunt,

tem Episcoporum, imo & ipsis Romani Pontificis reatini, sine qua nullum inveniebatur populi in officio continendis medium. De offitii quilibet sentiendi, dicendi, ac etiam faciendi libertate, quæ pseudo-reformationem consecuta est, sæpius conquerebantur Bucerus, Calvinus, Melancthonius, Capito, alique. Ut huic malo obstarent Calvinistæ Angli, Episcopos retinendos esse voluerunt, qui propterea *Episcopales* dicti sunt. Sed alij ducibus Bolono, Brownio, Barowio, & Grenwald acce bellum *Episcopulibus* intulerunt,

sedamque efformant *Presbyterianorum*, quæ postea in minores alias, & subalternas brevi divisa est; *Brownitarum*, *Barowianorum*, *Eparatistarum*, *Nonconformistarum*, *Independentium*, *Quakerorum* &c. quæ omnes una cum nonnullis aliis vigent in Anglia; quavis *Episcopales* post mortem Oliveri Cromwelli iterum suas vires resumierunt, & ceteris omnibus modo prævaleant. Vide quæ supra diximus Dissert. II. in nota ad num. 129.

runt, vel saltem examinare poterant? An exiguis istorum numerus satis erit, ut maxima aliorum pars a schismate absolvatur? Annon potius & ipsi schismatici dicebunt erunt, utpote qui cum schismaticis communicant; imo plerumque ipsorum duces, & pastores sunt, & tunc cum ipsis totam A-eatholicorum communionem, & societatem constituunt (a)?

## ARTICULUS III.

## De nota sanctitatis Ecclesiae.

296. In vetustissimo Apostolorum Symbolo, quo Ecclesia Romana, Aquilejensis, Orientalis, & aliae olim utebantur, haec sola sanctitatis nota Ecclesiae tribui invenitur: ita enim habet articulus nonus: *credo in sanctam Ecclesiam* (b). Certe praecipuus hic est Ecclesiae sponsae Christi character, dicente Apostolo Paulo Ephes. V. 25.: *Christus dilexit Ecclesiam, & seipsum tradidit pro ea... ut sit sancta, & immaculata*.

297. Multis porro de causis dicitur Ecclesia sancta. Primo ex invisibili ejus capite Christo Domino, qui est sanctus, ino sanctus sanctorum (c): secundo ex gratuita Dei vocatione, quia, ut inquit Apostolus 2. ad Timoth. I. 9., nos vocavit vocatione sua sancta, non secundum opera nostra, sed secundum propositum suum, & gratiam: tertio ex fine, ad quem Ecclesia formata, & ordinata est, scilicet ad gloriam Dei, nostramque sanctificationem, ac beatitudinem sempiternam.

298. Sed praeter haec sunt alia tria, & potissima capita, propter quae Ecclesia dicitur sancta, & quae constituunt propriam, & perspicuam ipsius notam; scilicet sanctitas doctrinae, sanctitas plurimum ejus membrorum, & sanctitas, ac gloria miraculorum, quae tria S. Augustinus Lib. II. de civit. Dei cap. 26. Tom. VII. in Ecclesia inveniri asserbat, ut scilicet nihil turpe, ac flagitiosum spectandum, imitandumque proponatur, sed veri Dei praecepta insinuantur, miracula narrentur, dona laudentur, & beneficia postulentur. Et haec nostrae Catholico-Romanae Ecclesiae convenire demonstrabit sequens

## PROPOSITIO.

*Ecclesiam Catholico-Romanam esse sanctam ostendunt sanctitas doctrinae, sanctitas plurimum ejus membrorum, & gloria miraculorum.*

299. Antequam id demonstretur, removenda est quaedam levis difficultas, nempe sanctitatem,

utpote aliquid intrinsecum, & latens, esse non posse visibilis Ecclesiae notam. Verum id non obstat ostendit exemplum animae nostrae; quemadmodum enim anima, licet in seipsa invisibilis sit, visibilis tamen fit externis corporis actionibus, ita etiam verae Ecclesiae sanctitas multis argumentis apparet, ut qui debitam adhibere velit diligentiam, possit facile Ecclesiae sanctitatem cognoscere. Quod ex mox dicendis clarius apparebit.

300. Dices. Externa sanctitas potest esse ficta, ut ficta erat sanctitas Phariseorum, & plurimum haereticorum, aliorumque, de quibus loquens Apostolus 2. Timoth. III. 5. dicit, eos habere quidem speciem pietatis, virtutem autem ejus abnegare.

301. Resp. Certas esse notas, quibus vera pietas, & sanctitas a ficta, & simulata discerni possit, ut infra declarabitur. Sane ipsi adversarii non pauci, qui primis Ecclesiae temporibus sanctitatis fama clauerunt, nullatenus habentur pro hypocritis: debent ergo esse certae notae, quibus vera pietas a simulata distinguatur.

302. Hoc breviter praenotato, haud difficile est demonstrare in nostra Ecclesia eam perpetuo doctrinam conservatam fuisse, quae a Christo Apostolis, ab Apostolis autem fuit Ecclesiae in ipso sui exordio tradita, quae omni procul dubio sancta est, & divina. Nam primo supra (cap. 3.) demonstratum est, Ecclesiam a Christo fundatam nec deficere potuisse: eadem ergo nunc est Ecclesia, quae ab initio fuit in sanctitate doctrinae fundata. Deinde peculiari sunt illi factae divinae promissiones de perpetua conservatione doctrinae morum; quando nempe Christus Apostolis dixit, & in persona Apostolorum etiam toti caeteri Episcoporum, qui illis succedere debebant: *Euntes docete omnes gentes... docentes eos servare omnia quaecumque mandavi vobis* (en doctrinam morum); & ecce ego vobiscum sum omnibus diebus usque ad consummationem saeculi Matth. XXVIII. 19. & 20. En promissionem Ecclesiae Pastoribus de sancta Christi Jesu morum doctrina perpetuo conservanda.

303. Clamant quidem Heterodoxi, Ecclesiam nostram in pluribus, & gravissimis capitibus a pura, & sancta Magistri nostri doctrina aberrasse. Sed primo in determinandis istis erroribus, mirum, quantum inter se discrepant Ecclesiae accusatores. Alios enim errores nobis exprobraut Lutherani; alios Calvinistae, alios Sociniani, aliarumque sectarum asecleae. Hierum alii plures nobis obijciunt, alii pauciores. Ac denique (quod intolerabile prorsus est) quaedam omnino falsa

(a) Haec quae brevitate amore, vix delibavimus, finis, & aequae accuratus pertractata invenientur a nostris Controversistis. Praecipue autem legendi sunt doctissimi fratres Petrus, & Hadrianus de Walemburch in *Tractatu de unitate Ecclesiae*, Petrus Nicolaus in opere gallico, cui titulus: *Les prétendus Réformez convaincus de schisme*.

(b) Confer. Pater Joan. Francisco Bernard. de Rubeis *Dissert. variae eruditionis* caput. 2. Venetiis 1762. in 4.

(c) S. Thom. 3. P. quest. 8. art. 15. probat, in animis Christi fuisse gratiam sanctificantem secundum maximam eminentiam, ab eo tanquam capite in alios derivandam.

per calumniam nobis imputant (a). Qua diversa, & subdola agendi ratione suas accusationes temerarias, & falsas esse, satis ostendunt.

304. Frustra etiam privatas quorundam opinioniones nobis obijciunt, quas Ecclesia nunquam definiit; imo quarum nominibus tantummodo tolerat, non approbat. Ut autem rite concluderetur, depravatam esse in Ecclesia Romana doctrinam morum, necesse foret aliquas ejus definitiones, aut præcepta in medium afferre, quæ doctrinæ Christi certissime opponerentur; quod nondum factum est, nec fieri posse, certo credimus.

305. Quæ enim Ecclesiæ nostræ dogmata ab iis erronea vocantur, a nostris Theologis fuerunt invictæ, ut sanctæ, antiquæ, & universali Ecclesiæ traditioni conformia, vindicata. Exemplum sit in cultu Sanctorum, in veneratione reliquiarum, & sacramentum inagium, in orationibus pro animabus defunctorum, aliisque hujus generis, quæ ut superstitionis plena Adversarii explodunt. Interim tamen nimia rei evidentia coacti fateri debent, hæc omnia fuisse communia in Ecclesia tam Latina, quam Græca, etiam temporibus Sanctorum Ambrasil, Augustini, Hieronymi, Basilii, Chrysostomi, aliorumque Patrum, qui sanctissimi, & doctissimi ab omnibus semper habiti sunt. Vel id solum, si cetera etiam argumenta deessent, abunde sufficeret ad ostendendum, sanctam esse in hujusmodi dogmatibus doctrinam Ecclesiæ Catholicæ; illam scilicet doctrinam, quam viri sanctissimi, & doctissimi professi sunt, & quam a suis majoribus acceptam posteris reliquerunt.

306. Et quidem, ut omnis scrupulus de istorum Patrum orthodoxia eximatur, sufficit considerare, eos summæ, & præstanti rerum sacramentorum doctrinæ, extimam etiam conjunxisse pietatem, & sanctitatem, ut nec facile in rebus tanti momenti decipi possent, nec ullo modo suspicari possimus,

eos voluisse nos decipere. Unde etiam factum est, ut tota posteritas eos tanquam magistros, & doctores merito sit venerata.

307. Prob. altera pars, scilicet in nostra Ecclesia plures semper floruisse insignis sanctitatis viros. Et primo quidem ad nostram Ecclesiam pertinent omnes illi Martyres, Confessores, Anachoretæ, Pœnitentes, & Virgines, quos prima ætas tulit; cum enim nostra Ecclesia eadem propterea sit cum illa veteri, in qua illi floruerunt, jure successione eosdem nobis justissime vindicamus.

308. Sed ne contentiosis funis hæc de re longius ducatur, etiam iis omisiss, satis probant nostræ Ecclesiæ sanctitatem vel ii soli Sancti, qui a Sæculo IV. (quando scilicet Ecclesiam a primæva sanctitate descivisse Adversarii clamant) usque ad nostra tempora heroicis virtutibus promeriti sunt, ut publico cultui exponerentur. Tales fuerunt inter multos alios Ambrosius, Hieronymus, Augustinus, Leo Magnus, Hilarius, Martinus, Chrysostomus, Basilus, duo Gregorii Nysenus, & Nazianzenus, Gregorius item Magnus, Fulgentius, alique, quos Ecclesia, ut sanctos Patres, merito veneratione (b).

309. Sed & multi alii sese offerunt, qui pro defendenda vetæ Christi divinitate sub Constantio, & Valente Imperatoribus, & sub Arianis Gothorum, & Vandalorum Regibus martyrii coronam adepti sunt; tum illi, qui in aliis persecutionibus a Mahometanis, ab infidelibus, & ab Hæreticis in variis occasionibus odio Christianæ religionis, vel orthodoxæ doctrinæ, quam constantissime defenderunt, in multis mundi partibus crudeliter occisi sunt.

310. Addi his debent tot inelyti, & fortissimi Ecclesiarum fundatores, & Pastores, ut Augustinus, & alii Anglorum Apostoli, Bonifacius, & Willibaldus, quorum iste in Frisia, ille autem in

(a) Specimen harum calumniarum exhibere potest Joann. Gerhardus, qui in *Lociis theol.* Loco XXIII. cap. II. §. 251. & seq. enumerans peccata, quæ Ecclesiæ Romanae doctrina foret, dicit: contra primum præceptum regnat in papatu 1. atheismus, non quidem manifestus, sed occultus ... 2. idololatria, eaque multiplex ... Contra 2. præceptum regnat in papatu 1. magia, eaque multiplex: videt enim illa magna divinatrices virtutes, quæ revelante diabolo res futura, & occulta cognoscuntur. Responsa querunt, & accipiunt a statutis, quas certis sanctis attribunt. Silvester II. habuit figuram anei capitis, quod instar oraculi in dubiis negotiis consultit. Gregorius VII. Hildebrandus dictus, ex pane consecrato contra Imperatorem adversarium suum responsa quæsiit, quæ cum aliquando non redderentur, in ignem illum conjecit. Alexander VI. epoto per errorem veneno, quod ex ipiis jussu optimatibus quibusdam propinandum erat, lethalius ægotans; ministrum Modenam in conclavem suam secretis misit, ut libellum deauratum, in quo magia conscripta erat, adferret, quo de fine vite sue consuleret Deum suum. Minister offendit satanam sedentem in Pontificia sede, habitu pontificali indutum, ac dicentem: ego sum Papa. Pudet prosequi

ineptissimas has calumnias, quas vir apud Protestantem magno nominis Jo. Gerhardus Ecclesiæ nostræ impingere non erubuit. Ejus opus de *Lociis theol.* XX. volum. in 4. comprehensum recentissime vulgavit Jo. Frid. Cotta Tubingæ 1767. 1781., ac de ipso asserere non dubitavit, post Lutherum, & Chæcunium præstantiorem de bellatorum Ecclesiæ Romanæ. Doctorem cogitari non posse. Talibus certe ineptiis, ac commentitiis fabulis de nostris Dodoribus Protestantes triumphare se posse credunt. Sed hæc sint speciminis loco. Crinine ab uno dicere omnes.

(b) Hoc argumentum digne pro more suo illustravit S. Augustinus in Lib. I. de moribus Ecclesiæ catholicæ cap. 31. & seq. Tom. I. ubi varias enumerat perfectionum Christianorum classes: loquens autem de Episcopis, Presbyteris, Diaconis, aliisque ministris divinorum sacramentorum, quorum virtus, ait, eo mirabilior, & majore predicatione dignior videtur, quo difficilior est, eam in multiplici hominum genere, & in ista vita turbulente servare; non enim sanctis magis, quam sanandis hominibus proxum, &c. & in Lib. de sancta virginate cap. 36. Tomo VI. Respicere, inquit Christianum alloquens, ægmina virginum, puerorum, puel-

In Germania fidem Christianam latissime propagavit (a); tum etiam Reges, & Principes Stephanus, Ludovicus, Henricus, Leopoldus, & alii, qui omnium virtutum speculum, & exemplar ceteris Principibus Christianis facti sunt (b).

314. His postea multi alii sequentibus temporibus serie nunquam interrupta successerunt, ut Monachorum, ac Religiosorum Ordinum fundatores, Antonius, Benedictus, Dominicus, Franciscus, & alii non pauci, qui non sola Evangelii præcepta, sed etiam difficiliora consilia accurate servantes, & aliis servanda proponentes, ad altioris perfectionis apicem una cum multis suis filiis pervenerunt (c).

312. Addi denique præcipue debent, qui postremis temporibus Beatorum, & Sanctorum factis adscripti sunt, quorum infinitus pene est catalogus, & quorum sanctitas eo pluris facienda est, quo maxima modo adhibetur cura, & diligentia pene incredibilis in eorum virtutibus examinandis, ac probandis miraculis. Satis est perolvere opus immortale hac de re editum a sapientissimo Pontifice Benedicto XIV. cujus fides in dubium revocari nullo modo potest, cum in hujusmodi causis diu, multumque versatus fuerit, & deinde ad supremum Pontificatus apicem evectus earundem Judex longo, & glorioso suo regno præfuerit (d). Atque horum, ut dixi, ingenis est numerus, quos divina Providentia ideo infelicibus nostris, Patruinque nostrorum temporibus reservasse videtur, ut etiam hac in parte ubi abundavit delictum, superabundasse gratiam, palam faceret, V. 20.

313. Fidenter autem provocamus omnes Sectarios, ut in suis communioibus tales, ac tantos,

& tam multos viros omnibus eximii, atque heroicis virtutibus ornatos, quales nostri fuerunt Sancti, ostendant.

314. Non inficiamur quidem, aliquos etiam inter eos fuisse, & adhuc esse, externa quadam pietate conspicuos, quales inter ipsos Ethnicos, vel Mahumetanos haud est difficile invenire. Sed primo si tale eorum probitatis institueretur examen, quale de singulis nostrorum Sanctorum actionibus institui solet, facile apparet, quantum nostrorum sanctitas jactata sive Paganorum, sive Turcarum, sive etiam Hæreticorum probitati supereminet, ubi enim invenientur sublimis illæ virtutes, quas in nostris Sanctis fuisse post-rigidissima examina comprobaturum est? ex. gr. illa abdicatio spontanea ab omnibus hujus vite illecebris, & commodis, ut in summa rerum penuria vitam dederent? Ubi illa profunda humilitas, qua non solum honores omnes contemnerent, sed nihil magis amarent, quam pro Christo probris, injuriis, & majoribus etiam calamitatibus affligi? Ubium illa charitas perfecta, qua non solum omnibus se spoliare voluerunt, ut aliorum indigentia succurrerent, sed etiam pro salute proximorum, & gloria Dei persecutiones patienter ferre, & sanguinem ipsum profundere? Nec vero contenti sint adversarii aliqua nobis proferre nomina eorum, quos pietate celebres apud suos fuisse dicunt; Poscimus ab eis certa harum virtutum documenta, quæmadmodum parati sumus ipsi certissima suppeditare, quibus heroicæ nostræ Ecclesiæ Sanctorum virtutes demonstratur (e).

315. Deinde, ut bene de hæreticis, & schismaticis sui temporis S. Cyprianus in libro de unitate num. 21. scribebat, cum Deo manere non pos-

larumque sanctorum: in Ecclesia tua eruditum est hoc genus: illic tibi a maternis uberibus pultavit, in nomen tuum ad loquendum linguam solvit, nomen tuum veluti lac infantia sue suxit infusum &c. atque ita prosequitur S. Pater describens sanctitatem eorum, qui in tenera adhuc ætate consecrati Deo etiam precibus temporibus solabant; eosque cap. 27. ita hortatur, pergit et itaque Sancti Dei, pueri, ac puella, mares, ac feminae, calides, & innumera, pergit perseveranter in fœnem. Laudate Dominum dulcis, quem cogitatis uberius; sperate felicias, cui segritis instantius, amare ardenter, cui placent attentius, &c.

(a) De S. Bonifacio Episcopo, & Martyre ita loquitur Centuriatores Magdeburgenses Cent. VIII. cap. 2: hoc sæculo (nempe VIII.) ... excitavit Dominus Vinofradum, quem Romani dixerunt Bonifacium, cum suis collegis Gregorio, Lullo, Megingelo, Willibaldo, Sturmio, Wigberto, & Burchardo, & Pipino, & Carolano, Reges pietate, & virtute præstantes, ad Ecclesiam suam in Germania propagationem, & opus manuum eorum ipse gubernavit, & promovit &c. Ita isti Romane Ecclesiæ obores acerrimi, obiti eorum, que in ejusdem Centuriæ præfat. contra eundem S. Bonifacium scripserant, eum scilicet enumerantes inter Pontificis Dromones, & inter pseudo-apostolos. Sed veritas ali-quando vi sua foris etiam ab invitis erumpit.

(b) S. Stephanum Hungaricæ Regem, & Apostolum

eliatum mox Magdeburgenses Cent. XI. c. 2. dicunt, ultra, citraque Danubium in Getas, ac Sarmatas usque veram pietatem propagasse. Erant igitur semper in nostra Ecclesia vera pietatis cultores, ut proinde Ecclesia ipsa sancta etiam ex hoc capite dici posset.

(c) Lutherus in c. 13. Genesios Tom. VI. Operum edit. Wittembergensis 1563. pag. 154. fateatur, non defuisse sua dona Francisco, Dominico, Bernardo, & aliis, qui primi instituti collegia Monachorum ducuntur. Alii etiam illos Sanctos vocare non dignatur.

(d) Opus inscriptum est De servorum Dei beatificatione, & Beatorum sanctificatione, in quo omnes laudantur, qui de hac materia antea scripserant; & incontentissimè apparet, quanta cautione, & diligentia in hoc gravissimo negotio procedatur.

(e) Certe si aliqui essent apud Protestantem viros sanctitate eximii, illi inmaxime esse debuissent primi pseudo-reformationis andores Lutherus, Zuinglius, Calvinus, Beolampadius, Carolostadius, ceteri; at vero sufficit eorum vitas legere, non quales a nostris edite sunt (habent enim esse, ut suspensas), sed quales ab ipsorum encomiatoribus prodierunt, easque cum Sanctorum nostrorum viris, que a sobriis, & accuratis scriptoribus elucubravit habentur, comparare, ut quisque possit innamè discrimen inter ipsorum sanctitatem, & nostrorum depreheadere.



possunt, qui esse in Ecclesia unanimes noluerunt. Ardeant licet flammis, & ignibus traditi, vel obiecti bestis animas suas ponant, non erit illa fidei corona; sed poena perfidiae, nec religiosae virtutis exitus gloriosus, sed desperationis interitus. Occili talis potest, coronari non potest.

516. Prob. tertia pars. Deum scilicet gloria miraculorum sanctitatem nostrae Ecclesiae, a primo ipsius exordio usque ad nostra tempora perpetuo manifestasse. Et quamvis miracula sint gratiae gratis datae, quae etiam malis tribui possunt, communi tamen divinae providentiae ordine non nisi eximiae sanctitatis viris concedi solent. Ulterius cum miracula in sua Ecclesia semper futura Christus promiserit Joan. XIV. 12., & Marci XVI. 17. sequitur, iisdem miraculis nedum sanctitatem eorum, qui illa ediderunt, sed etiam veritatem, & sanctitatem nostrae Ecclesiae, in qua edita sunt, comprobari. Demum cum miracula persaepe facta sint eo fine, ut doctrinae, quae in nostra Ecclesia semper viguit, & viget, tum etiam illorum, qui eam proficiunt, sanctitas demonstraretur, argumentum efficacissimum suppeditant, quo de ejusdem Ecclesiae sanctitate certi sumus; cum Deus non possit miraculis suis falsitati, & errori testimonium praebere (a).

517. Jam vero praeter ea miracula, quae initio nascentis Ecclesiae facta fuisse, nec ipsi adversarii infanciant, & quae jure haereditatis nobis vindicamus, multa alia sunt, ac pene innumera, quae insequentibus saeculis usque ad nostra, quando scilicet adversarii clamant, Ecclesiam a pristina sanctitate defecisse, certissime edita fuerunt. Dico certissime; neque enim allegari oportet ea, quae a vanis hominibus pia, ut dici solet, fraude conficta, & stulta credulitate olim vulgata modo ab omnibus rejiciuntur; vel ea, de quibus

vel minimum dubium suboriri potest; sed ea solummodo, quae negari non possunt, nisi omnibus historicis monumentis eversis (b).

518. Et ut ad miracula eorum, quos ut Saeculos colimus, nos restringamus, notum est, in eorum canonizatione Ecclesiam minime esse contentam illis virtutibus heroicis, de quarum veritate rigidissimum, ut supra diximus, & accuratissimum examen instituitur, sed etiam gloriam miraculorum requirere; quasi de virtutum examinatione utut diligentissimo, adhuc diffidat, nisi Deus, qui solus est scrutator cordium, exteriorum miraculorum sigillo interiorum illorum sanctitatem manifestet, atque confirmet, ut omnis illusionis, fanaticismi, aut hypocritis suspicio procul amoveatur. Id jam antiquioribus temporibus fuisse notatum, ex iis conicere possumus, quae saecul. XIII. in causa Guillelmi Archiepiscopi Bituricensis postulabat, scilicet utriusque meriti esse miraculis confirmatum (c).

519. Hac autem in re nostra etate non solum eadem, sed adhuc major adhiberi solet diligentia, itaut nisi de miraculis remota omni prorsus dubitatione certissime constet, nullus omnino, quantumcumque ornatus sit omnium virtutum celebritate, publico Sanctorum cultu dignus habeatur. Haec fusa declarantur in laudatissimo opere *De servorum Dei beatificatione, Beatorumque sanctificatione*, ut liquido constet, tantum requiri testimonium fidem, & rerum certitudinem, ut nemo, nisi pyrrhionismi, aut sectae suae praedictis plane obsecratus, possit de his dubitare.

520. Mitto alia plura miracula, quae haud raro in nostra Ecclesia edi, testimoniis locupletissimis comprobantur; et quorum veritati, aut certitudini nihil detrahi potest propter adversariorum in iis rejiciendis pertinaciam; sicut nihil detrahitur veritati, & certitudini miraculorum, quae

(a) Vide, quae dicta sunt in Parte I. Dissert. II. n. 187. & seq.

(b) Melch. Canus Lib. XI. de loc. theol. cap. 6. *Prima*, inquit, *lex* (veras historias a falsis distinguendi) *ex hominum probitate, integritateque sumetur*. Quae omnino res locum habet; cum quae narrant historici, ea vel ipsi se vidisse testantur, vel ab his, qui viderant, accepisse. Qualia sunt plerumque in epistolis Ambrosii, Cypriani, Hieronymi, Augustini, in libris quoque hujus de civitate Dei, in dialogis Gregorii; breviter in omnibus fere Doctorum Ecclesiae probatissimorum scriptis, in quibus mendaciam suspicari, quod ad memoriam semper iterum transferre illi scribendo voluerint, piaculum est. Magnis quippe, praclarisque virtutibus viri sanctissimi, atque optimi id consequi meruerunt, ut in rebus ejusmodi, quas vel spectasse se, vel ab aliis fide dignis, qui spectant, se audivisse testati sunt, fides omnino illis habeatur. Ex qua lege, quam communis hominum sensus didicit, plane efficitur, plura, quae a laudatis Ecclesiae Patribus aliisque viris omni fide dignis narrantur, in Ecclesia nostra edita miracula, ut certissima habenda esse. Aliunde notum est, quanta libertate idem gravissimos auctor in eodem loco

miracula commentitia explodit; & certum esse, ait, qui fide, & fullaciter historiam Ecclesiasticam scribunt, eos viros bonos atque sinceros esse non posse totumque eorum narrationem inventum esse ad quæstum, aut ad errorem, quorum alterum fadum est, alterum perniciosum. Plura addit, non minus eleganter, quam nervose, utens etiam auctoritate magni viri Lud. Vives, qui Lib. V. de trad. disciplinis eos graviter arguit, qui pietatis loco duxerint, mendacia pro religione fingere. Sed haec pauca sufficiant, ut videant Adversarii, non omnia a nobis probari, quae venditant, miracula, sed regula sanioris criticæ & fidei rejici, & dubia a certis diligenter secerari.

(c) Ita respondit Honorius Papa Archiepiscopo, & Capitulo Bituricensi apud Odor. Raynaldum in *Annal. Eccl.* an. 1217. n. 65. attendentes, quod licet ad hoc, ut aliquis fidelis sanctus sit apud Deum, meritum sufficit vite solum, ad hoc tamen ut sanctus apud omnes habeatur, necessaria sunt miracula, cum idem de utroque duximus inquirendum, quod quod alterum non sufficit sine altero, videlicet meritum, si miracula non fuerint subsequenda, neque miracula, si ea vite meritum non praecessit.

exordio Ecclesie edita sunt, propter Judaeorum, multorumque Gentilium pervicacem incredulitatem. Neque enim majora argumenta a nostris adversariis opponuntur miraculis in Ecclesia recentius editis, quam veteribus opponerentur a Judæis, & Gentilibus. Imo ausum dicere, non minora a nobis offerri momenta ad probandam veritatem miraculorum, quæ in Ecclesia pene quotidie fiunt, quam allata fuerint, aut offerri possint ad ea probanda, quæ in exordio Ecclesie fiebant; atque etiam non minora iis ipsis, quæ afferuntur contra Ethnicos, & Judæos, ad veritatem miraculorum Christi, & Apostolorum demonstrandam.

321. Protestantes vero nullum hactenus nobis allegare potuerunt miraculum in doctrinæ suæ confirmationem editum; cum tamen miraculis maxime opus esse videretur ad extraordinariam pseudo-reformatorum missionem, ac veritatem novæ doctrinæ comprobandam.

322. Id negare non audent, qui inter Adversarios sunt sinceriores (a). Verum ne a nobis vici videantur, respondere communiter solent, miraculis opus non fuisse in Ecclesie reformatione, cum non nova proponeretur doctrina, quæ miraculis confirmari deberet, sed antiqua multis, magisque miraculis jam confirmata restauraretur.

323. Isti tamen difficultatem non solvunt, sed eludere conantur. Certum est enim Lutherum, aliosque primos Novatores in pluribus, & gravissimis capitibus recessisse a doctrina, quæ communissima in Ecclesia erat, & in qua ipsi instructi, & educati fuerant. Jam vero disputari acerrime cepit, an ista doctrina, quæ tunc primo spargebatur, esset antiquæ Jesu Christi, Apostolorumque doctrinæ conformis. Id negabat tota Ecclesia, quæ in veteri possessione suæ doctrinæ a XII. & amplius sæculis, ipsa Adversariorum confessione erat. Controversia finiri non poterat, cum Novatores nullum alium ejusdem judicem agnoscerent, nisi sacram Scripturam, quam utraque pars pro se allegabat. Populus rudis, qui se ab Ecclesie auctoritate divelli passus fuerat, non iis erat subsidii præditus, ut in controversia tanti momenti judicium ferret. Nulla ergo erat alia

commodior via, quam miraculorum. Si enim potuissent Novatores vel uno certo miraculo fidem sibi conciliare, acta res erat, & omnis controversia sublata. Magna ergo tunc erat miraculorum necessitas. Sed ea fieri divina providentia non permisit, ut etiam hac ratione manifestum esset, novos illos præcones non esse antiquæ doctrinæ restauratores, sed corruptores: unde inexcusabiles omnino sunt, qui eorum erroribus incaute se decipi permiserunt.

324. Sane Christus Dominus Redemptor noster non fuit contentus ex veteris Testamenti oraculis liquido demonstrare; se esse Messiam in lege promissum, sed stupenda addidit prodigia, quibus & sapientum pervicaciam vinceret, qui sacræ litterarum oracula alio detorquebant, & rudium populorum fidem sibi conciliarent, qui ex veterum Prophetarum vaticiniis non satis convinci poterant. Eademque miraculorum potestate instructos Apostolos in mundum universum misit ad convertendas gentes. Idem profecto fecisset Deus, si Lutherum, Calvinium, aliosque similes misisset ad Ecclesiam in fide reformandam.

325. Solent etiam Protestantes abuti exemplo S. Joannis Baptistæ Præcursoris Domini, quem constat nullum fecisse miraculum ad confirmandam suam missionem.

326. Verumtamen primo S. Joannes novam doctrinam, seu diversam ab ea, quæ in Synagoga vivebat, non prædicabat. Quando autem dicebat, Jesum Christum esse Messiam in lege promissum, habebat testimonium miraculorum ipsius Christi. Deinde certum est, non paucæ, nec levæ in ejus nativitate facta fuisse miracula, quibus futura ejus sanctitas prænotabatur, ut enim Lucæ I. fuso describitur, mirabilis fuit ejus conceptio, cum ipsius mater Elisabeth esset jam senex; ulterius hæc conceptio fuit ab Angelo Mariæ Virgini significata; tertio quando B. Virgo M. Elisabeth visitavit, exultavit infans in utero ejus; quarto in ejus circumcissione apertum est illico os Zachariæ ejusdem patris. Porro cum hæc divulgata essent miracula, omnes dicebant: *quis putas puer iste erit? etenim manus Domini erat cum illo.* Quænam

(a) Non enim aliquos moramur, qui fabulas nec a pueris creditas nobis venditare student. Machiavellus in vita Lutheri scribit, *cum veniens plurimum concocasset, ac divinities præservatum, ne ullum ex illo contraheret nocumentum.* Helius Eubanus Poeta non incelebris carminibus illustrat aliud miraculum Lutheri, quod scilicet an. 1521. cum Ersordie concionem haberet, Diabolum, qui trabem ingentem cum strage auditorum e loco suo disjicere moliebatur, imperio suo cohibuerit. Lutherus ipse miraculo ascribebat, quod orationibus suis mortem Frid. Myconii graviter egrotantis impediiverit. Denique narratur etiam, a Lutherum fuisse juvenem obsessum liberatum; & chirographum diabolo a quodam datum fuisse precibus Lutheri restitutum. Sed hæc omnia vel fabulosa esse, vel virtuti supernaturali falso adscribi, ipsi fautores Lu-

therani facile consentiunt. Non me latet, Lutherum, ejusque assecelas plerumque nos provocare ad felicem pseudo-reformationis exitum, quem supra omnes vires humanas, atque omnino prodigiosum fuisse, dicunt. Sed primo id probaret, prodigiosam fuisse prædicationem etiam Calvinii, cujus exitus non minus quam Lutheri, videbatur humanas vires superare, multoque magis probaret, prodigiosam fuisse missionem Mahumetis, cujus superstitio multo latius, quam Lutheranismus, vel Calvinismus, disseminata fuit. Deinde qui infelices ævi historiam bene novit, & artes, quibus Novatores nisi sunt, attentius considerat, facile videt, nec adeo mirabilem fuisse finem illius incendii propagationem. Sed de missione, quam sibi arrogabat Lutherus, dignus est, qui legatur Bossuetus in *Hist. var. Eccl.* Part. Lib. I. n. 27. & seq.

nam autem his similia facta sunt ad confirmandam Ecclesiae pseudo-reformationem miracula? Sed jam videamus, quasnam contra sanctitatem Ecclesiae obijciunt difficultates.

327. Obijciunt primo contra primam partem, & toti sunt, ut ostendant, nostram Ecclesiam a pristina doctrinae Christi puritate, & sanctitate jampridem descivisse. Praecipue autem eam accusant superstitionis, & idololatriae propter cultum Sanctorum, venerationem sacrarum imaginum, sacrificium Missae, bonorum operum merita, aliaque id generis dogmata.

328. Resp. fuisse quidem nostram Ecclesiam plurimum errorum accusatam, sed nunquam convictam, & facile a nostris controversistis demonstrari, haec dogmata perpetuo in Ecclesia Christi eredita fuisse: & licet non tam perspicue ex sacris litteris eruantur, constat tamen apertissime ea ab Apostolorum traditione descendere, quemadmodum descendunt alia dogmata, quae ipsi adversarii nobiscum tenent, ut valor baptismi infantium, vel per infusionem, aut insperationem, valor item baptismi a peccatoribus, vel haereticis, aut infidelibus collati, & hujus generis alia, quae certe ex solis divinis litteris demonstrari nequeunt (vid. supra Dissert. I. num. 26. seq.).

329. Perpetram autem, & injuste Adversarii nostram Ecclesiam condemnant, propter privatos quorundam in cultu Sanctorum, in veneratione reliquiarum, atque imaginum, aliisque similibus abusibus, quos ipsa non probat, licet nunquam ad majora impedienda mala eos tolerare cogatur. Hoc ipsum Ecclesiae olim obijciabant Manichaei, quibus ita respondet S. Augustinus Lib. I. de moribus Ecclesiae Catholicae c. 34. Nolite consuetudinem turbari imperitorum, qui vel in ipsa religione superstitiosi sunt, vel ita libidini dediti, ut obliti sint, quid promiserint Deo.... Nunc vos illud admoneo, ut aliquando Ecclesiae maledicere desinatis; vituperando mores hominum, quos & ipsa condemnat, & quos quotidie, tamquam malos filios, corrumpere studet. Ubi plures admodum graves, qui tunc in Ecclesia serpebant, abusus vel invitae enumerat, neque excusat, sed solum eos Ecclesiae imputari minime oportere æquissimo jure contendit (a).

330. Obijc. 2. contra secundam partem. Etiam si detur, nonnullos in Ecclesia Catholica fuisse

omni tempore sanctos, certum est tamen, multo plures fuisse semper homines hypocritas, improbos, scelestissimos: cur ergo non potius ab istis desumitur Ecclesiae denominatio, ut non sancta, sed perversa, & reproba appelletur (b)?

331. Respond. Ecclesiae nomen a nobiliore ejus parte esse desumendum, quam certe constituent homines justi, & pii, qui etiam ad ejus spiritum pertinent, & qui non nisi in vera Christi Ecclesia reperiri possunt, licet hi pauciores sint. Hac ipsa de causa Sancti. Matthaeus XXVII. 55. Jerusalem appellavit sanctam civitatem, tum propter templum, verumque cultum Dei, tum etiam propter aliquos Sanctos, quos in perversa natione Judaica sibi Deus semper reservavit.

332. Ceterum zizaniam futura in agro Dominico, id est peccatores in Ecclesia, Christus praedixit Matth. XIII. 25. seq., & alibi. Idem significavit, Ecclesiam comparans modo sagena, & in qua simul inveniuntur pisces boni, & mali, ibid. 47.; modo areae, in qua simul cum tritico sunt paleae ad comburendum, Matth. III. 12.; quae praedictio vel in ipso primo Ecclesiae exordio adimpleta fuit, ut patet ex epistolis Sancti Pauli, aliorumque Apostolorum, ex epistolis Sancti Clementis Romani, & Ignatii Martyris, aliisque priorum temporum monumentis. Dignus est, qui legatur. Sanctus Augustinus in variis suis libris contra Donatistas, ubi copiose ostendit, malos, qui in Ecclesia plurimi sunt, ejus sanctitatem non obesse.

333. Dices. Christus Dominus hanc membrorum Ecclesiae sanctitatem aliquando defuturam praedixit; nam Matth. XXIV. 11. Multi, inquit, pseudo-prophetae surgent, & seducunt multos: & quoniam abundabit iniquitas, refrigescet charitas multorum. Et adhuc clarius Lucæ XVIII. 8. Filius hominis veniens, putas, inveniet fidem in terra? Cum ergo notae Ecclesiae debeant esse perpetuae, non poterit sanctitas membrorum &c.

334. Respond. His, ac similibus Christi Domini praedictionibus tantum significari fidem, & sanctimoniam in Ecclesia nunquam imminuturum iri propter vehementes persecutiones, quae futurae sunt, praecipue in diebus Antichristi, quos tamen Christus ipse (Matth. XXIV. 22.) brevandos esse praedixit propter electos: erunt igitur etiam tunc electi, in quibus ea sanctitas apparebit, quae est

(a) Synodus Trid. Sess. XXV. De invocatione, veneratione, & reliquiis sanctorum, & sacris imaginibus nonnulla praecipit ad omnem superstitionis speciem ab hujusmodi sacris ritibus amovendam.

(b) Locus iste solet ab adversariis copiosissime tractari; & nunquam cessant totius Ecclesiae Catholicae, potissimum autem curiae Romanae vitia, quae olim fuerunt, & quorum aliqua forsasse adhuc supersunt, recensere, atque etiam exaggerare, usque ad nauseam, & quae Cardinales a Paulo III. deleti in celebri Concilio edito primum ab apostata Petro Paulo Vergerio, olim Episcopo Justinopolitano Argentorati 1555. qua

Franc. Petrarca in suis epistolis, quae Erasmus, Nicol. de Clemangis, aliique de corruptione Ecclesiae Romanae scripserunt, in unum colligere, ut majorem ingerant horrorem, non praetermittunt. Sed quid, quae, lucrantur cum istis accusationibus partium veris, partium falsis, nisi ut probent, nullam esse in toto mundo sanctam Ecclesiam? Facile enim est, discernendo per omnes Christiani nominis communiones, abusus invenire, & scandala. Synagoga in veter. testam. fuisse veram Ecclesiam nemo negaverit; & tamen quot scelera, & gravissima peccata illi exprobrantur Propheta!

est nota Ecclesiæ. Vide, quæ dicta sunt superius n. 72. ).

335. Obj. tertio contra miracula in nostra Ecclesia edita; & primo contendunt, ea esse aut falsa, aut fallacia, qualia ab Ethnicis, Hæreticis, aut Magis sæpius facta leguntur. Deinde dicunt, iis, quæ vera sunt, confirmari non omnia Ecclesiæ nostræ dogmata, sed ea solum, quæ in eadem Ecclesia ex prophetica, & apostolica doctrina conservata fuerunt.

336. Respond. primæ objectioni parti tres esse secernendas miraculorum, quæ narrantur, classes. Aliqua sunt aperte falsa, & commentitia, quæ committere a viris doctis, & piis rejiciuntur, quamvis fortassis a mulierculis, vel aliquibus aliis hominibus in religione male doctis, ut vera credantur, & passim narrentur. Alia bene multa sunt dubia, & incerta, quæ licet aperte falsa non sint, satis tamen probatis monumentis non innituntur; quæque proinde nec facile rejici debent, nec temere credi. Sed his duobus classibus prætermissis, alia sunt nec pauca, atque inter ista quædam non admodum antiqua, imo fere quotidiana, quæ plurimum, & fide dignorum testimonio ita probantur, ut a viro cordato rejici nequeant, qualia sunt ea, quæ in beatificatione servorum Dei, eorumque canonisatione requiruntur. Primo enim diligentissime inquiruntur de veritate eorum, quæ Sanctorum intercessione facta dicuntur. Postquam autem de hac veritate certissime constitit, aliud instituitur non minus diligens examen, an ea, quæ evenisse dubitari non potest, ex aliquibus naturalibus causis oriri poterint, an potius supernaturali virtuti sint omnino adscribenda. Nisi de utro certissime constet, nulla miracula admittuntur. Non est igitur, cui adversarii ex fictis quibusdam, fallacibusque miraculis, quæ nos quoque repudiamus, vel etiam ex dubiis ansam arripiant, vera, & certissima rejiciendi.

337. Quantum ad secundum, satis est observare, primo sine ullo prorsus fundamento asseri, miracula esse edita ad confirmandum unum potius, quam aliud Ecclesiæ nostræ dogma; cum vere facta sint, ut intelligamus, nostram Ecclesiam eam ipsam esse, in qua potestatem miraculorum nunquam defuturam Christus ejus sponsus promissit. Deinde Sancti, ad quorum intercessionem miracula edita sunt, omnia ea dogmata profitebantur, quæ nostra Mater Ecclesia docet. Deum habemus plura miracula, quibus Sanctorum cultus, veneratio reliquiarum, ac sacramentum imaginum, suffragia defunctorum, confessio auricularis, præsentia realis Corporis Christi in Eucharistiæ Sacramento, ejusque adoratio, & alia Ecclesiæ nostræ dogmata ab Hæreticis oppugnata confirmantur.

338. Dices. Notæ Ecclesiæ debent esse perpetuæ; atqui miraculorum gloria jamdiu in Ecclesia cessavit; quod confessus est S. Jo. Chry-

sostomus Hom. XLIX. in Matth. : ergo &c.

339. Respond. Sanct. Augustinus Lib. XXII. de Civitat. Dei cap. 8. Ethnicis sciscitantibus, cur nunc illa miracula, quæ prædicatis facta esse, non fiunt? respondebat: Possem quidem dicere necessaria fuisse prius, quam crederet mundus, ad hoc, ut crederet mundus. Quisquis adhuc prodigia, ut credat, inquit, magnum est ipse prodigium, qui mundo credente non credit. Post autem asserere non dubitavit etiam tunc fieri miracula in ejus (Christi) nomine, sive per sacramenta ejus, sive per orationes, vel memorias Sanctorum ejus: & reipsa multa enumerat miracula, ea ætate facta. Nullius autem est auctoritatis auctor operis imperf. in Matth. quem esse a vero Chrysostomo longe diversum sup. n. 244. adnotavimus. Idem etiam post Augustini tempora dici debet; nam plura miracula refert S. Gregorius M. Augustino quasi duobus sæculis posterior; & multa etiam sequenti ætate usque ad nos edita esse, indubii testimonio convincitur. Perpetua igitur est hæc veritas Ecclesiæ nota ex miraculorum gloria depremta; quamvis satis fuissent ad nostræ Ecclesiæ sanctitatem demonstrandam sola illa miracula, quæ precisi temporibus in eadem Ecclesia facta fuisse nec ipsi adversarii inficiantur.

340. Dices secundo. Miracula apud nos non habentur pro veris, nisi quia in vera Ecclesia fiunt, & ab ipsa Ecclesia approbantur, dicente S. Augustino Lib. de unit. Ecclesiæ c. 19. T. IX. quæcumque (miracula) in catholica Ecclesia fiunt, ideo sunt approbata, quia in catholica fiunt; non ideo ipsa manifestatur catholica, quia hæc in ea fiunt. Hinc etiam Concilium Tridentinum Sess. XXV. cap. de invocatione Sanctorum præcipit, nulla esse admittenda miracula, nisi Episcopo approbante: non ergo miracula veram designant Ecclesiam, sed potius ab Ecclesia vera distinguuntur miracula.

341. Resp. regulam illam fuisse a S. Augustino constitutam non generaliter, & in omnibus casibus, sed peculiariter contra Donatistas, qui miraculis nescio quibus, seu potius visionibus schisma, quod fecerant ab Ecclesia Catholica, defendere conabantur. Contra eos igitur volebat, veram Ecclesiam esse ex Scripturis cognoscendam, quæ manifestissime prædicant, eam toto orbe esse diffundendam, non in aliquo Africæ angulo, ubi erant Donatistæ, restringendam. Atque ad controversiæ funem rescandum nulla alia miracula admittenda esse volebat, quam quæ ab Ecclesia catholica probantur.

342. Generaliter tamen primo Ecclesia nostra miraculis fundata fuit, ac miraculis facta credibilis, postea autem ipsa Ecclesia jam fundata, & manifestata etiam jus acquisivit vera miracula a falsis discernendi. Unde idem S. Augustinus Lib. XVIII. de Civ. Dei c. 8. Tom. VII. de miraculis loquens, hæc, inquit, ut fidem facerent, innotuerunt; hæc per fidem, quam fecerunt.



*multo clarius innotescunt.* Unde mutae & per vera miracula innotescit Ecclesia, & ab Ecclesia de veritate miraculorum examen instituitur, & certi reddimur.

343. Et nunc etiam eodem jure Ecclesia utens miracula diligentissime examinat, ne scilicet eorum auctoritas, & fides, si vagis, incertisque vulgi rumoribus committatur, apud cordatos, & prudentes viros merito nutet. Et de Sanctitatis nota hæc dicta sufficiunt.

## ARTICULUS IV.

*Probatur, veram Ecclesiam debere esse Catholicam, atque hæc notam soli nostræ Ecclesiæ convenire.*

344. Hæc vox *Catholica* a græco vocabulo *καθολικός*, & propositione *κατά* composita, quamquam diversis significationibus nominumquam usurpata fuerit, proprie tamen idem est, ac *universalis*; idque multo magis significat, quando Ecclesiæ universæ absolute tribuitur.

345. Invenimus quidem, etiam Ecclesias particulares fuisse aliquando appellatas *catholicas*; sed non alia de causa, nisi quia ad Ecclesiam universalem pertinebant, & ut ab Hæreticorum conventiculis distinguerentur, quæ illi Ecclesias appellare audebant (vid. sup. in not. ad n. 222.) Eodemque sensu fideles dicti sunt aliquando *catholici*, tamquam filii Ecclesiæ *catholicæ*, seu *universalis*.

346. Sed etiam Ecclesia universa a Christo instituta multiplici sensu appellata est *Catholica*, seu *universalis*; præcipue autem, quia per totum mundum, atque omnes nationes diffundi debebat; secus ac Synagoga, quæ uno loco, uni-que nationi erat adstricta. Hinc divinus Magister præcepit discipulis suis Marci ult. 13., ut *irent in mundum universum*; & Matthi. ult. 19. ut *docerent omnes gentes*. Secundo Ecclesia dicta est *catholica* ratione temporis, quia duratura erat usque ad consummationem sæculi.

347. Ecclesiam nostram esse catholicam ratione loci, seu universalis extensionis in toto mundo, in hoc articulo ostendimus; in sequenti autem ostendemus, eam esse catholicam etiam ratione perpetua durationis, seu nunquam interruptæ successioni ab Apostolorum ævo usque ad nos; unde vere dicitur *Apostolica*.

## PROPOSITIO.

*Vera Christi Ecclesia debet esse Catholica, id est toto orbe diffusa. Id autem soli Ecclesiæ nostræ convenit.*

348. Prima pars facile probatur cum S. Augustino de unitate Ecclesiæ variis, & multis tam veteris, quam novi Testam. oraculis. Omnis au-

tem brevitatibus gratia testimoniis vet. Test. quæ S. Pater fuisse allegavit, sola Christi Domini verba attendamus, quæ contra nostros adversarios abunde sufficiunt.

349. Et primo quidem Christus Jesus prædixit, prædicandum Evangelium regni in universo orbe in testimonium omnibus gentibus Matth. XXIV. 14. Post autem mandavit discipulis suis, ut *irent in mundum universum & docerent omnes gentes* Marci XVI. & Matt. XVIII., tum ut ipsi testimonium redderent in Jerusalem, & in tota Judæa, & Samaria, & usque ad ultimum terræ Act. I. 8. Dixit etiam, oportere prædicari in nomine ejus penitentiam, & remissionem peccatorum in omnes gentes incipientibus (scil. Apostolis) ab Jerosolyma Lucæ XXIV. 47. Quæ verba expendens S. Augustinus Libro cit. c. 10. inquit: *teneamus ergo Ecclesiam ex ore Domini designatam, unde captura, & quousque perventura esset; captura scilicet ab Jerusalem, & perventura in omnes gentes.*

350. Infinitus porro essem, si omnia S. Augustini, aliorumque Patrum loca congerere vellem, quibus contra Hæreticos ostendebat, apud ipsos non esse veram Ecclesiam, quia hæc debet esse Catholica, seu toto orbe diffusa; ipsorum autem sectæ erant artibus quibusdam limitibus conclusæ. Hoc fere unico argumento triumphabat S. Pater contra Donatistas, quia evidentissimæ erant promissiones Dei, Ecclesiam debere toto terrarum orbe diffundi, & evidentissimum erat quoque, non nisi Ecclesiam nostram fuisse divina potentia per totum orbem propagatam, eademque potentia toto orbe conservari. *Date mihi, inquit, c. 6. hæc Ecclesiam, si apud vos est: ostendite, vos communicare omnibus gentibus.... a Deo hæc, furore deposito, accipite, non a me, sed ab illo ipso, in quo benedicuntur omnes gentes.* Videatur enim S. Optatus Lib. II. adv. Parmenianum, ubi probabat, Ecclesiam veram esse apud nos, quia nostra Ecclesia in omnibus mundi partibus invenitur: *cum in Ecclesia dicta sit Catholica, quod sit ubique diffusa.*

351. Prob. secunda pars ex S. Augustino, qui in Libro De vera Religione cap. 7. Tom. I. tenenda est nobis, inquit, Christiana religio, & ejus Ecclesiæ communicatio, quæ catholica nominatur, non solum a suis, verum etiam ab omnibus inimicis. Velint nolint enim ipsi quoque hæretici, & schismatici, & schismaticum alumni, quando non cum suis, sed cum extraneis loquuntur, Catholicam nihil aliud, quam Catholicam vocant. Non enim possunt intelligi, nisi hoc eam nomine discernant, quo ab universo orbe nuncupatur. Et contra epist. fundamenti c. 4. T. Vill. enumeratis pluribus viculis, quibus se Ecclesiæ nostræ construngi dicebat, tenet postremo, concludit, & ipsum catholicæ nomen; quod non sine causa inter tam multas hæreses sola Ecclesia hoc nomen obtinuit.

352. Nec omitti debet præclarum illud S. Patris diffidum in epist. ad Semprouianum: *Christianus mihi nomen, Catholicus vero cognomen: illud me nuncupat, istud ostendit: hoc probor, inde significor*. Quod argumentum etiam nostra ætate valet; usus enim semper retentus est, ut nostra Ecclesia ab omnibus appelleretur *catholica*; communiones autem ab ea separatæ propriis nominibus distinguantur, ut Ecclesia Lutheravorum, Calvinistarum &c.

353. Haud ignoramus, nomen solum satis non esse ad aliquid comprobandum, dicente Salviano de providentia Lib. IV. *nomen sine actu, & officio suo nihil esse*; argumentum tamen S. Augustini efficax erat, quatenus ostendebat, nostram Ecclesiam jam a primis temporibus fuisse hoc nomine ab hæreticorum, & schismaticorum conventiculis distinctam, quod certe non alia de causa factum est, quam quia illa erat vere catholica, seu toto orbe diffusa, illorum autem conventicula limitibus conclusa.

354. Deinde S. Pater ostenderat, & nos etiam ostendere possumus, solam illam Ecclesiam, quæ debitam Romano Pontifici obedientiam proficitur, habere in omnibus mundi partibus filios; adeo ut non satis mirari possimus, & laudare divinam providentiam, quod hanc extensionem per totum mundum nulli Protestantium, aut aliorum hæreticorum cœtui, imo nec ipsi Ecclesiæ græcæ, quantum majorem, quam omnes aliæ habeat amplitudinem, convenire permisit; qua de re infra redibit sermo.

355. Obj. 1. Ecclesia dicitur *catholica*, non quod sit toto orbe diffusa, sed aliis de causis. Primo *negative*, quia nulli genti, ac nulli loco est restricta, secus ac Synagoga, cujus centrum erat Jerusalem, & nonnisi populum Israeliticum complectebatur; non autem *affirmative*, quasi omnes homines, & omnia loca comprehendat. Secundo dicitur Ecclesia *catholica* etiam *affirmative*, quia continet omnes electos: unde in Synbolo jubemur credere Ecclesiam esse *catholicam*; fides autem est eorum, quæ non videntur; & sic Ecclesia *catholica* est objectum fidei, quia complectitur electos, qui non videntur. Deinde definitur Vincentio Lirinensi in *Commonit.* cap. 3. *hoc est vere proprieque catholicum, quod ubique, quod semper, quod ab omnibus creditum*

est. Non potest ergo aliunde cognosci Ecclesia catholica, quam ex doctrinæ examine, an nempe, ut idem Lirinensis loquitur, *universitatem, antiquitatem, consensionem* doctrinæ retinuerit; non itaque ex diffinitione per totum orbem debet colligi, Ecclesiam esse vere catholicam.

356. Resp. nos non negare, his, aliisque sensibus posse dici Ecclesiam Christi *catholicam*; contendimus tamen etiam *catholicam* dicendam esse propter diffinitionem per totum orbem; ut scilicet non *negative* solum sit catholica, quatenus nec locis, nec personis est alligata; sed etiam *affirmative*, quia debet saltem *moraliter* ad omnes mundi partes, atque ad omnes nationes se extendere; & non solum comprehendere omnes electos, qua ratione esset Ecclesia invisibilis (quod supra c. II. abesse refutavimus), sed comprehendere omnes, qui eandem habent professionem fidei, eadem Sacramenta, & subsunt legitimis Pastoribus, quorum caput supremum est Rom. Pontifex. Deum non negamus, Ecclesiam dici *catholicam*, etiam propter doctrinam, quæ semper, & ubique, & ab omnibus credita est, & immutabilis conservata. Sed dicimus, fuisse a Christo promissum, hanc doctrinam esse toto mundo diffundendam, superque visibiliter conservandam. Hoc modo non possunt Hæretici, vel Schismatici ostendere, suas Ecclesias esse *catholicas*; & sola Romana Ecclesia est *vere catholica*. Ita respondet S. Augustinus Vincentio Rogatistæ simile quid obijcenti (a).

457. Inst. Si hoc sensu nomen *catholicæ* accipitur, non potest Ecclesiæ Romanæ convenire, cum jam multæ, & populosæ sint nationes, in quibus ipsa plaue Christiana religio ignoratur, & multo plures gentes, quæ Ecclesiam Romanam, ut Satanæ Synagoga, detestantur, ut proinde nihil minus verum sit, quam nostram Ecclesiam esse toto orbe diffusam (b).

358. Respondeo primo. Ecclesiam nostram etiam tunc fuisse catholicam, quando minus, quam tunc, extensis erat; quia, ut Cresconio Donatistæ respondebat S. Augustinus ( Lib. III. *contr. Cresconium* cap. 64. *Tom. IX.* ), *Evangelium crescendo fructificare non cessat, donec in omnibus cum fuerit prædicatum, veniat finis, sic enim Dominus ait Matth. XXIV. 14. & prædicabitur hoc Evangelium in universo orbe in testi-*

(a) In epist. XCIII. num. 23. *Tom. II.* ita Sanderus Pater hæretici objectionem exponit: *Aliud autem aliquid tibi videris dicere, cum Catholica nomen non ex totius orbis communione interpretaris, sed ex observatione preceptorum omnium divinarum, atque omnium sacramentorum*. Respondet autem S. Doctor, primo hanc observationem esse aliquid occultum, Ecclesiam autem debere esse manifestam. Deinde non dubitat asserere, quod, sicut anathema erit, qui annuntiaverit, Christum neque passum esse, neque tertia die resurrexisse, quoniam in veritate Evangelica accepimus: oportebat Christum pati, & resurgere a mortuis tertia die; sic erit

anathema quisquis annuntiaverit Ecclesiam præter communionem omnium gentium, quia eadem erit veritate consequenter accepimus, & prædicari in nomine ejus penitentiam, & remissionem peccatorum per omnes gentes, incipientibus ab Jerusalem.

(b) Ita obijcient olim Cresconius apud S. Augustinum Lib. III. *cont. Cresc.* c. 63. *Tom. IX.* scilicet quod nobis non totus orbis communicet, quia vel adhuc multæ sint gentium barbararum, quæ in Christum nondum crediderunt, vel sub nomine Christi hæreses multæ a communione nostræ societatis alienæ.

*stimonium omnibus gentibus, & tunc veniet finis.* Et futurum aliquando unum ovile, & unum Pastorem Christus ipse prædixit Jo. X. 16.

359. Deinde extra omne dubium est, Ecclesiam nostram esse multo latius disseminatam, quam singulas aliorum sectas, saltem divisim acceptas. Si igitur nostra Ecclesia non est catholica, consequens erit, divinas promissiones defecisse, vel, si id impium esset asserere, sola nostra Ecclesia utpote latius ceteris omnibus extensa, dicenda erit vere catholica.

360. Demum quamvis Ecclesia Romana totum non occupet orbem eo sensu, ut sit ubique sola; est tamen reipsa toto orbe diffusa eo sensu, ut nulla sit mundi pars, & nulla natio, in qua non habeat suos Pastores, & suos fidei prædicatores; & cum verbum Dei non reveratur vacuum (Isaia LV. 11.), etiam ubique habet filios. Ejus quoque filii sunt hæreticorum, & schismaticorum infantes sacro baptismo abluti, quousque adultam ætatem attingentes hæresi, vel schismati non adhæreant. Si qui item sunt inter adultos invincibili ignorantia laborantes, & propterea ab hæresis, vel schismatis culpa immunes, isti etiam ad Ecclesiam Catholicam pertinent, quamquam non ita facile hæc ignorantia invincibilis invenitur. Vid. quæ dicta superius sunt num. 288. & seq. tum Dissert. II. num. 169.

361. Talis diffusio est nostræ nuius Ecclesiæ propria; cum nec Lutheranorum, nec Calvinistarum sectæ sint ubique dispersæ; imo nec Ecclesia Orientalis, neque Mahumetismus, neque Paganismus, quæ sectæ in extensione Protestantium communionem multum superant, jactare possit, se in omni loco habere asseclas, ut merito Ecclesia nostra gloriatur, in qua sola fuerunt divinx promissiones impletæ.

362. Obj. 2. Multa sunt sacr. litterarum utriusque testam. loca, in quibus prædicatur, Ecclesiam fore in paucis conclusam. Sic figura ejus fuit arca Noe, in qua nonnisi octo animæ salvæ factæ sunt. Christus etiam Lucæ XII. 32. Ecclesiam vocat *pusillum gregem*; & Matth. VII. 14. paucos esse dicit, qui intrant per angustam portam, quæ ducit ad vitam, item XX. 16. paucos esse electos: nota quoque sunt ejusdem vaticinia de infelicibus Antichristi temporibus, in quibus vix pauci electi tentationi resistent. Ac denique S. Joannes Apocal. XII. 6. Ecclesiam exhibet sub figura mulieris, quæ fugit in solitudinem, quibus omnibus, aliisque id genus bene multis quid aliud significatur, quam Ecclesiam nonnisi in paucis fidelibus inventum iri? Non ergo amplitudo, & universalitas potest esse ejus nota (a).

(a) *Hic, atque hujusmodi exemplis hæretici suam paucitatem commendare conantur, & in sancta Ecclesia multitudinem toto orbe diffusam blasphemare non cessant.* Sanct. Augustinus de unit. Ecclesiæ c. 13. T. IX.

(b) Ita legat S. Pater; sed nostra vulgata habet:

363. Resp. cum S. Augustino, objectis sacr. scripturarum locis non significari Ecclesiam, prout complectitur simul bonos, & malos, & cui talis promissa est amplitudo, ut toto terrarum orbe extendatur, sed designari solum electos, qui collati cum malis, & reprobis pauci sunt, & recte vocantur *pusillus grex*, quamvis etiam boni, & electi absolute, & in se non sint pauci, sed multi. Unde illud apud Matth. VII. 11. *multi ab Oriente venient, & recumbent cum Abraham, & Isaac, & Jacob in regno cælorum*; & illud ad Titum II. 14. de Christo; ut *mundaret nos sibi populum abundantem* (b), *emulatores bonorum operum*; ac deum Apocal. V. 11. S. Joannes vidit numerum eorum, qui stabant in circuitu throni, & erat numerus *millia millium*, id est innumerabilis. Ita respondebat Donatistis S. Augustinus de unitat. Eccl. cap. 13.; & concludebat c. 14. *ecce ipsi dicuntur multi, qui dicuntur & pauci. Quare? nisi multi per se ipsos considerati; pauci tamen in comparatione iniquorum.* Isti sunt in Ecclesia sicuti in arca, ut a perditione salventur. Isti ingrediuntur per angustam portam; & isti etiam turbulentissimis Antichristi temporibus tentationi non cedent. De vaticinio autem S. Joannis, vide, quæ supra dicta sunt n. 75.

364. Dices. Quazodo Ecclesia primo exorta est, non erat certe toto orbe diffusa; hoc enim debebat fieri successiva Evangelii propagatione: ergo tunc non erat catholica, nec poterat tunc hæc nota discerni, adeoque &c.

365. Respondeo id parum obesse, cum adeo celeriter admirabilis Evangelii propagatio facta fuerit, ut antequam morte sublati essent Apostoli, jam in toto mundo floreret Ecclesia. Sane S. Paulus Romanis scribens iniquebat c. I. 8. *fides vestra annuntiatur in universo mundo.* Hinc etiam ab ipso sui exordio Ecclesia sibi nomen catholicæ usurpavit; nam S. Ignatius Petri post Evodum in cathedra Antiochea successor in epist. ad Smyrnenes num. 8.: *ubi fuerit, inquit, Christus Jesus, ibi catholica est Ecclesia.* Et ipsi Smyrnenes apud Eusebium Lib. IV. *Hist. Eccl.* cap. 15. epistolam scriperunt *omnibus ubicunque terrarum sanctæ, & catholicæ Ecclesiæ populis.* Et quidem jure hoc sibi nomen tribuebat, tum quia erat jam admodum dilatata, tum etiam quia divinis promissionibus certo confidens, non dubitabat, se a solis ortu usque ad occasum, ab aquilone, & mari, & in omnes omnino gentes esse diffundendam (c).

366. Neque etiam quisquam objiciat ea tempora, in quibus nonnumquam se vidit Ecclesia propter furentes hæreses, vel internas discordias, propter

propter

*& mundaret sibi populum acceptabilem (græce ἁγίον) sectatorem bonorum operum.*

(c) Henr. Valeis in not. ad cap. 10. Lib. VII. *Histor. Eccl.* Eusebii, probat, cognomen Catholica tributum Ecclesiæ fuisse circa primam Apostolorum suc-

pter Pastorum ignaviam, & ignorantiam, Principum scandala, & populorum scelera quasi in angustias redactam; fuerunt enim ea tempora procellosa, quibus Petri navem agendam esse Christus jam significaverat: (Matth. VIII. 24. seq.) sed non diu procellæ, & tempestates durarunt. Christus enim, qui tunc quasi dormire videbatur, brevi expergefactus imperavit ventis, & facta est tranquillitas; & si aliquando Ecclesia suum splendorem ex una parte amisit, ex aliis postea eundem brevi recuperaverit. Sic clades, quas Ecclesiæ intulit tetercinum Lutheranorum, ac Calvinistarum schisma, fuerunt abunde reparatæ in novi orbis acquisitione, ubi rapidissimo cursu fuit religio catholica propagata, & hodiernum florentissima conservatur, semperque magis extenditur.

367. Iino si hæc Ecclesiæ mala attentius considerare velimus, manifeste apparebit, eam non vixi omnipotenti Dei virtute conservari potuisse. Ipsa enim tot tempestatibus intus, forisque, & longissimum tempore jactata solis humani præsidii diu durare nullatenus potuisset. Interim tamen vidit Judaicam nationem, a qua primæ persecutiones ortæ sunt, a propriis sedibus expulsam, atque errare toto orbe dispersam. Vidit Imperatores, Reges, & Principes, qui eam omni vi tollere frustra conati sunt, tandem victos suo iugo humiliter colla submittere. Vidit hæreticos suos rebelles filios variis temporibus contra se dolis, fraudibus, & sæpius etiam armis aperta rebellione insurgere; sed eosdem etiam vidit, communi omnium honorum anathemate prostratos, ac tandem ocus serius dissipatos. Id certe non humanis viribus, sed unice ejus virtute contingere poterat, qui se cum Ecclesia futura usque ad consummationem sæculi promiserat, ut nunquam contra eam portæ inferi prævalere possent.

368. Obj. ult. Diffusio quantumvis maxima potest convenire etiam errori: quid enim olim magis late patens, quam superstitio, & idololatria, quæ totum occupaverat orbem? Non igitur sufficit Ecclesiæ Romanæ per totum orbem diffusio, ad probandum ipsius doctrinam esse veram.

369. Resp. Diffusionem solam, & in se consideratam non esse notam veritatis, bene vero, si spectetur, ut a Christo Salvatore nostro prædicta, ut nempe possumus ita firmiter colligere: Ecclesiæ veræ promissa est ab ipsius fundatore, & capite Christo Domino talis amplitudo, ut toto diffundatur orbe: atqui soli Ecclesiæ Romanæ reipsa talis amplitudo convenit: ergo sola Romana Ecclesia est vera. Vel saltem hoc modo: veræ Ecclesiæ promissa est a Christo diffusio per totum orbem; sed sectæ Protestantium, aut schismaticorum hanc diffusionem non habent: ergo non sunt

vera Christi Ecclesiæ; si autem vera Ecclesiæ non est apud ipsos, indubie apud nos erit. Ulterius gentium superstitio inconstans, & varia semper fuit, & ipsa diversitate locorum, ac populorum diversa; Ecclesiæ autem Christi semper, & ubique eadem, & in suis dogmatibus immutabilis. Demum superstitio habuit finem, virtute Christi Domini ubique fere abolita; vera autem Ecclesiæ nec defuit unquam, nec deficere potest.

370. Scholion. Multis sensibus, ut supra innuimus, Ecclesiæ dicta est, & dici potest *catholica*, seu *universalis*; non tamen eo sensu, quem multi Heterodoxi ex suis principiis ponere adstrungunt, ut scilicet comprehendat vel omnes, vel saltem præcipuas Christianæ Religionis sectas; videlicet omnes illas, quæ in articulis fundamentalibus conveniunt. Contra hoc systema, quod ex sublata supremâ, & infallibili Ecclesiæ auctoritate necessario fluit, quodque apud Protestantes majores semper vires acquirit, satis dictum est in superiore dissertatione c. VI. & VII. Concludo verbis Laëtantii Lib. IV. *Divin. Instit.* cap. ult.: *Sola igitur Catholica Ecclesia est, quæ verum cultum retinet. Hic est fons veritatis, hoc domicilium fidei, hoc templum Dei: quod si quis non intraverit, vel a quo si quis exiverit, a spe vitæ, & salutis æternæ alienus est.*

#### ARTICULUS V.

*Ostenditur, veram Ecclesiam Christi debere esse Apostolicam, atque hanc notam soli Ecclesiæ Romano-catholicæ convenire.*

371. Ecclesiæ Christi duabus potissimum de causis dicitur *Apostolica*. Primo propter doctrinam Apostolorum fideliter custoditam; secundo propter perpetuam, & nunquam interruptam seriem Pastorum, qui Apostolis successerunt, cum Ecclesiæ sine Pastoribus esse non possit: deficiente enim Sancto Cypriano epist. LXIX. *Ecclesiæ est plebs Sacerdotis adunata & Pastori suo grex adherens*. Hæc autem successio non debet semper esse *immediata*, cum Apostoli non fundaverint omnes Ecclesias particulares, debet tamen esse saltem *mediata*, ita ut omnes tandem Ecclesiæ suam originem a primis illis Apostolicis trahant, & sint, ut eas appellavit Tertullianus de præscript. Hæreticor. cap. 20., *Ecclesiarum Apostolicarum soboles*.

372. Nimis longum esset, & a præsentis instituto alienum, de singulis Ecclesiæ nostræ dogmatibus examinem instituire, atque ostendere doctrinam nostram esse *veram Apostolicam*. Ad id tamen generaliter confirmandum ea sufficere possunt, quibus supra cap. III. ostendimus, Ecclesiæ

*cessionem*, cum hæreses multis in locis exortæ veram Christi fidem, & Apostolorum traditionem subvertere conabantur.



siam in dogmatibus fidei nec defecisse unquam, nec posse deficere. Quamobrem nihil aliud restat, quam ut demonstremus, Ecclesiam nostram esse Apostolicam, ratione Pastorum, qui sibi perpetuo successerunt.

373. Hæc autem successio potest in omnibus fere præcipuis Ecclesiis facile demonstrari, sed sufficit etiam ostendere in Ecclesia Romana, quæ, ut loquitur Concilium Tridentinum, est *omnium mater, & magistra*. Reipsa quotquot ex antiquis Patribus de Apostolica Pastorum successione egerunt, ut Irenæus, Eusebius Cæsariensis, Epiphanius, Optatus, & Sanctus Augustinus, aut solum, aut præcipue Romanos Pontifices enumerandos censuerunt, non alia profecto de causa, nisi quia inde unitas Sacerdotalis profecta est. Id autem manifeste apparebit ex nonnullis eorum testimoniis, quæ brevitate gratia ex multis seligemus.

374. S. Irenæus Lib. III. *Adv. Hæreses* cap. 3. postquam præmisisset, posse enumerari eos, qui in variis Ecclesiis constituti sunt Episcopi, eorumque successores usque ad nos, peculiariter disserit de successione Pontificum Ecclesiæ a gloriosissimis duobus Apostolis Petro, & Paulo Romæ fundatæ; ad hanc enim Ecclesiam, subdit, propter potiorē principalitatem necesse est, omnem convenire Ecclesiam, hoc est eos, qui sunt undique fideles; in qua semper ab his, qui sunt undique, conservata est ea, quæ est ab Apostolis, traditio; ac deinde omnes Petri successores enumerat usque ad Eleutherium, qui tunc Petri Cathedram occupabat.

375. Integer postea hac in re exscribens esset aureus ille Tertulliani liber, quem inscripsit de præscriptione hæreticorum (a). Sed paucis contenti erimus. Cap. 20., postquam observasset, Apostolos apud unamquamque civitatem Ecclesias condidisse, a quibus traducem fidei, & semina doctrinæ ceteræ deinde Ecclesiæ mutuatæ sunt, & quotidie mutantur, subdit: omne genus ad originem suam censeatur, necesse est. Itaque tot, ac tantæ Ecclesiæ una est illa ab Apostolis prima, ex qua omnes. Sic omnes prima, & Apostolica. Pergit deinde, & ex Apostolica Ecclesiarum origine præscribit contra hæreticos, doctrinam Apostolorum non alibi querendam esse, quam in Ecclesiis, quas ipsi fundaverunt, aut quæ earumdem sunt filiæ. Unde etiam subdit cap. 21: communicamus cum Ecclesiis Apostolicis.... hoc est testimonio veritatis.

376. Sed clarius adhuc cap. 53. ita hæreticos

compellat: edant ergo origines Ecclesiarum suarum: evolvant ordinem Episcoporum suorum, ita per successiones ab initio decurrentem, ut primus ille Episcopus aliquem ex Apostolis, vel Apostolicis viris, qui tamen cum Apostolis per severavit, habuerit auctorem, & antecessorem. Hoc enim molo Ecclesiæ Apostolicæ census suos deferunt. Hoc autem solum nostræ Ecclesiæ proprium esse ostendit.

377. Pergit porro Tertullianus, atque in Ecclesia universa principatum tribuit Ecclesiæ Romanæ, de qua inquit cap. 36.: ista quam felix Ecclesia, cui totam doctrinam Apostoli cum sanguine suo profuderunt.

378. Ac dein cap. 37. ita nomine Ecclesiæ hæreticos omnes rergit: qui estis? quando, & unde venistis? quid in meo agitis, non mei? Mea est possessio, olim possideo, prior possideo, habeo origines firmas ab ipsis auctoribus, quorum fuit res: ego sum hæres Apostolorum, sicut caverunt testamento suo, sicut filii commiserunt, sicut adjuraverunt, ita teneo; vos certe exheredaverunt semper, & abdicaverunt, ut extraneos, ut inimicos (b).

379. Optatus etiam Milevitanus Lib. II. contra Parmenianum postquam recensisset Apostolicæ Sedis Antistes usque ad Siricium, ita schismaticos Donatistas alloquitur: vos vestræ cathedræ originem ostendite, qui vobis vultis sanctam Ecclesiam vindicare.

380. Denique instat omnium aliorum sit S. Augustinus, cui Donatistæ occasione præbuerunt hanc controversiam de Ecclesia accurate, copiose tractandam. In Psalmo autem contra partem Donati Tom. IX. numerate, inquit, Sacerdotes vel ab ipsa Petri sede, & in ordine illo Patrum quis cui successit, videte; ipsa est petra, quam non vincunt superbæ inferorum portæ.

381. Idem argumentum enucleatius explicat in epist. LIII. ad Genserosum n. c. ubi ait: si enim ordo Episcoporum sibi succedentium considerandus est, quanto certius, & vere salubriter ab ipso Petro numeramus... Petro enim successit Linus &c. & omnes ex ordine recenset usque ad Anastasium, qui tunc trigesimum octavus post Petrum Romanam Cathedram occupabat. Post tempora vero S. Augustini hæc Romanorum Pontificum successio perpetuo conservata fuit, usque ad Pium VI. cui longum, & felix regnum Ecclesia tota precatur.

382. Et sane ad constituendos Ecclesiæ Pastores respondebant, testantes se esse Apostolos Jesu Christi, qui magnis, & certissimis miraculis, præcipue autem gloriosa sua resurrectione, se esse verum Filium Dei, & Messiam in lege promissum invindicissime demonstraverat: se esse ab illo missos, & inissionis suæ veritatem, non solum divina ejus doctrina, sed signis etiam, & prodigiis manifestissime ostendere. Ita respondeant, si possunt, omnes hæretici, quotquot sunt, si possunt, inquam, suæ missionis evidentiâ signa monstrare.

(a) Rigaltius in nota censet, minus recte legi ab aliquibus titulum hujus libri de præscriptionibus adversus hæreticos.

(b) Frustra Jacob. Basnagius in secunda sua Pastoral. Intratation. Rotterod. 1720. §. 1. hanc celeberrimam Tertulliani provocationem sigillat, tanquam pium putnissimè sophisma, quo etiam pagani contra Apostolos uti potuissent, eos interrogando: qui estis? unde, & quando venistis? Frustra inquam; Apostoli enim publice Gazaniga Theol. Tom. I.

res requiritur missio, quæ sit in ætera ordinatione; hæc autem missio, seu ordinatio ab Episcopis fieri debet, qui rursus fuerant ab aliis Episcopis ordinati, & hi rursus ab aliis usque ad Apostolos, qui fuerant immediate a Christo instituti, & missi ad prædicandum Evangelium, fundandas Ecclesias, suosque successores in sacro ministerio constituendos. Necesse est igitur, in vera Ecclesia esse perpetuam Pastorum successionem ascendendo usque ad Apostolos, qualem in Ecclesia Catholico-Romana inveniri hæcenus demonstratum est.

383. Non ita autem se res habet: apud Protestantés, quos possumus Tertulliani verbis superius allatis urgere, ut edant *origines Ecclesiarum suarum*; vel illi, quibus hæreticos sui temporis novitatis convincebat, iniquis ejusdem Libri de præscript. cap. 30. *Ubi tunc Marcion?* . . . *Ubi Valentius?* . . . Nam constat, illos neque adeo olim fuisse . . . & Catholicam primo doctrinam credidisse apud Ecclesiam Romanensem &c. Et in Lib. adv. Praxeam cap. 2. ipsum Praxeam vocat *hesternum*; unde inferebat, adversus ipsum, & adversus universas hæreses jam hinc præjudicatum esse, id esse verum quodcumque primum, id esse adulterum quodcumque posterius.

384. Reipsa primi eorum atsignani in Ecclesia catholica orti sunt, à qua postea fœnesto schismate se separarunt: vel itaque ab illis primo incipit in ipsorum sectis Pastorum linea, & tunc nulla eorum communio dici potest origine Apostolica; vel ad Pastores nostræ Ecclesiæ confugere debent, ut hanc lineam usque ad Apostolos ducant, & tunc concedere coguntur, nostram Ecclesiam esse Apostolicam, adeoque se ab Apostolica Ecclesia separasse.

385. Rursus Lutherus, & Zuinglius, qui primi pseudo-reformationem inchoarunt, erant quidem Sacerdotes, at non Episcopi; Calvinus autem ne Sacerdos quidem; unde non apparet, quomodo ab Ecclesia Catholica missionem habuerint, ut inter ejus Pastores cooptarentur, ac proinde in Apostolicam Pastorum seriem succederent, alioque Pastores legitimos constituerent; ordinare enim & mittere Pastores ad solos pertinere Episcopos, plusquam certum est, unde illud S. Hieronymi in epist. 146. ad Evagrium *quid facit, excepta ordinatione, Episcopus, quod Presbyter non faciat?*

386. Neque eos juvat, ad missionem extraordinariam confugere, qua immediate a Deo ipso se suscitatos, & missos aliquando jactabant, ad reformandam Ecclesiam. Non, inquam; nam primo nemo amplius a Deo mittitur, quantum ad dogmata fidei, cum tota, quanta est revelatio, jam plenissime a Jesu Christo Dei Filio facta sit, & Ecclesiæ ut fideli ejus custodi tradita. Secundo semper Deus consuevit missiones extraordinarias miraculis insignibus confirmare, ne ullum

esset illusionis, vel seductionis periculum. Id præter exemplis Moysis, Prophetarum; Apostolorum, atque ipsius Christi, quorum omnium unisio fuit multis, magnisque prodigiis illustris. Nullum autem tale signum missionis extraordinariæ habuerunt nostri Ecclesiæ pseudo-reformatores.

387. Simili argumento utebatur Tertullianus contra sui temporis novatores De præscript. Hæret. cap. 30. iniquis: *Sic (Christum) Apostolos solos facere; dare illis virtutem eadem signa edendi, quæ & ipse. Volo igitur & virtutes eorum proferri, nisi quod agnosco maximam virtutem eorum, qua Apostolos in perversum æmulantur; illi enim de mortuis vivos faciebant, isti de vivis mortuos faciunt.*

388. Solent quidem se tueri exemplo Sancti Joannis Baptistæ, cujus missionem extraordinariam nullis volunt fuisse miraculis confirmatam. Sed hæc evasio fuit superius jam præoccupata mun. 326.

389. Etiam præclusum fuit num. 323. aliud efugium, quo dicunt, non agi hic de novis revelationibus, sed de veteri Ecclesiæ doctrina in sacris litteris contenta ab erroribus, qui irreperunt, repurganda.

390. Nec denique quidquam valet, quod dicere nonnunquam solent, inuicem mandatum fuisse a Deo de proximo suo; unde etiam exempla laicorum allegant, qui sine missione Evangelium cum fructu prædicarunt. Sic Act. VIII. 4. dicitur, fideles dispersos pertransisse regiones evangelizantes verbum Dei: & ex Hist. Eccl. Theodreti Lib. I. cap. 25. scimus Edesium, ac Frumentium laicos Christianam relig. apud Indos prædicasse, ac late propagasse.

391. Non, inquam, hæc valent; nam primum exemplum potest contra Adversarios retorqueri; neque enim fideles illi, quorum mentio est in Actibus Apostolorum, aut sunt Ecclesiæ sua auctoritate fundare, ac Pastores constituere; sed ad hoc præstandum missi sunt Apostoli Petrus, & Joannes.

392. Id etiam fecerunt sine dubio Edesius, & Frumentius. Ac de postremo narrat Theodoretus, eum Alexandriam profectum fuisse ad Athanasium Ecclesiæ illius Antistitem, qui Episcopalis gratiæ (*ἐπισκοπικῆς χάριτος*) ordinem ipsi imperitus est; & tunc Frumentius in provinciam rediens Apostolicis miraculis editis, & signorum efficacia dilectis fidem, atque auctoritatem adstruens plurimos quotidie lucrabatur.

393. Obj. 1. Ut Ecclesia Protestantium dicatur Apostolica, sufficit, ut eam habeat doctrinam, quam Apostoli tradiderunt. Tertullianus enim de præscript. Hæret. cap. 32. loquens de Ecclesiis posteriori institutis, dicit, eas non minus Apostolicas deputari pro consanguinitate doctrinæ: hoc autem est, quod Protestantés dicunt, examinandam esse doctrinam, easque Ecclesias esse vere Apostolicas, quæ doctrinam ab Apostolis traditam retinent.

394. Resp. Vere utrumque requiri, & Pastorum successionem ab Apostolis incipientem, & etiam Apostolicam doctrinam, ut Ecclesia dicatur, & sit Apostolica. Si alterutrum desit, jam Ecclesia non erit Apostolica; cum igitur Protestantibus desit successio Apostolica, certe eorum communiones dici non possunt Apostolicæ. Id expresse Tertullianus loco ipso obiecto ab Hæreticis exigebat, inquit: *ita omnes hæreses ad utramque formam (nempe ad successionem, & doctrinam) nostris Ecclesiis provocatæ probent se quonque, ut putant, apostolicas*. Porro facile erat Tertulliano ostendere, Hæreticorum sui temporis conventiōem a doctrinā Apostolicā longe recessisse, nec omnino difficile nobis esset id ipsum ostendere de communionibus Protestantium; sed cum hoc examen, ut sæpius dictum est, rudium capacitatem superet, non potest statui per nota Ecclesiæ. Contra autem res se habet in successione Apostolica, quæ in omnium oculis incurrat.

395. Obj. 2. Ecclesia græca, alique orientales non minus quam Romana gloriantur de nunquam interrupta Pastorum successione; nec tamen habemus pro veris Ecclesiis: non igitur successio Apostolica sufficit &c.

396. Resp. Apostolicam successionem apud Græcos schismaticos, aliasque communiones orientales tunc defecisse, cum se ab Ecclesia catholica separarunt, imo & in errores ab Ecclesia damnatos inciderunt. Ut enim supra n. 376. vidimus cum Tertulliano, ut aliqua Ecclesia sit Apostolica, necesse est, ut habuerit auctorem, & antecessorem aliquem ex Apostolis, vel Apostolicis viris, qui tamen cum Apostolis perseveraverit.

397. Et quidem duo hæc in re discernenda sunt. Aliud enim est, in vera Ecclesia necessario requiri successionem perpetuam Pastorum; aliud habere successionem sufficere, ut vera sit Ecclesia. Hinc, quia Protestantes hanc Pastorum successionem non habent, eorum Ecclesia Apostolica dici non potest, adeoque nec vera Ecclesia. Non tamen ab opposito Græci schismatici, aut aliæ communionēs orientales jactare possunt, se habere veram Ecclesiam, etiam si habeant Pastorum successionem non interruptam, quia a vera Apostolica Ecclesia, ejusque supremo capite per schismata, ac etiam per hæreses se separarunt.

398. Obj. 4. Series Pastorum etiam in Ecclesia Romana interrupta est primo, quando Iniquitatem cæperunt Romanos Pontifices sua auctoritate eligere, quod sæculo X. & XI. non semel factum est: 2. quando Pontificum electio devoluta est ad Cardinales, qui humane, & recentioris sunt institutionis, non autem divinæ, vel apostolicæ: 3. quando a Simoniacis, & improbis Pontificibus Romana cathedra polluta fuit: quod nec Baronius ipse diffinit ad ann. Christi 897.

399. Resp. primæ, & secundæ diffinitioni, distinguendum esse Pontificum ordinationem ab eorum electione. Hæc secunda pro diversitate temporum, & circumstantiarum mutari potuit, & mutata reipsa fuit. Sed ordinatio, vel consecratio, quæ proprie constituit Ecclesiæ Pastores, iisque intrinsecam clavium tribuit potestatem, semper eadem fuit, est, & erit; utpote quæ a Christo immediate descendit, & mutari nequit.

400. Nec refert, quod ad invidiam consilandum tertio loco obiciebat de Pontificum Romanorum vitiis; hæc enim vitia, utut enormia, non nisi particulares eorumdem Pontificum personas deturpant, non autem diminuant auctoritatem Cathedræ Apostolicæ, sicut non diminuebatur auctoritas cathedræ Mosaicæ, quando Pharisæi hypocritæ in ea sedebant. Imo peculiaris Dei providentia in eo refucet, quod permiserit quidem corruptissimos quorundam Romanorum Pontificum mores, eorum tamen fidem integram, sartaque semper servaverit. Neque illud omitendum, non nisi paucissimos Rom. Pontifices atrocium quorundam criminum potuisse accusari, omnes fere alios non solum integritate fidei, sed etiam puritate morum Apostolicam S. Petri Cathedram honorasse, ac multos denique Sanctorum cultum fuisse promeritos.

401. Quantum vero attinet ad electiones simoniacas, quoad tales ab Ecclesia judicatæ, & declaratæ non sunt, nihil propter eas legitima Pastorum auctoritati demendum est.

402. Dices (u), successionem defecisse Romanorum Pontificum in Eugenio IV. qui Basileensis Concilii decreto defectus fuit a Pontificatu, subrogato in ejus locum Amedeo, seu Felice V. post autem Principum favore Eugenius Pontificatum recepit, sed sine nova legitima electione. Porro, cum inde prodierit quidquid Paparum, Cardinalium, Episcoporum &c. postea fuit, sequitur, successionem summorum Pontificum, aboriturque in Ecclesia Romana Pastorum fuisse ex eo tempore interruptam.

403. Resp. depositionem Eugenii IV. factam in Concilio Basiliensi fuisse illegitimam, & nullam; imo Concilium eo tempore non fuisse amplius œcumenicum, tum quod major Episcoporum pars ab eo jam discesserat; tum quod vel ipsæ nationes, quæ prius Concilio adhaerebant, non amplius eidem suffragabantur; tum denique, quia ipsa Ecclesia neque Eugenii depositionem, neque Amedei electionem unquam ratam habuit; nuda etiam Amedeus ipse a dignitate Pontificis, quam immerito se gerere cognovit, se ultro abdicavit, ac fuit postea sola Cardinali purpura contentus.

404. Scholion. Singulæ, quas hæcenus recensimus notæ, & aliæ nonnullæ, quæ addi possent, liquido ostendunt, Romanam Ecclesiam esse veram, & antiquam illam Ecclesiam, quam

Chri-

Christus suo sanguine sibi acquisivit, & cum qua se perpetuo futurum promisit. Multo autem magis id ostendunt, si non divisim, sed collectim simul omnes sumantur. Hinc S. P. Augustinus cap. 4. contra *epistolam fundamenti* Tom. VIII. omnia simul colligens, multa sunt alia, dicebat, quæ in ejus (Ecclesiæ Catholico-Romanæ) gremio me iustissime tenet. Tenet consensio populorum, atque gentium; tenet auctoritas miraculis inchoata, spe nutrita, charitate aucta, vetustate firmata: tenet ab ipsa sede Petri Apostoli, qui pascendas oves suas post resurrectionem Dominus commendavit, usque ad præsentem Episcopatum successio Sacerdotum; tenet postremo ipsum catholicæ nomen.... Ista ergo tot, & tanta nominis Christiani carissima vincula recte hominem tenet credentem in catholica Ecclesia, etiamsi propter nostræ intelligentiæ tarditatem, vel vitæ meritum veritas nondum se apertissime ostendat. Apud vos autem (Manichæos, nos vero possumus dicere Protestantes), ubi nihil horum est, quod me invitet, ac teneat, sola personarum veritatis pollicitatio &c.

## DISSERTATIO IV.

De Romani Pontificis primatu (S. Thomas Lib. IV. contra Gentil. cap. 76.)

1. Doctissimus Bossuetus celebri Abbati de Locum dicenti, Protestantæ Catholicis circa Primatum Rom. Pontificis facile consensuros, si omnibus probarentur, quæ Ellius Dupin (in Diss. de antiqua Eccles. disciplina) ex Gallicanæ Ecclesiæ sententia protulit; ita respondit (Tom. I. Œuvres posth. p. 125.): Primatum Petri, ac Romanorum Pontificum, Petri successorum de jure divino esse, omnes Catholici, & Ecclesia Gallicana maxime profitetur. Ad Aliacensis, Gerson, alique Parisienses ad unum omnes:

(a) Dupin in fine sæc. Dissert. De Primatu Rom. Pont. nonnullas prerogativas recenset, ex Romanæ Ecclesiæ primatu jure divino fluentes, quæ certe indicant, ipsum nonnullis Rom. Pontifici solius ordinis primatum tribuere. De Gallicanæ Ecclesiæ doctrina circa hoc dogma Vid. Petr. Ballerinus De vi, ac rat. primatus Roman. Pont. cap. 4.

(b) Ad hæc tria evincenda nos provocat Joan. Francis. Buddens Instit. Theolog. Lib. 5. cap. 3. §. 6.

(c) Vid. Confessio Orient. Eccles. Lipsiæ primo græcæ, & latine vulgata 1695. post autem Vratislaviæ 1751. P. I. quest. 85.

(d) Prima hujus sententiæ origo invenitur in præfat. celebri libri Antonii Arnaldi de frequenti communione (quæ tamen præfatio a Martino de Barcos, Joan. Wergilii Abbatis Sancti Sygismundi nepote elucubrata fuerat, si vera refert Racine Tomo XI. Abrégé de l'Histoire. Eccles. art. 18. n. 17.). In ea enim præfatione Sancti Petrus, & Paulus duo Romana Ecclesiæ capita, quæ nonnulli unum faciunt, appellantur. Porro cum id multorum animos offendisset, idem Barcosius duobus aliis

id Ecclesiæ Gallicanæ, atque Universitatis Parisiensis omnia acta testantur. Scilicet, illud Facultatis Theologiæ Parisiensis adv. Lutherum... art. 25: Nec minus certum, unum esse jure divino summum in Ecclesia Christi militantem Pontificem, cui omnes Christiani obedire tenentur.... Quod autem de Rom. Pontificis primatu minus plene, ac perspicue scriptis (Ellius Dupin, qui addi potest etiam Jo. Launojus), nec nostri probant, & ipse sive exponit, sive emendat (a). Ad hoc itaque commune omnium Catholicorum dogma hac dissertatione contra Protestantes, & Schismaticos defendendum aggredimur. Quod ut efficiamus, tria a nobis præstanda sunt. Primo, ostendendum, hanc in universa Ecclesia primatus dignitatem fuisse a Servatore nostro institutam, & Sancto Petro collatam. Secundo, S. Petrum Romanæ Ecclesiæ Episcopum usque ad mortem fuisse. Tertio, Romanum Pontificem, Petri successorem eadem Primatus prerogativa potiri; hoc enim tertium sine aliis duobus consistere nullo modo potest (b).

## CAPUT I.

Ostenditur, S. Petrum fuisse a Christo Domino Apostolorum, totiusque Ecclesiæ caput, ac principem constitutum.

2. Controversia nobis præcipua est cum Protestantibus, qui id aperte negant, nec alium S. Petro principatum a Christo collatum dicunt, quam solius honoris, & ordinis, non autem potestatis, & jurisdictionis; cum Græcis recentioribus, qui ab avita majorum sententia recedentes Petri primatum tollere nituntur (c); deinde etiam cum quibusdam aliis, qui sæculo elapso parem S. Paulo potestatem, ac S. Petro tribuisse, accusati sunt (d).

## PRO-

libris suam sententiam tueri perrexit, quorum alter inscriptus erat: *Traité de l'autorité de S. Pierre, & de S. Paul, alter la grandeur de l'Eglise Romaine établie sur l'autorité de S. Paul*; qua occasione non exiguis librorum numerus prodiiit; donec tandem hæc centus X. re, ut fieri solet, diligenter examinata, in Congregat. S. Officii coram se habita die 25. Jan. 1642. ut hereticam hanc propositionem damnavit: S. Petrus, & S. Paulus sunt duo Ecclesiæ principes, qui unum efficiunt, vel sunt duo Ecclesiæ Catholice coryphæ, ac supremi duces summa inter se unitate conjuncti; vel sunt geminus universalis Ecclesiæ vertex, qui in unum divinissime coalescunt; vel sunt duo Ecclesiæ universi Pastores, ac Præsides, qui unicuique caput constituunt; si tamen ita explicetur, ut ponat omnimodam æqualitatem inter S. Petrum, & S. Paulum, sine subordinatione, & subjectione S. Pauli ad S. Petrum in potestate suprema, & regimine universalis Ecclesiæ. Contra P. Mamachium T. I. Orig. & Antiq. Christ. p. 351, & seq. nec non Ittigium ab eo laudatum, qui totam hujus controversiæ historiam contextu in *Heptade* dis-



## PROPOSITIO.

*S. Petrus fuit a Christo Apostolorum Princeps constitutus, quomobrem jure divino primatus jurisdictionis in tota Ecclesia potius est.*

3. *Prob. 2. ex Sacris Litt.* Nam Matth. XVI. cum Petrus Dei singulari revelatione instructus Christi divinitatem confessus esset, ita enim Servator est allocutus v. 18: *Et ego dico tibi, quia tu es Petrus, & super hanc petram ædificabo Ecclesiam meam (a). Et tibi dabo claves regni cælorum, & quodcumque solveris &c.* Hujusmodi autem verbis significari Primatus prærogativam, & dignitatem, plura sunt quæ persuadent. Primo-Petrus dicitur *Petra*, seu fundamentum, super quo Ecclesia ædificatur; id est autem fundamentum in ædificio, quod princeps in civitate. Secundo ipsa immutatio nominis aliquid singulare Petro tributum innuit, quemadmodum cum Deus Genes. XVII. S. Abrahami nomen immutavit, enimque postea *Abrahamum* vocari jussit, voluit indicare; ipsum Patrem multarum gentium futurum. Tercio promittit Christus, se Petro datum potestatem clavium, ligandi, atque solvendi, quod cum singulariter Petro dicitur, non ceteris, ut patet ex pronominis demonstrativo sæpius repetito, *Tu es Petrus, Tibi dabo &c.*, aliqua certe prærogativa significatur, quæ nullatenus fuerit ceteris Apostolis communis, aliter nihil peculiare Christus Petro promississet: hæc autem specialis prærogativa nihil aliud esse potuit, quam primatus honoris stimulus, & jurisdictionis. Accedit communis Ecclesiæ traditio, qua, ut infra ostendimus, his verbis Primatum fuisse S. Petro promissum, post Christi ascensionem reipsa conferendum, aperte constat (b).

4. Similis est alter Evangelii locus Joan. XXI. 15. & seq., ubi cum Dominus semel, iterum, ac tertio Petrum interrogasset: *Simon Joannis, diligis me plus his?* respondisset autem Petrus: *Domine, tu scis, quia amo te*, Christus iterato adjecit: *pascere agnos meos*, tertia autem vice dixit: *pascere oves meas*. Ut quid autem repetita hæc de amore interrogatio, repetitumque pascendi Domini gregis mandatum Petro datur, si nullum peculiare, & a ceteris distinctum munus

illi collatum fuisset? Sanè quemadmodum majorem præ ceteris a Petro amorem requirebat, ita majorem, quam ceteris, illi potestatem tribuere voluit. Nominè autem ovium bene multi sancti Patres intelligunt Episcopos (vid. inf. n. 42.), qui & ipsi a Petro, ejusque successoribus pasci debent. Et quamvis præceptum, & jus pascendi fideles in doctrina omnibus Episcopis datum sit, ut sancti Petrus Basilii (in *Constit. Monasticis* c. 23.) Ambrosius (de *dignitate Sacerd.* c. 2.) August. (de *agone Christi* c. 40.) alique explicant; id tamen cum hierarchica subordinatione intelligendum est, ne unitas Ecclesiæ sædo schismate prociudatur. Unde S. Bernardus Eugenium R. P. alloquens dicit de Episcopis (Lib. II. de *Consideratione* ad Eugenium cap. 8.): *Habent illi assignatos sibi greges singulos: tibi universi crediti, uni unus. Nec mole ovium, sed & Pastorum tu unus omnium Pastor (c).*

5. Denique Petrum fuisse ceteris Apostolis a Christo prælatum, aliis etiam argumentis in Scriptura non obscure insinuat. Nam primo, ubi Apostoli recensentur, Petrus omnium *primus* nominatur (Matth. X. 2., Marci III. 16., Lucæ VI. 13.). Ulterius sæpe seorsim a reliquis ponitur, tamquam eorum caput; ut cum Marci I. 36. dicitur: *Simon, & qui cum illo erant*, Lucæ VIII. 45. *Petrus, & qui cum illo erant*, & Act. II. 14. *stans Petrus cum undecim*. Tertio quando actum est de uno aliquo in locum Judæ proditoris subrogando, Petrus tanquam aliorum princeps *exurgens in medio fratrum*, quid facti opus esset, proposuit; quomodo intelligendæ essent Scripturæ, declaravit, totam denique electionis formam ordinavit, perspicue distinguens, quænam sui ipsius tanquam capitis, quænam aliorum partes essent (Act. I. 15. & seq.). In celebri etiam Apostolorum synodo de observantia legalium (Act. XV. 7. seq.) Petri principatus apparuit; cum enim magna *conquisitio* fieret, *surgens Petrus dixit &c.* primus omnium sententiam ferens, cui omnes alii unanimi suffragio postea adhæserunt. *Tacuit omnis multitudo*, inquit S. Hieronymus (epist. 74. ad 89. ad S. Augustinum), & in sententiam ejus *Jacobus Apostolus, & omnes simul Presbyteri transierunt*.

6. Neque vero satis est dicere, Petrum fuisse aliis Apostolis ordine solum præpositum; quia ce-

sertationum appendici Diss. de hæresiarchis subnexa.

(a) Hieronymus ita commentatur hæc verba: & ego dico tibi, ubi sermone casso, & nullum habente opus; sed dico tibi, quia meum dixisse fecisti est.

(b) Sam. Basnagius in *Annal.* ad an. 82. n. 29. his verbis Petro aliquid privilegii fuisse contributum fatetur, vult tamen id esse a dignitate monarchica valde discrepare. Si Basnagius solum proprie dictam Monarchiam a S. Petro excludit, non paucos etiam inter Catholicos sibi consentientes inveniet; sed si solum ordinis principatum statuere velit, cum verbis Evange-

licis aperte pugnat; potestas enim clavium, de qua ibi sermo est, est *jurisdictionis*, non honoris tantum privilegium.

(c) Simili sensu S. Bruno Astensis S. Bernardo convexus in Homilia dicta in Vigilia festi S. Petri de eodem iniquibat: *Prius agnos, deinde oves ei* (Christus) commisit, quia non solum pastorem, sed pastorem pastorem eum constituit. Nec alii desunt antiquiores, qui eandem explicationem illorum verborum, *pascere oves meas*, tradiderunt.

teris sive etate, sive vocatione ad Apostolatam antiquior erat. Nam quantum ad vocationem, Andream fuisse prius, quam Petrum vocatum, insinuat in Evangelio Joan. cap. 1. 40. & seq. Quis autem duorum fratrum esset etate major, Scriptura tacente definire non est facile (a), quod etiam Sam. Basuagius, vir inter adversarios nostros magis nominis, aperte fatetur (b). Quod si aliqui Patres dicunt, Petrum vel propter maiorem etatem, vel propter vocationem priorem fuisse ceteris Apostolis præpositum, hi nobis minime adversantur; loquuntur enim de prælatione nedum honoris, sed etiam jurisdictionis, quamcumque demum ejus fuisse causam existimaverint. Alla enim fuit Christo Domino causa instituendi in Ecclesia primum auctoritatis, alia eundem primum conferendi S. Petro. Unde facile illi Patres intelliguntur, qui varias afferunt causas, cur Petro potius, quam alteri Ecclesie principatus collatus fuerit (c).

7. Nostræ etiam propositioni tota suffragatur S. Patrum traditio, ex quibus nonnulla modo testimonia afferemus, alia autem solutionibus argumentorum opportunit aptabimus. Eos præmittito, quæ Evangelistarum morem imitati, S. Petrum primo locbo nominarunt, & me confero ad Origenem, qui (Hom. V. in Exod. n. 4. Tom. II. Edit. Paris.) Petrum vocat *magnum Ecclesie fun-*

*damentum, & petram solidissimam, super quam Christus fundivit Ecclesiam.* Hom. autem de diversis eundem S. Petrum summum Apostolorum verticem appellat, S. Cyprianus epist. LXXI. *Petrus, inquit, quem primum Dominus elegit, & super quem ædificavit Ecclesiam (d).* Eusebius Cæsariensis (Lib. II. Hist. Eccl. cap. 14.) S. Petrum appellat fortissimum, & *maximum inter Apostolos, & virtutis merito reliquorum omnium principem, ac patronum (e).* S. Cyrillus Alex. (Lib. XII. in Joan.) Petrum dicit ceterorum caput, ac principem. S. Joan. Chrysostomus (Hom. LV. in Matth.) *Ecclesie Pastorem, & caput (f); & rursus (Hom. III. in Act. Apost.) Chori Apostolorum principem:* ac denique (Hom. LXXXVII. in Joan.) *Os, principem, & verticem Apostolorum.* S. Augustinus (in Ps. CVIII. n. 1.) S. Petrum Ecclesie personam gestasse dicit; *propter primum, quem in discipulis habuit; idemque repetit Tract. CXXIV. in Joan. dicens: Ecclesie Petrus Apostolus, propter Apostolatus sui principatum gerebat figurata generalitate personam...* natura unus homo erat; gratia unus Christianus, abundantior gratia unus, idemque primus Apostolus. Agnoscit claudat S. Leo, qui (Serin. III. in Annis, die sua assumpti, cap. 2.) *De toto mundo, inquit, primus Petrus eligitur, qui & universarum gentium vo-*

(a) Baronius ad an. 31. n. 24. putat, Andream fuisse etiam etate Petro majorem: id quod ex Sandi Euphaphio acceptum est Har. 51. Hieronymus contra Lib. I. cont. Jovinianum Petrum senioreni fuisse credit, eique propter etatem delatum fuisse primum. Quod idem sentiunt etiam Chrysostomus Hom. LIV. in Matth. & Cassianus Lib. III. De Incarn.

(b) In Annal. Eccl. politici ad an. Christi 30. n. 33.

(c) Joan. Harduinus in Præf. ad N. V. solita sua audacia novam, & Patribus omnibus inauditam causam commentus est, quare Petrus fuerit ceteris Apostolis a Christo prelati; quod nempe latine sciret, & esset propiora idoneus, ut Ecclesia caput, & Principem Apostolorum decebat, ad prædicandum latine verbum Dei, & cum Romanis ferenda colloquia. Diderat autem S. Petrus linguam latinam, non Spiritu S. docente, sed in Jerusalemiano illo gymnasio, quod Hierosolimus ad juvenentium in linguis græca, & latina instruendam fundatum esse somniavit. Sed quod postea magis lapidum est, si Harduinum audiamus, S. Petrus nunquam Romæ fuit; de qua re videbimus postea. Sed missis his nugis, Sandi Patres alias afferunt graviores causas, cur Petro potius, quam alteri Apostolorum fuerit hæc extima dignitas collata. Præcipua autem fuit major ipsius fides, & charitas. Male autem ex his causis M. Antonius de Dominis Lib. I. de republ. Eccl. c. 4. n. 7. inferit, non nisi primas honoris partes fuisse Petro concessas. Neque enim primatus solus ordinis sine ulla potestate ad Ecclesie regimen sufficiebat, quæ causa fuit instituendi primum.

(d) Censui perscrutandum ab iis verbis S. Cypriani Lib. de unit. Ecclesie n. 7: *Primates Petro datur, ut una Christi Ecclesia, & Cathedra una monstretur;* ne scilicet cum Latino, Rigaltio, Fello, aliisque Criticis, an sit genuina, licet non necessariam institua-

mus, cum alia suppetant ejusdem Sandi Mart. luculentia in rem nostram testimonia. Vid. Not. in hunc locum, & Præf. edit. Baluziane factæ a D. Paul. Maran Paris. 1726. Invenimus tamen hujusmodi verba citata a Pelagio II. qui obit an. 550. in Ep. 2. ad E. liam, & Episcopos latine. Manilius in sua editione operum S. Cypriani factæ Romæ anno 1573. ex vetustissimis codicibus, & potissimum ex Veronensi, cuius antiquitas ad novem secula computabatur, ea verba, ut legitima, retinuit. Eademque ut genuina defenderunt Remondus Russus contra Molineum, & Alanus Gops in Dialogo primo contra Centuriatores Magdeburgenses (sen potius Nie. Harpsfeldus Anglus, qui sub regno Elisabethæ multa pro religione catholica fortiter passus, fuit horum dialogorum editor). Videri etiam hæc de re potest Nat. Alexander Diæ. XII. in Sæc. XIII. & XIV. n. 12.

(e) Frustra Casaubonus illam vocem ἀρχιεπίσκοπος, quam Valesius post Ruffinum, & Chrysostomum vertit *Principem*, vult esse latine reddendam *primum locatorem.* Hæc enim Casauboni interpretatio nudi verbo græco non respondet, sed nec Eusebii scopo, qui ibi dicit, a Dei clementia fuisse Petrum Romam perductum, ut Simonem Magum confunderet, ut scilicet hæretica pravitate principi, quomodo cap. præc. idem Eusebius Simonem vocat, *Apostolorum princeps* opponeretur.

(f) Cavillatur Justinus Febronius Tomo III. n. 29. seq. contendens, a Sandis Patribus Christum solum fuisse appellatum *Caput Ecclesie, Petrum vero nunquam.* Sed allata S. Joan. Chrysostomi verba enim falsitatis convincunt. Et si etiam hoc verum esset, sufficerent alie loquendi formulæ ad nostram propositionem confirmandam.

tationi. & omnibus Apostolis, cunctisque Ecclesiae Patribus præponatur, ut quævis in populo Dei multi Sacerdotes sint, multique Pastores, omnes tamen proprie regat Petrus, quos principaliter regit & Christus.

8. Obj. contra primam prob. Verba illa, Et super hanc petram ædificabo Ecclesiam meam, non referuntur ad Petrum, sed ad Christum. Nam Apostolus 1. Cor. X. 4. dicit: Petra autem erat Christus. Ulterius S. Augustinus (Ser. XIII. de verbis Domini Tom. V.) ita verba illa interpretatur: Super hanc petram ædificabo Ecclesiam meam, super me ædificabo te, non me super te; & Tract. CXXIV. in Joann. intelligitur, inquit, Christus petra, Petrus Ecclesia. Idem docent Origenes (Tom. XII. in Matth. n. 10.), Eusebius, & alii.

9. Resp. Et Christum, & Petrum esse illam petram, supra quam ædificata est Ecclesia, diverso tamen sensu. Christus enim est petra principalis, primumque totius ædificii fundamentum, unde etiam Apostolus 1. Cor. II. 11. inquit: Fundamentum aliud nemo potest ponere, præter id, quod positum est, quod est Christus Jesus. Petrus autem erat petra, & fundamentum secundarium, & ministeriale, quatenus vicaria Christi potestate fungens, ceteris Apostolis, & fidelibus præerat. Constat autem ex obvio contextus sensu, ibi petram non de Christo dici, sed de Petro; alias perichœa esset valde implexa, si Christus ita dixisset: Simon, tu es Cephas, seu petra, & super hanc petram, nempe super me, ædificabo Ecclesiam meam. Hinc S. Hieronymus (in c. XVI. Hieremias) non solum, inquit, Christus petra, sed & Apostolo Petro donavit, ut vocaretur petra; & sæpius sancti Patres obviæ contextus sensum docuit verba illa ad Petrum referunt, quamvis aliquando etiam referantur ad Christum.

10. S. autem Augustinus ad Christum, & ad Petrum ea verba referri posse docuit. Nam in Lib. I. Retr. c. 21. de suo Opere loquens, quod contra ep. Donati elucubraverat, in hoc Libro, inquit, dixi in quodam loco de Apostolo Petro, quod in eo, tanquam in petra, fundata sit Ecclesia; post autem affert aliam interpretationem sæpius a se adhibitam, quæ scilicet per petram intelligat Christum; ac tandem concludit: hanc duarum, quæ sit probabilior, eligit lector.

11. Inst. 1. Nonnulli sancti Patres nomine petre ministerialis, seu fundamenti secundarii intelligunt non Petrum solum, sed omnes Apostolos. Insignis est Eusebii Cæsariensis locus (comment. in Ps. XVI.). Si fundamentum, inquit, Ecclesiae cogites, primo quidem infrastruam illam, & solidam petram, in qua fundata est, secundum illud: supra petram ædificabo Ecclesiam meam... Petra autem erat Christus; aut, ut Apostolus

indicit his verbis: fundamentum aliud nemo potest ponere &c. at post ipsum Salvatorem fundamenta Ecclesiae existimare esse prophetica, & apostolicos sermones secundum Apostoli dictum (Eph. II. 20.); superædificati super fundamentum Apostolorum & Prophetarum ipso summo angulari lapide Christo Jesu, nequaquam a scopo aberraveris. Hæc igitur orbis fundamenta revelata sunt. Idem tradit S. Athanasius in Ps. XLVII.

12. Respond. Etiam Apostolos ceteros posse petram, & fundamenta Ecclesiae appellari, sed post Petrum, quemadmodum Petrus his nominibus appellatur post Christum: ut enim illi ædificatio materiali est, quædam veluti series fundamentorum, ita in Ecclesia, ut primum, maximum, & proprie dictum, seu, ut alii loquuntur, essentielle fundamentum sit Christus; post ipsum Petrus fundamentum est secundarium, & ministeriale, cum ipsum Christus in cælum ascendens in Ecclesia sua ceterorum caput visibile esse voluerit: deinde vero Apostoli, qui in universum mundum ad fundandas Ecclesias dispersi sunt, fundamenta etiam ministerialia appellati possunt, sed Petro aliqua ratione inferiora. Id non ignoravit, nec inficiatus est Eusebius, qui (Hom. V. in Ex. n. 5. Tom. II.) Petrum vocat magnum illud Ecclesiae fundamentum, & petram solidissimam, supra quam Christus fundavit Ecclesiam: quibus verbis aliquid Petro singulariter attributum cæcis est qui non videat. Unde etiam S. Hieronymus Lib. II. contr. Jovinianum, Licet, inquit, super omnes Apostolos ex æquo Ecclesiae fortitudo solidetur, tamen propterea inter duodecim unus eligitur, ut capite constituto, schismatis tolleretur occasio.

13. Inst. 2. Alii Patres Ecclesiam fundatam dicunt supra Petri confessionem, seu supra fidem, quæ in Ecclesia deficere non potest, & propterea recte dicitur Ecclesiae fundamentum. Ita S. Hilarius, inquit (Lib. 6. de Trin.). Super hanc igitur confessionem petram Ecclesiae ædificatio est... Hæc fides Ecclesiae est fundamentum. Per hanc fidem infirmæ adversus eam sunt portæ inferorum. Unde etiam S. Thomas 2. 2. quæst. 174. art. 4. ita explicat illa verba super hanc petram, scilicet confessionis tue &c. (a).

14. Resp. Sanctos Patres Ecclesiam fundatam dicere supra Petri confessionem non excludendo ipsius Petri personam, sed potius utrumque conjungendo, ita ut Ecclesia Christi dicatur fundata supra Petrum simul, & supra ejus confessionem, supra Petrum quidem formaliter, secundum Scholæ vocabula: supra illius veram confessionem casualiter, & meritorie; quia Petrus confitendo Christi divinitatem, ut sibi Primatus conferretur, quædam ratione promeruit (b). Hinc iidem sancti Patres

(a) Ingentem similium copiam affert P. Manachius p. 261. seq. T. V. Orig. & Antiquit. Christ.

(b) Promeruit, inquam, non merito Pelagiano ex ejus viribus orto, quemadmodum a nobis asserti, vel per

tres Ecclesiam modo supra Petri confessionem, modo supra ipsum Petrum fundamenta dicunt, quia unum cum altero non pugnat, sed ambo in diverso sensu amice coniunguntur. Audiatur pro omnibus S. Hilaritus (in *Matth.* c. XVI.) *Dignum plane confessio Petri primum consecuta est... Beatus hic est, qui ultra humanos oculos intendit se, & vidisse laudatus est... O in nuncupatione novi nominis felix Ecclesie fundamentum, dignaque ædificatione illius petra &c.* & S. Basilii (Lib. II. adv. *Eunom.* post init.) *ædificatam super Petrum Ecclesiam, dicit, quia fide præstabat (a).*

15. Inst. 3. Si Christus voluisset in verbis Petrum indigitare, non dixisset: *Tu es Petrus*, sed *Tu es Petra*, ut recte S. Augustinus observat in Libro I. *Retract.* c. 21.

16. Resp. Si S. Joannis relationem audiamus, omnia evanescent difficultates, ita enim habet cap. I. 42.: *Tu es Simon filius Jona: tu vocaberis Cephas, quod interpretatur Petrus.* Neque vero non conturbet illud verbum vocaberis a S. Joanne adhibitum, quasi Petrus fuerit tantum appellatus, non autem reipsa constitutus Ecclesie petra; non inquam: sexcentis enim exemplis demonstrari potest, in sacris Litteris vocari idem prorsus sonare, ac esse, ut cum-Isaías de Messia vaticinans inquit cap. IX. 6.: *vocabitur nomen ejus admirabilis, consiliarius, Deus fortis, Pater futuri sæculi, Princeps pacis: videlicet erit admirabilis &c.* his enim nominibus fuisse Messiam appellatum, nemo est, qui ignoret. Ita non absimiliter intelligenda sunt verba Christi: *Tu vocaberis Cephas, videlicet, tu eris petra, super quam ædificabo Ecclesiam meam.*

17. Sed si etiam Sancti Matthæi narrationem attendere velimus, cum ille Syro-hebraica lingua suum Evangelium scriperit, ut omnes fere eruditi censent, nil mirum est dixisse: *Tu es Petrus, & super hanc petram &c.* quia Syriaca lingua idem est *Petrus*, & *Petra* (b). Quod si tandem contendatur, Matthæum græce scripsisse Evangelium (ut aliqui, quamquam parum verosimiliter, volunt), dico, *πίτρος*, & *πέτρα*, idem prorsus significare (c). Fortasse vero Evangelista cum Petri personam designare voluit, usus est masculino nomine dicens, *tu es Petrus*; cum autem ejus officium, feminino dicens: *Et super hanc petram &c.* Quod si Augustinus aliter sensit; ratio grammaticæ eum fefellit, inquit Pe-

trus de Marca (d), cum *Petram aliud esse a Petro ex lingue Syriacæ ignorantia putaverit.* Ceterum in eodem loco etiam Petrum referri posse ad Petrum S. Augustinus concedit, & unicuique liberum relinquit, ut quam probabiliorem interpretationem putat, sequatur. Imo hanc interpretationem & ipse Augustinus sequitur super Psal. LXIX. num. 4. dicens *Petrum fuisse appellatum Petram, super quam fabricaretur Ecclesia.* Vide sup. num. 10.

18. Instab. 4. Christus eodem loco v. 23. appellavit Petrum *Satanam*: ergo non est verisimile, eum designare voluisse per illam *petram*, super quam ædificaturus erat Ecclesiam, nisi dicere velimus, Ecclesiam esse super *Satanam* ædificatam.

19. Resp. Petrum fuisse appellatum *Satanam*, hoc est *adversarium* (id enim *Satan* significat) quando Christum a toleranda passione dehortabatur; quod certe non impedit, ipsum fuisse petram, & fundamentum Ecclesie designatum. Christus enim nondum gratia sua illum ita consolidaverat, ut jam esset Ecclesie fundamentum; sed in se postea factum promiserat Lucae XXII. 32. *Rogavi pro te, ut non deficiat fides tua, & tu aliquando conversus confirma fratres tuos.*

20. Obj. 2. contra alia verba: *Et tibi dabo claves &c.* S. Augustinus (*Tract. L.* in Joann.) vult Petro non alia ratione esse traditas claves, nisi quatenus Ecclesiam præfigurabat. Si hoc, inquit, Petro tantum dictum est, non facti hoc Ecclesie. Si autem & in Ecclesia fit... Petrus quando claves accepit, præfigurabat Ecclesiam. Vid. etiam in *Serm.* 295. n. 1. Tom. IV.

21. Resp. Petrum utique præfigurasse Ecclesiam, non tamen quocunque modo, sed tamquam supremum in ea caput, & principem; quod S. Augustinus luculenter in eodem opere declarat, inquit: *Ecclesie Petrus Apostolus &c.* Vide supra n. 7.

22. Inst. Etiam aliis Apostolis datæ sunt claves a Christo, cum ipsis dictum est *Matth.* 18. 28. *Quæcumque alligaveritis super terram, erunt ligatæ & in cælo, & quæcumque solveritis super terram, erunt solutæ & in cælo.* Similiter etiam pascendi dominicum gregem curam universi Christi demandavit, cum dixit *Matth.* cap. postremo 19. *Euntes docete omnes gentes; quæ verba expendens S. Isidorus Hispalensis (De offic. Eccl. Lib. II. cap. 5.) dicebat: siquidem & ceteri Apostolorum Petro par consortium hono-*  
ris

calumnia, vel per inscitiam Casanbonus fingit *Exerp.* in *Baroniam* n. 21.; sed merito ex gratie ope proveniente; ut Petrus non minus, quam Paulus dicere debuerit: *Gratia Dei sum id, quod sum* I. Cor. XV. 10.

(a) Hand inepte observat Cardinal. Petronius in *Resp. ad Britannicæ Regem* cap. 56., veteres Patres, qui ante Arianam hæresin floruerunt, Tertullianum, Origenem, & Cyprianum, retulisse allata Christi verba ad personam S. Petri: alios vero posteriores ad e-

jusdem confessionem, quia hæc confessio Sancti Petri ita peropportuna erat ad veram Jesu Christi divinitatem contra blasphemias Arianorum vindicandam, non tamen ipsam Petri personam exclusivam.

(b) Vid. Maldonatus in hunc locum.

(c) Vid. Jo. Scapula in *Lexico.*

(d) In *Diss. de discrimine Clericorum & Laicorum* v. 3. n. 33.



ris, & potestatis acceperunt. Ergo nihil ex his pro Petri Primatu extendi potest.

23. Resp. cum S. Thoma (in IV. Sentent. Dist. qu. 3. art. 2. quæstione. 3. ad 1.): *Quamvis omnibus Apostolis data sit communiter potestas ligandi, atque solvendi; tamen, ut in hac potestate aliquis ordo significaretur, primo soli Petro data est, ut ostendatur, quod ab eo in alios debet ista potestas descendere.* Id autem præterquamquod ex constanti Patrum traditione aperte colligitur, etiam ipsa verba a nobis superius allata luculenter insinuant. Antequam enim clavium potestas ipsi tradatur, præmittitur: *Tu es Petrus, & super hanc petram &c.* & antequam pascendi agnos, & oves præceptum illi imponatur; dicit: *Simon Joannis, diligis me plus his?* Vel itaque frustra hæc a Servatore nostro, & sine ulla significatione præmissa sunt; vel, si hoc inipsum esse cogitare, concludendum est, non eodem modo fuisse Petrum ac ceteris Apostolis clavium potestatem, pascendique dominici gregis curam demandatam; sed Petro ut capiti, ceteris autem ut ministris capiti subordinatis. *Quamvis*, inquit S. Cyprianus (in Lib. de unit. Eccles.), *Apostolis omnibus parem potestatem tribuat, & dicat: sicut misit me Pater, & ego mitto vos, accipite Spiritum Sanctum, si cui remiseritis peccata, remittuntur illi, si cui retinueritis, retinebuntur;* tamen ut unitatem manifestaret, unitatis ejusdem originem ab uno incipientem sua auctoritate disposuit. Eadem fere habet etiam S. Hieronymus Lib. I. adv. Jovinian. in eo ipse Isidorus Hispal. in epist. ad Fulgentium Tolet. Episcopum, ubi Petri Primatum ex multis Sacre Scripturæ locis ostendit (a).

24. Instab. 2. Traditio clavium non designat summam potestatem. Legimus enim Isaia XXII. 22. fuisse dictum de Eliacim: *Et dabo clavem domus David super humerum ejus, & aperiet, & non erit qui claudat, & clauset, & non erit qui aperiat.* At vero Eliacim servus erat Regis Ezechie, ac præpositus ipsius domus. (4. Reg. XVIII. 18. & XIX. 2.)

25. Resp. Hoc loco nostram potius confirmari, quam labefactari, sententiam; certum est enim, per clavem domus David ibi significari summam sacerdotii potestatem, quam Dominus a Sobna ablatam Eliacim tradere constituit, unde Eliacim inter summos veteris Synagoge Pontifices numerari solet (b). Quod vero Eliacim servus fuisse dicatur Ezechie, parum refert; id enim intelligendum videtur de eo tempore, quo nondum ad summum Sacerdotii gradum evehctus fuerat.

26. Ino hinc etiam eorum sententia exploditur

qui clavium potestatem, quam Christus Petro, & Apostolis tradidit, nihil aliud fuisse velint, quam facultatem docendi, explicandi, & interpretandi sacras litteras. Sane hæc potestas clavium in summis Sacerdotibus vet. Test. veram jurisdictionem in spiritualibus negotiis significabat: cur ergo idipsum non significabit etiam in novo?

27. Obj. 3. Si Petro fuisset principatus a Christo his verbis: *Tu es Petrus &c. & Pasce oves meas* collatus, id minime ignorasset ceteri Apostoli, quibus audientibus ea Petro dicta sunt; atqui tamen ceteros Apostolos id ignorasse ex eo maxime liquet, quod, ut dicitur Lucæ XXII. 24., *facta est contentio inter eos, quis eorum videretur esse major:* quæ certe contentio non fuisset excitata, si omnibus notum, perspektumque jam erat, Petrum esse aliorum caput. Hanc autem contentionem omnino de Primatu fuisse, ex circumstantiis colligi potest; facta est enim in ultima cæna, postquam Christus se brevi tradendum esse prædixit, unde occasione caperunt Apostoli quærendi, quis Christi abeuntis vices gesturus esset. Sed illud notatu dignum, quod Christus ad hanc contentionem tollendam, non respondit, Petrum esse ceteris majorem, sed potius omnium inter eos prææcellentiam eliminatam voluit, subdens: *Reges gentium dominantur eorum, & qui potestatem habent super eos, benefici vocantur. Vos autem non sic; sed qui major est in vobis, fiat sicut minor, & qui præcessor est, sicut ministrator.*

28. Respond. Non deesse interpretes, qui putent, hanc Apostolorum contentionem ab Evangelista Luca fuisse relatum loco non suo, utpote quæ multo ante ultimam cænam contigerit, & legendum esse: *Fuerat autem & contentio eorum &c.* Certe Matthæus XX. 2. illa Christi verba: *Principes gentium dominantur eorum &c.* ea occasione refert, qua mater filiorum Zebedæ rogavit, ut unus eorum ad dexteram, alter ad sinistram in regno ejus sederet (c). Quod si admittatur, fortasse contentio inter Discipulos exorta est, antequam Christus Petrum ceterorum Principem designasset.

29. Verum si quis omnino velit, hanc contentionem fuisse in postrema cæna enatam, dico, nihil ex ea contra sacrum Petri principatum erui posse, quia ibidem Christum solummodo Primum ambitione quæsitum, & superbo supercilio administrationi excludit, cujusmodi erat Regum gentium dominatio; non autem Primatum ad ædificationem Ecclesiæ Petro collatum, quique cum eximia humilitatis virtute conjunctus esset; quæmobrem non respondit Christus: *Nidius sit inter*

ros

(a) Ita enim habet: *Quod vero de paritate agitur Apostolorum, Petrus præmiat ceteris, qui a Domino audire meruit: Tu es Petrus &c. Pasce agnos meos. Honorem Pontificatus in Christi Ecclesia primus suscepit, cujus dignitas potestatis etiam ad omnes Catholici Gazzaniga Theol. Tom. I.*

eorum Episcopos est transfusa, specialius tamen Roman. Antistiti singulari privilegio, velut capiti, ceteris membris celsiori, permanet in æternum &c.

(b) Vid. S. Hieronymus in Chron. c. 4a.

(c) Vid. Maldonatus, & Grotius in Commentariis.

vos major, & omnes estote æquales; quod utique eum respondere oportebat, si omnem a collegio Apostolorum dignitatis præcellentiam remota voluisset; sed dixit, *qui maior est in vobis* &c. pro certo habens, aliquos inter eos esse inæqualitatis gradus.

30. Demum etiam concederetur, Apostolis non omnino compertum fuisse eorum verborum sensum, quibus Christus Petrum, ut eorum Principem, designaverat, nihil sequeretur absurdum. Namque neque futuram Christi resurrectionem plene cognoverunt, quamvis ab eo sæpius prædictam (c. Joann. XX. 9.). Ceterum post Christi ascensionem in cælum, nullus amplius Petrum omnibus prælatum esse dubitavit.

31. Nemo tamen molestus sciscitetur, quare Christus hac occasione, qua nulla opportunior videbatur, perspicue, & explicate Petrum futurum ceterorum Principem non declaraverit? Non, inquam: similibus enim questionibus haud facile est, satis facere, si vive quia omnes rei gestæ circumstantiæ non innotescunt; si ve etiam quia nonnulla ab inscrutabili iudiciorum Dei abyso pendent. Et si hoc argumentum semel valeat, in pluribus aliis fidei capitibus, quæ nobiscum Protestantibus constituntur, valere poterit.

32. Instab. 1. Neque post Christi ascensionem Apostoli aliquam dignitatis præcipuæ prærogativam agnoverunt in Petro. Nam primo, ut legitur in Act. Apost. VIII. 14. Apostoli eum miserunt simul cum Joannē in Samariam; ut vero nemo fidelium, quibus persuasum est, Rom. Pontificem esse in tota Ecclesia Primatem, eum aliquo mittere præsumeret. Secundo. Petrus accessit, quare Gentilibus evangelizaret, coactus est se purgare Act. XI. 3. seq. quod in supremam dignitatem cadere non posse videtur. Tertio. Multo minus cum Petri principatu conciliari potest acris illa reprehensio, qua Paulus in faciem ei restitit, eo quod non recte ambularet ad veritatem Evangelii ad Gal. II. 11. seq. Quarto. Quotiescumque aliqua in Ecclesia vel electio, vel controversiæ decisio facienda fuit, occur Petro delata non est, si ipse prima, supremæque auctoritate potiebatur? Denum. Aliquando in sacris Litteris Petrum nominatum invenimus, non primo loco, ut certe Apostolorum Principem decebat, sed vel intermedio, vel etiam postremo (Joann. I. 44. 1. Cor. I. 12. item III. 22. & IX. 6. ac denique ad Gal. II. 9.).

33. Resp. Apostolos satis perspicuis argumentis in Petro singulare aliquod dignitatis privilegium

manifestasse, ut supra declaravimus n. 5. Ad 1. autem dico, Petrum fuisse ab aliis Apostolis missum non auctoritate domini, sed communi consilio, propter rei, de qua agebatur, gravitatem, ut scilicet fides a Philippo in Samariam jam plantata, profundiores radices figeret, & latius etiam propagaretur. Sic fideles, qui erant Antiochiæ, exorta legalium controversia, Paulum, & Barnabam, procul dubio ipsis dignitate, auctoritateque præcellentes, miserunt Jerusalem ad consiliandos Apostolos.

34. Ad 2. resp. disputationem illam non esse factam auctoritate imperii, quasi Petrus iis Judæis, ad fidem conversis, qui contra eum disceptabant, tanquam non solum par, sed plane subiectus rationem reddere debuisset; sed potius inquirendo; neque enim, ut Estius observat, primi illi Christiani ex circumcissione videntur fuisse in mysteriis omnibus plene instructi; Petrus autem Pastoris mansuetudine, non subjectionis necessitate, optimum factu putavit, eorum, quæ a se gesta fuerant, rationem exponere, ut hac occasione mysterium vocationis Gentilium eos edoceret. Ita Christus non semel & doctrinæ, & pastorum suorum rationem reddere non est designatus (a).

35. Ad 5. resp. S. Thomas (2. 2. q. 33. art. 4. ad 2.) : *Ubi immineret periculum fidei, etiam publice essent Prælati a subditis arguendi: unde Sanctus Paulus, qui erat subditus Petro, propter imminens periculum scandalici circa fidem, Petrum publice arguit. Et sicut Augustinus dicit (ep. 82. al. 19. n. 22.) Petrus rarius, & sanctius exemplum posteris præbuit, quo non delignarentur, sicuti forte recti tramitem reliquissent, etiam a posterioribus corrigi (b). Itaque facile hoc argumentum solvitur, quin necesse habeamus ad eorum sententiam confugere, qui Cepham a Paulo reprehensum esse a Petro diversum commentum sunt, quam sententiam Harduinus restaurare conatus est.*

36. Ad 4. resp. nedom Petrum, sed etiam quemlibet Apostolorum ex peculiari Spiritus S. afflatu, qui iis semper præsto erat, potuisse & questionibus circa fidem exortas tuto definire, & quæcumque ad Ecclesie politiam pertinebant, constituisse; id tamen facere noluisse, ut exemplum posteris relinquerent, quomodo graviora Ecclesie negotia tractanda forent. Ceterum in omnibus huiusmodi rebus vel definiendis, vel constituendis, Petrum ratione suæ auctoritatis primas partes exercuisse jam demonstravimus (vid. supr. n. 5.)

37. Ad ultim. respond. Certe ab Evangelistis,

u-

(a) Hanc S. Petri humilitatem jure miratur Sanctus Gregorius M. in ep. XLV. olim 39. ad Theodistam Patricium Lib. XI. Indict. IV. iniquis: *Petrus potestate regni cælestis acceperat, ut quæcumque in terris ligaret, vel solveret, essent in cælo ligata, vel soluta: super mare ambulavit, ærotantes umbra curabat, peccantes verbo occidebat, mortuos oratione suscitabat...*

Et tamen idem Apostolorum primus tanta donorum gratia repletus, tanta miraculorum potestate suffultus, quærela fidelium non potestate, sed ex ratione respondit causam per ordinem exponit &c.

(b) Vid. etiam in Lect. III. super cap. II. ep. ad Galatas.

ubi omnes Apostoli ex ordine recensentur, primas semper Petro dari, ut supra ostensum est n. 5. Nec vero Evangelistis contrarius est S. Paulus. Nam in 1. ad Corinth. c. I. cum ait: *Unusquisque vestrum dicit: Ego quidem sum Pauli, ego Apollo, ego vero Cephae, ego autem Christi*, manifeste loquitur ordine inverso, & postremum locum sibi ex modestia tribuit, superiorem Apollo, adhuc majorem Petro, supremum Christo. Idipsum facit in aliis duobus capitibus III., & IX. ejusdem epistolae, semper Petrum extremo loco nominans dignitatis causa. In epistola vero ad Gal. putant multi factam esse Exscriptorum iucuria transpositionem, & legendum esse *Cephas, & Jacobus, & Joannes*, quomodo apud Chrysostomum, Hieronymum, Augustinum, aliosque Patres, necnon in vetustissimis codicibus, adhuc legitur.

38. Inst. 2. Quando Apostolus Ecclesiasticam hierarchiam ex instituto describit, ut Eph. IV. 14., & 1. Cor. XII. 28. nullam prorsus facit capitis alicujus mentionem, & utrobique primo loco Apostolos nominat. Sane, inquit *Basnagius* (ad an. 31. n. 78.) Pontificis Mosaiici auctoritatem, quae Sacerdotibus praestabat, in Vet. Testamento videmus ita fuisse depictam, ut titulus, vestibus, functionibus ab aliis templi ministris secerneretur. Cur ergo idipsum in novo Testam. factum non est cum Petro, si ceteris Apostolis reipsa dignitate praestabat?

39. Resp. A S. Paulo *implicite* in locis laudatis Primatum intelligi, dum Apostolos nominat, in quibus erat Petrus Primatus praerogativa distinctus: alibi per Scripturam ejusdem mentionem *explicitam* facit, & argumentum negativum nullus est roboris, quando positivo opponitur. Neque vero multum refert, si novo Testamento Primatus praerogativa exterius iis honorum signis distincta non est, quibus in veteri Synagoga summi Sacerdotes uti solebant, praesertim si loquamur de ea aetate, qua Ecclesia Christi ob furentes Gentilium persecutiones externam caeremoniarum solemnitate adhibere non poterat. Sufficit, summam Petri dignitatem non obscuris Scripturarum oraculis, & perspicuis Traditionis testimoniis fuisse nobis certo certius manifestatam.

40. Obj. 4. S. Patres docent, omnes Apostolos fuisse pares. Nam primo S. Cyprianus: *Hoc erant utique*, ait, (de unitate Ecclesiae.) & ceteri Apostoli, quod fuit *Petrus*, pari consortio praediti & honoris, & potestatis..... *Episcopatus unus est*, cujus a singulis in solidum pars tenetur. Secundo S. Ambrosius de S. Petro loquens Primatum illi tribuit, sed non jurisdictionis, & auctoritatis. *Statim* inquit (de Inc. c. 4. n. 32.)

*loci non immemor sui primatum egit: primatum confessionis utique, non honoris: primatum fidei, non ordinis.* Tertio S. Gregorius M. dicit (Lib. V. ep. 18.), Petrum fuisse Ecclesiae membrum, non caput. Demum Clemens Alex. (a) non Petro, sed potius Jacobo Primatus dignitatem collatam dicit. Ait enim, post *Servatoris ascensum, Petrum, Jacobum, & Joannem*, quamvis Dominus ipsos ceteris praetulisset, non idcirco de primo honoris gradu inter se contendisse, sed Jacobum cognominatum *justum Jerosolymorum Episcopum* elegisse. Et antea alter Clemens, scilicet Roman. Pontifex, scribens ad eundem Jacobum, eum appellat Episcopum Episcoporum, & regentem omnes Ecclesias, quae ubique Dei providentia fundatae sunt (b). Accedit Hesychius Jerosolymitan. Presbyter, qui (c) Jacobum vocat *summum ducem, Sacerdotum principem, Apostolorum caput, & in capitibus verticem.*

41. Resp. verba illa S. Cypriani esse explicanda de potestate Apostolatus *essentialis*, in qua utique omnes Apostoli pares erant, non autem de *accidentali* quadam potestate, quae Petro collata fuit ad unitatis centrum constituendum. Ordinaria potestas ipsi Apostolatu intrinseca, & essentialis ea erat, qua unusquisque poterat ubique gentium ligare, solvere, Ecclesias fundare, Episcopos ordinare, ceteraque omnia praestare, quae ad Evangelii propagationem pertinebant. Et in hac potestate hoc utique erant ceteri Apostoli, quod fuit Petrus; sed Petro aliquod singulare auctoritatis extensum, & *extraordinariae* privilegium collatum est, quo ceteris praerat ad unitatis vinculum conservandum. Hoc non negavit Cyprianus; nam ut mittam ea verba immediate sequentia: *Primatus Petro datur, ut Ecclesiam una monstretur* (ne scilicet contentiois funem longius cum iis protrahamus, qui, an genuina sint, dubitant), id tamen aliis aequipollentibus exprimit immediate antea dicens: *Ut unitatem manifestaretur, unitatis ejusdem originem ab uno incipientem sua auctoritate disposuit.* Quis, rogo, hic unus est, nisi Petrus? Cum vero subdit Sanct. Martyr: *Episcopatus unus est, cujus a singulis pars in solidum tenetur*; nihil aliud vult indicare, nisi Ecclesiae unitatem, cujus conservandae, propagandaeque studio omnes in solidum tenentur, sed tamen cum debita illi obedientia, qui ejusdem est centrum; unde etiam idem S. Martyr (epist. 75. ad Jubaianum) loquens de Ecclesia, *Una est*, inquit, & *super unum, qui claves ejus accepit, voce Domini fundata.*

42. Ad 2. resp. S. Ambrosium loqui de tempore, quo Christus visibilis in terris degebat quacerte tempore Petrus, novissimus primatum fidei, & confes-

(a) Lib. VI. *Institutionum ecclesiasticarum* apud Eusebium Lib. Hist. Eccl. cap. I.

(b) Apud Constant. T. I. Ep. R. Pont. in app. n. 1.

(c) Apud Photium in Biblioth. cod. 275.

fessionis habuit; at vero idem S. Pater manifeste agnovit post Christi ascensionem ad cælum fuisse Petrum consecutum etiam Primum honoris, & jurisdictionis, ita ut Vicaria Christi Domini potestate fungeretur; inquit enim ( in Lucam Lib. X. n. 175. & seq. ) a Domino fuisse interrogatum Petrum, *Simon diligis me plus his?* non quasi ille dubitaret, sed ut doceret, quem elevandus in cælum; amoris sui veluti vicarium relinquebat... Denique tertio Dominus, non jam diligis me, sed amas me, interrogavit, & jam non agnos, ut primo quodam lacte pascendos, nec oculos, ut secundo, sed oves pascere jubetur, perfectiones ut perfectior gubernaret.

43. Ad 3. Sancti Gregorius P. negavit tantummodo, Petrum fuisse Ecclesie caput primum, ac independens, cujusmodi est solus Christus; non autem caput secundarium, ministeriale, & visibile.

44. Clementem vero Alexandr. manifestum est, loqui, non de Primatu in universa Ecclesia, sed de Episcopatu Jerosolymitano, ac propterea illa verba de primo honoris gradu restringenda sunt ad Ecclesiam Jerosolymitanam, non ad Ecclesiam universam extendenda. Neque vero ferendi sunt, qui laudatum Clementis Alexandr. locum ex Salsileensi codice ita vitiose legunt: *Apostolorum Episcopum constituit.*

45. Epistola S. Clementis ad Jacobum omnium eruditiorum iudicio supposita est; & præterea in ea Sancti Petrus vocatur *Ecclesie fundamentum, Primitivus Christi Domini, & Apostolorum primus.*

46. Denique Hesyhii verba hyperbolice sumi debent, ad extollendam Ecclesie Jerosolymitanæ dignitatem, quæ etiam aliarum Ecclesiarum Mater quandoque dicta est, quia ab ipso Christo plantata, & suo sanguine irrigata fuit, aliasque omnes, si minus dignitate, saltem ætate præcessit. Sic etiam in sensu minus proprio sumere oportet, quæ ibidem Hesyhii habet: *Petrus prædicat* ( in Jerosolymit. Concilio ), *Jacobus decernit, dicens: ego iudico, non inquietari &c.* non certe quasi Jacobus solus iudicium tulerit, ceteri autem Apostoli pariterint; nam nomine omnium dictum est, Act. XV. 28. *Visum est Spiritui Sancto, & nobis.*

## CAPUT II.

Solvuntur argumenta, quibus aliqui probare nituntur, Sanctum Paulum fuisse Petro æqualem.

47. Objec. 1. Sancti Paulus ad Galat. II. 7. seq. sibi creditum fuisse dicit *Evangelium præputii, sicut & Petro circumcissionis*; ergo videtur summa potestas inter utrumque ita divisa, ut alter in Gentibus, alter vero in Judæis principatum obtineret.

48. Respond. Non divisione summæ potestatis, quæ tota in Petro semper remansit, sed potius divisione ministerii factum esse, ut alter Gentili-

bis, alter vero Judæis prædicandam provinciam assumeret; quod quidem non ita intelligendum est, quasi uni non liceret in alterius messem intrare; scimus enim fuisse Petrum missum ad Cornelium, qui Gentilis erat; & Petrus ipse Act. XV. 7. in Concilio Jerosolymitano dixit; *Viri fratres, vos scitis, quoniam ab antiquis diebus Deus in nobis elegit, per os meum audire gentes verbum Evangelii, & credere.* Et certum est, etiam Paulum Judæorum conversioni adlaborasse, maxime cum 2. Cor. XI. 28. sollicitudinem se habere dicat omnium Ecclesiarum. ( Leg. S. Hieronymus in caput II. epist. ad Galat. )

49. Obj. 2. Plures Ecclesie Patres, & antiqui Scriptores S. Paulum, non minus quam S. Petrum Romanæ Ecclesie Episcopum fuisse dicunt, & ab utroque Ecclesiam Romanam fundatam. Unum vel alterum afferam. S. Epiphanius ( *Hær. XXVII.* ) *Romæ, inquit, primum omnium Petrus, & Paulus Apostoli pariter & Episcopi fuerunt.* Et ante ipsum S. Irenæus ( *Lib. III. adv. hæc. cap. 3.* ) *Ecclesiam Romanam a Ss. Apostolis Petro, & Paulo institutam fuisse, ac fundatam dicit.* Imo vel ipsi Rom. Pontifices se appellare consueverunt *successores Petri, & Pauli, & Paulus III.* in convocatione Concilii Trid. sic loquitur: *Auctoritate beatorum Apostolorum Petri, & Pauli, qua nos quoque in terris fungimur &c.* eademque repetit Pius IV., imo ut id magis constet, in Pontificiorum diplomatum sigillis effigies simul Petri, & Pauli exprimi consuevit. Uterius non desunt, qui utrumque in dignitate parem faciant, ut Sanctus Gregorius M., qui ( *Lib. I. Dial. cap. 12.* ) *Paulum Apostolum, Petro Apostolum primo in principatu apostolico fratrem esse, sine dubio affirmat; & S. Ambrosius ( Serm. I. ) Petrum, & Paulum principes Sacerdotum locat; & in comment. ad Cap. II. epist. ad Galat. Primatus gratiam Paulo concessam dicit, sicut & Petro.* Sancti autem Maximus Taurinensis ( *Sermon. V. in Festo Apostolorum* ) Petrum, & Paulum appellat *Principes Ecclesiarum, & fidei Christianæ.* Imo ex ipsis eandem phrasin mutuas videtur Ecclesia, dum in eorum officio eos vocat *gloriosi Principes terræ.* Denique Beatus Petrus Damiani ( *Opusc. XXXV. cap. 4.* ) Paulum solum Ecclesie caput constituere videtur: *Hæc igitur, inquit, est causa, cur Paulus nullam specialiter cathedram teneat, quia ( si audemus summis minoræ conferre ) ad instar Christi ( salvo ceterorum Apostolorum jure ) videtur omnibus præsidere.*

50. Resp. ad primum. Etiam si concederetur, Paulum simul cum Petro Romanæ Ecclesie Episcopum fuisse, consequens tamen non foret, utriusque parem fuisse collatam dignitatem: sicut enim plures erant simul cum Petro Apostoli, & quidem in apostolica auctoritate pares, Primatus autem prærogativa illi inferiores, ita minime repugnaret, Paulum fuisse Ecclesie Romanæ Pastorem, &



& Episcopum, Petro tamen tamquam universæ Ecclesiæ capiti subiectum (a).

51. Verumtamen verosimilius est, sanctos Patres nihil aliud voluisse innuere, quam Paulum simul cum Petro Romanam Ecclesiam, quæ reliquarum caput erat, ac princeps, conjunctis laboribus plantasse, & excoluisse. Hoc etiam sensu poterunt Rom. Pontifices se appellare successores non minus Pauli, quam Petri, quia eam Ecclesiam regant, quæ utriusque sudoribus, imo & sanguine irrigata fuit. Cum vero auctoritate Apostolorum Petri, & Pauli se pollere, & agere quandoque profiterentur, atque effigiem simul Petri, & Pauli suis diplomatibus inscriptam volunt, utriusque patrocinium implorare videntur; quandoquidem ambo ut peculiare Ecclesiæ Romanæ patroni merito coluntur, quam, ut jam dixi, & simul plantarunt, & simul documentis, & simul sanguine illustrarunt, ac tandem pretiosis suis lapideis ornatam voluerunt.

52. Ad 2. dico, Paulum, & Petrum vocari *Principes Sacerdotum, Principes Ecclesiarum, Principes terræ* &c., quia ambo præcipuo quodam virtutum merito in Ecclesia fulserunt; quamquam Petrus non solum virtutum laude, sed singulari etiam Primatus prærogativa ceteris omnibus prælatus est. Quod si quidem expressis etiam S. Paulum *Principem Apostolorum*, vel *ducem* appellarunt, id tamquam emphatice, & hyperbolice prolatum accipi debet, ne quod semper, quod ab omnibus, quod ubique soli Petro attributum fuit, ob raras quorundam loquendi formulas evertatur. S. vero Gregorius dum appellat Paulum *fratrem Petri in principatu Apostolico*, eo spectat, ut Paulum in Apostolatus dignitate, ac virtute Petro conjungat, non ut in dignitate Primatus parem faciat.

53. Ad ult. B. Petrus Damiani loqui videtur de præsentia minus propria, per prædicationem scilicet, atque doctrinam, non autem de Primatus auctoritate; ibidem enim inquit: *Dignum est, ut sicut in omnibus fidei semen sparsit, ita in omnibus jus teneat præsidentis.*

54. Inst. Sanct. Ambrosius ( Lib. II. de Spirit. Sanct. cap. ult. ) Nec Paulus, inquit, inferior Petro; & Serm. XII. ( qui est tertius de Natali Ss. Petri, & Pauli ) Beati, inquit, Petrus, &

Paulus eminent inter universos Apostolos, & peculiari quadam prærogativa præcellunt. Verum inter illos quis cui præponatur, incertum est.

55. Resp. ad 1. Paulum dici Petro non inferiorem in auctoritate intrinseca, & essentiali Apostolatus: quamquam in alia extrinseca, & extraordinaria Primatus sine dubio inferior erat. Alio autem in loco loquitur S. Ambrosius de sanctitatis excellentia, qua Petrum, & Paulum ceteris eminere, inter se vero esse æquales existimavit; unde subdit: *puto enim, illos æquales esse meritis, qui æquales sunt passione (b).*

56. Obj. 3. S. Paulus in vetustissimis imaginibus æreis, vitreis, marmoreis, eburneis, vel etiam pictura, aut musivo opere perfectis, quandoque ad sinistram Petri depictus cernitur, sæpius tamen ad dexteram; in plumbeis autem Pontificum Bullis constanter ad dexteram, ut scilicet designetur, ipsum vel parem Petro, vel fortasse etiam superiorem fuisse.

57. Resp. Omissis pluribus Theologorum opinionibus; quæ hujus rei varias, discrepantesque afferunt causas, quas refert, & refutat doctissimus P. Mamachius (Tom. V. Orig. & Antiqu. Christ. Lib. IV. cap. 2. ), illud eruditè compertum est, exempla non pauca inveniri imaginum, in quibus qui sine dubio nobilior, multoque præstantior est, lævam partem occupans exhibetur. Nonnulla breviter commemorabo. In vase argenteo antiquissimo Christus Petro claves tradens lævam, Petrus eadem accipiens dexteram latus tenet; & iterum in eodem vase Christus cæco lumen restituens sinistra in parte est. Lambecius (Tom. III. Bibl. Vindobon. tab. 58., & 44. ) codicem vetustissimum Bibliothecæ Vindobonensis avert, in quo Josephus fratrum suorum saccos scrutari imperans, ad eorum lævam pictus est; alium item, in quo Melchisedechus rex ad lævam Abraham conspicitur ( ibidem tab. 7. ) Multa etiam Imperatorum nominata afferri possunt, in quibus, qui dignitate præcellerant, lævam partem tenebant. Unde fit, ex quo Paulus quandoque dexteram Petri occupat, colligi nullatenus posse, eum fuisse Petro dignitate vel superiore, vel saltem æqualem, quæcumque tandem fuerit hujus rei causa, quod aliis inquirendum relinquimus (c).

CA-

(a) Petrus de Marca in Dissert. de singul. Primata Petri num. 18. postquam hanc sententiam probavit, ita subijcit: *Et ne quis offendantur, ac si durum Episcoporum societate Ecclesiæ unitas, & vetus disciplina Lederetur, qua nunc cuique Ecclesiæ Episcopum, eumque singularem præfici, observandum est, hanc Synodo Nicenæ delere, quæ canonè lato, ne plures unus Ecclesiæ præponerentur Episcopi, prudenter ad tollendas dissidiorum occasiones prohibuit. Alius nos Apostolorum temporibus eiebat, qui majoribus, & insignioribus civitatibus plures presbyteros, sive Episcopos præficebant, ut mutuis auxiliis suffulti ad propagandam in suburbanas regiones fidem sufficerent.*

(b) De his testimoniis consul. Jul. Laur. Selvaggio Antiquit. Christ. Lib. I. cap. 3. excursus 2. præter sæpe laudatum eruditissimum P. Thomam Mariam Mamachium.

(c) Referente sæpius laudato eruditissimo Mamachio p. 524. seqq. fuerunt aliqui, qui ad frande, aut casu, aut errore pistorum, exaltorumve scdm id fuisse arbitrarerentur: contra alii, quod Petrus a Christo, cum inter nos aceret, Paulus autem ab eodem Christo in eodem subdito vocatus fuerat, unde etiam in Petro mortalem hanc, in Paulo vero *resurrectæ* spiritali vitam significari ponebant. Nonnulli lævam partem apud plerasque gentes honoratiorem fuisse putarunt,

## CAPUT III.

*Ostenditur, S. Petrum Apostolorum Principem Romæ fuisse, ac in ea Ecclesia Episcopatum usque ad mortem tenuisse.*

58. Postquam supremam S. Petri in universa Ecclesia dignitatem viduicavimus, ut via nobis sternatur ad ostendendum, Rom. Pontificem esse hujus summæ dignitatis hæredem, demonstrandum erit, S. Petrum Romanæ Ecclesiæ Episcopum fuisse, atque in eo Episcopatum usque ad mortem perseverasse. Cum vero sint inter Protestantes non pauci, qui non solum id nequeant, sed etiam conentur evincere, S. Petrum nunquam Romæ fuisse, primo breviter Romanum S. Petri iter, deinde ejusdem Episcopatum confirmare debemus (a).

59. Prima autem hujus nostræ assertiois par adeo evidenter ex traditione colligitur, ut nihil inveniri possit in historia majori monumentorum copia confirmatum. Id enim testatur S. Clemens, Petri in Pontificatu post Linum successor (ep. I. ad Corinth. ) S. Ignatius Martyr (in ep. ad Rom.) & Papias Hierapolitanus (apud Eusebium Lib. II. Hist. Eccl. c. 15.) qui tres fuisse Apostolis cœ-

vi. Accedunt Irenæus; qui Polycarpi Apostolorum discipuli auditor fuit (Lib. III. cap. I.) & Dionysius Corinthiorum Episcopus vix. centum annis post Petri-obitum clarus (apud Eusebium Lib. II. Hist. Eccl. c. 25.) deinde Clemens Alexandrinus (ibidem cap. 15.) Cajus Ecclesiæ Rom. presbyter (ibid. cap. 25.) Tertullianus (de præscript. cap. 56.) & ceteri ferme omnes, ut pene incredibile videatur, potuisse homines alioquin non illiteratos, ita odio Romanæ Ecclesiæ in transversum agi, ut id inficiantur, quod primi Patres oculati testes, quod eorum successores perpetua traditione nobis demandant: neque enim ulla unquam fuit traditio, quæ majori testium numero cingatur, ut de Petri in urbem adventu dubitari non possit, quin omnia historia convellantur fundamenta: verba sunt non alicujus Catholici, sed Sam. Basnagii, hostis Ecclesiæ Romanæ infensissimi (in *Annal. Eccl. polit.* ad ann. 64. u. g.). Et alter illustris Scrip- tor, sed pariter Ecclesiæ Rom. minime amicus, Guillelmus Cave (Hist. Litt. Sec. Apost. in Petro) ita pariter concludit: *Certe si tam densa testium nubes, tam concors veterum sententia, pro cuiusvis ingenii pruritu sit vellicanda, ælium erit penitus de primorum sæculorum memoria;*

uec

eamque proinde Principi Apostolorum tributam. Quædam Petrum ad levam positum respectu insipientium dexteram occupare, dixerunt. Alii alias, infans tamen tritas, in re obscurissimas invenit vias, quas Mamachinus haud rectas ostendit. Ipse autem ut hujus rei causam verisimilem reddat, observat, veterem consuetudinem fuisse, ut qui dextera aliquid agentes a calatoribus, pictoribus, sculptoribus &c. exhiberentur, iidem etiam summa præstabant & auctoritate, & dignitate, ne quid forte, minime apti, & commodi in illorum actione, collocactioneque corporis partium appareret, ad levam sepiusque constituerentur. Quod multis exemplis confirmat. Hoc autem passio, sponte sua fuit, mirum non esse, si Petrus, quasi aut benedicat, aut doceat, aut loquatur, dextoram extendens, fuerit interitum a sculptoribus, pictoribusque ad levam Pauli collocatus. Fatetur tamen, Petrum inveniri nonnumquam in veteribus monumentis ad levam, etsi non extendat ad aliquid aut agendum, aut innuendum. Sed ad hanc difficultatem tollendam observat, duo esse ejusmodi monumentorum genera, alia ad prima Christianæ Religionis tempora, alia ad inædium, infirmamque ætatem pertinentia. In primis id factum esse arbitrat, eo quod Petrus, & Paulus se mutuo aspicientes, & quasi colloquentes exhibentur; ad vero fuisse consuetum, ut in ea positione vulnium leva interitum ei tribueretur, qui esset dignitate præstantior, quibusdam exemplis ostendit, potissimum vero gemmæ, in qua Macrinus Imperator Filium Diadumianum aspiciens levam occupat. In aliis autem monumentis inferiorum temporum id factum esse retinet, postquam Petrus Damianus, qui Sæc. XI. floruit, aliique Paulum ad Petri dexteram ponendum esse docuerunt, non quod Petro superior esset, sed alius mysticis de causis, precipue autem, quod ex tribu Benjamin esset; Benjamin autem idem est, ac filius dextere. Hinc nullum esse Bullam observat, Sæc. XI. vetustitatem, in

qua Petrus ad Pauli levam positus sit.

(a) Clariss. Petrus Franc. Foggini in *Exercit. I. de Romano D. Petri itinere, & Episcopatu* observat, infelicem Marsilium Patavinum, qui Ludovico Bavaro contra Jo. XXII. venalem calanniam præstitit, primum fuisse, qui antiquissimam, & universalem traditionem de Romano S. Petri itinere, & Episcopatu vellicare ausus fuerit Sæculi XVI. Post autem ejusdem vestigia magno numero secuti sunt Protestantes, Primatus Ecclesiæ Romanæ osores; quorum omnia, sicut etiam eorum, qui veterem, ac verissimam Catholicorum sententiam strenue defenderunt, accurate pro incredibili sua librorum notitia recenset P. Thomas Mamachinus *Tom. V. Originum, & antiquæ Christ. pag. 542. & seq.* Nec prætereundum est, nonnullos ex sedæ Episcopali in Anglia a nobis minime dissentire. Videri possunt Pearsonius in *Dissert. I. De successione primor. Episcop. Romæ* cap. 6. Hammondus in *Dissert. V. De Episcop. & presbyteris* capit., & alii. Inter Catholicos autem primus, quod sciam, Romanum S. Petri Episcopatum inficiatus est nuperus auctor *Jurisprudentiæ Eccles. Venet. 1787. Tom. I. p. 439. & seq.* contendens, neminem Apostolorum fuisse alicujus civitatis Episcopum proprium; primum autem Rom. Ecclesiæ Antistitem fuisse Linum, eoque demortuo fuisse subrogatum S. Clementem, atque istius personam non physicam, sed moralem fuisse a S. Petro ad supremum totius Ecclesiæ principatum evectam; Romanumque Episcopum ceteris antea parem omnium postea caput, ac principem, utpote sui successorem renuntiassse. Hæc sententia non solum nova est, quinqueque veteris traditionis fundamento destituta, verum etiam omnium Sandi Petri testimonio opposita, qui, ut mox videbimus, Sedem Romanam Sedem Petri concolissime appellavit, Romanumque Pontificem, ut S. Petri successorem tam in Episcopatu Romano, quam in Principatu Ecclesiæ perpetuo venerati sunt.

*neq. cuiquam ultra suam ætatem sapere licebit* (a).

60. Prob. secunda pars. Primo quotquot extant Romanorum Pontificum Catalogi (sunt autem multi), omnes initium sumunt a Petro, quem primum Romanum Episcopum faciunt. Ita Boetianus omnium antiquissimus, cujus prima pars ex monumentis in Romana Ecclesia servatis compilata creditur sub Pontiano circa an. 230. altera autem sub Liberio medio IV. sæculo. Ita petraïque alter ab Heuseheio, & Papebrochio ex Codice Bibliothecæ Christianæ Sueconum Reginæ editus ( apud Bollandum Tom. I. Aprilis ), qui finem facit in Felice IV., cujus annus emortualis fuit 530. Liber quoque Pontificalis, quæ Sæcul. VIII. non est recentior; ac illi demum, qui ab Emman. a Schelestrate in lucem emissi sunt, tunc ante Sæcul. X. confecti.

61. Ulterius Sancti Patres, qui in Romanorum Pontificum serie tendenda operam posterunt, a Petro semper, tamquam a primo successione capite, originem deduxerunt. Ita Cajus antiquissimus Romanæ Ecclesiæ Presbyter, sen quisquis ille fuerit, qui Artemonius hæresim impugnavit ( apud Eusebium L. V. Hist. Eccl. cap. 28. ), Irenæus ( Lib. III. cap. 3. ), Tertullianus ( de Præscript. cap. 32. ), Eusebius pluribus in locis ( Lib. III. Hist. Eccles. capit. 21. Lib. IV. cap. 1. & 5. &c. ), Optatus Milevitanus ( Lib. II. contr. Parmen. ), Hieronymus ( de Viris illustr. cap. 1. ), Epiphanius ( Hær. VII. num. 6. ), Augustinus ( epist. 53. alias 165. ad Generosum ), aliique omnes.

62. Hinc Romana Cathedra appellata semper fuit Cathedra, & Sedes Petri, atque hæc de causa omnium gentium consensu ceteris omnibus prælata. Certe Sanctus Cyprianus de Felicissimo, & Fortunato schismaticis loquens, *Navigare audent*, inquit ( epist. 55. ad Sanct. Cornelium R. P. ), *ad Petri Cathedram, atque ad Ecclesiam principalem; unde unitas sacerdotalis exorta est.* Hieronymus ( epist. ad Damasum ) Ego, inquit, nullum primum, nisi Christum sequens, Beatitudinis tue, idest Cathedra Petri communione consocior. Optatus Milevitanus ( loco citat. contr. Parmen. ), *Negare non potes*, inquit, *scire te, in urbe Roma Petro primo Cathedram Episcopalem esse collocatam, in qua sederit omnium Apostolorum caput.* S. Augustinus ( in Psal. cont. partem Donati ) *Numerate*, inquit, *Sacerdotes vel ab ipsa Sede Petri, & in ordine illo Patrum, quis cui successerit, videte.* Vid. etiam Lib. II. contr. litt. Petil. cap. 51. Ac denique, ne omnes persequar, S. Prosper ita canit ( in Carm. de ingratis ):

*Sed Roma Petri, quæ pastoralis honoris  
Fulsa caput mundi, quidquid non possidet  
armis  
Religione tenet.*

63. Restat ultimo, ut breviter doceamus, Petrum usque ad mortem in Episcopatu Romano permansisse. Id autem conficitur indubiis veterum testimoniis. Tertullianus ( in Scorpiano cap. 15. ) *Orientem fidem*, inquit, *Romæ primus Nero cruentavit.* Tunc Petrus ab altero cingitur, cum cruci adstringitur. Laëtantius, seu quisquis alius auctor Lib. de mort. Persec. de Nerone loquens: *Petrum*, inquit, *cruci affixit, & Paulum interfecit.* Eusebius ( Lib. II. Hist. Eccl. c. 25. ) *Paulum quidem*, ait de eodem Nerone, *capite in ipsa urbe Roma, Petrum vero crucis patibulo condemnat.* Hieronymus ( de viris illustr. cap. 1. ) de Petro inquit: *Secundo anno Claudii ad expugnandum Sineonem Magum Romanum pergit, ibique 25. annis Cathedram Sacerdotalem tenuit usque ad ultimum Neronis.* Deinde subdit: *Sepultus Magnus in Vaticano, juxta viam triumphalem totius urbis generatione celebratur.*

64. Obj. 1. Petrum Romanum venisse, ibique Episcopalem sedem fixisse, nullibi in Sacris literis legitur; non apud S. Lucam, qui tamen alia ejusdem itinera minoris certe momenti commemorat; non apud S. Paulum, qui Petrum se Jerosolymis, & Antiochie vidisse refert Galat. I. 18., & II. 11. nullatenus autem Romæ: at vero res hæc erat maxime notatu digna; ex hoc enim summa facta est Ecclesiæ Romanæ dignitas accessio. Sane quia stante Judæorum republ. Jerusalem centrum erat, & sedes disciplinæ Mosaicæ, Scriptura V. T. illud sæpius, & aperte tradit; quanto potiori jure debuisset iter Petri Romam, multoque magis sedes Episcopalis alicubi indigitari, ut nemo inficiari posset, Romam mundi Christiani caput factam esse?

65. Resp. Hoc argumentum, cui potissimum Adversarii fidunt, esse inficiale, cujus nulla vis est, fatente toto Criticorum choro, quando contra militat argumenta affirmantia, cujusmodi sunt ea, quæ ad adstruendum iter, & Episcopatum Petri Romanum ex traditione attulimus. Neque vero mirabile videri debet, id fuisse a S. Luca prætermisum, tum quia multa alia, ut inquit S. Hieronymus ( in c. 3. ep. ad Gal. ) *historiographi licentia prætermisit*, tum etiam, quia ejus præcipuus scopus erat, Pauli, non autem Petri gesta enarrare, quamobrem post cap. XVI. Petri bullam amplius mentionem facit. Quia imo hene mul.

(a) Id etiam innuitur in epist. I. Petri V. 13. his verbis: *Salutat vos Ecclesia, quæ est in Babylone collecta.* Facile enim probatur, nomine Babylonis ibi significari Romanam, adeo ut Grotius ita commentari non dubitaverit: *Petrus Romam interpretatur, ubi Petrum*

*fuisse nemo verus Christianus dubitat: sed cum varia ad hoc argumentum eludendum Adversarii excogitaverint effugia, illud omittendum duximus, ne in re aliena quin certissima longius excurreret oratio. Confer Machium Tom. V. Origin. & Antiq. p. 550. seq.*

multa etiam Pauli gesta silentio pressit; nihil enim apud ipsum reperies de ejus professione in Arabiam post conversionem, nihil de reductu Damascum, nihil de adventu in Jerusalem, nihil denique de pugna ad bestias, de tot flagellis, naufragiis, periculis, aliisque vicissitudinibus, quas Paulus ipse memorat 1. Cor. XV., & 2. XI. Quid plura? de ipso Pauli martyrio ne jota quidem habet, fortasse quia, ut opinitur S. Hieronymus (in *Catalogo*, ubi de S. Luca) Actus Apostolorum describendos suscepit, prout ipse suis oculis viderat; unde ea prætermisit, quorum ipse testis oculatus non fuerat.

66. Sed ulterius nullatenus necessarium videbatur adventus Petri in urbem, & Episcopalis ejus sedis scripto mentionem facere, cum aliunde res esset omnibus Christianis notissima, & quæ ex futura in perpetuum Romanorum Pontificum successione a nemine in dubium revocari posse videbatur; ut reipsa per quindecim sæcula a nemine id negatum scimus, usque ad Marsilium Patavinum, qui odio Romani Pontificis ad id inficiandum adductus fuit. Cur vero in sacris litteris V. T. expressa mentio centri Hebræorum reipubl. facta sit, Romanæ autem Apostolicæ Sedis non item, ex libera Dei voluntate pendet, ejus nemo consiliarius est. Et certe plura sunt, quæ Deus litteris mandari noluit, & sola traditione propagari, quemadmodum alibi a nobis probatum est; cum tamen alia, quæ minoris momenti nobis videntur, scripto sint exarata.

67. Instab. 1. Paulus Romanis scribens, & multos salvere jubens, nullam Petri mentionem facit; id non prætermisissus certe, si Petrus Romæ fuisset, Episcopali munere fungens. Præter in epistola, quam ad Philippenses dedit Romæ degens in vinculis cap. II. 20. seq. conqueritur, quod neminem habeat eorum salutis sollicitum, præter Timotheum: *omnes enim*, inquit, *quæ sua sunt, quaerunt, non quæ Jesu Christi*. Et in 2. ad Timotheum, quam in iisdem vinculis exaravit IV. 15. *In prima defensione mea*, inquit, *nemo mihi affuit, sed omnes me dereliquerunt*. Itane vero, si Petrus Romæ adfuisset? Ad hæc, cum in istis Epistolis, quas manu catenata conscripsit, Fideles nomine sociorum salutet, nunquam tamen Petri meminit, qui certe primus omnium nominari debuisset. Demum Paulo Romam adventanti occurrerunt fratres usque ad Appii forum, & tres tabernas AG. XXVIII. 15. sed hic iterum altum de Petro silentium.

68. Resp. Has omnes mieras conjecturas esse, quæ factum tanta testium copia confirmatum convellere, aut infirmare non valent. Et quidem ad primum dico, multis de causis, quas divinare non astat, fieri potuisse, ut Paulus Romanis scri-

bens; Petri mentionem omitteret, quomodo scribens Ephesiis nec Timotheum memorat eorum Episcopum, neque Jacobum in epistola ad Hebræos. Præterea fortasse Petrus Roma aberat, unam cum ceteris Judæis exulare coactus ex decreto Claudii, qui, ut Svetonius (in *Claudius* c. 28.) scribit, *Judæos impulsore Chresto (a), assidue tumultuantes Romæ expulit*.

69. Nec vero quis objiciat, in eadem epistola ad Romanos Aquilæ, & Priscillæ, utique Judæis, salutem a Paulo dici; adeoque, &c; non inquam: Isti enim, & alii ignobiliores Judæi Romam tuto remeare poterunt, non ita Petrus nimis celebris factus; præsertim si verum est, quod suspiciant nonnulli, ob suscitatos a Judæis adversus Petrum, ejusque assecles frequentes tumultus, fuisse omnes Judæos ab urbe exilio pulsos. Postremo, si conjecturis contra conjecturas pugnare licet, quis scit, an Paulus per eundem tabellarium Petro collegæ, & superiori suo familiares litteras non dederit, ut proinde expressam ejus mentionem facere opus non esset?

70. Quando autem Paulus Philippensibus scribens conqueritur, quod *omnes quaerant, quæ sua sunt, non quæ Jesu Christi*, ad Petrum, etiam si Romæ esset, digitum intendere non potuit; de iis enim loquitur, ut ex contextu apparet, quos mittere ad eos poterat; inquit enim v. 16.: *Spero autem in Domino Jesu, Timotheum me cito mittere ad vos, ut & ego bono animo sim, cognitis, quæ circa vos sunt: neminem enim habeo tam unanimem, qui sincera affectione pro vobis sollicitus sit; omnes enim quæ sua sunt, &c.* Porro minime expediebat Petrum ad Philippenses mittere; unde fit, ut in eum, etiamsi Romæ esset, querimonia non caderet.

71. In secunda vero ad Timotheum epistola ab iis se fuisse desertum conqueritur, qui poterant ipsius causam apud Imperatorem juvare, cujusmodi certe non erat Petrus, Cæsari non minus, quam Paulus invisus. Præter nemo nescit, in hujusmodi locutionibus generalibus synecdochen locum persæpe habere, ut omnes pro majori parte sumantur. Nullum tandem fecisset negotium, quod in illis epistolis, quas Paulus Romanis vinculis detentus scripsit sociorum mentionem faciens de Petro sileat; fortasse enim Petrus in alia remotiore urbis regione debebat, curisque Pastoralibus distentis non ita frequenter cum Paulo conversari poterat, fortasse etiam sapius Roma aberat, varias Provincias evangelizando percurrans.

72. Ad ult. Non est credendum, Paulo Romam adventanti tantum Ecclesiam, Pastore præeunte, obviam ivisse: id enim certe eorum temporum calamitas non permittebat, sed aliquos duntaxat fideles; Petrus autem vel latitare cautius debebat, quia

(a) Chresti nomine passim intelligant eruditi Christum. Usserius tamen refragatur, cui assensum Pater Ansaldi in opere: *Multitudo maxima eorum, qui prio-*

*ribus Ecclesie seculis Christianorum Religionem ampli-*  
*xi sunt &c.* p. 58.



quæ in eum, ntpote omnium Pastorem, perniciosus sævisset Gentilium rabies; vel fortasse ea etiam occasione aberat, ut Evangelium in alias gentes portaret.

73. Inst. 2. Si ita sæpe Roma aberat Petrus, quomodo credi potest, illum ejus Ecclesiæ Episcopatu functum esse? Episcopus enim suo gregi pascendo intentus potissimum esse debet, ne dum fundum alienum arat, familiarem incultum deserat. Ulterius malum successoribus suis non residendi reliquisset exemplum. Accedit, quod, ut primum Paulus Roman ingressus est, Judæi ibi commemorantes, ipsum de nova Religione cupide interrogaverant. *Rogamus autem, inquebant Aſt. XXVIII. 22. a te audire, quæ sentis; nam de secta hoc notum est nobis, quia ubique ei contradicitur*; at vero si Petrus fuisset ibidem Episcopali munere functus, ab ipso tanquam a Pastore fuissent de Religione sufficienter edocti. Deum si Petrus erat Romanorum Episcopus, poterat certe Paulus, imo debebat a scribenda illis epistola temperare, cum Petrus illis inbuen-dis abunde sufficeret; eo vel maxime, quod Paulus Rom. XV. 20. aperte testetur, se in prædicando Evangelio super alienum fundamentum superædificare noluisse. Sic autem prædicavi Evangelium hoc, non ubi nominatus est Christus, ne super alienum fundamentum ædificarem.

74. Resp. ad 1. Quamquam Petrus sæpius Roma abfuerit, non tamen sequitur, eum aut Episcopatu munia non integre implevisse, aut primum suis successoribus non residendi exemplum reliquisse. Ipse enim nedum Romanæ Ecclesiæ Episcopus, sed insuper Apostolus erat missus ad docendas omnes gentes, & omnium Ecclesiarum Princeps constitutus, quo fit, ut debuerit sæpe sæpius varias, & dissitas provincias peragere, prout eum Spiritus Sanctus movebat, Vicariis interea Romæ relictis, qui novi gregis curam haberent. S. Epiphanius (*Her. XXVII.*) Linum, & Cletum in Romana Ecclesia vices Petri absentis gessisse tradit. Id autem minime potest a ceteris Episcopis in exemplum trahi, tum quia ipsis non nisi unius gregis pascendi cura est demandata, quem æquum non esset relinquere, ut alienos pascere; tum etiam quia modo singulis Ecclesiis stis præfæti sunt Pastores, quod tempore Apostolorum statim fieri non potuit.

75. Ad 2. Mirum non est, Judæos Paulum de nova Religione interrogasse, non plane quasi nihil de ea audivissent a Petro; sed quia noverant, Paulum esse legis doctorem, & fuisse aliquando Christo infensum. Ceterum antequam Paulus Romanam veniret, fuisse ibi Christum prædicatum, florentemque jam Ecclesiam, a Petro utique fundatam, ipse Paulus indicavit aperte in sua epistola ad Romanos, ubi innuit cap. I. 8. *Fides ve-*

*stra annuntiatur in universo mundo.* Hanc autem epistolam Paulus multo antea scripsit, quam Romanam adventaret.

76. Ad postremum. Quamquam Petrus Romanorum Episcopus esset, id minime officiebat, quin Paulus epistolam fidei, inorunque documentis plenam ad eos mitteret; nec id Petro ullo modo injurium videri debet; interque enim in vinea Domini excolenda laborabat; nec semel, aut raro ambo simul in eadem urbe commemorati sunt, Evangelium Judæis, & Gentilibus simul annunciantes. Quod autem dicit: *Sic autem prædicavi &c. expositum* sensum habet, non exclusivum, idest Evangelium etiam in iis locis prædicavi, in quibus nondum prædicatum fuerat, & sic super aliorum fundamentum non superædificavi.

77. Obj. 2. Si Petrus fuisset Romanorum Episcopus, potius appellari debuisset Gentium Apostolus, quam Judæorum? Roma enim erat Gentilium Metropolis: Atqui nemo ignorat, Petrum fuisse Judæorum Apostolum destinatum, Gentium autem Paulum, juxta illud ejusdem Pauli dicentis ad Gal. II. 7. *Credidit est mihi Evangelium præputii, sicut & Petro circumcissionis; qui enim operatus est Petro in Apostolatu circumcissionis, operatus est & mihi inter Gentes*. ergo &c.

78. Resp. Non exiguum fuisse Romæ Judæorum numerum; Josephus enim narrat (*Lib. XVII. Antig. Jud. c. 11.*), quinquaginta Legatis ab Jerosolyma ad Cæsarem missis Romæ sese adjuvantes supra octo Judæorum millia; & Philo in *legatione ad Cajum* dicebat, magnam urbem partem trans Tyberim a Judæis occupatam fuisse, Augusto pernitente. Fuere quidem sub Tiberio Judæi ab urbe puls, & iterum sub Claudio Imperatore, sed post breve exilium illuc frequentissimi reinarunt. Præterea non ita putandum est Petro Evangelium circumcissionis fuisse couceditum, ut ab ipso negligere-tur Gentilium salus, quemadmodum & Paulus, quamquam Gentilium Apostolus, sæpius in Synagoga prædicasse legitur. Vid. supra n. 48.)

79. Obj. 3. Tota veterum de hac re traditio parvipendenda est, utpote quæ a Papiæ originem trahit, homine fabuloso, & inepto, cui tamen valde multi in aliis etiam rebus incante fidem commodarunt. Certe ante Papiam nullus citari potest, qui Petrum Romæ fuisse commemoravit (a).

80. Resp. Primo nullam esse causam, cur hac in re nutare possit Papiæ fides; quauquam enim ut vir simplex, hebetisque ingenti communiter habeatur, in fraudis tamen suspicionem nunquam adductus est; at vero Petrum fuisse Romæ, ibique Episcopali munere functum, res est in omnium oculis incurrens, in qua nec simplices, nec rudes falli possunt. Ulterius multa alia præ-

sto

(a) Ita Spanheimius in *Diss. de temere credita Petri in urbem Roman. professione* cap. 1. & 2. *Gazzaniga Theol. Tom. I.*

no sunt testimonia ante Papiam, ut Clementis, & Ignatii; nec verisimile est, alios posteriores ubi Papiæ innixos fuisse.

81. Dices. Nec Clementis, nec Ignatii Petrum Romæ fuisse tradunt; nam prius tantum Petrum martyrem effectum ad debitu[m] gloriæ locum abuisse, dicit. Alterius vero epistola ad Romanos vel apocrypha est, vel saltem dubia.

82. Resp. Clementem sin minus expresse, implicite saltem, & satis perspicue innuere, Petrum Romæ fuisse martyrem effectum; ibi enim memorat eos, qui recentem in urbe pro Christo sanguinem fuderant, inter eos autem Paulum, & Petrum, Danaidem, ac Dirceum; unde colligitur, & Petrum fuisse Romæ passum. Id fatetur etiam Basnagius (ad n. 64. n. 9.). Epistolam autem S. Ignatii, quæ simul cum aliis a Vossio, & Usserio edita fuit, genuinam esse, tenet bona, & melior Criticorum pars (a).

83. Obj. 4. Supervacaneum erat, imo dignitati Petri plane injuriosum, eum alicui Episcopatu alligari. Nam Petrus ratione Apostolatus poterat ubique terrarum omnia Episcopalia munia plenissime exercere: supervacaneæ igitur fuisse illi Romani Episcopatus dignitas superaddita. Ulterius dignitas Episcopalis cum Apostolica pugnat; illi enim peculiaris unius Ecclesiæ cura commendatur, isti sollicitudo omnium Ecclesiarum incumbit; Apostolus a Domino, Episcopus ab hominibus constituitur; non itaque sine Apostolicæ dignitatis injuria Petrus Romanorum Episcopus appellari potest. Hinc S. Joannes Chrysostomus (Hom. 87. T. VIII. p. 527. edit. Maur.) dicit, Petrum non sedisse in Jerusalem Episcopatu, quia a Christo datus fuerat, non ut Ecclesiæ alicujus peculiaris Episcopus, sed totius orbis Apostolus.

84. Resp. Si hæc argumentatio valeret, qua Sam. Basnagius triumphat (in *Annal.* ad an. 40. n. 20.), jam nemo Apostolorum potuisset Episcopali munere fungi, quod quam falsum sit, facile quisque videt; ut enim de aliis sileam, certum omnibus semper fuit, Jacobum minorem fuisse Jerusalemitanæ Ecclesiæ ut Episcopum præfectum, sive immediate a Christo, ut multorum opinio est, sive ab Apostolis, ut alii arbitrantur (b). Neque vero id superfluum dici potest, vel Apostolicæ dignitati injuriosum. Non primum; nam quavis Apostoli amplissima potestate polerent, qua ubique poterant Ecclesias fundare, Presbyteros ordinare, aliisque omnia Episcopalia jura exercere, necessarium tamen duxerunt aliquas sedes & ipsi occupare, ut formam regiminis Ecclesiastici post ipsos duraturi constituerent; id

que præsertim faciendum erat a Petro, cujus successores Primatus prærogativam habere debebant.

85. Testimonium vero S. Jo. Chrysostomi primo cum ipso Basnagio pugnat; cum enim ibi S. Pater quæstionem moveat, cur Jacobus, & non Petrus Jerusalemum thronum accepit, pro certo habet, Apostolicæ auctoritati Episcopalem alicujus Ecclesiæ thronum non repugnare. Cum autem respondet, id factum esse, quia Petrus totius orbis Doctor a Christo constitutus fuerat, nihil aliud indicare voluit, nisi potuisse Jacobum, aut quemcumque alium Apostolum Petro inferiorem Judææ finibus coarctari. Petrum autem, utpote omnium Principem, debuisse, qua late orbis patet, Evangelium annunciare, nec alibi suam sedem in perpetuum figere, quam in ea urbe, quæ totius orbis imperium tenebat.

86. Obj. 5. Mira est auctorum tam veterum, quam recentiorum varietas, & discrepantia in epocha adventus Petri Romam figenda. Nam Paulus Orosius (Lib. VII. *Hist.* cap. 7.) eum ad exordium regni Claudii refert. Eusebius (in *Chronico*, & S. Hieronymus (de *Script. Eccl.* c. 1.) Claudii anno secundo figunt. Liber, qui *fasciculus temporum* inscribitur, anno ejusdem Imperatoris quarto. *Passionale de vitis Sanctorum* an. 13.; ac tandem auctor libri de *moribus persecutorum* eum differt usque ad Neronis imperium. Nec minus inter se disgladiantur recentiores; plerique enim Eusebio adhærent, Pagius tamen cum nonnullis aliis (ad an. 43. n. 3.) circa primum Neronis annum Petrum Romam advenisse censet. Scaliger nonnisi post quartum ejusdem Imperatoris annum; alii vero inter Protestantes circa 10., vel 12. Neronis annum. Porro ubi tanta varietas, & contradictio, nullum profecto est veritatis indicium.

87. Resp. Nihil obesse historicæ veritati Auctorum dissonantiam circa tempus, vel alias circumstantias, quæ rei substantiam minime attingunt. Quamplura nobis certissima sunt, licet de tempore, quo contigerit, lites vigeant immortales. Illud tamen addo, non tantam esse inter veteres pugnam, qualem sibi adversarii figunt. Nam *Fasciculus temporum*, & *Passionale* nihil moramur, cum libri sint omnium judicio apocryphi, nulliusque auctoritatis. Paulus Orosius nonnisi verbis ab Eusebio, & Hieronymo discrepat; nam secundus annus Claudii non inapte ejus regni exordium appellari potest, habita ratione 14. annorum, quibus Claudius regnavit. Lactantius autem, sive auctor Libri de *moribus persecutorum* de ultimo S. Petri in urbem adventu exponi po-

(a) Confer P. Mamachiū Tom. IV. *Orig. & antiq. Christ.* p. 363. seq. & Tom. V. p. 555.

(b) Non me latei coram sententia, qui tres Jacobos distinguens, eum, qui Jerusalemum prius Antistes fuit, e numero XII. Apostolorum excludunt. Iam tamen non negant eundem fuisse verum Apostolum

quamquam extra ordinem XII., parique cum aliis Apostolis auctoritate præditum; quemadmodum alii duo fuerant Paulus & Barnabas. Vid. Alexius Symmachus Mazochius in suo eruditissimo Comment. ad Kalend. Napol. initio mensis maij, ubi hac de re copiose & eleganter disserit.

potest. Quæ tamen dicta sint eruditionis gratia: etiamsi enim aperta esset Chronologorum pugna, male inde quis historiæ falsitatem colligeret.

88. Dices (cnn Spanheims). Si actus Apostolorum consularit, Petrus neque sub Claudio, neque sub Nerone potuit Romæ esse. Nam anno Claudii quarto, ætæ vulgaris 44. Petrus in Palæstina erat in vincula ab Herodæ coniectus, ut propinque ante hunc annum non potuerit a Palæstina egredi. Rursus in Palæstina adhuc degebat, quando Synodus Jerosolymitana habita fuit, hoc est anno 55. ætæ Christianæ. Claudii vero 15. Cum autem postea Antiochenam Cathedram fundaverit, non potuit certe ante annum 59. ætæ vulg. Romam adventare, hoc est ante annum Neronis 4. At vero sub Nerone quidem Romæ fuisse Petrum, colligitur tum ex eo, quod mortuus perhibetur vel sub Claudio, vel sub initio Neroniani imperii; tum etiam quia in epistolis a S. Paulo scriptis Nerone imperante, nulla eius mentio facta est.

89. Resp. Nihil infirmius esse hoc argumento; quamvis enim certa itinerum S. Petri ratio determinari nequeat, facile tamen est demonstrare, & Claudio, & Nerone imperantibus eum Romam venire potuisse, ibique Cathedram erigere. Potuit enim anno Claudii secundo Romæ esse; inde anno sequente descendere in Palæstinam, ubi ab Herodæ comprehensus fuit; vel etiam post liberationem a vinculis Herodianis Romam proficisci, indeque postea in Palæstinam remeare, Ecclesiam Antiochenam fundare, varias regiones evangelizando peragere, & tandem sub Nerone iterum Romam pergere, ut ibi repositam martyrii coronam acciperet.

90. Dices 2. Vetères Scriptores, qui Petrum Romam venisse referunt, eam hujus itineris causam fuisse dicunt, ut ibi Sinonem Magum expugnaret (Vid. Eusebius Lib. II. Hist. Eccles. cap. 14.). atque S. Augustinus id inter fabulas recepit (epist. 56. al. 86. cap. 9.) ergo &c.

91. Resp. Quamvis causa adventus Petri Romam ab iis auctoribus allegata falsa esset, non tamen concludendum foret, etiam iter Petri Romanum esse fictitium; hoc enim secundum omnium oculis patuit; causæ autem rerum plerumque abditæ sunt; quo fit, ut in his facilius, quam in factis, homines decipi soleant. Sed ulterius falsum est, Augustinum fabulis accensusisse Petri cum Sinone Mago certamen; duntaxat eorum opinionem suspectam habuit, qui Romanorum morem Sabbato jejundandi a jejuniis S. Petri in illo Sabbato, quod certamen ipsius cum Sinone Mago præcessit, dinanasse credebant. Ceterum Petri de Sinone Mago victoriam, ut rem plane certam, idem S. Augustinus habet (a).

92. Obi. ultim. Sanctus Hieronymus (in Matth. cap. XXIII.) ad illa Christi verba: *Ecce ego mitto ad vos Prophetas &c.* inquit: *Ex quibus lapidatus est Stephanus, obtruncatus Paulus, crucifixus Petrus: ergo censet Petrum, non secus ac Stephanum Indæorum manibus in Palæstina, non Romæ obiisse.* Acta etiam Livi referunt Paulum, & Petrum diverso loco, & tempore martyrium obiisse. Ad hæc, ut Harduinus ratiocinatur (adnot. ad vers. 34. Matth. XXII.), certum est, prædixisse Christum, aliquem ex Discipulis suis esse a Judæis crucifigendum (Matth. XXIII. 34. & Joann. XXI. 18. & 19.); atque nullus alius legitur ab ipsis crucifixus: ergo &c. Cum autem Judæi nullam Romæ potestatem habuerint, non potuit ibi Petrus crucifigi.

93. Resp. Ad 1. Hieronymus solum vult, impletam fuisse Apostolorum persecutionem a Christo prænunciatam, non autem ibi de loco, aut tempore sollicitus est, quibus hæc persecutio impleta fuerit. Ceterum Petrum Romæ crucifixum fuisse pro certo habuit Hieronymus (vid. sup. num. 63.). Ad 2. Ad Livi nullius sunt fidei apud saniores Criticos. Postremum argumentum leve est, & mirari subit, voluisse Harduinum constantem, firmissimamque traditionem loci, in quo Sancti Petrus martyrium subivit, tam levi conjectura infirmare. Quid enim? Prædixit Christus, aliquem esse a Judæis crucifigendum. Impletam fuisse prophetiam dubitare non possumus: at vero, subdit Harduinus, nullum alium cruce peremptum legimus, præter Petrum. Ita plane, at putat Harduinus, omnia, quæ a Judæis contra nostros forentibus facta sunt, fuisse fideliter historiæ mandata? Sed frustra in lujusmodi insulsis cavillationibus tempus teritur (b).

## CAPUT IV.

*Asseritur Romano Pontifici Primatus honoris, & jurisdictionis: (S. Thomas Lib. IV. Cont. Gent. cap. 76.)*

94. Id fuit in Concilio Florentino intrinseque Ecclesiæ Græcæ, Latineque consensus his verbis statutum (in defin. Fidei): *Definimus, sanctam Apostolicam Sedem, & Romanum Pontificem in universum orbem tenere primatum, & ipsum Pontificem Romanum successorem esse B. Petri Principis Apostolorum, & verum Christi Vicarium, totiusque Ecclesiæ caput, & omnium Christianorum Patrem, & Doctorem existere, & ipsi in B. Petro pascendi, regendi, gubernandi Ecclesiam universalem, a Christo ple-*

his postea dedit Jul. Laur. Selvaggio in *Antiq. Christ. Inst. Lib. I. c. 3. excursus I.*

(b) Vid. *Instit. pastor. de Mgr. l' Eveque de Soisson Tom. I. P. I. cap. 5. Pat. Mamachius p. 555. seq.*

(a) Vid. initium ejus libri *de hæresibus*, & in Psal. IX. Hujus autem historiæ veritatem non ita pridem vindicavit doctissimus Alexius Symm. Maechius in *Kal. Neap.* ad diem 29. Junii, ejusque Dissert. epitome no-

plenam potestatem traditam esse, quemadmodum etiam (a) in gestis acumenicorum Conciliorum, & in sacris canonibus continetur. Id ipsum fuerat ante paucos annos in Concilio Constantiensi definitum, damata hac Joann. Wiclef sententia: *Quod Papa sit summus Pontifex, est ridiculum. Et Christus nec Petro, nec in alio talem approbavit dignitatem*, proscripto item art. 10. Joann. Hus: *Non est scintilla apparentiæ, quod oporteat esse unum Caput in spiritualibus regens Ecclesiam*. Hoc autem catholicæ nostræ Religionis dogma.

95. Prob. 1. traditione veterum Ecclesiæ Patrum, qui Rom. Pontificem, tanquam verum, & legitimum Petri successorem, ejusdem dignitatis hæredem perpetuo venerati sunt. S. Irenæus (Lib. III. ad hæc. cap. 3.) de Romana Ecclesia loquens, ad hæc Ecclesiam, inquit, propter potentiores, (vel, ut alii legunt) potior principalitatem necesse est omnem convenire Ecclesiam (b). Tertullianus de pudicitia c. 1. vocat Rom. Episcopum Pontificem maximum, & Episcopum Episcoporum: & quan-

quam ita eum vocare per ironiam videatur, significat tamen, talem eum habitum fuisse ab omnibus fidelibus, ut bene observat Fleurius (Lib. V. Hist. Eccl. n. 46.). Optatus Milevitanus (Lib. II. contra Parmen.) Cathedra, inquit, unica est, quæ est prima de doctibus... sedit prior Petrus, cui successit Linus &c. S. Hieronymus (Lib. II. cont. Rufinum): *Miror*, inquit, quomodo Episcopi receperint, quod Sedes Apostolica condemnari. Et ep. 57. ad Damasum: *Beati tudini tuæ, idest Cathedræ Petri, communione consocior*. Ac demum in Dial. adv. Luciferianos: *Ecclesiæ salus*, inquit, a Summi Sacerdotis dignitate pendet, cui si non exores quædam, & ab omnibus eminens detur potestas, tot in Ecclesiis efficiuntur schismata, quot Sacerdotes. S. Augustinus in Ps. cont. partem Donati: *Numerate*, inquit, *Sacerdotes, vel ab ipsa sede Petri, & in ordine illo Patrum, quis cui successit, videte. Ipsa est petra, quam non vincunt superbiæ inferorum portæ*. Et nullus esset dicendi finis, si omnia colligere vellemus (c).

96. Prob. 2. ex quibusdam historiæ monumentis,

& Foggini exercitat. de Romano D. Petri itinere.

(a) Alii legunt, quemadmodum & in gestis &c. ut sensus sit: *justa eum modum, quo & in gestis &c.* Ita habere genuinam textus græcæ versionem, contendunt plures auctores citati a Nat. Alex. Diss. 8. in sæc. XV. & XVI. n. 12.; & ita etiam legitur in editione anni 1526. Sed plures adhuc supersunt codices originales græco-latini, quibus ostenditur, retinendam esse communem lectionem. Vid. Pisi Alclini, seu P. Mamachi ep. 3. p. 239. in nota. Præterea, etiam si legatur, ut quidam volunt, *justa eum modum*, nihil deum summe Rom. Pontificis potestati in gubernatione universalis Ecclesiæ, ostendit cl. Petrus Ballerianus in libro de potestate ecclesiasticæ summor. Pontif. cap. 4. §. 3. in not. ad n. 8.

(b) Locus iste mirifice torquet Protestantes, & variis cavillationibus eum declinare conantur, ut videri potest apud Bossuetum in Dissert. II. præmissa editioni Operum Iulij S. Patr. a se curatæ, præcipue ubi Claudium Sahmasium, & Ernestum Græbium confutat. Novus postea apparuit Ecclesiæ Rom. osor acerrimus Jo. Laur. Mosheimius, qui in Comm. de rebus Christ. ante Constantinum M. Helmstadii 1753. in Sæc. II. §. 21. alia via hoc firmissimum argumentum se eludere posse speravit; 1. quia sensus illius loci adeo obscurus est, ut frustra Irenæi mens erui possit, nisi primigenius textus græcus aliquando inveniat; 2. quia illa verba convenire poterant Ecclesiæ Rom. sæc. II, quando veram apostolicam traditionem accurate servabat, non autem hædicæ, quæ ab apostolica doctrina enormiter aberravit; 3. testimonium illud esse privati hominis, exilis ejusdem, & ante paucos annos nata in Gallie Ecclesiæ Episcopi, hominis præterea, qui non paucæ in libris suis edidit documenta rationis parum purgata, mentisque in disputando non satis sibi relicte. Antea autem veritus non fuit Mosheimium Irenæum turpis assertionis accusare, quasi tum propter beneficia ab Eleutherio R. P. accepta, tum etiam propter ea, quæ sperabat ab Ecclesiâ magna, opulenta, & in maxima urbe posita, si honorifice de Rom. Ecclesiâ scripisset.

Facile tamen est demonstrare, hæc omnia, non solum false, sed etiam inepte, & absurde e calamo Mosheimii excidisse. Primo eam locum ille insignis S. Martyris, & Episcopi Irenæi semper apertus, & perspicuus omnibus sit visus est, qui odio contra Romanam Petri Cathedram oculos obsecratos non habet. Omnes nempe vim argumenti S. Irenæi in eo positam esse viderunt, ut omnes varii generis hæreticos vel ex hoc solo convinceret, quod eorum dogmata essent contraria traditioni Apostolorum, quæ in Ecclesiis ab ipsis fundatis conservantur, inaxime autem in Romana, ad quam propter potentiores principalitatem, seu propter Primatus prærogativam necesse est omnes convenire, qui undique, et in toto orbe sunt fideles. Frustra igitur Mosheimius nos provocat ad textum græcum S. Martyris, qui diu desideratur, cum textus latinus satis perspicuus sit. Ad secundum. Si S. Martyr credidisset, Ecclesiam Romanam posse a veteri Apostolorum doctrina deficere, hæreticos incassum provocasset ad ejusdem Ecclesiæ auctoritatem; prout enim illis fuisset reponere, se Ecclesiæ, quæ falli potest, & fallere, auctoritate minime commoveri. Ne itaque fingamus, S. Irenæum tani futili argumento fuisse usum, necesse est credere eum pro certo habuisse, veram, & apostolicam traditionem in Romana Ecclesiâ ita servari, ut ab ea deficere nullatenus possit. Ad 3. & 4. Ferenla nullatenus est Mosheimii impudentia, quæ S. Irenæi doctrinam, ingenium, ac fidem labefactare audeat. Celebratissimus ille fuit in tota Ecclesiâ Orientali, & Occidentali, non solum suis, sed etiam posterioribus temporibus. Encomia, quibus veteres Ecclesiæ Patres memoriam hujus sancti Martyris, & Episcopi exornant, collegit solertissimus Tillemontius in Tom. III. Monument. Hist. Eccl. Mosheimii autem temeritate pro meritis castigavit doctissimus P. Ant. Valsecchi in postremo suo opere *La verità della Chiesa Cattolica Romana* toto c. 6.

(c) Huc etiam spedare possunt honorifica illa nomina, quibus R. Pontifex, & Rom. etiam Ecclesiâ supra alios Pontifices, & ceteras Ecclesias extolli consueverunt, quæque diligenter collecta exhibet Julius Laur.



ris, quibus constat, vel ipsis primis temporibus Romanos Pontifices Primatus sui jura in tota Ecclesia exercuisse; primo celebris est controversia II. Ecclesiae saeculo in Asia exorta de Paschatis celebratione, in qua Victor Rom. Pontifex non alia certe de causa, nisi quia ipsi universalis Ecclesiae cura propter Primatus dignitatem incumbat, in Polycretum, aliosque Episcopos Asiaticos contententes Pascha die decimaquarta Lunae Martii, & quidem, ut ipsi asserbant, juxta Evangelium & regulam fidei esse celebrandum, comminata, vel fortasse reipsa lata excommunicatione animadvertit. Porro in hac controversia se pacis sequestrem interposuit Irenaeus, Victoremque regavit, ne integras Ecclesias... a communione absunderet (ap. Euseb. Lib. V. Hist. Eccl. c. 25.), quibus verbis apparet, agnovisse Irenaeum eam in Rom. Pontifice potestatem; rogasse autem, ne eandem exerceret. Et quamvis Victor R. P. paci Ecclesiarum consulens, Asiaticis tandem periniserit, ut suae consuetudini inhaerent, quod illis etiam Ancyteis eadem oeconomia ante indulserat, id saltem ab ipsis omnino exegit, ut morem quidem servarent suum, contrarium tamen alterum condemnare non auderent (a).

97. Idem fere accidit Saec. III. in causa Rebatizantium. Stephanus R. P. ratione Primatus ad se pertinere arbitratus est, serpentem in Africa, atque Asia errore haereticos rebaptizandi evehere, de quo proinde Vincentius Lirinensis (in Commemoratorio l. cap. 5.) Tunc, inquit, beatæ memorie Stephanus Apostolicæ Sedis Pontifex, cum ceteris Collegis suis, sed tamen præ ceteris, restitit, dignum, ut opinor, existimans, si reliquos omnes tantum fidei devotione vinceat, quantum loci auctoritate superabat.

98. Ex quo autem Cyprianus, alique ipsi adherentes, Stephanum iniuste obtinuerant, nihil contra summam Pontificis auctoritatem erui potest: certum enim est, eos ab omni peccati labe non fuisse immunes, quamvis ab hæresi excusentur, vel quod (ut quorundam opinio est) questionem hanc ad solam disciplinam spectare putaverint, quæ varia in variis locis esse potest; vel potius quod, ut S. Augustinus loquitur (Lib. II. de Bapt. cap. 3. n. 6.), nondum illo tempore questionis hujus veritas eliquata, & declarata per plenarium Concilium solidata erat.

99. Ceterum Cyprianus hanc competere Aposto-

licæ Sedi auctoritatem manifesto confessus est. Ecclesiam enim Romanam appellat (epist. 55.) Ecclesiae Catholicae radicem, & matricem: & (ep. 55.) Petri Cathedram, atque Ecclesiam principalem, unde unitas Sacrosanctae exorta est. Neque ideo Stephanus obtinere recusavit, quod eum nullam habere in aliis Ecclesiis potestatem arbitraretur; sed quia ex errore putavit, eum sua potestate haud recte tunc uti (b).

100. Idipsum evincit factum Dionysii Alexandrini Saec. III. Cum enim invignis hic Patriarche fuisset a quibusdam vel malevolis, vel imperitis apud cognominem suum Rom. Antistitem Dionysium accusatus, quod de Filio Dei impie sentiret, fidei suae rationem eidem Rom. Pontifici reddere non detrahit, sequæ ab impacta calumnia purgare. Quo ostenditur, & Romano Pontifici fuisse persuasum de sua in ipsos etiam primi ordinis Patriarchas auctoritate, & Dionysium in eadem fuisse sententia, cum tam præclarum suæ obedientiae specimen summo Ecclesiae capiti dare non recusaverit.

101. Saeculo itidem IV. cum Athenasius Alexandrinus, Paulus Constantinopolitanus, Marcellus Ancyranus, & Asclepas Gazensis Episcopi injuste fuissent ab Arianis exautorati, jus sibi esse putarunt ad Julium R. P. confugiendi; ille vero, ut inquit Socrates (Lib. II. Hist. Eccl. cap. 15.): ex Rom. Ecclesia prærogativa liberioribus litteris communitis in Orientem remisit, singulis suas sedes restituens; vel, ut loquitur Sozomenus (Lib. III. Hist. Eccl. cap. 8.): Cum propter sedis dignitatem cura omnium ad ipsum spectaret, singulis suam Ecclesiam restituit. Ad postea sequentibus temporibus semper servatum est, & factis illustrioribus confirmatum, præsertim in causis Nestorii, Dioscori, Joannis Antiocheni, & Theodoret; nam cetera recensere nimis longum esset, nec necessarium (c).

102. Accessit denique & illa ratio communiter a Sanctis Patribus allata, scilicet constitutum fuisse in Ecclesia Primatum, ut omnis schismatis tolleretur occasio. S. Cyprianus epistol. LV. Romanam Sedem appellat Petri Cathedram, atque Ecclesiam principalem, unde unitas Sacrosanctae exorta est. S. Optatus Lib. II. contr. Pærmen. dicit in Cathedra Romana sedisse omnium Apostolorum caput Petrum: in qua una Cathedra unitas ab omnibus servaretur... ut jam schisma-

Selvaggio in *Antiquit. Christ. Inst.* Lib. I. c. 16.

(a) Vid. Cardin. Orsi in *Hist. Eccl.* Lib. V. n. 12.: Concilium Nicænum postea definivit, ut omnes Romanorum consuetudinem sequerentur. Apud Theodoretum, Lib. I. *Histor. Eccl.* c. 2.

(b) Hæc etiam controversia ad Stephani mentem deflata fuit; unde Facundus Herminienis in libro contra Marianum Stephani potius, inquit, quam Cyprianum sententiam tenet Ecclesia; non solum de non rebaptizandis hæreticis, verum etiam de rebaptizantibus non ferendi.

Gazzaniga Theol. Tom. I,

(c) Ad hæc digitum intendebat S. Gelasius Papa (qui sac. V. desinente Ecclesiam rexit) cum in ep. ad Episcopos Dardaniæ ita scriberet: Sed nec illud præterimus, quod Apostolica Sedes frequenter more majorem etiam sine ulla Synodo precedente & absolvendi, quos Synodus damnaverat, & damnandi nulla existente Synodo, quos oportuit, habuerit facultatem. In nova Concil. collectione Tom. VIII. p. 54. Confer Bossuetum V. Com. sur l'Hist. des Conc. de M. Dupin. Tom. H. Oeuv. posth. & Thomassinum Tomo I. de veteri, & nova discipl. P. I. Lib. I. cap. 8.

*smaticus, ac peccator esset, qui contra singularem Cathedram alteram collocaret; ergo Cathedra una est, quæ est prima de dotibus. S. Hieronymus Lib. I. adv. Jovinian. num. 26. de Petro inquit: inter duodecim unus eligitur, ut capite constituto schismatis tollatur occasio. Et in Dial. contra Lucifer. Ecclesie salus, inquit, in summi Sacerdotis dignitate pendet &c. Vide supra num. 95. Ac demum Gelasius Papa epist. XIV. Petrum fuisse ceteris prælatum dicit, ut capite constituto schismatis tolleretur occasio, & una monstraretur compago corporis Christi, quæ ad unum caput gloriosissima dilectionis societate concurreret. Quæ ratio utique probat Primitivum jurisdictionis, quo solo potest mitas conservari (a).*

103. Obj. 1. Apostolus 1. Cor. XII. 28., & Eph. IV. 11. omnes ecclesiasticæ hierarchiæ gradus recensens, nullam primum mentionem facit.

104. Resp. Neg. iis locis ab Apostolis agi de gradibus ecclesiasticæ hierarchiæ, alioquin debuisset etiam Episcopos, Presbyteros, & Diaconos commemorare, qui ad ecclesiasticam hierarchiam utique pertinent; Prophetas autem, virtutes, gratias curationum, genera linguarum, aliaque id genus omittere, quæ certe in gradibus hierarchiæ ecclesiasticæ non numerantur. Recenset igitur charismata Spiritus S. quibusdam Ecclesiæ membris ad ipsius dedicationem impertita. Quanquam cum ibidem Pastores nominantur, summus Pontifex implicite significatur, qui inter Pastores primum obtingit locum.

105. Inst. In laudatis locis Apostolus unitatem Ecclesiæ commendat, ex eo quod sit *unum corpus, unus spiritus, unus Dominus, una fides*, nullibi autem unius visibilis capitis meminit, quod nos ad conservandam unitatem necessariam putamus.

106. Resp. Unitatem capitis visibilis satis aperte ab Apostolo innui, cum dicit: *Unum corpus: neque enim Ecclesia esset corpus, si careret capite; neque corpus visibile, si dumtaxat invisibile caput haberet, quod est Christus.*

107. Inst. 2. Eodem cap. Eph. IV. 7. dicit Apostolus: *Unicuique nostrum data est gratia, secundum mensuram donationis Christi: nemo itaque hanc plenitudinem potestatis habet, qualem Rom. Pontifex sibi arrogat.*

108. Resp. Etiam Romano Pontifici datam esse gratiam secundum mensuram donationis Christi; majorem tamen, quam aliis Ecclesiæ Pastoribus;

ita ut hi in suis diocæsisbus tantummodo potestatem habeant; ille vero supremam, quæ ad universum Christianum orbem extenditur.

109. Obj. 2. S. Cyprianus hanc supremam Romani Pontificis auctoritatem non agnovit; nam in epist. LXXI. ad Quintum de Stephano R. P. conquerens: *Nec Petrus, inquit, . . . vindicavit sibi aliquid insolentem, aut arroganter assumpsit, ut diceret, se primum tenere, & obtemperari se novellis, & posteris sibi potius oportere.* Et in Concilio Carthaginiensi 87. Episcoporum iterum Stephanum tacite perstringens: *Neque enim, inquit, quisquam nostrum Episcopum se esse Episcoporum constituit, aut tyrannico terrore ad obsequendi necessitatem collegas suos adigit, quando habeat omnis Episcopus pro licentia libertatis, & potestatis suæ arbitrium proprium, tamque judicari ab alio non possit, quam nec ipse potest alterum judicare, sed expectemus universi judicium Domini nostri Jesu Christi, qui unus, & solus habet potestatem & præponendi nos in Ecclesiæ suæ gubernatione, & de actus nostro judicandi.*

110. Resp. ad primum, satis verisimiliter epistolam ad Quintum fuisse a S. Cypriano exaratam ante exortam de rebaptismo controversiam, videl. an. 255. eum esset de hac re ab 18. Numidiis Episcopis, post autem a Quinto Mauritanis Episcopo sententia rogatus; controversia enim cum Stephano tardius incepit, quando nempe Cyprianus ad Roman. Pontificem duas Synodos a se celebratas transmisit (b). Quod si verum est, ea Cypriani verba Stephanum R. P. non perstringunt, sed quosdam Episcopos vel in Africa, vel in Numidia, vel in Mauritania, qui Rebaptizantibus strenue resistebant; quosque Cyprianus argumento a majori ad minus urgebat, dicens: *Si Petrus, quem primum Dominus elegit, ut super quem ædificavit Ecclesiam suam . . . rationi legitimæ, quam Paulus vindicabat, facile concessit, nempe in dissidio Antiocheno (ad Gal. II.); quantum magis æquum est, ut alii Episcopi, qui nulla dignitatis prærogativa eminent, cæteris consentiant?*

111. Quia tamen de epocha hujus controversiæ Historici non omnino conveniunt, ideo dico secundo, si verba illa ad Rom. Pontificem tacite carpendum directæ fuerant, id factum a Cypriano fuisse, non quod negaverit, Stephanum supremam auctoritatem in Ecclesia polleere, sed quod existimaverit, eum fuisse sua auctoritate intemperanter ab-

bu-

(a) Aliqui inter Protestantes hanc necessitatem agnovimus, uti Grotius in voto pro pace Eccl. ad art. 7. Tom. IV. Opp. p. 658. edit. Basil. 1732., & in Disscuss. Rivetiani Apologietici p. 695. Leibnitiis etiam in ep. VIII. ad Jo. Fabricium Tom. I. ep. p. 15. edit. Lips. 1734. Quum Deus, inquit, sit Deus ordinis, & corpus unius Ecclesiæ Catholice, & Apostolica una regimine, hierarchique universali continendum juris

divini sit, consequens est, ut ejusdem sit juris supremus in eo spiritualis magistratus terminis se justis continens (hæc verba nunc addo) directoria potestate, omniæ necessaria ad expendendum munus pro salute Ecclesiæ agendi facultate instructus. Similes Protestantium confessiones videri possunt apud P. Ignatium Finim Ord. Præd. in T. II. Scholæ veritatis orthodoxæ.

(b) Vid. Vita S. Cypriani Parisiæ præmissa §. 30.

busum, eiq̃ue propterea non esse in eo casu obtemperandum.

112. Sicuti (epist. 68.) etiam Stephano, qui Basilideam, & Martiale sententia Synodali Episcopatu exautoratus restituerat, minime obsequendum duxit; non quod Romanum Pontificem Synodo Provinciali superiore non existimaret, sed quia eum fraudibus circumventum, & deceptum fuisse cognoverat; unde concludit: *Neque enim tam culpandus est ille, cui negligenter obrepum est; quum hic execrandus, qui fraudulenter obrepit.*

113. In secundo autem loco etiam manifestus apparet, S. Cyprianum loqui de Episcopis in Concilio tunc congregatis, quibus omnem concedi volebat libertatem ea proferendi, quæ sentiebant; præcipue cum res per se obscura esset, & nondum eliquatissima perfectione discussa; quod etiam fuit a S. Augustino observatum, dum hæc ipissima verba expendere (Lib. III. de Bapt. cap. 3. Tom. IX.). Certe non alia esse potuit S. Cypriani mens, nisi fingere velimus, eum ita independentes fecisse Episcopos, ut non solum Romano Pontifici obedientiam præstare non tenerentur, sed nec Metropolitans, nec Primatibus, nec ipsis plenariis Synodis; quod plane esset anarchiam in Ecclesiam invelhère, totque constituere Ecclesias, quot Dioceses. Certe in his omnibus non ita voluit S. Cyprianum excusare, quin cum S. Augustino fateatur, ipsum paulo commotiorem fuisse in Stephanum R. Pontificem, hoc tamen ipsius peccatum fuisse postea gloriosa martyrii falce purgatum. Unde etiam Lib. V. de bapt. capit. 55. *quæ in Stephanum irritatus Cyprianus effudit, præterite melius iudicavit (a).*

114. Dices. Ex verbis secundo loco objectis constat, Stephanum fuisse a Cypriano vocatum *Collegam*; imò idem Sanct. Martyr (epistol. LXXVIII.) etiam Cornelium Stephanus prædecessorem eodem *Collegæ* nomine appellat; at vero quis nesciat, *Collegæ* titulum æqualitatem importare? ut etiam colligitur ex Ulpiano dicente (*De verborum significatione* lege 175.) *Collegarum appellatione hi continentur, qui sunt ejusdem potestatis.*

115. Respond. *Collegas*, teste Varrone (*de lingua latina*) eos proprie dici, qui una lecti sunt ad aliquod officium: quomobrem hoc nomen plerumque ad æqualitatem significandam usurpari solet; hoc tamen non impedit, quominus hoc nomen aliquando in latiore significatione etiam inter inæquales usurpetur, quod multis exemplis posset declarari. Scimus enim ex Cicerone (Lib.

IX. *epistol. ad Atticum* *epistol. 16.*), & ex Plinio (in *Panegyrr. ad Trajanum*) etiam Prætores fuisse a Consulibus *Collegas* appellatos, quamquam illis erant dignitate multo inferiores (b). Eadem ratione potuit Cyprianus Romanos Pontifices minus proprie appellare *Collegas*; quatenus eodem cum ipsis officio fungebantur, quamquam auctoritate longe dispari. Sic etiam accipiendum est nomen *fratris*, quod nonnumquam Romanis Pontificibus tributum legitur, quamvis multo frequentius Romanos Pontifices appellatos inveniamus *Beatissimos Patres, Patres Patrum, summos omnium Præsulum Pontifices Maximos* (c), ut nihil dicam de aliis præcipuis titulis Apostolicæ Petri Cathedralis antiqua Patrum traditione collatis. Vid. sup. num. 95.

116. Obj. 3. Episcopi passim a sanctis Patribus vocantur *Successores Apostolorum, & ipsius S. Petri, imò & Vicarii Christi*. Nam S. Hieronymus (Epistol. LIV.) *Apud nos, inquit, Apostolorum locum Episcopi tenent; & Epistol. I. Non est facile, inquit, stare loco Pauli, tenere gradum Petri.* Et S. Gaudentius Brixienensis (Serm. I. in die suæ ordinat.) vocat S. Ambrosium *Petri successorem*: æqualis est igitur omnium Episcoporum potestas, adeoque &c.

117. Resp. Episcopos recte dici *Successores Apostolorum* in potestate Episcopali, certis tamen limitibus coarctata, non æque extensa, ac Apostolis fuit. Hi enim a Christo missi sunt ad omnes gentes in mundum universum cum plenitudine potestatis. Episcopi autem positi sunt a Spiritu S., ut peculiaris alicujus gregis curam gerant: unde iis dictum a Petro est 1. *epistol. V. 2. Pascite, qui in vobis est, gregem Dei.* Rursus quemadmodum Apostoli, quamquam plenitudinem potestatis a Christo immediate acceperint, Petro tamen, ut centro unitatis, subjecti erant; ita alii Episcopi, etiamsi immediate a Deo suam auctoritatem sortiantur, Romano tamen Pontifici tanquam capiti obtemperare debent. Porro si aliquando Episcopi dicti sunt *Successores Petri*, id accipiendum est de sola auctoritate Episcopali, in qua omnes Episcopi, ut ceteris Apostolis, ita & Petro succedunt; non autem de potestate Petri tanquam Apostolorum Principis, & Capitis, quæ ad solum Rom. Pontificem derivatur. Sic etiam quandoque alii Episcopi appellantur *Vicarii Christi*, sed non cum amplissimo jure, quod Petrus habuit, ejusque Successores ab eo accipiunt.

118. Inst. Episcopi dicuntur a Sanctis Patribus *universalis Ecclesiæ curam, & sollicitudinem habere*; & nullus est titulus Rom. Pontificis proprius,

(a) Legatur etiam ep. CVIII.

(b) Vid. Cujacius de *Jurisdictione ad Leg.* 14.

(c) Mirum est, autorem damnati illius libelli *Quid est Papa?* scribere, seu potius somnari potuisse, ante sæculum Ecclesiæ nomen, Episcopos cum *Papæ* scriberent, uros non fuisse, nisi fratris titulo. Hanc ob-

scuram opellam, sed Sanctæ odio Sedis Apostolicæ apud multos divulgatam egregie confutatam habemus a doctissimo, aliisque multis editis libris celebratissimo P. Thoma M. Mamachio sub assumpto nomine *Pisti Alethini* Epistol. II.

prius, qui aliis etiam Episcopis tributus non fuerit: unde Hormisdas P. M. ita Epiphanium Episcopum Constantinopolitanum alloquitur (epist. LXXVII.): *Similem fidei curam gerentes . . . par studium sollicitudinis assumentes &c.* Et ante Hormisdam S. Basilium M. Athanasium compellans, tantam, inquit (epistola ILL.), *geris curam omnium Ecclesiarum, quantum ejus, quæ tibi peculiariter a Domino credita est (a).*

119. Resp. Hæc sæpius dicta fuisse, non quod omnis Episcopus possit, aut debeat Ecclesias aliis commissas cum potestate administrare (sacris enim canonibus semper cautum fuit, ne unus in alterius messem falcem immittat, solique Romani Pontifices in universa Ecclesia potestatem exercere consueverunt); sed quia caritatis vinculo unitis alii opem ferre debet in edificationem corporis Christi. Hinc celebre est in Hist. Eccles. S. Epiphanii factum, qui in Monasterio Beilhehemico Monachum aliquem, quamvis reluctantem, Diaconum, & Presbyterum ordinavit; cum autem Joannes Episcopus Jerosolymitanus in Epiphanium, tanquam violatæ Ecclesiasticæ disciplinæ reum, vehementius excaudesceret, respondit ei Epiphanius, se id non ex auctoritate, sed ex caritate fecisse: *Nam etsi, inquit, singuli Ecclesiarum Episcopi habent sub se Ecclesias, quibus curam videntur impendere; & nemo super alienam mensuram extenditur; tamen præponitur omnibus caritas Christi (b).*

120. Vel etiam dicuntur Episcopi universales Ecclesiæ curam gerere, quatenus omnes simul non divise, sed collectivè accepti, universalem Ecclesiam gubernant; unde illud S. Cypriani (de unit. Eccles.): *Episcopatus unus est, cujus pars a singulis in solidum tenetur; dum enim singuli suam partem colunt, omnes simul totam Ecclesiam curant.*

121. Vel demum, quia omnibus pro sua parte universalis fidei puritas commendatur; in quo omnium par debet esse zelus, studium, & diligentia, licet par non sit auctoritas: quo postremo sensu verba Hormisdæ sunt. Hinc S. August. (in Libro I. contr. epist. Pelag. c. 1.) Bonifacio Romano Pontifici ita scribebat: *Communis est nobis omnibus, qui fungimur Episcopatus officio (quamvis ipse in ea præmineas celsiore fastigio) specula pastoralis.*

(a) Eademque fere repetit Orat. XXI. de eodem Athanasio inquit: *Cum Alexandrinæ populo præfatus fuisset, idem est, ac si universo terrarum orbi præfatus fuisset.* S. etiam Gregorius Nazianzenus Orat. XVIII. in laudem Cypriani dicebat, quod Episcopus universalis fuerit; quod non Carthaginensi tantum Ecclesie, nec Africa, veram occidui omnibus regionibus, ac prope etiam orientali omni, atque australi, & septentrionali ora præfatus fuerit. Hinc nonnulli ipsorum vocati sunt Episcopi Episcoporum. Hoc titulo Sidonius exornavit Iulium Episcopum Tricassianum Lib. VI. epist. 1. . . Ennodius etiam Lib. I. Carin. 15. Sandum Am-

122. Obj. 4. S. Athanasius dicitur toti Ecclesiæ leges dedisse. Ita enim S. Gregorius Nazianzenus de eo scribit (Orat. XXI.) *leges orbe terrarum præscribit, atque omnium mentes ad se convertit, aliis epistolas mittens, alios accersens, nonnullos etiam ultro accedentes erudiens.* Hinc Synodum Antistitum, qui ejus ditius minime subiecti erant, aliquando coegit, ut patet ex titulo Alexandrinæ Synodi: *Athanasius, ceterique Episcopi, qui Alexandria ex Italia, Arabia, Ægypto, & Lybia hic adsunt &c.* Si id licuit Athanasio, cur aliis idem non licebit? Ut proinde omnium sit Episcoporum par auctoritas.

123. Resp. ad primum, id esse intelligendum de legibus, quas S. Athanasius doctrina sua, & scriptis, non autem auctoritate toti orbi præscripsit, pro fidei, ac Religionis puritate strenue contra hæreticos dimicavit.

124. Ad 2. Episcopi ad Synodum Alexandrinam ex variis mundi partibus convenerunt non S. Athanasii auctoritate coacti, sed sponte, ut ei pro causa Fidei laboranti optularentur, majoremque Synodo auctoritatem, ac venerationem conciliarent.

125. Obj. 5. Romanus Pontifex appellari non potest Episcopus universalis; nam S. Gregorius M. postquam Joannis Jejunatoris Constantinopolit. Patriarchæ temeritatem compressit, qui hoc sibi nomen arroganter tribuebat, inquit, hoc esse blasphemix nomen (Lib. V. ep. 20. alias Lib. IV. ep. 52.), nec a Romanis Pontificibus illud usurpari consuevisse: & alibi (epist. 18. Lib. V.), *Namquid, ait Joannem alloquens, non sicut vestra Fraternitas novit, per venerandum Chalcedonense concilium hujus Apostolicæ Sedis Antistes, cui Deo disponente deservio, universals oblatio honore vocati sunt? Sed tamen nullus unquam tali vocabulo appellari voluit, nullus sibi hoc temerarium nomen arripuit.* Eadem repetit epist. 20. circa finem.

126. Resp. Hæc a Gregorio M. fuisse dicta, non ut supremæ Romani Pontificis auctoritati quidquam detraheret, sed ut Joannis præsumtionem coerceret. Quod ut recte intelligatur, sciendum est, duplici sensu aliquem dici posse Episcopum æcumenicum: primo ut ipse solus sit totius orbis Episcopus, & hic est illius vocis sensus obvius, quomodo olim Imperatores æcumenici appellari voluerunt, ut significarent, se toti orbi solos im-

pe-

brosium Episcopum Episcoporum appellavit.

(b) Etiam S. Athanasius teste Socrate Lib. II. cap. 24. per Pelinrium iter faciens Alexandriam . . . in quibridam Ecclesiis ordinationes fecit. *Qua res alterius adversus illum erminationis unum præbuit, propterea quod in aliorum Ecclesiis ordinare tentasset.* Et Eusebius Samosatensis, Theodoro referente Lib. V. Hist. Eccl. cap. 4., Antiochie Vitalem ordinavit Episcopum; Aecium autem Beræ constituit; Hierapoli Theodorum; Chalcedi Eusebium; & Cyro Isidorum, tam & Enlegium Edesse, ac denique Marim Dolichie. Sed hujusmodi facta particularia, & insueta nullum præju-



perare : & etiam hoc sensu Concilia totius Ecclesie æcumenica nuncupare consueverunt. Secundo ut aliis omnibus Episcopis dignitate, & auctoritate in toto mundo præcellat, quo sensu in actis Concilii Chalcedonensis Episcopi æcumenici titulus fuit S. Leonii tributus. Jam vero Gregorius M. negavit, licuisse Joanni Constantinopolit. titulum Episcopi æcumenici aliquo ex his sensibus usurpare; non primo, quia, ut ibi inquit (Lib. V. epist. 18.), si unus Patriarcha universalis dicitur, Patriarcharum nomen ceteris derogatur (a); non secundo, quia in solum Romanum Pontificem hæc universalis in Ecclesia dignitas, & potestas ex Petri successione dimanavit; quapropter ille solus etiam hoc titulo decorari consuevit; quancumque Romani Pontifices eo uti voluerint, non quia non possent, sed ut modestiæ aliis præberent exemplum (b), vel ne titulus per se æquivocus in peiorem partem traheretur.

127. Inst. cum P. Maimbourg. in *Vita Sancti Gregorii* Libro II. 2. Cum Joannes vir esset omnium virtutum laude cumulatus, quem propterea Græci, ut sanctum colunt (die 25. August.), non est verisimile, titulum Episcopi æcumenici priori sensu usurpasse, qui plane absurdus est. Insuper non primus fuit Joannes Jejunator, qui hunc sibi titulum usurparet, sed tres ante eum ita appellatos fuisse novimus, scilicet Joannem Cappadocem, Epiphanium, & Sancti. Menam; imo reperitur etiam in quadam Justiniani lege (c): atqui Sancti. Gregorius eodem prorsus sensu negat Roman. Pontificem Episcopum universalem appellari, quo Joannes post suos prædecessores appellari ambiebat. Accedit, quod cum Eulogius Alexandrianus Episcopus Sancti. Gregorio scribens,

dicium afferunt Primatum Rom. Pontificis, ejus jura in universa Ecclesia sine ulla controversia exercentur.

(a) Idem repetit S. Gregorius in Epist. ad Eulogium, eum rogans, ne ultra hunc titulum universalis Episcopi sibi tribuat, quia vobis subtrahitur, inquit, quod alteri, plusquam ratio exigit, tribuitur. Hinc etiam Leo IX. circa medium Sec. XI. ep. 1. ad Michaelen Episc. Constantinopol. scribebat de Gregorio M. superbum refutavit vocabulum (nempe universalis Episcopi), quo videbatur per dignitas subtrahi cunctis per orbem præfatis, dum uni ex toto arrogaretur. Ceterum, ut res ipsa perspicue intelligatur, opportunum erit ex Historia Ecclesiastica breviter adnotare, in Concilio generali Constantinopol. anno 481., fuisse constitutum, ut Constantinopolitanus habeat honoris primatum post Romanum Episcopum, propterea quod urbs ipsa sit junior Roma; cum antea simplex esset Episcopus, Hæcæleni in Thracia Metropolitane subiectus. Imo postea Concilio Chalcedonensis Patres canone 28. Sanctissimi mox Romæ (nempe Constantinopolis) (throno aequalia privilegia tribuerant iis, quibus Romani Pontifices fruebantur. Hinc coeperunt Patriarchæ Constantinopolitani etiam titulum Episcopi universali ambire, qui fuerat in eodem Concilio Chalcedonensi S. Leonii tributus. Porro Romani Pontifices novæ huius dignitatis Ecclesie Constantinopolitane diu restiterunt; donec tandem sub Innocentio III. in Concilio Lateranensi IV.

eum Episcopum universalem appellasset, S. Gregorius enim acriter reprehendit; non est autem ullo modo verisimile, Eulogium voluisse hunc titulum S. Gregorio in pravo sensu tribuere.

128. Respond. Utiq. mihi persuasum est, Joannem nunquam adeo desipuisse, ut se Episcopum æcumenicum eo sensu appellari vellet, quo aliis omnibus esset dignitas Episcop. adempta; sed Sancti. Pontifex non tam internum, quam externum illius vocis sensum notabat, & propterea negabat, jus esse Constantinopolit. Episcopo eo titulo uti, quia ex obvio & externo illius vocis sono ceteris omnibus præjudicium inferebatur; unde subdit, nec Pontifices Romanos, quamvis vere Episcopi universales essent, idest omnium Ecclesiarum Antistites superiores, eo tamen titulo uti voluisse, ne honore debito privarentur universi; scilicet ne aliqui incaute talem esse illius vocis significatum putarent, ut exclusis omnibus, unus sit Roman. Pontifex in Ecclesia Episcopus. Quancumque hoc titulo Episcopi universali Ecclesie Leonem Magnum usum esse, notant Baronius (ad ann. 595. n. 51., & seq.) & Concilio Roman. (ad dist. 99. cap. 5.) (d).

129. Quidquid demum sit de tota hac controversia, illud certum est, Sancti. Gregorium jura sui Primatus in universa Ecclesia agnovisse. Nam in epistola 12. Libro IX. aperte dicit, a nemine dabitari, Ecclesiam Constantinopolitanam Sedi Apostolicæ esse subiectam. Et in epistola 59., si quæ culpa, inquit, in Episcopis invenitur, nescio quis Sedi Apostolicæ Episcopus subiectus non sit: cum vero culpa non exigit, omnes secundum rationem humilitatis æquales sunt. Ac demum epist. 45. Libri XIII. Sedem Apostolicam ap-

primus locus post Romanum Pontificem Constantinopolit. Patriarchæ concessus est. Vid. Natal. Alexand. Dissertatio XXVII. in Sezione IV., aliq. passim Historici.

(b) Jo. Diaconus in vita Sancti Gregorii Magni Lib. II. cap. 1. dicit, hunc Pontificem episcopi tunc se inscribere *Servum servorum Dei, cunctisque suis successoribus conferentium sui humilitatis hereditarium reliquisse*. Confer Lud. Thomassinum in veteri & nova Ecclesie Discip. Lib. 1. capitulo 9.

(c) Vid. Thomassinum veteri & nova Ecclesie discip. P. I. Lib. I. cap. 11.

(d) Ceterum, quod nonnulli dicunt, jam ante Joannem tres Patriarchas Constantinopolitanos eo titulo fuisse insignitos, non falsum omnino a S. Gregorio respuitur, qui iidem in pluribus epistolis Joannem rearguit, quod novum sibi nomen assumpserit. Imo Pelagius II. Sancti Gregorii prædecessor, hanc ipsam temerariam nominis novitatem Joanni objicit. Hinc Baronius, qui nulli alii eruditio subseribunt, suspensus est ad ann. 518. n. 14., hunc titulum Episcopi æcumenici post exortum cum S. Gregorio controversiam, fuisse in nonnulla Synodorum acta adulterina manu intrinsum, quod item etiam de Justiniani lege fortasse dici potest. Consule Card. Ursinum Lib. XLIV. Hist. Ecclesie n. 57.

appellat omnium Ecclesiarum caput; a qua prout de omnium Episcoporum causis audiri, ac dirimi possunt.

150. Inst. 2. Apud Gratianum (Deer. P. I. dist. 99, capitulum 3.) ita decernitur: *Primæ sedis Episcopus non appelletur Princeps Sacerdotum, vel Summus Sacerdos, aut aliquid huiusmodi; sed tantum primæ Sedis Episcopus; & postea additur: Universalis autem nec etiam Romanus Pontifex appelletur.*

151. Respond. Hoc canone quorundam Africanorum fastum fuisse compressum, qui se super his titulis inscribent; non autem Romanum Pontificem indigitari, de quo in eo loco nulla esse poterat intentio; cum huiusmodi canon pro disciplina in Africa constituenda editus sit in Concilio Africano anno 357. Id patet etiam ex verbis adiectis, quæ non sunt canonis, sed Gratiani postea explicantis, quo sensu Rom. Pontifex *universalis* non sit appellandus, adductis Epistolis Pelagii II. (a), & S. Gregorii, quæ, ut mox videbimus, ad reprimeudam Joannis Jesuitarum superbiam novitatem exaratas sunt.

152. Obj. 6. Can. sexto concilii Nicæni sola tribuitur Romano Pontifici potestas in Ecclesiis suburbicariis, quæ scilicet non plus quam centum mille passuum ab urbe distabant; quemadmodum etiam Alexandrinus Patriarcha Egypto præerat, ita enim habet canon ex versione Ruffini (Lib. X. Hist. Eccl. cap. 5.): *Ut apud Alexandriam, & in urbe Roma vetusta consuetudo servetur, ut vel ille Egypti, vel hic suburbicariarum Ecclesiarum sollicitudinem gerat.*

153. Resp. Ruffini interpretationi esse aliam Dionysii Exigui præponendam, quæ sic habet: *Antiqua consuetudo servetur per Egyptum, Lybiam, & Pentapolim, ita ut Alexandrinus Episcopus harum omnium habeat potestatem; quia & urbis Romæ Episcopo parilis mos est: ubi nulla est suburbicariarum Ecclesiarum mentio. Et quidem facile esset Ruffini in interpretando inscitiam, vel malitiam pluribus argumentis ostendere (b). Jam vero posita hac lectio, videtur, Concilii mentem in eo canone condendo hanc fuisse*

se, ut solum consideraret eam potestatem, quam Romanus Pontifex in Provinciis sibi immediate subjectis, tanquam Metropoli, vel occidentis Patriarcha exerceat, ex eaque argumentum traheret ad confirmandam similem potestatem, quæ Episcopus Alexandrinus Egypto, Lybiæ, & Pentapoli præerat, contra Meletium, qui Patriarchæ suo parere detrahebat.

154. Quod si etiam quis contendat, ex Ruffino hanc R. Pontificis potestatem ad solas Ecclesias suburbicarias fuisse restrictam, parum interest: semper enim verum est, ibi non esse sermonem de Primatus potestate, quæ extenditur per totam Ecclesiam, sed de Metropolitica, vel Patriarchali, quæ certis limitibus coarctatur (c).

155. Obj. 7. Si aliqua competit Romano Pontifici dignitatis prærogativa, ea non est juris divini, sed vel ab Ecclesia, vel ab Imperatoribus propter dignitatem urbis Romanæ, quæ caput erat mundi, ei attributa. Nam primo. Patres Nicæni in laud. mox can. 6. (d) ita decreverunt: *Ecclesia Romana semper habeat primatum.* Secundo Patres synodi Chalcedonensis canone 28. postquam Constantinopol. Episcopo Patriarchica iura attribuerunt, hanc subiiciunt rationem: *Et enim antiquæ Romæ throno, quod urbs illa imperaret, jure Patres privilegia tribuerunt.* Tertio etiam Valentinianus III. propter urbis prærogativam Rom. Pontifici Primatum attributum voluit, ut constat ex Novella ipsius, ubi inquit: *cum igitur Sedis Apostolicæ Primatum sancti Petri merium, qui Princeps est Episcopalis coronæ, & Romanæ dignitatis civitatis, sacre etiam Synodi firmaverit auctoritas &c.*

156. Resp. ad 2. Quoniam illa verba: *Ecclesia Romana &c.* non inveniuntur in canone sexto concilii Nicæni, prout modo legitur in collectionibus Conciliorum, Patres tamen Concilii Chalcedonensis Nicænum illum canonem allegantes ea etiam verba recitarunt; sed non, ut legit Quesnellus: *Ecclesia Romana semper habeat Primatum:* quasi tunc primum illi hæc suprema dignitas collata sit: sed: *Ecclesia Romana semper habuit primatum:* ut sensus sit, Primatum di-

(a) Quam tamen Pelagii II. epistolam inter spurias Isidori merces rejiciendam esse probat Papebrokin in *Propyleo Mail.*

(b) Vid. Nat. Alex. Diss. XX. in Sæc. IV. prop. 2. resp. 2. ad 1. objeçt.

(c) Quoniam ex hoc ipso canone supremam Rom. Pontificis in universa Ecclesia dignitatem, & jurisdictionem a Patribus Concilii Nicæni agnitam, & confirmatam, perique putant. Certe Paschasius Apostolicæ Sedis in concilio Chalcedonensi Legatus hunc eundem canonem ad prohibendum Rom. Pontificis Primatum allegavit, dicens Ad. XVI. *Trecentorum decem & octo Sanctorum Patrum canon sextus, quod Ecclesia Romana semper habuit primatum.* Porro Indices relictio prius canonis Concilii Nicæni, & consilii Patribus, hunc Paschasii pronunciato totam Synodum assensit declaravit, dicentes: *Ex his quæ gesta sunt, & ab uno-*

quoque deposita, perpendicularis, omnes quidem Primatum, & honorem præcipuum secundum canones Romæ antiquæ Dei amatissimo Archiepiscopo conservari. Ulterius hunc ipsum canonem ad tuendam supremam Apostolicæ Sedis auctoritatem contra Acacium, aliosque Orientales inobedientes allegavit Gelasius I. in *epist. ad Orient.*, & ante Gelasium ipsius fecerat Bonifacius I. in *epist. ad Episcopos Thessaliæ*, quam Holstenius edidit. Tunc autem huius canonis præmissa erant hæc verba: *Ecclesia Romana semper habuit primatum.* Quæ tamen addita fuisse, nonnulli putant. Sed de obscuro hoc canone confer Nat. Alex. Diss. XX. in Sæc. IV., & Andoæ ab eo citatos; ac præt. Dugnet *Conferences Ecclesiastiques* Tom. II. Diss. 58. nec non Van-Espen in scholio ad hunc canonem.

(d) Prout legit Quesnellus ex MS. Oxoniensi in Codicem canonum, & Constitutorum Ecclesiæ Romanæ.

divino jure, non humana institutione fuisse Ecclesiam Romanam concessum. Ita habent codices antiquiores, & meliores, ut Colbertinus (olim Thuauius) Atrebatensis, duo Viudobonenses, Hardyensis, Fossariensis, & plures alii laudati a Constantio (a).

137. Ad 2. Respond. Nullam esse illius canonis Chalcedonensis auctoritatem, quoniam S. Leo cum tota Ecclesia Occidentali reprobavit. Imo & Graeci ipsi nullam ipsius postea rationem habuisse visi sunt; nam perantiquae ipsorum collectiones eum omittunt (b). Porro S. Gelasius (in epist. 3. ad Episcopos Durliniae), ut ostendat, quantum a vero abhorreat, privilegia Romanæ Sedi propter urbis dignitatem a Patribus fuisse collata, haec inter alias rationem affert; quia etiam Mediolanum, Ravenna, Sirmium, Treviri, & Nicomedia multis temporibus sedes Imperatorum fuerunt, nec tamen legimus, fuisse propterea eos thronos peculiari aliqua prerogativa distinctos. Et S. Leo (in epist. CIV. alias 78. ad Marcianum) *Habeat, inquit, sicut optamus, Constantinopol. civitas gloriam suam. Alia tamen ratio est rerum secularium, alia divinarum, &c.* (c).

138. Ad 3. Resp. satis probabiliter iis verbis innuit, Primatum fuisse Rom. Pontifici collatum principaliter propter Petri meritum, hoc est quia S. Petri Apostolorum Principis successor est, quamvis etiam propter Romanæ dignitatem civitatis idipsum accipere meruisset. Quod vero subditur: *Sacrae etiam Synodi firmaverit auctoritas*, nobis minime officit; significat enim Synodos confirmasse, quod jam Apostolica S. Petri auctoritate fuerat constitutum (d).

139. Alii tamen contendunt, Valentianum locutum esse non de Primatus dignitate, sed de iuribus patriarchalibus Rom. Pontificis, quæ sarta, textaque servari jussit contra Hilarii Arelatensis præsumptionem. Is enim apertis S. Leonis mandatis extra provinciam suam limites Episcoporum ordinationes, & depositiones sibi arrogabat, ne-

que Ecclesiastica solum potestate, sed ad id vi etiam, & armis abutebatur, quod certe in viro. alioquin vitæ sanctitate commendato non exiguum nævus fuit. Porro Rom. Pontifex Valentianum Imperat. excitavit, ut auctoritate sua sacros canones defendens, Hilarium ad officium revocaret; quod & factum est, & pax redintegrata.

140. Obj. 8. Si Rom. Pontifex Primatu jurisdictionis in Ecclesia polleteret, posset nunquid ad ipsum a quocumque Episcopali, vel Synodali iudicio appellare; atqui id sæpius vel a Sanctis Patribus, vel etiam a Cœcilis improbatum scimus (e): ergo &c.

141. Resp. usum rerum perpetuo in Ecclesia tam occidentali, quam orientali fuisse appellationes ad Apostolicam Petri sedem comprobatus. Id superius multis exemplis demonstravimus, & potuisset multo pluribus confirmari. Si qui vero sancti Patres, vel si quæ Synodi id improbare videntur, non de usu, sed de abusu, & nimia facultate intelligi debent. Nam huiusmodi appellationum abusus sacrarum canonum vigor infringebatur; ob locorum enim distantiam aliquibus fraudulentis, & veteratoribus facilius erat decipere Romanum Pontificem; itaque meritis criminum suorum pœnas evitare (f).

142. Obj. 9. Justinianus Imperator appellat Ecclesiam Constantinopolitanam omnium aliarum caput (Lib. I. Tit. I. §. 25.). S. autem Avitus (epist. 7.) duos Pontifices Romanum, & Constantinopol. dicit esse veluti geminos Apostolorum Principes: & Patres Synodi Trullanæ æqualibus privilegiis utriusque urbis Episcopos fuisse dixerunt.

143. Resp. ad primum, id esse restringendum ad Ecclesias orientales, in quibus post Concilium Constantinopol. I. illa Ecclesia primum locum obtinuit; sed Ecclesia Romana a Conc. Trident. sess. VII. can. 3. de Bapt. vocatur omnium Ecclesiarum mater, & magistra; quod iterum repetitur sess. XXII. cap. 8. (g).

144. Sanctus autem Avitus duntaxat Patriarchæ

(a) Tom. I. epistol. Roman. Pont. Vid. etiam Tom. III. S. Leonis editionis Ballerianæ pag. 51. num. 32.

(b) Quamvis postea fuerit in Synodo Trullanæ renovatus can. 36. atque ex eo tempore a Grecis inter alios canones numeratus.

(c) Reſſe S. Thomas in opusculo XVI. alias XIX. Contra impugnantes Dei cultum, & religionem cap. 3. Papa, inquit, immediatam jurisdictionem in omnes Christianos, quia Romana Ecclesia nullis Synodis constituitur ceteris Ecclesiis prælata est, sed Evangelica voce Domini, & Salvatoris nostri primatum obtinuit, ut habetur in decretis. Dist. XXI. cap. Quamvis.

(d) In Concilio Constantiensi damnata est illa propositio Joan. Hus. n. q. Papalis dignitas a Cesare inſoluit, & Papa perfectio a Cesare potentia emanavit. Et Martinus V. in sua Constitutione, quam sacro approbante eodem Concilio edidit, omnino jussit, ut qui ab hæresi Hussitarum ad Ecclesie sinum revertebantur, inter alia cohererentur, *Papam canonicè electum, qui pro tempore fuerit, esse successorem B. Petri, habentem supremam auctoritatem in Ecclesia Dei.*

(e) Inter alia Concilium Carthag. an. 419. ab Episcopis 217. una cum Apost. Sedis Legatis celeb. can. 28. hæc habet: Ad transmarinam autem qui putaverit appellandum, a nullo intra Africam ad communionem recipiatur. Quæ verba ita commentatur Guil. Beveregius: Ezimium argumentum est, Papam Rom. nec caput Ecclesie esse, nec summum Ecclesiasticarum causarum iudicem, quem Episcopo, aut Clerico in sua Provincia condemnato appellare liceat. Sed fallitur Beveregius. Quis enim simili argumento colligat, Principem non esse caput regni, supremumque causarum iudicem, ex quo a quorundam iudicium sententia ad ipsum appellare minime liceat? Unde in codice Lib. VII. tit. 75. dicitur: Quorum appellationes non recipiantur.

(f) De hac materia accurate periradare nimis longum foret. Vid. Natalis Alexander Dissert. XXVIII. in Sæc. IV., & Ballerini in Tom. II. Oper. Sancti Leonis pag. 919. & seq.

(g) Photius, ut aliquam inſidiosam sui schismatis causam prætexeret, effutire non est veritus, quando de

Constantinopolitano primum locum concedit post Rom. Pontificem, cui Primatum in tota Ecclesia sæpius in suis operibus tribuit, sicuti etiam in fragmentis vocat S. Petrum Apostolorum caput, idest Principum Principem. Et sic pariter Patres Trullani nonnisi secundum locum Episcopo Constantinop. tribuerant, ut qui secundus post illum, inquit, scilicet post Romanum Pontificem.

145. Obj. ult. Si Rom. Pontifex Primatum in universa Ecclesia obtineret, illud consequeretur, Joannem, aliosque Apostolos, qui Petro superstites fuere, debuisse Lino, vel Clementi parere; hoc vero plane absurdum videtur.

146. Resp. Cum P. Mich. Le Quien (*Panopl. contr. Græcos* in prolis. n. 17.) nulla ratione id absonum esse. Nam etsi Joannes, ut Apostolus Christi, nulli non genti destinatus, singularique adeo Spiritus Sancti munere, & in-

stinctus perfusus, cuicumque orbis Episcopo præcellebat, alia tamen ratione Petri successor, tanquam unius visibilis Ecclesiæ visibili vertici suberat, ne sancita a Domino unitas, & status ordo interverteretur.

147. Et hæc satis sint contra Heterodoxos protuendo Primatu jurisdictionis, & auctoritatis, quem omnes Catholici communi, concordique consensui Romano Pontifici tribuunt. Instituti autem præsentis nostri ratio non patitur, ut quæ inter Catholicos ipsos salvo pacis vinculo jamdiu agitantur, controversias pertractemus; an scilicet Rom. Pontifex fidei, morumque quæstiones ex cathedra definiens infallibilis sit; & an auctoritatem habeat œcumenicis Conciliis, imo Ecclesiæ universæ superiorem. Hoc enim loco solum volumus Catholicum dogma contra Hæreticos vindicare.

Romana Urbe Imperatores Constantinopolim vult translati, tum & primatum Romanæ Sedis ad Constantinopolitanam Ecclesiam transmigrasse, & cum dignitatibus regis Ecclesiæ Romanæ privilegia translata fuisse. (Apud Nicolaum I. in epist. ad Episcopos Galliarum,

7.) Quæ absurda schematici hominis sententia vel sola omnis error consuetudine refellitur, quæ constat, Rom. Pont. in toto etiam Oriente Primatus jura exercuisse, quibus Patriarchæ Constantinop. in Ecclesiâ Occident. nunquam usi sunt, aut uti potuerunt.

FINIS TOMI PRIMI.

